


Νyεmε Jοrε Kαdasi



The New Testament in Anufo (Chokosi)

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source files dated 29 Jan 2022
fe36d0e6-2a60-5e15-8d1c-8bf275389598

Contents

MATIO	1
MARAKO	46
LUKA	73
YOHANE	120
SAYOOWAM	151
ROMAFOM	195
1 KORINTOFOM	216
2 KORINTOFOM	235
GALATIYAFOM	248
EFESOFOM	255
FILIPYAFOM	262
KOLOSİYAFOM	267
1 TESALONIKAFOM	272
2 TESALONIKAFOM	276
1 TIMOTI	279
2 TIMOTI	285
TITOSI	289
FILEMON	292
HIBURUFOM	293
YAKOBO	309
1 PETORO	314
2 PETORO	320
1 YOHANE	324
2 YOHANE	329
3 YOHANE	330
JUDA	331
SAYIKEREWA	333

Labari kpa n bo MATIO akerε i ni

Kabo ba kere Yesu nam дума барасu ni

¹ Ahin дума kereεwam kere ti Yesu Kristo nam busu wɔ, fiteeri Abraham kɔ tu Feme Davidi fa ba juuri sanɔa bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jakɔbu, na Jakɔbu awu Yuda ni i niemam, ³ na Yuda awu Faresε ni Zara bo bu ni yo la Tama ni, na Faresε awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemɔ, ⁵ na Salemɔ awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Feme Davidi ni.

Tɔ, na Feme Davidi awu Feme Solomon bo i ni yo la Yuriya yi ni, ⁷ na Feme Solomon gusu awu Feme Robowam, na Feme Robowam awu Feme Abiya, na Feme Abiya awu Feme Asafu, ⁸ na Feme Asafu awu Feme Yosafati, na Feme Yosafati awu Feme Yoram, na Feme Yoram awu Feme Yoziya, ⁹ na Feme Yoziya awu Feme Yowatam, na Feme Yowatam awu Feme Ahazi, na Feme Ahazi awu Feme Hezekiya, ¹⁰ na Feme Hezekiya awu Feme Manase, na Feme Manase awu Feme Amoni, na Feme Amoni awu Feme Yosiya, ¹¹ na Feme Yosiya awu Feme Yekoniya ni i niemam. Nyini sanɔa n ye bu miεeri Yisarelifɔm fiteeri bu asien su kɔri Babilɔniya asien su n a.

¹² Bu faari bu kɔri Babilɔniya n dεε n sin ni, na Feme Yekoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jakɔbu nyinga bekun, ¹⁶ na nyini Jakɔbu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefɔ n bo Nyeme ase ka i sɔnma i ni.

¹⁷ Tɔ, nyini kere ka fiteeri Abraham fa ba juuri Feme Davidi, bu tiiri nanam buru ni nna wɔ, na fiteeri Feme Davidi fa ba juuri sanɔa bo bu miεeri Yisarelifɔm kɔri Babilɔniya asien n su ni, bu tiiri nanam buru ni nna wɔ, na fiteeri nyini sanɔa n fa ba juuri sanɔa bo bu wuuri Kristo Tiidefɔ ni, bu gusu tiiri nanam buru ni nna wɔ.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wɔ, ama, kana bu ba ja i kɔ i hun n dika ni, na ba fa nu ka i bita nyinse bo i fite Nyeme Awiewie Casi n dεε yiko nu wɔ. ¹⁹ I hun Yosefu yo ti sɔnɔ bo i yo sa bo i kɔ atin su Nyeme dɔ ɔ, nyini ti, wɔ koro mǎ ka i wura i yi n nyinse jama nu, na wɔ fa sunsunni ka i yaki i asiri nu. ²⁰ Sanɔa bo i wo birisi su n sɔ ni, na Micera n dεε mereke aba i dɔ alele nu, aba ase i ka, "Feme Davidi anuma Yosefu, mǎ a soro sere ka a ja Mariya, na a fa i kɔ u dika, dama Nyeme Awiewie Casi ni maari i nyinse n a. ²¹ I wú baabiesɔ na a fere i ka Yesu, i bu la ka Tiidefɔ, dama yiri bá yi i minem fite bu satiem nu a." ²² Tɔ, nyini n kere yoori sɔ, adena i ma Nyeme nɔanie kanfɔ n nɔanie n bá yo yiiwa, kabo wo jojo ka,

²³ "Sunguru bo wɔ nya si mǎ biesɔ bá nyinse,

na i wú baabiesɔ,

na bu fére i ka *Emanuweli*,"

i bu la ka, Nyeme wo ya dɔ. ²⁴ Sanɔa bo Yosefu tengeeri ni, na wɔ yo kabo Micera n dεε mereke n seeri i ni, na wɔ fa Mariya aba i dika. ²⁵ Ama, i ni yiri asanɔa mǎ bara ni biesɔ, haari Mariya ba wuuri baabiesɔ, na Yosefu atun i дума ka Yesu.

2

Kabo asarambaa koresiyifom baari Yesu busu nie ni

¹ Sanɓa bo bu wuuri Yesu mie n bo bu fere i ka Betilehem na i wo Yudiya awore n nu ni, nyini sanɓa ni Herode ti nyini awore n nu feme a. Na asarambaa koresiyifom nbem afite wie afiri, aba Yerusalem aba abisa ka, ² “Baa n bo ba wu i na i ba yo Yuda fom feme n wo ni wo? Ya ɓu i asarambaa wie afiri do, ye ya ɓa ya ba na ya ba kutu i a.” ³ Feme Herode tiiri so ni, na jore n amie i ni Yerusalem fom kere. ⁴ Na wo fere Nyeme sayoowa dɔnguyofom nkpienkpienm, ni Nyeme noanie kerefom kere atien bu noo, na wo bisa bu ka, “Ye bu wu Kristo Tiidefo n ni wo?” ⁵ Na ba bo i nu ka, “Betilehem bo i wo Yudiya asien n su ni, dama kabo Nyeme noanie kanfo n kereri i lee. Micera n ɓa o,

⁶ ‘Woro Betilehem bo a wo Yuda asien n su ni,
a ti ma mie kaan.

Woro ti Yuda asien n su miem anyunuyifom kun a,
dama ka feme n bo m yi i na i ba yo m mine Yisarelifom tiifo ni,
i fite u do o.’”

⁷ Na Feme Herode afere asarambaa koresiyifom n asiri nu na i si sanɓa bo asarambaa n tieri ni. ⁸ Na wo kere bu ka, “Am ko Betilehem, na am ko nienie nyunyumi, na nzen am ɓuuri baa ni, am kpie am nyi ba se m na m gusu ko kutu i.” ⁹ Feme n jɔjɔri bu do wieeri so n na ba de atin, bu wo ko su so ni, na ba ɓu asarambaa n bo bu ɓuuri i wie afiri ni, ka i du bu mo haari na wo ko ajina awuru n bo baa n wo nu n tii su. ¹⁰ Bu ɓuuri asarambaa n so ni, na bu ahore ajo agaya. ¹¹ Na ba ko awura awuru n nu, na ba ɓu baa n ni i ni Mariya na ba kutu i, na ba yo i anse. Na ba nya ateke bu kurukum, na ba yi aceerim ace i. Aceerim n la sika, ni tulaale nvanvanifo be, i ti samene wo, ni baka nyunvuin nvanvanifo. ¹² Nyini sin na ba fa atin be akpie bu nyi ako bu bosu, dama Nyeme ase bu alele nu ka ma bu ko Feme Herode do kun.

Kabo Yosefu faari Yesu ni i ni ɓmati kɔri Ijipiti ni

¹³ Asarambaa koresiyifom n ko wieeri ni, na Micera n dee merere aba Yosefu do alele nu, aba ase i ka, “Yasu fa baa n ni i ni na am ɓmati ko Ijipiti asien su, ma nyini Feme Herode wo baa nienie su na i kun i. Am ko wo do haari cɛen bo m ba kaaki ba ma am noo ka am yasu do.” ¹⁴ Na Yosefu ayasu afa baa n ni i ni anmati kongue n kere, na ba ko Ijipiti asien n su, ¹⁵ na ba wo do haari Feme Herode aba awu. Ahin yoori so ni, i ma kabo Micera n ma i noanie kanfom n yo jɔjɔri n yo yiiwa a. I ɓa, “Ma fere m wa n afite Ijipiti asien n su.”

Kabo Feme Herode ma bu kuunri nbaabieso kan kanm ni

¹⁶ Sanɓa bo Feme Herode ba faari nu ka asarambaa koresiyifom n adadaka i ni, na wo fa yaa agaya, na wo ma i sojam noo ka bu ko Betilehem mie n nu, ni i aheme aheme n kere su na bu ko kun nbaabieso kan kanm kere bo ba wu bu kisa, ko ju afo nnyo, dama i sunsun ka sanɓa n bo asarambaa koresiyifom n ɓa asarambaa n tieri ni, wo ju ka afo nnyo. ¹⁷ Nyini kere ka, kabo Nyeme noanie kanfo Jeremiya yo jɔjɔri n ayo yiiwa. I ɓa,

¹⁸ “Ya ti awie bo ɓga Rama mie kpiri nu,
sun ni ahoresaaki wo do,

bara Rakeli susun i nbaam busu.

Wo kete ka ma be kpata i, dama i nbaam wo ma bere kun.”

Kabo Yosefu faari Yesu ni i ni fiteeri Ijipiti baari Nazareti ni

¹⁹ Sanɓa bo Feme Herode ba wuuri ni, na Micera n dee merere aba Yosefu do alele nu Ijipiti asien n su, aba ase i ka, ²⁰ “Yasu fa baa n ni i ni, na am kpie am nyi ko Yisareli asien su, dama minem bo bu kpiiri ka bu kun baa ni, ba wu.” ²¹ Na Yosefu

ayasu afa baa n ni i ni, na ba kpie bu nyi ako Yisareli asien n su. ²² Ama, san̄ga bo i tiiri ka Akilawu adi i si Feme Herode femeya n Yudiya awore n nu ni, na sere ati i ni kabo i ko wo do. Na Nyeme mereke aba i do alele nu, aba akere i kabo i yo, na wo yasu ako Galili awore n nu ako awo mie be bo bu fere i ka Nazareti n su. ²³ Nyini n kere ka, kabo Nyeme ma i noanie kanfom n jooori n yo yiiwa a, fa ko Kristo Tiidefo n do. I na, “Bu fere i ka Nazaretifo o.”

3

Kabo Yohane Nyeme Nzue Biefo n kaanri Nyeme jore ni

¹ Nyini san̄ga n na Yohane Nyeme Nzue Biefo n ako Yudiya boro kpantain n nu, ko sukan Nyeme jore, i na, ² “Am kaaki am wo, dama san̄ga n adodo bo Nyeme Feme ba nie i minem su.” ³ Yiri Yohane n ye Nyeme noanie kanfo Esaya yo jooori i jore n a. I na, “Sono be subo ndoori boro kpantain n nu se ka, ‘Am sese Mibie n atin n su, na am yo i atin n dongu.’ ”

⁴ Yohane wurari sutura bo bu faari nyoma ndore wuuri i a. Na wo fa jina abo i wi nu. I diire yo la lalom ni wie wo. ⁵ Na mine afite Yerusalem mie kpiri n nu, ni Yudiya dee awore miem kere su, ni Yodan dee bue n kere aba i do, ⁶ na ba kan bu ngasi ni bu satie kere akere Nyeme, na Yohane abie bu Nyeme nzue Yodan kunma n nu.

⁷ Ama, san̄ga bo i ba nuuri ka Farasifom ni Sadiusifom dongu suba i do ka i bie bu Nyeme nzue ni, na wo se bu ka, “Amberere burukoonufom bo am ti ka woom ni, nma seeri am ka am nmati fite nyini suicin kekereke n bo Nyeme sufa ba am do n nu a? ⁸ Am yo sakpa bo i kere ka am akaaki am wo. ⁹ Na ma am sunsun ka Abraham ti am na n dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. ¹⁰ Nyeme asi i samba n nana ase baka kere bu na i kpie i ji sin nu, yiri bo i suuwa ti ma kpa ni. ¹¹ Mini sufa nzue bie am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fa Awiewie Casi n ni sin yo am casi a, kabo sono bie nzue na i yo casi ni. ¹² I bita i ngani kpaja fieeba bo i ba bobo ngani n gbangba n su, na i kpaja yi ngani mbaa n fa go i bondo nu, na i nya yara kunkun n sin n bo i je na i no ma n nu.”

Kabo Yohane bieeri Yesu Nyeme nzue ni

¹³ Nyini san̄ga n na Yesu afite Galili awore n nu, aba Yohane do Yodan kunma n nu ka Yohane bie i Nyeme nzue. ¹⁴ Ama, na Yohane akete ka i bie ma Yesu Nyeme nzue ni. I na, “Ma i ti ye ni ka woro bie m Nyeme nzue a, ye nzu ti ye a na mini bie u a?” ¹⁵ Ama, na Yesu abo i nu ka, “Ma ya yo so adena ya yo deke kere bo Nyeme koro ni.” I seeri so n na Yohane asoro su. ¹⁶ San̄ga bo Yohane bieeri Yesu Nyeme nzue n wieeri n na i fiteeri nzue n nu ni, kpen̄ga na angoro ateke, na wo nu ka Nyeme Awiewie n ajura ka tiiwa dee su aba atana i nu. ¹⁷ Do na wo ti akonvi be nga angoro, i na, “Ahin ti m wa a, m koro i agaya, m ahore ajo i nu.”

4

Kabo Sitana yoori Yesu na i nie ni

¹ Nyini sin na Nyeme Awiewie Casi n afa Yesu ako boro kpantain n nu ka Sitana ko yo i na i nie, ka i yo yiri Sitana n dee koroowa nzen i yo ma. ² Do na Yesu acici i noo haari een aburana, kongue ni wiesu bo i di ma pui, na ahoe aba ati i. ³ Na Sitana bo bu kaaki fere i ka Ngeesofa n aba ase i ka, “Nzen a ti Nyeme Wa, se ahin yabuem n na bu kaaki diire.” ⁴ Ama, na Yesu abo i nu ka, “Ba kere i Nyeme Jore Kadasi n nu ka,

'Má diire ngumi ma sɔnɔ ngɔɔ a,
ama, i de nɔanie kere bo i fite Nyeme do n gusu.' "

⁵ Na Sitana n akaaki afa Yesu ako Yerusalem mie kpiri n nu, na wo ko afa i ajina Nyeme Sereebiri Awuru n tii su lenlenge, na wo se i ka, ⁶ "Nzen a ti Nyeme Wa, ti to asienngu na m nie. Dama ba kere i Nyeme Jore Kadasi n nu ka, 'Nyeme ma i merkem nɔɔ na bu nie u dika.'

Ba kaaki akere i ka,
'Bu fa bu saa so u nu,
na ma u jaa bo yabue be.' "

⁷ Na Yesu ase i ka, "Ba kaaki akere i Nyeme Jore Kadasi n nu bekun ka, 'Ma a yo Micera Nyeme n na a nie kabo i yiko ti barasu.' "

⁸ Nyini sin na Sitana n afa i ako buka be tii su lenlenge, na wo kere i durunya n nu asien kere, ni kabo bu ti na bu yo nyumi barasu. ⁹ Na wo se i ka, "Nzen a kutu suuri m, m fa nyinim n kere ma u." ¹⁰ Na Yesu ase i ka, "Woro Sitana, fa cinsi m bi bere. Dama ba kere i Nyeme Jore Kadasi n nu ka, 'Kutu Micera u Nyeme ni, na a su yiri ngumi.' "

¹¹ Na Sitana n ako ayaki i, na Nyeme merkem aba i do na ba ba asu i.

Kabo Yesu boori i juma bu Galili awore n nu ni

¹² Na sanja bo Yesu ba tiiri ka ba tara Yohane anyi i dansaraka ni, na wo fite bere ako Galili awore n nu. ¹³ I yasuuri Nazareti mie n nu ni, na wo ko awo Kapenam mie kpiri n bo i wo dodo Galili kunma kpiri ni, na i wo Zabulonfom ni Nafatalifom dee awore n nu ni. ¹⁴ I ko tanaari do ni, adena kabo Nyeme nɔanie kanfo Esaya yo jɔjɔri n yo yiiwa. I na,

¹⁵ "Zabulon ni Nafatalifom, am so am sui,
amere bo am wo dodo kunma kpiri n bo i wo Yodan kunma n wie afiri dee bue ni,
amere bo am wo Galili awore n ni, deke bo bu ti ma Yudafom wo ni, am so am sui.

¹⁶ Minem bo bu wo awosin nu ni,
ba nu wein bambaka ni.

Na bo bu wo awosin ni yiwee nu ni,
bere ye sin ni je ta wein ma bu a."

¹⁷ Fite nyini sanja n na Yesu abo i bu sukan Nyeme jore, i na, "Am kaaki am wo, dama sanja n aju bo Nyeme Feme ba nie i minem su."

Kabo Yesu fereeri jombaa tarafɔ nbem ka bu su i su ni

¹⁸ Na sanja bo Yesu sunati Galili kunma kpiri n nɔɔ su ni, na wo nu mine nnyo nbem, bu ti sɔnɔ kun nbaam wo. Bere la Simon bo bu fere i ka Petoro ni, ni i niema Andere. Bu wo bu diendie sandi su kunma kpiri n nu, dama bu ti jombaa tarafom wo.

¹⁹ Na Yesu ase bu ka, "Am bra na am ba su m su na m ma am tien minem nɔɔ ma m, kabo am tara jombaam ni." ²⁰ I seeri so ni, na ba kaba ayaki bu diendiem ni, na ba su i su.

²¹ I nati kɔori i nyunu kaan, na wo nu mine nnyo nbem bekun, bu ni bu si, bu fere i ka Zebedi, bere la Yakobo ni i niema Yohane. Bu ni bu si n wo lee nu suyo bu diendiem dongu, na Yesu afere bu. ²² Do na ba kaba afite lee n nu ayaki bu si ni, na ba su i su.

Kabo Yesu kaanri Nyeme jore na i ma tukpakifom nyaari laife ni

²³ Na Yesu abara aye Galili awore n kere nu, na i sukere minem bu tientienbunɔ sɔom n nu, deke bo bu sere Nyeme na bu kere minem Nyeme jore nu ni, na i sukan labari kpa n fa ko Nyeme femeya n su, na wo ma minem bo bu la tukpaki barasu

barasu n kere anya laifie. ²⁴ Na i duma ata abara aye Siriya awore n kere nu, na ba so minem bo bu la tukpaki barasu barasu kere, ni bo bu di yaari agaya bu nuniembaa nu, aba i do ka i ma bu nya laifie. Ajinim wo bu nbem nu, na nbem to ngbiti, na nbem gusu saam ni bu jaam awu, na wo ma bu kere anya laifie. ²⁵ Na jama beberebe afite Galili awore n nu, ni Mie Burum dee awore n nu, ni Yerusalem mie kpiri n nu, ni Yudiya dee awore n nu, ni Yodan kunma n sin do, na bu kere aba asu i su.

5

Kabo minem yo na bu nya terefie Nyeme do ni

- ¹ Yesu nuuri jama n ni, na wo fun ako atana buka be su. Na i susufom n aba i do.
- ² Na wo bo i bu ka i kere bu, i na,
- ³ “Bere bo bu ti yaarifom bu ahore su ni,
terefie wo bu do,
dama Nyeme femeya n ti bu dee wo.
- ⁴ Bere bo bu ahore asaaki ni,
terefie wo bu do,
dama Nyeme da bu ahore a.
- ⁵ Bere bo bu yo bu nu kaan ma Nyeme ni,
terefie wo bu do,
dama Nyeme ba fa durunya n ma bere wo.
- ⁶ Bere bo bu nyunu aboro ka bu yo sa bo i ko atin su
kabo sono la konviki fa ko diire ni nzue busu ni,
terefie wo bu do,
dama Nyeme ba ma bu akunnuyi a.
- ⁷ Bere bo bu si anunfo ni,
terefie wo bu do,
dama Nyeme ba si bu anunfo a.
- ⁸ Bere bo bu ahorembaa ti casi ni,
terefie wo bu do,
dama bere ba nu Nyeme a.
- ⁹ Bere bo bu kpata aluwa ni,
terefie wo bu do,
dama Nyeme ba fere bu ka i nbaam a.
- ¹⁰ Bere bo bu yo sa bo i ko atin su n dee ti
na minem kere bu wuwuruwa ni,
terefie wo bu do,
dama Nyeme femeya n ti bere dee a.”
- ¹¹ Na Yesu akaaki ase ka, “Amberere bo minem ba kpie am nzuko, na bu kere am wuwuruwa, na bu bu kore barasu kere so am, na i kere fite ka am ti m deem dee ti, terefie wo am do. ¹² Bu ba yo am so, am ma am ahore jo agaya, dama am nya nkato bambaka Nyeme do. I fite ka, kabo bu yo kereeri dawa dee Nyeme nonie kanfom n wuwuruwa n lee.”

Kabo Yesu na i susufom ti ka njin ni wein ni

- ¹³ Na Yesu ase ka, “Amberere, m susufom ni, am ti ka njin wo durunya n nu a. Ama, nzen njin fiefie nya ba saari wieeri, i koro yo ma i fiefie kun. Nyini sangha ni, wo ka ngbeen lee, nka bu fa butu wo, na minem tientien sangha i ni fa. ¹⁴ Amberere ti wein bo i ta ma durunya n nufom a. Mie kere bo i wo kpere su, sono kere nu i wo. ¹⁵ Sono be nya so ma fitana su na i fa ganga butu su, ama, i fa taka deke su angoro wo na i ta wein ma awuru n nufom kere. ¹⁶ Nyini ti, am ma am wein ta durunya n nu, na sono kere nu am sakpa yoowa, adena bu kansu am Si Nyeme bo i wo angoro ni.”

Kabo Yesu na ya su Nyeme noanie kpamaawa n su barasu ni

¹⁷ Na Yesu ase ka, “Fa ko Moyisi noanie kpamaawa n ni Nyeme noanie kanfom dee kereewa n su, ma am sunsun ka ma ba ka m ba ce bu se wo. Ai, ma ba ma ka m ba ce bu se wo, ama, ma ba ka m ma i kere ba yo yiiwa a. ¹⁸ Nahore ye m suse am n a, kabo angoro ni asienngu toko wo bere ni, bu yi ma noanie n be haari kampiti so n mmoo fite ma noanie kpamaawa n nu, haari na i deke n kere ba awieeri. ¹⁹ Nyini ti, sono kere bo i buuri Nyeme noanie maawa n kampiti so mmoo ngbeen, na i kereeri minem ka bere gusu yo so, bu fere i mi ka sono kaan Nyeme femeya n nu. Ama, sono kere bo i suuri Nyeme noanie kpamaawa n su na i kereeri minem ka bu gusu yo so, bu fere i mi ka sono bambaka Nyeme femeya n nu. ²⁰ Nyini ti, m suse am wo lee, ka, kana am ba wura Nyeme femeya n nu, ma ka am yo sa bo i ko atin su Nyeme do n tara Farasifom, ni Nyeme noanie kerefom dee ni.”

Kabo Yesu kere fa koori yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Ma a kun sono,’ na ‘Nzen woro kere bo a kuunri sono, bu di u jore.’ ²² Ama, m suse am wo lee, ka, woro kere bo a faari yaa u benggu nu, wo yo daka ka bu di u jore. Sasu bekun, woro kere bo a seeri u benggu ka i ti sono ngbeen, wo yo daka ka bu fa u jina Yudafom joredifo nkpienkpienm n nyunu na bu di u jore. Na nzen woro kere bo a seeri u benggu ka i ti sinnzin, Nyeme fa u wura ceema sin n nu. ²³ Nyini ti, nzen a fa u aceeri aba ka a ba sere Nyeme, na a tenge su ka u ni u benggu be la ngasi, ²⁴ yaki u aceeri n yoowa yoobiri n ka, na a ko na am ko yo am afien dongu, na a nya ba fa u aceeri n ma Nyeme. ²⁵ Nzen u ni be la jore, na nzen i koro ka i fa u ko jore diibiri, jokoti tara i mi n jaa, na ma jore n ju jore diibiri n ni, ma nyini, i mi ni fa u ko wura joredifo n saa nu, na yiri gusu fa u ma dansaraka niefu ni, na yiri gusu nya nyi u. ²⁶ Nahore ye m suse u n a, nzen a woori do na a to ma kaari n kere awie ma, a nya ma atin fite ma dansaraka n nu.”

Kabo Yesu kere fa koori ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Ma a saaki ajaa ciire.’ ²⁸ Ama, mini, m suse am wo lee, ka, woro kere bo a nie bara, na u konvi wuraari i, i ti ka a saaki ajaa ciire u ahore su wo lee. ²⁹ Nzen u nyumbaa n kun cin u wuraari satie nu, lokoti yi i tu. I ti ye ni ka a fun u nuniembaa n bue kun, ni bo a fa u nuniembaa n kere wura ceema sin nu. ³⁰ Nzen u saa fomboro cin u wuraari satie nu, kaba kpie i tu. I ti ye ni ka a fun u nuniembaa n bue kun, ni bo a fa u nuniembaa n kere wura ceema sin nu.”

Kabo Yesu kere fa koori bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sono kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’ ³² Ama, mini, m suse am wo lee, ka, sono kere bo i faari i yi jiiri, na wo yo ma ka bara n ako somaya ye i fa i jiiri a, na nzen bara n ko jaari bieso fofore, i mi n ma bara n asaaki ajaa ciire lee. Na sono bo i faari bara n jaari, yiri gusu asaaki ajaa ciire lee.”

Kabo Yesu kere fa koori ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Ma a tan ndie na a kaaki woro u noo, ama, ma u sui wo ndie bo a tan i ama Micera n su, na a yo i.’ ³⁴ Ama, mini, m suse am wo lee, ka, ma am tan ndie mmoo fieo. Ma am tan angoro, dama Nyeme femeya n woobiri lee. ³⁵ Ma a tan asienngu gusu, dama i ti Nyeme jaa gbagbaa jinaabiri wo. Ma a tan Yerusalem, dama i ti ya Micera Feme n dee mie kpiri wo. ³⁶ Ma a kaaki se ka a tan u tiawa, dama a koro yo ma u tiinmie kun mmoo fofoe, wara biri.”

³⁷ Am ma am nɔaniɛ kɛrɛ yo tika. Nzen i ti 'Eɛn,' am se ka, 'Eɛn.' Nzen i ti 'Ai' gusu a, am se ka, 'Ai.' Sin nyini sin, nɔaniɛ kɛrɛ bo i buka su n fite Sitana dɔ ɔ."

Kabo Yesu kereeri ka má ya fa minem satie tɔ bu kaari ni

³⁸ Na Yesu akaaki ase ka, "Am ati ka ba se ka, 'Nzen sɔnɔ yi u nyumbaa, wɔrɔ gusu yi i mi dɛɛ, na nzen i bo tuuri u jee, wɔrɔ gusu tu i mi dɛɛ.' ³⁹ Ama, mini, m suse am wɔ lɛɛ, ka, nzen sɔnɔ yoori u satie, má a wɔrɔ satie ma i mi. Haari nzen be finri u nyɔɔnu, kaaki bue nyiŋga n gusu ma i na i fin buka su. ⁴⁰ Nzen be cici u lekisi ka i fa u kɔ jɔrɛ diibiri, na i de u tanlɛɛ kaan n be i wo i bu ni, kaba yi i tii su dɛɛ bambaka n mmɔɔ buka i su. ⁴¹ Nzen fanɔfɔ be miɛeri u ka a sɔ i sɔori kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔnɔ bo i sereeri u deke be, má a kpɛ i, na sɔnɔ bo i ŋa a fiɛ i deke be, má a kete."

Kabo Yesu kereeri ka ya koro minem bo bu kpɔ ya ni

⁴³ Na Yesu akaaki ase ka, "Am ati ka ba se ka, 'A koro sɔnɔ bo i koro u ni, na a kpɔ sɔnɔ bo i kpɔ u ni.' ⁴⁴ Ama, mini, m suse am wɔ lɛɛ, ka, am koro am kpɔfɔm, na am sere Nyemɛ ma bo bu kere am wuwuruwa ni, ⁴⁵ adena am yó am Si Nyemɛ bo i wo aŋgoro ni nbaam. Dama yiri ma wiɛ fite ma satieyofɔm, ni sakpayofɔm kɛrɛ a, na i kaaki ma nzue tɔ ma bo bu yo sa bo i kɔ atin su i dɔ ni, ni bo bu yo má sa bo i kɔ atin su i dɔ n kɛrɛ. ⁴⁶ Nzen am nya koroori minem bo bu koro am ŋgumi ni, nzu ŋkatɔ, ye am nya i a? Dama haari lampodefɔm bo bu sisi minem ni mmɔɔ yo sɔ ɔ. ⁴⁷ Na nzen am bisa am danfom ŋgumi ahin, am sunsun ka am ayo nzu sakpa ye be koro yo má i a? Bo bu su má Nyemɛ ni mmɔɔ koro yo sɔ, má sɔ? ⁴⁸ Tɔ, am ma am woowa n ti kpa bo i la má aŋusu, kabo am Si Nyemɛ bo i wo aŋgoro n dɛɛ woowa n ti kpa bo i la má aŋusu ni."

6

Kabo Yesu kereeri ya ka ya ce yaarifɔm aceeri barasu ni

¹ Na Yesu ase bu ka, "Am si am ŋu sa, na má am yi am nyemɛsu sayoowa fite fofoe nu, adena minem ŋu i na bu kansu am. Nzen am yoori sɔ, am nya má ŋkatɔ be, am Si Nyemɛ bo i wo aŋgoro n dɔ.

² Nyini ti, nzen a ŋa a ce yaarifɔm aceeri, má a bo ndoori na sɔnɔ kɛrɛ ti, kabo burukɔɔnufɔm yo i bu tientienbunɔɔ sɔɔ n nu, ni miɛ kunnu atingberem n su ni, dama bu yo sɔ ɔ, adena minem kansu bu. Nahɔrɛ ye m suse am n a, berɛ ŋkatɔ awieeri lɛɛ, ye ba du mɔ anya i n a. ³ Ama, nzen a ŋa a ce yaarifɔm aceeri, má a ma be ŋu i fieo, na bu si sa bo a suyo i ni, ⁴ adena u aceeri n yo asiri nu. Dɔ na u Si Nyemɛ bo i ŋu sa kɛrɛ bo a yo i asiri nu ni, n tó u kaari."

Kabo Yesu kereeri ya nyemɛsere atin barasu ni

⁵ Na Yesu akaaki ase ka, "Nzen saŋga bo am ba susere Nyemɛ, má am yo kabo burukɔɔnufɔm yo ni, dama berɛ koro ka bu sujina bu tientienbunɔɔ sɔɔm n nu, ni deke bo atingberem jaja nu ni, na bu sere Nyemɛ adena minem ŋu bu. Nahɔrɛ ye m suse am n a, bu ŋkatɔ awieeri lɛɛ, ye ba du mɔ anya i n a. ⁶ Ama, saŋga bo a ba susere Nyemɛ, wura u sɔrɔ na a nyi u anɔ, na a sere u Si Nyemɛ bo be ŋu má i ni, na u Si Nyemɛ bo i ŋu sa kɛrɛ bo a yo i asiri nu ni, nyá tɔ u kaari.

⁷ Na saŋga bo am ba susere Nyemɛ, má am yo nanmiɛ kabo bo bu su má Nyemɛ n yo ni, dama bu sunsun ka bu jɔjɔri beberebe n ye Nyemɛ de bu sere a. ⁸ Má ambere ye yo ka berɛ, dama am Si Nyemɛ si am sa koroowa kɛrɛ n mmɔɔ ka, ye am nya sere i a.

⁹ Nyini ti, kabo i ti ye ni ka am sere Nyemɛ yaa.

'Ya Si, bo a wo aŋgoro ni,
ma minem bu u duma casi ni.

¹⁰ Ma u femeya n bra.

Ma u koroowa yo asienggu fen, ka alecema nu.

¹¹ Ma ya nyuma dee cen nu, ya noo nu diire.

¹² Fa ya ngasi fa ce ya,

kabo ya gusu afa ace bo bu do ya ngasi ni.

¹³ Má a ma deke be yo ya na ya wura satie nu,
ama, yi ya fite anyumbiri nu.

[Dama, u dee la femeya, ni fanga, ni jirima sanja kere. Ami.]'

¹⁴ Dama nzen am fa minem ngasi ce bu, am Si Nyeme bo i wo angoro n gusu fá am dee ce am. ¹⁵ Ama, nzen am afa má minem ngasi ace má bu, am Si Nyeme bo i wo angoro n gusu fá má am dee ce má am."

Kabo Yesu kereeri ya ka ya cici ya noo ni

¹⁶ Na Yesu akaaki ase ka, "Sanja bo am sucici am noo, má am nie anunfo nie kabo burukonufom yo ni, bu yo má bu nu nyankandi, adena minem nu ka ba cici bu noo. Nahore ye m suse am n a, bu nkato awieeri lee, ye ba du mo anya i n a. ¹⁷ Ama, nzen a ba sucici u noo, yo u nu nyankandi, ¹⁸ adena má minem si nu ka a sucici u noo, má ka u Si Nyeme bo be nu má i ni, na yiri u Si Nyeme bo i nu sa kere bo a yo i asiri nu ni n to u kaari."

Kabo Yesu na ya tien ajেকে noo se Nyeme dika n nu ni

¹⁹ Na Yesu akaaki ase ka, "Má am tien ajেকে noo se durunya n nu fen, bo watarawam muka i na i koro, na i to ngambulaari, na awiefom gusu bá wura wo i. ²⁰ Ama, am tien ajেকে noo se Nyeme dika n nu, bo watarawam koro muka má i, na i koro to má ngambulaari, na awiefom gusu koro wura wo má i. ²¹ Dama deke bo u ajেকে wo ni, u ahorembaa kere gusu wo do o."

Kabo Yesu kereeri anyumbaa kpa jore ni

²² Na Yesu akaaki ase ka, "Ya nyumbaa ni ti ka fitana ma ya nuniembaa n a. Nzen u nyumbaa nya ti kpa, u nuniembaa n kere tá wein n wo lee. ²³ Ama, nzen u nyumbaa nya ti má kpa, u nuni kere wo awosin nu wo lee. Nyini ti, nzen wein wo má u do, nyini n la ka, a wo awosin bambaka bo i la má anusu nu lee."

Kabo Yesu na ya daafi Nyeme nu barasu ni

²⁴ Na Yesu akaaki ase ka, "Sono kun koro sanja su má mibiem nnyo. Nzen i na i yo so, i kpo kun wo, na i koro nyinga ni, wara i boro i nyi su kun n wo, na i bu nyinga ni ngbeen. Am koro sanja su má Nyeme ni ajেকে."

²⁵ Na Yesu akaaki ase ka, "Nyini ti, m suse am wo lee, ka, má am tana sukoko fa ko am ngoo su, kabo am dí, ni kabo am nú, na má am kaaki sukoko fa ko am nuni kere su, kabo am nyá suturam bo am fá wura na am kára. Dama ngoo n tara diire, na anuniembaa n gusu tara suturam, má so? ²⁶ Am nie anumam, haari ni bo bu do má ni, na bu kaaki kpie má ni, bu tambu go má bondo nu gusu, se am Si Nyeme ma bu diire ye bu di a. Amberé la anyunuyi tara anumam, má so? ²⁷ Am nu, nma tana koko fa ko i koroowam su ye i mi koro buka i ngoo tintiin su haari kaan so a? ²⁸ Ye nzu ti ye am ma suturam sa mie am a? Am nie kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wo lee, ka, haari Feme Solomon, ni i nenge n kere bo i yo la i ni, wo la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a nu ka ba kpie bu na bu yara bu, ye Nyeme nie bu dika, nzu ti ye i nie má amberé bo am tara wuram co n a? Amberé, am yarada n ti kaan so. ³¹ Nyini ti, má am tana koko se ka, 'Ye ya dí nzu wo?' wara 'Ya nú nzu wo?' wara 'Ya wúra nzu wo?' ³² Dama bo bu su má Nyeme ni, bere sunsun so sanja kere a. Am Si Nyeme si ka am koro nyinim n kere. ³³ Nyini ti, am

du mɔ kpini Nyeme femeya n ni sa bo i ko atin su i do n busu ka, na i nya ba fa nyini dekem n kere buka am su. ³⁴ Nyini ti, ma am koko fa ko ahunma su, ahunma mmoo kpini i dee. Dama nyuma dee sunsunni mmoo ase su.”

7

Kabo Yesu na ma ya jɔɔ be jɔre jaraki i ni

¹ Na Yesu ase bu ka, “Ma am jɔɔ be jɔre na am jaraki i, adena ma Nyeme gusu jɔɔ amberɛ jɔre jaraki am. ² Dama kabo am jɔɔ am bengum jɔre jaraki bu ni, so ye Nyeme gusu jɔɔ am gusu jɔre jaraki am a. Gɔngɔ bo am fa susu ma minem ni, so ye Nyeme gusu fa susu ma am a. ³ Nzu ti ye a nie nu wura mbaa n bo i wo u niwa nyumbaa nu, ye a nie nu ma yeenzin n bo i wo u dee nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye sangga kere yeenzin n wo u dee nyumbaa n nu a? ⁵ Wɔɔɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nya nu asi nyunyumi na a yi wura mbaa n bo i wo u niwa n dee nyumbaa nu ni.

⁶ Ma am se ka am fa deke bo i ti casi fa ma caam, nzen am yoori so, bu kpie bu nyi fon tara am wo, na bu kan titi am nu. Sasu bekun, ma am se ka am fa afere fofom bo bu la go agaya, fa tu afam. Ma nyini, bu tientien i su wura fa nu wo.”

Kabo Yesu na Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme do, na i ma am. Am nienie deke bo am koro i do, na am nu i. Am bobo ano ni, na i teke i ma am. ⁸ Dama sono kere bo i sere Nyeme deke be, i ma i, na sono kere bo i nienie deke be, i nu i, na sono kere bo i bobo ano ni, i teke i ma i. ⁹ Amberɛ nu, nma ye i wa sere i diire, ye i mi ke te na i fa yabue ma i wa n a? Ai, be yo ma so. ¹⁰ Wara, amberɛ nu, nma ye i wa sere i jombaa ye i ke te na i fa woo ma i wa n a? Ai, be yo ma so. ¹¹ To, amberɛ, haari ni bo am ti satiyofom ni, am si aceeri kpam bo am fa ce am nbaam, nzu ti ye nzen am sereeri am Si Nyeme bo i wo angoro ni, i koro ma ma am aceeri kpam a?

¹² Nyini ti, kabo am koro ka minem yo ma am ni, am yo i so ma bu, dama Nyeme noanie kpamaawa n jore n kere lee, na i noanie kanfom dee buka su.”

Kabo Yesu jɔɔ fa kɔɔri ano n bo i ti fii n jɔre ni

¹³ Na Yesu akaaki ase ka, “Am fa ano n bo i ti fii n na am wura. Dama atin n bo i fa minem ko saakiibiri ni, i ano n ti tetere wo, na i natiiri ti ma kekere, nyini dee ti, minem dongu fa yiri wo. ¹⁴ Ama, atin n bo i fa minem ko ngoo woobiri ni, i ano n ti fii wo, na i atin gusu nati ti kekereke, nyini dee ti, minem bo bu nu nyini atin n na bu su i su ni, bu sunnu ma.”

Kabo Yesu na ya fa minem sayoowa fa si bu ni

¹⁵ Na Yesu akaaki ase ka, “Am si am nu sa ni korefom bo bu yo bu nu ka bu ti Nyeme noanie kanfom ni. Bu yo bu nu benle ka nboem wo, ama, bu ti ka bedim wo, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am anu ka buwe asu koto? Wara, am anu ka bedikantonga asu ndorowa? Ai. ¹⁷ Ama, i ti so o lee, ka baka kpa kere su suuwa kpa a, na baka ngbeen kere su suuwa ngbeenngbeen. ¹⁸ Baka kpa koro su ma suuwa ngbeen, na baka ngbeen gusu koro su ma suuwa kpa. ¹⁹ Baka kere bo i su ma suuwa kpa, bu kpie i wo, na bu fa ji sin nu. ²⁰ Nyini ti, bo bu yo bu nu ka bu ti Nyeme noanie kanfom ni, bu sayoowa n nu, ye am koro fa si kabo bu ti barasu a.”

Kabo Yesu jɔɔ fa kɔɔri jina cɛen n jɔre ni

²¹ Na Yesu akaaki ase ka, “Ma sono kere bo i bo fere m ka, ‘M Mibie, m Mibie,’ ni wura Nyeme femeya n nu a, se ma ka bo bu yo m Si Nyeme bo i wo angoro n dee

koroowa ni. ²² Jina cɛɛn n ba juuri, mine dɔŋgu bá se m ka, ‘Ya Mibiɛ, niɛ e. Ya yo faari u dɛɛ duma, na ya fa akan Nyɛmɛ jɔrɛ, na ya fa u duma n afɔn ayi ajinim afite minɛm ɲu, na ya kaaki afa u duma n ayo alekutura sam dɔŋgu.’ ²³ Na m nya se bu ka, ‘Ambɛrɛ satieyofɔm ni, am fa cinsi m bi berɛ. M si má am cɛɛn n be cɛɛn n be da.’ ”

Miɛnu fa kɔ ataari tafɔ nnyɔ nbem jɔrɛ

²⁴ Na Yesu akaaki ase ka, “Nyini ti, sɔnɔ kerɛ bo i tiiri m dɛɛ nɔaniɛm n na i deerɪ i na i fa yoori juma, i mi ti ka alecirafɔ be bo i taari i awuru na i seeri i jaa n yabue su n wɔ. ²⁵ Na nzue aba atɔ, na wawa n kerɛ ayi asandi, na aɲuma akpisi awuru ni, ama, wɔ tɔ má, dama i jaa jina yabue su n dɛɛ ti. ²⁶ Ama, sɔnɔ kerɛ bo i tiiri m dɛɛ nɔaniɛm n na wɔ de má i, afa ayo má juma, i mi ti ka sinnzin be bo i taari i awuru ɲmiɛ nu n wɔ. ²⁷ Na nzue aba atɔ, na wawa n kerɛ ayi asandi, na aɲuma akpisi awuru n na i kerɛ abereki atɔ liim. Nyini awuru n tɔɔwa n tiiri tie haari.”

²⁸ Saɲga bo Yesu ba jɔjɔori sɔ wieeri n na jama n ayo alekutura fa kɔ i kereewa n su, ²⁹ dama i kereewa n awo i ɲgumi ni Yudaɔm dɛɛ Nyɛmɛ nɔaniɛ kerefɔm ni. I kereewa n nu la yiko.

8

Kabo Yesu tuntuunri kokofɔ be ni

¹ Saɲga bo Yesu juraari buka n su ba juuri n na jama beberebe asu i su. ² Na kokofɔ be aba i dɔ, na wɔ ba akutu i nyunu asere i ka i buka i, i ɲa, “M Mibiɛ, nzen a koro ka a ma m nya laifiɛ, a koro ma m nya i.” ³ Na Yesu atɛnge i saa anana i ɲu, na wɔ se i ka, “M koro. Nya laifiɛ.” Na kokobi n akaba ayaki sɔnɔ n na wɔ nya laifiɛ. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ɲu kere Nyɛmɛ sayoowa dɔŋguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minɛm ka a nya u ɲu a.”

Kabo soja kpiɛn be yoori Yesu yarada agaya ni

⁵ Saɲga bo Yesu kɔ wuraari Kapɛnam miɛ kpiri n nu ni, na Romafɔm soja kpiɛn be aba asere Yesu jande ka i buka i, ⁶ i ɲa, “M Mibiɛ, m gbɛfɛnɛ da awuru, i saa ni i jaa kerɛ awu, i sudi wahara agaya.” ⁷ Na Yesu ase i ka, “M bá na m ma i nya laifiɛ.” ⁸ Na soja kpiɛn n ase i ka, “M Mibiɛ, m ti kaan ni be a ba m dika. Ama, haari a ma nɔaniɛ n mmɔɔ, m gbɛfɛnɛ ni nyá laifiɛ. ⁹ Dama mini mmɔɔ ni m tii n wo sɔnɔ saa nu wɔ, na mini gusu nya la m dɛɛ sojam bo m niɛ bu su. Na bo m nya se i ka, ‘Kɔ fɛn,’ na i kɔ, na m se nyiɲga gusu ka, ‘Bra fɛn,’ na i ba. Na m se m akɔɔ n gusu ka, ‘Yo ahin,’ na i yo i.” ¹⁰ Saɲga bo Yesu tiiri sɔ ni, na wɔ yo alekutura, na wɔ se minɛm bo bu su i su n ka, “Nahɔrɛ ye m suse am n a, ma nya aɲu má sɔnɔ bo i la yarada agaya ka ahin sɔnɔ n ɲusu, haari fa saɲga ni Yisarelifɔm mmɔɔ. ¹¹ M suse am wɔ lɛɛ, ka, minɛm beberebe fite durunya n wie afiri, ni wie atɔori kerɛ, na berɛ, ni Abraham, ni Izaki, ni Jakɔbu bá saɲga tana Nyɛmɛ femɛya n nu, na bu dí na bu nú. ¹² Ama, na minɛm n bo má i ti ye ni ka berɛ wo Nyɛmɛ femɛya n nu ni, na Nyɛmɛ fa bu tu awosin nu. Dɔ na bu sún, na bu kán bu saa.” ¹³ Na Yesu anya ase soja kpiɛn n ka, “Kɔ awuru. Kabo a yo yarada ni, i yó sɔ ma u a.” Na soja kpiɛn n gbɛfɛnɛ n anya laifiɛ, nyini saɲga n bo Yesu fa jɔjɔori ni.

Kabo Yesu tuntuunri tukpakifɔm beberebe Petoro dika ni

¹⁴ Saɲga bo Yesu wuraari Petoro dika n na wɔ ɲu ka Petoro sibara da sɔrɔ, i la má i ɲu, yakɔkɔ abo i. ¹⁵ Na Yesu aso i saa nu, na yakɔkɔ n ayaki i, na bara n ayasu, na wɔ kɔ ayo diire ama i.

¹⁶ Nyini cɛɛn n naaso, na ba fa minɛm beberebe n bo ajinim wo bu ɲu ni, aba Yesu dɔ. Na wɔ ma ajinim nɔɔ na ba fite, na wɔ tuntun tukpakifɔm na bu kɛrɛ anya laifɛ. ¹⁷ I yoori sɔ, na nɔaniɛ n bo Nyɛmɛ nɔaniɛ kanfɔ Esaya yo jɔjɔri i n yo yiiwa wɔ, i ɲa, “Na wɔ de ya afite ya tɔrɛm, ni ya tukpaki kɛrɛ nu.”

Minɛm bo bu koro ka bu su Yesu su n jɔrɛ

¹⁸ Saɲga bo Yesu ɲuuri jama n sɔ ni, na wɔ se i susufɔm n ka bu kpɛ kɔ kunma kpɛri n buɛkun dɔ. ¹⁹ Na Nyɛmɛ nɔaniɛ kerefɔ kun aba Yesu dɔ, aba ase i ka, “Ya Kerefɔ, deke kɛrɛ bo a kɔ, m sɔ u su wɔ.” ²⁰ Na Yesu ase i ka, “Nɔakum la kunmam, na anumam gusu la tiɛɛrim, ama, mini Adamande Wa n yiri, m la mɔ m tii daabiri.” ²¹ Na i susufɔm n kun be gusu ase i ka, “M Mibiɛ, ma m du mɔ kɔ yo m si sutura ka, na m nyɔ ba su u su.” ²² Ama, na Yesu ase i ka, “Wɔrɔ su m su, na a yaki bo ba wu ni, na bu se bu beɲgu.”

Kabo Yesu kereeri ka i la yiko tara aɲuma ni nzue ni

²³ Nyini sin na Yesu awura lee nu, na i susufɔm n asu i su. ²⁴ Bu wo kɔ su sɔ ni, na aɲuma bambaka be ayasu nzue n nu, na i subo nzue gɔ lee n nu. Mɔ lee ni suyi ni nzue wɔ. Ama, nyini saɲga na Yesu wo daafiri su. ²⁵ Na i susufɔm n akɔ atɛɲge i, na ba se i ka, “Ya Mibiɛ, de ya tii ji, mɔ nyini, ya wu awie.” ²⁶ Na wɔ se bu ka, “Nzu ti ye am soro sɛrɛ sɔ a? Amberɛ, am yarada n ti kaan sɔ ɔ.” Na wɔ yasu atien aɲuma n ni nzue n ɲu, na dika n kɛrɛ atara jum. ²⁷ Na ba yo alekutura, na ba se ka, “Nzu sɔnɔmbiri barasu la ahin, bo aɲuma ni nzue n mmɔɔ de i nɔaniɛ a?”

Kabo Yesu fɔn yiiri ajinim fiteeri minɛ nnyɔ nbem ɲu ni

²⁸ Saɲga bo Yesu kpɛɛri kunma kpɛri n kɔ juuri awɔrɛ n bo bu fere i ka Gadara n ni, na i ni minɛ nnyɔ nbem ayɛ, bu fite faɲkunmam nu wɔ, ajinim wo bu ɲu. Bu ti tie haari bo be koro nati sin mɔ nyini awɔrɛ n nu. ²⁹ Bu ɲuuri Yesu sɔ ni, na ba tien afere i, bu ɲa, “Nyɛmɛ Wa, a koro nzu ya nu fɛn a? A ba ka a ba ma ya ɲu anyumboro wɔ ka, na saɲga n nya ju, nzen sɛ?” ³⁰ Nyini saɲga afam beberebe wo di su, bu waari mɔ ni bɛrɛ, ³¹ na ajinim n asere Yesu ka, “Nzen a ɲa a fɔn ya fite minɛm n ɲu, ma ya kɔ fun afam n ɲu.” ³² Na Yesu ase bu ka, “Am kɔ.” Na ba fite ayaki minɛm ni, na ba kɔ afun afam n ɲu. Dika n nu bɛrɛ, na bu kɛrɛ aɲmati aɔɔndi ako ato kunma kpɛri nzue n nu, na nzue n adi bu. ³³ Afa sasafɔm ni ɲuuri nyini n sɔ ni, na ba ɲmati akɔ miɛ n kunnu akɔ abo ndoori, fa kɔ sa n bo wɔ yo n su. Na ba kan sa kɛrɛ bo i tuuri minɛm n bo ajinim woori bu ɲu ni. ³⁴ Na miɛ n nufɔm kɛrɛ pepere afite akɔ Yesu dɔ. Saɲga bo bu kɔ ɲuuri i sɔ ni, na ba sere i jande ka i fite bu awɔrɛ n nu.

9

Kabo Yesu tuntunri sɔnɔ bo i saam ni i jaam awu ni

¹ Na Yesu akaaki awura lee n nu, akpɛ akɔ i bɔsu. ² Dɔ na minɛ nbem afa sɔnɔ be aba i dɔ, i saam ni i jaam awu. Bu sɔri i ni i dasu kɛrɛ baari a. Yesu ɲuuri kabo bu yoori i yarada n sɔ ni, na wɔ se sɔnɔ n bo i saam ni i jaam awu n ka, “M wa, ma u ahore si, dama ma fa u satie ace u.” ³ Dɔ na Yudaɔm Nyɛmɛ nɔaniɛ kerefɔm nbem asunsun bu ahore su ka, “Ahin sɔnɔ n sujɔjɔ wura Nyɛmɛ ɲgasi nu.” ⁴ Yesu siiri bu sunsunni nu sɔ ni, na wɔ bisa bu ka, “Nzu ti ye am bita sunsunni tie am ahore su a? ⁵ Bɔnɔ ti kekereke a, bo m se ka, ‘Ma fa u satie ace u,’ nzen, ‘Yasu fa u dasu n na a nati’ n a? ⁶ Ama, m kɛrɛ am ka mini Adamande Wa n la yiko durunya n nu bo m fa minɛm satie ni bu ɲgasi ce bu.” Na wɔ se sɔnɔ n ka, “Yasu fa u dasu n na a kɔ awuru.” ⁷ Na sɔnɔ n ayasu, na wɔ kɔ awuru. ⁸ Saɲga bo jama n ɲuuri nyini n sɔ ni, na ba yo alekutura, na ba kansi Nyɛmɛ, kabo wɔ ma minɛm nyini yiko n ni.

Kabo Yesu fereeri Matio ka i ba su i su ni

⁹ Na Yesu ayasu dɔ akɔ. I wo kɔ su sɔ ni, na wɔ ɲu lampodefɔ be, bo bu fere i ka Matio, ka i tana i juma yoobiri. Na Yesu ase i ka, “Yasu bra na a ba su m su.” Na wɔ yasu asu i su.

¹⁰ Saŋga bo Yesu wo Matio dika, sudi diire ni, na satieyofɔm, ni lampodefɔm beberebe aba Yesu ni i susufɔm n dɔ, na ba saŋga adi diire. ¹¹ Farasifɔm ɲuuri nyini sɔ ni, na ba bisa Yesu susufɔm n ka, “Nzu ti ye am kerefɔ n ni lampodefɔm, ni satieyofɔm saŋga di diire a?” ¹² Na Yesu ati bu jɔjɔwa n na wɔ bo bu nu ka, “Minem bo bu la laifɛ n koro má ayirifɔ, má ka bo bu la má laifɛ ni koro a. ¹³ Am kɔ na am kɔ fiiti Nyɛmɛ nɔaniɛ n nu na am ti i bu, kabo ba kɛɛ i ka, ‘M koro aɲunfɔ si tara bo am yo yoowa ma m.’ Ma ba má ka m bá fere minem bo bu ɲa bu yo sa bo i kɔ atin su Nyɛmɛ dɔ n wɔ, ama, m baari ka m bá fere satieyofɔm wɔ.”

Kabo Yesu kereeri nɔɔ cici jɔɛ ni

¹⁴ Na Yohane susufɔm n aba Yesu dɔ, aba abisa i ka, “Nzu ti ye yeɛ ni Farasifɔm cici ya nɔɔ, ye u dɛɛ susufɔm bɛɛ cici má?” ¹⁵ Na Yesu abɔ bu nu ka, “Am sunsun ka konyayafɔm koro wo ni ahoresaaki, saŋga bo konyafan n toko wo bu dɔ ni? Ama, saŋga suba bo bu bá yi konyafan n fite bu nu, nyini saŋga n ye bu nyá cici bu nɔɔ a.”

¹⁶ Na Yesu akaaki ase ka, “Be koro fa má sanvuin fɔfɔɛ kpa tɔ má tani dawa kunma, nzen i yoori sɔ, sanvuin fɔfɔɛ ni sɔn tani dawa n wɔ, na i téke i kunma buka su. ¹⁷ I kaaki ti sɔ ɔ bekun ka be koro fa má nzan nyiiwa faŋgafɔ gɔ má dundu dawa bebete nu, nzen i yoori sɔ, dundu ni tie wɔ, na i ká ɲgbɛɛn, na nzan n kɛɛ sɔŋgi butu. Ama, i ti ye ni ka, bu fa nzan nyiiwa faŋgafɔ gɔ dundu fɔfɔɛ biiwa nu wɔ, na bu fa taka bo pui yo má i.”

Bara tukpakifɔ be, ni baabara be yiwee jɔɛ

¹⁸ Saŋga bo Yesu wo jɔjɔ su sɔ ni, na Yudaɔm kpɛn be bo i niɛ bu tientienbunɔɔ sɔɔ n su n aba akutu i nyunu, ase i ka, “M wa baabara awu, jina n nu bɛɛ. Bra na a ba fa u saa nana i ɲu, na i nyá ɲɔɔ.” ¹⁹ Na Yesu ayasu, na i ni yiri akɔ, na i susufɔm n asu su.

²⁰ Dɔ na bara be woori jama n nu, i bita abieɛri i afɔ buru ni nnyɔ lɛɛ bo i kpu na i kpɛ má. Na wɔ sakati awura jama n nu Yesu sin, afa i saa akan Yesu tanlɛɛ n jaa bu. ²¹ Dama i seeri i kunnu ka, “Haari m fa m saa kaanri i tanlɛɛ ni mmɔɔ, m nyá laifɛ.” ²² Na Yesu akaaki anie aɲu i, na wɔ se i ka, “M wa, ma u ahore si. Yarada n bo a yo m ni, yiri ma a nya laifɛ a.” Dika n nu bɛɛ, na bara n anya laifɛ.

²³ Saŋga bo Yesu kɔ juuri kpɛn n dika ni, na wɔ ɲu sɛɛ mbie kanfɔm, ni jamam ka bu wo nanɲie su. ²⁴ Na wɔ se bu ka, “Am fa sin fite, baabara n awu má, wɔ daafi wɔ.” Ama, na ba siri i. ²⁵ I fɔonri jama n kɛɛ fite wieeri ni, na wɔ nya awura sɔɔ n bo baabara n da nu n nu, na wɔ kɔ atara i saa, na wɔ yasu. ²⁶ Na nyini labari n abara aye dɔ dɛɛ awɔɛ n kɛɛ nu.

Kabo Yesu tuntuunri anyinsin nnyɔ nbem na bu ɲuuri asi ni

²⁷ Na Yesu afite bɛɛ, i suko n na anyinsin nnyɔ nbem asu i su, subo fere i, bu ɲa, “Fɛmɛ Davidi anuma, si ya aɲunfɔ.” ²⁸ Na saŋga bo Yesu kɔ wuraari awuru n nu ni, na anyinsinm n aba i dɔ na wɔ bisa bu ka, “Am yo yarada ka m koro ma am nya laifɛ?” Na ba bo i nu ka, “ɛɛn, ya Mibie, ya yo yarada.” ²⁹ Dɔ na wɔ fa i saa akan bu nyumbaam, na wɔ se bu ka, “Kabo am ayo m yarada ni, i yó sɔ ma am.” ³⁰ Na bu nyumbaam n ateke, na ba ɲu asi. Na Yesu abɔbo bu ni nahɔɛ su ka, má bu ma be sí sa n bo wɔ yo i ni. ³¹ Ama, na ba kɔ abo ndoori abara aye dɔ dɛɛ awɔɛ n kɛɛ nu, fa kɔ sa n bo Yesu ayo i ni.

Kabo Yesu ma bobo be nyaari laifɛ ni

³² Saŋga bo anyinsinm n fite kɔɔri n dɛɛ sin, na mine nbem afa sɔnɔ be aba Yesu dɔ, ajini ayo i bobo wɔ. ³³ Yesu fɔn yiiri ajini n fiteeri sɔnɔ n ŋu wieeri n na wɔ koro ajojo. Na jama n ayo alekutura, na ba se ka, “Ya nya ŋu má ahin sa n be ŋusu cɛen be, Yisareli asien n su.” ³⁴ Ama, na Farasifɔm n ase ka, “Ajanim kere dɛɛ femɛ ni ma i yiko ye i koro fɔn yi ajinim n a.”

Kabo Yesu siiri jama ni aɗunfo ni

³⁵ Na Yesu abara aye miɛ ngbingbirim, ni kan kanm n kere su, na i sukere minem, bu tientienbunɔɔ sɔɔm n nu, na i sukan labari kpa n fa kɔ Nyemɛ femɛya n su, na wɔ tuntun mine bo tukpaki barasu barasu n kere bita bu ni, na ba nya laifie. ³⁶ Saŋga bo Yesu ŋuuri jama n na wɔ si bu aɗunfo, dama ba di wahara, na bu la má bukafɔ. Bu ti ka nbɔem bo bu la má sasafɔ ɔ. ³⁷ Na wɔ se i susufɔm n ka, “Fiesu diire n sunnu, ama, bo bu kɔ i tambu n sunnu má. ³⁸ Nyini ti, am sere Mibie n bo i dɛɛ la fie n ka i sunma jumayofɔm na bu kɔ i tambu.”

10

Kabo Yesu yiiri mine buru ni nnyɔ ka bu yo i jaramasam ni

¹ Na Yesu afere i susufɔ buru ni nnyɔm ni, na wɔ ma bu yiko ka bu kɔ sufɔn yi ajinim fite minem ŋu, na bu ma tukpakifɔm barasu barasu kere nya laifie. ² I jaramasa buru ni nnyɔm n bo i yiiri bu n duma n la Simon, bo bu fere i ka Petoro ni, ni i niema Andere, ni Yakobo ni i niema Yohane bo bu si la Zebedi ni, ³ ni Filipu, ni Batolomeyo, ni Tomasi, ni Matio bo i ti lampodefɔ ni, ni Yakobo bo i si la Alafeyo ni, ni Tadayɔ, ⁴ ni Simon bo i tu ŋgoni fa kɔ i asien su ni, ni Yudasi Isikariyoti bo i ba tɔɔri Yesu ni.

⁵ Na Yesu asunma nyini mine buru ni nnyɔm n na wɔ ma bu ahin nɔanie ni, i ŋa, “Má am kɔ miem bo bu ti má Yudafɔm miem n nu, wara am wura Samariyafɔm miɛ be nu. ⁶ Ama, am kɔ Yisarelifɔm bo bu ti ka nbɔem na ba mini n dɔ. ⁷ Am kɔ na am kɔ kan Nyemɛ jɔre kere bu, na am se bu ka, saŋga n adodo bo Nyemɛ Femɛ bá niɛ i minem su. ⁸ Na am ma tukpakifɔm nya laifie, na am tenge bo ba wu ni, na am ma kokofɔm nya laifie, na am fɔn yi ajinim fite minem ŋu. Kabo ma ma am ahin yiko n na ma de má pui ni, am gusu yo sɔ n na má am de pui. ⁹ Má am se ka am bita ŋwaa be, haari ŋwaa kaan mmɔɔ. ¹⁰ Ahin atin n bo am sukɔ i ni, má am se ka am bita kuruku, má am fa tanlɛɛ be buka bo am wura i n su, má am fa gbagbaa, má am fa kpama, dama jumayofɔ kere ti ye ni ka bu ma i diire wɔ.”

¹¹ Na wɔ se ka, “Miɛ kpiri, wara miɛ kan kan kere bo am kɔ wuraari nu, am nienie sɔnɔ kpa, na am kɔ wo i dɔ, haari am bá fite miɛ n nu. ¹² Awuru kere bo am kɔ suwura nu, am bisa bu dɔngɔ, na am se bu ka Nyemɛ yo bu kisi. ¹³ Nzen nyini awuru n nufɔm deerɛ am wɔfɔ, am ma nyini kisi n ka bu dɔ, ama, nzen ba de má am, am kaaki de nyini kisi n bu dɔ. ¹⁴ Sasu bekun, nzen awuru, wara miɛ bo am kɔ wuraari nu, na ba de má am wɔfɔ, wara ba soro má am su ka bu ti am nɔanie ni, am fite yaki nyini awuru n wara miɛ ni, na am kpɔnkpɔn yi am jaa tuturi kere. ¹⁵ Nahɔre ye m suse am n a, jina cɛen, Nyemɛ cín nyini miɛ n nufɔm sui tara Sodom ni Gomora miem n nu satieyofɔm ni.”

Kabo Yesu ŋa bu bá kere i jaramasam wuwuruwa barasu ni

¹⁶ Na Yesu akaaki ase bu ka, “Am ti fen. M susunma am wɔ lɛɛ kabo nbɔem kɔ saŋga bedim nu barasu ni. Nyini ti, am fa ŋgonlɛ na am tara am ŋu ka woom, na am yo am ŋu benlɛ ka tiiwam. ¹⁷ Am si am ŋu sa, dama mine bá fa am wura jɔredifɔm saa nu, na bu fín am ngbere bu tientienbunɔɔ sɔɔm n nu. ¹⁸ Mini dɛɛ ti, bu cín am wura gominam ni nfemem saa nu. Nyini má am atin na am di m daani kere bere a, ni bo bu ti má Yudafɔm n kere. ¹⁹ Saŋga bo bu bá faari am wuraari jɔredifɔm saa nu ni, má am ma am ahore saaki fa kɔ kabo am kó jojo barasu. Nyini saŋga n ba

juuri, Nyeme má am noanie ye am jójó a. ²⁰ Noanie ni fite má am do, ama, i fite am Si Nyeme de Awiewie n do, ye am jójó a.

²¹ Gorom ni niemam bá to bu benju ma bu kpofom na bu kún bu, na nbaasim to bu nbaam, na nbaam kéte bu wufom nu, na bu má minem kun bu wufom ni. ²² Mini de ti, sono kere kpo am. Ama, woro kere bo a mindi deeru nyini n kere ko juuri i awieeri su, Nyeme de u tii ji. ²³ Sangga bo bu bá sukere am wuwuruwa mie be su, am nmati ko mie nyinga su. Nahore ye m suse am n a, am koro kan má Nyeme jore bara ye má Yisareli miem kere su ka, ye mini Adamande Wa ni kpie m nyi ba.

²⁴ Sonsonfo tara má i kerefó, akoo gusu tara má i mibie. ²⁵ Nzen sonsonfo n ba juuri i kerefó n juubiri, i ti ye ni ka i nyunu yi i tii. Na nzen akoo n ba juuri i mibie n juubiri, i ti ye ni ka i nyunu yi i tii. Nzen bu nya fereeri awurufobie n ka Belazebuli, bo bu kaaki fere i ka Sitana ni, nyini sangga bu fére i dikafom bere kere ka se wo lee?"

Kabo wo yo daka ka ya soro Nyeme ngumi ni

²⁶ Na wo kaaki ase bu ka, "Nyini ti, má am soro sere ni minem. Dama deke be wo má bere bo i wo fiewa nu na bu bá nu má i, deke be gusu wo má bere bo i wo asiri nu na bu bá si má i. ²⁷ Deke kere bo m jójó seeri am kongue, wo yo daka ka am jójó i wiesu wo. Na deke kere bo m tuuri i asuturi am do, wo yo daka ka am bo i ndoori na sono kere ti i. ²⁸ Má am soro minem bo bu koro kun anuniembaa n na bu koro kun má awiewie n ni. Ama, am soro Nyeme bo i koro saaki awiewie n ni anuniembaa n kere, ceema sin nu ni. ²⁹ Am si ka njorem nnu nwaa ti kaan so o, má so? Ama, bu kun n kpein mmoo to má asienju bo i ti má ya Si Nyeme koroyanu. ³⁰ Haari am tiinmie kere mmoo bo i wo am tii su ni, Nyeme si i kere no. ³¹ Nyini ti, má am soro sere. Am la anyunuyi Nyeme do tara njorem beberebe."

³² Na Yesu akaaki ase bu ka, "Sono kere bo i kan kereeri minem ka i ti m susufo, mini gusu bá kan kere m Si Nyeme bo i wo angoro n ka i mi ti m de wo. ³³ Ama, sono kere bo i keteeri minem nyunu ka i ti má m susufo, mini gusu bá kete m Si Nyeme bo i wo angoro n nyunu ka i mi ti má m de."

Kabo Yesu na wo fa kpakpaakinu aba barasu ni

³⁴ Na Yesu akaaki ase ka, "Má am sunsun ka ma ba ka m fa tanalaife ba ma durunya n nufom wo. Ma ba má ka m fa tanalaife ba, ama, m faari lue baari a. ³⁵ M baari ka m ba kpura baa ni i si tii wo, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sono dikafom kaaki i kpofom.

³⁷ Sono kere bo i koro i si, wara i ni tara mini, i ti má ye ni ka i mi wo m do. Na sono kere bo i koro i wa baabieso, wara baabara tara mini, i ti má ye ni ka i mi wo m do. ³⁸ Na sono kere bo i so má i yiwee baka jaanu n na i su m su, i ti má ye ni ka i mi wo m do. ³⁹ Sono kere bo i na i kpini i ngoo busu, i mi bá fun i, ama, na sono kere bo i toori i ngoo mini de ti, i mi nya ngoo."

Kabo sono kere bo i deeru Yesu susufom wofa nya i nkato ni

⁴⁰ Na Yesu akaaki ase bu ka, "Sono kere bo i de am wofa, i mi de mini wo lee, na sono kere bo i de mini, i mi de yiri bo i sunmaari m wo lee. ⁴¹ Sono kere bo i de Nyeme noanie kanfo ka i ti Nyeme noanie kanfo n de ti, i mi nya nkato kabo Nyeme noanie kanfo nya i n wo, na sono kere bo i de sono bo i yo sa bo i ko atin su Nyeme do, na wo de i ka i yo sa bo i ko atin su n de ti, i mi nya nkato kabo sono bo i yo sa bo i ko atin su n nya i n wo. ⁴² Nahore ye m suse am n a, sono kere bo i saari nzue niniki kaan so mmoo, maari m susufo n bo i ti bu kere kaan n kun, ka i mi ti m de susufo n ti, i mi nya i nkato."

11

¹ Saɗga bo Yesu jɔjɔori i susufɔm n dɔ wieeri ni, na wɔ jɛngbe Galili awɔre n nu miɛ miɛm su, sukere minɛm, na wɔ kan Nyɛmɛ jɔre.

Kabo Yohane Nyɛmɛ Nzue Biɛfɔ n sunmaari i susufɔm Yesu dɔ ni

² Nyini saɗga ni, ba nyi Yohane Nyɛmɛ Nzue Biɛfɔ n dansaraka sɔrɔ. Na wɔ ti sam kɛrɛ bo Kristo Tiidefɔ n suyo bu ni, na wɔ sunma i susufɔm ka bu kɔ bisa i ka, ³ “Wɔrɔ ye bu yo seeri ka a bá n a, nzen ya n̄minda sɔnɔ fɔfɔre be wɔ?” ⁴ Na Yesu abo bu nu ka, “Am kp̄ie am nyi kɔ se Yohane fa kɔ sam bo am ati bu na am an̄ju bu ni, ka ⁵ anyinsinm an̄ju asi, wɔbukam akoro anati, kokofɔm anya laif̄ie, asuturim ati asui, minɛm bo ba wu n atɛngɛ, na yaarifɔm gusu akoro ati labari kpa ni. ⁶ Terefiɛ wo minɛm bo bu yo m yarada na bu la má sika be ni mini n dɔ.”

⁷ Saɗga bo Yohane susufɔm kaaki sukɔ ni, na Yesu ajɔɔ jama n dɔ, fa kɔ Yohane n̄usu jɔre, i n̄a, “Saɗga bo am fite kɔori Yohane dɔ, boro kp̄antain n nu ni, am kɔori ka am kɔ n̄u nzu wɔ? Am kɔori ka am kɔ n̄u sɔnɔ bo i ti ka barankpaati fofoe bo an̄juma n kankan i wɔ? ⁸ Nzen má nyini, nzu ti ye am kɔori a? Am n̄a am kɔ n̄u sɔnɔ bo i wura sutura n̄gbingbiri wɔ? Ai, am si ka minɛm bo bu wura nyini suturam ni, bu wo nfemem dika a. ⁹ Nzen má nyini, nzu ti ye am kɔori a? Am kɔori ka am kɔ n̄u Nyɛmɛ n̄ɔaniɛ kanfɔ ɔ? Eɛn, m suse am wɔ lɛɛ, ka, am an̄ju sɔnɔ bo i tara Nyɛmɛ n̄ɔaniɛ kanfɔ. ¹⁰ Dama Yohane ye bu yo kɛrɛeri i Nyɛmɛ Jɔre Kadasi n nu ka, ‘Nyɛmɛ n̄a o,

“M dú mɔ sunma m sunmafɔ n na i dú u mɔ,
yiri kó yo u atin n dɔngɔ se u a.”’

¹¹ Nahɔre ye m suse am n a, Yohane Nyɛmɛ Nzue Biɛfɔ n la má abɛngɔ, bo i tara i durunya n nu. Ama, sɔnɔ kɛrɛ bo i ti kaan, Nyɛmɛ femɛya n nu n tara yiri Yohane.”

¹² Na Yesu akaaki ase ka, “Fite saɗga bo Yohane Nyɛmɛ Nzue Biɛfɔ n boori Nyɛmɛ jɔre kan n bu ni, fa ba ju ni kisa, ye Nyɛmɛ femɛya n n̄uuri kekereke a, na minɛm afa anyumboro ka bu wura nu de i. ¹³ Nyɛmɛ n̄ɔaniɛ kanfɔm kɛrɛ, ni Moyisi du mɔ kɛrɛeri Nyɛmɛ Jɔre Kadasi n nu fa kɔ Nyɛmɛ femɛya n su ka, ye Yohane nya baari a.

¹⁴ Nzen am yó bu n̄ɔaniɛm yarada, Yohane la yiri n bo bu yo kɛrɛeri ka Eliya káaki ba n a. ¹⁵ Bo i koro ka i ti ahin jɔre n bu, i ti ye ni ka i so i sui na i ti.”

¹⁶ Na Yesu akaaki ase ka, “Ye m fá nzu fa sunsun kabo nyumafɔ ti a? Bu ti ka nbaatuma kan kanm bo bu tana gɔɔsu wɔ. Na bu sufere bu bɛngɔ, ¹⁷ bu n̄a, ‘Ya kan tere ama am, ama, am abo má kereba. Ya di sɛɛ jue ama am, ama, am asun má.’

¹⁸ Deke bo i ti na m se sɔ n la ka, Yohane ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na ba se ka ajini wo i n̄u a. ¹⁹ Ama, mini Adamande Wa n ba juuri, na m ni mine asaɗga adi, na ya saɗga anu, na ba se ka, ‘Am niɛ, ahin sɔnɔ n yiri, i ti ayaakpirifɔ ɔ, na i nu nzan nahɔre su. Wɔ tara lampodefɔm, ni satieyofɔm danfoya.’ Tɔ, minɛm kɛrɛ bo bu su Nyɛmɛ dɛɛ alecira n atin n su ni, bu sayoowam kere ka i ti nahɔre a.”

Kabo Yesu n̄a miɛ nbem n nufɔm bá n̄u anyumboro barasu ni

²⁰ Miɛm bo Yesu yoori alekutura sam beberebe nu ni, bu minɛm n akaaki má bu wo, nyini ti, na Yesu akan bu ndiɛ, ²¹ i n̄a, “Amberɛ Korazinfɔm, am bá n̄u anyumboro. Amberɛ Besayidafɔm gusu, am bá n̄u anyumboro. Alekutura sam bo m yo maari am ni, má nzen m yoori bu Tiro ni Sidon miɛ kpirim n nu, má minɛm n akaaki bu wo dada kɛrɛ na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n dɛɛ ti ni. ²² Ama, m suse am wɔ lɛɛ, ka, jina cɛɛn, Nyɛmɛ bá cin am sui tara Tiro ni Sidon dɛɛ satieyofɔm. ²³ Amberɛ Kapenamfɔm gusu, am sunsun ka Nyɛmɛ bá ye am su kɔ an̄goro wɔ? Ai, i bá yo am kaan wɔ, na i fá am cɔondi kɔ Yiweefɔm Woobiri nu. Alekutura sam bo m yo maari am ni, má nzen m yoori bu

Sodom miε kpiri n nu, má kisa, miε n toko wo bere haari ni nyuma. ²⁴ Ama, m suse am wɔ lɛɛ, ka, jina cɛɛn, Nyemε bá cin am sui tara Sodom dɛɛ satieyofɔm.”

Kabo Yesu jɔjɔ fa kɔɔri kabo i woowa ti barasu ni

²⁵ Nyini sanga n na Yesu ase ka, “M Si Nyemε, wɔɔ ti angoro ni asiɛngu kere Mibiε a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. ²⁶ M Si, i ti nahɔre wɔ, kabo a koroori ka i yo lɛɛ.”

²⁷ Na wɔ kaaki ase bu ka, “M Si Nyemε afa deke kere awura m saa nu. Be si má Nyemε Wa ni, má ka i Si Nyemε si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²⁸ Na wɔ kaaki ase ka, “Amberε kere bo am sɔ sɔori nɔnɔori n na am afie ni, am bra m dɔ, na m má am ηumiyi. ²⁹ Am de m sɔori ni, na am ma am wo ti kabo m dɛɛ n ti ni, dama m ti benle wɔ, na m yo m ηu kaan. Mini dɔ ye am nyá ηumiyi a. ³⁰ Dama kereewa n bo m fa ma am n ti má kekereke, na sɔori n gusu bo m fa sɔ am n wo má nɔ.”

12

Kabo Yesu jɔjɔ fa kɔɔri Numiyi cɛɛn jɔre ni

¹ Nyini sanga n na Yesu ni i susufɔm ni sunati sin alembaa fie be nu, Yudafɔm Numiyi cɛɛn ni. Na ahɔe ati i susufɔm ni, na ba bubu be akpese. ² Sanga bo Farasifɔm ni ηuuri nyini sɔ ni, na ba se Yesu ka, “Niε fen. Kabo u susufɔm ni suyo ni, Nyemε nɔanie kpamaawa n kere ka má be yo sɔ, Numiyi cɛɛn ni.” ³ Na wɔ se bu ka, “Am nya kan má Nyemε Jɔre Kadasi n nu, kabo Femε Davidi yo yoori sanga bo ahɔe tiiri i ni i minem na ba si má kabo bu yo ni, nzen se? ⁴ Ahɔe n ti, na wɔ kɔ awura Nyemε Sereebiri Awuru n nu, na wɔ di kpɔnɔ n bo ba fa ama Nyemε ni, na wɔ ma i minem ni be. Ama, am si ka ya dɛɛ atin n su, Nyemε sayoowa dɔnguyofɔm ηgumi ti ye ni ka bu di nyini kpɔnɔ n a. ⁵ Sasu bekun, am nya kan má Nyemε Jɔre Kadasi n nu, kabo Numiyi cɛɛn n kere cɛɛn, na Nyemε sayoowa dɔnguyofɔm ni saaki Numiyi cɛɛn n ciire ni, na bu yo bu yoowam Nyemε Sereebiri Awuru n nu, na be se má bu pui, nzen se? ⁶ M suse am wɔ lɛɛ, ka, deke bo i tara Nyemε Sereebiri Awuru n wo fen. ⁷ Ba kere i Nyemε Jɔre Kadasi n nu ka, Nyemε ηa o, ‘M koro anunfɔ si tara bo am yo yoowa ma m.’ Nzen má am si nyini nɔanie n bu, má am ma má bu di minem jɔre cin bu sui, bere bo bu la má ηgasi be ni. ⁸ Dama mini Adamande Wa ni ti Numiyi cɛɛn n Mibiε n a.”

Kabo Yesu tuntuunri sɔnɔ asaa fuin be Numiyi cɛɛn ni

⁹ Na Yesu ayasu dɔ akɔ awura bu tientienbunɔ sɔɔ n nu. ¹⁰ Sɔnɔ asaa fuin be woori dɔ. Na mine nbem akoro ka bu sɔ Yesu ηgeε na bu jāraki i ka na wɔ saaki Numiyi cɛɛn n ciire ni. Dɔ na ba bisa i ka, “Atin wo nu ka ya koro ma sɔnɔ nya laifiε, Numiyi cɛɛn ni?” ¹¹ Na Yesu abɔ bu nu ka, “Am nu, ηma ye i bɔe ti kun n kpein ye i toori kunma ηgoηgo nu Numiyi cɛɛn n ye i mi wúra yi má i a? ¹² Adamande tara bɔe fieo. Nyini ti, ya dɛɛ atin n su, atin wo nu ka ya yo sakpa Numiyi cɛɛn ni.” ¹³ Na wɔ nya ase sɔnɔ n ka, “Tenje u saa ni.” Na wɔ tenje i saa ni, na i saa n ayo fanga bekun ka nyinga ni. ¹⁴ Dɔ na, Farasifɔm n afite akɔ asese bu ηu su, kabo bu yó na bu kun Yesu.

Kabo amusuisufɔ n bo Nyemε ayi i n ti barasu ni

¹⁵ Sanga bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpakifɔm kere anya laifiε. ¹⁶ Na wɔ bɔbɔ bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyemε nɔanie kanfɔ Esaya yo jɔjɔri n yo yiiwa a, i ηa, ¹⁸ “Nyemε ηa o, ‘M amusuisufɔ bo ma yi i ka i yo m sa koroowa n yaa.

Yiri ye m koro i a, m ahore ajo i ɲu.
 M má m Awiewie n ba wura i ɲu.
 Na i kó kan kere durunya n nufom kere
 kabo m nahore atin n ti barasu.
¹⁹ I ni be sé má akuruwa, wara i tíentien má.
 I káaki yo má nanmie atingberem su.
²⁰ I búbu má janja wura bo wo biri,
 na i nó má fitana bo i je má nyunyumi.
 I wó bere so
 haari na m nahore atin n bá kunma deke n kere.
²¹ Na durunya n nufom kere bá ti i duma ni,
 na bu yó i tama.' "

Kabo Farasifom tuunri Yesu nzuin ka i ni Sitana deɛ ti kun ni

²² Nyini sin na ba fa sono be aba Yesu do, ajini ayo i anyinsin ni bobo wo. Na Yesu ama wo nya laifie, na wo koro ajojo, na wo ɲu asi. ²³ Na minem kere ayo alekutura, na ba bisa bu ɲuɲu nu ka, "Feme Davidi anuma n lee, nzen se a?" ²⁴ Ama, Farasifom tiiri so n na ba se ka, "Belazebuli bo i ti ajinim kere deɛ feme ni, yiri ɲgumi ma ahin sono n yiko deɛ ti, ye i koro fon yi ajinim n a."

²⁵ Yesu siiri bu sunsunni n so n na wo se bu ka, "Femeya kere bo i nya kpakpaakiiri nu wieeri, nyini femeya ni ka ɲgbeen wo. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sandi wo. ²⁶ Nyini ti, nzen ma Sitana bo i ti ajinim kere feme n nya fon i ajinim fite minem ɲu, ma nyini kere ka ba kpakpaaki nu lee. Ye i yo se ye i femeya ni koro jina a? ²⁷ To, ye nzen am ɲa Belazebuli maari m yiko, ye m fa fon yi ajinim a, ye ɲma maari am deɛ minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la ma nahore. ²⁸ Ama, Nyeme deɛ Awiewie ni ma m yiko ye m fa fon yi ajinim a. Nyini n kere ka Nyeme Feme wo am nu sunie i minem su lee.

²⁹ Bekun, i ba yo se ye be koro wura sono fangafɔ dika na i fin i nenje a, ma ka wo tara i fangafɔ acin i nyama ka? Nyini sin na i nya koro fin i nenje bo i wo awuru n nu.

³⁰ Sono kere bo i jina ma m sin, i mi ti m kpɔfo o. Na sono kere gusu bo i buka ma m na ya tien minem noo, i mi sandi minem wo. ³¹ Nyini ti, m suse am wo lee, ka, Nyeme koro fa minem satie kere fa ce bu, haari fa ko sangga ni jore ɲgbeenɲgbeen kere bo bu jɔjɔri i fa ko Nyeme do, ama, sono kere bo i jɔjɔ wuraari Awiewie Casi ni ɲgasi nu, Nyeme fa ma i mi ɲgasi ce ma i. ³² Sono kere bo i jɔjɔ wuraari mini Adamande Wa ni ɲgasi nu, Nyeme fa i mi ɲgasi ce i. Ama, sono kere bo i jɔjɔ wuraari Awiewie Casi ni ɲgasi nu, Nyeme fa ma i mi ɲgasi ce ma i, fite kisa haari fa ko fa ba."

Kabo Yesu ɲa ya fa minem woowa fa si kabo bu ti ni

³³ Na Yesu akaaki ase bu ka, "Baka kere bo i nya ti kpa, su suuwa kpa a, na baka kere gusu bo i nya ti ma kpa, su suuwa tietie wo. Dama baka kere suuwa, ye a fa si kabo i ti a. ³⁴ Ambere burukonufom ka woom ni, kabo am ti satieyofom so ni, am yo se koro yo sakpa bekun a? Dama dekem n bo am sunsun bu am ahore su n ye am jɔjɔ bu a. ³⁵ Sono kpa ni i deke kpa kere bo i bita i, fa sakpa ba a. Na sono tie gusu ni i deke tie bo i bita i, fa satie ba a. ³⁶ M suse am wo lee, ka, jina ceɛn, Nyeme di sono kere jore fa ko jore ɲgbeenɲgbeen kere bo i yo jɔjɔri i. ³⁷ Dama u noanie jɔjɔowa ma a fite nu a, na u noanie jɔjɔowa gusu ma bu di u jore cin u sui a."

Kabo Yesu keteeri ka i yo ma alekutura sa bo bu koro i ni

³⁸ Na Nyeme noanie kerefom, ni Farasifom nbem ase Yesu ka, "Ya Kerefɔ, ya koro ka a yo alekutura sa be kere ya na ya ɲu i." ³⁹ Na Yesu ase bu ka, "Ambere nyumafɔ,

satieyofom bo am su má Nyeme ni, ye am koro ka m yó alekutura sa be na am nie a? Ai, m yó má alekutura sa be na am nu i fieo, má ka alekutura sa n bo Nyeme yo yoori i maari i noanie kanfo Jona ni ngumi. ⁴⁰ Dama kabo Jona yo woori jombaa bambaka be kunnu ko juuri lesan, kongue ni wiesu ni, so ye mini Adamande Wa ni bá wo asien n bu ko ju lesan, kongue ni wiesu a. ⁴¹ Jona yo kaanri Nyeme jore kereeri Ninevafom na ba kaaki bu wo. Jina ceen, bere bá yasu jina na bu jaraki amberere nyumafom, dama kisa, m suse am wo ka, mini tara Jona, ama, am akete ka am kaaki má am wo. ⁴² Feme bara be yo fiteeri haari i bosu Seba wo, na i bá ti Feme Solomon dee Alecira jowowa noanie ni. Jina ceen, yiri bá yasu jina na i jaraki amberere nyumafom nahore su, dama kisa, m suse am wo ka, mini tara Feme Solomon, ama, am ade má m noanie ni.”

Kabo ajini bá kaaki ba i woobiri dawa na i ti barasu ni

⁴³ Na Yesu akaaki ase bu ka, “Nzen ajini nya fite yakiiri sono, i ko jengbe bara ye boro kpantain nu wo, deke bo nzue wo má, na i ko nienie woobiri bo i tana yi i nuni. Nzen wo nya má woobiri, ⁴⁴ nyini sanja, a ti ka i na, ‘Ma m kpie m nyi ko m woobiri dawa ni.’ Na i kaaki ko, i ko nu ka ba kpara dika n nyunyumi, asese deke kere su, be wo má nu. ⁴⁵ Na i nya ko fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini sanja, a nu ka sono n woowa ayo tie atara kabo i yo ti dawa ni. So ye i bá yo ma ahin nyumafom bo bu satieyo asunnu n a.”

Minem bo bu ti Yesu ni, ni i ninbaam nahore su n jore

⁴⁶ Yesu toko wo minem do jowo su ni, na i ni, ni i niemam aba aka ajina dasin, na ba se ka bu koro ka bu jowo i do o. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu jowo u do.” ⁴⁸ Sona n seeri i so wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wo fa i saa akere i susufom ni, na wo se ka, “Nie fen. M ni, ni m niemam n yaa. ⁵⁰ Dama sono kere bo i yo m Si Nyeme bo i wo angoro n dee sa koroowa, yiri ti m siwa, ni m niwa, ni m ni a.”

13

Mienu fa ko kabo dodoorifo be sandiri alembaa ni

¹ Nyini ceen n na Yesu afite awuru n nu ako atana Galili kunma kpiri n noo su, ka i kan Nyeme jore kere jama ni. ² Na jama beberebe atien bu noo i do. Bu sunnuuri beberebe so n dee ti, na wo wura lee nu atana, na bere aka ajina nzue n noo su. ³ Na wo bo mienu na wo kere bu dekem beberebe. I na, “Dodoorifo be fiteeri so o, ka i ko sandi alembaa. ⁴ Sanja bo i wo sandi su ni, na alembaa ni nbem atoto atin n noo, na anumam aba atambu bu ami. ⁵ Na nbem atoto tieka su, deke bo fa sunnu má ni, fa n sunnu má n dee ti, wo ce má, na wo fi, ⁶ ama, wie ba fiteeri agaya ni, na ba waandi, dama bunlui n akpama abi má. ⁷ Na alembaa ni nbem atoto loloe nu, na loloe n anyi akata bu nu. ⁸ Ama, na alembaa ni nbem atoto asien kpa su, na wo nyi awura mbaa zoi zoi.” ⁹ Na Yesu ase bu ka, “Bo i koro ka i ti ahin jore n bu, i ti ye ni ka i so i sui na i ti.”

Deke bo i ti na Yesu boori bu mienu n ni

¹⁰ Nyini sin na i susufom n aba i do, aba abisa i ka, “Nzu ti ye a nya ba na a jowo minem do, a bo bu mienu a?” ¹¹ Na Yesu abo bu nu ka, “Amberere ye Nyeme ma am asi i femeya n nu asiri jore kere a, ama, bere bo ba ka ni, i ma bu si má i. ¹² Dama sono kere bo wo nya deke be Nyeme do na i mi si i bita, Nyeme buka i su wo, na i nya beberebe, ama, bo i si má i bita, haari ni nyini kaan n bo i la i ni, Nyeme de i do o. ¹³ Deke bo i ti na m bo bu mienu n la ka, bu nie wo, ama, bu nu má pui. Bu so bu sui wo, ama, bu ti má deke n bo bu so bu sui ka bu ti i n bu. ¹⁴ Bu ti so n dee ti, ye Nyeme noanie kanfo Esaya yo jowo niiri bu n a, i na,

'Nyeme ña o,
Am só am sui ni nahore su,
ama, am tí má deke bo am so am sui
ka am ti i n bu.

Am káaki nié ni nahore su,
ama, am ñú má pui.

¹⁵ Dama ahin minem tii ti kekereke,
ba to bu sui na má bu ti,
ba kata bu nyumbaa na má bu ñu.

Má nyini, bu nyumbaa ñú i wó,
na bu sui tí,
na bu sí bu ahore su,
na bu káaki bu wó,
na m má bu nya laifíe.'

¹⁶ Ama, amberé la terefíe, dama am ñu asi, na am kaaki ti asui. ¹⁷ Nahore ye m suse am n a, Nyeme ñoanié kanfóm ni minem beberebe bo bu yo sa bo i kó atin su Nyeme dó n kéré koroori ka bu ñu deke bo am anu i ni, ama, ba ñu má i, na ba koro ka bu ti deke bo am ati i ni, ama, ba ti má i."

Kabo Yesu kereeri miénu n bu fa kó dódóorifó n su ni

¹⁸ Na Yesu ase i susufóm ni ka, "Am so am sui, na m se am miénu n bu, fa kó dódóorifó n bo i sandiiri alembaa n su. ¹⁹ Nbem de Nyeme ñoanié n fa kó i femeya n su kabo alembaa n tótóori atin nóo n wó. Bu nya tiiri Nyeme ñoanié n na bu ti má i bu, i cé má, na Sitana bo i ti sónó tie ni, bá yi ñoanié n fite bu ahore su, a ñu ka bu wara afi i sa. ²⁰ Nbem gusu de Nyeme ñoanié n kabo alembaa tótóori tieka su n wó. Bu nya tiiri Nyeme ñoanié ni, a ñu ka ba de i ndende ni ahorejo, ²¹ ama, i da má bu ahore su. Bu kaaki ti ka alembaa n bo bu bunlui akpama abi má n wó. I woori bu dó kaan só, na nzen wahara, wara kekereke be ba tuuri bu, fa kó bu Nyeme su n su, a ñu ka ba fa ati. ²² Nbem gusu de Nyeme ñoanié n kabo alembaa n tótóori lolóe nu n wó. Bu nya tiiri Nyeme ñoanié ni, a ñu ka bu sunsunni kéré wo deke bo bu yó na bu asiri káta su, na bu koro kabo bu yó na bu nyá ajéke kéré, na bu ahore bi fa kó durunya n nu nenngem su, na Nyeme ñoanié n koro da má bu ahore su na i yo juma. Bu ti ka alembaa n bo i wura má mbaa n wó. ²³ Ama, nbem de Nyeme ñoanié n kabo alembaa n tótóori asien kpa su n wó. Bu nya tiiri Nyeme ñoanié ni, na bu de i, na bu fa yo juma, na i yo kperé beberebe."

Miénu fa kó wura mbaa fiwa ni

²⁴ Na Yesu abo bu miénu be bekun. I ña, "Kabo Nyeme Feme bá nié i minem su yaa. Sónó be kó sandiiri nvoni i fiesu a. ²⁵ Céen n be kónge n só ó, sanja bo sónó kéré ada adaafi ni, na i kpófó be anya ayasu akó afa janmónngu nvoni asandi nvoni fie n nu. ²⁶ Sanja bo nvoni n ba fi sukó nyinse ni, na janmónngu nvoni n gusu atu asanja nvoni kpa n nu. ²⁷ Na awurufóbíe ni akóom aba i dó, aba ase i ka, 'Ya mibíe, m ña ya sandiiri nvoni kpa fie n nu e. Ye janmónngu nvoni n fiteeri ni, kó sanjaari nu a?' ²⁸ Na wó bó bu nu ka, 'M kpófó be kó yoori nyini a.' Na i akóom n abisa i ka, 'Ye a koro ka ya kó tutu janmónngu nvoni n butu wó, nzen se a?' ²⁹ Na wó bó bu nu ka, 'Am yaki i, dama nzen am ña am tutu janmónngu nvoni ni, am sánja tutu i ni nvoni kpa n kéré wó. ³⁰ Am ma bu kéré sanja nyi, haari nvoni n kpíe bá ju. Nyini sanja na m nya se nvoni kpiefóm ni ka bu kpíe i kéré na bu cin wóro janmónngu nvoni n tien i nóo yara i ka. Nyini sanja na bu nya tien nvoni kpa ba gó m bondo nu.' "

Miénu fa kó alembaa kaan be jóre su

³¹ Na Yesu abo bu miɛnu be bekun. I ɲa, “Kabo Nyeme femeya n ti yaa, i ti ka alembaa kaan kabo nyem mbaa ti n wɔ, bo sonɔ be dɔori i flesu ni. ³² Yiri ti alembaam kere kaan, ama, bu nya ba dɔori na i fiiri, i tara toro nyawam n kere bambaka, i koro nyi na i tetereki asambaam bo anumam koro yo bu tieɛrim su.”

Miɛnu fa kɔ kpɔnɔ ayiri n su

³³ Na Yesu akaaki abo bu miɛnu be bekun. I ɲa, “Kabo Nyeme femeya n ti yaa, i ti ka ayiri bo bu fa gɔ kpɔnɔ samene nu na i yasu ni, na bara be fa gɔori samene beberebe nu, na i kere yasuuri n wɔ.”

Deke bo i ti na Yesu boori nyini miɛnum ni

³⁴ Ahin n kere, Yesu boori jama n miɛnu wɔ. Nahɔre, i se má bu pui, má ka miɛnu ye i bo bu a. ³⁵ I yoori sɔ, adena nɔanie n bo Nyeme nɔanie kanfɔ n yo jɔjɔori n yo yiiwa a. I ɲa,
 “Nyeme ɲa o,
 ‘M bó bu miɛnu wɔ,
 na m má bu si deke n bo ba si má i,
 fite haari durunya n bumboori ni.’ ”

Kabo Yesu kereeri wura mbaa fiwa n miɛnu n bu ni

³⁶ Saɲga bo Yesu cin yakiiri jama n na i kɔ wuraari awuru n nu ni, na i susufɔm n aba i dɔ, aba ase i ka, “Ya koro ka a yi jaɲmɔɲgu n voni n dɛe miɛnu n bu kere ya.” ³⁷ Na wɔ bɔ bu nu ka, “Sonɔ n bo i sandiiri n voni kpa n la mini Adamande Wa ni. ³⁸ Fie n la durunya ni, na n voni n la minem bo bu fa Nyeme yo bu femɛ ni. Na jaɲmɔɲgu n voni n la Sitana dɛe minem ni. ³⁹ Ye kpɔfɔ n bo i fa jaɲmɔɲgu n voni n saɲga n voni kpa n nu n la Sitana. N voni kpie saɲga n la durunya n awieeri, ye n voni n kpiefɔm la Nyeme merɛkem ni. ⁴⁰ Kabo bu tientienri jaɲmɔɲgu n voni n nɔɔ, na bu yaraari i ni, sɔ ye i bá yo durunya n awieeri a. ⁴¹ Mini Adamande Wa ni súnma Nyeme merɛkem, na bu bá tambu yi satieyofɔm kere, ni deke kere bo i wura minem konvi na bu yo satie. ⁴² Na Nyeme merɛkem ni fá bu tu cɛema sin nu, dɔ na bu sún, na bu kán bu saa. ⁴³ Na bo bu yo Nyeme sa koroowa n yiri nya yo wein ka wiɛ, bu Si Nyeme femeya n nu. Bo i koro ka i ti ahin jɔre n bu, i ti ye ni ka i so i sui na i ti.”

Miɛnu fa kɔ ajɛke n bo bu fundu seeri n su ni

⁴⁴ Na Yesu akaaki abo bu miɛnu be bekun. I ɲa, “Kabo Nyeme Feme nie i minem su yaa, i ti kabo sonɔ be kɔ ɲuuri ajɛke be, bo ba fundu i ase fie be nu n wɔ. I ɲuuri i sɔ n na wɔ kaaki akata su, na ahorejɔ aba i dɔ agaya, na wɔ kɔ ato i nenje kere bo i la i ni, na wɔ kpie i nyi aba ato nyini asien ni.”

Miɛnu fa kɔ afere fofoe be bo i la anyunuyi agaya n su ni

⁴⁵ Na Yesu akaaki ase ka, “Bekun, kabo Nyeme Feme nie i minem su yaa, i ti kabo watafɔ be bo i nati nienie afere fofoem bo bu la anyunuyi agaya na i to n wɔ. ⁴⁶ Saɲga bo i ba kɔ ɲuuri be bo i la anyunuyi na i la gɔ agaya ni, na wɔ kɔ ato i nenje kere, na wɔ fa ato i.”

Miɛnu fa kɔ jombaa tarafɔm diendie su ni

⁴⁷ Na Yesu akaaki ase ka, “Bekun, kabo Nyeme Feme nie i minem su yaa, i ti ka diendie be bo bu fa sandiiri nzue nu, na bu taraari jombaa barasu barasu kere n wɔ. ⁴⁸ Saɲga bo diendie n yiiri ni jombaam ni, na ba cin i afite kperɛ su, na ba tana ka bu yiyi jombaam ni. Bo bu nya ɲuuri ka bu ti kpakpam ni, na bu fa bere ji bu jombaa tara bɔtɔm nu. Na bu nya fa bo bu ti má kpam fikindi tu. ⁴⁹ I bá yo sɔ ɔ, durunya n awieeri, Nyeme má i merɛkem ni nati ba yi satieyofɔm n fite bo bu yo sa bo i kɔ atin

su Nyeme do nu, ⁵⁰ na i fa satieyofom ni tu cεema sin nu. Do na bu sun, na bu kan bu saa.”

Miεenu fa ko nenje fofore ni nenje dawa su ni

⁵¹ Na Yesu abisa bu ka, “Am ati ahin miεenu n kere bu?” Na ba bo i nu ka, “Ya ti i bu.” ⁵² Na Yesu ase bu ka, “To, sono kere bo i kere Nyeme noanie ni, na i siiri kabo Nyeme Feme atin ti barasu, i mi ayo ka awurufobie bo i yi i nenje fofore ni i nenje dawa fite i nenje woobiri soo n nu, na i fa ma minem wo.”

Kabo Yesu na Nyeme noanie kanfo la ma jirima i bosu ni

⁵³ Sanja bo Yesu boori nyini miεenu kere ko wieeri ni, na wo yasu dika n nu do. ⁵⁴ Na wo kpie i nyi ako i bosu. Na wo kan Nyeme jore akere minem, bu tientienbunoo soo n nu. Na bo bu tiiri i kereewa n kere ayo alekutura. Na ba bisa bu nuju nu ka, “Nifansu ye ahin sono n nyaari nyini Alecira n ni yiko koro yo nyini alekutura sam n a? ⁵⁵ Ma kampa n wa n lee? Ma i ni la Mariya a? Ma Yakobo, ni Yosefu, ni Simon, ni Yudas n goro n lee? ⁵⁶ Am nie e. Ma i niema nbaram kere wo ya nu fen n a? Ye nifansu ye ahin sono n ko sonsosori i si n kere a?” ⁵⁷ Na ba bu i ngbeen. Na Yesu ase bu ka, “Deke n kere bu ma Nyeme noanie kanfo jirima a, ma ka i bosufom, ni i gisannufom ngumi do.” ⁵⁸ I bosufom ayo ma i yarada n dee ti, wo yo ma alekutura sam beberebe do.

14

Kabo bu kuunri Yohane Nyeme Nzue Biefo n barasu ni

¹ Nyini sanja ni, na Feme Herode ati Yesu nga. ² Na wo se i nkpienkpienm bo bu wo i nyunu n ka, “Yohane Nyeme Nzue Biefo n lee, ye wo tenge i yiwee n nu a, nyini ti ye i la yiko koro yo nyini alekutura sam kere a.” ³ Feme Herode yo ma bu taraari Yohane nyiiri i wo, dama yiri Feme Herode yo fiinri i goro Filipu yi Herodiya jaari wo. ⁴ Ma pui ti, Yohane yo seeri Feme Herode ka, “Nyeme noanie kpamaawa n kere ka a la ma atin ka a fa u goro yi ja i ngoo su.” ⁵ Ma Feme Herode yo koroori ka i kun Yohane wo, ama, i soroori Yudafom jama n wo, dama ba se ka Yohane ti Nyeme noanie kanfo o. ⁶ Na Feme Herode baawu cεenkpiri di cεen, na Herodiya wa sunjuru ago agore feme ni i jama n kere nyunu, na feme n ahore ajo. ⁷ Nyini ti, na wo tan ndie ase sunjuru n ka, “Deke kere bo a koro, se m, na m ma u.” ⁸ Na sunjuru n ni ase i ka i ko se ka i koro Yohane Nyeme Nzue Biefo n tiawa a. Na wo ko ase feme n ka, “M koro ka na a fa Yohane Nyeme Nzue Biefo n tiawa ma m perente nu kisa kisa.” ⁹ Feme n tiiri so ni, na i ahore asaaki, ama, ndie n bo i taanri i jama n nyunu n dee ti, wo koro akaaki ma i noo. Na wo ma noo ka bu yo sunjuru n koroowa ma i. ¹⁰ Nyini ti, na wo ma bu ako akpie Yohane tii dansaraka soo n nu do. ¹¹ Na ba fa i tiawa n ada perente n nu, aba ama sunjuru ni, na yiri gusu afa ako ama i ni. ¹² Na Yohane susufom n aba afa fuin n ako ase i, na ba ko ama Yesu labari.

Kabo Yesu maari nbiesom akpii nnu ni bu minem diire ni

¹³ Yesu tiiri Yohane n jore labari n so ni, na wo fa lee ako deke bo mine n wo ma, i ni i susufom ngumi. Minem tiiri so ni, na ba fite mie miem su anati bu jaa su, asa i su. ¹⁴ Sanja bo Yesu ko fiteeri lee n nu ni, na wo nu jama beberebe, na wo si bu anjuno, na wo ma tukpakifom bo bu woori do n anya laifie. ¹⁵ Nyini cεen n naaso sanja, na i susufom n aba i do, aba ase i ka, “Kisa wie ato, ya wo boro gusu wo lee. Ma minem n atin na bu ko mie kunnu, na bu ko nya diire be to di.” ¹⁶ Na Yesu ase bu ka, “I ti ma deke bo bu ko pui, amberε mmoo ni am tii nya deke be ma bu na bu di.” ¹⁷ Na ba se i ka, “Deke bo ya la i fen n kere ti kpono nnu wo, ni jombaa nnyo.” ¹⁸ Na wo se bu ka, “Am fa bu ba ma m fen.” ¹⁹ Na wo ma minem noo ka, bu tantana wura fiεiεewa n su. Na wo fa kpono nnu ni, ni jombaa nnyo ni, na wo ye i tii su

angoro na wɔ da Nyemɛ asi. Na wɔ nya akpiekpie kpɔnɔ n nu afa ama i susufɔm ni, na bere gusu afa ama minem ni. ²⁰ Na sɔnɔ kere adi, na bu kunnu ayi. Na i susufɔm n atambu kpɔnɔ ni jombaa sinsin n bo bu diiri na i kaari ni, na ba nya kandie buru ni nnyɔ. ²¹ Minem bo bu diiri kpɔnɔ n ni jombaa n kere kɔ yasuuri nbiesɔm akpii nnu wɔ, ba kan má nbaram ni nbaatumam awura má nu.

Kabo Yesu natiiri nzue su ni

²² Nyini sin na Yesu ama i susufɔm n awura lee n nu na bu du i mɔ kpie kɔ kunma kpiri n buekun, na yiri aka na i kaari jama ni. ²³ I kaariiri jama n wieeri ni, na wɔ fun akɔ kperɛ be su i ngumi ka i kɔ sere Nyemɛ. Haari wie ba tɔɔri kere, i toko wo dɔ i ngumi. ²⁴ Nyini sangɔ na lee n yiri wo nzue n afien dede dɔ, na nzue nyama sukpara i, dama anjuma sun bu kɔ bu sin wɔ. ²⁵ Na fa kɔ akɔnyuma ciciri su, na wɔ nati nzue n su suba bu dɔ. ²⁶ Sangɔ bo bu ŋuuri ka i nati nzue n su ni, na sere ati bu agaya, bu ŋa, “Njumi lee o.” Na ba bo awie, sere n dɛɛ ti. ²⁷ Kpenɔ na Yesu ajojɔ bu dɔ, na wɔ se bu ka, “Am ma am ahore si, mini a, má am soro sere.”

²⁸ Na Petoro ase i ka, “M Mibiɛ, nzen i ti wɔɔ nahɔre su a, se m ka m nati nzue n su bra u dɔ.” ²⁹ Na Yesu ase i ka, “Bra.” Na Petoro afite lee n nu sunati nzue n su sukɔ Yesu dɔ. ³⁰ Ama, sangɔ bo i ŋuuri ka anjuma ni sukpie agaya sɔ ni, na sere akaaki ati i, kpenɔ i suwura nzue n bu. Na wɔ bo awie ase ka, “M Mibiɛ, de m tii ji.” ³¹ Kpenɔ na Yesu alaandi i saa aso i nu, na wɔ se i ka, “Wɔɔ, u yarada n ti kaan sɔ. Nzu ti ye u sunsunni ti nnyɔ nnyɔ a?” ³² Na bu nnyɔ n kere awura lee n nu, na anjuma n atara. ³³ Na i susufɔm bo bu wo lee n nu n kere akansi i, bu ŋa, “A ti Nyemɛ Wa a, nahɔre su.”

Kabo Yesu ma tukpakifɔm beberebe nyaari laifie ni

³⁴ Na ba kpie nzue n aba aju awɔre n bo bu fere i ka Genesareti ni. ³⁵ Na dɔfɔm asi ka Yesu lee, na ba sunma akɔ ase awɔre n nufɔm kere, na ba fa tukpakifɔm kere aba Yesu dɔ, ³⁶ na ba sere i jande ka i ma bu fa bu saa kan i tanlee n jaa bu. Na bo bu yoori sɔ n kere anya laifie.

15

Yudafɔm nana sayoowa jɔre

¹ Na Farasifo nbem, ni Yudafɔm Nyemɛ nɔaniɛ kerefɔm afite Yerusalem mie kpiri n nu aba Yesu dɔ, aba abisa i ka, ² “Nzu ti ye u susufɔm n akete ya nam sayoowa n a? Dama bu ŋmisi má bu saa ka, na bu nya di diire.” ³ Na Yesu abɔ bu nu ka, “Nzu ti ye am akete Nyemɛ nɔaniɛ maawa n ye am su am dɛɛ sayoowam su a? ⁴ Dama Nyemɛ ama nɔɔ ka, ‘Bu u si, ni u ni.’ Ye wɔ kaaki ase ka, ‘Sɔnɔ kere bo i jɔjɔri i si, ni i ni jɔre tie, wɔ yo daka ka bu kun i mi.’ ⁵ Ama, ambere kere ka nzen sɔnɔ be la deke be bo i ti ye ni ka i fa buka i si, ni i ni, i koro se bu ka, ‘Deke bo má m ŋa m fa ma am ni, ma fa ayi saraka ama Nyemɛ.’ ⁶ Am suse ka i mi koro kpie i si, ni i ni n nyini deke n lee. Nyini n kere ka am abu Nyemɛ dɛɛ nɔaniɛ ni ŋgbɛɛn lee, ye am su am dɛɛ sayoowam n su a. ⁷ Ambere burukɔɔnufɔm ni, nahɔre ye Nyemɛ nɔaniɛ kanfo Esaya yo kaanri am jɔre n a. Wɔ kere i kadasi n nu ka, Nyemɛ ŋa o,

⁸ ‘Ahin minem ni, bu ma m jirima bu nɔɔ nu bere wɔ,
ama, i wo má bu ahore su.

⁹ Bu kansu m ŋgbɛɛn wɔ,
dama bu kere mine adamande dɛɛ kereewam wɔ,
na bu se ka nyini kereewa n fite Nyemɛ dɔ o.’ ”

Kabo Yesu ŋa diire diiwa koro yo má sɔnɔ fin ni

¹⁰ Na Yesu afere jama n aba i bi, na wɔ se bu ka, “Am so am sui na am ti jɔrɛ n bo m sujɔɔ i ma am n bu. ¹¹ Má diire bo i wura sɔnɔ nɔɔ nu n yo i fin a, ama, jɔɔɔwa bo i fite sɔnɔ nɔɔ nu ni, yiri yo i fin a.”

¹² Na i susufɔm n aba i dɔ, aba abisa i ka, “A si ka u jɔrɛ n bo a jɔɔɔri i n asun má Farasifɔm n nu e?”

¹³⁻¹⁴ Na Yesu ase i susufɔm n ka, “Má am bɔ bu nu, bu ti ka anyinsinm wɔ. Anyinsin gusu nya bitaari i beɔgu anyinsin n kpama, bu kɛrɛ kó to kunma nu wɔ. Baka kɛrɛ bo m Si Nyɛmɛ bo i wo aɔgoro n ata má i, i cín tu i wɔ.”

¹⁵ Na Petoro ase i ka, “Kere ya anyundɛrɛ n bu, bo a ɔa sɔnɔ nɔanɛ jɔɔɔwa yo i fin ni.” ¹⁶ Na Yesu abisa bu ka, “Nka ambɛrɛ gusu ati má jɔrɛ n bu lɛɛ? ¹⁷ Deke bo i wura sɔnɔ nɔɔ nu, wura i kunnu wɔ, na i kɔ je yi i, má sɔ? ¹⁸ Ama, jɔɔɔwa bo i fite sɔnɔ nɔɔ nu fite i ahore su wɔ, nyini yo i fin a. ¹⁹ Dama deke bo i wo sɔnɔ ahore su ma i sunsunni tiɛ a. I koro ma i nati sukun minɛm, na i suyo sakaraya, na i susaaki ajaa ciire, na i suwɔ, na i nati sudi kɔrɛ daani, na i nati susaaki minɛm duma. ²⁰ Nyini dekem kɛrɛ koro yo sɔnɔ fin a. Ama, nzen sɔnɔ di diire na wɔ ɔmisi má i saa, i yo má i fin.”

Kabo bara bo i ti má Yudafo yoori Yesu yarada ni

²¹ Na Yesu afite bɛrɛ akɔ awɔrɛ n bo i dodo Tiro ni Sidon miɛ kpirim ni. ²² Na bara be aba Yesu dɔ, i ti má Yudafo, i ti Kananafɔ ɔ, bo i fite nyini awɔrɛ n nu. Na wɔ bo afere Yesu, ase i ka, “M Mibiɛ, Fɛmɛ Davidi anuma, si m aɔunfo. Ajinim wo m wa baabara ɔu, sukere i yaari agaya.” ²³ Ama, Yesu abɔ má i nu. Na i susufɔm n aba i dɔ, aba asere i jande, ase i ka, “Fɔn bara n na i kɔ. Niɛ kabo i su ya su, yo nanɔmiɛ barasu a.” ²⁴ Na Yesu ase ka, “Nyɛmɛ asunma m Yisarelifɔm bo bu ti ka nbɔɛm na ba mini ni ɔgumi dɔ a.” ²⁵ Na bara n aba akutu i nyunu, ase i ka, “M Mibiɛ, buka m.” ²⁶ Na Yesu ase i ka, “I ti má ye ni ka, a fa nbaatumam diire na a fa ma caam.” ²⁷ Na bara n ase i ka, “M Mibiɛ, a la nahɔrɛ, ama, haari ni nyini mmɔɔ, caam n tambu diire n bo bu fɔm di, na i tɔtɔ asiɛɔgu n na bu fa di.” ²⁸ Na Yesu ase i ka, “A ti bara yaradayofɔ ɔ, nahɔrɛ su. Nyini ti, kabo a koro ni, i yó sɔ ma u a.” Dika n nu bɛrɛ, na i wa n anya laifiɛ.

Kabo Yesu ma minɛ beberebe nyaari laifiɛ barasu ni

²⁹ Na Yesu afite bɛrɛ, asu Galili kunma kpiri n su, na wɔ kɔ afun atana buka be su. ³⁰ Na jama beberebe afa wɔbukam, ni anyinsinm, ni bo bu saam ni bu jaam awu ni, ni bobom, ni tukpakifɔm beberebe, ka i ma bu laifiɛ, na wɔ ma bu anya laifiɛ. ³¹ Na minɛm n ayo alekutura, ni kabo bu ɔuuri ka bobom sujɔɔ, na minɛm bo bu saam ni bu jaam awu n anya laifiɛ, na wɔbukam sunati, na anyinsinm sunu asi ni, na ba kansi Nyɛmɛ n bo bɛrɛ Yisarelifɔm su i ni.

Kabo Yesu maari nbiesɔm akpii nna ni bu minɛm diire ni

³² Na Yesu afere i susufɔm ni, na wɔ se bu ka, “Ahin jama n la m aɔunfo, dama i nyuma lesan lɛɛ bo bu wo m dɔ na bu la má deke bo bu di. M koro má ka m yaki bu na bu kɔ awuru ni ahɔɛ, má nyini, bu nbem tó cin atin nu wɔ.” ³³ Na i susufɔm n abisa i ka, “Ye nifansu ye ya nyá diire ma ahin jama beberebe n sɔ n na bu di na bu kunnu yi a?” ³⁴ Na Yesu abisa bu ka, “Am la kpɔnɔ nyɛ wɔ?” Na ba bɔ i nu ka, “Ya la kpɔnɔ nso wɔ, ni jombaa kan kan nbem.” ³⁵ Na Yesu ama jama n nɔɔ ka bu tana asiɛɔgu. ³⁶ Na wɔ fa kpɔnɔ nso n ni jombaa ni, na wɔ da Nyɛmɛ asi, na wɔ kpiɛkpiɛ i nu, na wɔ fa ama i susufɔm ni, na bɛrɛ gusu afa ama jama n ka bu di. ³⁷ Bu kɛrɛ diiri, na bu kunnu ayi. Na i susufɔm n atambu sinsin kaawa n kandɛ nso. ³⁸ Minɛm bo bu diiri diire ni, nbiesɔm ɔgumi kɔ yasuri akpii nna a, ba kan má nbaram ni nbaatumam awura má nu. ³⁹ Na Yesu anya kaari jama ni, na ba kɔ awuru, na wɔ nya awura lee nu, akɔ awɔrɛ n bo bu fere i ka Magadan n nu.

16

Kabo Yesu keteeri ka i yo má alekutura sa bo bu koro i ni

¹ Na Farasifom, ni Sadusifom nbem aba Yesu do, na ba koro ka bu so i nge. Nyini ti, na ba se i ka i yo alekutura sa be bo i kere ka i yiko n fite Nyeme do. ² Na Yesu ase bu ka, "Sanja bo wie nya ba suto, na am nu ka angoro n kere ayo kokore, a ti ka am na, 'Ahunma dika ni bo, dama i ti kokore wo.' ³ Nzen ngarama fuun, na am nu ka angoro asanja kokore ni biri, a ti ka am na, 'Nyuma nzue to.' Am koro nie angoro n na am si sa bo i ba yo, ama, am koro si ma sam bo bu suyo jina n nu n yiri bu. ⁴ Ambere nyumafom, satieyofom bo am su ma Nyeme ni, ye am koro ka m yo alekutura sa be na am nie? Ai, m yo ma alekutura sa be na am nu i fieo, ma ka alekutura sa n bo Nyeme yo yoori i maari Jona ngumi ni." I seeri so wieeri ni, na wo yaki bu, na wo ko.

Babowa fa ko Farasifom ni Sadusifom dee kereewam n su

⁵ Sanja bo Yesu susufom n kpie ko juuri kunma kpiri n bue kun do ni, na bu wara afi diire sa, ba bita ma kpono nu. ⁶ Na Yesu ase bu ka, "Am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ⁷ Na ba se bu nu nu ka, "Ya bita ma kpono aba ma n dee ti, ye i se so n a." ⁸ Na Yesu afa nu kabo i susufom n sujoko bu nu nu ni, na wo se bu ka, "Ambere bo am yarada n ti kaan so ni, nzu ti ye am sujoko am nu nu ka am bita ma kpono a? ⁹ Am nya ti ma sa n bu, nzen se? Am tenge ma su ka m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a? ¹⁰ Ye kpono nso n bo m yo fa kpiekpie maari mine akpii nna n di? Kandie nye ye am sasaari a? ¹¹ Ye nzu ti ye am si ma ka m sujoko ma kpono jore a? M na am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ¹² Na ba nya asi ka i suse ma bu ka bu si bu nu sa ni Farasifom ni Sadusifom dee kpono ayiri n wo, ama, i na bu si bu nu sa fa ko bu kereewa n dee atin su wo.

Kabo Petoro kereeri ka Yesu ti barasu ni

¹³ Sanja bo Yesu fa ba juuri Sizariya Filipiya dee mie kan kanm su ni, na wo bisa i susufom ka, "Minem fa mini Adamande Wa n bu nma a?" ¹⁴ Na ba bo i nu ka, "Nbem na woro la Yohane Nyeme Nzue Biefo n a, nbem na woro la Nyeme noanie kanfo Eliya, nbem na woro la Nyeme noanie kanfo Jeremiya, ye nbem gusu na a ti dawa dee Nyeme noanie kanfo nyingam n kun wo." ¹⁵ Na wo nya abisa bu bekun ka, "Ye ambere fa m bu nma a?" ¹⁶ Na Simon Petoro abo i nu ka, "Woro ti Kristo Tiidefo n a, Nyeme n bo i wo bere sanja kere n dee Wa ni." ¹⁷ Na Yesu ase i ka, "Simon Jona wa, terefie wo u do. Dama ma adamande yiiri ahin jore n bu kereeri u ka a joko a, ama, m Si Nyeme bo i wo angoro ni yi kereeri u a. ¹⁸ Nyini ti, m suse u wo lee ka, woro ti Petoro a, u дума bu la ka yabue ni. Nyini yabue n su ye m ma m jama minem kere jina a, na yiwee mmoko koro yo ma bu pui. ¹⁹ M fa Nyeme femeya n ano kadambaam ma u, na deke kere bo a ma minem atin ka bu yo i durunya n nu fen, i ti so o lee, Nyeme do. Na deke kere bo a ma ma minem atin ka bu yo i durunya n nu fen, i kaaki ti so o lee, Nyeme do." ²⁰ Nyini sin, na Yesu abobo i susufom ni ka ma bu ma be si ka yiri ti Kristo Tiidefo n a.

Kabo Yesu joko fa koori i yiwee n su ni

²¹ Fite nyini sanja n fa ko, na Yesu abo i bu sukere i susufom n ka, "Wo yo daka ka m ko Yerusalem na m ko di wahara dongu fite Yudafom nkpienkpienm, ni Nyeme sayoowa donguyofom nkpienkpienm, ni Nyeme noanie kerefom do na bu kun m. Ama, na i lesan een, na Nyeme ma m tenge m yiwee n nu." ²² Na Petoro afa i ako aheme, na wo jarki i ase i ka, "M Mibie, ma a se ka a se so, Nyeme yo u kisi ni nyini sa ni.

Nyini koro yo má cɛɛn be da.” ²³ Na Yesu aɛɛ anie Petoro na wɔ tien i ɲu ase i ka, “Sitana, fa cinsi m bi bere. A sukanda m atin wɔ. A sunsun má kabo Nyeme sunsun ni. A sunsun kabo adamande sunsun n wɔ.”

²⁴ Na Yesu ase i susufɔm n ka, “Sɔnɔ kere bo i koro ka i su m su, wɔ yo daka ka i mi wara fi i tienɲu sa koroowa sa, na i fa i yiwee baka jaanu n sɔ, na i su m su.

²⁵ Dama sɔnɔ kere bo i koro ka i fa i ɲɔɔ fie, i mi bá fun i. Ama, sɔnɔ kere bo i tɔɔri i ɲɔɔ mini ni m labari kpa n deɛ ti, i mi nyá ɲɔɔ. ²⁶ Nzen sɔnɔ nyaari durunya n nu deke n kere, na i fuunri i ɲɔɔ, i kperɛ la bɔnɔ? Nzu deke ye sɔnɔ fá kaaki i ɲɔɔ a? ²⁷ Dama mini Adamande Wa ni bá ba ni m Si Nyeme jirima woowa n nu, ni i merɛkem ni, na m nyá tɔ sɔnɔ kere kaari, kabo i juma, wara i sayoowa ti barasu.

²⁸ Nahɔre ye m suse am n a, am nbem wo fen bo am wu má, má ka am aba ɲu ka mini Adamande Wa ni suba ka m bá nie m femeya n su.”

17

Kabo Yesu ɲunie kaakiiri wo barasu ni

¹ Lesen cɛɛn sin na Yesu afa Petoro, ni Yakobo, ni yiri Yakobo niɛma Yohane, afun ako buka lenlenge be su, bu ni yiri ɲgumi. ² Bu woori dɔ n na ba ɲu ka i ɲunie akaaki wo, na i nyunuawa aje ka wie, na i tanlɛɛ n akaaki fofoe papasi. ³ Dɔ na ba ɲu mine nnyɔ nbem atie bu ɲu, na bu ni Yesu subo anzama, bere la Moyisi ni Eliya, dawa deɛ Nyeme nɔanie kanfɔm ni. ⁴ Na Petoro ase Yesu ka, “M Mibie, i ti kpa ka na ya wo fen. Nzen má a soro su, m bó nambue nsan fen, u deɛ kun, Moyisi kun, na Eliya gusu deɛ kun.” ⁵ Saɲga bo i jina wo jɔjɔri su n na yinyiɲu papasi akata bu ɲu, na ba ti akonvi be ɲga yinyiɲu n nu, na wɔ jɔjɔ bu dɔ, i ɲa, “M wa koroowa lee bo m ahore ajo i ɲu. Am de i nɔanie.” ⁶ I susufɔm n tiiri akonvi ni ɲga sɔ ni, na sere ati bu agaya, na ba butu asiɲu. ⁷ Na Yesu aba afa i saa akan bu, na wɔ se ka, “Má am ma sere ti am, am yasu.” ⁸ Na ba ye bu tii su anie, ba ɲu má sɔnɔ be kun, má ka Yesu ɲgumi.

⁹ Na saɲga bo bu ba sujura buka n su ni, na Yesu abɔɔ bu ka, “Má am be se ka i bo sa n bo am ɲu i n sufa kere sɔnɔ be, haari fa kɔ saɲga bo mini Adamande Wa ni bá wu na Nyeme bá ma m tenge m yiwee n nu ka.” ¹⁰ Dɔ na i susufɔm n abisa i ka, “Ye nzu ti ye Nyeme nɔanie kerefɔm n bita jɔjɔ ka wɔ yo daka ka Eliya dú mɔ ba ka, ye Kristo Tiidefɔ ni bá ba n a?” ¹¹ Na wɔ bɔ bu nu ka, “I ti nahɔre wɔ ka, Eliya dú mɔ ba na i bá sese deke n kere su. ¹² Ama, m suse am wɔ lee, ka, Eliya adu mɔ aba, na minɛm asi má i, na ba yo i kabo bu koro. Sɔ ye mini Adamande Wa n gusu bá di wahara minɛm saa nu a.” ¹³ Dɔ na i susufɔm n anya asi ka i jɔjɔ Yohane Nyeme Nzue Bieɔ n deɛ jɔre wɔ.

Kabo Yesu fɔn yiiri ajini fiteeri baa be ɲu ni

¹⁴ Saɲga bo Yesu ni i susufɔ nsanm ni kpieri bu nyi ba juuri jama n bi ni, na sɔnɔ be aba akutu i nyunu, ¹⁵ ase i ka, “M Mibie, si m wa baabieso n ɲunfɔ. I tɔ ɲgbiti wɔ, bo i di wahara agaya. Saɲga kere bo i nya ba yasu i ɲu, i fa i wura sin nu wɔ, wara nzue nu. ¹⁶ Ma fa i aba u susufɔm n dɔ lee ka bu ma i nya laifie, ama, ba koro atuntun má i na i nya laifie.” ¹⁷ Na Yesu ase bu ka, “Amaa. Ambere satieyofɔm, am la má yarada fieo. Nyuma sa ye m wo am dɔ fen a? Ye m yó sawɔre ni ambere kɔ ju se wɔ? Am fa baa n ba ma m fen.” ¹⁸ Na Yesu atien ajini n ɲu, na wɔ fite ayaki baa ni. Dika n nu bere, na baa n anya laifie.

¹⁹ Nyini sin na Yesu susufɔm n aba i dɔ, bere ɲgumi, aba abisa i ka, “Nzu ti ye yere akoro afɔn má nyini ajini n a?” ²⁰ Na Yesu abɔ bu nu ka, “I fite ka am yarada n ti kaan sɔ n deɛ ti a. Nahɔre ye m suse am n a, nzen am yoori Nyeme yarada bo i kɔ juuri kabo nyem mbaa ti ni mmɔɔ, am koro se nyini buka n ka, ‘Fite fen kɔ dɔ,’ na i

kɔ. Deke wo má bɛɛ bo i yó kekereke ma am. [²¹ Ama, nyini ajini n n̄usu sɔ koro fite yaki má sɔnɔ n̄gbɛɛn sɔ, má ka nyemɛsere ni nɔɔ cici.]”

Kabo Yesu jɔjɔ fa kɔɔri i yiwee n su bekun ni

²² Saŋga bo i susufɔm ba tiɛnri bu nɔɔ Galili awɔɛ n nu ni, na Yesu ase bu ka, “Bu bá tɔ mini Adamande Wa n ma mine nbem, ²³ na bu kún m, ama, bu kuunri m wieeri, i lesan cɛɛn, Nyemɛ má m tenge m yiwee n nu.” I jɔjɔɔri sɔ ni, na i susufɔm n ahore asaaki agaya.

Kabo Yesu tɔɔri Nyemɛ Sereebiri Awuru n nu lampo kaari ni

²⁴ Saŋga bo Yesu ni i susufɔm n ba juuri Kapenam miɛ kpiri n nu ni, na Nyemɛ Sereebiri Awuru n nu lampodefɔm n aba Petoro dɔ, aba abisa i ka, “Am kprien n tɔ Nyemɛ Sereebiri Awuru n nu lampo kaari, nzen i tɔ má?” ²⁵ Na Petoro abɔ i nu ka, “I tɔ wanla.” Saŋga bo Petoro kɔ juuri awuru n nu n na Yesu adu mɔ abisa i dɔ ka, “Simon, ye wɔɔɔ n̄a se wɔ? N̄mam tɔ lampo n̄waa ma durunya n nu fɛn nfemɛm a, mienbaam nzen wɔfɔm?” ²⁶ Na Petoro abɔ i nu ka, “Wɔfɔm.” Na Yesu ase i ka, “Nzen i nya tiiri sɔ de, mienbaam tɔ má lɛɛ. ²⁷ Ama, yɛɛ koro má ka ya wura bu n̄gasi nu. Nyini ti, kɔ kunma kpiri n nu na a kɔ fa u kuwa n ji nu, jombaa kɛɛ bo a du mɔ taraari i, niɛ i nɔɔ nu, a n̄ú n̄waa bo i ju mini ni wɔɔɔ dɛɛ Nyemɛ Sereebiri Awuru n nu lampo n̄waa tɔ. Fa i na a fa kɔ tɔ mini ni wɔɔɔ tii su kaari.”

18

Kabo Yesu kereeri sɔnɔ bo i tara bu kɛɛ ni

¹ Nyini saŋga ni, na Yesu susufɔm n aba i dɔ, aba abisa i ka, “N̄ma yo ya kɛɛ tii Nyemɛ femɛya n nu a?” ² Dɔ na Yesu afere baa kaan be, aba ajina bu afien. ³ Na wɔ se ka, “Nahɔɛ ye m suse am n a, am wúra má Nyemɛ femɛya n nu, má ka am kaaki am wo na am yo am n̄u ka baatuma kaan. ⁴ Nyini ti, sɔnɔ kɛɛ bo i yo i n̄u kaan ka ahin baa ni, yiri ti minem kɛɛ tii Nyemɛ femɛya n nu a. ⁵ Sɔnɔ kɛɛ bo i deerri ahin baakan n n̄usu m dɛɛ ti, wɔ de mini wɔ lɛɛ.”

Kabo wɔ yo daka ka má sɔnɔ wura satie nu ni

⁶ Na Yesu akaaki ase ka, “Wɔɔɔ kɛɛ bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti má kpa. Nzen má bu faari n̄gani san yabue bambaka ciciiri u kɔm na bu fa u kɔ tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufɔm bá n̄u anyumboro, dama bu yo sam bo bu ma mine kaaki bu sin bo m dɛɛ atin n wɔ. Nyini sam ni yo wɔ, saŋga kɛɛ, ama, sɔnɔ kɛɛ bo i ma nyini sam yoori ni, yiri bá n̄u anyumboro.

⁸ Nzen u saa, wara u jaa cin u wura satie nu a, kaba kpie i fa tu na a ka asaasin, wara, ajaasin, na a nyá u n̄u kɔ Nyemɛ dɔ. I ti ye ni bo a la u saa nnyɔ ni u jaa nnyɔ n kɛɛ, na bu ba fa u tu cɛɛma sin n bo i nɔɔ má n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nyá u n̄u kɔ Nyemɛ dɔ. I ti ye ni bo a la u nyumbaa nnyɔ n kɛɛ na bu ba fa u tu cɛɛma sin nu ni.”

Miɛnu fa kɔ bɔɛ bo wɔ mini n su ni

¹⁰ Na Yesu ase ka, “Má am se ka am bu ahin nbaatuma kan kanm n be n̄gbɛɛn. M suse am wɔ lɛɛ, ka, bu dɛɛ merɛkem bo bu wo an̄goro ni, wo m Si Nyemɛ nyunu saŋga kɛɛ a. [¹¹ Dama, mini Adamande Wa n baari ka m ba nienie bo ba mini n wɔ, na m de bu tii ji.]

¹² Nzen sɔnɔ la nbɔɛm yaa, na bu nu kun miniiri, am sunsun ka i yo se wɔ? I yáki aburan̄gɔna ni n̄gɔna n wura diibiri kpere n su, na i kó nienie kun n bo wɔ mini ni, má sɔ? ¹³ Nahɔɛ ye m suse am n a, nzen i nienie kɔ n̄uuri nyini kun ni, i ahore jɔ i

nyu tara aburangona ni ngona n bo ba mini má ni. ¹⁴ I ti so o lee, am Si Nyeme bo i wo angoro n do, i koro má ka ahin nbaatumam kun n kpein mmoo mini.”

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen woro kere bo u niwa yoori u satie be, ko i do na u ni yiri mine nnyo ni ngumi, na a se i ka wo yo u satie. Nzen i tiiri i bu ka wo yo u satie, i toko ti u niwa lee. ¹⁶ Ama, nzen i keteeri, yo anie na a nya sono kun, wara mine nnyo buka u nyu su, na am ko nyu i, adena mine nnyo, wara mine nsan n bo ba ti jore n yo u daanifom. ¹⁷ Nzen i keteeri bere gusu, na a nya fa i sereya n ko Kristo jama n kere do. Nzen i nya keteeri Kristo jama ni, am fa i ka sono bo i su má Nyeme, wara satieyofa bo wo kete ka i kaaki má i wo lee.”

¹⁸ Na Yesu akaaki ase ka, “Nahore ye m suse am n a, deke kere bo am ma minem atin ka bu yo i durunya n nu fen, i ti so o lee Nyeme do, na deke kere bo am ma má minem atin ka bu yo i durunya n nu, i kaaki ti so o lee Nyeme do.

¹⁹ Nahore ye m suse am bekun n a, sangha kere bo am mine nnyo yoori am nookun, na am sereeri m Si Nyeme deke be, i yo i ma am. ²⁰ Dama deke kere bo mine nnyo, wara nsan tieenri bu noo m dee duma n nu, m wo bu do.”

Mienu fa ko kaari bitafa nnyo nbem su ni

²¹ Nyini sin na Petoro aba Yesu do, aba abisa i ka, “M Mibie, nzen m niwa nati yo m satie sangha kere, kpe nye ye m fa i satie ce i a? Kpe nso, nzen se?” ²² Na Yesu abo i nu ka, “Ai, m suse u wo lee ka, má kpe nso co, ama, kpe aburasoso busu nso.” ²³ Na Yesu akaaki ase ka, “Nyini ti, kabo Nyeme femeya n ti yaa. Feme be yo woori bere a, ceen n be na wo se ka i bu akunta ni i akoom bo bu wo i do yo juma ni, na i si nwaa bo bu bita i. ²⁴ Sangha bo i boori i bu na i bu akunta ni, na ba fa i akoo n kun be bo i bita i nwaa kaari bo i la má noo, aba i do. ²⁵ Kabo nwaa n sunnu so na i koro to má kaari n ni, na feme n ama noo ka bu to i ni i yi, ni i nbaam, ni i deke kere bo i la i, na bu fa to kaari ni. ²⁶ Na akoo n akutu i mibie n nyunu asiengu, asere i ka, ‘Jande, si m anunfo, na m kó nienie nwaa n na m bá to kaari ni.’ ²⁷ Na i mibie n asi i anunfo, na wo fa kaari n ace i, na wo yaki i aji. ²⁸ I fiteeri bere, na i ni i benggu akoo n kun be bo i gusu bita i kaari n aye, i dee n sunnu má fieo. Na wo so i benggu n kom nu amie i, na wo se i ka, ‘To m kaari n kisa kisa bere.’ ²⁹ Na i benggu n akutu haari asiengu, asere i ka, ‘Jande, si m anunfo, na m kó nienie u nwaa na m bá to u kaari.’ ³⁰ Ama, na wo kete, na wo ko anyi i benggu n saraka, na wo se i ka má ka wo to i kaari ni. ³¹ I benggu nyingam nuuri sa n bo wo yo i n so ni, na bu ahore asaaki agaya, na ba ko ase feme n sa n bo wo yo i n kere. ³² Do na feme n afere i, ase i ka, ‘Woro satieyofa ngbeen ni, a sereeri m dee ti, ye m yakiiri u kaari n kere bo a bita i n fa ceeri u a. ³³ Má wo yo daka ka woro mmoo siiri u benggu n anunfo na a fa ce i, kabo m nuuri u anunfo na m fa ceeri u ni.’ ³⁴ Na yaa ati feme n agaya, na wo ma bu afa nyini akoo n ko anyi i saraka, ka i ko di wahara do, haari fa ko ju sangha bo i bá to kaari n kere wie.” ³⁵ Na Yesu ase bu ka, “Nzen am afa má am bengum satie ace má bu am ahore su, so ye m Si Nyeme bo i wo angoro ni cin am sui a.”

19

Kabo Yesu kereeri minem fa ko ajaa ni ajaa yaki atin su ni

¹ Sangha bo Yesu jooori ahin jorem n kere wieeri ni, na wo yasu Galili awore n nu, ako Yudiya dee awore n nu, na wo ko akpie Yodan kunma n buekun do. ² Na jama beberebe asu i su, na wo ma tukpakifom bo bu wo jama n nu n anya laifie.

³ Na Farasifo nbem aba i do, ka bu ba so i ngee fa ko i noanie jooowa n su, na ba bisa i ka, “Ya dee atin n su, atin wo nu ka sono koro fa i yi ji deke be dee ti?” ⁴ Na Yesu

abo bu nu ka, “Ye ba kere i Nyeme Jore Kadasi n nu se wo? Ba kere ka, fite durunya n bumboori, sangha n bo Nyeme yiiri adamande ni, i yiiri bieso ni bara wo, ⁵ na wo se ka, ‘Nyini dee ti, i ti ye ni ka bieso n kpaaki i gisan yaki i si ni i ni, na i ni i yi n sangha wo. Nyini sangha, bu mine nnyo n ayo deke kun lee.’ ⁶ Bu wo ma bu ngungumi kun. Nyini ti, deke bo Nyeme anya asanga i awie, ma sono kpaaki i nu kun.” ⁷ Na ba bisa Yesu bekun ka, “Ye nzu ti ye Moyisi yo maari atin ka, nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?” ⁸ Na Yesu abo bu nu ka, “Am ahorembaa kekereke n dee ti, ye Moyisi yo maari am nyini atin n a. Ama, fite durunya n bumboori, i yo ti ma so. ⁹ M suse am wo lee, ka, sono kere bo i faari i yi jiiri, na wo yo ma ka bara n ako somaya ye i fa i jiiri, na i jaari bara fofore, i mi n asaaki ajaa ciire lee.”

¹⁰ Na i susufom n ase i ka, “Nzen i nya tiiri so yiri, fa ko bieso ni bara do, i ti kpa ka ma be ja ajaa.” ¹¹ Na wo se bu ka, “Ma sono kere koro su ahin noanie n su a, ma ka bere bo Nyeme adu mo afa ama bu ni. ¹² Dama deke bo i ti na mine nbem ja ma ajaa n la ka, bu bieso dika yo ma juma n dee ti, nbem gusu, ba sa bu wo, ye nbem gusu kete ajaa fa ko Nyeme femeya n jore dee ti. Nyini ti, sono kere bo i koro de ahin noanie ni, i mi de i.”

Kabo Yesu yoori nbaatumam kisi barasu ni

¹³ Na mine nbem afa nbaatumam aba Yesu do, ka i fa i saa nana bu nu na i sere Nyeme ma bu. Ama, na i susufom n atien minem ni nu. ¹⁴ Na Yesu ase bu ka, “Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a.” ¹⁵ Na wo fa i saa anana bu nu na wo yo bu kisi, na wo nya afite bere ako.

Gbefene nengefɔ n ni i nyemesu jore

¹⁶ Ceen be, na gbefene be aba Yesu do, aba abisa i ka, “Ya Kerefɔ, m yo nzu sakpa ye m ba nya ngoo n bo i la ma awieeri n a?” ¹⁷ Na Yesu abo i nu ka, “Nzu ti ye a bisa m fa ko deke bo i ti sakpa su a? Sono kun n kpein wo bere bo i ti kpa. Nzen a koro ka a nya ngoo, su Nyeme noanie maawam n su.” ¹⁸ Na wo bisa Yesu ka, “Noanie maawa nbom?” Na Yesu abo i nu ka, “Ma a kun sono. Ma a saaki ajaa ciire. Ma a wo. Ma a di kore daani. ¹⁹ Bu u si ni u ni. Koro u benjgu kabo a koro u nu ni.” ²⁰ Na gbefene n ase i ka, “Ma su nyini noanie maawa n kere su, ye nzu kaari a?” ²¹ Na Yesu ase i ka, “Nzen a koro ka u woowa n ti kabo Nyeme koro ka i ti n wo, ko na a ko to u aja kere, na a fa nwaa n ma jaarifom, na a ba nya ajekere Nyeme do, na a bra, ba su m su.” ²² Sangha bo gbefene n tiiri nyini so ni, na wo yasu ako ni ahoresaaki, dama i la nenje agaya n dee ti.

²³ Na Yesu ase i susufom n ka, “Nahore ye m suse am n a, i yo kekereke ni bo nengefɔ wura Nyeme femeya n nu. ²⁴ M suse am wo bekun lee ka, kabo nyoma sin misini bue nu ni, i ti ma kekereke tara ma kabo nengefɔ yo na i wura Nyeme femeya n nu ni.” ²⁵ Sangha bo Yesu susufom n tiiri nyini n so ni, na ba yo alekutura agaya, na ba bisa i ka, “Ye nzen i ti so, nma koro fite nu a?” ²⁶ Na Yesu anie bu do, na wo se ka, “Ahin ti deke bo adamande koro yo ma i, ama, Nyeme do, i ti ma pui, dama Nyeme koro yo deke kere.”

²⁷ Na Petoro ase i ka, “To, ye yere ayaki deke kere susu u su e. Ye ya nya nzu wo?” ²⁸ Na Yesu ase bu ka, “Nahore ye m suse am n a, sangha bo mini Adamande Wa n ba tanaari m jirima tanaabiri n durunya fofore n nu, m ma ambere bo am asu m su ni tana femeya bie buru ni nnyom n su, na am nie Yisarelifom ano buru ni nnyom n su. ²⁹ Na sono kere bo i yakiiri i awuru, wara i ninbaam, wara i si, ni i ni, wara i nbaam, wara i asienm, mini dee ti, i mi nya nyini n kere nusu yaa i ngoo su, na i kaaki nya

ngɔɔ bo i la má awieeri. ³⁰ Am mine dɔngɔ bo bu wo mɔ kisa ni bá ka sin, na bo bu ka sin kisa n bá du mɔ.”

20

Miɛnu fa kɔ fie fɔ be ni i npadifɔm su ni

¹ Na Yesu akaaki ase ka, “Nyeme femeya n ti ka sɔnɔ be bo i yasuuri alecin ngarama fuun, ka i kɔ niɛniɛ npadifɔm na bu kɔ yo i fie juma n wɔ. ² Na i ni bere adi gɔ, na wɔ soro su ka i tɔ bu lekun jumayoowa nkato, jete njwaa kun. Na wɔ fa bu akɔ fie n su. ³ Na fa kɔ kerefi ngɔna sanja, na wɔ kaaki akɔ anju ka mine nbem tana gɔɔsu, bu yo má pui. ⁴ Na wɔ se bu ka, ‘Am ma ya kɔ m fie n su, na am kɔ yo m juma, na m tɔ am kaari, kabo am jumayoowa ti barasu.’ ⁵ Nyini ti, na ba kɔ. Na kerefi buru ni nnyɔ sanja, na wɔ kaaki akɔ gɔɔsu, akɔ anju ka mine nbem jina, na wɔ fa bu akɔ i fie n su. Na kerefi nsan sanja, na wɔ yo sɔ bekun. ⁶ Na fa kɔ naaso kerefi nnu sanja, na wɔ kɔ anju ka mine nbem jina ngbɛɛn, bu yo má pui. Na wɔ bisa bu ka, ‘Nzu ti ye am ba jina fen ngarama kun kere ngbɛɛn sɔ, na am yo má pui a?’ ⁷ Na ba bɔ i nu ka, ‘Be afa má ya ka ya yo i juma.’ Na wɔ se bu ka bere gusu kɔ na bu kɔ yo juma i fie n su. ⁸ Sanja bo wie ba tɔori n na fiefɔ n fere i juma niesufɔ n na wɔ se i ka, ‘Fere jumayofɔm n kere na a tɔ bu kaari. Bo i bu tɔ bo bu baari kasin n ka, na a nya ba tɔ bo bu duuri mɔ baari ni.’ ⁹ Na bo bu baari ka sin n kere aba, na wɔ tɔ bu jete njwaa kun kun. ¹⁰ Sanja bo i ba kpuraari bo bu duuri mɔ baari ni, bu sunsuunri ka bu deɛ nkato tara bo bu kaari sin baari n deɛ n wɔ. Ama, bu tɔori bu kere jete njwaa kun kun wɔ, kabo bu tɔori kasinfɔm ni. ¹¹ Bu deerɛ njwaa wieeri sɔ ni, na ba njunuti fie n fɔ ni. ¹² Bu na, ‘A tɔ kasinfɔm bo ba yo má juma kpa be ni nkato nyunyumi, na kabo a tɔori bu ni, a tɔ yere gusu bo ya baari ngarama kun kere, na ya ba adi yaari, na wie abo ya n gusu sɔ ɔ.’ ¹³ Ama, na fie n fɔ n abɔ nu, ase bu kun ka, ‘M dɔn, ti fen, ma sisi má am e. Bo mini si i n la ka, am soroori su ka am yo lekun juma, na am de jete njwaa kun wɔ. ¹⁴ Nyini ti, de u njwaa na a kɔ. M koro ka m ma kasinfɔ n kabo m maari u n wɔ. ¹⁵ M la má atin ka m yo m njwaa kabo m koro, nzen se? Wara, a si m kɔre fa kɔ m sakpa bo ma yo i n wɔ?’ ” ¹⁶ Na Yesu ase bu ka, “Ahin miɛnu n bu la ka, minem bo ba ka sin kisa ni, bá du mɔ, na bo ba du mɔ kisa n bá ka sin.”

Kabo Yesu jɔjɔ fa kɔori i yiwee n su kpe nsan su ni

¹⁷ Sanja bo Yesu ni i susufɔm, ni jama n sukɔ Yerusalem miɛ kpiri n nu ni, bu wo kɔ su sɔ ni, na wɔ fere i susufɔ buru ni nnyɔm n akɔ aheme, na wɔ se bu ka, ¹⁸ “Am ti fen. Ya sukɔ Yerusalem lee, do ye bu kɔ tara mini Adamande Wa n a, na bu fá ma Nyeme sayoowa dɔnguyofɔ nkpienkpienm ni, ni Nyeme noaniɛ kerefɔm ni, na bu dí m jɔre, na bu soro su ka bu kún m. ¹⁹ Na bere gusu nyá fa m wura minem bo bu ti má Yudaɔm saa nu, na bu yó m anzasi, na bu fin m ngbere, na bu nyá kpama m baka jaanu n su na m wu, na i lesan ceɛn, na Nyeme má m tenge m yiwee n nu.”

Kabo Yesu kereeri ka mɔfɔ yo i nu kaan ni

²⁰ Na Zebedi yi afa i nbaa nnyɔm n aba akutu Yesu nyunu, asere i ahɔrɔma ka i yo sa be ma i. ²¹ Na Yesu abisa i ka, “A koro ka m yo nzu ma u a?” Na bara n abɔ i nu ka, “M koro ka a ma nɔɔ ka sanja bo a bá diiri u femeya ni, a má m ahin nbaa nnyɔm ni atin na bu nu kun tana u saa fɔmbɔrɔ su, na kun gusu tana u saa bie su.” ²² Na Yesu ase bu ka, “Am si má deke bo am susere i n ti a. Am koro di wahara n bo m dí i ni?” Na ba bɔ i nu ka, “Eɛn, ya koro yo i kere.” ²³ Na Yesu ase bu ka, “Nahɔre, am dí wahara n bo m dí i ni. Ama, mini la má atin bo m má am be tana m saa fɔmbɔrɔ su, na be tana m saa bie su. Ama, m Si Nyeme asese nyini tanaabiri n su, afa ase minem bo yiri ni i tii ayi bu n a.”

²⁴ Saɗga bo i susufɔ burum n ba tiiri kabo Zebedi nbaa nnyom n seeri Yesu ni, na ba fa yaa bu ɗu. ²⁵ Na Yesu afere bu kere aba i bi, na wo se bu ka, “Am si tenle su ka minem bo bu su má Nyeme, na bu yo bu ɗu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ²⁶ Ama, i ti má ye ni ka ambere yo so. Nzen sono bo i koro ka i wura i ɗu kpiri am kere nu, wo yo daka ka i mi yo i ɗu kaan, na i su am. ²⁷ Na bo i kaaki koro ka i yo am mofɔ, i ti ye ni ka i mi yo am kere akoo, ²⁸ kabo mini Adamande Wa n ni m tii aba má ka minem su m ni, ama, m baari ka m ba su minem wo, na m wu ma bu, na m de mine dongu tii ji.”

Kabo Yesu tuntuunri anyinsin nnyo nbem na bu ɗuuri asi ni

²⁹ Saɗga bo Yesu, ni i susufom ni sufite mie kpiri n bo bu fere i ka Yeriko ni, na jama beberebe asu bu su. ³⁰ Bu sukɔ ni, anyinsin nnyo nbem tana atin n noo su. Saɗga bo bu tiiri ka Yesu susin ni, na ba bo afere i, bu ɗa, “Ya Mibie, Feme Davidi anuma, si ya anunfo.” ³¹ Na jama n atien bu ɗu ka bu yaki nanmie. Ama, na ba kaaki abo afere abuka su ka, “Ya Mibie, Feme Davidi anuma, si ya anunfo.” ³² Na Yesu aka ajina, na wo fere bu, na wo bisa bu ka, “Am koro ka m yo nzu ma am a?” ³³ Na ba bo i nu ka, “Ya Mibie, ya koro ka a ma ya ɗu asi wo.” ³⁴ Na Yesu asi bu anunfo, na wo fa i saa akan bu nyumbaa ni, kpenɗa na ba ɗu asi, na ba su i su.

21

Kabo Yesu fuunri kaako wuraari Yerusalem ka feme dee su ni

¹ Bu ko ɗa bu dodo Yerusalem mie kpiri n nu, na bu ɗa bu wura mie n bo bu fere i ka Befage ni, nyini mie n dodo buka n bo bu fere i ka Oliva Buka n wo, dama oliva bakam go su wo. Do na Yesu asunma i susufom n nu nnyo, ² na wo se bu ka, “Am ko mie kaan n bo i wo am nyunu do ni, am ko juuri, am ɗu ka kaako be minda, i wa jina i bi bere. Am nyanɗi i ni baa n kere bra. ³ Nzen be bisaari am ka nzu ti ye am sunyanɗi i a, am se i ka Mibie ni koro bu a, na i má am kaaki fa bu ba kisa kisa.”

⁴ Ahin yoori so o, adena Nyeme noanie kanfo n noanie n bo i yo jooori i n yo yiiwa a, i ɗa,

⁵ “Se Siyonfom ka,

Am nie, am feme ni suba n a.

Wo yo i ɗu taraka, i fun kaako wo.”

⁶ Na i susufom n ako ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu ɗu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu ɗa,

“Hosana. Ya kansi Feme Davidi anuma ni.

Terefie wo yiri n bo i suba Micera n dee duma n nu n do.

Ya kansi Nyeme bo i wo angoro ni.”

¹⁰ Yesu ko wuraari Yerusalem ni, na mie n abo nu, na ba bisa ka, “Ye sono bono la ahin a?” ¹¹ Na jama n abo nu ka, “Ahin ti Yesu wo, Nyeme noanie kanfo n bo i fite Nazareti mie n bo i wo Galili awore n nu ni.”

Kabo Yesu fonri watafom fiteeri Nyeme Sereebiri Awuru n nu ni

¹² Na Yesu ako awura Nyeme Sereebiri Awuru n nu, na wo fon nenɗe tofom ni tofom kere afite awuru n nu, na wo kaaki ɗwaa kaakifom teebirim, ni tiwa tofom biem kere alanlana. ¹³ Na wo se bu ka, “Ba kere i Nyeme Jore Kadasi n nu ka, Nyeme ɗa o, ‘M awuru ni, bu ba fere i ka awuru bo bu ba sere Nyeme nu wo.’ Ama, ambere afa i yo awiefom fieebiri.”

¹⁴ Na anyinsinm, ni wobukam aba i do, Nyeme Sereebiri Awuru n nu, na wo ma bu anya laifie. ¹⁵ Saɗga bo Nyeme sayoowa donɗuyofɔ nkpienkpienm, ni Nyeme noanie

kerefom n nyuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntuunri i ka, “*Hosana*. Ya kansi Feme Davidi anuma ni,” na yaa ati bu. ¹⁶ Nyini ti, na ba bisa Yesu ka, “A ti kabo nbaatumam n ase ni e?” Na Yesu abo bu nu ka, “Een, ma ti. Am nya kan má kabo ba kere i Nyeme Jore Kadasi n nu n wo? Bo ba kere ka,

‘Woro Nyeme ye a kere nbaatumam, ni nbaatuma kan kanm,
kabo bu kansi u nahore su a.’ ”

¹⁷ Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

¹⁸ I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. ¹⁹ Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo nyu ma pui su, se nyawa ngumi a. Do na wo se baka n ka, “Sin nyuma sin, woro su ma suuwa kun.” Dika n nu bere, na baka n akaba awu. ²⁰ Sangha bo i susufom n nyuri nyini n so ni, na ba yo alekutura. Na ba bisa i ka, “Nzu ti ye baka n wuuri ndende so a?” ²¹ Na Yesu abo bu nu ka, “Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, ‘Yasu ko to tieku n nu,’ i yo so o. ²² Nzen am yoori yarada, deke kere bo am sere Nyeme ka am koro i, Nyeme yo i ma am.”

Kabo bu bisaari Yesu deke bo i yiko n fite ni

²³ Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su so n na Nyeme sayoowa danguyofom, ni Yudafo nkprienkpienm aba i do, na ba bisa i ka, “Nma dee yiko nu ye a yo nyini sam kere a? Nma ma u nyini yiko ni, ye a yo nyini sam n a?” ²⁴ Na Yesu abo bu nu, ase bu ka, “Am ma m du mo bisa am bisaawa kun be ka, na nzen am boori m nu, na m gusu nya se am deke bo m yiko n fite. ²⁵ Nma maari Yohane atin ye i ba bieeri minem Nyeme nzue n a? Nyeme nzen adamande?” Na ba se akuruwa bu nyu nu, kabo bu bo Yesu nu barasu. Bu na, “Nzen ya se i ka Nyeme maari i atin a, i bisa ya ka ye nzu ti ye ya da ma Yohane nyu a? ²⁶ Ama, nzen ya seeri i ka adamande do, ya soro sere ka jama ni yaki ma ya. Ma pui ti, dama sono kere soroori su ka Yohane yo tiiri Nyeme noanie kanfo o nahore su.” ²⁷ Nyini ti, na ba bo i nu ka, “Ya si ma.” Na yiri gusu ase bu ka, “Mini mmoo se ma am sono bo i dee yiko nu na m yo ahin sam n kere ni.”

Mienu fa ko sono be ni i nbaa nnyo nbem su

²⁸ Na Yesu abisa bu ka, “Am sunsun ka ahin mienu bu la ka se wo lee? Sono be yo woori bere a, i la nbaabiesom nnyo. Een be na wo ko kpien n do, ako ase i ka, ‘M wa, ko baka suuwam fie n nu, na a ko yo juma nyuma.’ ²⁹ Na baa n ase i ka, ‘M ko ma.’ Ama, kasin, na baa n aba akaaki i sunsunni, na wo ko. ³⁰ Na wo ko nyinga n do, ako ase i gusu. Na baa n ase i ka, ‘Ma ti, m ko.’ Ama, wo ko ma. ³¹ To, bu mine nnyom n nu, nyuma yoori i si n sa koroowa?” Na ba bo i nu ka, “Baakpien ni.” Do na Yesu ase bu ka, “Nahore ye m suse am n a, lampodefom ni sakaram kere sufa Nyeme yo bu feme yaki am. ³² Dama ka, Yohane baari ka i ba kere am sa bo i ko atin su Nyeme do o, ama, am ayo ma i yarada, na lampodefom ni sakaram, bere ayo i. Haari ni bo am nyuri kabo bu yoori yarada ni, am akaaki ma am wo, na am yo i yarada.”

Kabo Yesu boori mienu niiri Yudafo nkprienkpienm ni

³³ Na Yesu ase bu ka, “Am so am sui na am ti mienu n be bekun. Awurufobie be yo woori bere a, na wo do i baka suuwa barasu be fie, na wo kanda abara aye fie ni. Na wo lokoti yabue bambaka be kunma, ka i sumiemie baka suuwam ni nzue go nu. Na wo ta kpafiri lenlenge be ka bu tana su sunie fie n kere su, na wo nya afa

fiƚ n awura i npadifoƚ saa nu. Na wɔ kɔ atin. ³⁴ Saŋga bo i siiri ka wɔ ka kaan na baka suuwam n bɪ ni, na wɔ sunma i akɔɔm i npadifoƚ n dɔ ka bu kɔ de i dɛɛ bo ba nya i n bra. ³⁵ Akɔɔm n kɔ juuri ni, na ba bo bu nu kun, na ba kun nyinga, na ba tu nyinga n gusu yabuɛ. ³⁶ Na sɔnɔ n asunma i akɔɔ nyingam bekun, bu sunnu tara ciciri dɛɛm ni, na npadifoƚ n ayo bu kabo bu yoori ciciri su dɛɛm ni. ³⁷ Na kasin, na wɔ ba asunma i wa, na wɔ se ka, ‘Bu má m wa n yiri jirima.’ ³⁸ Ama, saŋga bo npadifoƚ n ŋuuri ka baa ni suba ni, na ba se bu ŋuɔ nu ka, ‘I wa n bo i dí i aja n lɛɛ suba n a. Am bra na ya kun i na aja n kɛɛ ká ya dɛɛ.’ ³⁹ Dɔ na ba tara i, na ba cin i atu baka suuwa fiƚ n ahɛmɛ, na ba kun i.” ⁴⁰ Na Yesu anya abisa bu ka, “Am sunsun ka fiƚ fɔ n ba baari, i yó nyini npadifoƚ ni sɛ wɔ?” ⁴¹ Na ba bɔ i nu ka, “I bá ma nyini minɛ tiefɔm n kɛɛ wu kenkesi yiwee wɔ, na i fá fiƚ n wura npadifoƚ fɔfɔrɛm saa nu, bɛɛ bo bu má i nya i dɛɛ baka suuwam, saŋga bo bu ba biiri ni.”

⁴² Na Yesu ase bu ka, “Am nya kan má kabo ba kɛɛ i Nyɛmɛ Jɔrɛ Kadasi n nu ni, nzen sɛ? Bu ŋa,

‘Yabuɛ n bo bondo tafɔm n faari i tuuri ni,
yiri ye wɔ kaaki bondo n jaa yabuɛm n kɛɛ tii a.

Micɛra ni yoori i sɔ a.

Ya ŋu i na wɔ yo ya alekutura.’ ”

⁴³ Na Yesu ase bu ka, “M suse am wɔ lɛɛ, ka, bu dé Nyɛmɛ femɛya n fite am dɔ, na bu fá ma minɛm bo bu bita i na i la kɛɛɛ ni.” [⁴⁴ Na wɔ kaaki ase ka, “Sɔnɔ kɛɛ bo i kpaasiiri ahin yabuɛ n su, i mi búbu nu wɔ mumuku, na sɔnɔ kɛɛ gusu bo ahin yabuɛ n tɔori i ŋu, i sán i mi samɛnɛ wɔ.”]

⁴⁵ Nyɛmɛ sayoowa dɔŋguyofɔm, ni Farasifoƚ n tiiri miɛɛnu n bo Yesu boori i sɔ ni, na ba fa nu ka i boori i niiri bɛɛ wɔ. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wɔ, dama bu kɛɛ ŋa i ti Nyɛmɛ nɔanɛ kanfɔ ɔ.

22

Miɛɛnu fa kɔ konyaya di ni nu bambaka n su

¹ Na Yesu akaaki abo miɛɛnu be bekun, i ŋa, ² “Kabo Nyɛmɛ femɛya n ti yaa. Femɛ be yo sɛsɛɛri i wa konyaya di ni nu su fa seeri a. ³ Na wɔ sunma i akɔɔm ka bu kɔ fere minɛm bo wɔ du mɔ abaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wɔ kaaki asunma akɔɔ nyingam ka bu kɔ se bɛɛ n bo wɔ du mɔ abaandi bu n ka, ‘Am bra, dama ma yo m di ni nu n siriya kɛɛ awie. Haari ma kun m tooram, ni nɛngɛdɔrɛ bo bu la lui ni, ayo siriya kɛɛ awie. Am bra na am ba konyaya di ni nu ni.’ ⁵ Ama, bu be mmɔɔ abɔ má bu nu. Na ba ka bu juma n yo su. Kun kɔori i fiesu wɔ, na nyinga gusu akɔ i juma yoobiri. ⁶ Na nyingam n atara i akɔɔm ni, na ba kɛɛ bu wuwuruwa, na ba kun bu. ⁷ Dɔ na yaa ati femɛ n agaya, na wɔ sunma i sojam, na ba kɔ akun nyini minɛ kunfɔm ni kɛɛ, na ba yara bu miɛ ni. ⁸ Na wɔ fere i akɔɔm ni, na wɔ se bu ka, ‘Konyaya di ni nu n ayo siriya, ama, minɛm bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atɛngberem su, na am kɔ fere minɛm barasu kɛɛ bo am ŋuuri bu ni, ka bu bra konyaya di ni nu ni.’ ¹⁰ Na akɔɔm n akɔ atɛngberem su, akɔ atien minɛm kɛɛ bo bu kɔ ŋuuri bu n nɔɔ aba, minɛ kpam ni tiɛm kɛɛ. Na konyaya awuru n ayi ni jama beberebe.

¹¹ Na femɛ n akɔ, ka i kɔ niɛ jama ni, na wɔ ŋu ka sɔnɔ kun be wo jama n nu, i wura má konyaya sutura. ¹² Na femɛ n abisa i ka, ‘M dɔn, a yo sɛ wuraari awuru n nu fɛn, ye a wura má konyaya sutura a?’ Ama, sɔnɔ n akoro abɔ má i nu. ¹³ Na femɛ n ase i ngbɛfɛnɛm ka, ‘Am tara i, na am cici i saam, ni i jaam nyama, na am fa

i tu dasin dɔ, awosin n nu. Dɔ na i sún, na i kán i saa.' " 14 Na Yesu anya ase bu ka, "Minem bo Nyeme afere bu n sunnu, ama, bo wo yi bu n sunnu má."

Kabo bu sɔɔri Yesu ngeɛ lampo tɔ busu ni

15 Na Farasifom n afite akɔ asese su kabo bu sɔ Yesu ngeɛ, na bu nya i taraabiri fa kɔ i noanie jɔjɔwa su. 16 Na ba sunma bu susufom, ni Feme Herode minem Yesu dɔ, na ba kɔ ase i ka, "Ya Kerefɔ, ya si ka a ti nahore sefɔ ɔ, na a kere minem kabo Nyeme atin ti nahore su, na u cece wo má kabo minem jɔjɔ nu, dama a nie má sɔnɔ jinaabiri ti. 17 Tɔ, a ɲa se wo? Ya deɛ atin n su, atin wo nu ka ya tɔ lampo ma Romafom Feme Kpɔri Siza, nzen atin wo má nu?" 18 Ama, na Yesu asi ka bu bita sunsunni tie wo, na wo se bu ka, "Amberɛ burukɔnufom ni, nzu ti ye am sukoro ka am sɔ m ngeɛ a? 19 Am fa ɲwaa n bo bu fa tɔ lampo kaari n bra na m nie." Na ba fa ɲwaa n aba ama i, 20 na wo de ɲwaa n anie, na wo bisa bu ka, "Nma deɛ tii ni i duma wo ɲwaa n su n a?" 21 Na ba bo i nu ka, "Feme Siza deɛ a." Na Yesu ase bu ka, "Tɔ, deke bo i ti Feme Siza deɛ, am fa ma Feme Siza, na deke bo i ti Nyeme deɛ, am fa ma Nyeme." 22 Saɲga bo bu tiiri ahin noanie n sɔ ni, na ba mie, na ba kɔ ayaki i.

Kabo bu bisaari Yesu fa kɔɔri yiwee tenge jɔre su ni

23 Nyini ceen n gbingbin na Sadiusifɔ nbem aba Yesu dɔ. Bu deɛ kereewa la ka Nyeme tenge má minem bu yiwee n nu n a. Na ba ba abisa i jɔre be, bu ɲa, 24 "Ya Kerefɔ, Moyisi yo seeri ka, nzen sɔnɔ wu yakiiri i yi, na i ni bara n anya má baa, wo yo daka ka i niema n fa kunafo n na bu wu nbaam ma yiri n bo wo wu ni. 25 Tɔ, sɔnɔ be yo laari nbaabiesom nso wo, ya nu fen, na baakpien n aja bara, na wo wu ayaki bara ni, ba wu má baa. 26 Sɔ ye bo i tɔ i su nnyɔ su, ni nsan su n yoori a, haari fa kɔ kpuraari nso su ni. 27 Na bara n ni i tii aba aka sin awu. 28 Tɔ, kabo bu mine nso n kere aja bara n na ba wu sɔ ni, ceen bo Nyeme bá tenge minem bu yiwee n nu ni, bara ni ká ɲma deɛ tenle su a?"

29 Na Yesu abɔ bu nu ka, "Am amini atin. Dama am ti má deke bo ba kere i Nyeme Jɔre Kadasi n nu n bu, na am kaaki si má kabo Nyeme yiko n ti barasu. 30 Dama saɲga bo Nyeme bá tenge minem bu yiwee n nu ni, ajaa wo má bere kun. Ama, nyini ceen ni, sɔnɔ kere kaaki ka Nyeme merékem bo bu wo aɲgoro n wo, dama bu ja má ajaa kun. 31 Na fa kɔ kabo Nyeme bá tenge minem bu yiwee n nu barasu ni, am akan má Nyeme Jɔre Kadasi n nu kabo i yo seeri am n wo, nzen se? I ɲa, 32 'Mini ti Abraham, ni Izaki, ni Jakɔbu deɛ Nyeme n a.' " Na Yesu asa su ase bu ka, "Tɔ, kabo Nyeme ɲa i ti nyini minem n deɛ Nyeme ni, nyini kere ka bu toko la ɲgɔɔ lɛɛ, dama Nyeme ti má bo ba wu n deɛ Nyeme, ama, i ti bo bu la ɲgɔɔ ni deɛ Nyeme a." 33 Minem n tiiri i kereewa n sɔ ni, na ba yo alekutura.

Nyeme noanie maawa n bo i tara bu kere n jɔre

34 Saɲga bo Farasifom tiiri ka Yesu ajɔjɔ ayi Sadiusifom ni, na ba tien bu nɔɔ i dɔ. 35 Na bu nu kun be, bo i ti Nyeme noanie kerefɔ n abisa Yesu bisaawa be ka i sɔ i ngeɛ. I ɲa, 36 "Ya Kerefɔ, Nyeme noanie maawa n bo i wo i noanie kpamaawa n nu ni, bɔnɔ tara bu kere a?" 37 Na Yesu abɔ i nu ka, "Ba kere ka, 'Koro Micera u Nyeme ni, ni u ahorembaa kun, ni u awiewie, ni u sunsunni kere.' 38 Ahin ti noanie maawa n bo i tara i kere a. 39 Bo i tɔ su nnyɔ su n ti ka nyini n wo. Ka o, 'Koro u beɲgu kabo a koro u ɲu ni.' 40 Kabo ba kere Nyeme noanie kpamaawam n kadasi n nu, ni Nyeme noanie kanfom n deɛ n nu ni, i kere jina ahin noanie maawa nnyom n su wo."

Kristo Tiidefo n bo i ti Feme Davidi anuma n jɔre

41 Saɲga bo Farasifom nbem ba tientienri bu nɔɔ ni, na Yesu abisa bu jɔre be fa kɔ Kristo Tiidefo n su. I ɲa, 42 "Am fa Kristo Tiidefo n bu ɲma a? Am sunsun ka i ti ɲma deɛ anuma a?" Na ba bo i nu ka, "I ti Feme Davidi anuma a." 43 Na Yesu abisa

bu ka, “Ye nzu ti ye Nyeme Awiewie n ba wuraari Feme Davidi nu, ye i fereeri i ka i Mibie a? I na,

44 ‘Na Micera n ase m Mibie n ka,

“Ba tana m saa fomboro su fen,

haari m bá má u kpofom kere ba kutu u jaa bu.” ’

45 To, nzen Feme Davidi mmoo ni i tii yo fereeri Kristo n ka i Mibie, ye Kristo n yo se kaaki yo Feme Davidi anuma a?” 46 Be akoro anya má noanie be abo má i nu. Nyini ti, fite nyini ceen n sin, be abo má su ka i bisa Yesu jore bekun.

23

Kabo Yesu na mine si bu nu sa ni Yudafo m tereterefo nbem ni

1 Na Yesu ajoo i susufom n ni jama n do, na wo se bu ka, 2 “Nyeme noanie kerefom, ni Farasifom n ade Moyisi dee jinaabiri ni, ye bu kere minem Nyeme noanie kpamaawa n a. 3 Nyini ti, deke kere bo bu fa kere am ni, am soro i su, ama, má am yo sam bo bu yo bu ni, dama bere yo má sam bo bu kere ka minem yo bu ni. 4 Bu cici soori nonoori so minem wo, ama, bere ni bu tii soro má su ka bu fa bu saa kan i. 5 Deke kere bo bu yo i, bu koro ka minem nu bu wo, na bu kansu bu. Bu kere Nyeme noanie n wo, na bu yo i ka sebe, na bu fa cici bu numa su, adena minem nu i. Na bu yo bu tanlee noo njorem tintiin. 6 Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. 7 Bu koro ka minem suyo bu anse goosu wo, na bu ma bu jirima, na bu fere bu ka, ‘Ya Kerefo.’ 8 Ambere, má am ma be fere am ka ‘Ya Kerefo,’ dama am la kerefo kun n kpein wo. Ambere kere ti nibaam wo. 9 Má am fere be ka am si, durunya n nu fen, dama am la Si kun n kpein wo, yiri wo angoro n a. 10 Má am ma be fere am ka i kpian, dama am kpian ti kun n kpein wo, yiri la Kristo Tiidefo ni. 11 Bo i ti am kere tii ni, wo yo daka ka yiri su am a. 12 Sono kere bo i wura i nu kpiri, Nyeme yo i mi kaan, na sono kere bo i yo i nu kaan, Nyeme wura i mi kpiri.”

Kabo Yesu na Yudafo m tereterefo nbem ba nu anyumboro ni

13 Na Yesu akaaki ase ka, “Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am kanda minem wo, adena má bu su Nyeme femeya n atin su, dama ambere ni am tii kete ka am su má i atin n su, na am sukanda bo bu koro ka bu su i su ni. [14 Ambere Nyeme noanie kerefom ni Farasifom n bo am ti burukoonufom ni, am ba nu anyumboro. Am sisi nkunafom na am fin bu nengem wo, na am jina sere Nyeme ce, adena minem nu ka am ti mine kpam wo. Jina ceen, ambere ba nya suicin tara minem kere.]

15 Ambere Nyeme noanie kerefom ni Farasifom n bo am ti burukoonufom ni, am ba nu anyumboro. Am kpie tiekum wo, na am ko miem bo bu waarim su, adena am nya sono kun mmoo bo i kaaki i wo na i su am su, na sangha bo am nya nyaari i mi, am ma i satie yoowa tara am dee wo, adena yiri du am mo ko ceema sin nu.

16 Ambere bo am ti ka anyinsinm na am kere minem atin ni, am ba nu anyumboro. Am na nzen sono taanri ndie fa ko Nyeme Sereebiri Awuru n do, i ti má pui. Ama, nzen sono kere bo i taanri sika nengem n bo bu wo Nyeme Sereebiri Awuru n nu ni, i mi ma i ndie taanwa n yo yiiwa. 17 Ambere bo am ti ka anyinsin sinnzinm ni, bono tara i benggu a? Sika nengem ni, nzen Nyeme Sereebiri Awuru n bo yiri ma sika nengem n yo casi n a? 18 Am kaaki na, nzen sono taanri Mikun n yoowa yoobiri ni, i ti má pui. Ama, nzen sono taanri aceerim bo ba fa ase Mikun n yoowa yoobiri n su ni, wo yo daka ka i mi ma i ndie taanwa n yo yiiwa. 19 Ambere bo am ti ka anyinsinm ni, bono tara i benggu a? Aceerim ni, nzen Mikun n yoowa yoobiri n bo i ma aceerim n yo casi n a? 20 Nyini dee ti, sono kere bo i taanri Mikun n yoowa yoobiri ni, i mi atan

i ni dekem kere bo bu wo su n wo lee. ²¹ Na sono kere bo i taanri Nyeme Sereebiri Awuru ni, i mi atan i ni Nyeme bo i wo nu n wo lee. ²² Na nzen sono kere bo i taanri angoro ni, i mi atan Nyeme femeya bie n wo lee, ni yiri Nyeme bo i tana su ni.

²³ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am yi am jakam ma Nyeme wo, haari ni am maakunm, ni ngetem, ni nvannvanm kere, ama, am yo ma sam bo Nyeme noanie kpamaawa n kere ka am yo bu n na bu la anyunuyi tara bu kere ni. Bere la nahore sam, ni anunfo si, ni yaradayo. Wo yo daka ka na am yo nyini sam sangga kere, na am fa jaka yiwam buka su. ²⁴ Ambere ti ka anyinsinm na am kere minem atin ni. Am kpokpo yi nminsenn bo bu ti kan kanm n wo, am deke nuuwam nu, ama, na am sangga nu nyoomam bere, am deke nuuwam nu.

²⁵ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am nmisi am kopum ni taalem sin wo, ama, na bu kunnu ayi ni dekem bo am fin bu fanga, ni anyii sayoowam wo. ²⁶ Woro Farasifo bo a ti ka anyinsin ni, du mo yo u kopu n kunnu casi ka, na i sin n gusu nya yo casi.

²⁷ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am ti ka fanjunmam bo ba bo bu nzue fofoe kpakpari, na bu yo nyunyumi n wo, ama, bu kunnu yiri ayi ni fuin buwem wo, ni fin barasu kere. ²⁸ Am ti so o lee. Am ma minem nu am ka am ti minem bo bu yo sa bo i ko atin su Nyeme do n wo, ama, am ahore su ayi ni burukoonu, ni satiem wo.”

Kabo Yesu na Nyeme ba cin Yudafo tereterefo nbem sui barasu ni

²⁹ Na Yesu asa su ase ka, “Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am yo fanjunmam dongu fa ma Nyeme noanie kanfom wo, na am yo minem bo bu yo sa bo i ko atin su Nyeme do n fanjunmam nyunyumi. ³⁰ Na am se ka, nzen ma ambere yo woori bere, am nam sangga ni, ma am kun ma Nyeme noanie kanfom n ni, kabo am nam yo yoori bu ni. ³¹ Nyini ti, am asoro su ka am ti bere bo bu yo kuunri Nyeme noanie kanfom n dee busu nufom wo lee. ³² To, i ti ye ni ka am de am nam jinaabiri ni, na am yo bu satie yoowam n ko wie. ³³ Ambere burukoonufom bo am ti woom na am ti ka pumpuni nbaam ni, am yo se ye am koro nmati fite nu, bo am wura ma cema sin n nu a? ³⁴ Nyini ti ye m sunma Nyeme noanie kanfom, ni mine alecirafom, ni kerefom am do n a. Am kun bu nbem, na am fa bu nbem sense baka jaanu n su, na am fin bu nbem ngbere, am tientienbunoo soom n nu, na am ko mie miem su na am kere bu wuwuruwa. ³⁵ Nyini dee ti, Nyeme cin ambere sui fa ko kabo am nam yo kuunri minem bo bu yo sa bo i ko atin su Nyeme do durunya n nu. Bu yo yoori so o fite sangga n bo bu kuunri sono be bo i yo sa bo i ko atin su Nyeme do n na bu fere i ka Abeli ni, fa ba juuri sangga n bo bu kuunri sono be bo bu fere i ka Zakariya, Berakaya wa ni. Yiri ye am kuunri i Nyeme Sereebiri Awuru n nu, Casi Kere Casi Soo n ni Mikun yoowa yoobiri n afien n a. ³⁶ Nahore ye m suse am n a, nyini n kere dee ti ye Nyeme ba cin ambere nyumafom sui n a.”

Kabo Yesu ahore saaki maari Yerusalemfo barasu ni

³⁷ Na Yesu abo awie ase ka, “Keto, keto, ambere Yerusalemfo. Ambere kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Sangga kere m koori ka m tien am noo, na m fa m saa bara ye am, kabo ako tien i nbaam noo, i lanjpete nu ni, ama, am soro ma m su. ³⁸ Am nie fen, Nyeme yaki am nu ji, na am mie n ka ngbeen. ³⁹ M suse am wo lee, ka, fite kisa fa ko, am nu ma m kun, ma ka sangga bo am ba se ka, ‘Terefie wo yiri n bo i suba Micera n dee duma n nu n do.’ ”

24

Kabo Yesu seeri ka Nyeme Sereebiri Awuru ni bá bereki barasu ni

¹ Saŋga bo Yesu fiteeri Nyeme Sereebiri Awuru n nu na i wo kɔ su ni, na i susufɔm n aba i dɔ, aba ase i ka i nie kabo Nyeme sereebiri n ti barasu a. ² Na wɔ se bu ka, “M ɲa am aɲu ahinm kere e? Nahɔre ye m suse am n a, yabue kun n kpein n mmɔɔ bá nana má i beɲgu su. Bu bá bereki i kere ɔ lɛɛ.”

Kabo Yesu kere fa kɔɔri durunya n awieeri su dɛɛ jɔre ni

³ Saŋga bo Yesu fun kɔ tanaari Oliva Buka n su ni, na i susufɔm n aba i dɔ, bu ni yiri ɲgumi, na ba se i ka, “Ya Kerefɔ, se ya, saŋga bɔnɔ ye ahin sam kere bá yo a? Ye nzu deke bá kere ya ka saŋga n adodo bo a bá bekun, na durunya n bá awieeri a?”

⁴ Na Yesu abɔ bu nu ka, “Am si am ɲu sa, na má am ma be dadaka am. ⁵ Dama mine dɔɲgu bá fa m duma ba, na bu sé ka, ‘Kristo Tiidefɔ n la mini wɔ.’ Na bu dádaka mine beberebe. ⁶ Saŋga bo am bá ti aluwa ɲga fɛn, wara bu sukun lue dɔ, má am ma am ahore saaki. Wɔ yo daka ka nyini sam n kere bá yo sin ka, ama, má am nie ka durunya n awieeri lɛɛ. ⁷ Daanfie daanfie bá kun lue ni bu beɲgum, na nfemem kún lue ni bu beɲgu nfemem. Na asien bá kpisi awɔre awɔrem nu, na ahɔe tó. ⁸ Nyini n kere bá yo kabo bara kutu cɛen bumboori dɛɛ wahara n ti n wɔ.

⁹ Nyini saŋga, na bu tára am ma yikofɔm na bu kére am wuwuruwa, na bu kún am. Mini dɛɛ ti, sɔnɔ kere kpó am. ¹⁰ Nyini saŋga n na mine dɔɲgu bá kete m na bu su má m kun, na bu tó bu beɲgu, na bu kpó bu beɲgu. ¹¹ Na kɔrefɔm dɔɲgu bo bu yo bu ɲu ka bere ti Nyeme nɔanie kanfɔm ni bá ba, na bu dádaka minem beberebe. ¹² Satiɛyo bá sunnu n dɛɛ ti, mine dɔɲgu koro bá kɔ i sin. ¹³ Ama, wɔrɔ kere bo a mindi deer ni nyini n kere kɔ juuri i awieeri, Nyeme dé u tii ji. ¹⁴ Na bu bá kan ahin labari kpa n fa kɔ Nyeme femeya n jɔre su, kere durunya n nufɔm, na adamande kere tí i ka, na durunya n nya bá awieeri.”

Anyumbaa ciire sa n bo i bá n jɔre

¹⁵ Na Yesu akaaki ase bu ka, “Am bá ɲu anyumbaa ciire sa be bo Nyeme mmɔɔ kpɔ i n na Nyeme nɔanie kanfɔ Danieli yo jɔjɔri i jɔre ni, ka i jina sɔɔ casi n bo i wo Nyeme Sereebiri Awuru n nu ni. Ma sɔnɔ kere bo i kan ahin kadasi n ti i bu nyunyumi. ¹⁶ Nyini saŋga ni, wɔrɔ kere bo a tiiri i ɲga na a wo Yudiya asien n su, ɲmati kɔ bukam n su. ¹⁷ Wɔrɔ kere bo a wo kpata nu, má a wura gisan nu fa pui. ¹⁸ Na wɔrɔ kere gusu bo a wo fiesu, má a kpie u nyi kɔ awuru kɔ fa u sutura be. ¹⁹ Nyini saŋga ni yó kekereke agaya ma nyinsefɔm, ni nbaram bo bu nbaam toko nu ni. ²⁰ Am sere Nyeme ka má nyini sa n yó buke saŋga, wara Yudaɔm ɲumiya cɛen ni. ²¹ Nyini saŋga ni wahara bo mine dí i, i tára wahara kere bo ba di i asin ni, fite saŋga n bo Nyeme yiiri durunya ni, haari ni kisa. Nahɔre, nyini wahara n ɲusu bá má kun. ²² Ama, Nyeme akpie nyini saŋga n su. Nzen má wɔ kpie má i su, má sɔnɔ wo má bere bo i nya ɲgɔɔ, ama, i dɛɛ tienɲgu minem bo wɔ yi bu n dɛɛ ti, ye wɔ kpie saŋga n su a. ²³ Nyini saŋga ni, na nzen be bá se am ka, ‘Am nie, Kristo Tiidefɔ ni wo fɛn n a,’ wara, ‘Am nie, yiri wo dɔ n a,’ má am de i mi nɔanie ni. ²⁴ Dama kɔrefɔ nbem bá ba, na bu yó bu ɲu ka bere ti Kristo n a, na nbem gusu yó bu ɲu ka bu ti Nyeme nɔanie kanfɔm wɔ. Bu yó alekutura sam beberebe fa kere am, na nzen bu koro nyaari atin, bu dádaka Nyeme dɛɛ minem mmɔɔ bo wɔ yi bu ni. ²⁵ Ambeɛ, am ti fɛn, ma se am wɔ lɛɛ ka, na saŋga n nyá ba ju.

²⁶ Na nzen be bá seeri am ka, ‘Am nie, Kristo ni wo boro kpantain n nu dɔ n a,’ má am kɔ dɔ. Wara, nzen be bá seeri am ka, ‘Yiri fie sɔrɔ dɔ n a,’ má am yo i mi yarada. ²⁷ Dama mini Adamande Wa n ba ni, i bá ti kabo nzue kpɛɛ na i ta bara ye deke kere

n wɔ, fite wie afiiri fa kɔ ju wie atɔɔri n wɔ. ²⁸ Deke kere bo deke fuin nya wo, petem bara ye dɔ ɔ.”

Kabo Adamande Wa ni bá kaaki ba barasu ni

²⁹ Na Yesu akaaki ase bu ka, “Sanɔa bo nyini wahara n kere ba siinri, ‘Awosin káta wie n su,
na sara n gusu tá má bo minem ɔu i.
Na asarambaam fíte anɔoro titi tɔtɔ,
na anɔoro n kere kpísi.’

³⁰ Nyini sanɔa ni, na mine ɔú deke be anɔoro bo i kere ka mini Adamande Wa ni suba. Na minem bo bu wo durunya n nu n kere bó awie, na bu nyá ɔu ka mini Adamande Wa ni sufite anɔoro yinyingɔ n nu suje piɛpiɛu suba ni yiko bambaka ni. ³¹ Na bu tí ka awie be sukpara ni fanɔa su, na m nyá sunma Nyeme merékem durunya n awɔre n kere nu, na bu tén minem bo Nyeme ayi bu durunya n nu n kere nɔɔ.”

Kabo Yesu ɔa ya fa damba baka fa se nyaari barasu ni

³² Na Yesu akaaki ase ka, “Am fa damba baka n fa se nyaari. Sanɔa bo am ba ɔu ka i nyawa akpɔnkpɔn, na i sufieɛe fɔfɔre ni, am si ka dɔdɔɔri sanɔa adodo læ. ³³ Mini Adamande Wa n ba ni bá yo sɔ ɔ. Sanɔa bo am ba ɔu ka nyini sam kere bá suyo ni, am si tenle su ka sanɔa n adodo læ, i cé má kun. ³⁴ Nahɔre ye m suse am n a, ahin nyumafɔm busu kere wú wie má ka, ye nyini sam kere bá yo a. ³⁵ Anɔoro n ni asiɔngu n kere bá la awieeri, ama, m dæe nɔaniɛ n yiri la má awieeri cɛen be.”

Kabo Yesu seeri ka ya si ya ɔu sa fa kɔ i ba n su ni

³⁶ Na Yesu akaaki ase ka, “Be si má sanɔa ni, wara cɛen n bo m bá kpie m nyi ba ni. Haari Nyeme merékem bo bu wo i dɔ ni, ni mini bo m ti i wa ni mmɔɔ si má. Má ka ya Si Nyeme ɔgumi si a. ³⁷ Mini Adamande Wa n ba sanɔa ni yó kabo sɔnɔ be bo bu fere i ka Nowa sanɔa na i yoori n wɔ. ³⁸ Sanɔa bo wɔmbu n nya di má durunya n ni, sɔnɔ kere woori di ni nu su wɔ, na nbaram ni nbiesɔm suja bu beɔngum, fa kɔ juuri haari cɛen n bo Nowa wuraari lee bambaka n nu ni. ³⁹ Minem ayo asi má sa bo i bá yo ni, haari cɛen n bo wɔmbu n ba diiri bu kere ni. I yó sɔ ɔ, fa kɔ sanɔa n bo mini Adamande Wa ni bá ba ni. ⁴⁰ Nyini sanɔa ni, mine nnyɔ bá wo juma yo su fiesu, na Nyeme má bu bá fa kun n kɔ yaki kun ni. ⁴¹ Na nbaram nnyɔ wo ɔgani saanbiri, na Nyeme má bu bá fa kun n kɔ yaki kun ni. ⁴² Tɔ, nyini ti, má am fa am ɔu ji na am daafi, dama am si má cɛen n bo am Mibiɛ ni bá ni. ⁴³ Am si tenle su ka nzen má awurufɔbiɛ n si sanɔa bo awiefɔ ni bá i dika na i bá wɔ i, má i tana ɔminda a, na awiefɔ n koro ba wura má. ⁴⁴ Nyini ti, ambere gusu kpa am ɔu sanɔa kere, dama mini Adamande Wa ni, m bá sanɔa bo am sunsun má ka m bá n wɔ.”

Miɛnu fa kɔ akɔɔ nbem dabuɔu n jɔre

⁴⁵ Na Yesu akaaki ase ka, “Akɔɔ kpiɛn n bo i la dabuɔu na i kaaki la alecira n la ɔma a? Yiri la bo i mibiɛ n afa akɔɔ nyinɔam awura i saa nu ka i kpaaki diire nu ma bu, sanɔa bo i ti ye ni ka i ma bu ni. ⁴⁶ Nzen i mibiɛ n ba ɔuuri ka i suyo i juma kabo i seeri ka i yo ni, terefie wo nyini akɔɔ n dɔ. ⁴⁷ Nahɔre ye m suse am n a, mibiɛ ni fá i aja kere wura nyini akɔɔ n saa nu wɔ, na i níe i dika. ⁴⁸ Ama, nzen i ti akɔɔ tieɔ, i súnsun ka i mibiɛ ni kpíe má i nyi nde. ⁴⁹ A ɔu ka i subo akɔɔ nyinɔam wɔ, na i sudi, na i ni nzan nufɔm sunu bo. ⁵⁰ Dɔ, na i mibiɛ n ba kpieeri i nyi baari cɛen bo i sunsun má ka i bá, na i kaaki si má ba n sanɔa ni. ⁵¹ Nyini sanɔa n na i mibiɛ n cín i sui agaya, na i fá i bo burukɔɔnufɔm n su. Dɔ na i sún, na i kán i saa.”

25

Miɛnu fa kɔ nsunguru buru nbem jɔrɛ

¹ Na Yesu akaaki ase bu ka, “Sanga bo mini Adamande Wa ni bá ba, na Nyeme Feme bá niɛ i minem su ni, i yó ka nsunguru buru nbem bo bu faari bu fitanam ka bu kɔ kpa konyafan atin n wɔ. ² Bu mine nnu tiiri alecirafɔm wɔ, na nnu nyingam n ati sinnzinm. ³ Na sinnzinm n afa bu fitanam, ama, ba bita má nguɛn nu, ⁴ na alecirafɔm n bere afa nguɛn abita nu. ⁵ Na ba kɔ anminda konyafan n ace, wɔ ba má nde, na daafiri aba ati nsungurum ni, na ba daafi. ⁶ Na jinanjin sanga, na ba ti ka bu subo ndoori ka, ‘Konyafan ni suba o, am fite na ya kɔ kpa i atin.’ ⁷ Na nsunguru burum kere ayasu, ayo bu fitanam dɔngu. ⁸ Na sinnzinm n ase alecirafɔm ni ka, ‘Am bu am nguɛn n be ma ya, ya fitanam ni sunɔ.’ ⁹ Na alecirafɔm n ase bu ka, ‘Ai, ya nguɛn ni koro ju má ya ni ambere kere. Am kɔ nguɛn tɔfɔm dɔ, na am kɔ to.’ ¹⁰ Na nsunguru sinnzinm n akɔ ka bu kɔ to nguɛn ni. Bu kɔ wieeri ni, na konyafan n aju. Na nsunguru nnum bo ba kpa bu ɲu ni, asu i su, awura konyaya awuru n nu. Na ba tu anɔ ni. ¹¹ Kasin, na nsunguru nyingam bo bu kɔori nguɛn to ni, aba ajina anɔ n nu, abo afere i ka, ‘Ya mibiɛ, ya mibiɛ, teke anɔ n ma ya na ya wura.’ ¹² Na konyafan n ase bu ka, ‘Ai, nahore ye m suse am n a, m si má am cɛen be cɛen be.’ ” ¹³ Na Yesu ase i susufɔm n ka, “Tɔ, nyini ti, má am fa am ɲu ji na am daafi, dama am si má cɛen n bo m bá ni.”

Miɛnu fa kɔ akɔɔ nsaɛ nbem dabuɲu n jɔrɛ

¹⁴ Na Yesu ase bu ka, “Sanga bo m bá ba ni, i yó kabo sɔnɔ be sukɔ atin, na i fereeri i akɔɔm, na i faari i nenje kere wuraari bu saa nu, ka bu niɛ i dika n wɔ. ¹⁵ Na wɔ fa ɲwaa akpaaki bu kere nu, kabo bu koro bita i barasu. I faari ɲwaa n busu nnu maari kun wɔ, na wɔ fa busu nnyɔ n ama kun gusu, na wɔ nya afa busu kun n ama nyinga ni. Na wɔ kɔ atin ni. ¹⁶ Na bo i maari i busu nnu ni afa abo wata bu, na wɔ nya i ɲusu nnu abuka su. ¹⁷ Na bo i maari i busu nnyɔ n gusu ayo sɔ, na wɔ nya i ɲusu nnyɔ abuka su. ¹⁸ Ama, bo i maari i seseewa kun ni kɔ funduuri kunma wɔ, na wɔ fa i dɛɛ ɲwaa n awura nu, na wɔ kata su. ¹⁹ Na bu mibiɛ n akɔ ace dɔ, haari na wɔ ba aba ka i ba niɛ kabo bu bita i ɲwaa n barasu ni. ²⁰ Na bo i maari i busu nnu n afa i dɛɛ ɲwaa aba, na wɔ se i mibiɛ n ka, ‘M mibiɛ, niɛ. A maari m ɲwaa n busu nnu wɔ, ama, ma nya i ɲusu nnu abuka su.’ ²¹ Na i mibiɛ n ase i ka, ‘Nfan. Wɔrɔ akɔɔ kpa bo a la dabuɲu ni, kabo a kere ka a la dabuɲu niɛ deke kaan su ni, m fá dɔngu n mmɔɔ wura u saa nu na a niɛ i dika. Bra na a ba nya ahorejɔ n bo ma nya i n be.’ ²² Na bo i maari i busu nnyɔ n gusu aba ase i mibiɛ n ka, ‘M mibiɛ, niɛ. A maari m ɲwaa n busu nnyɔ ɔ, ama, ma nya i ɲusu nnyɔ abuka su.’ ²³ Na i mibiɛ n ase i ka, ‘Nfan. Wɔrɔ akɔɔ kpa bo a la dabuɲu ni, kabo a kere ka a la dabuɲu niɛ deke kaan su ni, m fá dɔngu n mmɔɔ wura u saa nu na a niɛ i dika. Bra na a ba nya ahorejɔ n bo ma nya i n be.’ ²⁴ Kasin, na bo i maari i seseewa kun ni aba, na wɔ se ka, ‘M mibiɛ, m si u sa ka a ti sɔnɔ fangafɔ ɔ. Deke bo a dɔ má i ni, a kpiɛ nyini wɔ. Na deke bo a bobo má i ni, a tientien nyini nɔɔ a. ²⁵ Nyini ti ye sere tiiri m a, na ma fundu kunma afa u ɲwaa n afie i nu. Yiri yaa, de u deke.’ ²⁶ Na i mibiɛ n akaaki ase i ka, ‘Wɔrɔ akɔɔ tie nviɛyafɔ ni, a si tenle su ka deke bo ma dɔ má i ni, m kpiɛ nyini wɔ, na deke bo ma bobo má i ni, m tientien nyini nɔɔ a. ²⁷ Tɔ, má a si ka i ti sɔ ni, má wɔ yo daka ka a fa m ɲwaa n kɔ seeri banƙifɔm dɔ, na má m ba kpieeri m nyi baari, má m de m deke na m nya kperɛ buka su.’ ²⁸ Dɔ na mibiɛ n ase i minem ka, ‘Tɔ, am de ɲwaa ni i dɔ kisa kisa, na am fa ma akɔɔ n bo i bita ɲwaa n busu buru ni. ²⁹ Dama sɔnɔ kere bo wɔ nya deke na i mi si i bita, bu má i buka su wɔ, na i nyá beberebe, ama, bo i si má i bita, haari ni nyini kaan n bo i la i ni, bu cín de i dɔ ɔ. ³⁰ Ama, m ahin akɔɔ ɲgbɛen ni, am fa i tu awosin n nu, deke bo i sún, na i kán i saa.’ ”

Kabo Yesu bá di minem jɔre barasu ni

³¹ Na Yesu akaaki ase ka, “Sanɔa bo mini Adamande Wa ni bá baari ni m jirima woowa n nu ni, ni Nyeme merékem kere ni, m bá tana m jirima femeya bie n su. ³² Na durunya n nu minem kere bá tien bu nɔɔ m nyunu, na m kpáaki bu nu, busu nnyɔ, kabo boesasafɔ kpaaki yi nbɔem ni sirim nu barasu ni. ³³ Na m má m deɛ minem bo bu ti ka nbɔem ni jina m saa fɔmbɔɔ su, na m má bo ba ka na bu ti ka sirim ni jina m saa bie su. ³⁴ Na mini femɛ n sé bo bu wo m saa fɔmbɔɔ su n ka, ‘Amberɛ bo m Si Nyeme ayo am kisi ni, am bra na am ba de femeya n bo wɔ sɛsɛ i su ase ama am, fite durunya n bumboori kere ni. ³⁵ Deke bo i ti na m se am sɔ n la ka, ahɔɛ yo tiiri m, na am ama m diire. Nzuehɔɛ yo tiiri m, na am ama m nzue. M yo baari am dɔ ka wɔfɔ, na am ade m. ³⁶ M yo kaari m bu ngbɛɛn, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am akɔ anie m busu.’ ³⁷ Dɔ na m minem bo bu yo sa bo i kɔ atin su ni nyá bɔ m nu ka, ‘Ya Mibie, sanɔa bɔnɔ ye ya ŋuuri ka ahɔɛ ati u, ye ya maari u diire a, wara nzuehɔɛ ati u, ye ya maari u nzue a? ³⁸ Sanɔa bɔnɔ tenle su, ye a baari ya dɔ ka wɔfɔ, ye ya deeru u a, wara sanɔa bɔnɔ ye a kaari u bu ngbɛɛn, ye ya maari u sutura a? ³⁹ Sanɔa bɔnɔ ye ya ŋuuri ka a daari tukpaki, wara sanɔa bɔnɔ ye bu nyiiri u dansaraka, ye ya kɔ niɛeri u busu a?’ ⁴⁰ Dɔ na m nyá bɔ bu nu ka, ‘Nahɔre ye m suse am n a, sanɔa kere bo am yo yoori sakpa fa maari m ahin ninbaa kan kanm ni kun, am yo maari mini wɔ lɛɛ.’ ⁴¹ Na m nyá se bo bu wo m saa bie su n ka, ‘Amberɛ bo m Si Nyeme ayo am ngbɛɛn na wɔ fa nɔɔ tie ase am ŋu ni, am fa cinsi m bi bere na am kɔ wura sin n bo i nɔ má n nu, nyini sin n ye ba tɔɔ i afa ase Sitana ni i deɛ merékem n a. ⁴² Deke bo i ti na m se am sɔ n la ka, ahɔɛ yo tiiri m, ama, am ama má m diire. Nzuehɔɛ yo tiiri m, ama, am ama má m nzue. ⁴³ M yo baari am dika, ama, am ade má m wɔfɔ. M yo kaari m bu ngbɛɛn, ama, am ama má m sutura. M yo daari tukpaki, wara m yo woori dansaraka nu, ama, am akɔ anie má m busu.’ ⁴⁴ Dɔ na bere bo bu wo m saa bie su ni nyá bɔ m nu ka, ‘Ya Mibie, sanɔa bɔnɔ ye ya ŋuuri u ka ahɔɛ ati u, wara nzuehɔɛ ati u, wara a baari ya wɔfɔ, wara a kaari u bu ngbɛɛn, wara a daari tukpaki, wara a woori dansaraka, ye ya buka má u a?’ ⁴⁵ Na m nyá kaaki se bu ka, ‘Nahɔre ye m suse am n a, sanɔa kere bo am ayo má sakpa, ama má m ahin ninbaa kan kanm ni kun, am ayo ama má mini wɔ lɛɛ.’ ⁴⁶ Na nyinim bere kó wo suicin n bo i la má awieeri n nu. Ama, na bo bu yo sa bo i kɔ atin su Nyeme dɔ ni, bere kó wo ngɔɔ bo i la má awieeri n nu.”

26

Kabo bu sɛsɛeri su ka bu tára Yesu ni

¹ Sanɔa bo Yesu kereeri nyini kereewam kere wieeri ni, na wɔ se i susufɔm ni ka, ² “Am si ka wɔ ka lennyɔ ɔ, na bu di Butara cɛnkpiri ni. Dɔ ye bu nyá mini Adamande Wa n taraabiri a, na bu kpáama m baka jaanu n su.”

³ Dɔ na Nyeme sayoowa dɔnguyofɔ nkpienkpienm ni, ni Yudafɔm nkpienkpienm ni atien bu nɔɔ bu kpien n dika, bu fere i ka Kayafasi, yiri ti Nyeme sayoowa dɔnguyofɔm kere kpien a, ⁴ na ba fa sɛsesu ka bu tara Yesu asiri nu na bu kun i. ⁵ Na ba se bu ŋuŋu nu ka, “Má am ma ya yo i cɛnkpiri n sanɔa. Má nyini, minem ni kéte yo nanmie wɔ, na bu sutientien.”

Kabo bara be faari tulaalɛ gɔɔri Yesu tii su ni

⁶ Yesu woori Betani mie n nu wɔ, sɔnɔ be dika, bu fere i ka Simon, i yo ti kokofɔ ɔ. ⁷ Sanɔa bo Yesu wo diire di su ni, na bara be aba i dɔ, ni tulaalɛ tuwa nvanvani bo i la gɔ agaya. Na wɔ teke tulaalɛ tuwa n nɔɔ, na wɔ kaaki tulaalɛ n kere agɔ Yesu tii su. ⁸ Yesu susufɔm ni ŋuuri i sɔ ni, na yaa ati bu agaya, na ba bisa bu ŋuŋu nu ka, “Nzu ti ye wɔ saaki i sɔ a? ⁹ Má ya tɔɔri nyini tulaalɛ ni, má ya nyá ŋwaa beberebe,

na má ya fá nyini ñwaa n ma yaarifom.” ¹⁰ Na Yesu asi sunsunni bo bu bita i, na wo se bu ka, “Nzu ti ye am sukan bara ni ndie a? Sakpa lee ye wo yo ama m n a. ¹¹ Am ni yaarifom ni wo bere sangha kere a, ama, mini, m wo má am do sangha kere. ¹² Tulaalee n bo wo kaaki ago m ñu ni, i kere ka i nzee bo wo fa ayo m siriya afa anminda m yiwee ceen lee. ¹³ Nahore ye m suse am n a, deke kere bo bu ba kaanri Nyeme labari kpa n durunya n kere nu, bu kan i sayoowa n na minem tenge i su.”

Kabo Yudasi seseeri su ka i to Yesu ni

¹⁴ Na Yesu susufom buru ni nnyom nu kun bo bu fere i ka Yudasi Isikariyoti ni, ako Nyeme sayoowa donguyofom nkpienkpienm ni do, ¹⁵ ako abisa bu ka, “Nzen m toori Yesu maari am, am má m nzu wo?” Na ba kan jete ñwaa aburasan, afa ama i. ¹⁶ Fite nyini ceen n na Yudasi akpini atin kabo i yo na bu nya Yesu taraabiri.

Kabo Yesu ni i susufom diiri ceenkpiri diire ni

¹⁷ Na ceenkpiri n bo bu di i ni kpono bo bu go má ayiri nu na i yasu ni, i lekun ceen, na Yesu susufom n aba i do, aba abisa ka, “A koro ka ya ko ni ko sese Butara ceenkpiri n diire n su se a?” ¹⁸ Na wo se bu ka, “Am ko mie n kunnu, sono be wo do, na am ko se i ka, ‘Ya Kerefom n ña o, i sangha n aju. Na i ni i susufom ni ba di Butara ceenkpiri diire ni, u dika n nu.’ ” ¹⁹ Na Yesu susufom n ako ayo kabo i seeri bu ni, na ba sese Butara ceenkpiri n diire n su.

²⁰ Na naaso sangha, na Yesu ni i susufom buru ni nnyom n aba atana ka bu di diire ni. ²¹ Sangha bo bu tana wo diire n di su ni, na Yesu ase bu ka, “Nahore ye m suse am n a, am nu kun ba to m ma m kpofom a.” ²² Na bu ahore asaaki, na bu kun kun n kere abisa i ka, “M Mibie, ye m ña má mini yiri e?” ²³ Na Yesu abo bu nu ka, “Am nu kun bo m ni yiri sangha fa ya saa wura taale kun nu ni, yiri to m a. ²⁴ Mini Adamande Wa ni wu kabo ba kere i Nyeme Jore Kadasi n nu ase ka m wu n wo, ama, sono n bo i to mini Adamande Wa n ni, i mi ba ñu anyumboro. Má ba wu má i mi n mmoo, má i ti ye.” ²⁵ Na Yudasi bo i to Yesu n abisa i ka, “Ya Kerefom, m ña má mini yiri e?” Na Yesu abo i nu ka, “Kabo a jooori ni, i ti so o.”

Ya Mibie kasin diire n jore

²⁶ Sangha bo Yesu ni i susufom ni wo diire n di su ni, na Yesu afa kpono, na wo da Nyeme asi, na wo bubu i nu, na wo fa ama bu, na wo se bu ka, “Am de ahin kpono n na am di, i ti m ñuniembaa a.” ²⁷ Na wo kaaki afa awa ni nzan, na wo da Nyeme asi, na wo fa ama bu, na wo se bu ka, “Am kere nu be. ²⁸ Ahin nzan n ti m mbunja a lee, ye m sufa ma am n a. M mbunja n dee ti, ye Nyeme sufa seseesu na i di i di n a. Minem dongu satie dee ti, ye m mbunja ni songi go a, na Nyeme fa bu satie ce bu.” ²⁹ Na wo kaaki ase bu ka, “M suse am wo lee, ka, m nu má ahin nzan bekun, má ka ceen be bo m ni amberere ba sangha nu i fofore, m Si Nyeme femeya n nu ni.”

³⁰ Nyini sin na ba di jue akansi Nyeme, na ba fite ako Oliva Buka n su.

Kabo Yesu seeri i susufom n ka bu ba ñmati yaki i ni

³¹ Do na Yesu ase i susufom ni ka, “Nyuma dee kongue n nu, am kere ñmati yaki m, dama ba kere i Nyeme Jore Kadasi n nu ka, Nyeme ña, ‘M bo kun boesasafom ni, na nboem ba sandi.’ ”

³² Ama, m ba tengeeri m yiwee n nu, m du am mo ko Galili awore n nu.” ³³ Na Petoro ase i ka, “Nzen ahinm kere ñmati yakiiri u, mini ñmati yaki má u da.” ³⁴ Na Yesu ase Petoro ka, “Nahore ye m suse u n a, nyuma kongue n nu, kana akonyuma ba bo, a kete kpe nsan ka a si má m.” ³⁵ Na Petoro akaaki ase i ka, “Mini se má so da. Nzen haari wo yo daka ka mini ni woro kere sangha wu mmoo, ñka ya wu wo.” Na i susufom n kere ase so.

Kabo Yesu jeke tiiri na i ko sereeri Nyeme ni

³⁶ Na Yesu ni i susufom n ayasu ako aju awore be bo bu fere i ka Gesemane ni, na Yesu ase i susufom ni ka, “Am tana fen nminda m, na m ko do ko sere Nyeme.”

³⁷ Na wo fa Petoro ni Zebedi nbaa nnyom ni, na ba ko mo kaan. Bu ko juuri do, na ahoresaaki aba i do agaya, na i jeke ati. ³⁸ Na wo se bu ka, “Ahoresaaki aba m do agaya, i yo m ka m wu wo mmoo. Am wo fen na am nminda m. Ma am daafi.” ³⁹ Na wo ko dede kaan, na wo butu i kunnu su. Na wo sere Nyeme, i na, “M Si Nyeme, nzen ma a soro su, yi m fite ahin anyumboro n bo i suba m do n nu. Haari ni nyini mmoo, ma a yo kabo m koro ni, ama, yo kabo a koro ni.”

⁴⁰ I sere Nyeme wieeri ni, na wo kpie i nyi ako anu ka i susufo nsanm ni wo daafiri su. Na wo bisa Petoro ka, “Nzu ti ye am mine nsan n kere be mmoo koro kpie ma daafiri haari kaan so mmoo a?” ⁴¹ Na wo kaaki ase bu ka, “Am kpie daafiri, na am sere Nyeme adena ma deke be yo am na am wura satie nu. Ahorembaa n koro nyemesu, ama, anuniembaa n ayoroki.”

⁴² Na wo kaaki ako asere Nyeme bekun, i na, “M Si Nyeme, nzen i ti u dee koroyanu ka m fite ma ahin anyumboro n bo i suba m do n nu, ma u dee koroowa n yo.” ⁴³ Na wo kpie i nyi aba i susufom n do, na wo ba anu ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wo ko asere Nyeme kpe nsan su, ni nyini noanie jooowa kun bo i du mo jooori i ni. ⁴⁵ Nyini sin, na wo kpie i nyi aba i susufom n do, aba anu ka bu toko wo daafiri su, na wo se bu ka, “Am toko daafi yi am nuni wo? Am nie, sangha n aju, wo to mini Adamande Wa ni ama satieyofom. ⁴⁶ Am nie, sono n bo wo to m lee. Am yasu na ya ko.”

Kabo bu taraari Yesu barasu ni

⁴⁷ Na sangha bo Yesu toko wo jooori su ni, na Yudas bo i ti Yesu susufo buru ni nnyom nu kun aju ni jama beberebe. Bu bita takobem ni koromam. Nyeme sayoowa donguyofom, ni Yudafo nkpienkpienm ni sunmaari bu a. ⁴⁸ Na Yudas bo i toori Yesu ni akere jama n nyaari su kabo bu si Yesu na bu tara i. I na, “Sono n bo m ko biti i ni, yiri lee. Am tara i.” ⁴⁹ Sangha bo bu ko juuri deke bo Yesu wo ni, na Yudas akaba ako i do, na wo se i ka, “Ya Kerefo.” Na wo biti i, na wo yo i anse. ⁵⁰ Na Yesu ase i ka, “M don, yo deke n bo a koro ka a yo i ni ndende.” Na minem n aba atara Yesu, na ba bita i kenken. ⁵¹ Na Yesu susufom n nu kun acin aworo i takobe, na wo kpie sono be sui, nyini sono n ti Nyeme sayoowa donguyofom kpien n akoo o. ⁵² Na Yesu ase i ka, “Fa u takobe n kaaki wura i bu nu. Dama minem kere bo bu fa takobe yo juma ni, bere gusu ba wu ni takobe wo. ⁵³ A si ma ka nzen ma m sereeri m Si Nyeme, i sunma i merkem asese asese buru ni nnyo, na bu ba buka m kisa kisa bere? ⁵⁴ Ama, nzen m nya yoori so, kabo ba kere i Nyeme Jore Kadasi n nu ka wo yo daka ka i yo so ni, i yo se ye i ba yo yiiwa?”

⁵⁵ Na Yesu abisa jama n ka, “M ti finfo o, ye am fa takobem ni koromam na am ba tara m a? Een kere een m ni ambere wo Nyeme Sereebiri Awuru n nu a, ye m kere minem a, ama, am atara ma m. ⁵⁶ Ama, ahin kere yo so, adena kabo Nyeme noanie kanfom akere i Nyeme Jore Kadasi n nu n yo yiiwa a.” Do na i susufom n kere anmati ayaki i.

Kabo bu fa Yesu koori jore diibiri ni

⁵⁷ Na bo bu taraari Yesu n afa i ako Kayafasi do, yiri ti Nyeme sayoowa donguyofom kpien n a. I dika n nu ye Nyeme noanie kerefo ni, ni Yudafo nkpienkpienm n tienri bu noo a. ⁵⁸ Na Petoro asu Yesu su, i woori dede kaan ni yiri, haari i ko wuraari Nyeme sayoowa donguyofom kpien n dika gisan nu. I wuraari gisan n nu ni, na wo ko asanga atana tintinijinafom nu, adena i nu sa n bo i yo n awieeri. ⁵⁹ Na Nyeme sayoowa donguyofom nkpienkpienm ni, ni Yudafo tereterefo n kere anienie

minem bo bu bá di kore daani fa ko ngasi bo Yesu ado i ni, adena bu nya i taraabiri na bu kun i. ⁶⁰ Haari ni bo mine beberebe fite jina diiri kore daani n kere, ba nya má jore bo bu fa kpie so i. Kasin na mine nnyo nbem ayasu ajina, ⁶¹ na ba se ka, “Ahin sono n na yiri koro fufu Nyeme Sereebiri Awuru ni, na i kaaki ta i lesan afien.” ⁶² Na Nyeme sayoowa dɔnguyofom kpien n ayasu ajina, na wo bisa Yesu ka, “A la má bonu be fa ko ahin jore n bo minem ni akpie aso u n su?” ⁶³ Ama, na Yesu amo i nɔɔ. Na Nyeme sayoowa dɔnguyofom kpien n ajojo i do bekun, i na, “Kisa, m koro ka a tan Nyeme bo i wo bere sangga kere ni. Nzen woro ti Nyeme Wa n bo i ti Kristo Tiidefo ni, se ya.” ⁶⁴ Na Yesu abo i nu ka, “Kabo a jɔjɔri ni, i ti so o. Ama, m suse am kere wo lee ka,

‘Fite nyuma fa ko, am bá ɲu mini Adamande Wa ni

ka m tana Nyeme Yikofɔ n saa fomboro su,

na am ɲu ka m fite angoro yinyingu n nu suba.’ ”

⁶⁵ Yesu bo nu so wieeri ni, na Nyeme sayoowa dɔnguyofom kpien n ason i tanlee. Na wo se ka, “Wo jɔjo awura Nyeme ngasi nu. Ya koro má daanifo bekun. Ambere mmoo ti kabo wo jɔjo awura Nyeme ngasi n nu e. ⁶⁶ Ye am na se wo?” Na bu kere ase ka, “Wo kan ciire jore lee, wo yo daka ka i wu.”

⁶⁷ Na ba yi nanzue ago Yesu nyunuawa nu, na ba bo i, na ba bo i nyoonu, ⁶⁸ na ba se i ka, “Woro Kristo Tiidefo ni, ɲma bo u a? Kan kere ya.”

Kabo Petoro keteeri ka i si má Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wo se Petoro ka, “Woro mmoo yo woori nyini Yesu Galilifo n do o.” ⁷⁰ Ama, na Petoro akete bu kere nyunu ase ka, “Ai, m si má nyini jore n bo a sujɔjo i ni mmoo.” ⁷¹ Na Petoro afite ako gisan n anɔ n nu, na afani nyinga be aba anu i, na wo se minem bo bu jina bere n ka, “Ahin sono ni mmoo yo woori Yesu Nazaretifo n do o.” ⁷² Na Petoro akete bekun, na wo tan ndie, i na, “Mini si má nyini sono ni mmoo.” ⁷³ Wo ce má na minem n bo bu jina bere n gusu ase Petoro ka, “Nahore, a ti bu kun wo, dama u jooowa ni kere so a.” ⁷⁴ Na Petoro atan ndie afa i saa awura sin nu, i na, “M si má nyini sono ni.” Kpenga na akonyuma abo. ⁷⁵ Na Petoro atenge su kabo Yesu seeri i ni, i na “Kana akonyuma bá bo, a kéte kpe nsan su ka a si má m.” Na wo fite ako asun agaya.

27

Kabo bu faari Yesu ko jinaari Gomina Pilato nyunu ni

¹ Na alecin sangga na Nyeme sayoowa dɔnguyofɔ nkpienkpienm, ni Yudafom nkpienkpienm n atana asese su kabo bu yo barasu na bu kun i. ² Na ba wura i joroko, na ba fa i ako ama Pilato bo i ti Romafom gomina ni.

Kabo Yudasi kuunri i ɲu ni

³ Sangga bo Yudasi bo i toori Yesu n tiiri ka ba ma nɔɔ ka bu kun Yesu ni, na wo yo m si n so, na wo kaaki aworo jete ɲwaa aburasan n aba ama Nyeme sayoowa dɔnguyofɔ nkpienkpienm, ni Yudafom nkpienkpienm ni. ⁴ Na wo se bu ka, “Ma yo satie kabo ma to sono bo i la má ngasi be na bu kun i ni.” Na ba se i ka, “Ya cee bono wo nyini nu a? U dee jore lee.” ⁵ Na Yudasi afa ɲwaa n atu Nyeme Sereebiri Awuru n nu, na wo fite ako awura i kom nyama akun i ɲu.

⁶ Na Nyeme sayoowa dɔnguyofɔ nkpienkpienm n afa ɲwaa ni, na ba se ka, “Ahin ɲwaa n ti mbunja yiiwa ɲwaa a. Nyeme noanie kpamaawa n kere ka má be fa i ɲusu fa sangga Nyeme Sereebiri Awuru dee ɲwaa n nu.” ⁷ Na ba yo anooe, afa ɲwaa n ato asien be, bo bu fere i ka yakati tafɔ juma yoobiri ni, ka bu fa yo wofom seebiri.

⁸ Nyini ti ye bu fere nyini asien n ka Mbunja Asien, haari ni nyuma so n a. ⁹ Do na

nɔaniɛ n bo Nyemɛ nɔaniɛ kanfɔ Jeremiya yo jɔjɔri n ayo yiiwa, i ɲa, “Ba fa jete ɲwaa aburasan n bo Yisarelifɔm kere soroori su ka bu to i kaari, sɔnɔ n dɛɛ ti ni, ¹⁰ na ba fa ɲwaa n ato yakati tafɔ juma yoobiri, kabo Micera n seeri m ka bu yɔ lɛɛ.”

Kabo Gomina Pilato bisaari Yesu jɔrɛ ni

¹¹ Na ba fa Yesu akɔ ajina Gomina Pilato n nyunu, na wɔ bisa Yesu ka, “Wɔrɔ ti Yudafɔm femɛ n a?” Na wɔ bɔ i nu ka, “Kabo a jɔjɔ ni, i ti sɔ ɔ.” ¹² Na Nyemɛ sayoowa dɔɲguyofɔ nkpienkpienm, ni Yudafɔm nkpienkpienm akpiɛ jɔrɛ asɔ Yesu, ama, wɔ bɔ má be nu. ¹³ Na Gomina Pilato abisa i ka, “A ti má jɔrɛ n kere bo ba kpiɛ asɔ u ni?” ¹⁴ Ama, Yesu abɔ má jɔrɛ n haari kun be mmɔɔ nu, na gomina n abirisi agaya kabo wɔ bɔ má nu ni.

Kabo Gomina Pilato maari nɔɔ ka bu kun Yesu ni

¹⁵ Afɔ kere afɔ, Butara cɛenkpiri n nya ba ju, Romafɔm gomina yi dansaraka n bo jama n koro ka i yi i ji n wɔ. ¹⁶ Nyini sanɲa ni, sɔnɔ be woori dansaraka n nu dɔ, bu fere i ka Barabasi, i ti má jɔrɛ bu, sɔnɔ kere si i sa. ¹⁷ Na sanɲa bo jama n kere ba tiɛnri bu nɔɔ ni, na Gomina Pilato abisa bu ka, “Am koro ka m yi ɲma ma am a, Barabasi ni, nzen Yesu n bo bu fere i ka Kristo Tiidefɔ ni?” ¹⁸ I seeri sɔ ni, dama i siiri tenle su ka bu si Yesu kɔrɛ ti ye bu faari i ba wuraari i saa nu a.

¹⁹ Sanɲa bo Gomina Pilato wo Yesu jɔrɛdi su ni, na i yi asunma ase ka, “Má a se ka a yo nyini nahɔrɛfɔ n sa be, dama anuma kɔɲgue, ma cin aleɛ fa kɔ nyini sɔnɔ n dɔ bo wɔ miɛ m agaya.”

²⁰ Ama, na Nyemɛ sayoowa dɔɲguyofɔ nkpienkpienm, ni Yudafɔm nkpienkpienm n awura jama n bu sin ka bu sere Gomina Pilato ka i yí Barabasi ma bu, na i kún Yesu. ²¹ Ama, na Gomina Pilato akaaki abisa jama n ka, “Nyini mine nnyɔm ni nu, am koro ka m yi ɲma ma am a?” Na ba bɔ i nu ka, “Barabasi.” ²² Na Gomina Pilato abisa bekun ka, “Ye ahin Yesu n bo bu fere i ka Kristo Tiidefɔ ni, am koro ka m yɔ i sɛ wɔ?” Na bu kere abɔ i nu ka, “Kpama i baka jaanu n su na i wu.” ²³ Na Pilato abisa ka, “Ye nzu satie ye wɔ yo i a?” Ama, na ba kaaki atien kpa agaya bekun ase ka, “Kpama i baka jaanu n su na i wu.”

²⁴ Sanɲa bo Gomina Pilato ɲuuri ka i koro yo má jɔrɛ n dɔɲgu, haari ni bo wɔ boro i nyi na i yo i dɔɲgu ni, jama n akete sukoro ka bu yo naɲmiɛ. Nyini ti, na wɔ fa nzue aɲmisi i saa, jama n kere nyunu, na wɔ se bu ka, “M saa wo má ahin sɔnɔ n yiwee nu. Am dɛɛ jɔrɛ lɛɛ.” ²⁵ Na jama n kere ase i ka, “Tɔ, ma i yiwee ni ɲgasi su ya su, ni ya anumam kere.” ²⁶ Dɔ na Gomina Pilato ayi Barabasi aji, na wɔ ma sojam n afin Yesu ɲgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu beɲgu sojam kere nɔɔ abara aye i. ²⁸ Na ba yi Yesu sutura bo i wura i ni, na ba fa tanlɛɛ kɔkɔrɛ yorom be ka femɛya tanlɛɛ dɛɛ su awura i. ²⁹ Na ba fa buwe aɲɔ i ka kaba dɛɛ su, na ba fa aforo i tii ka femɛya kere dɛɛ su. Na ba fa kpama awura i saa nu, na ba kutu i nyunu suyo i anzasi, bu ɲa, “Yudafɔm Femɛ ni, ya yo u anɛɛ.” ³⁰ Na ba yi nanzue aɲɔ i ɲu, na ba de kpama ni i dɔ, na bu sufin i tii baka. ³¹ Bu ba yoori i anzasi n wieeri ni, na ba yi tanlɛɛ kɔkɔrɛ yorom ni, na ba kaaki afa i tienɲu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

³² Sanɲa bo bu sukɔ ni, na bu ni Sirenefɔ biɛ be aye, bu fere i ka Simon. Na sojam n amie i ka i sɔ Yesu baka jaanu ni. ³³ Na ba kɔ aju awɔrɛ be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba sanɲa nzan ni ayiri wiwi barasu

be ama Yesu ka i nu na i jo yaari ni, ama, i kaanri i nɔɔ ɔ, na wɔ kete, wɔ nu má i. ³⁵ Na ba nya akpama i baka jaanu n su, na ba ye i su ajina. Bu yoori sɔ wieeri ni, na ba tu mbaa na bu si kabo bu kpaaki i suturam nu, bu nɔɔ nu. ³⁶ Nyini sin na ba ka atana suniɛ Yesu. ³⁷ Na ba kere jɔre n bo bu kpiɛ sɔɔri i ni, afa abo akpama i baka jaanu n tii su, kerɛwa n la ka, “Yesu bo i ti Yudafɔm Feme n lɛɛ.” ³⁸ Na ba kpama finfo nnyɔ nbem baka jaanu su adodo i, bu kpamaari kun i saa fɔmbɔɔ su, na ba kpama kun n gusu i saa bie su.

³⁹ Na minem kere bo bu sin do ni, subobo bu tii, na ba kpiɛ i nzuko, bu na, ⁴⁰ “Wɔɔ bo a na a fufu Nyeme Sereebiri Awuru n na a kaaki ta i lesan afien n lɛɛ, de u tii ji. Nzen a ti Nyeme Wa nahore su, jura baka jaanu n su.” ⁴¹ Sɔ ye Nyeme sayoowa dɔnguyofɔ nkpienkpienm, ni Nyeme noaniɛ kerefɔm, ni Yudafɔm nkpienkpienm n gusu yoori i anzasi a, ⁴² bu na, “Wɔ de minem tii aji, ama, i sukoro de má yiri ni i tii. M na i ti Yisarelifɔm Feme n wɔ e. Tɔ, ma i jura baka jaanu n su bra kisa kisa na ya niɛ, na ya yó i yarada. ⁴³ I daafi Nyeme nu a, ye i na i ti Nyeme Wa a. Tɔ, nzen Nyeme koro i a, ma i de i tii ji kisa na ya niɛ.” ⁴⁴ Haari na finfo nnyɔm n bo bu kpamaari bu dodoori Yesu ni mmɔɔ akpiɛ i nzuko sɔ.

Kabo Yesu wuuri ni

⁴⁵ Wiesu kerefi buru ni nnyɔ sanɔa na awosin akata asien n kere su, haari naaso kerefi nsan. ⁴⁶ Na fa kɔ nyini sanɔa ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri sɔ ni, na ba se ka, “Am ti, ahin sɔɔ n sufere Eliya.” ⁴⁸ Kpenɔa na bu nu kun anmati afa mene, ado nzan gagaraki be nu, na wɔ fa awɔ baka su alaandi ato Yesu nɔɔ ka i nu. ⁴⁹ Ama, na nyingam n ase ka, “Am yaki na ya niɛ, ka Eliya bá de i tii ji?”

⁵⁰ Na Yesu abo awie kpa, na wɔ nya ayo Nyeme dɛɛ. ⁵¹ Do na tani bambaka n bo bu fa kanda kpaakiiri Sɔɔ Casi n bo i wo Nyeme Sereebiri Awuru n nu n ati nu nnyɔ, fa i angoro kɔ jura i asienɔ. Na asien n akpisi, na yabue ngbingbirim akpakpaaki nu. ⁵² Na fanɔkunmam ateke, na Nyeme minem dɔngu bo ba wu n atenge bu yiwee nu. ⁵³ Na ba fite fanɔkunmam n nu, na sanɔa bo Yesu ba tengeeri i yiwee n nu ni, na ba kɔ awura Yerusalem miɛ kpiri n nu, na mine dɔngu anu bu. ⁵⁴ Na soja kpien n ni i sojam n bo bu jina niɛeri Yesu ni, na bu nuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, “Ahin sɔɔ n ti Nyeme Wa a nahore su.”

⁵⁵ Na nbaram beberebe bo bu su i su fite Galili awɔre n nu na bu buka i ni, ajina dede suniɛ Yesu. ⁵⁶ Bu nu nbem la Mariya bo i fite Magadala miɛ n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sanɔa na nengefo be aba, i fite Aramatiya miɛ kpiri n nu wɔ, bu fere i ka Yosefu. Yiri mmɔɔ ti Yesu susufɔm kun wɔ. ⁵⁸ Na wɔ kɔ asere Gomina Pilato ka i fa Yesu nuniɛ n ma i. Na Gomina Pilato ama nɔɔ ka bu kɔ fa ma i. ⁵⁹ Na Yosefu ako ayi Yesu fuin n apɔɔndi nzee fɔfɔre nu, ⁶⁰ na wɔ kɔ ase i fanɔkunma nu, yiri Yosefu dɛɛ tienɔ yabue buɛ fanɔkunma n bo ba lokoti i fɔfɔre ni. Na wɔ nya akundu yabue bambaka afa ato fanɔkunma n anɔ ni, na wɔ kɔ. ⁶¹ Na Mariya Magadalafɔ ni, ni Mariya nyinga n atana afa bu nyunu awɔ fanɔkunma ni.

Kabo tintinijinafɔm jina nmindaari Yesu fanɔkunma ni

⁶² Na alecin fɔfɔre bo i ti Yudafɔm Numiyi cɛɛn ni, na Nyeme sayoowa dɔnguyofɔ nkpienkpienm, ni Farasifɔm n akɔ Gomina Pilato do. ⁶³ Na ba kɔ ase i ka, “Ya si, ya tenge su ka sanɔa bo nyini kɔrefɔ n yo la ngɔɔ ni, na wɔ se ka yiri wuuri, i lesan cɛɛn, i tɛnge i yiwee n nu. ⁶⁴ Nyini ti, ma nɔɔ na bu kɔ jina nminda i fanɔkunma

ni, fa kɔ ju haari lesan cɛɛn ni, má nyini, i susufɔm ni koro kɔ wɔ yi i ɲunie ni, na bu bu kɔre ka wɔ tenge wɔ. Nyini sanɔa, kasin dɛɛ kɔre ni tára bumboori dɛɛ ni.”
⁶⁵ Na Gomina Pilato ase bu ka, “Am fa tintinijinafɔm, na am ma bu kɔ jina ɲminda i faɲkunma n kabo am koro i barasu ni, na má be koro yo pui.” ⁶⁶ Nyini ti, na ba kɔ ata atɔ faɲkunma n anɔ n kɛɛ, na ba ma tintinijinafɔm n ajina anminda abara aye i, adena má be koro yo pui.

28

Kabo Yesu tengeeri i yiwee n nu ni

¹ Yudafɔm ɲumiya cɛɛn n sin dɛɛ alecin, bakue n bumboori, mɔne cɛɛn ɲgarama fuun, na Mariya Magadalafo ni, ni Mariya nyinga ni, akɔ ka bu kɔ nie Yesu faɲkunma ni. ² Kpenɔa na asien n akpisi agaya, dama Micera n mereke be fiteeri angoro jura ba kundu yiiri yabue bambaka n faɲkunma n anɔ n su a, na wɔ fun atana su. ³ Na wɔ ta fofoe papasi ka nzue kpeseewa dɛɛ su, na i sutura n kɛɛ ayo fofoe ka cisen. ⁴ Na sere ati tintinijinafɔm ni, na bu ɲunie subobo bu, na ba yo ka ba wu dɛɛ su wɔ.

⁵ Na Nyeme mereke n ase nbaram n ka, “Má am ma sere ti am. M si ka am nienie Yesu bo bu kpamaari i baka jaanu n su n wɔ. ⁶ I wo má fen. Wɔ tenge i yiwee n nu, kabo i yo seeri am ni. Am ba nie deke bo bu faari i seeri ni. ⁷ Am kpie am nyi na am kɔ se i susufɔm ni ka wɔ tenge i yiwee n nu. Am ti fen, i sudu am mɔ kɔ Galili awɔre n nu, dɔ ye am kó ɲu i a. Ma se am læɛ.”

⁸ Na ba fite faɲkunma n nu ndende ni sere, ama, ni ahorejo, na ba ɲmati na bu kɔ se i susufɔm ni. ⁹ Bu sukɔ ni, kpenɔa na bu ni Yesu aye, na wɔ yo bu anse. Na ba kutu i jaa bu, na ba ma i jirima. ¹⁰ Na wɔ se bu ka, “Má am ma sere ti am. Am kɔ se m ninbaam ka bu kɔ Galili, dɔ ye bu kó ɲu m a.”

Kabo tintinijinafɔm seeri sa n bo i yoori ni

¹¹ Sanɔa bo nbaram n wo kɔ su ni, na tintinijinafɔm nbem akɔ mie n kunnu, akɔ ama Nyeme sayoowa dɔnguyofɔ nkpienkpienm ni labari, fa kɔ sa n kɛɛ bo wɔ yo n su. ¹² Na Nyeme sayoowa dɔnguyofɔ nkpienkpienm, ni Yudafɔ nkpienkpienm n atien bu nɔɔ, afa asese su, na ba ma tintinijinafɔm ni ɲwaa beberebe, ¹³ na ba se bu ka, “Am se minem ka, sanɔa bo am adaafi kɔngue n ye i susufɔm ni ba wɔ yiiri i a. ¹⁴ Na nzen haari gomina n ba tiiri nyini labari ni, yere kán de am tii, na i yó má am pui.” ¹⁵ Na tintinijinafɔm n ade ɲwaa n na ba kɔ ase minem kabo nkpienkpienm n seeri bu ni. Nyini dɛɛ ti ye nyini labari n abara aye Yudafɔm dɔ, fa ba ju haari ni nyuma n a.

Kabo Yesu faari i ɲu kereeri i susufɔm ni

¹⁶ Na i susufɔ buru ni kunm n akɔ Galili awɔre n nu na ba fun akɔ buka n su, deke bo Yesu seeri bu ka bu kɔ ni. ¹⁷ Sanɔa bo bu kɔ ɲuuri i ni, na ba kutu ama i jirima, ama, bu nbem asunsun ka má yiri læɛ. ¹⁸ Na Yesu acin adodo bu, na wɔ se bu ka, “Nyeme afa angoro ni asienɔu fen kɛɛ yiko, afa awura m saa nu. ¹⁹ Nyini ti, am kɔ durunya n kɛɛ nu, na am ma daanfie kɛɛ yo m susufɔm. Na am bie bu Nyeme nzue, Si, ni Baa, ni Awiewie Casi n dɛɛ duma nu. ²⁰ Na am kere bu ka bu de m nɔanie maawa n kɛɛ bo ma fa ama am ni. Am ti fen, m wo am dɔ, sanɔa kɛɛ, fa kɔ haari durunya n awieeri.”

Labari kpa n bo MARAKO akere i ni

Kabo Yohane Nyeme Nzue Biefɔ kaanri Nyeme jɔre ni

¹ Ahin jɔre ni, i ti Nyeme Wa Yesu Kristo deɛ labari kpa n wɔ. Kabo i boori i bu yaa.

²⁻³ Nyeme yo seeri i wa n ka,

“Ti fen, m súnma m sunmaɔ n na i dú u mɔ,
yiri sése u atin n su a.

Yiri kó subo ndoori boro kpantain n nu se ka,

‘Am sese Mibiɛ n atin n su,
na am yo i atin n dɔngu.’”

Na Nyeme ama ba kere nyini jɔjɔwa n kere Nyeme noanie kanfɔ Esaya deɛ kadasi n nu. ⁴ Nyini sɔnɔ n bo Nyeme sunmaari i n la sɔnɔ be bo bu fere i ka Yohane Nyeme Nzue Biefɔ ni. I baari boro kpantain n nu, na i sukan Nyeme jɔre, i ɲa, “Am kaaki am wo na m bie am Nyeme nzue, na Nyeme fa am ɲgasi ni am satie kere ce am.”

⁵ Na Yudiya asiensufɔm, ni Yerusalem mie nufɔm kere afite aba i dɔ, na ba kan bu ɲgasi ni bu satie kere bo ba yo i akere Nyeme, na Yohane abie bu Nyeme nzue Yodan kunma n nu.

⁶ Yohane sutura wuraawa yo ti deke bo bu faari nyɔɔma ndɔre wuuri i a, na wɔ fa jina abo i wi nu. I diire yo la lalom ni wie wɔ. ⁷ I kaanri Nyeme jɔre, i ɲa, “Sɔnɔ be wo m sin suba, i tara m fieo, m ti kaan ni bo m dodo i. ⁸ Mini afa nzue abie am a, na am yo casi, ama, yiri fá Nyeme Awiewie Casi n wura am ɲu yo am casi a, kabo sɔnɔ bie nzue na i yo casi ni.”

Kabo Yohane bieeri Yesu Nyeme nzue ni

⁹ Nyini sanɲa n na Yesu afite Nazareti, mie n bo i wo Galili awɔre n nu ni, na wɔ ba Yohane dɔ, na Yohane abie i Nyeme nzue Yodan kunma n nu. ¹⁰ Sanɲa bo Yesu fiteeri nzue n nu ni, kpenɲa na wɔ ɲu ka anɲoro n ateke, na Awiewie Casi n ajura ka tiiwa deɛ su aba atana i ɲu. ¹¹ Na wɔ ti akonvi be ɲa anɲoro, i ɲa, “Wɔrɔ ti m wa a, m koro u agaya, m ahore ajo u ɲu.”

Kabo Sitana yoori Yesu na i nie ni

¹² Nyini jinaabiri n nu na Awiewie Casi n ama Yesu ako boro kpantain n nu. ¹³ I woori dɔ ceɛn aburana, i ni boro nenɲem woori dɔ a, na Sitana ayo i na i nie ka, i yó yiri Sitana n deɛ koroowa, nzen i yó má. Ama, Yesu asoro má su. Na Nyeme merékem aba asu i.

Kabo Yesu fereeri jombaa tarafɔ nna nbem ka bu su i su ni

¹⁴ Sanɲa bo bu taraari Yohane nyiiri i dansaraka n sin, na Yesu ako Galili awɔre n nu, na i sukan labari kpa n fa kɔ Nyeme atin n su kere minem, ¹⁵ i ɲa, “Sanɲa n aju bo Nyeme Feme bá nie i minem su. Am kaaki am wo, na am de Nyeme labari kpa n na am yo i yarada.”

¹⁶ Ye i ba sunati sin Galili kunma kpiri n nɔɔ su, na wɔ ɲu jombaa tarafɔ nnyɔ nbem. Bere la Simon ni i niema Andere. Bu wo bu diendie sandi su kunma kpiri n nu. ¹⁷ Na Yesu ase bu ka, “Am bra na am ba su m su, na m má am tien minem nɔɔ ma m, kabo am tara jombaa ni.” ¹⁸ I seeri sɔ ni, na ba kaba ayaki bu diendiem ni, na ba su i su.

¹⁹ I nati kɔori mɔ kaan bekun, na wɔ ɲu mine nnyɔ nbem. Bere la Yakobo ni i niema Yohane. Bu fere bu si ka Zebedi. Bu wo lee nu suyo bu diendiem dɔngu. ²⁰ Dɔ

na wɔ fere bu ka bu su i su, na ba yaki bu si ni, ni i npaadifɔm n lee n nu, na ba su i su.

Kabo Yesu fɔn yiiri ajini sɔnɔ be ɲu ni

²¹ Na ba kɔ aju miɛ kpiri n bo bu fere i ka Kapenam su. Na Yudaɔm ɲumiyi cɛɛn na Yesu awura bu tientienbunɔɔ sɔɔ n nu, bo bu sere Nyemɛ na bu kere Nyemɛ jɔrɛ nu ni, na wɔ kan Nyemɛ nɔaniɛ akere minem ni. ²² Na bu kere ayo alekutura fa kɔ i kereewa n su, dama i kereewa n awo i ɲgumi ni Yudaɔm dɛɛ Nyemɛ nɔaniɛ kerefɔm ni. I kereewa n la yiko. ²³ Nyini saɲga n nu na sɔnɔ bo ajini wo i ɲu n aba bu dɔ bu tientienbunɔɔ sɔɔ n nu, na wɔ bo awie ²⁴ ase ka, “Yesu Nazaretifo, a koro nzu ya nu fɛn a? A ba ka a ba yo ya ɲgbɛɛn wɔ? M si u sa, wɔrɔ ti sɔnɔ casi n bo Nyemɛ asunma u n a.” ²⁵ Na Yesu atien ajini n ɲu ase ka, “Mɔ u nɔɔ bɛrɛ, na a fite yaki sɔnɔ ni.” ²⁶ Na ajini n akpisi sɔnɔ ni, na wɔ ciindi afite ayaki i. ²⁷ Na minem kere ayo alekutura akɔ asin su, na ba bisa bu ɲuɲu nu ka, “Ee. Nzu la ahin? I ti kereewa fɔfɔrɛ wɔ. Ahin sɔnɔ n la yiko bo i koro ma ajinim n mmɔɔ nɔɔ na bu de i.” ²⁸ Nyini ti na Yesu duma akaba ata abara aye Galili awɔrɛ n kere nu.

Kabo Yesu tuntuunri tukpakifɔm beberebe Simon dika ni

²⁹ Saɲga bo i fiteeri tientienbunɔɔ sɔɔ n nu ni, na i ni Yakobo ni Yohane akɔ awura Simon ni Andere dika. ³⁰ Bu kɔ juuri awuru n nu ni, na ba se Yesu ka Simon sibara la má i ɲu, yakɔkɔ abo i, i da sɔrɔ. ³¹ Na wɔ kɔ aso i saa nu aye i su atana, na yakɔkɔ n ayaki i, na wɔ kɔ ayo diire ama bu.

³² Nyini cɛɛn n naaso, dika bibiri saɲga, na minem afa tukpakifɔm kere ni minem bo ajinim wo bu ɲu n aba Yesu dɔ. ³³ Na miɛ n nu jama n kere aba atien bu nɔɔ i dɔ anuɲgbere n nu. ³⁴ Na wɔ tuntun tukpaki barasu barasufɔm beberebe, na ba nya laifɛ, na wɔ fɔn ayi ajinim gusu beberebe. Wɔ du má su na ajinim n jɔjɔ, dama bu si i sa.

Kabo Yesu kaanri Nyemɛ jɔrɛ Galili awɔrɛ n nu ni

³⁵ Na alecin akɔnyuma ciciri su, na Yesu ayasu afite akɔ dede awɔrɛ be nu i ɲgumi, na wɔ kɔ asere Nyemɛ. ³⁶ Na Simon ni i beɲgum akɔ i niɛniɛ. ³⁷ Bu kɔ ɲuuri i ni, na ba se i ka, “Sɔnɔ kere sunienɛ u busu.” ³⁸ Na Yesu ase bu ka, “Am ma ya kɔ miɛ nyiɲgam n su na m kɔ kan Nyemɛ jɔrɛ kere bu gusu, dama ka nyini ti ye m baari durunya n nu a.” ³⁹ Na wɔ bara aye Galili awɔrɛ n kere nu, sukan Nyemɛ jɔrɛ bu tientienbunɔɔ sɔɔm n nu, ye i fɔn yi ajinim minem ɲu a.

Kabo Yesu tuntuunri kokofɔ be ni

⁴⁰ Na kokofɔ be aba Yesu dɔ, na wɔ ba akutu i nyunu asere i jande ka i buka i. I ɲa, “Nzen a koro ka a ma m nya laifɛ, a koro ma m nya i.” ⁴¹ Na Yesu aɲu i aɲunfo, na wɔ tenge i saa anana i ɲu, na wɔ se i ka, “M koro. Nya laifɛ.” ⁴² Na kokobi n akaba ayaki sɔnɔ n na wɔ nya laifɛ. ⁴³ Na Yesu ama i atin ka i kɔ, na wɔ bɔbɔ i ⁴⁴ ase i ka, “Má a se ka a se be ahin jɔrɛ ni, ama, kɔ na a kɔ fa u ɲu kere Nyemɛ sayoowa dɔɲguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ɲu a.” ⁴⁵ Ama, na wɔ kɔ abo ndoori, na labari n abara aye deke n kere, nyini ti, Yesu akoro ayi má i ɲu fɔfoe nu miɛm be nu kun, i fiɛri i ɲu ahemɛ wɔ, na mine afite awɔrɛ n kere nu aba i dɔ.

2

Kabo Yesu tuntuunri sɔnɔ bo i saam ni i jaam awu ni

¹ I yoori lennyɔ na Yesu akpie i nyi aba Kapenam miɛ kpiri n nu, na labari abara aye ka i wo awuru, ² na mine atien bu nɔɔ i dɔ agaya haari fɔfoe anya má anɔ n bo bu fa wura sɔɔ n nu mmɔɔ, na Yesu akan Nyemɛ jɔrɛ sukere bu. ³ I wo bu kere su

ni, na mine nbem aba i dɔ, bu nu mine nna sɔ sɔnɔ bo i saam ni i jaam awu. ⁴ Jama n sunnuuri sɔ n dɛɛ ti, ba koro anya má fofoe bo bu fa sɔnɔ n dodo Yesu, na ba fiiti sɔɔ n bo Yesu wo nu n angoro buekun, na ba fa i ni i dasu n kere acɔndi afa i ada sɔɔ n nu. ⁵ Yesu ŋuuri kabo bu yoori i yarada n sɔ ni, na wɔ se sɔnɔ n bo i saam ni i jaam awu n ka, “M dɔn, ma fa u satie ace u.”

⁶ Tɔ. Yudafoɔm Nyeme noanie kerefoɔm nbem tana bere, na ba sunsun bu ahore su ka, ⁷ “Ahin sɔnɔ n la atin boɔnɔ ye i jɔjɔ wura Nyeme ngasi nu sɔ a? Be wo má bere bo i koro fa minem satie ni bu ngasi ce, sin Nyeme ŋu.” ⁸ Na Yesu afa nu i ahore su fa kɔ bu sunsunni bo bu bita i n su, na wɔ bisa bu ka, “Nzu ti ye am bita nyini sunsunni ni am ahore su a? ⁹ Boɔnɔ ti kekereke a, bo m se sɔnɔ n ka, ‘Ma fa u satie ace u,’ nzen, ‘Yasu fa u dasu n na a nati n a’? ¹⁰ M kere am ka mini Adamande Wa n la yiko durunya n nu bo m fa minem satie ni bu ngasi ce bu.” Na wɔ se sɔnɔ n ka, ¹¹ “Wɔrɔ, yasu fa u dasu n na a kɔ awuru.” ¹² I kaba yasu faari i dasu n wɔ, na wɔ fite jama n kere nyumbaa nu. Na bu kere ayo alekutura, na ba kansi Nyeme, na ba se ka, “Ya nya ŋu má ahin sa n ŋusu cɛɛn be.”

Kabo Yesu fereeri Levi ka i su i su ni

¹³ Na Yesu akaaki akpie i nyi akɔ Galili kunma kpiri n nɔɔ su, na jama beberebe akɔ atien bu nɔɔ i dɔ, na wɔ kan Nyeme jɔre akere bu. ¹⁴ I wo natiiri su susin ni, na wɔ ŋu lampodefɔ be bo bu fere i ka Levi, Alafeyo wa ni, ka i tana i juma yoobiri, na Yesu ase i ka, “Yasu bra na a ba su m su.” Na wɔ yasu asu i su.

¹⁵ Na Yesu akɔ Levi dika ka i kɔ di diire. Na satieyofɔm, ni lampodefɔm beberebe asu i su. Diire n diibiri dɔ ni, na bu dɔngɔ aba atana Yesu ni i susufɔm n dɔ, na ba saɔga adi diire. ¹⁶ Na Nyeme noanie kerefoɔm nbem bo bu su Farasifɔm dɛɛ atin su ni, aɔɔ ka Yesu ni satieyofɔm, ni lampodefɔm tana sudi diire, na ba bisa i susufɔm ni ka, “Nzu ti ye Yesu ni lampodefɔm, ni satieyofɔm saɔga di diire a?” ¹⁷ Na Yesu ati bu jɔjɔwa n na wɔ bo bu nu ka, “Minem bo bu la laifie n koro má ayirifo, má ka bo bu la má laifie ni koro a. Ma ba má ka m bá fere minem bo bu ŋa bu yo sa bo i kɔ atin su Nyeme dɔ n wɔ, ama, m baari satieyofɔm n dɛɛ ti wɔ.”

Kabo Yesu kereeri nɔɔ cici jɔre ni

¹⁸ Cɛɛn be na Yohane dɛɛ susufɔm ni Farasifɔm sucici bu nɔɔ, na mine nbem aba na ba bisa Yesu ka, “Nzu ti ye Yohane susufɔm ni Farasifɔm dɛɛ susufɔm cici bu nɔɔ, ye u dɛɛm bere cici má?” ¹⁹ Na Yesu abɔ bu nu ka, “Am sunsun ka konyayafɔm koro cici bu nɔɔ saɔga bo konyafan n toko wo bu dɔ ni, nzen se? Ai, saɔga bo konyafan n wo bu dɔ ni, bu yo má nyini. ²⁰ Ama, saɔga suba bo bu bá yi konyafan n fite bu nu, nyini saɔga n ye bu nyá cici bu nɔɔ a.”

²¹ Na Yesu akaaki ase ka, “Be koro fa má sanvuin fɔfɔre kpa tɔ má tani dawa kunma, nzen i yoori sɔ, sanvuin fɔfɔre ni sɔn tani dawa n wɔ, na i téke i kunma n agaya buka su. ²² I kaaki ti sɔ ɔ bekun ka be koro fa má nzan nyiiwa faɔgafɔ gɔ má dundu dawa bebete nu, nzen i yoori sɔ, dundu ni tie wɔ, na i ká ngbɛɛn, na nzan n kere sɔngi. Ama, i ti ye ni ka bu fá nzan nyiiwa faɔgafɔ gɔ dundu fɔfɔre biiwa nu.”

Kabo Yesu jɔjɔ fa kɔɔri Numiyi cɛɛn n jɔre ni

²³ Yudafoɔm Numiyi cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be akpese. ²⁴ Na Farasifɔm n ase i ka, “Nie fen. Nzu ti ye u susufɔm ni suyo sɔ a? Nyeme noanie kpamaawa n kere ka má be yo sɔ, Numiyi cɛɛn ni.” ²⁵ Na wɔ bo bu nu ka, “Am nya kan má Nyeme Jɔre Kadasi n nu, kabo Feme Davidi yo yoori saɔga bo i ni i minem mieeri diire busu n wɔ, nzen se? ²⁶ Nyini saɔga Abiyata yo ti Nyeme sayoowa dɔnguyofɔm kere kpien n a. Ahɔɛ n ti, na Feme Davidi akɔ awura Nyeme Sereebiri Awuru n nu, na wɔ di kponɔ n bo ba fa ama Nyeme ni,

na wɔ ma i minem be. Ama, am si ka ya dɛɛ atin n su, Nyemɛ sayoowa dɔŋguyofɔm ŋgumi di nyini kpɔnɔ n a.”

²⁷ Na Yesu akaaki ase bu ka, “Adamande dɛɛ ti ye Nyemɛ yiiri Njumiya cɛɛn n a, má Njumiya cɛɛn n dɛɛ ti ye Nyemɛ yiiri adamande a. ²⁸ Nyini ti, Njumiya cɛɛn ni mmɔɔ, mini Adamande Wa ni ti i Mibiɛ a.”

3

Kabo Yesu tuntunri sɔnɔ asaa fuin be Njumiya cɛɛn ni

¹ Na Yesu akaaki akɔ tientienbunɔɔ sɔɔ n nu dɔ bekun. Sɔnɔ asaa fuin be woori dɔ. ² Na minem bo bu wo dɔ n atu bu nyumbaa anɛ Yesu, na bu niɛ ka i túntun asaa fuin n Njumiya cɛɛn ni, nzen i túntun má i, adena bu sɔ i ŋgɛɛ na bu jára ki i ka wo saaki Njumiya cɛɛn n ciire ni. ³ Na Yesu ase asaa fuin n ka, “Ba jina afien fɛn.” ⁴ Na wo bisa bu ka, “Ya dɛɛ atin n su, atin wo nu ka ya yo sakpa Njumiya cɛɛn ni, nzen ya yo satɛ wɔ? I kaaki ti ye ni ka ya de ŋgɔɔ, nzen ya yi ŋgɔɔ ɔ?” Ama, ba bɔ má i nu. ⁵ Na Yesu anɛ bu nyunu abara ayɛ, na wo fa yaa bu ŋu, na i ahore asaaki fa kɔ bu atii kekere n dɛɛ ti, na wo se sɔnɔ n ka, “Tɛnge u saa ni.” Na wo tɛnge i saa ni, na wo yo fanɔa bekun. ⁶ Na Farasifɔm n akaba afite tientienbunɔɔ sɔɔ n nu akɔ Fɛmɛ Herode minem dɔ, na ba sɛsɛ bu ŋu su kabo bu yó na bu kún Yesu.

Kabo jama beberebe tiɛɛnri bu nɔɔ Yesu dɔ ni

⁷ Nyini sin na Yesu ni i susufɔm n afite akɔ kunma kpiri n nɔɔ su, na jama beberebe afite Galili awɔrɛ n nu asu i su. Nbem gusu fiteeri Yudiya dɛɛ awɔrɛ n nu, ⁸ ni Yerusalem miɛ kpiri n nu, ni Idumeya dɛɛ awɔrɛ n nu, na nbem gusu afite Yodan kunma n wiɛ afiri ni, ni Tiro ni Sidon dɛɛ bue ni. Bu tiiri kabo Yesu yoori alekutura sam barasu ni, nyini ti ye bu baari i dɔ a. ⁹⁻¹⁰ Yesu ama tukpakifɔm beberebe anya laifɛ n dɛɛ ti, bo bu la tukpaki kɛrɛ koro ka bu miɛ bu nyi wɔ, na bu sakati wura na bu fa bu saa kan i. Nyini ti, na wo se i susufɔm ni ka bu kpa bu ŋu ni lee ma i, na nzen minem ba ŋa bu miɛ i ŋu na i koro wura lee n nu. ¹¹ Saŋga kɛrɛ bo minem bo ajinim wo bu ŋu n nya ŋuuri i, bu kutu i nyunu wɔ, na bu ciindi na bu se ka, “Wɔrɔ ti Nyemɛ Wa n a.” ¹² Na wo bɔbɔ ajinim ni ni anyumboro ka, má bu ma be si i sɔnɔ nzuin nu.

Kabo Yesu yiiri minɛ buru ni nnyɔ ka bu yo i jaramasam ni

¹³ Na Yesu afun akɔ buka be su, na wo fere minɛ n bo i koroori ka bu ba i dɔ ni, na ba ba i dɔ. ¹⁴ Na wo yi bu nu buru ni nnyɔ, na wo fa bu ayo i jaramasam ka bu wo i dɔ, na i susunma bu ka bu kɔ sukan Nyemɛ jɔrɛ, ¹⁵ na wo ma bu yiko ka bu kɔ sufɔn yi ajinim minem ŋu. ¹⁶ I jaramasa buru ni nnyɔm ni bo i yiiri bu n la Simon bo Yesu tuunri i duma ka Petoro ni, ¹⁷ ni Yakobo ni i niɛma Yohane, bo bu si la Zɛbedi na Yesu kaaki tuunri bu duma ka *Bowanaje*, i bu la ka bu tientien agaya ka nzue wɔ. ¹⁸ Bu nbem gusu la Andere, ni Filipu, ni Batolomeyo, ni Matio, ni Tomasi, ni Yakobo bo i si la Alafeyo ni, ni Tadayɔ, ni Simon bo i tu ŋgoni fa kɔ i asien su ni, ¹⁹ ni Yudasi Isikariyoti bo i ba tɔori Yesu ni.

Kabo minem ŋa Yesu ni Sitana dɛɛ ti kun ni

²⁰ Na Yesu akɔ awuru, na jama aba atien bu nɔɔ bekun bo i ni i susufɔm n akoro anya má tana bo bu di diire mmɔɔ. ²¹ Na saŋga bo i minem tiiri i ŋga ni, na ba kɔ ka bu kɔ fa i ba awuru, dama minem ŋa i nyunu akan i. ²² Na Yudaɔm Nyemɛ nɔɔnɛ kɛrɛfɔm bo bu fiteeri Yerusalem miɛ kpiri n nu n ase ka, “Belazɛbuli bo i ti ajinim kɛrɛ dɛɛ fɛmɛ ni, wo i ŋu a.” Na ba kaaki ase ka, “Yiri ajinim kɛrɛ fɛmɛ ni ma i yiko ye i koro fɔn yi ajinim n a.” ²³ Bu seeri sɔ ni, na Yesu afere bu, na wo bo bu miɛɛnu. I ŋa, “Sitana koro yo se fɔn yi i dɛɛ ajinim minem ŋu a? ²⁴ Ya fa i ka, nzen fɛmɛya nya kpakpaakiiri nu wieeri, nyini fɛmɛya ni kóro jina a? Ai, i kóro jina má. ²⁵ Na

nzen awuru gusu bo i minem nya kpakpaakiiri nu, nyini awuru ni koro jina a? Ai, i koro jina má. ²⁶ Nzen Sitana dɛɛ femɛya n nya kpaakiiri nu wieeri, i koro jina a? Ai, i koro jina má. Nzen i nya yoori sɔ, i fanɔa wie wɔ. ²⁷ Be koro wura má sɔnɔ fanɔa dika na i fin i nenɔge, má ka wɔ tara i fanɔa acin i nyama ka, ye i nya koro fin i nenɔge n bo i wo awuru n nu a.”

²⁸ Na Yesu akaaki ase ka, “M suse am nahɔre wɔ lɛɛ ka, Nyemɛ koro fa minem satie kere fa ce bu, haari fa kɔ sanɔa jɔre nɔgbɛnɔgbɛn kere bo bu jɔjɔri i fa kɔ Nyemɛ dɔ, ²⁹ ama, sɔnɔ kere bo i jɔjɔ wuraari Awiewie Casi ni nɔgasi nu, Nyemɛ fá má i mi nɔgasi ce má i, dama i mi ayo satie bo i la má awieeri lɛɛ.” ³⁰ Deke bo i ti na Yesu seeri sɔ n la ka, bere Nyemɛ nɔanɛ kerefɔm ni, bu nɔa ajini wo i nɔa.

Minem bo bu ti Yesu ni, ni i ninbaam nahɔre su n jɔre

³¹ Na Yesu ni, ni i niemam aba i dɔ awuru n bo i wo nu ni, na ba ka ajina dasin asunma ka bu fere i. ³² Na jama beberebe atana abara aye yiri Yesu na ba se i ka, “Ti fen. U ni, ni u niemam wo dasin koro u.” ³³ Na wɔ se bu ka, “Am ma m kere am bo bu ti m ni, ni m niemam.” ³⁴ Na wɔ nie abara aye minem bo bu tana bara yeeri i ni, na wɔ se bu ka, “Am nie. M ni, ni m niemam n yaa. ³⁵ Sɔnɔ kere bo i yo Nyemɛ sa koroowa, yiri ti m siwa, ni m niwa, ni m ni a.”

4

Miɛnu fa kɔ kabo dɔdɔrifɔ be sandiiri alembaa ni

¹ Na Yesu akaaki akɔ Galili kunma kpiri n nɔɔ su, na wɔ bo i bu sukere minem Nyemɛ jɔre, na jama beberebe atien bu nɔɔ i dɔ. Jama n sunnuuri beberebe n dɛɛ ti, na wɔ wura lee nu atana nzue n nu, na jama n kere atien bu nɔɔ fa dodo nzue n nɔɔ su. ² Na wɔ bo miɛnu, na wɔ kere bu dekem beberebe. I nɔa, ³ “Am ti fen. Dɔdɔrifɔ be yo fiteeri sɔ sɔ, ka i kɔ sandi alembaa. ⁴ Sanɔa bo i wo sandi su ni, na alembaam nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, na fa sunnu má n dɛɛ ti, na wɔ ce má, na wɔ fi, ⁶ ama, sanɔa bo wie ba fiteeri agaya ni, na wɔ waandi, dama bunlui n akpama abi má n dɛɛ ti. ⁷ Na alembaa ni nbem atɔtɔ lɔlɔɛ nu, na lɔlɔɛ n anyi akata i nɔa, nyini ti, wɔ koro awura má mbaa. ⁸ Ama, na alembaam ni nbem atɔtɔ asien kpa su, na wɔ nyi awura mbaa zɔi zɔi.” ⁹ Na Yesu ase bu ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Na sanɔa bo i kaari i ni i susufɔ buru ni nnyɔm ni, ni minem bo bu wo i dɔ sanɔa kere ni, na ba bisa i nyini miɛnu n bu. ¹¹ Na wɔ bo bu nu ka, “Amberɛ ye Nyemɛ ama am asi i femɛya n nu asiri jɔre a, ama, minem bo bu su má m su ni, m bo i miɛnu kere bu a, ¹² adena i yɔ kabo ba kere i Nyemɛ Jɔre Kadasi n nu ni, ka, ‘Bu nie ni nahɔre su, ama, bu nɔa má pui. Bu só bu sui ni nahɔre su, ama, bu tí má deke n bo bu so bu sui ka bu ti i n bu, dama nzen má bu tiiri i bu, má bu káaki bu wo wɔ, na Nyemɛ fá bu satie ce bu.’ ”

Kabo Yesu kereeri miɛnu n bu ni

¹³ Na Yesu abisa bu ka, “Am ati má ahin miɛnu n bu? Ye am yɔ se ti miɛnu nyingam n kere bu a? ¹⁴ Ahin miɛnu n bu la ka, dɔdɔrifɔ n ti ka sɔnɔ n bo i kan Nyemɛ jɔre n wɔ. ¹⁵ Mine nbem de Nyemɛ nɔanɛ n kabo alembaa n tɔtɔri atin n nɔɔ n wɔ. Bu nya tiiri Nyemɛ nɔanɛ n na bu de i, i ce má, na Sitana bá yi nɔanɛ n fite bu ahore su, a nɔa ka bu wara afi i sa. ¹⁶ Mine nbem gusu de Nyemɛ nɔanɛ

n kabo aɓembaa n tɔtɔri tieka su n wɔ. Bu nya tiiri Nyeme noanie ni, a ŋu ka ba de i ndende ni ahorejo, ¹⁷ ama, i da má bu ahore su. Bu kaaki ti ka aɓembaa n bo i bunlui akpama abi má n wɔ. I woori bu do kaan so na nzen wahara, wara kekereke be ba tuuri bu fa ko bu nyemesu n su, a ŋu ka ba fa ati. ¹⁸ Nbem gusu de Nyeme noanie n kabo aɓembaa n tɔtɔri lolɔe nu n wɔ. Bu nya tiiri Nyeme noanie ni, ¹⁹ ama, bu sunsunni kere wo kabo bu yo na bu asiri káta su, na bu koro kabo bu yo na bu nyá ajekere kere, na bu ahore bi fa ko durunya n nu nengem su, na Nyeme noanie n koro da má bu ahore su na i yo juma. Bu ti ka aɓembaa n bo i wura má mbaa n wɔ. ²⁰ Ama, mine nbem de Nyeme noanie n kabo aɓembaa n tɔtɔri asien kpa su n wɔ. Bu nya tiiri Nyeme noanie ni, na bu de i, na bu fa yo juma na i yo kperere beberebe.”

Kabo sɔno koro so má sin su na i fa fie ni

²¹ Na Yesu abisa bu ka, “Am nya ŋu ka sɔno be aso fitana su na i fa ganɔa butu su, nzen má nyini i fa ko se gado bu? I fa taka deke su aɔgoro wɔ bo sɔno kere koro ŋu i, má so? ²² Dama deke be wo má bere bo i wo fiɛwa nu, na bu bá ŋu má i, na deke be gusu wo má bere bo i wo asiri nu, na bu bá si má i. ²³ Sɔno kere bo i koro ka i ti ahin jore n bu, i ti ye ni ka i so i sui na i ti.”

²⁴ Na wɔ se bu ka, “Am si am ŋu sa ni kabo am ti noanie barasu ni. Gɔngɔ bo am fa susu ma minem ni, so ye Nyeme gusu fá susu ma am a, na bo Nyeme yo ma am ni tara so n mmɔɔ. ²⁵ Dama sɔno kere bo wo nya deke be Nyeme do na i mi si i bita, Nyeme búka i su wɔ, ama, bo i si má i bita, haari ni nyini kaan n bo i la i ni, Nyeme de i do ɔ.”

Miɛnu fa ko kabo aɓembaa fi barasu ni

²⁶ Na wɔ kaaki ase bu ka, “Nyeme femeya n ti ka kabo do doɔrifɔ be ko sandi aɓembaa i fiesu n wɔ. I deɛ la ka i sandi wɔ, ²⁷ na i ko da kɔngue, na i tenge alecin. Nyini sanɔa n ye aɓembaa n fi a, na i sunyi, i si má kabo i yoori barasu. ²⁸ Asien n buka aɓembaa n ye i fi a. I nya fi wieeri, na i nyi, na i nyinse, na i wɔro, na i nya bi mbaa. ²⁹ Aɓembaa n ba bi ni, i kpie sanɔa lee, na i kpie i.”

Aɓembaa kaan be jore

³⁰ Na wɔ kaaki ase bu ka, “Ya fá nzu deke fa sunsun Nyeme femeya n a? Wara ya fá miɛnu barasu bono ye ya bó i fa kere kabo Nyeme femeya n ti a? ³¹ I ti ka nyem mbaa bo bu do i wɔ. Yiri ti aɓembaa n kere kaan durunya n nu a. ³² Ama, bu nya ba doori i na i fiiri, i tara toro nyawam n kere bambaka, i koro nyi na i tetereki asambaa asambaa bo anumam koro yo bu tieirim nu.”

³³ Na Yesu afa nyini miɛnu n ni miɛnu nyingam beberebe akan Nyeme jore akere bu, kabo sɔno kere koro ti i bu barasu. ³⁴ Jama n nya woori i do, i se má bu pui, má ka miɛnu ye i bo bu a, ama, i ba kaari i ni i susufom ni, na i nya yi i bu kere kere bu.

Kabo Yesu kereeri ka i la yiko tara aɔuma ni nzue ni

³⁵ Nyini ceen n naaso sanɔa, na Yesu ase i susufom n ka, “Am ma ya kpie ko kunma kpiri n bukun do.” ³⁶ Na i susufom n acin ayaki jama ni, na ba ba awura lee n bo Yesu wo nu n nu, na ba ko. Na nbem gusu afa lee nbem na ba su i su. ³⁷ Na aɔuma bambaka be ayasu, na i subo nzue go lee n nu. Má lee ni suyi ni nzue wɔ. ³⁸ Nyini sanɔa ni, Yesu afa piti ason i tii, ye i wo daafiri su lee n sin, na ba ba atenge i ase i ka, “Ya Kerefɔ, nzen ya suwu, u cece wo má ya nu fan?” ³⁹ Na wɔ yasu na wɔ tien aɔuma n ŋu, na wɔ se nzue n ka, “Da surum.” Na aɔuma n atara, na dika n kere atara jum. ⁴⁰ Na wɔ se bu ka, “Nzu ti ye am soro sere so a? Am yo má m yarada?” ⁴¹ Na sere akaaki ati bu agaya, na ba bisa bu ŋuŋu nu ka, “Nzu sɔnɔmbiri barasu la ahin bo aɔuma ni nzue n mmɔɔ de i noanie a?”

5

Kabo Yesu fɔn yiiri ajinim sɔnɔ be ɲu ni

¹ Na Yesu ni i susufɔm n akpie kunma kpiri n akɔ aju Gerasafɔm dɛɛ awɔrɛ n nu. ²⁻³ Saɲga bo Yesu fiteeri lee n nu ni, na sɔnɔ be afite faɲkunma nu aba akpa i atin. Nyini sɔnɔ n nati da faɲkunma nu wɔ, dama ajini wo i ɲu. Sɔnɔ be wo má berɛ bo i koro tara i cici i ni jɔrɔkɔ n mmɔɔ kun, ⁴ dama saɲga kerɛ bu bo i tobari wɔ na bu wura i jɔrɔkɔ buka su, ama, haari ni nyini n mmɔɔ i titi jɔrɔkɔ n wɔ na i kaaki bo sandi tobari n nu. Be wo má berɛ bo i la faɲga koro tara i jina kun. ⁵ Kɔɲgue ni wiesu kerɛ i wo faɲkunma nu sɔ ɔ, ni bukam su na i suciindi, na i sufa yabuɛ kpiekpie i ɲu. ⁶⁻⁸ Na wɔ ɲu Yesu saɲga bo i toko wo dede ni yiri ni, na Yesu atien ajini n ɲu ase i ka, “Ajini, fite yaki nyini sɔnɔ ni.” Na sɔnɔ n aɲmati akɔ akutu Yesu nyunu, na wɔ ciindi ase ka, “Yesu, Micɛra Nyɛmɛ Kpiri n Wa, a koro nzu m dɔ fɛn a? M sere u wɔ, Nyɛmɛ ti, má a ma m ɲu anyumboro.” ⁹ Na Yesu abisa i ka, “Bu fere u sɛ?” Na wɔ bo i nu ka, “Bu fere m ka Jama Beberɛbefɔ, dama ya sunnu.” ¹⁰ Na wɔ sere Yesu jande ka má i fɔn bu fite nyini awɔrɛ n nu. ¹¹ Nyini saɲga afam beberɛbe wo dodo berɛ, bu wo buka be su sudi, ¹² na ajinim n asere Yesu ka, “Ma ya kɔ fun afam n ɲu.” ¹³ Na Yesu ama bu atin na ba fite akɔ afun afam n ɲu. Afam n ju akpii nnyɔ dika, na bu kerɛ aɲmati aɔɔndi akɔ ato kunma kpiri nzue n nu, na nzue n adi bu.

¹⁴ Afa sasafɔm ɲuuri nyini n sɔ ni, na ba ɲmati akɔ abo ndoori miɛ kunnu, ni ahɛmɛ ahɛmɛ kerɛ su. Na minɛ aba anie sa n bo i yoori ni. ¹⁵ Na ba ba Yesu dɔ, na ba ɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su, na sere ati bu. ¹⁶ Na minɛm bo bu ɲuuri sa n yoobiri ni, akan jɔrɛ n kerɛ akere jama n fa kɔ sa n bo i tuuri sɔnɔ n bo ajinim yo woori i ɲu ni, ni sa n bo i tuuri afam ni. ¹⁷ Bu tiiri jɔrɛ n sɔ ni, na ba nya asere Yesu jande ka i yasu bu awɔrɛ n nu. ¹⁸ Saɲga n bo Yesu suwura lee n nu na i kɔ ni, na sɔnɔ n bo ajinim yo woori i ɲu ni, asere i jande ka i ma i su i su. ¹⁹ Ama, na Yesu akete, na wɔ se i ka, “Kpie u nyi kɔ awuru na a kɔ kan kere u lamɔkɔm fa kɔ sakpa n bo Mibiɛ n ayo ama u ni, ni kabo wɔ si u aɲunfɔ barasu ni.” ²⁰ Na sɔnɔ n akpie i nyi akɔ akan sakpa n kerɛ bo Yesu ayo ama i ni, abara aye Miɛ Burum dɛɛ awɔrɛ n nu, na sɔnɔ kerɛ ayo alekutura.

Bara tukpakifɔ be, ni baabara be yiwee jɔrɛ

²¹ Na Yesu awura lee n nu akpie i nyi akpie kunma kpiri n buekun dɔ, na jama beberɛbe aba atien bu nɔɔ i bi nzue n nɔɔ su. ²² Na Yudafɔm kprien be wo berɛ, yiri niɛ bu tientienbunɔɔ sɔɔ n su a. Bu fere i ka Yarusi. Na wɔ ba Yesu dɔ nzue n nɔɔ su na wɔ kutu i jaa bu, ²³ na wɔ sere i jande. I ɲa, “M wa sunɲguru atɔ cin. Bra na a ba fa u saa nana i ɲu na i nya ɲgɔɔ ni laifie.” ²⁴ Na Yesu asu i su na ba kɔ.

Na jama beberɛbe asu Yesu su haari bu kɔ sumiɛ i ɲu. ²⁵ Bara be woori jama n nu, i bita abiɛeri i afɔ buru ni nnyɔ lɛɛ bo i kpɔ na i kpie má. ²⁶ Wɔ di wahara, na wɔ saaki i ɲwaa kerɛ atuntun i ɲu ayirifɔm dɔ dede haari wɔ ba afie, ama, wɔ nya má laifie se tukpaki n buka su kɔ ɔ. ²⁷ Na wɔ ti Yesu ɲga, na wɔ sakati awura jama n nu Yesu sin, afa i saa akan Yesu tanlɛɛ ni. ²⁸ Dama i seeri i kunnu ka, “Nzen m koro yoori anie faari m saa kaanri i tanlɛɛ n mmɔɔ, m nyá laifie.” ²⁹ Na wɔ yo sɔ n kpenɲa na i abiɛeri n akpie, na yiri ni i tii aɲu ka wɔ nya laifie. ³⁰ Jina n nu berɛ na Yesu afa nu ka i yiko n be afite i ɲunie nu akɔ ayo juma. Na wɔ kaaki anie jama n nu, na wɔ bisa ka, “Nma faari i saa kaanri m tanlɛɛ n a?” ³¹ Na i susufɔm n ase i ka, “Wɔrɔ mmɔɔ aɲu kabo jama n amiɛ u barasu, ye nzu ti ye a bisa ka, ɲma fa i saa kaanri u a?” ³² Ama, na wɔ niɛ abara aye na i si sɔnɔ n bo i yoori sɔ ni. ³³ Na sere ati bara ni, i jina, i ɲunie kerɛ subobo i fa kɔ sa n bo i tuuri i ni, na wɔ ba akutu Yesu nyunu, na wɔ kan jɔrɛ n kerɛ ni i nahɔrɛ atin su akere i. ³⁴ Na Yesu ase i ka, “M wa, yarada

n bo a yo m ni, yiri ma a nya laifie a. Ko awuru ni ahoreda, na má u tɔrɛ n ba u ɲu kun.”

³⁵ Saɲga n bo Yesu toko wo jojo su ni, na mine nbem afite tientienbunɔɔ sɔɔ n kpien n dika aba ase i ka, “U wa n wo má berɛ. Nyini ti, má a dama ya Kerefɔ n kun.” ³⁶ Na jɔrɛ n ato Yesu sui nu, ama, na wo se kpien n ka, “Má a ma sere ti u, wɔrɔ yo m yarada.” ³⁷ Wo soro má su ka be su i su kun, má ka Petoro, ni Yakobo, ni i niema Yohane. ³⁸ Bu ko juuri kpien n dika ni, na Yesu awura aɲu ka mine beberebe suyo naɲmie, bu susun subo awie. ³⁹ Na wo bisa bu ka, “Nzu ti ye am suyo naɲmie sun sɔ a? Baabara n awu má, wo daafi wo.” ⁴⁰ Na ba siri i. Na wo fon bu kere afite, na wo fa baabara n si ni i ni, ni i susufɔ nsanm ni, na ba ko sɔɔ n bo baabara n da nu ni. ⁴¹ Na wo ko atara i saa, na wo se i ka, “*Talita kumi.*” I bu la ka, “Sunɲuru kaan, m ɲa a yasu.” ⁴² Kpenɲa na sunɲuru n ayasu anati. I yo ti afɔ buru ni nnyɔ baa a. Na minem kere bo bu woori bere n ayo alekutura agaya. ⁴³ Na Yesu abobo bu ni nahore su ka má bu ma be si sa n bo wo yo i ni, na wo se ka bu ma baa n deke be na i di.

6

Kabo Yesu ɲa Nyeme nɔanie kanfo la má jirima i bɔsu ni

¹ Ye Yesu yasu koori i bɔsu na i susufɔm n asu i su. ² Na Yudafɔm ɲumiyi cɛen n na wo ko bu tientienbunɔɔ sɔɔ n nu, na wo ko akan Nyeme jɔrɛ akere bu. Minem bo bu tiiri i kereewa n kere yoori alekutura. Na ba bisa bu ɲuɲu nu ka, “Nifansu ye ahin sɔnɔ n ko sɔnsɔnri i si n kere a? Bu maari i Alecira bɔnɔ ɔ? Ye alekutura sam bo i yo bu ni, i yo se yo bu a? ³ Má Mariya wa n bo i ti kampa n lɛɛ? Má Yakobo ni Yose ni Yuda ni Simon n gɔrɔ n lɛɛ? Am nie e. Má i niema nbaram mmɔɔ wo ya nu fen n a?” Na ba bu i ɲgbɛɛn. ⁴ Na Yesu ase bu ka, “Deke kere bu ma Nyeme nɔanie kanfo jirima, má ka i bɔsufɔm ni i lamokom ni i gisannufɔm do ɲgumi.” ⁵ Nyini ti, wo koro ayo má alekutura sa be i bɔsu do se i faari i saa nanaari tukpakifo nbem ɲu wo, na ba nya laifie. ⁶ Na wo yo i awarabo kabo i bɔsufɔm n ayo má i yarada ni.

Kabo Yesu sunmaari i susufɔ buru ni nnyɔm ni

Na Yesu abara aye aheme miem n kere su, na i sukere minem. ⁷ Na wo fere i susufɔ buru ni nnyɔm ni, na wo sunma bu nnyɔ nnyɔ, na wo ma bu yiko ka bu ko sufɔn yi ajinim fite minem ɲu. ⁸⁻⁹ Na wo se bu ka, “Má am fa puitiripui ko ahin atin n bo am sukɔ ni, diire o, kuruku o, ɲwaa o. Ama, am fa kpama ni gbagbaa yiri. Má am se ka am fa tanlɛɛ buka bo am wura i n su.” ¹⁰ Na wo kaaki ase bu ka, “Am ko juuri mie be su, awuru kere bo am ko wuraari nu, am ka nyini awuru n nu, haari am bá fite mie n nu. ¹¹ Sasu bekun mie bo am ko wuraari nu na ba de má am wɔfo, na ba kaaki asoro má am su ka bu ti am nɔanie ni, am fite yaki nyini mie n ni, na am kponkpon yi am jaa tuturi kere. Nyini dí daani kere bu ka bu woowa ti má kpa.” ¹² Na i susufɔm n afite ako akan Nyeme jɔrɛ akere minem ka bu kaaki bu wo. ¹³ Na ba fon ayi ajinim minem beberebe ɲu, na ba sere Nyeme ama tukpakifom donɲu, na ba fa ɲguin ago bu ɲu, na ba nya laifie.

Kabo bu kuunri Yohane Nyeme Nzue Biɛfo n barasu ni

¹⁴ Na Feme Herode ati nyini sa n kere, dama Yesu дума ата abara aye deke kere. Na mine nbem ase ka, “Yohane Nyeme Nzue Biɛfo n ye wo tenge i yiwee n nu a, nyini ti ye i la yiko koro yo nyini alekutura sam kere a.” ¹⁵ Ama, na nbem ase ka, “Yiri la Eliya a.” Na nbem gusu ase ka, “I ti Nyeme nɔanie kanfo ka dawa dɛem wo.” ¹⁶ Ama, Feme Herode tiiri nyini ni, na yiri ase ka, “Yohane bo m kpiɛri i tii n ye wo tenge a.”

¹⁷ Feme Herode yo ma bu taraari Yohane nyiiri wo, dama yiri Feme Herode afin i gɔrɔ Filipu yi Herodiya afa aja. ¹⁸ Má pui ti, dama Yohane ase Feme Herode ka, “Nyeme nɔanie kpamaawa n kere ka a la má atin ka a fa u gɔrɔ yi ja i ɲgɔɔ su.”

¹⁹ Yohane seeri sɔ ni, na Herodiya afa i ngasi na wɔ fɔ anminda i kabo i nya i na i kun i. Ama, wɔ koro anya má i, ²⁰ dama Feme Herode ni i tii soroori Yohane ka i ti sɔnɔ fofoe bo i yo sa bo i kɔ atin su Nyeme dɔ ɔ. Wɔ koro má ka pui yo i. Na Feme Herode ajimi fa kɔ noanie n kere bo Yohane kan maari i n su, ama, haari ni nyini mmɔɔ, i koro ka i suti i noanie n wɔ.

²¹ Cɛɛn be sɔ ɔ na Herodiya aba anya Yohane taraabiri. Nyini cɛɛn n ye Feme Herode sugɔ i baawu cɛɛn agɔre n a. Na wɔ fere i gomina mine ngbingbirim, ni i soja nkpienkpienm, ni Galili mine tereterefɔm kere ka bu ba di na bu nu. ²² Agɔre n nu ni, na Herodiya wa sunɔguru awura agɔ akere Feme Herode ni i jamam, na bu kere ahore ajɔ. Dɔ ye feme n seeri sunɔguru n ka, “Deke kere bo a koro, se m, na m má u.” ²³ Na wɔ tan ndie ase i ka, “Haari a ɲa m kpaaki m femeya n buekun ma u mmɔɔ, m fá ma u.” ²⁴ Na sunɔguru n afite akɔ abisa i ni ka, “Ye m sere nzu wɔ?” Na i ni n ase i ka, “Kɔ se i ka a koro Yohane Nyeme Nzue Biefɔ n tiawa a.” ²⁵ Na wɔ ɲmati akpie i nyi ndende aba ase Feme Herode n ka, “M koro ka na a fa Yohane Nyeme Nzue Biefɔ n tiawa ma m perente nu kisa kisa.” ²⁶ Feme n tiiri sɔ ni, na i ahore asaaki agaya, ama, ndie n bo i taanri i jama n nyunu n deɛ ti, wɔ koro akaaki má i nɔɔ. ²⁷ Kpenɲa na feme n asunma soja ɲmindafɔm n kun ka i kɔ fa Yohane tiawa bra. Na wɔ kɔ akpie i tii dansaraka sɔɔ n nu dɔ. ²⁸ Na wɔ fa ada perente n nu aba ama sunɔguru ni, na yiri gusu afa akɔ ama i ni ni. ²⁹ Saɲga bo Yohane susufɔm tiiri sɔ n na ba ba afa fuin n akɔ ase i.

Kabo Yesu maari nbiesɔm akpii nnu ni bu minem diire ni

³⁰ Na jaramasam n akpie bu nyi aba i dɔ, na ba kan sam kere bo ba yo i n akere i, ni kabo ba kan Nyeme jɔre akere mine barasu. ³¹ Jama n deɛ ti, ba nya má anyunɲkoro bo bu di diire. Nyini ti, na Yesu ase bu ka, “Am ma ya kɔ deke bo minem wo má, na am kɔ yi am ɲumi.” ³² Na bere ɲgumi afa lee ni na ba kɔ. ³³ Bu yasu sukɔ ni, na minem donɲu anu bu, na ba si bu, na ba fite mie miem su anmati adu bu mɔ akɔ aju deke bo bu sukɔ ni. ³⁴ Saɲga bo Yesu fiteeri lee n nu ni, na wɔ ɲu jama beberebe, na wɔ si bu anunfɔ, dama bu ti ka nbɔem bo bu la má sasafɔ ɔ, na wɔ kere bu dekem beberebe. ³⁵ Na saɲga bo wie ba suto ni, na i susufɔm n aba i dɔ aba ase i ka, “Kisa, wie suto, ya wo boro gusu wɔ lee. ³⁶ Ma minem n atin na bu kɔ mie kunnu ni aheme aheme miem su na bu kɔ nya diire be to di.” ³⁷ Ama, na Yesu ase bu ka, “Ambere mmɔɔ ni am tii nya deke be ma bu na bu di.” Na ba se i ka, “Nzen a ɲa ya to kpɔnɔ ma ahin jama n kere, ya dí ɲwaa beberebe.” ³⁸ Na wɔ bisa bu ka, “Ambere la kpɔnɔ nye wɔ? Am nienie na am nie.” Na ba kɔ anie na ba bɔ i nu ka, “Kpɔnɔ nnu ni jombaa nnyɔ wo bere a.” ³⁹ Na Yesu ase i susufɔm n ka bu ma jama n tana asese asese wura fiefieewa n su. ⁴⁰ Na ba tana asese asese yaa yaa ni aburununu. ⁴¹ Na wɔ fa kpɔnɔ nnu ni, ni jombaa nnyɔ ni, na wɔ ye i tii su angoro, na wɔ da Nyeme asi. Na wɔ kpiekpie kpɔnɔ nnu n nu, na wɔ fa ama i susufɔm n ka bu fa ma minem ni, na wɔ fa jombaa nnyɔ n gusu akpaaki bu kere nu. ⁴² Na bu kere adi na bu kunnu ayi. ⁴³ Na ba tambu kpɔnɔ, ni jombaa sinsin bo bu diiri na i kaanri ni, na ba nya kandie buru ni nnyɔ. ⁴⁴ Minem bo bu diiri kpɔnɔ n ni jombaa n kere yasuuri nbiesɔm akpii nnu wɔ.

Kabo Yesu natiiri nzue su ni

⁴⁵ Nyini sin na Yesu ama i susufɔm n awura lee n nu na bu du i mɔ kpie kɔ Besayida mie nu kunma kpiri n buekun, na yiri aka na i kaari jama ni. ⁴⁶ I kaari bu wieeri ni, na wɔ fun akɔ buka n su ka i kɔ sere Nyeme. ⁴⁷ Saɲga bo ale ba saanri ni, lee n aju kunma kpiri n afien, na Yesu ɲgumi aka kunma kpiri n sin. ⁴⁸ Na wɔ ɲu ka i susufɔm n sudi wahara lee n kaanbiri, dama anuma sun bu kɔ bu sin wɔ. Na fa kɔ akonyuma ciciri su, na wɔ nati nzue n su suba bu dɔ, na wɔ yo ka i susin bu ɲu. ⁴⁹ Saɲga bo bu ɲuuri ka i nati nzue n su ni, na ba sunsun ka, ɲumi a, na ba bo awie. ⁵⁰ Bu kere ɲuuri

i so ni, na sere ati bu agaya. Kpengga na Yesu ajojo bu do, na wo se bu ka, “Am ma am ahore si, mini a, ma am soro sere.” ⁵¹ Na wo wura lee n nu, na anuma n atara. Na i susufom n kere ayo alekutura agaya. ⁵² Dama ba koro ati ma i bu kabo i la yiko koro faari kpono nnu maari jama beberebem ni, bu ahorembaa ti kekereke n dee ti.

Kabo Yesu ma tukpakifom beberebe nyaari laifie ni

⁵³ Na ba kpie nzue n aba aju awore n bo bu fere i ka Genesareti n nu, na ba minda lee n aheme. ⁵⁴ Bu fiteeri lee n nu kpengga ni, na minem n asi ka Yesu lee. ⁵⁵ Na ba nmati abara aye miem n kere su, na deke kere bo bu tiiri i nga, bu so bu tukpakifom ni bu dasum kere ba i do o. ⁵⁶ Na nzen i koori aheme miem wara mie kunnu, deke kere bo i fa, bu fa bu tukpakifom ba i do so o, na bu sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

7

Yudafom nana sayoowa jore

¹ Na Yudafom Nyeme noanie kerefom nbem bo bu fite Yerusalem mie kpiri n nu ni, ni Farasifom n aba atien bu noo Yesu do. ² Na ba nu ka Yesu susufom n nbem sudi diire bu saa fin, ba nmisi ma bu saa kabo bu nana sayoowa ti barasu ni. ³ Dama Farasifom ni Yudafom kere la bu saa nmisi sayoowa bo i ti bu nana sa a. Bu nya na bu di diire, bu du mo yo nyini sa n wo ka, na bu nya di. ⁴ Nzen haari bu fiteeri go ba juuri awuru, bu di ma nengem bo ba fa aba ni, ma ka ba nmisi i ka, na bu yo bu nana sayoowa bo bu yo na bu di ni. Bu sayoowam sunnu. Bu nbem la ka bu nmisi awam ni dundum ni ayabam wo. ⁵ Na Farasifom ni, ni Yudafom Nyeme noanie kerefom n abisa Yesu ka, “Nzu ti ye u susufom n su ma ya nam sayoowa n su, ye bu di diire bu saa fin a?” ⁶ Na Yesu ase bu ka, “Nahore ye Nyeme noanie kanfo Esaya yo kaanri am jore ka am ti burukoonufom n a. Wo kere i kadasi n nu ka, Nyeme na o, ‘Ahin minem ni, bu ma m jirima bu noo nu bere wo, ama, i wo ma bu ahore su.

⁷ Bu kansi m ngbeen wo, dama bu kere mine adamande dee kereewam wo, na bu se ka nyini kereewa n fite Nyeme do o.’ ”

⁸ Na Yesu ase bu ka, “Am ace Nyeme noanie maawa n ase bukun, na am nya susu adamande dee sayoowam su.”

⁹ Na wo se bu bekun ka, “Am la nahore bo am akpie mbenle ayaki Nyeme noanie maawa n na am asu am dee sayoowam su ni. ¹⁰ Dama Moyisi ase ka, ‘Bu u si ni u ni.’ Na wo kaaki ase ka, ‘Sono kere bo i joro i si, ni i ni jore tie, wo yo daka ka bu kun i mi.’ ¹¹ Ama, ambere kere ka nzen sono be la deke be bo i ti ye ni ka i fa buka i si ni i ni, i koro se bu ka ‘I ti Koroban wo.’ I bu la ka, ‘Deke bo ma m fa ma am ni, ma fa ayi saraka ama Nyeme.’ ¹² Nyini sangga ni, am akere ka i mi n koro buka ma i si n ni i ni n lee. ¹³ Nyini n kere ka am abu Nyeme dee noanie n ngbeen lee, ye am su am dee sayoowam n bo am kere bu n su a. Na am la ahin sayoowam dongu bo am kaaki yo bu so o.”

Kabo Yesu na diire diiwa koro yo ma sono fin ni

¹⁴ Na Yesu akaaki afere jama n aba i bi bekun, na wo se bu ka, “Am kere so am sui na am ti jore n bo m sujoko ma am n bu. ¹⁵ Deke bo i wura sono noo nu koro yo ma i mi fin, ama, deke bo i fite i mi ahore su yo i mi fin a. [¹⁶ Bo i koro ka i ti ahin jore n bu, i ti ye ni ka i so i sui na i ti.]”

¹⁷ Sangga bo Yesu ba cinsi yakiiri jama n na i wuraari awuru n nu ni, na i susufom n abisa i nyini anyunderen n bu. ¹⁸ Na wo se bu ka, “Nka ambere gusu ati ma jore n bu lee? Ambere si ma ka deke bo i wura sono noo nu koro yo ma i fin, ¹⁹ dama deke

bo sɔnɔ di, i wura má i ahore su se i wura i kunnu wɔ, na i kaaki je yi i, má sɔ?” Yesu afa ahin jɔjɔwa n akere ka diire be la má ciire. ²⁰ Na wɔ kaaki ase bu ka, “Deke bo i fite sɔnɔ ahore su, nyini yo i fin a. ²¹ Dama deke bo i wo i ahore su ma i sunsunni tie a. I koro ma i nati suyo sakaraya, na i suwɔ, na i sukun mine, ²² na i susaaki ajaa ciire, na i nyunu suboro nenje kpini su, na i suyo satietiem, na i sudadaka minem, na i suyo sa ngbɛɛnngbɛɛn bo i cɛcɛ wo má nu, na i susi kɔrɛ, na i nati susaaki minem duma, na i la karambani, na i nati suyo sinnzinya sam. ²³ Nyini satie n kɛrɛ mmɔɔ nya fite sɔnɔ ahore su, nyini ma i mi kaaki findifo a.”

Kabo bara bo i ti má Yudafo yoori Yesu yarada ni

²⁴ Na Yesu ayasu akɔ awɔrɛ n bo i wo dodo Tiro ni Sidon mie kpirim ni, na wɔ kɔ awura awuru be nu benle ka má sɔnɔ be ɲu i. Ama, wɔ koro afie má i ɲu. ²⁵ Na bara be ati i ɲga na wɔ ba ndende aba akutu i jaa bu. Ajini wo i wa baabara ɲu. ²⁶ Bara n ti má Yudafo, i ti Fonisiyafɔ ɔ, bo i fite Siriya awɔrɛ n nu wɔ. Na wɔ sere Yesu jande ka i fɔn yi ajini n bo i wo i wa n ɲu ni. ²⁷ Na Yesu ase i ka, “Ma nbaatumam n du mɔ di na bu kunnu yi ka, dama i ti má ye ni ka a fa nbaatumam diire na a fa ma caam.” ²⁸ Ama, na bara n ase i ka, “M Mibiɛ, a la nahɔrɛ, ama, haari ni nyini mmɔɔ, caam n tambu nbaatumam n diire n bo bu di na i tɔtɔ asiɛngu n na bu fa di.” ²⁹ Na Yesu ase i ka, “U nɔanie jɔjɔwa n dɛɛ ti, kɔ awuru. Ajini n afite ayaki u wa ni.” ³⁰ Na wɔ kɔ awuru akɔ aɲu ka i wa n da i dasu su, ajini n afite ayaki i.

Kabo Yesu tuntuunri asuturi be barasu ni

³¹ Na Yesu ayasu Tiro awɔrɛ n nu akɔ aju Sidon mie kpiri n nu, na wɔ fa bere asin Mie Burum dɛɛ awɔrɛ n nu, aba aju Galili kunma kpiri n nɔɔ su. ³² Na mine nbem afa sɔnɔ be aba Yesu dɔ, i ti asuturi wɔ, na i koro jɔjɔ má nyunyumi. Na ba sere Yesu jande ka i fa i saa nana i ɲu na i nya laifie. ³³ Na Yesu afa sɔnɔ n afite jama n nu, i ni yiri ɲgumi, na wɔ fa i saa marakam awura i suim nu, na wɔ yi nanzue aɔ i saa su afa akan sɔnɔ n taferema, ³⁴ na Yesu aye i tii su anie angoro na wɔ ɲuundi, na wɔ se sɔnɔ n ka, “Efata.” Nyini la ka, “Teke.” ³⁵ Jina n nu bere, na sɔnɔ n sui n ateke, na i taferema n gusu akaaki anyangi nu, na wɔ koro ajɔjɔ nyunyumi. ³⁶ Na Yesu abɔɔ bu ka má bu ma be ti ka wɔ tuntun sɔnɔ ni, ama, kabo i bɔbɔɔri bu barasu ni, bu boori ndoori n gusu sɔ ɔ bara yeeri a. ³⁷ Na mine ayo alekutura haari akɔ asin su, bu ɲa, “I sayoowa kɛrɛ kaba ti kpa a. I ma asuturim ti asui wɔ, na bobom jɔjɔ.”

8

Kabo Yesu maari minem akpii nna diire ni

¹ Nyini sangɔ n na jama beberebe aba atien bu nɔɔ Yesu dɔ bekun, bu la má deke bo bu di, na wɔ fere i susufɔm ni, na wɔ se bu ka, ² “Ahin jama n la m aɲunfo, dama i nyuma lesan lee bo bu wo m dɔ na bu la má deke bo bu di. ³ M koro yaki má bu na bu kɔ awuru ni ahɔɛ, má nyini, bu tɔ cin atin nu wɔ, dama bu nbem fite dede.” ⁴ Na i susufɔm n ase i ka, “Ye nifansu ye ya koro nya diire ahin boro n nu fen ma ahin minem n kɛrɛ na bu kunnu yi a?” ⁵ Na wɔ bisa bu ka, “Am la kpɔnɔ nye wɔ?” Na ba bɔ i nu ka, “Nso.” ⁶ Na wɔ ma jamam n nɔɔ ka bu tana asiɛngu, na wɔ fa kpɔnɔ nso n na wɔ da Nyeme asi. Na wɔ kpiekpie i nu ama i susufɔm n ka bu fa ma jama ni. Na bere gusu afa akpakpaaki bu nu. ⁷ Bu la jombaa kan kan nbem gusu, na wɔ fa ada Nyeme asi, na wɔ fa ama i susufɔm n ka bu fa nyini n gusu ma jama ni. ⁸ Bu diiri na bu kunnu ayi. Na i susufɔm n atambu sinsin kaawa n kandie nso. ⁹ Jama ni ju akpii nna dika. Na Yesu anya akaari bu na ba kɔ awuru. ¹⁰ Na i ni i susufɔm n awura lee akɔ Damanuta dɛɛ awɔrɛ n nu.

Kabo Farasifɔm koroori ka Yesu yo alekutura sa na i keteeri ni

¹¹ Na Farasifo nbem aba i dɔ, na ba se akuruwa ni Yesu. Bu koroori ka i yo alekutura sa be bo i kere ka i yiko n fite Nyeme dɔ ɔ, adena bu nya i ngeɛ sɔɔbiri. ¹² Na wɔ ɲuundi ni dimi i ahore su, na wɔ se ka, “Nzu ti ye ambere nyumafom koro ka m yo alekutura sa na am ɲu i a? M suse am nahore wɔ lɛɛ ka, m yó má alekutura sa ma má ambere nyumafom fuu.” ¹³ Na wɔ yasu ayaki bu, na wɔ wura lee n nu akpie ako kunma n buekun dɔ.

Bɔɔɔwa fa kɔ Farasifom ni Feme Herode kereewam n su

¹⁴ Na i susufom n wara afi diire sa, ba bita má pui, má ka kpono kun n kpein woori lee n nu a. ¹⁵ Na Yesu atu bu fɔ, i ɲa, “Am si am ɲu sa ni Farasifom, ni Feme Herode dɛɛ kpono ayiri n bo bu fa gɔ kpono n nu na i yasu ni.” ¹⁶ Na ba jɔjɔ bu ɲuɲu nu ka, “Ya la má kpono n ti, ye i su se sɔ n a.” ¹⁷ Na Yesu afa nu kabo i susufom n sujɔjɔ bu ɲuɲu nu ni, na wɔ bisa bu ka, “Nzu ti ye am sujɔjɔ ka am bita má kpono a? Am nya si má deke bo m sujɔjɔ i ni, am nya ti má sa n bu? Am ahorembaa ti kekereke wanla. ¹⁸ I baari se ye am la anyumbaa na am ɲu má asi a? Ye am la asui na am ti má? Am tenge má su ka ¹⁹ m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a?” Na ba bɔ i nu ka, “Kandie buru ni nnyɔ.” ²⁰ Na Yesu akaaki abisa bu bekun ka, “Ye kpono nso n bo m yo fa kpiekpie maari mine akpii nna n di? Sinsin kandie nye ye am sasaari a?” Na ba bɔ i nu ka, “Kandie nso.” ²¹ Na wɔ se bu ka, “Haari ni kisa, am nya ti má i bu?”

Kabo Yesu tuntuunri anyinsin be na i ɲuuri asi ni

²² Bu kɔ juuri Besayida mie n nu, na mine nbem afa anyinsin be aba Yesu dɔ, na ba sere i jande ka i fa i saa nana i ɲu na i nya laifie. ²³ Na wɔ so sɔnɔ n saa nu afa i afite mie n nu, na wɔ yi nanzue agɔ i nyumbaa n nu. Na wɔ fa i saa anana i ɲu, na wɔ bisa i ka, “A nie, a ɲu deke be e?” ²⁴ Na anyinsin n aye i tii su anie, na wɔ se Yesu ka, “M ɲu minem ka bu nati, ama, bu ti ka bakam wɔ.” ²⁵ Na Yesu akaaki afa i saa anana i nyumbaa n su bekun, na anyinsin n anie gbirim, na wɔ ɲu ka i nyumbaam n ateke, na wɔ ɲu deke kere casi. ²⁶ Na Yesu ase i ka, “To atin nu kɔ awuru, na má a se ka a fa mie n nu.”

Kabo Petoro kereeri ka Yesu ti barasu ni

²⁷ Na Yesu ni i susufom n ayasu ka bu kɔ Sizariya Filipu mie kan kanm su. Bu wo natiiri su ni, na wɔ bisa i susufom n ka, “Minem fa m bu ɲma a?” ²⁸ Na ba bɔ i nu ka, “Bu ɲa wɔɔ ti Yohane Nyeme Nzue Biefo n a, nbem ɲa wɔɔ ti Nyeme noanie kanfo Eliya a, ye nbem gusu ɲa a ti dawa dɛɛ Nyeme noanie kanfo nyingam n kun wɔ.” ²⁹ Na wɔ bisa bu bekun ka, “Ye ambere fa m bu ɲma a?” Na Petoro abɔ i nu ka, “Wɔɔ ti Kristo n a, Tiidefo n bo Nyeme ase ka i súnma i ni.” ³⁰ Na Yesu abɔɔ bu ka má bu ma be si ka yiri ti Kristo Tiidefo n a.

Kabo Yesu jɔjɔ fa kɔɔri i yiwee n su ni

³¹ Nyini sin na wɔ bo i bu sukere i susufom n ka, “Wɔ yo daka ka mini Adamande Wa n di wahara dɔnggu, na Yudafom nkpienkpienm, ni Nyeme sayoowa dɔngguyofɔ nkpienkpienm, ni Nyeme noanie kerefom kere bá kete m ɲu na bu kún m. Ama, lesan cɛɛn sin na m tenge m yiwee n nu.” ³² Na wɔ kan sa n kere bu kpain akere bu. Na Petoro afa i akɔ aheme, na wɔ jaraki i ase i ka, “Má a se ka a kan nyini jore ni.” ³³ Ama, na Yesu ace anie i susufom ni, na wɔ tien Petoro ɲu ase i ka, “Sitana, fa cinsi m bi bere. A sunsun má kabo Nyeme koro ni. A sunsun kabo adamande koro n wɔ.”

Kabo Yesu jɔjɔ fa kɔɔri kabo minem su i su ni

³⁴ Na Yesu afere jama n ni i susufom n na wɔ se bu ka, “Sɔnɔ kere bo i koro ka i su m su, wɔ yo daka ka i mi wara fi i tienngu sa koroowa sa, na i fa i yiwee baka jaanu n sɔ, na i su m su. ³⁵ Dama sɔnɔ kere bo i koro ka i fa i ɲɔɔ fie, i mi bá fun i. Ama,

sono kere bo i toori i ngoo mini ni m dee labari kpa n dee ti, i mi nya ngoo. ³⁶ Nzen sono nyaari durunya n nu deke n kere na i fuunri i ngoo, i kperere la bono? ³⁷ Nzu deke ye sono koro fa kaaki i ngoo a? ³⁸ Nyumafom ti satieyofom wo, bo bu su ma Nyeme. Ambere bo am wo bu nu, na nyinse ti am fa ko mini ni m noanie n dee ti ni, so ye nyinse ti mini Adamande Wa n gusu fa ko am su, sangha bo m ba ba ni m Si Nyeme jirima woowa n nu, ni i merere casim ni.”

9

¹ Na wo se bu ka, “Nahore ye m suse am n a, am nbem wo nu fen bo am wu ma, ma ka am aba anu ka Nyeme femeya n aba ni yiko.”

Kabo Yesu nunie kaakiiri wo barasu ni

² Lesen een sin na Yesu afa Petoro ni Yakobo ni Yohane afun buka lenlenge be su, bu ni yiri ngumi. Bu wo do n na ba nu ka i nunie akaaki wo, ³ na i tanlee n akaaki fofoe papasi bo i nusu nya ma durunya n nu. ⁴ Do na mine nnyo nbem atie bu nu, na bu ni Yesu subo anzama. Bere la Eliya ni Moyisi, dawa dee Nyeme noanie kanfom ni. ⁵⁻⁶ Na sere ati Petoro ni susufo nyingam ni, na Petoro ajimi agaya na i noo afinfin i. Nyini ti na wo se Yesu ka, “Ya Kerefom, i ti kpa ka ya wo fen. Ma ya bo nambue nsan, u dee kun, Moyisi dee kun, na Eliya gusu dee kun.” ⁷ Na yinyingu akata bu nu, na ba ti akonvi be nga yinyingu n nu, na wo jojo bu do. I na, “M wa koroowa lee. Am de i noanie.” ⁸ Bu tiiri jooowa n so ni, kpennga na ba nienie abara aye, ama, ba nu ma sono be kun, ma ka Yesu ngumi wo bu do a.

⁹ Na sangha bo bu ba sujura buka n su ni, na Yesu abobo bu ka, “Ma am be se ka i bo sa n bo am anu i n su fa kere sono be, haari fa ko sangha bo mini Adamande Wa ni ba wu na m tenge m yiwee n nu ka.” ¹⁰ Na ba de i noanie ni, ama, na ba bakati abisa bu nnu nu ka, “Ye nzu la ka, i ba wu na i tenge i yiwee n nu a?” ¹¹ Na ba bisa Yesu ka, “Ye nzu ti ye Nyeme noanie kerefom n bita jojo ka Eliya du mo ba ka, ye Kristo Tiidefo ni ba ba n a?” ¹² Na wo bo bu nu ka, “I ti nahore wo ka Eliya du mo ba na i ba sese deke n kere su. Bu kereri se Nyeme Jore Kadasi n nu fa ko Adamande Wa n do a? Ba kere ka i ba di wahara agaya, na mine bu i ngbeen. ¹³ Ama, m suse am wo lee, ka, Eliya adu mo aba, na minem ayo i kabo bu koro, kabo ba kere i Nyeme Jore Kadasi n nu lee.”

Kabo Yesu fon yiiri ajini fiteeri baa be nu ni

¹⁴ Sangha bo Yesu ni i susufo nsanm ni kpieeri bu nyi ba juuri i susufo nyingam bi ni, na ba nu ka jama beberebe atien bu noo abara aye bu. Ye Nyeme noanie kerefom n nbem bita bu ni akuruwa. ¹⁵ Jama n nuuri Yesu so ni, na ba yo alekutura, na ba bo nu anmati akpa i atin ayo i anse. ¹⁶ Na wo bisa bu ka, “Am se nzu akuruwa a?” ¹⁷ Sono be woori jama n nu na wo bo i nu ka, “Ya Kerefom, ma fa m wa baabieso aba u do ka a tuntun i ma m, dama ajini bobom wo i nu. ¹⁸ Sangha kere bo ajini n anya aba afa i, a nu ka wo fa i abo asienngu, na i nanzue sufite fufuku, na i sukperse i jee, na i kese i nu. Ma sere u susufom n ka bu fon yi ajini ni, ama, ba kura ma nu.” ¹⁹ Na Yesu ase bu ka, “Amaa. Ambere nyumafom, am la ma yarada fieo. Nyuma sa ye m wo am do fen a? Ye m yo sawore ni ambere ko ju se wo? Am fa baa n ba ma m.” ²⁰ Na ba fa baa ni aba i do, na sangha bo ajini n nuuri Yesu ni, kpennga na wo kpisi baa ni, na wo fa i abo asienngu, na wo da sukundu, na nanzue fufuku sufite i noo nu. ²¹ Na Yesu abisa i si n ka, “Sangha bono ye tukpaki n taraari i a?” Na si n abo i nu ka, “I kaan nu kere a. ²² Sangha kere bo i nya ba yasu i nu, i fa i wura sin nu wo, wara nzue nu ka i kun i. Nyini ti, nzen a koro buka ya, si ya anunfo na a buka ya.” ²³ Na Yesu ase i ka, “Nzu ti ye a na nzen m koro buka u a? Deke be ti ma kekereke ma ma minem bo bu yo Nyeme yarada ni.” ²⁴ Kpennga na baa n si asa Yesu noo su ka, “Ma yo yarada, ama,

i sunnu má. Buka m na i sunnu.” ²⁵ Na Yesu anu ka jama n sunmati ba i do, na wo tien ajini n nu, i na, “Woro ajini n bo a ma baa n ayo bobo ni asuturi ni, mini suse u ka a fite yaki i a, na má a kpie u nyi ba i do kun.” ²⁶ Kpenga na wo ciindi na wo kpisi baa n agaya, na wo fite ayaki i, na baa n aka ada ka wo wu dee su. Na minem n donngu ase ka wo wu wo. ²⁷ Ama, na Yesu atara i saa aye i su, na wo jina.

²⁸ Yesu ba wuraari awuru n nu ni, na i susufom n aba i do, bere ngumi, abisa i ka, “Nzu ti ye yere akoro fon má nyini ajini n a?” ²⁹ Na wo bo bu nu ka, “Be koro fon má nyini ajini n nusu so, má ka nyemesere.”

Kabo Yesu jajo fa koori i yiwee n su bekun ni

³⁰ Na Yesu ni i susufom n ayasu bere ako asin Galili awore n nu. Wo koro má ka be si i woobiri, ³¹ dama i sukere i susufom wo. Na wo se bu ka, “Bu bá to mini Adamande Wa n ma mine nbem na bu kun m, ama, bu kuunri m wieeri, i lesan ceen sin, na m ténge m yiwee n nu.” ³² I jajoori so ni, i susufom n ati má i bu, ama, sere dee ti, ba koro abisa má i jore be.

Kabo Yesu kereeri sono bo i tara bu kere ni

³³ Na ba ko aju Kapenam mie kpiri n nu, na sanja bo bu wo awuru n nu ni, na Yesu abisa i susufom n ka, “Am wo atin n nu suba ni, am se nzu akuruwa a?” ³⁴ Ama, na bu kere ato amuna, dama bu wo atin n nu do ni, na ba se akuruwa bu nunu nu fa ko sono bo i tara bu kere bu nu. ³⁵ Na wo tana, na wo fere bere i susufo buru ni nnyom ni, na wo se bu ka, “Sono kere bo i koro ka i kaaki mofa, wo yo daka ka i mi yo i nu kaan tara am kere na i kaaki yo am kere dee amususufo.” ³⁶ Na wo fa baa kaan be aba ajina bu afien, na wo biti i, na wo se bu ka, ³⁷ “Woro kere bo ade ahin baakan n nusu m dee ti, a deeri mini wo lee. Bekun, woro kere gusu bo a nya deeri mini, a de m Si Nyeme bo i sunmaari m wo lee.”

Kabo Yesu na bo i fite má i sin, jina i sin ni

³⁸ Na Yohane ase i ka, “Ya Kerefo, ya nuuri ka sono be afa u duma sufa fon yi ajinim fite minem nu, ye ya na ya yaki má i, dama i wo má ya nu n dee ti.” ³⁹ Na Yesu ase ka, “Má am se ka am kanda i, dama sono kere bo i nya sufa m duma n yo alekutura sam, i mi bá koro kaaki jajo má jore tie fa ko m do. ⁴⁰ Dama sono kere bo i fite má ya sin, i mi jina ya sin wo lee. ⁴¹ M suse am nahore wo lee, ka sono kere bo i maari am nzue ka am nu dama am su mini dee ti, i mi nyá i nkatu.”

Kabo wo yo daka ka má sono wura satie nu ni

⁴² Na Yesu akaaki ase bu ka, “Woro kere bo u sayoowa ma ahin nbaatuma kan kanm n be bo i yo m yarada n be wuraari satie nu, i ti má kpa. Nzen má bu faari ngani san yabue bambaka ciciiri u kom, na bu fa u ko tu tieku nu, i ti ye tara bo a ma ahin nbaatuma kan kanm n be wura satie nu ni. ⁴³⁻⁴⁴ Nzen u saa n be cin u wura satie nu a, kaba kpie i na a ka asaasin, na a nyá u nu ko Nyeme do. I ti ye ni bo a la u saa nnyo n kere na a wura ceema sin n bo i no má n nu. ⁴⁵⁻⁴⁶ Nzen u jaa n be cin u wura satie nu a, kaba kpie i na a ka ajaasin, na a nyá u nu ko Nyeme do. I ti ye ni bo a la u jaa nnyo n kere na bu ba fa u tu ceema sin nu. ⁴⁷ Nzen u nyumbaa kun gusu cin u wura satie nu a, lokoti yi i tu, na a ka anyunu kun, na a wura Nyeme femeya n nu. I ti ye ni bo a la u nyumbaa n nnyo n kere na bu ba fa u tu ceema sin nu. ⁴⁸ Do dee kakabam ni bo bu wura mine bo ba wu ni, bere wu má ceen be, na sin n gusu bo i je no má.

⁴⁹ Kobo bu fa njin nyina saraka nenje kere su fa ma Nyeme, na i yo casi barasu ni, so ye Nyeme cin sono kere sui na i yo casi. ⁵⁰ Ya si ka njin yo fie, ama, nzen i fiefie nya ba saari wieeri, i koro yo má fiefie kun. Am ma am wo yo fie ka njin am benngu nu, na am wo ni tanalaifie.”

10

Kabo Yesu kereeri minem fa ko ajaa ni ajaa yaki atin su ni

¹ Yesu yasuuri Kapenam mie kpiri n nu, na wo ko Yudiya dee awore n nu, na wo kpie ako Yodan kunma n buekun do fan, na jama beberebe ayandi aba atien bu noo i do. Na wo kere bu kabo sangha kere na i kere bu barasu ni.

² Na Farasifo nbem aba i do ka bu so i nge fa ko i noanie n jooowa su, na ba bisa i ka, "Ya dee atin n su, atin wo nu ka sono koro fa i yi ji i?" ³ Na Yesu abo bu nu ka, "Noanie maawa bono ye Moyisi yo fa maari am a?" ⁴ Na ba bo i nu ka, "Moyisi yo maari atin ka nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji." ⁵ Na Yesu ase bu ka, "Am ahorembaa kekereke n dee ti ye Moyisi yo kereeri nyini noanie maawa n maari am a. ⁶ Ba kere i Nyeme Jore Kadasi n nu ka fite durunya n bumboori, 'Nyeme yiiri bieso ni bara a.' ⁷ Na wo se ka, 'Nyini dee ti, i ti ye ni ka bieso n kpaaki i gisan yaki i si ni i ni, na i ni i yi sangha wo. ⁸ Nyini sangha bu mine nnyo n ayo deke kun lee.' Bu wo ma bu ngungumi kun. ⁹ Nyini ti, deke bo Nyeme anya asanga i awie, ma sono kpaaki i nu kun."

¹⁰ Sangha bo Yesu ni i susufom ba juuri awuru ni, na ba bisa i nyini noanie n bu. ¹¹ Na wo se bu ka, "Sono kere bo i faari i yi jiiri, na i jaari bara fofore, i mi n asaaki ajaa ciire ni i yi n bo wo fa i aji n lee. ¹² Sasu bekun, bara kere bo i yakiiri i hun ajaa, na i ko jaari bieso fofore, nyini bara n gusu asaaki ajaa ciire lee."

Kabo Yesu yoori nbaatumam kisi ni

¹³ Minem sufa bu nbaam ba Yesu do ka i fa i saa nana bu nu na i yo bu kisi, ama, na i susufom n atien bu nu. ¹⁴ Yesu nuuri i susufom sayoowa n so ni, na yaa ati i, na wo se bu ka, "Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a. ¹⁵ Nahore ye m suse am n a, woro kere bo a de ma Nyeme femeya n nu jore kabo baatuma de deke i saa nnyo ni, a wura ma Nyeme femeya n nu." ¹⁶ Na wo kuku nbaatumam ni i saa nu, na wo fa i saa anana bu nu, na wo yo bu kisi.

Nengefo n ni nyemesu jore

¹⁷ Nyini sin na Yesu ayasu do sukoo. I wo ko n su ni, na sono be anmati aba akutu i nyunu, na wo bisa i ka, "Ya Kerefo sono kpa, m yo se ye m ba nya ngoo n bo i la ma awieeri n a?" ¹⁸ Na Yesu abo i nu ka, "Nzu ti ye a fere m ka sono kpa a? Be ti ma kpa sin Nyeme nu. ¹⁹ Ye m na a si Nyeme noanie maawam ni e, bu na, 'Ma a kun sono. Ma a saaki ajaa ciire. Ma a wo. Ma a di kore daani. Ma a sisi sono. Bu u si ni u ni.'" ²⁰ Na sono n abo i nu ka, "Ya Kerefo, ma su nyini noanie maawa n kere su haari m kaan nu." ²¹ Na Yesu anie sono n na wo koro i agaya, na wo se i ka, "Deke kun ye wo kpie u su a. Ko na a ko to u aja kere, na a fa njwaa n ma jaarifom, na a ba nya ajeki Nyeme do, na a bra ba su m su." ²² Yesu seeri i so n na i junie ayorki i. Na wo ko awuru ni ahoresaaki, dama i la nenge agaya n dee ti.

²³ Na Yesu anie i susufom n abara aye, na wo se bu ka, "I yo kekereke bo nengefo wura Nyeme femeya n nu." ²⁴ Na i susufom n ayo alekutura ni nyini jooowa ni. Ama, na Yesu ase bu bekun ka, "Njam, i ti kekereke ka nengefom wura Nyeme femeya n nu. ²⁵ Kabo nyooma sin misini bue nu ni, i ti ma kekereke tara ma kabo nengefo yo na i wura Nyeme femeya n nu ni." ²⁶ Na i susufom n amie ako asin su, na ba bisa bu nu nu ka, "Ye nzen i ti so e, nma koro fite nu a?" ²⁷ Na Yesu anie bu do na wo se ka, "I ti deke bo adamande koro yo ma i, ama, Nyeme do, i ti ma pui, dama Nyeme koro yo deke kere."

²⁸ Na Petoro ase i ka, "To, ye yere ayaki deke kere susu u su e." ²⁹ Na Yesu ase ka, "Nahore ye m suse am n a, sono kere bo i yakiiri i awuru, wara i ninbaam, wara i ni,

wara i si, wara i nbaam, wara i asien, mini ni m labari kpa n dɛɛ ti, ³⁰ i mi nyá nyinim sɔ ɲusu yaa i ɲgɔɔ su. I nyá awurum, ni ninbaam, ni nim, ni nbaam, ni asienm, na minem má i di wahara, na fa kɔ fa ba i nyá ɲgɔɔ bo i la má awieeri. ³¹ Ama, mine dɔɲgu bo bu wo mɔ kisa ni bá ka sin, na bo bu ka sin kisa n bá du mɔ.”

Kabo Yesu jɔjɔ fa kɔɔri i yiwee n su kpe nsan su ni

³² Saɲga bo Yesu ni i susufɔm sukɔ Yerusalem miɛ kpiri n nu ni, na Yesu adu bu mɔ sunati, na i susufɔm n ajimi, na sere ati minem bo bu suuri i su ni, na wɔ kaaki afere i susufɔ buru ni nnyɔm n akɔ aheme, na wɔ jɔjɔ bu dɔ bekun fa kɔ sa n bo i bá tu i ni. ³³ I ɲa, “Am ti fen. Ya sukɔ Yerusalem lɛɛ, dɔ ye bu kó tara mini Adamande Wa n a, na bu fá m ma Nyeme sayoowa dɔɲguyofɔ nkpienkpienm ni, ni Nyeme nɔanie kerefɔm ni, na bu dí m jɔrɛ, na bu sóro su ka bu kún m. Na bere gusu nyá fa m wura minem bo bu ti má Yudaɔm saa nu, ³⁴ na bu yó m anzasi, na bu yí nanzue gɔ m ɲu, na bu fín m ɲgbere, na bu nyá kun m, na i lesan cɛɛn sin, na m tɛɲge m yiwee n nu.”

Kabo Yesu kereeri ka mɔfɔ yo i ɲu kaan ni

³⁵ Na Zɛbedi nbaam Yakobo ni Yohane aba Yesu dɔ aba ase i ka, “Ya Kerefɔ, ya koro ka deke kere bo ya sere u, a yo i ma ya.” ³⁶ Na wɔ bisa bu ka, “Am koro ka m yo nzu ma am a?” ³⁷ Na ba se i ka, “Saɲga bo a bá tana u jirima tanaabiri ni, ya koro ka a ma ya kun tana u saa fɔmbɔɔ su, na kun gusu tana u saa bie su.” ³⁸ Na Yesu ase bu ka, “Am si má deke n bo am susere i n ti a. Am kóro di wahara n bo m dí i ni, am káaki koro wu yiwee n bo m wú i ni, nzen sɛ?” ³⁹ Na ba bɔ i nu ka, “ɛɛn, ya kóro yo i kere.” Na Yesu ase bu ka, “Nahɔrɛ. Am dí wahara n bo m dí i ni, na am káaki wu yiwee n bo m wú i ni. ⁴⁰ Ama, mini la má atin bo m má am be tana m fɔmbɔɔ su, na be tana m bie su. Ama, Nyeme asese nyini tanaabiri n su, afa ase ama minem bo yiri ni i tii ayi bu n a.”

⁴¹ Saɲga bo i susufɔ burum ni tiiri kabo Yakobo ni Yohane n seeri Yesu ni, na ba fa yaa bu ɲu. ⁴² Na Yesu afere bu kere aba i bi, na wɔ se bu ka, “Am si tenle su ka minem bo bu su má Nyeme n na bu yo bu ɲu nkpienkpienm ni, bere miɛ bu minem a, na bu teretereɔm gusu kere kabo bu yiko ti barasu. ⁴³ Ama, wɔ ti má ye ni ka ambere yo sɔ. Nzen sɔnɔ be koro ka i wura i ɲu kpiri am kere nu, i ti ye ni ka i mi yo i ɲu kaan, na i su am. ⁴⁴ Na bo i kaaki koro ka i yo am mɔfɔ, i ti ye ni ka i mi yo am kere akɔɔ. ⁴⁵ Dama mini Adamande Wa n ni m tii aba má ka minem su m wɔ, ama, m baari ka m ba su minem wɔ, na m wu ma bu, na m de minem dɔɲgu tii ji.”

Kabo Yesu tuntuunri anyinsin be na i ɲuuri asi ni

⁴⁶ Na ba kɔ aju miɛ kpiri n bo bu fere i ka Yeriko ni. Saɲga bo Yesu ni i susufɔm, ni jama beberebe n sufite miɛ n nu ni, anyinsin be tana atin n nɔɔ wo sere su. Bu fere i ka Batimeyo, Timeyo dɛɛ wa. ⁴⁷ I tiiri ka Yesu Nazaretifɔ ni susin ni, na wɔ tien afere i, i ɲa, “Yesu, Feme Davidi anuma, si m aɲunfɔ.” ⁴⁸ Na jama n atien i ɲu ka i yaki naɲmiɛ. Ama, na wɔ kaaki atien kpa abuka su ka, “Feme Davidi anuma, si m aɲunfɔ.” ⁴⁹ Na Yesu aka ajina, na wɔ se bu ka, “Am fere i ma m.” Na ba fere anyinsin ni, na ba se i ka, “Ma u ahore si na a yasu, i fere u.” ⁵⁰ Na wɔ fikindi i zaba n atu, na wɔ warakpin, na wɔ ɲmati akɔ Yesu dɔ. ⁵¹ I kɔ juuri dɔ n na Yesu abisa i ka, “A koro ka m yo nzu ma u a?” Na anyinsin n abɔ i nu ka, “Ya Kerefɔ, m koro ka a ma m ɲu asi wɔ.” ⁵² Na Yesu ase i ka, “Kɔ. Yarada n bo a yo m ni, nyini ma a nya laifie a.” Kpenɲa na wɔ kaba aɲu asi, na wɔ su i su akɔ.

11

Kabo Yesu wuraari Yerusalem ka femɛ dɛɛ su ni

¹ Bu kɔ ɲa bu dodo Yerusalem miɛ kpiri n nu, na bu ɲa bu wura miɛm bo bu fere bu ka Befage ni Betani n ni, nyini miɛm n dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na Yesu asunma i susufɔm n nu nnyɔ, ² na wɔ se bu ka, “Am kɔ miɛ kaan n bo i wo am nyunu dɔ ni, am kɔ ɲa am wura miɛ n nu, am ɲú ka kaakobaa be minda, be nya fun má i. Am nyangɪ i bra. ³ Nzen be bisaari am ka nzu ti ye am sunyangɪ i a, am se i ka am Mibiɛ ni koro i a, ama, i má am kaaki fa i kpie i nyi ba kisa kisa.” ⁴ Na ba kɔ, na ba kɔ anɲu ka kaakobaa n minda anɔ be nu atɪngbere n su, na ba nyangɪ i. ⁵ Na minɛ n bo bu jina dɔ n abisa bu ka, “Am suyo nzu lɛɛ, am sunyangɪ kaakobaa n kɔ ni wɔ?” ⁶ Na ba se minɛm n kabo Yesu seeri bu ni, na ba ma bu atin. ⁷ Na ba fa kaakobaa n aba Yesu dɔ, na ba fa bu suturam anana kaakobaa n ɲu, na Yesu afun atana su. ⁸ Na minɛ beberebe afa bu suturam atɛrɛki ase atin n nu, na nbem gusu abubu nyawa asese atin n nu. ⁹ Na bo bu du i nyunu n ni bo bu wo i sin n kɛrɛ subo kuyigindi, bu ɲa, “*Hosana*. Ya kansi Nyɛmɛ.

Tɛrɛfiɛ wo yiri n bo i suba Micɛra n dɛɛ duma n nu n dɔ.

¹⁰ Tɛrɛfiɛ wo ya si Davidi fɛmɛya n bo i suba n dɔ.

Ya kansi Nyɛmɛ bo i wo angoro ni.”

¹¹ Na Yesu awura Yerusalem miɛ kpiri n nu, na wɔ kɔ Nyɛmɛ Sereebiri Awuru n nu. I kɔ juuri dɔ na wɔ niɛ abara aye deke n kɛrɛ. Nyini sanɲa wie atɔ, nyini ti, na i ni i susufɔ buru ni nnyɔm n akpie bu nyi ako Betani.

Kabo Yesu yoori damba baka be ɲgbɛɛn ni

¹² Na i alecin na ba yasu Betani miɛ n nu sukɔ, na ahɔɛ ati Yesu. ¹³ Na wɔ niɛ anɲu damba baka be ni i nyawa, ka i wo dede, na wɔ kɔ anɛ ka i nyá suuwa n be di. Sanɲa bo i kɔ juuri baka n bu ni, wɔ ɲu má pui su, baka n jina ni nyawa ɲgumi wɔ, dama nyini sanɲa n ti má damba su sanɲa. ¹⁴ Na wɔ se baka n ka, “Sin nyuma sin, sɔnɔ di má u suuwa kun.” I seeri sɔ n na i susufɔm n ati.

Kabo Yesu fɔɔnri watafɔm fiteeri Nyɛmɛ Sereebiri Awuru n nu ni

¹⁵ Sanɲa bo Yesu ni i susufɔm kɔ juuri Yerusalem miɛ kpiri n nu ni, na wɔ kɔ awura Nyɛmɛ Sereebiri Awuru n nu, na wɔ fɔn nɛnge tɔfɔm ni tɔfɔm kɛrɛ afite awuru n nu, na wɔ kaaki ɲwaa kaakifɔm n teebirim n ni tiɲwa tɔfɔm n biɛm kɛrɛ alanlanɲa. ¹⁶ Wɔ soro má su na be sɔ sɔori nati sin Nyɛmɛ Sereebiri Awuru n nu. ¹⁷ Na wɔ kɛrɛ minɛm ka, “Ba kɛrɛ i Nyɛmɛ Jɔrɛ Kadasi n nu ka, Nyɛmɛ ɲa o, ‘M awuru ni, bu bá fere i ka awuru n bo bu bá sere Nyɛmɛ n nu fa ma durunya n nufɔm kɛrɛ wɔ.’ Ama, ambere afa i ayo finfɔm woobiri.”

¹⁸ Nyɛmɛ sayoowa dɔɲguyofɔ nkpiɛnkpiɛnm n ni Nyɛmɛ nɔaniɛ kɛrɛfɔm n tiiri sa n bo Yesu yoori i ni, na ba kpini atin kabo bu yó na bu kún i, dama ba soro i. Deke bo i ti na bu soroori i n la ka, minɛ dɔɲgu tiiri i kɛrɛewa n na ba yo alekutura. ¹⁹ Nyini cɛɛn n naaso, na Yesu ni i susufɔm n afite miɛ n nu.

Kabo Yesu seeri ya ka ya yo Nyɛmɛ yarada ni

²⁰ Alecin ɲgarama bu ba susin sukɔ na ba ɲu ka damba baka n awu ako akpura haari i bunlui. ²¹ Na Petoro atɛnge su kabo Yesu seeri baka n ni, na wɔ se i ka, “Ya Kɛrɛfɔ, niɛ. Damba baka n bo anuma na a jɔjɔ gɔori i ɲu ni, wɔ wu.” ²² Na Yesu ase bu ka, “Am yo Nyɛmɛ yarada. ²³ Nahɔrɛ ye m suse am n a, wɔrɔ kɛrɛ bo a se ahin buka n ka, ‘Yasu kɔ to tieku n nu,’ na a yo má sika na a yo yarada ka deke n bo a seeri i ni, i yó, Nyɛmɛ yó i ma u. ²⁴ Nyini ti, m suse am wɔ lɛɛ, ka, deke kɛrɛ bo am sere Nyɛmɛ ka am koro i, am yo yarada ka am anya i, Nyɛmɛ yó i ma am wɔ. ²⁵ Sanɲa kɛrɛ bo am ba susere Nyɛmɛ, na be ado am ɲgasi, am fa i mi ni ɲgasi ce i ka, adena am Si Nyɛmɛ bo i wo angoro n gusu fá am dɛɛ ce am. [²⁶ Nzen am fa

má am bengum ngasi ce má bu, am Si Nyeme bo i wo angoro n gusu fá má am dɛɛ ngasi ce má am.]”

Kabo bu bisaari Yesu deke bo i yiko n fite ni

²⁷ Bu fa ba juuri Yerusalem miɛ kpiri n nu bekun, na Yesu awura Nyeme Sereebiri Awuru n nu, na i sunati bara ye i. I wo do so o n na Nyeme sayoowa donguyofonkpienkpienm, ni Nyeme noanie kerefom, ni Yudafo m nkpienkpienm n aba i do, ²⁸ na ba bisa i ka, “Nma dɛɛ yiko nu ye a yo nyini sam kere a? Nma ma u nyini yiko n ye a yo nyini sam n a?” ²⁹ Na Yesu abo bu nu ka, “Am ma m du mo bisa am bisaawa kun be ka, na nzen am boori m nu, na m gusu nyá se am deke bo m yiko n fite. ³⁰ Nma maari Yohane atin ye i ba biɛri minem Nyeme nzue n a? Nyeme nzen adamande? Am bo m nu.” ³¹ Na ba se akuruwa bu nju nu, kabo bu bo Yesu nu barasu. Bu na, “Nzen ya seeri i ka Nyeme maari i atin a, i bisa ya ka, ye nzu ti ye ya da má Yohane nu a? ³² Ama, nzen ya se i ka adamande do?” Do gusu na ba soro jama ni. Má pui ti, dama sono kere soroori su ka Yohane yo ti Nyeme noanie kanfo o nahore su. ³³ Nyini ti, na ba bo i nu ka, “Ya si má.” Na yiri gusu ase bu ka, “Mini mmoo sé má am sono bo i dɛɛ yiko nu na m yo ahin sam n kere ni.”

12

Kabo Yesu boori miɛnu niiri Yudafo m nkpienkpienm ni

¹ Na Yesu abo bu miɛnum. I na, “Sono be yo woori bere a, na wo do i baka suuwa barasu be fie, na wo kanda abara aye fie ni. Na wo lokoti yabue bambaka be kunma, ka i sumiemie baka suuwam ni nzue go nu. Na wo ta kpafiri lenlenge be ka bu tana su sunie fie n kere su, na wo nya afa fie n awura i npadifom saa nu. Na wo ko atin. ² Sanga ba juuri bo i si ka baka suuwam n abi ni, na wo sunma i akoom kun i npadifom n do ka i ko de i dɛɛ bo ba nya i n bra. ³ Akoo n ko juuri ni, na ba tara i abo i, na ba fon i akpie i nyi i saa ngbeen. ⁴ Na fie n fo n asunma i akoo n kun bekun, na ba tara i abo i atie i tii, na ba kpa i nyinye. ⁵ Na wo kaaki asunma kun bekun, na ba kun yiri. Akoo kere bo fie n fo n nya sunmaari i a, a nu ka bu bo i wo, wara bu kun i wo. ⁶ Sono kun n kpein be ba kaari a, yiri la i wa koroowa ni. Yiri ye i ba kaari sin sunmaari a, na wo se ka, ‘Bu má m wa n yiri jirima.’ ⁷ Ama, na nyini npadifom n ase bu nju nu ka, ‘I wa n bo i dí i aja n lee suba n a. Am bra na ya kun i na aja n kere ka ya dɛɛ.’ ⁸ Do na ba tara i, na ba kun i, na ba cin i afite fie n nu afa i atu.”

⁹ Na Yesu anya ase bu ka, “Am sunsun ka fie n fo ni yo se wo? I ba kun nyini npadifom n kere wo, na i fá fie n wura mine foforem saa nu.” ¹⁰ Na wo sa su ase ka, “Amberɛ ni am tii akan Nyeme Jore Kadasa n nu anu i kabo ba kere i barasu. Bu na, ‘Yabue n bo bondo tafom n faari i tuuri ni, yiri ye wo kaaki bondo n jaa yabuem kere tii a.

¹¹ Micera ni yoori i so a.

Ya nu i, na wo yo ya alekutura.’ ”

¹² Yesu seeri so ni, na Yudafo m nkpienkpienm n akpini atin kabo bu yo na bu tara i, dama bu faari nu ka miɛnu n bo i boori i ni, i niiri bere wo, ama, bu soroori jama n dɛɛ ti, na ba yasu ako ayaki i.

Kabo bu soo Yesu ngeɛ fa ko lampo to busu ni

¹³ Nyini sin na nkpienkpienm n asunma Farasifom ni Feme Herode mine nbem na bu ba so Yesu ngeɛ na bu ti i noanie. ¹⁴ Na ba ba ase i ka, “Ya Kerefo, ya si ka a ti nahore sefo o, u cece wo má kabo mine jojo nu, dama a nie má sono jinaabiri ti, ama, a kere minem wo nahore su kabo Nyeme atin ti barasu. To, ya dɛɛ atin n su, atin wo nu ka ya to lampo ma Romafo m Feme Kpiti Siza, nzen atin wo má nu?” ¹⁵ Ama, na Yesu asi ka bu ti burukoonufom wo, na wo bisa bu ka, “Nzu ti ye am sukoro ka am

so m ηγεε a? Am fa ηwaa bra na m nie.” ¹⁶ Na ba fa ηwaa n aba ama i. Na wo de ηwaa n anie, na wo bisa bu ka, “Nma δεε tii ni i duma wo ηwaa n su n a?” Na ba bo i nu ka, “Feme Siza δεε a.” ¹⁷ Na Yesu ase bu ka, “Deke bo i ti Feme Siza δεε, am fa ma Feme Siza, na deke bo i ti Nyeme δεε, am fa ma Nyeme.” Na ba mie ni i noanie ni.

Kabo bu bisaari Yesu fa koori yiwee tenge jore su ni

¹⁸ Na Yudafom asese barasu nbem bo bu fere bu ka Sadusifom ni, aba Yesu do. Bu δεε kereewa la ka Nyeme tenge ma minem bu yiwee n nu n a. Na ba ba abisa i jore be, bu ηa, ¹⁹ “Ya Kerefom, Moyisi yo kereeri noanie be maari ya, ka nzen sono wu yakiiri i yi, na i ni bara n anya ma baa, wo yo daka ka i niema n fa kunafom n na bu wu nbaam ma gorom n bo wo wu ni. ²⁰ To, sono be yo laari nbaabiesom nso, na baakpien n aja bara, na wo wu ayaki bara ni, ba nya ma baa. ²¹ Na bo i to i su n afa kunafom n aja, na yiri gusu awu ayaki bara ni, ba nya ma baa. Na bo i to i su nsan su n gusu afa i aja bekun. ²² I yo so o, na bu nso n kere aja bara n abara aye, na bu kere awu ayaki i, ba nya ma baa, na bara n gusu aba aka sin awu. ²³ Kabo bu mine nso n kere aja bara n na ba wu so ni, cenen n bo Nyeme ba tenge minem bu yiwee n nu ni, bara ni ka ηma δεε wo?”

²⁴ Na Yesu abo bu nu ka, “Am amini atin. Deke bo i ti na am amini atin n la ka, am ti ma deke bo ba kere i Nyeme Jore Kadasi n nu n bu, na am kaaki si ma kabo i yiko n ti barasu. ²⁵ Dama sangha bo Nyeme ma minem tenge bu yiwee n nu ni, ajaa wo ma bere kun. Ama, nyini cenen ni, sono kere kaaki ka Nyeme merkem bo bu wo angoro n wo. ²⁶ Na fa ko kabo Nyeme ba tenge minem bu yiwee n nu ni, am kaanri Moyisi δεε kadasi ni, nzen am akan ma i? Kabo i kereeri fa ko sangha bo sin n jeeri buwe baka n su n na Nyeme joro i do ni, i ηa, ‘Mini ti Abraham, ni Izaki, ni Jakabu δεε Nyeme n a.’ ” ²⁷ Na Yesu asa su ase bu ka, “Kabo Nyeme ηa i ti nyini minem n δεε Nyeme ni, nyini kere ka bu toko la ηgo leε, dama Nyeme ti ma bo ba wu n δεε Nyeme, ama, i ti bo bu la ηgo n δεε Nyeme a. Nyini ti, kabo am ηa Nyeme tenge ma minem bu yiwee n nu, am amini fieo.”

Nyeme noanie maawa n bo i tara bu kere n jore

²⁸ Na Nyeme noanie kerefom kun anu kabo Sadusifom ni Yesu seeri bu benngu akuruwa ni, i tiiri kabo Yesu boori bu nu nyunyumi so ni, na wo ba abisa i ka, “Nyeme noanie maawam ni, bono tara bu kere a?” ²⁹ Na Yesu abo i nu ka, “Noanie n bo i tara bu kere n yaa, ba kere ka, ‘Amberε Yisarelifom, am ti fen, ya Micera Nyeme n ti kun wo. ³⁰ Koro Micera u Nyeme ni, ni u ahorembaa kun, ni u awiewie, ni u sunsunni, ni u fanga kere.’ ³¹ Bo i to su nnyo n la ka o, ‘Koro u benngu kabo a koro u ηu ni.’ Noanie maawa be wo ma bere bo i tara ahin nnyom ni.” ³² Na Nyeme noanie kerefom n ase Yesu ka, “Angba. Ya Kerefom, i nahore atin su leε ye a kan i n a. Ya Micera Nyeme n ti kun wo. Nyeme be wo ma bere sin i ηu. ³³ Wo kaaki ayo daka ka ya koro Nyeme ni ya ahorembaa kun, ni ya sunsunni, ni ya fanga kere, na ya kaaki koro ya benngu kabo ya koro ya ηu ni, nyini nnyom n ti ye tara bo ya yo tiem, ni bo ya yi sarakam ma Nyeme ni.” ³⁴ Na Yesu anu ka sono n abo i nu kpa, na wo se i ka, “A waari ma ni Nyeme femeya ni.” Nyini sin, be abo ma su ka i bisa Yesu jore bekun.

Kristo Tiidefo n bo i ti Feme Davidi anuma n jore

³⁵ Sangha bo Yesu woori Nyeme Sereebiri Awuru n nu sukere Nyeme noanie ni, na wo bisa minem jore be fa ko Kristo Tiidefo n su. I ηa, “Nzu ti ye Nyeme noanie kerefom n bita jojo ka Kristo n ti Feme Davidi anuma a? ³⁶ Dama Awiewie Casi n yo wuraari Feme Davidi ηu ni, na yiri ni i tii ase ka, ‘Na Micera ase m Mibie n ka, ‘Ba tana m saa fomboro su fen,

haari m bá ma u kpofom kere ba kutu u jaa bu.” ’
³⁷ Tò, Feme Davidi mmoo ni i tii fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu na mine si bu nu sa ni Nyeme noanie kerefom ni

Ye jama beberebe n jina tiiri Yesu noanie n ni ahorejo a. ³⁸ I woori bu kere n su ni, na wo se bu ka, “Am si am nu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. ³⁹ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁰ Nyini minem n so fin nkunafom nengem wo, na bu jina sere Nyeme ce, adena minem nu ka bu ti mine kpam wo. Jina ceen, bere ba nya suicin tara minem kere.”

Kabo kunafu be yiiri saraka barasu ni

⁴¹ Na Yesu ako atana adodo alaka bo minem yi bu saraka nwaa wura nu ni, na i sunie kabo minem yi saraka barasu. Nengefom dongu yiiri nwaa beberebe wuraari saraka n nu. ⁴² Na kunafu yaarifom be gusu aba ayi nwaa kaan be bo i koro to ma pui awura saraka n nu.

⁴³ Do na Yesu afere i susufom n na wo se bu ka, “Nahore ye m suse am n a, nyini kunafu n ayi nwaa atara minem n kere. ⁴⁴ Dama nengefom la nwaa beberebe n dee ti, ye ba yi be a. Ama, nyini kunafu n ni i yaari n kere, i deke kere bo i la i lee, ye wo yi i n a.”

13

Kabo Yesu seeri ka Nyeme Sereebiri Awuru ni ba bereki barasu ni

¹ Sanja bo Yesu sufite Nyeme Sereebiri Awuru n nu ni, na i susufom n nu kun be aba ase i ka, “Ya Kerefo, nie nyini yabue ngbingbirim ni. Nie kabo bu ti a. Nie nyini awuru bambaka ni. Nie kabo ba ta i barasu a.” ² Na Yesu ase i ka, “M na a nu nyini ataari ngbingbirim n e? Yabue kun n kpein n mmoo ba nana ma i benggu su. Bu ba bereki i kere go o lee.”

Kabo Yesu kere fa koori durunya n awieeri su dee jore ni

³ Na Yesu ako afun atana Oliva Buka n su sunie Nyeme Sereebiri Awuru ni. Na sanja bo yiri ni Peto ni Yakobo ni Yohane ni Andere woori bu ngumi ni, na ba bisa i ka, ⁴ “Ya Kerefo, se ya, sanja bono ye ahin sam n kere ba yo a? Ye nzu deke ba kere ya ka sanja n adodo bo nyini sam n kere ba yo a?” ⁵ Na Yesu anya ase bu ka, “Am si am nu sa na ma am ma be dadaka am. ⁶ Dama mine dongu ba fa m duma n ba, na bu se ka, ‘Yiri la mini n a.’ Na bu dadaka mine beberebe. ⁷ Sanja bo am ba ti aluwa nga fen, wara bu sukun lue do, ma am ma am ahore saaki. Wo yo daka ka nyini n kere ba yo ka, ama, ma am nie ka durunya n awieeri lee. ⁸ Daanfie daanfie ba kun lue ni bu bengum, na nfemem kun lue ni bu benggu nfemem. Na asien ba kpisi awore aworem nu, na ahoe to. Nyini n kere ba yo kabo bara kutu ceen bumboori dee wahara n ti n wo.

⁹ Am si am nu sa, dama bu ba fa am wura joredifom saa nu, na bu bo am bu tientienbunoo soom n nu. Mini dee ti, na bu di am jore gominam ni nfemem nyunu. Nyini ma am atin, na am di m daani kere bu a. ¹⁰ Ama, wo yo daka ka daanfie kere du mo ti labari kpa n ka, ye durunya n awieeri ba ju a. ¹¹ Sanja n bo bu ba faari am koori jinaabiri, na bu ko di am jore ni, ma am ma am ahore saaki fa ko kabo am ko joko barasu. Noanie kere bo i to am noo nyini sanja ni, am joko i, dama i fite Awiewie Casi n do o, i fite ma am do.

¹² Gɔrɔm ni niemam bá tɔ bu beɲgu ma bu kpɔfɔm na bu kún bu, na sim tó bu nbaam, na nbaam kéte bu wufɔm ɲu, na bu má minem kun bu wufɔm ni. ¹³ Ama, wɔrɔ kere bo a mindi deeri nyini n kere kɔ ju i awieeri, Nyeme dé u tii ji.”

Anyumbaa ciire sa n bo i bá ba n jɔre

¹⁴ Na Yesu akaaki ase bu ka, “Am bá ɲu anyumbaa ciire sa be bo Nyeme mmɔɔ kpɔ i, ka bu má i jina Nyeme Sereebiri Awuru n nu, deke bo wɔ yo má daka ka i jina, na i sáaki i ni. Ma sɔnɔ kere bo i kan ahin kadasi n ti i bu nyunyumi. Nyini sanɲa ni, wɔrɔ kere bo a tiiri i ɲga, na a wo Yudiya asien n su, ɲmati kɔ bukam n su. ¹⁵ Wɔrɔ kere bo a wo kpata nu, má a wura gisan n nu fa pui. ¹⁶ Na wɔrɔ kere gusu bo a wo fiesu, má a kpie u nyi kɔ awuru kɔ fa u sutura be. ¹⁷ Nyini sanɲa ni yó kekere agaya ma nyinsefɔm, ni nbaram bo bu nbaam toko nu ni. ¹⁸ Am sere Nyeme ka má nyini sa n yó buke sanɲa. ¹⁹ Nyini sanɲa ni, wahara bo mine dí i, i tára wahara kere bo ba di i asin, fite sanɲa n bo Nyeme yiiri durunya ni haari ni kisa, nyini wahara n ɲusu bá má kun. ²⁰ Ama, Miceera n akpie nyini sanɲa n su. Nzen má wɔ kpie má i su, má sɔnɔ wo má bere bo i nyá ɲgɔɔ, ama, i deɛ tieɲgu minem bo wɔ yi bu n deɛ ti, wɔ kpie sanɲa n su a. ²¹ Nyini sanɲa ni, nzen be bá se am ka, ‘Am niɛ, Kristo Tiidefɔ ni wo fen n a,’ wara ‘Am niɛ, yiri wo dɔ n a,’ má am de i mi nɔanie ni. ²² Dama kɔrefɔ nbem bá ba na bu yó bu ɲu ka bere ti Kristo n a, na nbem gusu yó bu ɲu ka bu ti Nyeme nɔanie kanfɔm wɔ. Bu yó alekutura sam beberebe fa kere am, na nzen bu koro nyaari atin, bu dádaka Nyeme deɛ minem bo wɔ yi bu ni. ²³ Amberɛ, ma se am i kere wɔ lɛɛ ka, na sanɲa n nyá ba ju. Am si am ɲu sa.”

Kabo Adamande Wa ni bá kaaki ba barasu ni

²⁴ Na Yesu akaaki ase bu ka, “Sanɲa bo nyini wahara n kere ba siinri, ‘Awosin káta wie n su, na sara n gusu tá má bo minem ɲu i.

²⁵ Na asarambaam fite aɲgoro titi tɔtɔ, na aɲgoro n kere kpisi.’

²⁶ Na minem nyá ɲu ka mini Adamande Wa ni sufite aɲgoro yinyiɲgu n nu suje piepieu suba ni yiko bambaka. ²⁷ Na m nyá sunma Nyeme merékem durunya n awɔre n kere nu, na bu tíentien Nyeme minem bo Nyeme ayi bu durunya n nu n kere nɔɔ.”

Kabo Yesu ɲa ya fa damba baka fa se nyaari barasu ni

²⁸ Na Yesu akaaki ase ka, “Am fa damba baka n fa se nyaari. Sanɲa bo am ba ɲu ka i nyawa akpɔnkpɔn, na i sufieɛie fɔfɔre ni, am si ka dɔdɔori sanɲa adodo lɛɛ. ²⁹ Mini Adamande Wa n ba ni bá yo sɔ ɔ. Sanɲa bo amberɛ gusu bá ɲu ka nyini sam kere bá suyo ni, am si tenle su ka sanɲa n adodo lɛɛ, i cé má kun. ³⁰ Nahɔre ye m suse am n a, ka bo bu la ɲgɔɔ kisa n wú wie má ka, ye nyini sam kere bá yo a. ³¹ Aɲgoro ni asiɲgu kere bá la awieeri, ama, m deɛ nɔanie n yiri la má awieeri cɛen be.”

Kabo Yesu seeri ka ya si ya ɲu sa fa kɔ i ba n su ni

³² Na Yesu akaaki ase ka, “Be si má sanɲa ni, wara cɛen n bo m bá kpie m nyi ba ni. Haari Nyeme merékem n bo bu wo i dɔ ni, ni mini bo m ti i wa n mmɔɔ si má. Má ka ya Si Nyeme ɲgumi si a. ³³ Nyini ti, am si am ɲu sa. Má am fa am ɲu ji, dama am si má sanɲa n bo m bá ni. ³⁴ Mini Adamande Wa n baawa ni bá yo ka sɔnɔ be ye wɔ yasu i dika ka i kɔ atin. Sanɲa bo i ba sukɔ ni, na wɔ fa i awuru n awura i akɔɔm saa nu, na wɔ ma bu kere ni bu juma bo bu yo. Na wɔ se daɲmindafɔ n ka má i fa i ɲu ji haari fa kɔ sanɲa bo i bá ba. ³⁵ Amberɛ mmɔɔ si má sanɲa bo mini Awurufɔbie ni bá ba. Nzen ɲgarama a? Naasɔ ɔ? Kɔɲgue jinanjin? Akɔnyuma bo sanɲa? Be si má. Nyini ti, má am fa am ɲu ji, ³⁶ na má am daafi na m bá fura am nu. ³⁷ Deke bo

m sujɔɔ se am ni, m jɔɔ ni sɔnɔ kere pepere wɔ lee, ka, má am fa am ɲu ji na am daafi.”

14

Kabo bu seseeri su na bu tára Yesu ni

¹ Nyini sanɔa ni, wɔ ka lennyɔ ɔ, na bu di bu cɛɛnkpiri nbem. Bu fere kun n ka Butara cɛɛnkpiri, bo bu di i na bu tenɔge su kabo Nyeme yo deeru bu nam tii fiteeri Ijipitifom asien su ni. Na kun la bo bu di i ni kponɔ bo bu go má ayiri nu na i yasu ni. Na Nyeme sayoowa dɔnguyofɔ nkpienkpienm ni, ni Nyeme nɔani kerefom ni, anienie atin kabo bu yó barasu na bu tára Yesu kun i fiɛwa nu. ² Na ba se bu ɲuɲu nu ka, “Má am ma ya yo i cɛɛnkpiri n sanɔa. Má nyini, minem ni kéte yo nanmie wɔ, na bu sutientien.”

Kabo bara be gɔɔri Yesu tii su tulaaleɛ ni

³ Yesu woori Betani mie n nu wɔ, sɔnɔ be dika, bu fere i ka Simon, i yo ti kokofɔ ɔ. Sanɔa bo Yesu wo diire di su ni, na bara be aba ni tulaaleɛ tuwa nvanvani bo i la go agaya. Na wɔ bo abu tulaaleɛ tuwa n nɔɔ, na wɔ kaaki tulaaleɛ n kere ago Yesu tii su. ⁴ Na yaa ati minem ni nbem bo bu wo do ni, na ba se bu ɲuɲu nu ka, “Nzu ti ye wɔ saaki tulaaleɛ n so a? ⁵ Má ya tɔɔri i, má ya nyá ɲwaa beberebe, na ya fá ma yaarifom.” Na ba kan bara ni ndie agaya. ⁶ Na Yesu ase bu ka, “Am yaki i benle. Má am kan i ndie. Sakpa lee ye wɔ yo ama m n a. ⁷ Am ni yaarifom ni wo bere sanɔa kere a, na nzen sanɔa be am ba koro ka am yo bu sakpa, am yo bu. Ama, mini, m wo má am do sanɔa kere. ⁸ Wo yo i dee fanɔa nyaari lee, wɔ kaaki tulaaleɛ n ago m ɲu ka i dee nzee bo wɔ fa ayo m siriya fa ko m yiwee cɛɛn lee. ⁹ Nahore ye m suse am n a, deke kere bo bu bá kaanri Nyeme labari kpa ni durunya n kere nu, bu kán i sayoowa n na minem tenɔge i su.”

Kabo Yudasi seseeri su ka i tó Yesu ni

¹⁰ Na Yudasi Isikariyoti bo i ti Yesu susufɔ buru ni nnyom ni kun be ni, ako Nyeme sayoowa dɔnguyofɔ nkpienkpienm ni do, ka i ko to Yesu ma bu. ¹¹ Bu tiiri labari n so ni, na bu ahore ajo, na bu gusu atan ndie ama i ka bu má i ɲwaa. Na Yudasi akpini atin kabo i yó barasu na bu nya Yesu taraabiri.

Kabo Yesu ni i susufom diiri cɛɛnkpiri diire ni

¹² Na cɛɛnkpiri n bo bu di i ni kponɔ bo bu go má ayiri nu na i yasu ni, i lekun cɛɛn, nyini cɛɛn ye bu kun nbombaam bo bu di na bu tenɔge Butara cɛɛnkpiri n su n a, na Yesu susufom n abisa i ka, “A koro ka ya ko ni ko sese Butara cɛɛnkpiri n diire n su se a?” ¹³ Na Yesu afere bu nu nnyo na wo se bu ka, “Am ko mie n kunnu. Am ni sɔnɔ be ye. I so nzue dundu. Am su i su, ¹⁴ ko awuru n bo i kó wura nu ni, na am bisa awurufobie n ka, ‘Ya Kerefɔ n ɲa, soɔ bonɔ nu ye i ni i susufom ni dí Butara cɛɛnkpiri n diire n a?’ ¹⁵ Na i kere am angoro soɔ bambaka n bo ba yo i dɔngu ase ni, do ye am sese diire n su se ya.” ¹⁶ Na i susufom ni ako mie n nu, na ba ko anu deke n kere so, kabo Yesu seeri bu ni, na ba sese Butara cɛɛnkpiri diire n su.

¹⁷ Na naaso sanɔa, na Yesu ni i susufɔ buru ni nnyom ni kere aba do. ¹⁸ Na sanɔa bo bu tana wo diire n di su ni, na Yesu ase bu ka, “Nahore ye m suse am n a, am nu kun bá to m ma m kpofom a. I mi ni mini susanɔa di diire n a.” ¹⁹ Na bu ahore asaaki, na bu kun kun n kere abisa i ka, “Ye m ɲa má mini yiri e?” ²⁰ Na Yesu abo bu nu ka, “Amberɛ buru ni nnyom nu kun yó nyini a, i mi ni mini susanɔa fa ya saa wura taale kun nu a. ²¹ Mini Adamande Wa ni wú kabo ba kere i Nyeme Jore Kadasi n nu ase ka m wú n wɔ, ama, sɔnɔ n bo i tó mini Adamande Wa n ni, i mi bá ɲu anyumboro. Má ba wu má i mi n mmɔɔ, má i ti ye.”

Ya Mibié kasin diire n jɔre

²² Saŋga bo Yesu ni i susufɔm ni wo diire n di su ni, na Yesu afa kpɔnɔ, na wo da Nyeme asi, na wo bubu i nu, na wo fa ama bu, na wo se bu ka, “Am de ahin kpɔnɔ n na am di, i ti m nuniɛmbaa a.” ²³ Na wo kaaki afa awa ni nzan, na wo da Nyeme asi, na wo fa ama bu, na bu kere anu be. ²⁴ Na wo se bu ka, “Ahin nzan n ti m mbunja lee, ye m sufa ma am n a. Yiri ye Nyeme sufa sesesu na i di i di n a. Minem dɔnggu satie dee ti, ye m mbunja ni songi go a.” ²⁵ Na wo kaaki ase bu ka, “Nahore ye m suse am n a, m nu ma nzan be kun, ma ka cɛen n bo m ba nu i fɔfɔre Nyeme femeya n nu ni.”

Kabo Yesu seeri i susufɔm n ka bu ba ηmati yaki i ni

²⁶ Nyini sin na ba di jue akansi Nyeme, na ba fite ako Oliva Buka n su. ²⁷ Na Yesu ase i susufɔm n ka, “Am kere ba ηmati yaki m, dama ba kere i Nyeme Jɔre Kadasi n nu ka, Nyeme ηa,

‘M bo kun boesasafɔ ni,
na nboem ba sandi.’

²⁸ Ama, m ba tengeeri m yiwee n nu ni, m du am mo ko Galili awore n nu.” ²⁹ Na Petoro ase i ka, “Nzen ahinm kere ηmati yakiiri u, mini ηmati yaki ma u da.” ³⁰ Na Yesu ase Petoro ka, “Nahore ye m suse u a, nyuma kɔngue n nu, kana akonyuma ba bo kpe nnyo su, a kete kpe nsan ka a si ma m.” ³¹ Na Petoro abo i hoe ase i ka, “Mini se ma so da. Nzen haari wo yo daka ka mini ni woro kere saŋga wu mmoo, ya wu o.” Na i susufɔm n kere ase so.

Kabo Yesu jeke tiiri na i ko sereeri Nyeme ni

³² Na ba yasu ako aju awore be bo bu fere i ka Gesemane ni, na Yesu ase i susufɔm ni ka, “Am tana fen ηminda m, na m ko sere Nyeme.” ³³ Na wo fa Petoro ni Yakobo ni Yohane na ba ko mo kaan. Bu ko juuri do na ahoresaaki aba i do agaya, na i jeke ati. ³⁴ Na wo se bu ka, “Ahoresaaki aba m do agaya, i yo m ka m wu o mmoo. Am wo fen na am ηminda m. Ma am daafi.” ³⁵ Na wo ko dede kaan, na wo butu i kunnu su, na wo sere Nyeme ka nzen ma i koro ma ahin anyumboro n sin yaki i. ³⁶ I ηa, “Abba,” i bu la ka, “M Si, woro koro yo sa kere a. Nyini ti, yi m fite ahin anyumboro n bo i suba m do n nu. Ama, ma a yo kabo m koro ni, se kabo a koro ni.”

³⁷ I sere Nyeme wieeri ni, na wo kpie i nyi ako anu ka i susufɔ nsanm ni wo daafiri su. Na wo tenge bu na wo se Simon Petoro ka, “Simon, a daafi wo? A koro kpie ma daafiri, haari kaan so mmoo?” ³⁸ Na wo kaaki ase bu ka, “Am kpie daafiri, na am sere Nyeme, adena ma deke be yo am na am wura satie nu. Ahorembaa n koro nyemesu, ama, anuniɛmbaa n ayoroki.” ³⁹ Na wo kaaki ako asere Nyeme bekun ni nyini nɔanie jɔjɔwa kun bo i du mo jɔjɔri ni. ⁴⁰ Na wo kpie i nyi aba i susufɔm n do, na wo ba anu ka ba daafi bekun, dama daafiri ati bu agaya. Ba koro ase ma i poi.

⁴¹ Na wo ko asere Nyeme kpe nsan su, akaaki aba anu ka bu toko wo daafiri su, na wo se bu ka, “Am toko daafi yi am ηumi wo? Wo se su. Saŋga n aju, wo to mini Adamande Wa ni ama satieyofɔm. ⁴² Am nie, sonɔ n bo wo to m lee. Am yasu na ya ko.”

Kabo bu taraari Yesu barasu ni

⁴³ Na saŋga bo Yesu toko wo jɔjɔri su ni, na Yudas bo i ti Yesu susufɔ buru ni nnyom nu kun aju ni jama beberebe. Bu bita takobem ni koromam. Nyeme sayoowa dɔnguyofɔ nkpienkpienm n ni Nyeme nɔanie kerefɔm ni, ni Yudaɔm nkpienkpienm ni sunmaari bu a. ⁴⁴ Na Yudas bo i toori Yesu ni akere jama n nyaari su kabo bu si Yesu na bu tara i. I ηa, “Sonɔ n bo m ko biti i ni, yiri lee. Am tara i, na am bita i kenken, na am fa i ko.” ⁴⁵ Saŋga bo i ko juuri ni, i kaba korori Yesu do o, na wo bo afere i ka, “Ya Kerefo.” Na wo biti i, na wo yo i anse. ⁴⁶ Na minem n atara Yesu

na ba bita i kenken. ⁴⁷ Na Yesu susufom bo bu jina bere n nu kun acin ayi i takobe, na wo kpie sono be sui, nyini sono n ti Nyeme sayoowa dɔnguyofom kpien n akoo o. ⁴⁸ Na Yesu abisa bu ka, “M ti finfo o ye am fa takobem ni koromam na am ba tara ma? ⁴⁹ Ceen kere ceen m ni ambere wo Nyeme Sereebiri Awuru n nu a, ye m kere minem a, ama, am atara ma m. To, i ti ye ni ka kabo ba kere i Nyeme Jore Kadasi n nu ka bu yom ni yo yiiwa.” ⁵⁰ Na i susufom n kere anmati ayaki i.

⁵¹ Na gbefene be gusu su Yesu su. I kara tani ngumi wo. Na ba laandi ka bu tara i, ⁵² na wo foro bu saa anmati ayaki tani ni, i bu ngbeen.

Kabo bu fa Yesu koori jore diibiri ni

⁵³ Na ba fa Yesu ako Nyeme sayoowa dɔnguyofom kpien n dika, na Yudafom tereferom kere aba atien bu noo. Bere la Nyeme sayoowa dɔnguyofom nkpienkpienm ni, ni Yudafom nkpienkpienm ni, ni Nyeme noanie kereferom ni. ⁵⁴ Na Petoro asu Yesu su, ama, i woori dede kaan ni yiri, na wo ko awura Nyeme sayoowa dɔnguyofom kpien n dika gisan nu. Na wo ko asanga atana tintinjinafom n nu atun sin. ⁵⁵ Na Nyeme sayoowa dɔnguyofom nkpienkpienm ni, ni Yudafom teretereferom n kere anienie minem bo bu ba di daani fa ko ngasi bo Yesu ado i ni, adena bu nya i taraabiri na bu kun i, ama, ba nya ma jore bo bu fa kpie so i. ⁵⁶ Na daani difom beberebe afite ajina akpie kore aso Yesu, ama, bu noanie n ayo ma kun. ⁵⁷ Na mine nbem gusu ayasu ajina akpie kore aso Yesu, ⁵⁸ bu na, “Ya tiiri ka i na, i fufu ahin Nyeme Sereebiri Awuru n bo minem taari i ni, na lesan afien, na i kaaki ta fofore bo i ti ma kabo adamande ataari ti ni.” ⁵⁹ Haari ni nyini n mmoo, bu noanie ni ayo ma kun.

⁶⁰ Na Nyeme sayoowa dɔnguyofom kpien ni ayasu ajina teretereferom n afien, na wo bisa Yesu ka, “A la ma bonu be fa ko ahin jore n bo minem ni akpie aso u n su?” ⁶¹ Ama, na Yesu amo i noo, wo bo ma jore be nu.

Na Nyeme sayoowa dɔnguyofom kpien ni abisa i bekun ka, “Woro ti Nyeme n bo ya kere kansu i n dee Wa, Kristo Tiidefo n a?” ⁶² Na Yesu abo i nu ka, “Mini lee. Na ‘am ba nu mini Adamande Wa ni, ka m tana Nyeme Yikofom n saa fomboro su, na am nu ka m fite angoro yinyingu n nu suba.’ ”

⁶³ Yesu bo nu so wieeri ni, na Nyeme sayoowa dɔnguyofom kpien ni ason i tanlee. Na wo se ka, “Ya koro ma daanifo bekun. ⁶⁴ Ambere mmoo ti kabo wo joko awura Nyeme ngasi n nu e. Ye am na se wo?” Na bu kere ase ka wo kan ciire jore, nyini ti, wo yo daka ka i wu. ⁶⁵ Bu kaanri so wieeri ni, na bu nbem ayi nanzue ago Yesu nu, na ba fa sanvuin acin akata i nyumbaa, na ba bobo i, na ba se i ka, “Woro Nyeme noanie kanfo ni, kan kere ya sono n bo i boori u ni.” Na tintinjinafom n gusu afinfin i nyoonu.

Kabo Petoro keteeri ka i si ma Yesu ni

⁶⁶ Bu wo nyini kere su ni, na Petoro toko wo gisan n nu, na afani be aba i bi, yiri ti Nyeme sayoowa dɔnguyofom kpien n dee afani kun a. ⁶⁷ Sanga bo i nie nuuri Petoro ka i wo sin tuunbiri n ni, na wo nie Petoro nyunu dika gbirim, na wo se i ka, “Woro mmoo yo woori nyini Yesu Nazaretifo n do o.” ⁶⁸ Na Petoro akete, i na, “Ai, m si ma nyini jore n bo a sujoko i ni.” Na wo fite gisan n nu aba lee n nu. Nyini sanga ni na akonyuma abo kpekun. ⁶⁹ Na afani n aba anu i do, na wo kaaki ase minem bo bu jina bere ni ka, “Ahin sono n ti bu nu kun wo.” ⁷⁰ Ama, na Petoro akete bekun.

Wo ce ma na bo bu jina bere n gusu ase Petoro ka, “Nahore a, a ti bu nu kun wo, dama woro mmoo ti Galilifo o.” ⁷¹ Na wo tan ndie afa i saa awura sin nu, i na, “M si ma sono n bo am sujoko i jore ni.” ⁷² Kpenga na akonyuma n abo kpe nnyo su, na Petoro atenge su kabo Yesu seeri i ni, i na, “Kana akonyuma ba bo kpe nnyo su, a kete kpe nsan su ka a si ma m.” Na i ahore asaaki, na wo sun.

15

Kabo bu faari Yesu kɔ jinaari Gomina Pilato nyunu ni

¹ Na alecin sangga na Yudafɔm tereterefɔm kere atien bu nɔɔ. Bere la Nyeme sayoowa dɔnguyofɔ nkpienkpienm ni, ni Yudafɔm nkpienkpienm ni, ni Nyeme nɔanie kerefɔm ni. Na ba tana asese su kabo bu yɔ Yesu. Na ba wura i jɔrɔkɔ, na ba fa i akɔ ama Gomina Pilato. ² Na Gomina Pilato abisa i ka, “Wɔrɔ ti Yudafɔm femɛ n a?” Na wɔ bɔ i nu ka, “Kabo a jɔjɔ ni, i ti sɔ ɔ.” ³ Na Nyeme sayoowa dɔnguyofɔ nkpienkpienm ni akpie jɔre beberebe asɔ i. ⁴ Na Gomina Pilato abisa i bekun ka, “A la má nɔanie bo a bɔ bu nu? Nie jɔre beberebe bo ba kpie asɔ u a.” ⁵ Ama, Yesu abɔ má jɔre be nu, na Gomina Pilato abirisi kabo Yesu abɔ má nu ni.

⁶ Afɔ kere afɔ Butara cɛenkpiri n nya ba ju ni, Gomina Pilato yi dansaraka n bo jama n sere i ka i yi i ji n wɔ. ⁷ Nyini sangga ni sɔnɔ be woori dansaraka sɔn n nu dɔ, bu fere i ka Barabasi. Sangga be minem yo keteeri gomina n ɲu wɔ, na ba tu lue, na i ni i benggu ketemafɔ nbem akun minem, nyini ti, na ba tara bu anyi bu dansaraka. ⁸ Tɔ. Kabo afɔ kere afɔ Gomina Pilato n yi dansaraka n kun ma bu ni, na jama n aba atien bu nɔɔ i bi na bu kere sɔnɔ n bo i yí ma bu ni. ⁹ Na Gomina Pilato abisa bu ka, “Am koro ka m yi Yudafɔm femɛ ni ma am a?” ¹⁰ I seeri sɔ ni, dama i si tenle su ka Nyeme sayoowa dɔnguyofɔ nkpienkpienm ni si Yesu kɔre ti ye bu faari i ba wuraari i saa nu a. ¹¹ Na Nyeme sayoowa dɔnguyofɔ nkpienkpienm n awura jama n bu sin ka bu se Gomina Pilato ka i yi Barabasi ji ma bu. ¹² Na Gomina Pilato abisa bu ka, “Ye ahin sɔnɔ n bo am fere i ka Yudafɔm femɛ ni, am koro ka m yo i se wɔ?” ¹³ Na jama n atien ase ka, “Kpama i baka jaanu n su na i wu.” ¹⁴ Na Gomina Pilato ase bu ka, “Ye nzu satie ye wɔ yo i a?” Ama, na ba kaaki atien agaya bekun ase ka, “Kpama i baka jaanu n su na i wu.” ¹⁵ Dɔ na Gomina Pilato akoro ka i jɔ jama n ahore, nyini dɛɛ ti, na wɔ yi Barabasi aji, na wɔ ma sojam afin Yesu ɲgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo bu yoori Yesu anzasi ni

¹⁶ Na ba fa Yesu awura gomina n gisan n nu, na ba fere bu benggu sojam kere ka bu tien bu nɔɔ. ¹⁷ Na ba wura Yesu tanlee kɔkɔre yorom ka femɛya tanlee su, na ba fa buwe aɲɔ i ka kaba dɛɛ su, na ba fa aforo i tii ka femɛya kere dɛɛ su, adena bu yo i anzasi. ¹⁸ Na ba yo bu ɲu ka bu suma i jirima, bu ɲa, “Yudafɔm Femɛ ni, ya yo u anse.” ¹⁹ Na bu sufinfin i tii baka, na bu suyí nanzue gɔ i ɲu, na bu sukutu i nyunu. ²⁰ Bu ba yoori i anzasi n wieeri ni, na ba yi tanlee kɔkɔre yorom ni, na ba kaaki afa i tienngu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

²¹ Sangga bo bu sukɔ ni, na bu ni Sirenefɔ bie be aye, bu fere i ka Simon, Alekizanda ni Rufusu si lee. I fite aheme suba mie kunnu, na sojam n amie i ka i sɔ Yesu baka jaanu ni. ²² Na ba fa Yesu akɔ deke bo bu fere i ka *Gologota* ni, *Gologota* n bu la ka Tereawa Woobiri. ²³ Na mine nbem asanga nzan ni ayiri barasu be ama i ka i nu, na i jɔ yaari, ama, wɔ nu má i. ²⁴ Bu yoori nyini n kere wieeri ni, na ba nya akpama i baka jaanu n su, na ba ye i su ajina, na ba tu mbaa na bu si kabo bu kpaaki i suturam nu, bu ɲuɲu nu.

²⁵ Bu kpamaari i baka jaanu n su ɲgarama kerefi ɲgɔna a. ²⁶ Na ba kere jɔre n bo bu kpie sɔori i ni, na ba fa abo akpama i baka jaanu n tii su, kerɛɛwa n la ka, “Yudafɔm Femɛ n lee.” ²⁷⁻²⁸ Na ba kpama finfɔ nnyɔ nbem baka jaanu su adodo i, bu kpamaari kun i saa fɔmbɔrɔ su wɔ, na ba kpama kun n gusu i saa bie su. ²⁹ Na minem kere bo bu sin dɔ ni subobo bu tii, na bu sukpie i nzukɔ, bu ɲa, “Eenheen, wɔrɔ bo a ɲa a fúfu Nyeme Sereebiri Awuru n na a káaki ta i lesan afien n lee, ³⁰ jura

baka jaanu n su na a de u tii ji.” ³¹ Na Nyeme sayoowa danguyofɔ nkpienkpienm ni, ni Nyeme noanie kerefom ni gusu suyo i anzasi bu nju nu, bu na, “Wo de minem tii aji, ama, i sukoro de má yiri ni i tii. ³² Am ma ya nie Yisarelifom Feme n bo i na i ti Kristo Tiidefo ni, nzen i koro juraari baka jaanu n su kisa kisa, ya yó i yarada.” Na mine nnyom ni bo bu kpamaari bu dodoori i ni mmoo akpie i nzuko.

Kabo Yesu wuuri ni

³³ Wiesu kerefi buru ni nnyo sanja na awosin akata asien n kere su, haari naaso kerefi nsan. ³⁴ Na nyini sanja ni, na Yesu abo awie kpa ase ka, “Eli, Eli, lama sabatani?” I bu la ka, “M Nyeme, m Nyeme, nzu ti ye a yaki m aji a?” ³⁵ Na minem nbem jinaari bere, bu nbem n tiiri so ni, na ba se ka, “Am so am sui na am ti, i sufere Eliya.” ³⁶ Na bu kun nu anmati afa mene ado nzan gagaraki be nu, na wo fa awo baka su alaandi ato Yesu noo ka i nu, na wo se ka, “Am yaki i na ya nie, ka Eliya ba jura i baka jaanu n su.” ³⁷ Na Yesu abo awie kpa kpekun, na wo nya ayo Nyeme dee. ³⁸ Na tani bambaka n bo bu fa kpaakiiri soo casi n bo i wo Nyeme Sereebiri Awuru n nu n ati nu nnyo, fa i angoro ko jura asienngu. ³⁹ Na soja kpien n bo i jinaari baka jaanu n nyunu nuuri kabo Yesu boori awie na i wuuri barasu ni, na wo se ka, “Ahin sono n ti Nyeme Wa a nahore su.”

⁴⁰ Na nbara nbem ajina dede sunie Yesu. Bu nu nbem la Mariya bo i fite Magadala mie n nu ni, ni Salome, ni Mariya n bo i nbaam la Yakobo kaan n ni Yose. ⁴¹ Bere yo suuri Yesu su wo sanja bo i wo Galili aware n nu na bu subuka i. Nbaram beberebe gusu yo woori do bo bu suuri i su baari Yerusalem mie kpiri n nu.

Kabo bu yoori Yesu sutura barasu ni

⁴² Kabo nyini ceen n tiiri Njumiya ceen n kpokpo ceen ni, i naaso wie, ⁴³ na Yosefu bo i fite Aramatiya mie kpiri n nu ni, na wo fa ahoresi na wo ko anu Gomina Pilato, na wo sere i ka i fa Yesu njunie n ma i. Yosefu yo ti sono jirimafo o Yudafo tereterefo n nu, na i sunsunni kere yo la ka, i nminda sanja bo Nyeme ba di i femeya n wo. ⁴⁴ Gomina Pilato tiiri kabo wo se ni, na wo yo alekutura kabo Yesu akaba awu ni. Na wo sunma afere soja kpien n na i bisa i na i ti ka Yesu wuuri ni, wo ce? ⁴⁵ I tiiri soja n noanie wieeri ni, na wo ma Yosefu atin ka i ko fa i njunie ni. ⁴⁶ Na Yosefu ato nzee, na wo yi fuin n baka jaanu n su, na wo fa nzee ni apooni i. Na wo ko afa i awura yabue bu bo ba lokoti i ayo i fanjunma n nu, na wo fa i ase nu, na wo kundu yabue bambaka afa ato fanjunma n ano ni. ⁴⁷ Na Mariya Magadalafo ni, ni Mariya n bo i wa la Yose ni ajina anie anu deke bo bu seeri Yesu ni.

16

Kabo Yesu tengeeri i yiwee n nu ni

¹ Na naaso sanja bo Njumiya ceen n asin ni, na Mariya Magadalafo ni, ni Salome, ni Mariya n bo i wa la Yakobo ni, aba ato tulaalee nvanvani ka bu fa ko go Yesu njunie n su. ² Na Yudafo bakue n bumboori, mone ceen ngarama fuun, fa ko wie tie sanja, na ba ko Yesu fanjunma n su. ³ Sanja bo bu suk ni, na ba bisa bu bengi ka, “Nma ko kundu yi yabue n bo i to fanjunma n ano n ma ya?” ⁴ Deke bo i ti na bu seeri so n la ka, yabue n ti bambaka agaya. Na ba tu bu tii anie anu ka yabue n to ma ano ni. ⁵ Na ba wura yabue bu fanjunma n nu anu ka gbefene be tana nu saa fomboro su, i wura tanlee fofoe yorom be, na ba yo alekutura. ⁶ Na wo se bu ka, “Ma am yo alekutura. M si ka am nienie Yesu Nazaretofo n bo bu kpamaari i baka jaanu n su n wo. Wo tenge i yiwee n nu. I wo ma fen. Am nie, deke bo bu faari i seeri n yaa. ⁷ Am kpie am nyi na am ko se Petoro ni nyingam n kere ka wo du am mo suk Galili, do ye am ko nu i a, dama kabo i yo seeri am lee.” ⁸ Na ba fite fanjunma n nu ni

ηmatiiri, na bu ηunie subobo bu ni sere. Ba bo má su ase má be, dama sere ati bu agaya.

Kabo Yesu faari i ηu kereeri Mariya Magadalafo ni

[⁹ Μone ceen ηgarama fuun ye Yesu tengeeri i yiwee n nu a. I du mo yiiri i ηu kereeri Mariya Magadalafo n wo. Yiri la bara n bo Yesu fon yiiri ajini nsom i ηu ni. ¹⁰ Na wo ko atu Yesu susufom ni ka bu wo ahoresaaki ni sun su, na wo se bu ka wo ηu Yesu. ¹¹ Saŋga bo i seeri bu ka Yesu atenge i yiwee n nu na wo ηu i ni, ba de má i noanie ni.

Kabo Yesu faari i ηu kereeri i susufo nnyo nbem ni

¹² Nyini sin na Yesu susufo nnyo nbem afite Yerusalem mie kpiri n nu sukɔ aheme, na wo yi i ηu akere bu, bo ba koro afa má nu nde ka yiri lee. ¹³ Na ba kpie bu nyi aba ase nyiŋgam n ka ba ηu Yesu, ama, haari ni nyini mmɔɔ, ba de má.

Kabo Yesu faari i ηu kereeri i susufo buru ni kunm ni

¹⁴ Nyini kere sin na saŋga bo i susufo buru ni kunm n wo diire di su ni, na wo yi i ηu akere bu. Na wo jaraki bu kabo bu ahorembaa ti kekereke ni, ni kabo ba yo má yarada ni minem bo bu ηuuri i saŋga bo i tengeeri i yiwee n nu na bu ba seeri bu ni. ¹⁵ Na wo se bu ka, “Am ko durunya n kere nu na am ko kan m labari kpa n kere adamande kere. ¹⁶ Na sɔno kere bo i yoori m yarada, na am bieeri i Nyeme nzue, Nyeme dé i tii ji, ama, bo ba yo má yarada ni, Nyeme dí bu jore na i yó bu ηgbɛn. ¹⁷ Na bo bu yoori yarada, bu nyá yiko bo bu koro yó ahin alekutura sam ni. Bu fá m duma fon yi ajinim fite minem n ηu, na bu jójo anie barasu barasu bo bu si má bu, ¹⁸ na nzen bu taraari woom wara bu diiri nenge diiwa n mmɔɔ, i yó má bu pui. Bu fá bu saa nana tukpakifom ηu, na bu nyá laifie.”

Kabo Nyeme faari Yesu fun kɔori angoro ni

¹⁹ Saŋga bo Mibie Yesu jɔjɔri bu do wieeri ni, na Nyeme afa i afun ako angoro ako atana i saa fomboro su. ²⁰ Na i susufom n ako deke n kere ko sukan i labari kpa ni, na Mibie n awo bu do abuka bu, na wo ma bu yiko, na ba yo alekutura sam bo i kere ka bu labari kpa kaanwa n kere ti nahore wo.]

Labari kpa n bo LUKA akere i ni

¹ Ya si Teyofilosi, mine danggu boroori bu nyi na ba kere sam bo bu yoori ya nu fen n afa ase. ² Kabo jore n ti na bu kereeri i ni, yiri ye minem seeri ya n a, nyini minem bo bu woori i bumboori ni, bere nyuuri i a, bere kaanri a. ³ To, kabo mini ni m tii ayi koresi anie sereya n kere, fite sangga n bo jore n boori i bu ni, ma nyu ka i ti kpa ka mini gusu kere i kere sese i su na i ko atin su fa ma woro Teyofilosi bo a la anyunuyi ni, ⁴ adena a si ka bo ba kan akere u n kere ti nahore wo.

Kabo Nyeme mereke n korri Zakariya do n jore

⁵ Sangga bo Herode yo ti Yudiya fema ni, Nyeme sayoowa dangguyofa be wo bere, bu fere i ka Zakariya. I fite Abiya dee Nyeme sayoowa dangguyofom asese n nu wo. Bu fere i yi duma ka Elizabeti, yiri mmoo ti Aaron busu nufu o. ⁶ Bere nnyom kere yo ti minem bo bu su Nyeme nahore su wo, na bu deer i noanie maawam ni, na bu yoori dekem kere bo i se ka minem yo i ni. ⁷ Ama, ba wu ma baa, dama Elizabeti ti noroka a, na bekun i ni i hun n kere ayo nkpienm agaya.

⁸ Ceen n be, na Zakariya awo Yudafo Nyeme Sereebiri Awuru n Soo Casi n nu suyo i Nyeme sayoowa dangguyofa juma, dama nyini ceen n ti bu dee busu nufom ceen wo. ⁹ Nyeme sayoowa dangguyofom la bu nana sayoowa be. Bu tu mbaa a, na bu yi bu nu kun. Nyini ceen ni, bu yiiri Zakariya a, ka i wura bu Nyeme Sereebiri Awuru n Soo Casi n nu, na i kunkun ayiri kunkuunwa nvanvani. Nyini ti, na wo ko awura nu. ¹⁰ Ayiri nvanvani n kunkun sangga ba juuri ni, na jama kere aka gisan nu susere Nyeme. ¹¹ Na Nyeme mereke aba ayi i nyu akere Zakariya, i jina Mikun n yoowa yoobiri fomboro su, deke bo wo kunkun ayiri nvanvani n ni. ¹² I nyuuri mereke n so ni, na wo bo biri, na sere ati i. ¹³ Ama, na mereke n ase i ka, "Zakariya, ma a ma sere ti u. Nyeme ade u sere ni. U yi Elizabeti ba wu baabieso, na a tun i duma ka Yohane. ¹⁴ Baa n bo i wu i n dee ti, u ahore jo agaya ko sin su, na mine danggu gusu ahore jo. ¹⁵ Baa ni ba yo sono bambaka a Nyeme do. Wo yo ma daka ka i nu nzan fieo. Haari i ni kunnu, ye Nyeme Awiewie Casi ni wura i nyu a. ¹⁶ Na i ma Yisareli busu nufom danggu kpie bu nyi ba yiri Micera Nyeme n bo i ti ye ni ka bu su i n do. ¹⁷ Awiewie Casi n fanga wo yiri nyu ka Nyeme noanie kanfo Eliya a, yiri du Micera nyunu a, adena i yo nbaasim ni bu nbaam afien danggu a, na i kaaki mine keteewam sunsunni, na bu yo mine kpam, na i sese Nyeme minem su se i."

¹⁸ Na Zakariya ase Nyeme mereke n ka, "Nzu deke ye m fa si ka jore n bo a sujoko i ni yo nahore a? Dama ma yo kpien, m yi gusu ayo buke."

¹⁹ Na mereke n ase i ka, "Bu fere m ka Gabiriyeli. Mini wo Nyeme nyunu a. Ye wo sunma m u do ka m fa ahin labari kpa n ba ma u a. ²⁰ Ti fen. Noanie n bo m sujoko i ni ba yo nahore wo, sangga bo Nyeme koro ka i yo ni. Ama, a yo ma m noanie n yarada dee ti, a to amuna, na a koro joko ma haari ceen bo a ba nyu ka noanie n bo m sujoko i n ayo nahore."

²¹ Nyini sangga n kere minem n toko jina gisan nu nminda Zakariya, na ba birisi deke bo i ti na wo ce Soo Casi n nu so ni. ²² Sangga bo i ba fiteeri ni, wo koro ajoko ma bu do. Do na ba fa nu ka wo nyu alekutura deke be Soo Casi n nu. Dama wo koro ateke ma i noo ajoko ma, se i fa i saa joko bu do a.

²³ Sangga bo Zakariya ba yoori i juma kere wieeri Nyeme Sereebiri Awuru n nu ni, na wo kpie i nyi ako i bosu. ²⁴ Wo ce ma, na i yi Elizabeti anyinse. Wo yi ma i nyu

fofoe nu haari sara nnu. ²⁵ Na wɔ se ka, “Kisa, ya Micera n anie anju m anunfo. Wo yi m afite nyinse bambaka nu.”

Kabo Nyeme mereke n kɔɔri Mariya do n jɔre

²⁶ Saŋga bo Elizabeti nyinse n ba juuri sara nsen ni, na Nyeme asunma mereke Gabiriyeli mie be bo i wo Galili awɔre n nu, na bu fere i ka Nazareti ni, ²⁷ ka i kɔ fa labari ma sunɔguru be bo bu fere i ka Mariya ni. Nyini saŋga, ba fa i ace biesɔ be, bu fere i ka Yosefu, i fite Feme Davidi dɛɛ busu n nu wɔ. I ni Mariya nya saŋga da má, dama wɔ nya ja má i. ²⁸ Na mereke n awura i ɔu, na wɔ se i ka, “Sunɔguru, m yo u anse ni terefie. A di Nyeme ahɔroma, na i kaaki wo u do.” ²⁹ Mariya tiiri ahin noanie n ni, na wɔ yo i alekutura, na wɔ birisi ase ka, “Ahin anse yoowa n bu la ka se wɔ lɛɛ?” ³⁰ Na mereke n ase i ka, “Mariya, má a ma sere ti u. A di Nyeme ahɔroma beberebe. ³¹ So u sui na a ti. M ɔa a bá nyinse, na a wú baabiesɔ, na a tún i duma ka Yesu. ³² I bá yo sɔnɔ bambaka, na bu fere i ka, Nyeme Feme Kpiri n Wa. Ya Micera Nyeme fá i na Davidi femeya bie ma i, ³³ na i yó Jakɔbu busu nufɔm femɛ saŋga kere, na i dɛɛ femeya ni lá má awieeri.” ³⁴ Na Mariya abisa mereke n ka, “Ye ahin yó se koro yo a? Dama m nya si má biesɔ.” ³⁵ Na mereke n abɔ i nu ka, “Nyeme Awiewie Casi ni bá wura u ɔu, na Nyeme dɛɛ yiko n bá wo u do. Nyini ti, baa n bo a wú i ni, i bá yo baa casi wɔ, na bu fére i ka Nyeme Wa. ³⁶ Nie fen, Elizabeti bo i ti u lamɔko ni, yiri bo bu ɔa i ti ɔɔrɔka ni, haari ni bo wɔ yo buke ni, wɔ nyinse, i sara nsen lɛɛ. ³⁷ Pui wo má bere bo Nyeme koro yo má i.” ³⁸ Na Mariya ase i ka, “Tɔ, m ti Micera n afani wɔ. Ma nyini sam kere yo ma m kabo a se ni.” Na mereke n akɔ ayaki i.

Kabo Mariya kɔ nieeri Elizabeti busu ni

³⁹ Nyini dɛɛ sin, wɔ ce má, na Mariya akpa i ɔu, na wɔ yasu ndende akɔ Zakariya ni i yi Elizabeti bɔsu ka i kɔ nie bu busu. Nyini mie n wo Yudiya asien n su bukam n afien wɔ. ⁴⁰ Na wɔ kɔ awura Zakariya dika, na wɔ yo Elizabeti anse. ⁴¹ Elizabeti tiiri Mariya anse yoowa n ni, na baa n bo i wo i kunnu n akpisi i ɔu. Do na Awiewie Casi n awura Elizabeti ɔu, ⁴² na wɔ bo awie kpa, i ɔa, “Nyeme ayo u kisi atara nbaram kere, wɔ kaaki ayo baa n bo a bita i nyinse n kisi. ⁴³ Nzu jirima la ahin n bo Nyeme afa ama m n a, ka m Mibie dɛɛ ni aba anie m busu a? ⁴⁴ Dama m tiiri u anse yoowa n na baa n bo i wo m kunnu ni, akaba akpisi i ɔu ni akunnujo. ⁴⁵ Terefie wo u do, dama a yo yarada ka Mibie n noanie n bo wɔ kan akere u ni, i bá yo yiiwa aŋgba.”

Kabo Mariya diiri jue kansiri Nyeme ni

⁴⁶ Na Mariya ase ka,
 “M kansi Mibie ni m ahorembaa su.
⁴⁷ M ahore ajo Nyeme ɔu, yiri bo i ti m Tiidefo ni.
⁴⁸ Haari ni bo m ti i afani n kere ni, i wara afi má m sa.
 Fite nyuma fa kɔ, minem kere bá fere m ka terefiefo.
⁴⁹ Dama ka Micera yiko kere fo ni ayo sakpa beberebe ama m,
 i duma ti casi.
⁵⁰ Saŋga kere saŋga i si anunfo ɔ,
 i si minem bo bu soro i n kere anunfo ɔ.
⁵¹ Wɔ fa i yiko asaa ni, afɔn asandi karambanifɔm,
 ni bu sunsunni tie n kere.
⁵² Wɔ yi nfeme bambakam afite bu femeya biem n su,
 na wɔ ye tarakam saa su.
⁵³ Wɔ ma ahɔefɔm nenge kpakpam na bu kunnu ayi,
 na wɔ fɔn nengefɔm na ba ka bu saa ɔgbɛɛn.
⁵⁴⁻⁵⁵ Sesesu n bo i yo faari na i diiri i di ni ya nam ni,
 wɔ ma i ayo yiiwa,

ye wɔ ba abuka Yisarelifom bo bu su i ni.
I wara afi má Abraham sa.
Wɔ si i ni i sinfom kere anunfo sanja kere.”

⁵⁶ Na Mariya aka Elizabeti bi, sara nsan, na wɔ nya aba akaaki akɔ i bɔsu.

Kabo bu wuuri Yohane Nyeme Nzue Biefo n ni

⁵⁷ Elizabeti kutu cɛen ni, na wɔ wu baabiɛsɔ. ⁵⁸ Na Elizabeti tanafom, ni i lamɔsim tiiri ka Micera n ayo i sakpa bo i la má anusu ni, na bu ni yiri kere kunnu ajo. ⁵⁹ Baa n lemɔcɛ cɛen n ba juuri ni, na ba tien bu nɔɔ na bu wura i kenkenne, na bu tun i duma. Má bu koro ka bu fa i si Zakariya duma fa tun i a. ⁶⁰ Ama, na i ni ase ka, “Ai, bu fere i ka Yohane wɔ.” ⁶¹ Na ba se i ka, “U lamɔsi nu, bu fere nma sɔ a?” ⁶² Na ba fa bu saa ajojo baa n si n dɔ, na bu si duma bo i koro ka bu fa tun i wa ni. ⁶³ Dɔ na Zakariya afa i saa akere ka, bu má i deke be na i kere, na wɔ de i na wɔ kere ka, “I duma la Yohane.” Na nyini jɔre n ayo bu kere alekutura. ⁶⁴ Jina n nu bere, na Nyeme ateke i nɔɔ na wɔ bo i bu ajojo bekun, na i sukansi Nyeme. ⁶⁵ Na sere ati bu tanafom kere. Na minem akan nyini sa n bo i yoori n jɔre abara aye Yudiya awɔre n bukam n kere su. ⁶⁶ Na minem kere bo bu tiiri i n afa jɔre n ase bu ahore su na bu susunsun, na ba bisa bu nju ka, “Baa n ba nyiiri, i yó nzu baa lee?” Bu seeri sɔ ni, dama bu kere anju ka Micera n yiko n wo i nju.

Kabo Zakariya kaanri Nyeme nɔanie n ni

⁶⁷ Na Awiewie Casi n awura baa n si Zakariya nju, na wɔ kan Nyeme nɔanie, i na,

⁶⁸ “Am ma ya kansi ya Micera ni,
yiri bo i ti Yisarelifom Nyeme ni.

Dama ka wɔ ba anie i minem busu,
na wɔ de bu tii aji.

⁶⁹ Wɔ ma ya tiidefo fangafɔ,
i fite i amusuisufɔ Feme Davidi dee busu n nu wɔ.

⁷⁰ Nyeme yo maari i nɔanie kanfo casim jɔjɔri dawa sanja

⁷¹ ka i bá de ya tii fite ya kpɔfom,
ni bo bu koro má ya n saa nu.

⁷² Sɔ ye i kereeri ka i si ya nam anunfo,
na i wara fi má i sesesu casi n sa a.

⁷³⁻⁷⁴ I yo faari nyini sesesu n na wɔ di i di ni ya na Abraham
ka i de ya tii fite ya kpɔfom saa nu,
adena ya koro su i bo ya soro má sere,

⁷⁵ na ya yo casi na ya yo sa bo i kɔ atin n su i dɔ,
haari ni ya ngɔɔ awieeri.

⁷⁶ Wɔrɔ, m wa ni, bu bá fere u ka
Micera Nyeme Kpiri n dee nɔanie kanfo.

Dama a dú ya Micera n mɔ
na a kó sese i atin su nminda i.

⁷⁷ Na a má i minem si ka i fá bu satie ce bu n dee ti,
ye i dé bu tii ji a.

⁷⁸ Dama Nyeme si ya anunfo agaya n dee ti,
i má angoro wein n ta ma ya.

Nyini wein n ti kabo wie fite na i ti n wɔ,

⁷⁹ na i má wein ta ma minem bo bu wo awosin nu
na bu soro yiwee sere ni.

Na i bá kere ya atin bo i ma ahoreda.”

⁸⁰ Na baa n anyi, na Nyeme ayo i sunsunni fanga, na wɔ kɔ awo boro kpantain nu dɔ i nju, haari cɛen n bo i ba yiiri i nju fiteeri fofoe nu kere Yisarelifom ni.

2

Kabo bu wuuri Yesu ni

¹ Nyini sanɗa na Romafom femɛ kpiri n bo bu fere i ka Siza Agusito ni, ama nɔɔ ka bu kere i minem kere duma. ² Nyini sanɗa ni tiiri ciciri su dɛɛ minem duma kereɛwa n ɗusu a. Nyini sanɗa n ye sɔnɔ be bo bu fere i ka Kurenɔsi n ti Siriya awɔre n nu gomina n a. ³ Nyini ti, na deke bo sɔnɔ kere wo na ba kɔ bu na miɛ su na bu kɔ kere bu duma. ⁴ Do na Yosefu gusu afite Nazareti miɛ n bo i wo Galili awɔre n nu ni, na i kɔ kere i duma. I kɔori miɛ n bo bu fere i ka Betilehem na i wo Yudiya awɔre n nu wɔ, do ye bu wuuri Feme Davidi a. Yosefu ti Feme Davidi dɛɛ busu nufɔ n ti ye i kɔori awɔre n nu do a. ⁵ I ni Mariya bo ba fa ace i ni kɔori a. Nyini sanɗa ni, Mariya bita nyinse. ⁶ Bu wo do n na sanɗa n aju bo Mariya wu baa. ⁷ Ba nya má fofoe wɔfom daabiri n nu bo bu da. Nyini ti, na ba kɔ awura deke bo bu fa nengendɔrem wura, do na wɔ wu i sunguru baa, baabiɛsɔ. Na wɔ fa baa n apɔondi sanvuin nu, na wɔ fa i ada nengendɔrem diire diibiri alaka nu.

Kabo merɛkem tiɛri nbɔesasaɗom ɗu ni

⁸ Nbɔesasaɗom nbem wo nyini awɔre n nu do suniɛ bu nbɔem dika, kɔɗɗue, ⁹ na Micera n merɛke akaba atie bu ɗu, na Micera n ama i wein ata abara aye bu, na sere ati bu agaya, ¹⁰ ama, na merɛke n ase bu ka, “Má am ma sere ti am. Ma ba ka m ba ma am labari kpa a. Nyini labari ni, yiri má minem kere ahore jo agaya. ¹¹ Ahin kɔɗɗue n nu bere, ba wu am Tiidefo ni, Feme Davidi bɔsu n nu, yiri ti Kristo n bo Nyeme ase ka i súnma i n a, am Mibiɛ ni. ¹² Deke bo i kere am na am sí nu n la ka, am kó ɗu ka ba fa i apɔondi sanvuin nu afa i ada nengendɔrem diire diibiri alaka nu.” ¹³ Jinaabiri n nu bere na merɛkem beberebe akaba afite aɗgoro abuka nyini kun n su, na bu sukansi Nyeme, bu ɗa,
¹⁴ “Kansi wo Nyeme bo i wo aɗgoro n do.

Na ahoreda wo minem bo bu wo asiɗngu fen n do
na Nyeme ahore ajo bu ɗu ni.”

¹⁵ Sanɗa bo merɛkem n fiteeri bu do kpieeri bu nyi kɔori aɗgoro ni, na nbɔesasaɗom ni ase bu ɗuɗu nu ka, “Am ma ya kɔ Betilehem miɛ n nu na ya kɔ ɗu deke n bo wo yo na Micera n ayi akere ya ni.” ¹⁶ Nyini ti, na ba kɔ ndende, na ba kɔ aɗu Mariya ni Yosefu, na ba ɗu baa n gusu ka i da nengendɔrem diire diibiri alaka n nu. ¹⁷ Sanɗa bo bu kɔ ɗuuri baa n ni, na ba kan nɔaniɛ n kere bo merɛke n fa maari bu fa kɔ baa n ɗusu jɔre n akere minem. ¹⁸ Na minem kere bo bu tiiri kabo nbɔesasaɗom seeri bu ni, n ayo alekutura. ¹⁹ Na Mariya afa nyini sereya n kere bo i yoori ni ase i ahore su. ²⁰ Na nbɔesasaɗom n akpie bu nyi akɔ bu nbɔem n bi, na bu sukansi Nyeme na bu subo tuntun i fa kɔ deke n kere bo ba ɗu i na ba ti i n dɛɛ ti. Deke n kere yoori kabo merɛke n seeri bu n wɔ.

Kabo bu tuunri Yesu duma ni

²¹ Sanɗa bo lemɔcɛ cɛen n ba juuri ni, na ba wura baa n kenkenne, na ba tun i duma ka Yesu. Duma n bo merɛke n fa maari i ka, na i ni nyinseeri i n lɛɛ.

Kabo bu faari Yesu kɔori Nyeme Sereebiri Awuru n nu barasu ni

²² Na cɛen n aju bo Yosefu ni Mariya kɔ yo bu fin ɗmisi sayoowa kabo Nyeme nɔaniɛ kpamaawa n bo i fa maari Moyisi n kereeri ka bu yo ni. Nyini ti, na ba fa baa n akɔ Yerusalem miɛ kpiri n nu na bu kɔ fa i wura Micera n saa nu. ²³ Kabo ba kere i Micera n nɔaniɛ kpamaawa n nu ni, ba kere ka, “Baabiɛsɔ kere bo i ti i ni sunguru baa, i ti ye ni ka bu fa i kɔ ma Micera ni, na i yó i dɛɛ.” ²⁴ Na ba kɔ ayo yoowa, kabo Micera n nɔaniɛ kpamaawa n akere ka bu yo i ni, bu faari bumbuku wara tiiwa nnyo yoori yoowa n a.

²⁵ Nyini san̄ga ni, s̄on̄o be wo Yerusalem, bu fere i ka Simeyon. I yo ti s̄on̄o bo i yo sa bo i k̄o atin su Nyeme d̄o ɔ, na i ti s̄on̄o bo i soro Nyeme, na i η̄minda fa k̄o san̄ga bo Yisarelif̄om nya bu tiide n w̄o. Na Awiewie Casi n wo i η̄u. ²⁶ Na Awiewie Casi n ama w̄o si ka i w̄u má, má ka i nyumbaa aba āju Kristo ni, Tiidef̄o n bo Micera n ase ka i s̄unma i ni. ²⁷ Na Awiewie Casi n ama Simeyon ak̄o Nyeme Sereebiri Awuru n nu. Nyini san̄ga n ye Yesu si ni i ni gusu afa i ak̄o ka bu k̄o yo yoowa kabo Nyeme n̄oan̄ie kpamaawa n akere ka bu yo n a. ²⁸ Simeyon η̄uuri baa n s̄o ni, na w̄o kaba ade baa ni i saa nu, na w̄o kans̄i Nyeme, i η̄a,

²⁹ “M Mibīe, u n̄oan̄ie n bo a yo seeri m ni, ayo ȳiwa,
ma mini u ak̄o n atin kisa na m f̄ite durunya n nu ni ahoreda.

³⁰ Dama kisa mini ni m tii nyumbaa āju Tiidef̄o ni,

³¹ yiri ye a sese i su,
ye a ma minem kere nyumbaa āju i a.

³² Yiri ti wein n a, na i k̄ere minem u atin ni,
ber̄e bo bu ti má Yudaf̄om ni,

na i w̄ura Yisarelif̄om kp̄iri,
ber̄e bo bu ti u d̄ee minem ni.”

³³ Simeyon j̄oj̄ori baa n j̄ore s̄o ni, na i si ni i ni ayo alekutura. ³⁴ Na Simeyon asere Nyeme, na w̄o yo bu kisi. Na w̄o se baa n ni ka, “Ahin baa n ye Nyeme ayi i ka i má Yisarelif̄om d̄on̄gu kpaasi, na d̄on̄gu gusu ȳasu n a. Yiri ȳo deke bo i ti alekutura sa, na minem d̄on̄gu bá kete i. ³⁵ S̄o ye i bá yi bu asiri nu sunsunni tiem kere fite fofoe nu a. Na yiri ti, u ahore s̄aaki agaya, kabo takobe kp̄ie s̄on̄o na i yo ya ni.”

³⁶⁻³⁸ Nyini san̄ga n nu n̄o ɔ, na bara be, i ti Nyeme n̄oan̄ie kanf̄o ɔ, na i gusu wo d̄o, na w̄o ba baa n bi. I duma la Anna, na bu fere i si ka Fanuweli, Aseri d̄ee busu nuf̄oa. Bara n ti buke w̄o nah̄ore su, i jaari i hun, bu af̄o nso ye i kaari kunafo a. Nyini san̄ga ni, i la af̄o aburam̄ocue ni nna. W̄o kpaaki ayaki má Nyeme Sereebiri Awuru ni, i cici i n̄o s̄o ɔ, na i k̄o susere Nyeme, w̄iesu ni k̄on̄gue. I ba juuri baa n bi ni, na w̄o da Nyeme asi na yiri gusu ajojo baa n j̄ore akere minem kere bo bu η̄minda ka Nyeme sunma Tiidef̄o n na i de Yisarelif̄om tii ji ni.

Kabo bu faari Yesu k̄ori awuru ni

³⁹ San̄ga bo Yosefu ni Mariya yoori yoowa n kere bo Micera n n̄oan̄ie kpamaawa n kere ka bu yo n wieeri ni, na ba kp̄ie bu nyi ak̄o bu b̄osu Nazareti bo i wo Galili aw̄ore n nu ni. ⁴⁰ Na baa n anyi, na w̄o nya fan̄ga ni alecira, na Nyeme ah̄or̄oma awo i d̄o agaya.

Kabo bu faari Yesu k̄ori Yerusalem mie kp̄iri n nu ni

⁴¹ Af̄o kere af̄o, Yesu si ni i ni k̄o Yerusalem mie kp̄iri n nu w̄o, na bu k̄o di Butara c̄eenkp̄iri, bo bu di i na bu ten̄ge su kabo Nyeme yo deeri bu nam tii fiteeri Ijipitif̄om asien su ni. ⁴² San̄ga bo Yesu ba juuri af̄o buru ni nnyo ni, na ba k̄o na bu k̄o di c̄eenkp̄iri n kabo bu yo af̄o kere af̄o ni. ⁴³ Bu ba diiri c̄eenkp̄iri n wieeri na bu sukpie bu nyi k̄o awuru ni, na Yesu yiri aka Yerusalem d̄o. I si ni i ni asi má ka w̄o ka d̄o. ⁴⁴ Bu sunsunni la ka i wo aben̄gu natiirif̄om n nu w̄o, nyini d̄ee ti, bu wo k̄o su wo haari wie k̄o sut̄o. D̄o na ba bo i bu sunien̄ie i, bu lam̄osim ni bu danfom nu. ⁴⁵ Ama, ba η̄u má i, na ba nya kp̄ie bu nyi ak̄o Yerusalem na bu k̄o nien̄ie i. ⁴⁶ I lesan c̄een na ba k̄o āju ka i tana Nyeme Sereebiri Awuru n nu, Nyeme n̄oan̄ie keref̄om afien suso i sui, na i subisa bisaawam. ⁴⁷ Na minem bo bu tiiri i n̄oan̄ie n kere ayo alekutura, fa k̄o kabo i la si na i b̄o n̄oan̄ie bisaawam nu barasu ni. ⁴⁸ Na san̄ga bo i si ni i ni ba η̄uuri i n na ba mie, na i ni abisa i ka, “M wa, nzu ti ye a yo ya s̄o a? A ma mini ni u si ahore asaaki ak̄o asin su, haari ya nati wo u nien̄ie su.” ⁴⁹ Na w̄o se bu ka,

“Nzu ti ye am nati nienie m busu a? Am si má ka wó yo daka ka m wo m Si awuru n nu wó?” ⁵⁰ Ama, ba ti má nɔanie n bo i seeri bu nu n bu.

⁵¹ Na Yesu asu bu su, na ba kpie bu nyi akɔ Nazareti mie n nu, na wó de bu nɔanie. Na i ni afa nyini sam kere ase i ahore su. ⁵² Na Yesu sunyi, na i alecira subuka su, na i sayoowam susun Nyeme ni adamande kere nu.

3

Kabo Yohane Nyeme Nzue Biefo n kaanri Nyeme jore ni

¹ Romafom feme kpiri bo bu fere i ka Siza Tiberiyosi n diiri i femeya ni, afo buru ni nnu, nyini sanja ye sɔnɔ be bo bu fere i ka Pɔntiyo Pilato n ti Yudiya awore n nu gomina, na sɔnɔ be bo bu fere i ka Herode n nie Galili awore n nu su, na i goro bo bu fere i ka Filipu n gusu nie awore nnyo nbem bo bu fere bu ka Iturayo ni Tarakonitido n su, na sɔnɔ be bo bu fere i ka Lusaniya n gusu nie awore n bo bu fere i ka Abilene n su. ² Nyini sanja ni, Anasi ni Kayafasi jina Nyeme sayoowa dongyuyofom kere kpien n jinaabiri a. Na Nyeme afa i nɔanie n ama Yohane Zakariya wa, boro kpantain n nu. ³ Nyini ti, na Yohane akɔ Yodan kunma n awore n kere n nu sukan Nyeme jore, i ŋa, “Am kaaki am wo na m bie am Nyeme nzue, na Nyeme fa am ngasi ni am satie kere ce am.” ⁴ So ye wó yo yiiwa, kabo Nyeme ma ba kere i nɔanie kanfo Esaya dee kadasi n nu ka,

“Sɔnɔ be subo ndoori boro kpantain n nu ka,

‘Am sese Mibie n atin su,
na am yo i atin n dongu.

⁵ Na bu bá bereki bukam n ni kperem kere,
na bu bá toto kunma kunma kere bo i wo buka n bu,
na atin kere bo wó biri, bu bá tenge,
na bu bá toto i kunma kunma n kere.

⁶ Na adamande kere bá ŋu kabo Nyeme dé bu tii ji barasu ni.’ ”

⁷ Na jama beberebe afite aba Yohane do ka i bie bu Nyeme nzue. Na wó se bu ka, “Amberɛ burukɔnufom bo am ti ka woom ni, ŋma seeri am ka am ŋmati fite suicin kekereke n bo Nyeme sufa ba am do n nu a?” ⁸ Am yo sakpa bo i kere ka am akaaki am wo. Na má am sunsun ka, Abraham ti am na dee ti, na am koro fite nyini suicin n nu. M suse am wó lee, ka, Nyeme koro ma ahin yabuem ni kaaki nbaam ma Abraham. ⁹ Nyeme asi i samba n nana ase baka kere bu na i kpie i ji sin nu, yiri bo i suuwa ti má kpa ni.”

¹⁰ Na jama n abisa Yohane ka, “Ye ya yo se wó lee kisa n a?” ¹¹ Na wó bo bu nu ka, “Sɔnɔ kere bo i la tanlee nnyo, i mi ma sɔnɔ bo i la má be n kun, na bo i la diire gusu yo so.” ¹² Na lampodefɔ nbem aba i do ka i bie bu Nyeme nzue, na ba bisa i ka, “Ya Kerefɔ, ye ya yo se wó?” ¹³ Na wó se bu ka, “Má am de ŋwaa kɔ tara kabo i ti ye ni ka am de ni.” ¹⁴ Na soja nbem gusu aba i do aba abisa i ka, “Ye yere di, ya yó se wó?” Na wó se bu ka, “Má am mie be de ŋwaa i do, na má am tun be nzuin. Am ma am nyunu yi am ŋkato.”

¹⁵ Na minem bo bu tana nie Kristo n atin nu ka i ba ni, yiri Tiidefo n bo Nyeme ase ka i súnma i ni, bu sunsun ka, beni, kisa Yohane ti Kristo Tiidefo n a. ¹⁶ Yohane siiri nyini dee ti, na wó se bu ka, “Mini sufa nzue bie am a, na am yo casi, ama, bo i tara m fieo wo m sin suba. M ti kaan ni bo m dodo i. Yiri fá Awiewie Casi n ni sin yo am casi a, kabo sɔnɔ bie nzue na i yo casi ni. ¹⁷ I bita i ŋgani bakiti fieeba suba, na i bá bakiti yi ŋgani mbaa n busu go i bondo nu, na i nya yára kunkun n sin n bo i je na i no má n nu.”

¹⁸ So ye Yohane kaanri labari kpa n kereeri minem a, na wó jɔjɔ jore dongu ase bu ka bu kaaki bu wo. ¹⁹ Ama, na Yohane akan Feme Herode ndie ka wó fa i goro yi

Herodiya aja i hun ngɔɔ su, na wɔ kaaki ayo sa ngbɛɛnngbɛɛn beberebe. ²⁰ I satie bo i ti tie tara i kɛrɛ n la ka i taraari Yohane nyiiri i dansaraka a.

Kabo Yohane biɛeri Yesu Nyemɛ nzue barasu ni

²¹ Saŋga bo Yohane biɛeri minem Nyemɛ nzue ni, na wɔ bie Yesu gusu. Bu biɛeri i wieeri, na i susere Nyemɛ ni, dɔ na angoro n ateke, ²² na Awiewie Casi n ajura aba atana i ŋu ka tiiwa dɛɛ su. Na wɔ ti akonvi be ŋga angoro, i ŋa, “Wɔrɔ ti m wa a, m koro u agaya, m ahore ajo u ŋu.”

Yesu Kristo nam duma yaa

²³ Saŋga bo Yesu boori i juma n bu ni, nyini saŋga i la afo aburasan. Mine yo sunsun ka i si la Yosefu bo i ti Heli wa n wɔ, na Heli si la ²⁴ Matati, na Matati si la Levi, na Levi si la Meleki, na Meleki si la Yanayi, na Yanayi si la Yosefu nyinga n bo ²⁵ i si la Matatiya ni, na Matatiya si la Amosi, na Amosi si la Nahumu, na Nahumu si la Esili, na Esili si la Nagayi, ²⁶ na Nagayi si la Maati, na Maati si la Matatiya nyinga n bo i si la Semeni ni, na Semeni si la Yoseki, na Yoseki si la Yoda, ²⁷ na Yoda si la Yowanani, na Yowanani si la Resa, na Resa si la Zorobabeli, na Zorobabeli si la Salatiyeli, na Salatiyeli si la Nieri, ²⁸ na Nieri si la Meleki nyinga n bo i si la Adi ni, na Adi si la Kosamu, na Kosamu si la Elimadamu, na Elimadamu si la Eri, ²⁹ na Eri si la Yosuwa, na Yosuwa si la Eliyeza, na Eliyeza si la Yorimu, na Yorimu si la Matati nyinga bekun, na nyini Matati n si la Levi nyinga bekun, ³⁰ na nyini Levi n si la Simeyon, na Simeyon si la Yuda, na Yuda si la Yosefu nyinga n bo i si la Yonamu ni, na Yonamu si la Eliyakimu, ³¹ na Eliyakimu si la Meliya, na Meliya si la Menna, na Menna si la Matata, na Matata si la Natani, na Natani si la Feme Davidi, ³² na Feme Davidi si la Jese, na Jese si la Yobedi, na Yobedi si la Boosi, na Boosi si la Sala, na Sala si la Naasoni, ³³ na Naasoni si la Aminadabu, na Aminadabu si la Adimini, na Adimini si la Arani, na Arani si la Hesarom, na Hesarom si la Farese, na Farese si la Yuda nyinga n bo ³⁴ i si la Jakobu ni, na Jakobu si la Izaki, na Izaki si la Abraham, na Abraham si la Tara, na Tara si la Nakoro, ³⁵ na Nakoro si la Seruku, na Seruku si la Ragawu, na Ragawu si la Falɛki, na Falɛki si la Ebera, na Ebera si la Sala nyinga bekun, ³⁶ na nyini Sala n si la Keena, na Keena si la Arafakadi, na Arafakadi si la Semu, na Semu si la Nowa, na Nowa si la Lamɛki, ³⁷ na Lamɛki si la Matusala, na Matusala si la Henoki, na Henoki si la Yareti, na Yareti si la Maleheeli, na Maleheeli si la Keena nyinga bekun, ³⁸ na Keena n si la Enosi, na Enosi si la Seti, na Seti si la Adam, na Adam si la Nyemɛ.

4

Kabo Sitana yoori Yesu na i nie ni

¹ Awiewie Casi n woori Yesu ŋu agaya, na wɔ fite Yodan kunma n awɔrɛ n nu, na Awiewie Casi n afa i akɔ boro kpantain n nu kɔ sukere i atin. ² I woori dɔ cɛɛn aburana, na Sitana ayo i na i nie ka, i yɔ yiri Sitana n dɛɛ koroowa, nzen i yɔ má i. Nyini cɛɛn aburana n kɛrɛ ni, wɔ di má pui, nyini dɛɛ sin, na ahɔɛ aba ati i. ³ Na Sitana n ase i ka, “Nzen a ti Nyemɛ Wa, se ahin yabue n na i kaaki diire.” ⁴ Ama, na Yesu abɔ i nu ka, “Ba kɛrɛ i Nyemɛ Jɔrɛ Kadasi n nu ka, má diire ŋgumi ma sɔnɔ ngɔɔ a.”

⁵ Na Sitana afa i afun akɔ angoro lenlenge, na i nyumbaambaa n nu bere, na wɔ kere i durunya n nu asien n kere. ⁶ Na wɔ se i ka, “Wɔrɔ ye m má a nie ahin asien n kere su a, na m fá bu ajekem kere ma u, dama Nyemɛ afa i kere awura m saa nu, na mini gusu koro fa ma sɔnɔ kere bo m koro. ⁷ Nzen a kutu suuri m, m fá nyinim kere ma u.” ⁸ Na Yesu ase i bekun ka, “Ba kaaki akere i Nyemɛ Jɔrɛ Kadasi n nu ka, ‘Kutu Micera u Nyemɛ ni,

na a su yiri ngumi.' ”

⁹ Na Sitana n akaaki afa Yesu ako Yerusalem mie kpiri n nu, na wo fa i ako ajina Nyeme Sereebiri Awuru n tii su lenlenge, na wo se i ka, “Nzen a ti Nyeme Wa, fite fen ti to asienngu na m nie. ¹⁰ Dama ba kere i Nyeme Jore Kadasi n nu ka, ‘Nyeme ma i merkem noo ka bu nie u dika

na bu kanda u.’

¹¹ Ba kaaki akere i ka, ‘Bu fa bu saa so u nu, na ma u jaa bo yabue be.’ ”

¹² Ama, na Yesu akaaki ase i ka, “Ba kaaki akere i Nyeme Jore Kadasi n nu ka, ‘Ma a yo Micera Nyeme n na a nie kabo i yiko ti barasu.’ ”

¹³ Sanja bo Sitana n yoori Yesu yoowa barasu n kere na i nie i ni, na wo ko ayaki Yesu ka.

Kabo Yesu boori i juma bu Galili awore n nu ni

¹⁴ Na Yesu akpie i nyi ako Galili awore n nu, ni Awiewie Casi n dee yiko nu. Na i labari abara aye nyini awore n kere pepere nu. ¹⁵ Na wo kere minem Yudafom tientienbunoo soom nu, na sono kere akansi i.

Kabo Yesu na Nyeme noanie kanfo la ma jirima i bosu ni

¹⁶ Na Yesu ako Nazareti mie n nu, do ye bu taari i a, na wo nyi, na Yudafom Numiyi ceen n be, na wo ko bu tientienbunoo soo n nu, kabo i nati ko ni. Na wo yasu ajina ka i kan Nyeme Jore Kadasi ni, ¹⁷ na ba fa Nyeme noanie kanfo Esaya dee kadasi n ama i. Na wo teke i, na wo nie anu awore n bo ba kere i nu ka,

¹⁸ “Micera n Awiewie n wo m do, dama wo yi m ka m kan labari kpa n kere yaarifom. Na wo sunma m ka m ko minem bo ba tara bu domuem n do, na m se bu ka m ba de bu tii ji,

na m ko anyinsinm do, na m se bu ka m ba teke bu nyumbaa, na m ko minem bo bu bita bu mie n do, na m se bu ka m ba de bu tii ji,

¹⁹ na m bo ndoori ka, afo n nu Micera ni ma i minem di i ahoroama.”

²⁰ Na Yesu akan awie, na wo kata Nyeme Jore Kadasi n su, na wo fa ama i bitafo ni, na wo tana. Na minem kere bo bu wo tientienbunoo soo n nu n afa bu nyumbaa akpama i nu. ²¹ Na wo se bu ka, “Nyuma dee ceen n nu, ahin Nyeme Jore Kadasi n bo ma kan i na am ati i ni, ayo yiiwa.” ²² Na sono kere akan kpa ama i, na ba yo alekutura kabo i noanie jooowa n ti kpa barasu ni, na ba bisa bu nunu nu ka, “Ma Yosefu wa n lee?”

²³ Na Yesu ase bu ka, “M si tenle ka am bo m ahin anyundere ni ka, ‘Ayirifo, tuntun u nu.’ Na am se m ka, ‘Sam n bo ya tiiri ka a yoori bu Kapenam mie kpiri n nu ni, yo bu u bosu fen gusu na ya nie.’ ” ²⁴ Na Yesu akaaki ase bu ka, “Nahore ye m suse am n a, Nyeme noanie kanfo la ma jirima haari kaan so mmoo i bosufom do. ²⁵ Am tenge su kabo Nyeme noanie kanfo Eliya dee sanja n na nzue ato ma afo nsan ni kpaaki nu, na aho bambaka toori ni. I ti nahore wo ka, nyini sanja, kunafom beberebe woori Yisareli asien n su, ²⁶ ama, Nyeme asunma ma Eliya nyini kunafom be do, se i sunmaari i kunofo kun be do a, i wo mie be bo bu fere i ka Zarefati na i ti ma Yudafom mie kpiri n wo, i wo Sidon dee awore n nu wo. ²⁷ Sasu bekun, Nyeme noanie kanfo Elisa dee sanja, i ti nahore wo ka kokobi yo taraari minem beberebe Yisareli asien n su, ama, Nyeme ama wo tuntun ma bu kun n kpein mmoo, se i tuntuunri kokofa kun be wo, bu fere i ka Naama, i ti ma Yudafu, i fite Siriya awore nu wo.”

²⁸ Minem bo bu wo sɔɔ n nu n tiiri sɔ ni, na yaa ati bu agaya. ²⁹ Na ba yasu aso i nu, acin i afite miɛ n nu ako kpɛrɛ n bo miɛ n wo su ni, ka bu fa i ji buka n bu asiɛngu. ³⁰ Ama, na wɔ nati asin jama n afien ako.

Kabo Yesu fɔn yiiri ajini sɔɔ be ɲu ni

³¹ Dɔ na wɔ kɔ miɛ kpiri n bo bu fere i ka Kapɛnam na i wo Galili awɔrɛ n nu ni, na ɲumiyi cɛɛn ni, na wɔ kɔ awura bu tientienbunɔɔ sɔɔ n nu sukere minem. ³² Na ba yo alekutura fa kɔ i kereewa n su, dama i jɔjɔwa n la yiko. ³³ Na sɔɔ be wo tientienbunɔɔ sɔɔ n nu dɔ, ajini wo i ɲu, na wɔ bo awie kpa ase ka, ³⁴ “Oi, Yesu Nazaretifo, a koro nzu ya nu fen a? A ba ka a ba yo ya ɲgbɛɛn wɔ, nzen se? M si u sa, wɔrɔ ti sɔɔ casi bo Nyemɛ asunma u n a.” ³⁵ Na Yesu atien ajini n ɲu ase ka, “Mɔ u nɔɔ bɛrɛ na a fite yaki sɔɔ ni.” Na ajini n akpisi sɔɔ n abo asiɛngu jama n kɛrɛ nyunu, na ba fite ayaki sɔɔ ni, ba ma má i mandim be. ³⁶ Na minem kɛrɛ ayo alekutura, na ba bisa bu ɲuɲu nu ka, “Nzu alekutura nɔaniɛ jɔjɔwa n la ahin? Dama i la yiko nahɔrɛ su bo i koro ma ajinim nɔɔ na bu fite yaki sɔɔ.” ³⁷ Na i labari n abara aye nyini awɔrɛ n kɛrɛ nu.

Kabo Yesu tuntuunri tukpakifɔm beberebe Simon dika ni

³⁸ Na Yesu afite tientienbunɔɔ sɔɔ n nu, na wɔ kɔ awura Simon dika, na ba se i ka Simon sibara la má i ɲu, yakoko abo i agaya. ³⁹ Na Yesu ako ajina i bi, na wɔ ma yakoko n nɔɔ ka i fite yaki bara ni. Na wɔ fite ayaki i, na bara n akaba ayasu, na wɔ kɔ ayo diire ama bu.

⁴⁰ Na naaso dika bibiri saɲga, na minem n afa tukpaki barasu barasu fɔm kɛrɛ aba Yesu dɔ ka i tuntun bu, na wɔ fa i saa anana bu ɲu, na bu kɛrɛ anya laifie. ⁴¹ Na wɔ fɔn ayi ajinim n gusu afite minem beberebe ɲu, na ajinim n acindi, na ba se i ka, “Wɔrɔ ti Nyemɛ Wa n a.” Ama, na Yesu akan ajinim n ndie, wɔ du má su na bu jɔjɔ, dama bu si ka yiri ti Kristo n a, Tiidefɔ n bo Nyemɛ ase ka i súnma i ni.

Kabo Yesu kɔ kaanri Nyemɛ jɔrɛ Yudaɲɔm tientienbunɔɔ sɔɔm nu ni

⁴² Ale ba ciinri, na Yesu afite miɛ n nu ako awo awɔrɛ be nu i ɲgumi. Na minem n ako i niɛniɛ, na saɲga bo bu kɔ ɲuuri i ni, na ba kpini atin kabo bu yo na má i kpaaki yaki bu. ⁴³ Ama, na wɔ se bu ka, “Wɔ yo daka ka m kɔ miɛ nyiɲgam gusu su na m kɔ kan labari kpa fa kɔ Nyemɛ femɛya n su kere bu gusu, dama ka nyini ti ye Nyemɛ sunmaari m a.” ⁴⁴ Nyini ti, na wɔ bara aye sukan Nyemɛ jɔrɛ ni, tientienbunɔɔ sɔɔm nu bu awɔrɛ n kɛrɛ nu.

5

Kabo Yesu fereeri i susufɔ ciciri su dɛɛm ni

¹ Cɛɛn be na Yesu jina Genesareti kunma kpiri n nɔɔ su, na jama beberebe abara aye i, na bu susun bu beɲgu ka bu ju i bi na bu ti Nyemɛ nɔaniɛ ni. ² Dɔ na wɔ ɲu lee nnyɔ nbem ka bu wo kunma n nɔɔ su. Jombaa tarafɔm n afite ayaki leem wo bu diɛndiem ɲmisi su. ³ Na Yesu awura lee n kun nu, nyini lee n ti Simon dɛɛ wɔ, na Yesu ase Simon ka i sun lee n kɔ kaan. Na Yesu atana lee n nu, na i sukere jama ni.

⁴ Saɲga bo i kere wieeri ni, na wɔ se Simon ka, “Sun lee n na i kɔ ɲgongɔ n nu, na am sandi am diɛndiem na am tara jombaa.” ⁵ Na Simon ase Yesu ka, “M Mɔfɔ, ya yo jumam ni anyumboro anuma kɔɲgue kere fa ba ju haari ni kisa, ya tara má pui. Ama, nzen a se sɔ yiri, m fá diɛndiem n sandi nzue n nu.” ⁶ Na ba fa diɛndiem n asandi nzue n nu, na ba tara jombaa beberebe haari má diɛndiem ni jinaari ka bu sɔn ɔ. ⁷ Nyini ti, ba fa bu saa apaati bu lamokom bo bu wo lee nyiɲga n nu ka bu ba buka bu. Na ba yiɲi jombaam n ago lee nnyɔ n nu, na ba yi haari leem ni jinaari ka bu sa nzue wɔ. ⁸ Saɲga bo Simon Petoro ɲuuri nyini sɔ ni, na wɔ kɔ akutu Yesu jaa

bu ase i ka, “M Mibiε, cinsi m bi bεrε, dama m ti satieyofɔ ɔ.” ⁹ Deke bo i ma i seeri sɔ n la ka, i ni nyingam kεrε ayo alekutura fa kɔ kabo ba tara nyini jombaa beberebe n barasu ni. ¹⁰ Yakobo ni Yohane gusu woori bεrε, bu si la Zεbedi, bu ni Simon sangga tara jombaa n a. Na bu gusu ayo alekutura. Na Yesu ase Simon ka, “Má a ma sere ti u, fite kisa fa kɔ, m má a sutien minem nɔɔ ma m, kabo a tara jombaa ni.” ¹¹ Na ba cin ayi lee n afite nzue n aheme, na ba yaki deke n kεrε bεrε, na ba su i su.

Kabo Yesu tuntuunri kokofɔ be ni

¹² Cεen n be sɔ ɔ, na Yesu wo miε be su, kokofɔ be wo nyini miε n nu. Sangga bo i ŋuuri Yesu sɔ ni, na wɔ ŋmati aba akutu, na wɔ fa i nyunu abutu asiεngu, na wɔ sere i jande ka, “M Mibiε, nzen a koro ka a ma m nya laifiε, a koro ma m nya i.” ¹³ Na Yesu atεnge i saa anana i ŋu na wɔ se i ka, “M koro. Nya laifiε.” Na kokobi n akaba ayaki sɔnɔ ni. ¹⁴ Na Yesu abɔbɔ i ase i ka, “Má a se ka a se be, ama, kɔ na a kɔ fa u ŋu kere Nyeme sayoowa dɔnguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

¹⁵ Ama, haari ni nyini mmɔɔ, na i labari abara aye deke n kεrε, na minem aba i dɔ na bu ba ti Nyeme jɔrε kaanwa n na i tuntun bu tukpaki barasu barasu kεrε na bu nya laifiε. ¹⁶ Ama, yiri ba yo, i yi i ŋu kɔ deke bo minem wo má n wɔ, na i kɔ sere Nyeme.

Kabo Yesu tuntuunri sɔnɔ bo i saam ni i jaam awu ni

¹⁷ Cεen n be sɔ ɔ, Yesu wo minem kere su, na Farasifɔm nbem, ni Yudafɔm Nyeme nɔanie kerefɔm tana bεrε. Bu fiteeri miε miem bo bu wo Galili ni Yudiya awɔrem n nu, ni Yerusalem miε kpiri n nu baari a. Na Nyeme ama Yesu yiko bo i tuntun tukpakifɔm na bu nya laifiε. ¹⁸ Dɔ na mine nbem asɔ sɔnɔ be ni i dasu aba, i saam ni i jaam awu, na bu sumiε bu nyi ka bu fa i wura sɔɔ n nu wɔ, na bu fa i se Yesu nyunu. ¹⁹ Ama, jama n sunnuuri sɔ n dεε ti, ba koro anya má atin. Nyini ti, na ba fa i afun sɔɔ n tii su, na ba fiiti anya fofoe, na ba cɔɔndi i ni i dasu n kεrε ase jama n afien Yesu nyunu. ²⁰ Yesu ŋuuri kabo bu yoori i yarada n sɔ ni, na wɔ se biε n ka, “Ma fa u satie ace u.”

²¹ Na Nyeme nɔanie kerefɔm ni Farasifɔm n abisa bu ŋuŋu nu ka, “Sɔnɔ bɔnɔ la ahin bo i jɔjɔ wura Nyeme ŋgasi nu sɔ a? Be wo má bεrε bo i koro fa minem satie ni bu ŋgasi ce bu, sin Nyeme ŋgumi ŋu.” ²² Na Yesu afa nu fa kɔ bu sunsunni bo bu bita i n su, na wɔ se bu ka, “Nzu ti ye am bita nyini sunsunni ni am ahore su a? ²³ Bɔnɔ ti kekereke a, bo m se ka, ‘Ma fa u satie ace u,’ nzen, ‘Yasu nati’ n a? ²⁴ M kére am ka mini Adamande Wa n la yiko durunya n nu bo m fa satie ni ŋgasi ce.” Na wɔ se sɔnɔ n bo i saam ni i jaam awu n ka, “Wɔrɔ, yasu fa u dasu n na a kɔ awuru.” ²⁵ Kpenɔga na sɔnɔ n ayasu jama n kεrε nyunu, na wɔ fa i dasu n na i sukansi Nyeme sukɔ awuru. ²⁶ Na bu kεrε ayo alekutura agaya, na ba kansu Nyeme, na sere ati bu, bu ŋa, “Nyuma, ya ŋu alekutura sam bo ya nya ŋu má i.”

Kabo Yesu fereeri Levi ka i ba su i su ni

²⁷ Nyini sin, na Yesu afite bεrε, na wɔ kɔ aŋu lampodefɔ be bo bu fere i ka Levi, i tana i juma yoobiri. Na Yesu ase i ka, “Yasu bra na a ba su m su.” ²⁸ Na Levi ayaki deke n kεrε, ayasu asu i su.

²⁹ Na Levi afa Yesu akɔ i dika, na wɔ kɔ ayo di ni nu bambaka, na ba tien bu nɔɔ adi, bu ni lampodefɔm beberebe, ni mine nyinga nbem. ³⁰ Na Farasifɔ nbem ni Nyeme nɔanie kerefɔm nbem bo bu ni bεrε wo ni, aŋuŋuti i, na ba bisa Yesu susufɔm n ka, “Nzu ti ye am ni lampodefɔm, ni satieyofɔm sangga di diire na am nu nzan a?” ³¹ Na Yesu ase bu ka, “Minem bo bu la laifiε n koro má ayirifɔ, má ka bo bu la má laifiε ni koro a. ³² Ma ba má ka m ba fere minem bo bu ŋa bu yo sa bo i kɔ atin su Nyeme dɔ n wɔ, ama, m baari ka m ba fere satieyofɔm wɔ, na bu kaaki bu wo.”

Kabo Yesu kereeri nɔɔ cici jɔre ni

³³ Na mine nbem aba abisa Yesu ka, “Nzu ti ye Yohane dɛɛ susufɔm ni Farasifɔm dɛɛm cici bu nɔɔ na bu sere Nyeme sanɔa kere sanɔa ye u dɛɛm bere di ye bu nu a?”

³⁴ Na Yesu abo bu nu ka, “Am koro mie má konyafɔm ka bu cici bu nɔɔ, sanɔa bo konyafan n toko wo bu do ni. ³⁵ Ama, sanɔa suba bo bu bá yi konyafan n fite bu nu, nyini sanɔa n ye bu nyá cici bu nɔɔ a.”

³⁶ Na Yesu abo ahin miɛnu n akere bu, i ɔa, “Sɔnɔ koro fa má sanvuin fɔfɔre kpa to má tani dawa kunma, nzen i yoori so, sanvuin fɔfɔre ni sɔn dawa n wo, i tó má su. ³⁷ I kaaki ti so o bekun ka be koro fa má nzan nyiiwa fanɔafo go má dundu dawa bebete nu, nzen i yoori so, dundu ni tie wo, na i ká ngbɛɛn, na nzan n kere sɔngi butu.

³⁸ Ama, i ti ye ni ka bu fa nzan nyiiwa fanɔafo go dundu fɔfɔre biiwa nu. ³⁹ Sɔnɔ nya nuuri nzan nyiiwa wieeri, i koro má nzan mone kun. A ti ka i ɔa, ‘Nzan nyiiwa ni ti kpa a.’ ”

6

Kabo Yesu jɔɔ fa kɔɔri Nɔmiiyi cɛɛn jɔre ni

¹ Nɔmiiyi cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be, na ba nunuka i bu saa nu akpese. ² Na Farasifo nbem abisa bu ka, “Nzu ti ye am suyo so a? Nyeme nɔaniɛ kpamaawa n kere ka má be yo so Nɔmiiyi cɛɛn.”

³ Na Yesu abisa bu ka, “Am nya kan má Nyeme Jɔre Kadasi n nu, kabo Feme Davidi yo yoori sanɔa bo ahɔe tiiri i ni i minem na ba si má kabo bu yo n wo, nzen se?”

⁴ Ahɔe n ti, na wo ko awura Nyeme Sereebiri Awuru n nu, na wo fa kpɔnɔ n bo ba fa ama Nyeme ni, na wo di, na wo ma i minem be. Ama, am si ka ya dɛɛ atin n su, Nyeme sayoowa dɔnguyofɔm ngumi di nyini kpɔnɔ n a.” ⁵ Na Yesu ase bu ka, “Mini Adamande Wa ni ti Nɔmiiyi cɛɛn n Mibiɛ a.”

Kabo Yesu tuntunri sɔnɔ asaa fuin be Nɔmiiyi cɛɛn ni

⁶ Na Nɔmiiyi cɛɛn n be bekun, na Yesu ako awura tientienbunɔɔ soɔ n nu, na wo kere minem. Sɔnɔ be woori do, i saa fɔmbɔro awu. ⁷ Nyeme nɔaniɛ kerefɔm ni Farasifɔm nbem woori do, na ba koro ka bu nya ngɛɛ bo bu so Yesu na bu nya i taraabiri. Nyini ti, ba tu bu nyumbaa aniɛ Yesu, na bu nie ka i túntun sɔnɔ asaa fuin n Nɔmiiyi cɛɛn ni, nzen i túntun má i. ⁸ Ama, na Yesu asi bu sunsunni bo bu bita i, na wo se sɔnɔ asaa fuin n ka, “Yasu bra ba jina afien fen.” Na sɔnɔ n ayasu ako ajina do. ⁹ Na Yesu abisa bu ka, “Ya dɛɛ atin n su, atin wo nu ka ya yo sakpa Nɔmiiyi cɛɛn ni, nzen ya yo satie wo? I kaaki ti ye ni ka ya de ngɔɔ, nzen ya kun wo?” ¹⁰ Na Yesu aniɛ bu nyunu abara aye, na wo nya ase sɔnɔ asaa fuin n ka, “Tenɔge u saa ni.” Na sɔnɔ n ayo so, na i saa n ayo fanɔa bekun. ¹¹ Na yaa ati bu agaya, na ba bo i bu afa sesesu kabo bu yo Yesu barasu.

Kabo Yesu yiiri mine buru ni nnyo ka bu yo i jaramasam ni

¹² Nyini sanɔa n na Yesu afun ako buka be su ka i ko sere Nyeme, na wo sere Nyeme nyini kɔngue n kere. ¹³ Sanɔa bo ale ba ciinri ni, na wo fere i susufɔm ni, na wo yi bu nu, buru ni nnyo, na wo fa bu ayo i jaramasam. ¹⁴ Bere la Simon bo Yesu tuunri i duma ka Petoro ni, ni i niema bo bu fere i ka Andere ni, ni Yakobo, ni Yohane, ni Filipu, ni Batolomeyo, ¹⁵ ni Matio, ni Tomasi, ni Yakobo bo i si la Alafeyo ni, ni Simon bo i tu ngoni fa ko i asien su ni, ¹⁶ ni Yudasi bo i si la Yakobo ni, ni Yudasi Isikariyoti bo i ba tɔori Yesu ni.

Kabo Yesu kaanri Nyeme jɔre na i ma tukpakifɔm nyaari laifte ni

¹⁷ Na Yesu ni i jaramasam n accɔndi buka n aba ajina awɔre be nu, i susufɔm nyinɔam beberebe woori do, ni jama beberebe. Bu fiteeri Yudiya dɛɛ awɔre n kere

nu wɔ, ni Yerusalem miε kpiri n nu, ni Tiro ni Sidon awɔre n bo i wo tieku n nɔɔ su ni. ¹⁸ Bu baari ka bu ba ti i kereewa n wɔ, na i tuntun bu, na minem bo ajinim wo bu ηu kere bu yaari n gusu aba, na wɔ tuntun bu, na ba nya laifie. ¹⁹ Minem kere boro bu nyi wɔ, na bu fa bu saa kan i, dama yiko fite i dɔ ye bu kere nya laifie a.

Kabo terefie ni anyumboro ti barasu ni

²⁰ Na Yesu anie i susufɔm, na wɔ se bu ka,
 “Amberε bo am ti jaarifɔm ni,
 terefie wo am dɔ,
 dama Nyemε femeya n ti am dεε wɔ.

²¹ Amberε bo ahɔε ati am kisa ni,
 terefie wo am dɔ,
 dama Nyemε bá ma am akunnuyi.

Amberε bo am ahore asaaki kisa ni,
 terefie wo am dɔ,
 dama Nyemε bá ma am ahoreda.

²² Amberε bo minem bá kpɔ am, na bu kéte am, na bu kpíε am nzukɔ, na bu sáaki am duma ka am ti satieyofɔm ni, nzen i kere fite ka mini Adamande Wa n dεε ti, terefie wo am dɔ. ²³ Bu bá yoori am sɔ, am ma am ahore jɔ, na am tutu am kɔm. Dama am bá nya ηkatɔ bambaka Nyemε dɔ. Kabo bu nam yo yoori dawa dεε Nyemε nɔanie kanfɔm n lεε.

²⁴ Ama, amberε bo am la ajεke beberebe kisa ni,
 am bá ηu anyumboro bambaka,
 dama am adu mɔ ayo am koroowa n dεε ti.

²⁵ Amberε bo am adi na am kunnu ayi kisa ni,
 am bá ηu anyumboro bambaka,
 dama ahɔε bá ti am.

Amberε bo am siri kisa ni,
 am bá ηu anyumboro bambaka,
 dama am bá sun haari na am bá nya má nyunvuin.

²⁶ Amberε bo sɔnɔ kere kansii am ni, am bá ηu anyumboro bambaka, dama sɔ ye bu nam yo kansii kɔrefɔm n bo bu yo bu ηu ka bu ti Nyemε nɔanie kanfɔm n a.”

Kabo i ti ye ni ka ya koro ya kpɔfɔm barasu ni

²⁷ Na Yesu ase bu ka, “Ama, m se amberε bo am suso am sui na am ti n wɔ lεε ka, am koro am kpɔfɔm, na am yo sakpa ma bo bu yo am satie ni. ²⁸ Minem bo bu jɔjɔ nɔanie tie gɔ am ηu ni, am yo bu kisi, na minem bo bu kere am wuwuruwa ni, am kaaki sere Nyemε ma bu. ²⁹ Nzen be fin u nyɔɔnu, kaaki bue nyinga n gusu ma i na i fin i buka su, na nzen be de u tanlεε bambaka, kaba fa u tanlεε kaan n bo i wo i bu mmɔɔ n buka i su. ³⁰ Sɔnɔ kere bo i sere u deke be, má a kpíε i, na sɔnɔ kere bo i fa u deke be, má a bisa i busu kun. ³¹ Kabo am koro ka minem yo ma am ni, am yo i sɔ ma bu.”

³² Na wɔ kaaki ase bu ka, “Nzen am nya koroori minem bo bu koro am ni ηgumi, i kansii la bɔnɔ ɔ, ye am ba nya i a? Dama haari satieyofɔm mmɔɔ yo sɔ ɔ. ³³ Na nzen am nya yoori sakpa maari minem bo bu yo sakpa ma am ni, i kansii la bɔnɔ ɔ? Dama haari satieyofɔm mmɔɔ yo sɔ ɔ. ³⁴ Na nzen am fa nenje fie minem bo am sunsun ka bu bá tɔ am kaari ni, i kansii la bɔnɔ ɔ, ye am bá nya i a? Dama haari satieyofɔm mmɔɔ fie bu benju satieyofɔm wɔ, na bu bá de i ηusu sɔ. ³⁵ Ama, wɔ yo daka ka am koro am kpɔfɔm, na am yo sakpa ma bu, na má am fie be nenje be, na am sunsun ka i tɔ kaari. Dɔ ye am nyá i ηkatɔ bambaka a, na am yó Micera Nyemε Kpiri ni nbaam. Dama yiri yo sakpa ma satieyofɔm, ni bo bu si má aye ni. ³⁶ Am si anjunfɔ kabo am Si Nyemε si anjunfɔ ni.”

Kabo Yesu na má ya jɔjɔ be jɔrɛ jaraki i ni

³⁷ Na Yesu ase bu ka, “Má am jɔjɔ be jɔrɛ na am jaraki i, na Nyemɛ gusu dí má am jɔrɛ na i járaki am. Má am ma bu di be jɔrɛ cin i sui, na Nyemɛ gusu dí má am jɔrɛ cin má am sui. Am fa minem satie ce bu, na Nyemɛ gusu fá am dɛɛ ce am. ³⁸ Am ma minem deke bo bu koro, na Nyemɛ gusu má am. Kabo Nyemɛ má am n la ka, i fá gɔŋgɔ dɔŋgu susu ma am a, na i yí kɔ butu. Nyini ti, gɔŋgɔ bo am fa susu ma minem ni, sɔ ye Nyemɛ gusu fá susu ma am a.”

³⁹ Na Yesu abo ahin anyunderɛ n akere bu, i na, “Anyinsin koro bita má i bengu anyinsin kpama, nzen i yoori sɔ, bu nnyɔ n kere kó to kunma nu wɔ. ⁴⁰ Sɔnsɔnfɔ tara má i kerefɔ, ama, sanɓa bo wɔ ba asɔnsɔn juma n awie, i ni i kerefɔ n kere ase wɔ lɛɛ.”

⁴¹ Na wɔ bisa bu ka, “Nzu ti ye a nie ɲu wura mbaa n bo i wo u niwa nyumbaa nu, ye a nie ɲu má yeenzin n bo i wo u dɛɛ nyumbaa n nu a? ⁴² A yo sɛ koro se u niwa ka, ‘Ma m yi wura mbaa n bo i wo u nyumbaa nu ni,’ ye a ɲu má yeenzin n bo i wo u dɛɛ nyumbaa n nu n a? Wɔrɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyumi, na a yí wura mbaa n bo i wo u niwa n dɛɛ nyumbaa nu ni.”

Kabo Yesu na ya fa minem sayoowa fa si kabo bu ti ni

⁴³ Na Yesu ase ka, “Baka bo i ti kpa su má suuwa tie, na baka bo i ti má kpa gusu su má suuwa kpa. ⁴⁴ Baka kere suuwa kere kabo baka n ti barasu a. Sɔnɔ kere si ka a koro titi má damba buwe baka su. A kaaki koro titi má cacabu kpanji baka su. ⁴⁵ Sɔnɔ kpa ni i deke kpa kere bo i bita i ahore su, fa sakpa ba a. Na sɔnɔ tie gusu ni i deke tie bo i bita i ahore su, fa satie ba a. Dama dekem bo am sunsun bu am ahore su sanɓa kere n ye am jɔjɔ bu a.”

Miɛnu fa kɔ ataari tafɔ nnyɔ nbem jɔrɛ

⁴⁶ Na Yesu akaaki ase ka, “Nzu ti ye am fere m ka, ‘Ya Mibiɛ, ya Mibiɛ,’ ye am yo má deke bo m se ka am yo a? ⁴⁷ Sɔnɔ kere bo i baari m dɔ, na i tiiri m nɔaniem n na i deeru bu na i fa yoori juma, m kere am kabo i mi ti barasu. ⁴⁸ I mi ti ka sɔnɔ bo i na i tá awuru na i fundu kunma ɲgɔŋgɔ na i kɔ kpura yabuɛ, na i se sɔɔ n jaa. Wɔmbu koro wura na nzuetinm kere koro yi sandi ba kpura awuru ni, i yó má i pui, dama ataari n ayo fanɓa n ti. ⁴⁹ Ama, sɔnɔ kere bo i tiiri m nɔaniem n na wɔ de má i, afa ayo má juma, i mi ti ka sɔnɔ bo i taari i awuru na wɔ se má i jaa yabuɛ su n wɔ. Wɔmbu ba wuraari na nzuetinm kere ba yi kpura nyini awuru ni, na i kaba to fanɓa su bo i busu ɲu má n wɔ.”

7

Kabo soja kpɛn be yoori Yesu yarada agaya ni

¹ Sanɓa bo Yesu jɔjɔri minem dɔ ni nyini nɔaniem n kere wieeri ni, na wɔ kɔ Kapenam miɛ kpiri n nu. ² Na Romafɔm soja kpɛn be wo dɔ, i la i akɔɔ bo i koro i agaya, wɔ da tukpaki sukoro ka i wu. ³ Soja kpɛn n tiiri Yesu ɲga ni, na wɔ sunma Yudaɓm nkpienkpienm nbem ka bu kɔ sere i ka i ba tuntun i akɔɔ n na i nya laifie. ⁴ Na ba kɔ Yesu dɔ akɔ asere i jande ka, “I ti ye ni ka a ba buka ahin soja kpɛn ni. ⁵ Dama i koro ya minem n agaya haari wɔ ta tientienbunɔɔ sɔɔ ama ya.” ⁶ Dɔ na Yesu asu bu su akɔ. Sanɓa bo bu kɔ dodoori awuru n kaan sɔ ni, na soja kpɛn n asunma i danfom Yesu dɔ, bu kɔ juuri ni, na ba se i ka, “Ya Mibiɛ, soja kpɛn n na má a fie u ɲu. I na i ti kaan ni bo a ba i dika. ⁷ Nyini ti ye i na wɔ bu má ka i ti pui bo i ba u nyunu n a. Ama, haari a maari nɔaniɛ n mmɔɔ, i akɔɔ ni nyá laifie. ⁸ Dama yiri mmɔɔ ni i tii wo sɔnɔ saa nu wɔ, na yiri gusu nya la i dɛɛ sojam bo i nie bu su. Na bo i nya se i ka, ‘Kɔ fɛn,’ na i kɔ, na i se nyiŋga gusu ka, ‘Bra fɛn,’ na i ba. Na i se i

akoo n gusu ka, ‘Yo ahin,’ na i yo i.” ⁹ Saŋga bo Yesu tiiri so ni, na wo yo i alekutura, na wo kaaki anie jama n bo bu su i su n na wo se ka, “M suse am wo lee, ka, ma nya anu ma sono bo i la yarada agaya ka ahin sono n nusu, haari fa saŋga ni Yisarelifom mmoo.” ¹⁰ Na minem bo soja kpien n sunmaari bu n akpie bu nyi ako i dika. Bu ko juuri, na ba nu ka i akoo n anya laifie.

Kabo Yesu tengeeri kunafo be wa i yiwee nu ni

¹¹ Nyini sin, wo ce ma, na Yesu ako mie kpri be bo bu fere i ka Nayin n su, i ni i susufom, ni jama beberebe kooi a. ¹² Saŋga bo i ko na i wura mie n nu ni, kpena i ni minem aye, sono be awu mie n nu, bu suso i fite na bu ko se i. Sono n bo wo wu n ti bara kunafo be wa a, i wa kere la yiri ngumi kpein wo. Na jama beberebe afite mie n nu susu kunafo n su. ¹³ Mibie Yesu n nuuri kunafo n so ni, na anunfo ati i, na wo se i ka, “Ma a sun.” ¹⁴ Na Yesu ako afa i saa akan dangu n bo fun n da su ni, na minem bo bu so i n aka ajina. Na Yesu ase ka, “Gbefene, m suse u wo lee, yasu.” ¹⁵ Do na gbefene n ayasu atana na wo jojo minem do, na Yesu akaaki afa i ama i ni. ¹⁶ Na sere ati sono kere, na ba kansu Nyeme, na ba se bu nu nu ka, “Nyeme nonie kanfo bambaka be aba ya do. Nyeme aba anie i minem busu.” ¹⁷ Sa n bo Yesu yoori i n dee ti, na i labari n abara aye Yudiya awore n kere, ni aworem kere bo bu dodo bere ni.

Kabo Yohane Nyeme Nzue Biefo n sunmaari i susufom Yesu do ni

¹⁸ Saŋga bo Yohane dee susufom ba kaanri nyini jorem kere kereeri i ni, na wo fere bu mine nnyo, ¹⁹ na wo sunma bu Mibie Yesu n do ka bu ko bisa i ka, “Woro ye bu yo seeri ka a ba n a, nzen ya nminda sono fofore be wo?” ²⁰ Bu ba juuri Yesu do n na ba se i ka, “Yohane Nyeme Nzue Biefo ni sunmaari ya u do a, na ya ba bisa u ka, ‘Woro ye bu yo seeri ka a ba n a, nzen ya nminda sono fofore be wo?’ ” ²¹ Nyini saŋga n nu, na Yesu atuntun mine beberebe bo bu la tukpaki barasu barasum, na wo fon ayi ajinim afite minem nu, na wo ma anyinsinm beberebe anu asi. ²² Na Yesu ase minem bo Yohane sunmaari bu n ka, “Am kpie am nyi na am ko se Yohane fa ko sam bo am ati bu na am anu bu ni, ka anyinsinm anu asi, wobukam akoro anati, kokofom anya laifie, asuturim ati asui, minem bo ba wu n atenge, na yaarifom gusu akoro ati labari kpa ni. ²³ Terefie wo minem bo bu yo m yarada na bu la ma sika be, ni mini n do.”

²⁴ Saŋga bo minem bo Yohane sunmaari bu n ko wieeri ni, na Yesu ajojo jama n do, fa ko Yohane nusu jore. I na, “Saŋga bo am fite kooi Yohane do boro kpantain n nu ni, am kooi ka am ko nu nzu wo? Am kooi ka am ko nu sono bo i ti ka barankpaati fofoe bo anuma n kankan i wo? ²⁵ Nzen ma nyini, am fite kooi ka am ko nu nzu wo? Am na am ko nu sono bo i wura sutura kpakpa a, nzen se? Ai, am si ka minem bo bu wura nyini suturam na bu di fiefie ni, bu wo nfemem dika a. ²⁶ Nzen ma nyini, am kooi ka am ko nu nzu wo? Am kooi ka am ko nu Nyeme nonie kanfo o, nzen se? Ee, m suse am wo lee, ka, am anu sono bo i tara Nyeme nonie kanfo. ²⁷ Dama Yohane ye bu yo kereeri i nusu jore, Nyeme jore Kadasi n nu ka,

‘Nyeme na o,

‘M du mo sunma m sunmafo n na i du u mo,

yiri ko yo atin n danggu se u a.’ ’ ’ ”

²⁸ Do na Yesu ase bu ka, “M suse am wo lee, ka, sono wo ma durunya n nu fen bo i tara Yohane. Ama, sono kere bo i ti kaan Nyeme femeya n nu n tara yiri Yohane.”

²⁹ Minem kere bo bu woori do ni, haari fa saŋga ni lampodefom ni, tiiri kabo Yesu jojoori ni, na ba soro su ka Nyeme dee atin ni ti atin nahore a, dama bu ma Yohane adu mo abie bu Nyeme nzue. ³⁰ Ama, na Farasifom ni Nyeme nonie kerefom n akete kabo Nyeme kereeri ka bu yo ni, dama ba kete ka ma Yohane bie bu Nyeme nzue.

³¹ Na Yesu ase bekun ka, “Ye m fá nzu fa sunsun kabo nyumafó ti a? Bu ti ka nzu wó? ³² Bu ti ka nbaatuma kan kanm bo bu tana góosu wó, na bu sufere bu benngu, bu ña, ‘Ya kan tere ama am, ama, am abo má kereba.

Ya di sɛɛ jue ama am, ama, am asun má.’

³³ Deke bo i ti na m se sɔ n la ka, Yohane Nyemɛ Nzue Biɛfó n ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na am ase ka ajini wo i ñu. ³⁴ Ama, mini Adamande Wa n ba juuri, na m ni mine asanga adi, na ya sangga anu, na am ase ka, ‘Am niɛ, ahin sɔnɔ n yiri, i ti ayaakpirifó ɔ, na i nu nzan nahɔre su. Wó tara lampodefóm, ni satieyofóm danfoya.’ ³⁵ Tó, minem kere bo bu su Nyemɛ dɛɛ alecira n atin n su ni, bere kere ka i ti nahɔre a.”

Kabo Yesu kɔɔri Simon Farasifó n dika ni

³⁶ Farasifó be yo baandiiri Yesu a, ka i bra i dika ba di diire, na Yesu akó i dika, na wó kó awura ka i di diire ni. ³⁷ Bara be woori nyini miɛ n nu, i ti satieyofó ɔ. I tiiri ka Yesu wo Farasifó n dika n wo diire di su, na wó fa tulaalɛ nvanvani tuwa kun aba. ³⁸ Na wó ba ajina Yesu jaa dika, na i susun, na i nyunvuin sugó Yesu jaa su. Na wó kutu aso i jaa nu, na wó fa i tiɛmɛ tintiin anunuka i, na wó kaaki tulaalɛ n agó i jaa nnyó n kere su. ³⁹ Na Farasifó n bo i baandiiri Yesu n ase i kunnu ka, “Ahin sɔnɔ n ti má Nyemɛ nɔaniɛ kanfó, nzen má i ti Nyemɛ nɔaniɛ kanfó, má i si ahin bara n bo i sufa i saa kan i n kabo i woowa ti barasu, má i si ka i ti satieyofó.” ⁴⁰ Dó na Yesu ase i ka, “Simon, m koro ka m se u jore be.” Na wó se Yesu ka, “Ya Kerefó, se m.” ⁴¹ Na Yesu ase i ka, “Mine nnyó nbem wo bere a, na ba kó ñwaafo be dó akó afe ñwaa. Kun dɛɛ kaari n sunnu má, ama, kun n yiri dɛɛ sunnu, i kpaaki ciciiri dɛɛ n ñusu buru. ⁴² Bu mine nnyó n nu, bu be mmó akoro ató má ñwaafo n kaari ni, nyini ti, na wó yaki ñwaa n ace bu. Ye a sunsun ka bu mine nnyó n nu, ñma koro ñwaafo n agaya?” ⁴³ Na Simon abó Yesu nu ka, “Mini dó, m sunsun ka sɔnɔ n bo i kaari sunnuuri ni, yiri koro i agaya.” Na Yesu ase i ka, “A la nahɔre.” ⁴⁴ Dó na Yesu ace anie bara ni, na wó se Simon ka, “M ña a ñu ahin bara ni e? M ba juuri u dika n nu ni, a ma má m nzue ka m ñmisi m jaa, ama, yiri afa i nyunvuin aɛmisi m jaa, ye wó fa i tiɛmɛ n anunuka m jaa n na i wu. ⁴⁵ Bekun, a biti má m na a yo m anse ni ba mmó, ama, kabo m ba juuri, yiri akere kabo i koro m, wó yaki má m jaa so nu. ⁴⁶ A fá má ñguin ka a kpakpa má m tii, ama, yiri afa tulaalɛ akaaki agó m jaa su. ⁴⁷ Nyini ti, m suse u wó lɛɛ ka, i satie sunnu ye Nyemɛ afa i kere ace i a, nyini dɛɛ ti, wó kere m i koro agaya. Ama, sɔnɔ bo i satie sunnu má na Nyemɛ afa ace i a, i mi koro mmó sunnu má.” ⁴⁸ Dó na Yesu ase bara n ka, “Ma fa u satie kere ace u.” ⁴⁹ Mine nyingam n bo bere gusu tana wo diire n di su n tiiri sɔ ni, na ba bisa bu ñuñu nu ka, “Ñma la ahin sɔnɔmbiri n bo i koro fa minem satie ce bu a?” ⁵⁰ Na Yesu akaaki ase bara n ka, “Yarada n bo a yo m ni, nyini ma a nya u tii a. Kó awuru ni ahoreda.”

8

Kabo nbara nbem bukaari Yesu barasu ni

¹ Nyini sin na Yesu ajengbe miɛ kpirim, ni aheme aheme miem su, na i sukan labari kpa n fa kó Nyemɛ femeya n su. I ni i susufó buru ni nnyóm ni kɔɔri a. ² Na nbara beberebe nbem gusu asu i su. Bu nbem ye i tuntuunri bu tukpaki barasu barasu n a. Bu kun ye i fon yiiri ajinim nso fiteeri i ñu n a, bu fere i ka Mariya Magadalafo ni, ³ ni kun bo bu fere i ka Yowana, na i hun la sɔnɔ be bo bu fere i ka Cusa na i niɛ Femɛ Herode dika n kere su ni, ni bara bo bu fere i ka Susanna ni. Nyini nbaram kere fa bu tienggu deke bo bu la i wó, na ba fa abuka Yesu ni i susufóm ni.

Miɛnu fa kó kabo dɔdɔrifó be sandiiri alembaa ni

⁴ Na jama beberebe atien bu nɔɔ Yesu dɔ, bu fiteeri miɛ su miɛ su baari a. Na wɔ bo bu ahin miɛnu ni, i ŋa, ⁵ “Dɔdɔɔrifɔ be fiteeri sɔ ɔ, ka i kɔ sandi alembaa. Saŋga bo i wo sandi su ni, na nbem atɔtɔ atin n nɔɔ, na minem atientien su asin, na anumam aba atambu bu ami. ⁶ Na nbem atɔtɔ tieka su, na wɔ fi, wɔ cɛ má na wɔ waandi, dama niniki awo má asien n bu n dɛɛ ti. ⁷ Na alembaa ni nbem atɔtɔ lɔlɔɛ nu, na lɔlɔɛ n anyi akata i ŋu. ⁸ Ama, na nbem atɔtɔ asien kpa su, na wɔ nyi awura mbaa zɔi zɔi.” Yesu seeri sɔ wieeri ni, na wɔ nya atien kpa ase ka, “Bo i koro ka i ti ahin jɔɛ n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

⁹ Dɔ na Yesu susufɔm n abisa i nyini miɛnu n bu, ¹⁰ na wɔ bo bu nu ka, “Ambɛɛ ye Nyemɛ ama am asi i femeya n nu asiri jɔɛ kɛɛ a, ama, bo ba ka ni, m bobo i miɛnu kere bu a. Adena i yó kabo ba kɛɛ i Nyemɛ Jɔɛ Kadasi n nu ni, ka, ‘Bu níɛ wɔ, ama, bu ŋú má pui. Bu só bu sui wɔ, ama, bu tí má deke n bo bu so bu sui ka bu ti i n bu.’ ”

Kabo Yesu kereeri miɛnu n bu ni

¹¹ Na Yesu asa su ase bu ka, “Tɔ, miɛnu n bo m boori i n bu yaa. Alembaa n ti Nyemɛ nɔɔniɛ n wɔ lɛɛ. ¹² Alembaa n bo bu tɔtɔɔri atin nɔɔ n la minem bo bu ti Nyemɛ nɔɔniɛ ni, i cɛ má, na Sitana bá yi i fite bu ahore su, adena má bu yó yarada na bu nyá tiide. ¹³ Alembaa n bo bu tɔtɔɔri tieka su n la minem bo bu ti Nyemɛ nɔɔniɛ n na bu de i ni ahorejɔ, ama, i da má bu ahore su. Bu kaaki ti ka alembaa n bo i bunlui akpama abi má n wɔ. I woori bu dɔ kaan sɔ, na saŋga bo kekereke be ba tuuri bu, a ŋu ka ba fa ati. ¹⁴ Alembaa n bo bu tɔtɔɔri lɔlɔɛ nu n la minem bo bu nya tiiri Nyemɛ nɔɔniɛ ni na bu su i atin su, a ŋu ka bu sunsunni kɛɛ wo kabo bu yó na bu asiri káta su, na bu nyá durunya n nu ajekem, na bu yó bu koroowa, a ŋu ka Nyemɛ nɔɔniɛ n koro da má bu ahore su na i yo juma. Bu ti ka alembaa bo i bi má n wɔ. ¹⁵ Ama, alembaa n bo bu tɔtɔɔri asien kpa su n la minem bo bu ti Nyemɛ nɔɔniɛ n na bu de i ni bu ahore fofoe nahɔɛ su, na bu de i ni bu saa nnyɔ, na bu mindi bita i, na bu fa i yo juma ni.”

Kabo sɔnɔ koro so má sin su na i fa fiɛ ni

¹⁶ Na Yesu ase ka, “Sɔnɔ be nya so má fitana su na i fa gaŋga butu su, wara i fa se gado bu, ama, i fa taka deke su aŋgoro wɔ, adena minem bo bu ba wura awuru n nu n koro ŋu asi. ¹⁷ Deke be wo má bere bo i wo fiɛwa nu na bu bá ŋu má i, deke be gusu wo má bere bo i wo asiri nu na bu bá si má i. ¹⁸ Nyini dɛɛ ti, am si am ŋu sa ni kabo am ti nɔɔniɛ n barasu ni. Dama sɔnɔ kɛɛ bo wɔ nya deke be Nyemɛ dɔ na i mi si i bita, Nyemɛ búka i su wɔ, ama, bo i si má i bita, haari ni nyini kaan n bo i sunsun ka wɔ nya i ni, Nyemɛ dé i dɔ ɔ.”

Minem bo bu ti Yesu ni, ni i ninbaam nahɔɛ su n jɔɛ

¹⁹ Na Yesu ni, ni i niɛmam aba i dɔ, ama, jama sunnuuri i dɔ n dɛɛ ti, ba koro aju má i bi. ²⁰ Na be ase i ka, “M Mibiɛ, u ni, ni u niɛmam jina dasin koro u.” ²¹ Na Yesu ase bu ka, “M ni, ni m niɛmam la minem bo bu ti Nyemɛ nɔɔniɛ n na bu de i na bu fa yo juma n wɔ.”

Kabo Yesu kereeri ka i la yiko tara aŋuma ni nzue ni

²² Cɛɛn n be sɔ ɔ, na Yesu ni i susufɔm n awura lee nu, na wɔ se bu ka, “Am ma ya kpiɛ kɔ kunma kpiri n buɛkun dɔ.” Nyini ti, na ba yasu na bu kɔ. ²³ Bu wo kɔ su ni, na Yesu adaafi, na aŋuma bambaka be ayasu na i subo nzue gɔ lee n nu. Má lee ni suyi ni nzue wɔ, na anyumboro atu bu. ²⁴ Na Yesu susufɔm n akɔ atɛŋge i, na ba se

i ka, “Ya Mɔfɔ, ya Mɔfɔ e, ya wu awie.” Na Yesu ayasu, na wɔ tien nzue n ni anjuma n bo i subo n ɲu, na ba tara, na dika n atara jum. ²⁵ Dɔ na Yesu ase i susufɔm ni ka, “Nzu ti ye am yo má m yarada a?” Na ba yo alekutura na sere akaaki ati bu agaya, na ba bisa bu ɲɲu nu ka, “Nzu sɔnɔmbiri barasu la ahin bo i ma anjuma ni nzue mmɔɔ nɔɔ na bu de i a?”

Kabo Yesu fɔn yiiri ajinim fiteeri sɔnɔ be ɲu ni

²⁶ Na Yesu ni i susufɔm n akpie kunma kpiri n akɔ aju Gerasafɔm dɛɛ awɔrɛ n nu, na kunma kpiri n wo i ni Galili dɛɛ awɔrɛ n afien ni. ²⁷ Yesu fiteeri lee n nu ni, na mie n nu sɔnɔ be aba akpa i atin, ajinim wo i ɲu, wɔ cɛ, i nati i bu ɲgbɛɛn wɔ saɲga kɛrɛ, i da má awuru, má ka faɲkunma nu. ²⁸ I ɲuuri Yesu ni, na wɔ bo awie kpa, na wɔ kutu haari Yesu jaa bu, na wɔ ciindi ase ka, “Yesu, Micɛra Nyɛmɛ Kpiri n Wa, a koro nzu ya nu fɛn a? M sere u wɔ ka, má a ma m ɲu anyumboro.” ²⁹ Deke bo i ti na i seeri sɔ n la ka, Yesu ama ajinim n nɔɔ ka bu fite yaki i. Saɲga kɛrɛ saɲga ajinim n fun i ɲu wɔ, haari ni bo bu niɛ i dika, na bu bo i tobari, na bu wura i jɔrɔkɔ buka su ni, i sandi i kɛrɛ wɔ, na ajinim n fa i kɔ boro kpantain n nu.

³⁰ Na Yesu abisa i ka, “Bu fere u sɛ?” Na wɔ bo i nu ka, “Bu fere m ka Jama Beberɛbefɔ.” Deke bo i ti na i seeri sɔ n la ka, ajinim beberɛbe wo i ɲu wɔ. ³¹ Na ba sere Yesu jande ka má i fɔn bu kɔ wura kunma n bo i kɔ ɲgɔɲgɔ na i la má awieeri n nu.

³² Nyini saɲga afam beberɛbe wo dodo bɛrɛ, bu wo buka be su sudi, na ajinim n asere Yesu ka i ma bu kɔ fun afam n ɲu, na wɔ ma bu atin. ³³ Na ba fite ayaki sɔnɔ ni, na ba kɔ afun afam n ɲu. Dika n nu bɛrɛ, na bu kɛrɛ aɲmati acɔɔndi akɔ ato kunma kpiri nzue n nu, na nzue n adi bu.

³⁴ Afa sasafɔm n ɲuuri nyini n sɔ ni, na ba ɲmati akɔ abo ndoori mie kunnu, ni ahɛmɛ ahɛmɛ kɛrɛ su. ³⁵ Na minɛm aba na bu ba niɛ sa n bo wɔ yo ni, na ba ba Yesu dɔ, aɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su. Dɔ na sere ati bu. ³⁶ Na minɛm n bo bu ɲuuri sa n yoobiri ni, akan jɔrɛ n kɛrɛ akere jama n kabo i ba yoori na sɔnɔ n bo ajinim yo woori i ɲu n anya laifɛ ni. ³⁷ Na minɛm kɛrɛ bo bu fite nyini awɔrɛ n nu n asere Yesu jande ka, i yasu bu awɔrɛ n nu bɛrɛ, dama sere ati bu agaya. Na Yesu ayasu awura lee nu ka i kɔ.

³⁸ Dɔ na sɔnɔ n bo ajinim afite ayaki i n asere Yesu ka, i ma i su i su. Ama, Yesu asoro má i su, na wɔ se i ka, ³⁹ “Kpie u nyi kɔ awuru, na a kɔ kan kere minɛm fa kɔ sakpa n bo Nyɛmɛ ayo ama u n su.” Na sɔnɔ n akpie i nyi akɔ akan akere mie n nufɔm kɛrɛ fa kɔ sakpa n kɛrɛ bo Yesu ayo ama i ni.

Bara tukpakifɔ be, ni baabara be yiwee jɔrɛ

⁴⁰ Saɲga bo Yesu kpieeri i nyi kɔ juuri kunma kpiri n buekun dɔ ni, i kɔ ɲu ka jama n atien bu nɔɔ sunminda i wɔ, na ba yo i anse ni ba. ⁴¹ Dɔ na sɔnɔ be aba Yesu dɔ, yiri ti kpien bo i niɛ bu tientienbunɔɔ sɔɔ n su a, bu fere i ka Yarusi. Na wɔ ba akutu asiɲngu Yesu jaa bu asere i ka, jande i bra i dika, ⁴² dama i wa baabara kun n kpein bo i la i n suwu, i la afɔ buru ni nnyɔ ɔ.

Yesu wo kɔ su n na jama n amie i ɲu agaya. ⁴³ Bara be woori jama n nu, i bita abieeri i afɔ buru ni nnyɔ lɛɛ, bo i kpu na i kpie má, ama, be akoro atuntun má i na i nya laifɛ. ⁴⁴ Na wɔ sakati awura jama n nu Yesu sin, afa i saa akan Yesu tanlɛɛ n jaa bu ni, kpenɲa na abieeri n ajina. ⁴⁵ Na Yesu abisa ka, “Nma fa i saa kaanri m a?” Na sɔnɔ kɛrɛ ase ka ba si má, na Petoro ase i ka, “Ya Mɔfɔ, wɔrɔ mmɔɔ ɲu kabo jama n abara aye na bu mie u ɲu barasu.” ⁴⁶ Ama, na Yesu ase ka, “Sɔnɔ be afa i saa akan m, dama ma fa nu ka m yiko n be afite m ɲunie nu akɔ ayo juma.” ⁴⁷ Na bara n aɲu ka i koro fie má i ɲu, na wɔ ba ajina Yesu nyunu, i ɲunie kɛrɛ subobo i. Na wɔ kutu haari Yesu jaa bu akan jɔrɛ n akere i, jama n kɛrɛ nyunu, kabo i ba yoori na i kaba nyaari

laifíe ni. ⁴⁸ Na Yesu ase i ka, “M wa, yarada n bo ayo m ni, yiri ma a nya laifíe a. Ko awuru ni ahoreda.”

⁴⁹ San̄ga n bo Yesu toko wo j̄ōj̄ō su ni, na s̄ōn̄ō be afite tientienbun̄ō s̄ō n kpien n dika aba ase i ka, “U wa n wo má b̄ere. Nyini ti, má a dama ya Keref̄ō n kun.” ⁵⁰ Ama, na Yesu ati j̄ore n na wo se baa n si n ka, “Má a ma s̄ere ti u, w̄ōō yo m yarada, i nyá laifíe.” ⁵¹ Bu k̄ō juuri kpien n dika n nu ni, w̄ō soro má su, na be wura buka i su, má ka Petoro, ni Yakobo, ni i niema Yohane, ni baa n si, ni i ni. ⁵² Minem k̄ere bo bu woori d̄ō n wo awie bo su w̄ō, na bu sukoko. Nyini d̄ee ti, na Yesu ase ka, “Má am sun, w̄ō wu má, w̄ō daafi w̄ō.” ⁵³ Na ba siri i, dama bu si ka w̄ō wu w̄ō. ⁵⁴ Ama, na Yesu ak̄ō atara i saa, na w̄ō tien kpa ase i ka, “M wa, yasu jina.” ⁵⁵ Na w̄ō nya nḡōō bekun, na w̄ō kaba ayasu ajina, na Yesu ase ka bu ma baa n deke be na i di. ⁵⁶ Na baa n si, ni i ni ayo alekutura ak̄ō asin su, ama, na Yesu ab̄ōb̄ō bu ni nah̄ore su ka, má bu ma be si sa n bo w̄ō yo ni.

9

Kabo Yesu sunmaari i susuf̄ō buru ni nnȳom ni

¹ Na Yesu afere i susuf̄ō buru ni nnȳom ni, na w̄ō tien bu n̄ōō, na w̄ō ma bu yiko ka bu k̄ō suf̄on̄ yi ajini barasu barasum k̄ere fite minem ŋu, na bu ma tukpakif̄om nya laifíe. ² D̄ō na w̄ō sunma bu ka bu k̄ō kan Nyem̄e j̄ore fa k̄ō kabo Nyem̄e bá nīe i minem su ni, na bu tuntun tukpakif̄om na bu nya laifíe, ³ na w̄ō se bu ka, “Má am fa puitiripui k̄ō ahin atin n bo m susunma am ni, kpama o, kuruku o, diire o, ŋwaa o. Má am fa tanl̄ēe be mm̄ōō buka bo am wura i n su. ⁴ Am k̄ō juuri mīe be su, na awuru k̄ere bo am k̄ō wuraari nu, am ka nyini awuru n nu haari am bá fite mīe n nu. ⁵ Sasu bekun, mīe bo am k̄ō wuraari nu, na ba de má am w̄ōf̄ō, am fite yaki nyini mīe ni, na am kp̄on̄kp̄on̄ yi am jaa tuturi k̄ere. Nyini dí daani k̄ere bu ka bu woowa ti má kpa.” ⁶ Na i jaramasam n ak̄ō ajengbe abara aye mīe mīem su akan labari kpa n j̄ore akere minem deke n k̄ere bo bu k̄ōri ni, na ba tuntun tukpakif̄om na ba nya laifíe.

Kabo F̄eme Herode birisi fa k̄ōri Yesu sayoowam su ni

⁷ Na F̄eme Herode ati sa n k̄ere bo Yesu ayo i ni, na w̄ō birisi, dama mine nbem ŋa Yohane Nyem̄e Nzue Bīef̄ō n ye w̄ō tenge i yiwee n nu a, ⁸ ye nbem ŋa Nyem̄e n̄ōan̄ie kanf̄ō Eliya ye w̄ō yi i ŋu afite fofoe nu, na nbem gusu ase ka dawa d̄ee Nyem̄e n̄ōan̄ie kanf̄ō nyinga n be ye w̄ō kaaki atenge aba a. ⁹ Na F̄eme Herode ase ka, “M ma ba kpīe Yohane tii e, ye ŋma la ahin s̄ōn̄ō n bo m ti i sayoowam ŋga s̄ō n a?” Na w̄ō boro i nyi ka i ŋu Yesu.

Kabo Yesu maari nbīes̄om akpii nnu ni bu minem diire ni

¹⁰ San̄ga bo Yesu jaramasam n kpieeri bu nyi baari i d̄ō ni, na ba kan sam k̄ere bo ba yo i n akere i. Na w̄ō fa bu na ba k̄ō awo mīe be su aw̄ore be nu b̄ere ŋgumi. Bu fere mīe n ka Besayida. ¹¹ Jama n tiiri Yesu ŋga s̄ō ni, na ba sa i su ak̄ō d̄ō. Na w̄ō de bu, na w̄ō kan Nyem̄e j̄ore fa k̄ō kabo Nyem̄e bá nīe i minem su barasu. Na w̄ō tuntun tukpakif̄om, na ba nya laifíe.

¹² San̄ga bo wīe ba suk̄ō t̄ō ni, na i jaramasam n aba i d̄ō aba ase i ka, “Ma minem n atin na bu k̄ō mīe kunnu ni aheme aheme mīem su na bu k̄ō nīen̄ie diire di na bu nya daabiri da, dama deke bo ya wo ni, ya wo boro w̄ō l̄ēe.” ¹³ Ama, na Yesu ase bu ka, “Am̄ere mm̄ōō ni am tii nya deke be ma bu na bu di.” Na ba se i ka, “Deke bo ya la i k̄ere la kp̄on̄ō nnu w̄ō, ni jombaa nnȳō, i jú má. A koro ka ya k̄ō to diire ba ma ahin jama n k̄ere w̄ō, nzen se a?” ¹⁴ Deke bo i ti na bu seeri s̄ō n la ka, nbīes̄om k̄ō yasuari mine akpii nnu w̄ō. Na Yesu ase i susuf̄om n ka, “Am ma bu tana asese asese aburunu nnu na bu di.” ¹⁵ I susuf̄om ni maari bu k̄ere tanaari s̄ō wieeri ni, ¹⁶ na Yesu afa kp̄on̄ō nnu ni, ni jombaa nnȳō ni, na w̄ō ye i tii su angoro, na w̄ō da Nyem̄e asi,

na wɔ kpiekpie i kere n nu, na wɔ fa ama i susufɔm ni ka bu fa ma minem ni. ¹⁷ Na bu kere adi, na bu kunnu ayi. Na ba tambu kpɔnɔ, ni jombaa sinsin bo bu diiri na i kaari ni, na ba nya kandie buru ni nnyɔ.

Kabo Petoro kereeri ka Yesu ti barasu ni

¹⁸ Cɛɛn n be sɔ ɔ, Yesu wo nyemesere su i ngumi, i susufɔm ni wo i bi. I sereeri Nyeme wieeri n na wɔ bisa bu ka, “Minem fa m bu nma a?” ¹⁹ Na ba bo i nu ka, “Bu nɔ wɔrɔ ti Yohane Nyeme Nzue Biɛfɔ n a, nbem nɔ wɔrɔ ti Nyeme nɔanie kanfɔ Eliya, ye nbem gusu nɔ wɔrɔ ti dawa dɛɛ Nyeme nɔanie kanfɔ nyinga n be ye wɔ tenge aba a.” ²⁰ Na wɔ nya abisa bu bekun ka, “Ye amberɛ fa m bu nma a?” Na Petoro abɔ i nu ka, “Wɔrɔ ti Kristo n a, Tiidefɔ n bo Nyeme ase ka i sɔnma i ni.”

Kabo Yesu jɔjɔ fa kɔɔri i yiwee n su ni

²¹ Na Yesu abɔɔ bu ka, mɔ bu se ka bu se be jɔre n bo Petoro ajɔjɔ i ni, ²² i nɔ, “Wɔ yo daka ka mini Adamande Wa n di wahara dɔngɔ, na Yudaɔm nkpienkpienm, ni Nyeme sayoowa dɔnguyofɔ nkpienkpienm, ni Nyeme nɔanie kerefɔm kere bɔ ketem nɔ, na bu kɔn m. Ama, na i lesan cɛɛn, na Nyeme mɔ m tenge m yiwee n nu.”

Kabo Yesu jɔjɔ fa kɔɔri kabo minem su i su ni

²³ Na wɔ se bere kere pepere ka, “Sɔnɔ kere bo i koro ka i su m su, wɔ yo daka ka i mi wara fi i tienɔ sa koroowa sa, na i fɔ i yiwee baka jaanu n sɔ, na i su m su cɛɛn kere cɛɛn. ²⁴ Dama sɔnɔ kere bo i koro ka i fa i ngɔɔ fie, i mi bɔ fun i. Ama, sɔnɔ kere bo i tɔɔri i ngɔɔ mini dɛɛ ti, i mi nyɔ ngɔɔ. ²⁵ Nzen sɔnɔ nyaari durunya n nu deke n kere na i fuunri i ngɔɔ na i kaari ngbɛɛn, i kperɛ la bɔnɔ? ²⁶ Sɔnɔ kere bo nyinse ti i fa kɔ mini ni m nɔanie n su, sɔ ye nyinse ti mini Adamande Wa n gusu fa kɔ bu su a, sanɔ bo m bɔ ba ni m jirima woowa n nu, ni m Si Nyeme dɛɛ jirima woowa ni, ni i mereke casim ni. ²⁷ Nahɔre ye m suse am n a, am nbem wo nu fen bo am wɔ mɔ, mɔ ka am aba anɔ ka Nyeme femɛya n aba.”

Kabo Yesu nɔnie kaakiiri wo barasu ni

²⁸ Yesu jɔjɔri nyinim kere wieeri sɔ ni, fa kɔ i lemɔcɛ cɛɛn, na wɔ fa Petoro ni Yohane ni Yakobo na ba fun akɔ buka be su ka bu kɔ sere Nyeme. ²⁹ I wo nyemesere n su ni, na i nyunuawa akaaki wo, na i tanlɛɛ n akaaki fofoe papasi. ³⁰ Dɔ na minem nnyɔ nbem atie bu nɔ, bu ni Yesu subo anzama. Bere la Moyisi ni Eliya, dawa dɛɛ Nyeme nɔanie kanfɔm ni. ³¹ Na bere gusu ata fofoe papasi, na bu sujɔjɔ i dɔ fa kɔ kabo i sanɔ bɔ ju bo i kɔ Yerusalem mie kpiri n nu ni, na i yoori sɔ na Nyeme koroowa n yɔ yiiwa. ³² Nyini sanɔ, Petoro ni i benɔm wo daafiri su, bu ba tengeeri n na ba nɔ kabo Yesu woowa n akaaki barasu, i ni mine nnyɔm ni jina. ³³ Sanɔ bo minem n ba sukɔ yaki Yesu ni, na Petoro ase i ka, “Ya Mɔfɔ, i ti kpa ka ya wo fen. Ma ya bo nambue nsan, u dɛɛ kun, Moyisi dɛɛ kun, na Eliya gusu dɛɛ kun.” I jɔjɔ ɔ, wɔ si mɔ kabo i seeri ni. ³⁴ I toko wo jɔjɔri su n na yinyingɔ akata bu nɔ liim, na sere ati i susufɔm ni, sanɔ bo yinyingɔ n sukata bu nɔ ni. ³⁵ Na ba ti akonvi be nɔ yinyingɔ n nu, i nɔ, “M wa lɛɛ, yiri ye ma yi i a. Am de i nɔanie.” ³⁶ Bu tiiri jɔjɔowa n sɔ ni, bu nɔ ka Yesu ngumi jina a. Nyini sanɔ ni, i susufɔm n abo mɔ su akan akere mɔ be fa kɔ sam n bo bu nɔuri i n su.

Kabo Yesu fɔn yiiri ajini fiteeri baa be nɔ ni

³⁷ Na i alecin, na Yesu ni i susufɔ nsanm ni sujura buka n su ni, na jama beberebe akpa i atin. ³⁸ Dɔ na sɔnɔ be awo jama n nu atien ase ka, “Ya Kerefɔ, m sere u wɔ, si m wa baabiesɔ n anunfɔ, m wa kere lɛɛ. ³⁹ Nie, ajini wo i nɔ, sanɔ kere bo i ba nɔ i yasu i nɔ, i kaba bo awie kungerekun wɔ, na i fa i bo asienɔ, na i nanzue sufite fufuku, i bita i kere i wahara sɔ ɔ sanɔ kere, i koro mɔ ka i fite yaki i. ⁴⁰ Ma sere u

susufom ni lee ka bu fon yi ajini ni, ama, ba kura ma nu.” ⁴¹ Na Yesu ase ka, “Amaa. Ambere nyumafom satieyofom, am la ma yarada fieo. Nyuma sa ye m wo am do fen a? Ye m yo sawore ni ambere ko ju se wo?” Do na wo se baa n si ka, “Fa baa n bra fen.” ⁴² Sangga bo baa ni suba Yesu do ni, na ajini n abo i aji asiengu, na wo da sukpisi. Na Yesu atien ajini n nu na baa n anya laifie, na wo kaaki afa i ama i si. ⁴³ Na minem kere amie fa ko yiko bambaka bo Nyeme la i ni.

Kabo Yesu joko fa koori i yiwee n su bekun ni

Sam n kere bo Yesu woori bu yo su n dee ti, nyini ma mine kere yoori alekutura n a. Do na wo se i susufom ka, ⁴⁴ “Ambere, am so am sui na am ti deke bo m koro ka m se am ni. Bu ba to mini Adamande Wa n ma mine nbem.” ⁴⁵ Ama, i jokoori so ni, i susufom n ati ma i bu. Nyeme ayi ma i nyi akere ma bu, nyini ti ye ba koro ati ma i bu. Ama, sere dee ti, ba koro abisa ma i fa ko nyini jore n su.

Kabo Yesu kereeri sono bo i tara bu kere ni

⁴⁶ Na i susufom n ase akuruwa bu nu nu fa ko sono bo i tara bu kere ni. ⁴⁷ Yesu siiri bu sunsunni bo bu bita i n dee ti, na wo fa baa kaan be ajina bu afien i bi, ⁴⁸ na wo se bu ka, “Woro kere bo a deeri ahin baakan n nusu m dee ti, a deeri mini wo lee. Bekun, woro kere gusu bo a nya deeri mini, a deeri m si bo wo sunma m wo lee. Dama bo am sunsun ka i ti kaan am kere nu ni, yiri ti kpiri tara am kere a.”

⁴⁹ Do na Yohane ase i ka, “Ya Mofa, ya nuuri ka sono be afa u duma sufa fon yi ajinim fite minem nu, ye ya na ya yaki ma i, dama i wo ma ya nu n dee ti.” ⁵⁰ Na Yesu ase ka, “Ma am se ka am kanda i, dama sono kere bo i fite ma am sin, i mi jina am sin wo lee.”

Kabo Samariyafom keteeri ka bu de ma Yesu ni

⁵¹ Sangga n ba dodoori bo Nyeme ma Yesu fun ko angoro ni, na wo bu i tii nu ka i ti ye ni ka i ko Yerusalem mie kpiri n nu. ⁵² Na wo sunma sunmafom Samariya aheme mie be su ka bu ko suyo deke kere siriya nminda i. ⁵³ Ama, na Samariyafom n akete ka bu de ma i, dama ka i susin ko Yerusalem n dee ti. ⁵⁴ Yakobo ni Yohane nuuri nyini n so ni, na ba se ka, “Ya Mibie, a koro ka ya ma sin fite angoro ba di bu, nzen se a?” ⁵⁵ Na Yesu ace anie, na wo jaraki bu. ⁵⁶ Do na Yesu ni i susufom n asin ako mie nyinga be su.

Minem bo bu koro ka bu su Yesu su n jore

⁵⁷ Sangga bo Yesu ni i susufom n wo ko su ni, na sono be aba ase Yesu ka, “Deke kere bo a ko, m su u su wo.” ⁵⁸ Na Yesu ase i ka, “Naakum la kunmam, na anumam gusu la tierim, ama, mini Adamande Wa n yiri, m la ma m tii daabiri.”

⁵⁹ Na wo se sono nyinga be ka, “Su m su.” Ama, na sono n ase i ka, “M Mibie, ma m du mo ko yo m si sutura ka, na m nya ba su u su.” ⁶⁰ Na Yesu ase i ka, “Yaki bo ba wu ni, na bu se bu benggu, woro ko na a ko kan Nyeme jore fa ko kabo Nyeme Feme ba nie i minem su ni.”

⁶¹ Na sono nyinga be bekun ase Yesu ka, “M Mibie, m ba su u su, ama, ma m ko kaari m dikafom ka, na m ba.” ⁶² Na Yesu ase i ka, “Sono kere bo i ti ka toora dodorifo na i wo do su, na i kaaki nie i sin, i ti ma ye ni ka Nyeme yo i mi feme.”

10

Kabo Yesu sunmaari i susufo aburaso ni nnyom ni

¹ Nyini sin na Mibie Yesu n ayi i susufo aburaso ni nnyo nyinga nbem, na wo sunma bu nnyo nnyo ka bu du mo ko mie miem kere bo yiri ni i tii ase ka i ba ko su ni. ² Na wo se bu ka, “Fiesu diire n sunnu, ama, bo bu ko i tambu n sunnu ma. Nyini ti, am sere Mibie n bo i dee la fie n ka i sunma jumayofom na bu ko i tambu. ³ Ama, am ti

fɛn. Am kɔ. M susunma am wɔ lɛɛ, kabo nbɔmbaam kɔ saŋga bedim nu barasu ni. ⁴ Má am se ka am fa ŋwaa, wara kuruku, wara gbagbaa, má am se ka am jina atin nu yo be mmɔɔ anse. ⁵ Awuru kere bo am kɔ wuraari nu, am du mɔ se ka, ‘Nyeme ma am tanalaifie.’ ⁶ Nzen tanalaifiefo wo nyini awuru n nu, am ma am tanalaifie n ka i mi n dɔ, ama, nzen wɔ ti má sɔ, Nyeme dé tanalaifie ni i mi n dɔ. ⁷ Awuru bo am kɔ wuraari nu na bu deeri am wɔfo, am ka nyini awuru n nu, na am di na am nu deke kere bo bu fa ma am, dama i ti ye ni ka jumayofɔ nya i juma ni ŋkatɔ. Má am nati awuru kere nu. ⁸ Am kɔ juuri mie be su na bu deeri am wɔfo, am di deke kere bo bu fa ma am. ⁹ Am tuntun tukpakifom bo bu wo dɔ n na bu nya laifie, na am se bu ka, ‘Saŋga bo Nyeme Feme bá nie i minem su n adodo am lɛɛ.’ ¹⁰ Ama, nzen am kɔ juuri mie be su na ba de má am wɔfo, am fite kɔ atingbere n su, na am se bu ka, ¹¹ ‘Haari am mie n tuturi mmɔɔ mata má ya jaa, ya kpɔnkpɔn yi i wɔ, nyini di daani kere ka am woowa ti má kpa. Ama, i ti ye ni ka am si ka saŋga bo Nyeme Feme bá nie i minem su n adodo lɛɛ.’ ¹² Nyini ti, m suse am wɔ lɛɛ, ka, jina cɛɛn, nyini mie n nufom, Nyeme cín bu sui tara Sodom mie kpiri n nu satieyofom.”

¹³ Na Yesu akaaki ase ka, “Tɔ, amberɛ Korazinfom, am bá ŋu anyumboro. Amberɛ Besayidafom gusu, am bá ŋu anyumboro. Alekutura sam bo m yo maari am ni, má nzen m yoori bu Tiro, ni Sidon mie kpirim n nu, má minem n akaaki bu wo dada kere na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n dɛɛ ti ni. ¹⁴ Ama, amberɛ, Nyeme bá cin am sui tara Tiro ni Sidon dɛɛ satieyofom. ¹⁵ Amberɛ Kapenamfom gusu, am sunsun ka Nyeme bá ye am su kɔ angoro wɔ, nzen sɛ? Ai. I bá yo am kaan wɔ, na i fá am cɔondi kɔ Yiweefom Woobiri.”

¹⁶ Na Yesu ase i susufom ka, “Sɔnɔ kere bo i de am nɔanie, i mi de m dɛɛ nɔanie wɔ lɛɛ, na sɔnɔ kere bo i kete am nɔanie, i mi kete m dɛɛ nɔanie wɔ lɛɛ, na sɔnɔ kere bo i kete m dɛɛ nɔanie, i mi kete yiri n bo i sunmaari m wɔ lɛɛ.” I jɔjɔ wieeri, na ba kɔ.

¹⁷ Saŋga bo i susufɔ aburaso ni nnyom ni kpieeri bu nyi baari Yesu dɔ ni, na bu ahore ajɔ agaya, na ba se i ka, “Ya Mibie, haari ajinim mmɔɔ de ya nɔanie wɔ, nzen ya nya atien bu ŋu u dɛɛ duma n nu.” ¹⁸ Na Yesu ase bu ka, “M ŋuuri Sitana ka wɔ fite angoro atɔ, kabo nzue kpɛɛ na i ti barasu n wɔ.” ¹⁹ Na Yesu ase ka, “Am ti fɛn. Ma ma am yiko adena am tientien woom ni bundaanim ŋu, na am kunma yiri kpɔfo n faŋga kere na pui yó má am. ²⁰ Haari ni nyini kere ni, má am ma am ahore jɔ ka ajinim de am nɔanie ŋgumi n dɛɛ ti, ama, am ma am ahore jɔ ka ba kere am duma ase Nyeme dika.”

²¹ Nyini saŋga n na Awiewie Casi n ama Yesu ahorejɔ ako sin su, na wɔ sere Nyeme ase ka, “M Si Nyeme, wɔrɔ ti angoro ni asiengu kere Mibie a. M da u asi ka a fa nyini dekem bo alecirafo ni sifom si má i ni, ayi akere bo bu ti ka nbaatam ni. M Si, i ti nahore wɔ, kabo a koroori ka i yo lɛɛ.” ²² Yesu sereeri Nyeme n wieeri ni, na wɔ se ka, “M Si afa deke kere awura m saa nu. Be si má Nyeme Wa ni, má ka i Si Nyeme ni si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²³ Dɔ na Yesu ace anie i susufom ni, na wɔ jɔjɔ bere ŋgumi dɔ, i ŋa, “Amberɛ la terefie ka am anu dekem bo am ŋu bu ni. ²⁴ M suse am wɔ lɛɛ, ka, Nyeme nɔanie kanfom ni nfemem beberebe koroori ka bu ŋu deke n bo am ŋu i ni, ama, ba ŋu má i, na ba koro ka bu ti deke n bo am ti i ni, ama, ba ti má i.”

Miɛnu fa kɔ Samariya sɔnɔ anunfo sifo be

²⁵ Na Nyeme nɔanie kerefɔ be aba Yesu dɔ ka i ba sɔ i ŋgɛɛ. Na wɔ bisa Yesu ka, “Ya Kerefɔ, ye m yo sɛ wɔ, ye m nyá ŋgɔɔ n bo i la má awieeri n a?” ²⁶ Na Yesu abɔ i nu ka, “Ba kere i sɛ wɔ, Nyeme Jɔre Kadasi n nu a? A ti i bu sɛ wɔ?” ²⁷ Na sɔnɔ n abɔ Yesu nu ka, “Ba kere ka, ‘Koro Micera u Nyeme ni, ni u ahorembaa kun, ni u

awiewie, ni u fanja, ni u sunsunni kere, na a koro u benju kabo a koro u nu ni.' ”
²⁸ Na Yesu ase i ka, “A kan nahore wo, yo so na a nya ngoo.”

²⁹ Ama, na Nyeme noanie kerefɔ n akoro ka i yo i nu ka i ti sono bo i yo sa bo i ko atin su Nyeme do o, nyini ti, na wo bisa Yesu ka, “M benju la nma a?” ³⁰ Na Yesu abo i nu ka, “Sono be yo woori bere a, na wo yasu Yerusalem ka i ko mie kpiri be su, bu fere do ka Yeriko, na atin bujaanufom ako atara i ade i nenje kere, na ba bo i ako ayaki i ngoo n kaan so o. ³¹ I ba yoori ka Nyeme sayoowa donguyofɔ kpien be su nyini atin n su, ama, sanja bo i ko nuuri sono n bo atin bujaanufom abo i ni, na wo san asin ayaki i. ³² I tiiri so bekun, na Levi busu nufɔ be susin bere, na wo nu i, na i gusu asan asin. ³³ Ama, na Samariyafɔ be gusu ba bita nyini atin ni, na wo ba anu sono ni, i nuuri i so ni, na anunfo ati i. ³⁴ Na wo ko sono n bi, na wo fa nguini ni nzan afa anmisi kambuem ni, na wo cici i, na wo fa sono n na wo ma wo tana i kaako su, na wo fa i ako wofom deebiri, na wo ko anie i dika. ³⁵ Alecin na wo yi nwaa be ama sono bo i nie awuru n su ni. Na wo se i ka, ‘De na a nie i dika ma m, na m ba kpieeri m nyi baari, m to deke kere bo a saaki i afa anie i dika ni.’ ³⁶ To, u sunsunni nu, nyini mine nsanm n nu, bono kere ka i ti sono n benju a?” ³⁷ Na Nyeme noanie kerefɔ n abo i nu ka, “Sono n bo i siiri i anunfo ni.” Na Yesu ase i ka, “Ko na a ko yo so.”

Yesu ni Marata ni Mariya jore

³⁸ Sanja bo Yesu ni i susufom n wo ko su ni, na ba ko aju mie be su, bara be woori do, bu fere i ka Marata, na wo de Yesu wofɔ i dika. ³⁹ Marata la i niema be, bu fere i ka Mariya, na wo tana Yesu bi, na i suti kabo Yesu kere barasu ni. ⁴⁰ Ama, na wo yo Marata ahoresaaki kabo yiri ngumi wo juma yo su ni, nyini ti, na wo ba ase Yesu ka, “M Mibie, u cece wo ma nu ka m niema n ayaki juma n kere aji mini ngumi saa su, nzen se? Se i ka i ba buka m.” ⁴¹ Na Mibie n abo i nu ka, “M danfo Marata, a fa juma beberebe ata u nu nyi, ye a suwaraki a, ⁴² ama, deke kun n kpein be akpie u su a. Mariya yiri, deke bo i ti kpa tara i kere ye wo yi i n a, na be wo ma bere bo i koro de i do.”

11

Kabo Yesu kereeri ya nyemesere atin barasu ni

¹ Ceen n be so o, na Yesu wo nyemesere su awore be nu. I ba sere wieeri ni, na i susufom ni kun ase i ka, “Ya Mibie, kere ya nyemesere atin, kabo Yohane kereeri i dee susufom ni.” ² Na Yesu ase bu ka, “Sanja bo am ba susere Nyeme, am se ka o, ‘Ya Si Nyeme,

ma minem bu u duma casi ni.

Ma u femeya n bra.

³ Ma ya noo nu diire ceen n kere ceen.

⁴ Fa ya satie ce ya,

dama yere gusu fa ce bo bu do ya ngasi n wo.

Ma a ma deke be yo ya na ya wura satie nu.’ ”

⁵ Na Yesu ase ka, “Ma m fa i ka, nzen am nu kun kori i danfo dika kongue jinanjin, na i ko se i ka, ‘M danfo, fie m kpono nsan. ⁶ M danfo atin natiirifo be aba m dika jina n nu bere lee, m gusu la ma diire bo m fa ma i.’ ⁷ Na yiri n bo i wo sono n ase ka, ‘Ma a mie m. Ma tu ano awie, na m nbaam da a. M koro yasu ma na m ma u pui.’ ⁸ To, m suse am wo lee, ka, ma ka am ti danfoya n dee ti ye i yasu na i ma u kpono n a, ama, i ba yasu na i ma u deke kere bo a koro, dama ka a fie ni sere n dee ti.

⁹ Nyini ti, m suse am wo lee, ka, am sere deke bo am koro i Nyeme do, na i ma am. Am nienie deke bo am koro i do, na am nu i. Am bobo ano ni, na i teke i ma am.

¹⁰ Dama sono kere bo i sere deke be Nyeme do, i ma i, na sono kere bo i nienie deke

be, i n̄ú i wɔ, na sɔnɔ kere bo i bobo anɔ ni, i teke i ma i. ¹¹ Amberɛ bo am ti nbaasim ni, n̄ma ye i wa sere i jombaa ye i mi kete na i fá woo ma i wa n a? Ai, be yo má sɔ. ¹² Wara, amberɛ nu n̄ma ye i wa sere i karafɔ ye i kete na i fá bundaani ma i wa n a? Ai, be yo má sɔ. ¹³ Tɔ, amberɛ, haari ni bo am ti satieyofɔm ni, am si aceeri kpam bo am fa ce am nbaam, nzu ti ye nzen am sereeri am Si Nyeme bo i wo angoro ni, i koro ma má am Awiewie Casi n a?”

Kabo minem ɲa Yesu ni Sitana dɛɛ ti kun ni

¹⁴ Saɲga be na Yesu afɔn ayi ajini afite sɔnɔ be ɲu, wɔ yo i bobo. Ajini n fite yakiiri sɔnɔ n sɔ ni, na wɔ koro ajojɔ. Na jama n ayo alekutura. ¹⁵ Ama, na mine nbem ase ka, “Belazɛbuli bo i ti ajinim kere dɛɛ femɛ n na bu kaaki fere i ka Sitana ni, yiri ma ahin sɔnɔ n yiko ye i koro fɔn yi ajinim a.” ¹⁶ Na nbem gusu akoro ka bu sɔ i ɲɛɛ. Nyini ti, na ba se i ka i yo alekutura sa be bo i kere ka i yiko n fite Nyeme dɔ. ¹⁷ Ama, Yesu siiri bu sunsunni n sɔ ni, na wɔ se bu ka, “Femɛya kere bo i nya kpakpaakiiri nu wieeri, nyini femɛya ni ká ɲgbɛɛn wɔ. Awuru gusu kere bo i kpakpaakiiri nu wieeri, nyini awuru ni sáandi wɔ. ¹⁸ Na nzen Sitana dɛɛ femɛya n nya kpaakiiri nu wieeri, i koro jina a? Ai, i koro jina má. Deke bo i ti na m se sɔ n la ka, am ɲa Belazɛbuli ma m yiko ye m koro fa fɔn yi ajinim a. ¹⁹ Tɔ, ye nzen am ɲa Belazɛbuli maari m yiko, ye m fa fɔn yi ajinim a, ye n̄ma maari am dɛɛ minem ni yiko ye bu bita fɔn yi bu n a? Nyini ti, kabo am minem yoori ni, nyini kere ka am la má nahɔɛ. ²⁰ Ama, Nyeme dɛɛ yiko nu ye mini fɔn yi ajinim a. Nyini n kere ka, Nyeme wo am nu sunie i minem su lɛɛ.

²¹ Nzen sɔnɔ fangafɔ nya faari i biesɔya nenɲe kere jina ɲmindaari i dika, pui koro yo má i awuru n nu nenɲe be. ²² Ama, nzen sɔnɔ nyiɲga nya taraari i fanɲa, i koro tu ɲgoni ni yiri na i kunma i fanɲa, na i de i biesɔya nenɲe n bo i daafi i ɲu ni, na i fin i nenɲe kere kɔ na i ni i benɲum kɔ kpaaki nu.

²³ Sɔnɔ kere bo i jina má m sin, i mi ti m kpɔfɔ. Na sɔnɔ kere gusu bo i buka má m na ya tien minem nɔɔ, i mi sandi minem wɔ.

²⁴ Nzen ajini nya fite yakiiri sɔnɔ, i kɔ jengbe bara ye boro kpantain nu wɔ, deke bo nzue wo má, na i kɔ nienie woobiri bo i tana yi i ɲumi. Nzen wɔ nya má woobiri, nyini saɲga, a ti ka i ɲa, ‘Ma m kpie m nyi kɔ m woobiri dawa ni.’ ²⁵ Na i kaaki kɔ, i kɔ ɲu ka ba kpara dika n nyunyumi, asese deke kere su. ²⁶ Na i nyá kɔ fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini saɲga, a ɲu ka sɔnɔ n woowa ayo tie atara kabo i yo ti dawa ni.”

²⁷ Saɲga bo Yesu seeri sɔ wieeri ni, bara be wo jama n nu, na wɔ se Yesu ka, “Terefie wo bara n bo i wuuri u na i maari u nyufini n dɔ.” ²⁸ Ama, na Yesu ase i ka, “Terefie wo minem bo bu ti Nyeme nɔanie n na bu de i ni dɔ a.”

Kabo Yesu keteeri ka i yo má alekutura sa bo bu koro i ni

²⁹ Saɲga bo minem sutien bu nɔɔ bara ye Yesu sɔ ni, na wɔ se bu ka, “Amberɛ nyumafɔm ti satieyofɔm wɔ. Am koro ka m yo alekutura sa na am ɲu i wɔ, ama, m yó má i, má ka alekutura sa n bo Nyeme yo yoori i maari i nɔanie kanfɔ Jona ni ɲgumi. ³⁰ I ti sɔ lɛɛ, kabo sa n bo i yo tuuri Jona n kereeri Ninevafɔm ka Nyeme sunmaari i ni, sɔ ye sa n bo i bá tu mini Adamande Wa n gusu kére amberɛ nyumafɔm ka Nyeme asunma m a. ³¹ Femɛ bara be yo fiteeri haari i bɔsu Seba wɔ, na i ba ti Femɛ Solomon dɛɛ ɲɔnle jɔjɔwa nɔanie ni. Jina cɛɛn, yiri bá yasu jina na i járaiki amberɛ nyumafɔm nahɔɛ su, dama kisa, m suse am wɔ ka, mini tara Femɛ Solomon, ama, am ade má m nɔanie ni. ³² Jona yo kaanri Nyeme jɔɛ kereeri Ninevafɔm na ba kaaki bu wo. Jina cɛɛn, bere bá yasu jina na bu járaiki amberɛ nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo.”

Kabo Yesu kereeri anyumbaa kpa jɔɛ ni

³³ Na Yesu akaaki ase ka, “Sɔnɔ koro so má fitana su na i fa se fiɛwa nu, wara i fa ganɔga butu su. Ama, i fa taka deke su aɔgoro wɔ, adena minem bo bu ba wura awuru n nu n koro ŋu asi. ³⁴ Ya nyumbaa ni ti ka fitana ma ya ŋuniɛmbaa n a. Nzen u nyumbaa nya ti kpa, u ŋuniɛmbaa n kere ta wein n wɔ lɛɛ. Ama, nzen i nya ti má kpa, u ŋuniɛmbaa n kere wo awosin nu wɔ lɛɛ. ³⁵ Nyini ti, si u ŋu sa na má a se ka wein wo u dɔ, ama, i ti awosin wɔ. ³⁶ Nzen u ŋuniɛmbaa n kere woori wein nu, na awosin be awo má nu, i tá a papasi, kabo fitana sin ta wura u ni.”

Kabo Yesu ŋa Yudaɔm teretereɔm nbem bá ŋu anyumboro ni

³⁷ Saɔga bo Yesu jɔjɔ wieeri sɔ ni, na Farasifo be asere i ka i bra na bu di diire i dika, na Yesu akɔ awura ka i di diire ni. ³⁸ Na Farasifo n abirisi kabo Yesu aɔmisi má i ŋu ka, ye i sudi diire ni. ³⁹ Na Mibiɛ n ase i ka, “Amberɛ Farasifo, am ŋmisi am kɔpu ni am taale sin wɔ, ama, am kunnu ayi ni anyii sayoowam, ni sunsunni tiem wɔ. ⁴⁰ Amberɛ sinnzinm ni, sɔnɔ kere si ka Nyeme yoori deke kere kunnu ni i sin a. ⁴¹ Má nzen am fa deke bo i wo am kɔpu ni am taale kunnu ma yaarifɔm, má deke kere bo am yo i, má i yo casi ma am wɔ Nyeme dɔ.

⁴² Amberɛ Farasifo ni, am bá ŋu anyumboro, dama am yi am jakam ma Nyeme wɔ, haari ni am maakunm, ni ŋgetem, ni nvannvanm kere, ama, am yo má nahɔre sam, na am kaaki koro má Nyeme. Wɔ yo daka ka am yo nyini sam saɔga kere, na am fa jaka yiiwam buka su.

⁴³ Amberɛ Farasifo ni, am bá ŋu anyumboro. Am koro ka am tana kpirikoro tanaabirim wɔ, am tientienbunɔ sɔm n nu, na am koro ka minem yo am anse gɔɔsu wɔ, na bu ma am jirima. ⁴⁴ Am bá ŋu anyumboro. Am ti ka faɔkunmam bo bu la má nyaari seewa be n wɔ, na minem nati su na bu si má ka faɔkunma lɛɛ.”

⁴⁵ Na Nyeme nɔaniɛ kereɔm n kun ase Yesu ka, “Ya Kereɔ, nzen a seeri sɔ, a kpiɛ nzuko asaɔga ya kere mmɔɔ lɛɛ.” ⁴⁶ Na Yesu ase i ka, “Amberɛ Nyeme nɔaniɛ kereɔm ni, amberɛ mmɔɔ bá ŋu anyumboro. Am cici sɔori nɔnɔori sɔ minem wɔ, ama, amberɛ ni am tii soro má su ka am fa am saa kan i.

⁴⁷ Amberɛ bá ŋu anyumboro. Am yo faɔkunmam dɔɔgu fa ma Nyeme nɔaniɛ kanɔm wɔ, bere bo am nam yo kuunri bu ni. ⁴⁸ Nyini kere ka amberɛ ni am tii saa woori sa n bo am nam yo yoori i n nu lɛɛ. Bere kuunri Nyeme nɔaniɛ kanɔm n a, na amberɛ ata bu faɔkunmam. ⁴⁹ Nyini ti, ye Nyeme Alecirafo n seeri ka, ‘M súnma m nɔaniɛ kanɔm, ni m jaramasam bu dɔ, na bu kún nbem, na bu kére nbem wuwuruwa.’ ⁵⁰ Nyini ti, Nyeme cín amberɛ nyumafɔm sui fa kɔ kabo am nam yo kuunri Nyeme nɔaniɛ kanɔm, fiteeri durunya n bumboori fa ba ju haari ni kisa ni. ⁵¹ Bu yo yoori sɔ ɔ, fite saɔga n bo bu kuunri sɔnɔ be bo bu fere i ka Abeli n fa ba juuri saɔga n bo bu kuunri sɔnɔ be bo bu fere i ka Zakariya ni. Yiri ye bu kuunri i Nyeme Sereebiri Awuru n nu, Casi Kere Casi Sɔɔ n ni Mikun yoowa yoobiri n aɔien n a. Nahɔre ye m suse am n a, nyini sam kere deɛ ti ye Nyeme bá cin amberɛ nyumafɔm sui n a.

⁵² Amberɛ Nyeme nɔaniɛ kereɔm ni, am bá ŋu anyumboro. Am akere má minem Nyeme atin, kabo i ti ye ni ka am kere bu ni, na amberɛ ni am tii akete ka am su má i atin n su, ye am akanda bo bu koro ka bu su i su ni.”

⁵³ Saɔga bo Yesu yasoori nyini dika n nu ni, na Nyeme nɔaniɛ kereɔm, ni Farasifo n afa i kɔ agaya, na ba bisa i bisaawam beberebe, ⁵⁴ na ba boro bu nyi na bu sɔ i ŋɛɛ, adena i jɔjɔ wura Nyeme ŋgasi nu.

12

Kabo wɔ yo daka ka ya soro Nyeme ŋgumi ni

koro yo má nyini deke n kaan n be sɔ, nzu ti ye dekem bo bu kaari n kɛɛ miɛ am a? ²⁷ Am niɛ kabo wuram bo pum barasu barasu a. Bu yo má juma be, bu kaaki tu má gise. Ama, m suse am wɔ lɛɛ, ka, haari Fɛmɛ Solomon ni i neŋge n kɛɛ bo i yo la i ni, wɔ la má sutura bo i yo nyumi juuri nyini wura pum ni be. ²⁸ Nzen wuram bo bu wo bere nyuma, na ahunma a nɔ́ ka ba kpɛ bu na bu yara bu, ye Nyemɛ niɛ bu dika, nzu ti ye i níe má amberɛ bo am tara wuram co n a? Amberɛ, am la má yarada fieo. ²⁹ Nyini ti, sanɗa kɛɛ, má am ma am sunsunni wo deke bo am dí, ni deke bo am nú su. Má am tana koko fieo. ³⁰ Dama durunya n nufɔm bo bu su má Nyemɛ ni, bere sunsun sɔ ɔ sanɗa kɛɛ. Am Si Nyemɛ si ka am koro nyini dekem ni. ³¹ Má am yo sɔ, ama, am kpini Nyemɛ fɛmɛya n busu ka, na i nyá ba fa nyini dekem n buka am su.”

³² Na Yesu akaaki ase ka, “Má am soro sɛɛ, haari ni bo am ti ka nbɔɛm bo bu sunnu má ni, dama am Si Nyemɛ ayi am ka am ni yiri sánɗa di i fɛmɛya n a. ³³ Am tɔ am deke bo am la i, na am fa nɗaa n ma jaarifɔm. Am kpini ajɛkɛ seebiri bo i saaki má n busu. Am fa ajɛkɛ bo i kpɛ má su n fa se Nyemɛ dika n nu, dɔ ye awiefɔ koro wura wɔ má i a, na watarawam gusu koro muka má i. ³⁴ Dama deke bo am ajɛkɛ wo ni, am ahorembaa kɛɛ gusu wó dɔ ɔ.”

Kabo Yesu n̄a i susufɔm ni kpa bu n̄u n̄minda i sanɗa kɛɛ ni

³⁵ Na Yesu ase ka, “Am kpa am n̄u wɔ, na am so am fitana sunminda. ³⁶ Am yo sɔ ɔ, ka minɛm bo bu tana n̄minda bu mibiɛ bo wɔ kɔ konyaya, na i bá n wɔ, na sanɗa bo i ba boboori anɔ n kpenɗa ni, bu kába teke i wɔ na i wúra. ³⁷ Terefiɛ wo nyini akɔɔm n dɔ, nzen bu mibiɛ n ba n̄u ka bu toko tana n̄minda i. Nahɔɛ ye m suse am n a, i má bere tana a, na yiri ni i tii fá diire ba ma bu na bu di. ³⁸ Nzen haari i kpieeri i nyi ba juuri kɔngue jinanjin, wara akɔnyuma bo sanɗa, na i ba n̄u ka bu toko tana n̄minda i, terefiɛ wo bu dɔ. ³⁹ Am si tenle ka nzen má awurufɔbie n si sanɗa bo awiefɔ ni bá i dika na i ba wɔ i, má i tana n̄minda a, na awiefɔ n koro ba wura má. ⁴⁰ Amberɛ gusu kpa am n̄u sanɗa kɛɛ, dama mini Adamande Wa ni bá sanɗa bo am sunsun má ka m bá n wɔ.”

⁴¹ I jɔjɔori sɔ n na Petoro abisa i ka, “Ya Mibiɛ, a bo ahin miɛɛnu n ni yɛɛ wɔ, nzen a ni sɔnɔ kɛɛ wɔ?” ⁴² Na Yesu abisa i ka, “Amusuisufɔ kpɛn n bo i la dabun̄u na i kaaki la alecira n la n̄ma a? Yiri la bo i mibiɛ n afa amusuisufɔ nyingam awura i saa nu ka i kpaaki diire nu ma bu, sanɗa bo i ti ye ni ka i ma bu ni. ⁴³ Nzen i mibiɛ n ba n̄uuri ka i suyo juma n kabo i seeri i ka i yo i ni, terefiɛ wo nyini amusuisufɔ n dɔ. ⁴⁴ Nahɔɛ ye m suse am n a, nyini amusuisufɔ n mibiɛ ni fá i aja kɛɛ wura i saa nu wɔ, na i níe i dika. ⁴⁵ Ama, nzen i ti amusuisufɔ tiefɔ, i súnsun ka i mibiɛ ni kpíe má i nyi ba má nde. A n̄u ka i subo amusuisufɔ nyingam ni, bu nbiesɔm ni nbaram kɛɛ, na i sudi na i sunu nzan bo, ⁴⁶ dɔ na i mibiɛ n bá kpíe i nyi ba cɛɛn bo i sunsun má ka i bá, na i kaaki si má ba n sanɗa ni. Nyini sanɗa n na i mibiɛ n cín i sui agaya, na i fá i bo minɛm bo bu yo má i yarada n su.

⁴⁷ Na nzen amusuisufɔ n si deke bo i mibiɛ n koro ka i yo i, na wɔ yo má siriya na i yo deke bo i mibiɛ n koro ka i yo ni, i bó i wɔ nyunyumi. ⁴⁸ Ama, nzen amusuisufɔ bo i si má deke bo i mibiɛ n koro ka i yo i, na i yoori deke be bo i ti ye ni ka i cin i sui, i dɛɛ suicin n ti kaan sɔ ɔ. Sɔnɔ kɛɛ bo bu ce i aceeri beberebe, i ti ye ni ka i mi fa yo deke bo wɔ yo daka ka i yo i, na sɔnɔ kɛɛ bo Nyemɛ ce i aceeri beberebe agaya, i ti ye ni ka i mi su i kɔ tara sɔ.”

Kabo Yesu n̄a wɔ fa kpakpaakinu aba ni

⁴⁹ Na Yesu akaaki ase bu ka, “Ma fa Nyemɛ jɔɛ n aba ka i yara durunya n nufɔm ka sin dɛɛ su wɔ. Má nyini sin n jeeri kisa, má m koro. ⁵⁰ Ama, m la wahara be bo i ti ye ni ka m di i, má ka ma di i awie, m ahore dá má. ⁵¹ Am sunsun ka ma fa tanalaifie aba durunya n nu a? Ai, m suse am wɔ lɛɛ, ka, ma fa má tanalaifie baari a, ama, ma

fa kpakpaakinu aba a. ⁵² Fite kisa fa kɔ, awuru kun nufom mine nnu kpakpaaki nu. Mine nsan tí bu busu bu ngumi wɔ, na mine nnyɔ tí bu busu bu ngumi. ⁵³ Baabieso ni i si koro má bu benju jɔre, na baabara ni i ni koro má bu benju jɔre, na baa n ni, ni i wa yi koro má bu benju jɔre.”

Kabo Yesu jarakiiri minem ka bu si má sam bo bu suyo n bu ni

⁵⁴ Na Yesu ase jama n ka, “Sanja bo am ɲu ka nzue yinyingu atien i nɔɔ wie afiri, a ti ka am ɲa, nzue bá nyuma, a ɲu ka i bá a gusu. ⁵⁵ Na sanja bo am ɲu ka anuma sukpiɛ fite nyunu ndiema biɛ su, a ti ka am ɲa, nyuma wie fite agaya, a ɲu ka i fite wɔ. ⁵⁶ Amberɛ burukɔɔnufom ni, nzu dɛɛ ti ye am koro niɛ angoro ni asiɛngu na am si sam bo bu bá yo n a, ye am niɛ ye am koro si má sam bo bu suyo ahin sanja n bu a?”

⁵⁷ Na Yesu akaaki ase bu ka, “Nzu ti ye amberɛ ni am tii sunsun má na am si sa bo i kɔ atin su a? ⁵⁸ Nzen u ni be la jɔre, na nzen i koro ka i fa u kɔ jɔredifo dɔ, jɔkɔti tara i mi n jaa, na má jɔre n ju jɔredifo n dɔ, má nyini, i mi ni cín u kɔ jɔredifo n dɔ, na yiri gusu fá u ma dansaraka niɛfo ni, na yiri gusu nyá nyi u. ⁵⁹ M suse am wɔ lɛɛ, ka, nzen a woori dɔ, na a tɔ má kaari n kerɛ awie má, a nyá má atin fite má dansaraka n nu.”

13

Kabo i ti ye ni ka ya kaaki ya wo barasu ni

¹ Nyini sanja n na mine nbem wo dɔ, na ba se Yesu kabo Galilifo nbem yo kɔori ka bu kɔ yo yoowa ma Nyɛmɛ, na bu wo yo su ni, na Gomina Pilato gusu ama minem aba akun bu. ² Na wɔ se bu ka, “Ye kabo bu kuunri nyini Galilifom ni, am sunsun ka nyini kere ka bu dɛɛ satie yoowa tara Galilifom kere dɛɛ wɔ, nzen sɛ? ³ Ai, i ti má sɔ fieo. M suse am wɔ lɛɛ, ka, nzen am akaaki má am wo, amberɛ mmɔɔ bá ka ngbɛɛn sɔ ɔ lɛɛ. ⁴ Ye mine buru ni mɔcuem bo Silowam dɛɛ awɔre n nu kobe bambaka n tɔ gɔori bu ɲu n di? Am sunsun ka i kere ka bu dɛɛ satie yoowa tara Yerusalemfom kere dɛɛ wɔ, nzen sɛ? ⁵ Ai, i ti má sɔ fieo. M suse am wɔ lɛɛ, ka, nzen am akaaki má am wo, amberɛ mmɔɔ bá ka ngbɛɛn sɔ ɔ lɛɛ.”

Miɛnu fa kɔ damba baka n bo wɔ su má n su

⁶ Dɔ na Yesu abo bu ahin miɛnu ni, i ɲa, “Sɔnɔ be yo woori berɛ a, ye damba baka jina i baka suuwa barasu barasum fie nu. Na wɔ kɔ anienie ka i nie, beni i ɲú suuwa su, ama, wɔ ɲu má puitiripui su. ⁷ Nyini ti, na wɔ kɔ ase fie n niɛfo n ka, ‘Nie, afo kun kun sɔ nsan lɛɛ, bo m ba nie ahin damba baka n su ka, beni m ɲú suuwa a, ama, m ɲu má pui su. Nyini ti, kpiɛ i ji. Nzu ti ye i jina berɛ susaaki asien n a?’ ⁸ Ama, na fie n niɛfo n abɔ i nu ka, ‘M mibiɛ, yaki i benle, na ya nie i kɔ ju afo kun bekun na ya nie. M fúndu kunma bara ye i bu wɔ, na m gó i nanyeti. ⁹ Dɔ na nzen baka n suuri suuwa, i ti kpa, nzen wɔ su má, na a koro ma m kpiɛ i ji.’ ”

Kabo Yesu tuntuunri bara be Njumiyi cɛɛn n ni

¹⁰ Njumiyi cɛɛn n be sɔ ɔ, na Yesu wo minem kere su, tientienbunɔɔ sɔɔm kun nu. ¹¹ Bara be woori dɔ, ajini wo i ɲu, wɔ bu i wi, i afo buru ni mɔcuɛ lɛɛ, i koro yasu jina má. ¹² Sanja bo Yesu ɲuuri i n na wɔ bo afere i, na wɔ se i ka, “Bara, a nya u tii afite u tukpaki n nu.” ¹³ Sanja bo Yesu suse sɔ n na wɔ fa i saa anana i ɲu, kpenɲa na wɔ tenɲe i ɲu ajina, na wɔ kansu Nyɛmɛ.

¹⁴ Ama, na yaa ati tientienbunɔɔ sɔɔ n kpiɛn ni, ka Yesu atuntun sɔnɔ Njumiyi cɛɛn ni. Na wɔ se minem ni ka, “Ya la lesen bo wɔ yo daka ka ya fa yo juma, nyini ti, am bra nyini cɛɛnm ni, na bu bá tuntun am, ama, má Njumiyi cɛɛn n yiri.” ¹⁵ Na Yesu ase i ka, “Amberɛ burukɔɔnufom ni. Njumiyi cɛɛn ni, am ɲma nu ye i nyanɲi má i naani, wara i kaako, na i kɔ ma i nzue a? ¹⁶ Ye ahin bara ni mmɔɔ ti Abraham busu

nufɔɔ, ye Sitana afa i ayo i dɛɛ, afo buru ni mɔcɛ lɛɛ, wɔ yo má daka ka m tuntun i Nɔmɔyɔ cɛɛn n na i nya laifɛ, nzen sɛ?" ¹⁷ I seeri sɔ n na wɔ wura i kpɔfɔm ni nyinse, ama, na minem n berɛ ahore ajɔ fa kɔ alekutura sam bo wɔ yo bu n su.

Miɛnu fa kɔ alembaa kaan be jɔrɛ su

¹⁸ Na Yesu akaaki ase bu ka, "Nyɛmɛ fɛmɛya n ti ka nzu wɔ? Ye m fá nzu deke fa sunsun kabo i ti a? ¹⁹ I ti ka alembaa kaan kabo nyem mbaa ti n wɔ, bo sɔnɔ be dɔɔri i fiesu ni, na wɔ fi, na wɔ nyi atɛtɛrɛki asambaa asambaa, na anumam akoro ayo bu tiɛrim su."

Miɛnu fa kɔ kpɔnɔ ayiri n su

²⁰ Na Yesu akaaki ase bu bekun ka, "Ye m fá nzu deke fa sunsun kabo Nyɛmɛ fɛmɛya n ti a? ²¹ I ti ka ayiri bo bu fa gɔ kpɔnɔ samɛnɛ nu na i yasu ni, na bara be fa gɔɔri samɛnɛ beberebe nu, na i kerɛ yasuuri n wɔ."

Kabo Yesu jɔjɔ fa kɔɔri anɔ n bo i ti fii n su ni

²² Yesu sukɔ Yerusalem miɛ kpiri n su ni, na wɔ nati asin miɛ ngbingbirim ni kan kanm su, sukere minem. ²³ Na sɔnɔ be abisa i ka, "Ya Mibiɛ, minem bo Nyɛmɛ dé bu tii ji ni, bu sunnu, nzen bu sunnu má?" Na Yesu ase bu ka, ²⁴ "Am boro am nyi na am fa anɔ n bo i ti fii n na am wura, dama m suse am wɔ lɛɛ, ka, mine beberebe bá koro ka bu wura, ama, bu bá koro wura má. ²⁵ Saŋga n ba juuri, awurufɔbiɛ ni yásu nyi anɔ n wɔ, nyini saŋga n na am jína anɔ n su, subobo, na am sére i jande ka, 'Ya Mibiɛ, teke anɔ n ma ya.' Na i gusu nyá se am ka, 'Ai, m si má am sa.' ²⁶ Dɔ na am sé i ka, 'Ya ni wɔrɔ yo diiri a, na ya nu, na a kerɛ minem ni yerɛ kerɛ, ya bɔsu dɔ.' ²⁷ Ama, na i káaki se am bekun ka, 'Amberɛ satieyɔfɔm ni, m si má am sa fieo, am cinsi m bi berɛ.' ²⁸ Na am nɔ́ ka Abraham, ni Izaki, ni Jakɔbu, ni Nyɛmɛ nɔaniɛ kanfɔm ni, ka bu wo Nyɛmɛ fɛmɛya n nu, na kabo ba fa amberɛ atu dasin ni, dɔ na am sún, na am kán am saa. ²⁹ Na minem fite durunya n awɔrɛ nna n kerɛ nu, na bu bá tana Nyɛmɛ fɛmɛya n nu, na bu dí na bu nú. ³⁰ Am ti fɛn. Minem bo bu wo mɔ kisa ni, bá ka sin, na bo bu ka sin kisa n bá du mɔ."

Kabo Yesu ahore saaki maari Yerusalemfɔm barasu ni

³¹ Nyini saŋga n na Farasifo nbem aba Yesu dɔ aba ase i ka, "I ti ye ni ka a nmati fite fɛn, na a kɔ deke be, dama Fɛmɛ Herode koro ka i kun u wɔ." ³² Na Yesu ase bu ka, "Am kɔ na am kɔ se nyini njaaku sɔnɔmbiri ka o, 'Ti fɛn. M sufɔn ajinim fite minem nɔ wɔ, na m ma tukpakifɔm nya laifɛ, nyuma ni ahunma ngumi wɔ, na ahieni na m wíe m juma.' ³³ Haari ni nyini mmɔɔ, wɔ yo daka ka m sukɔ ɔ, nyuma, ni ahunma, ni ahieni, dama Nyɛmɛ nɔaniɛ kanfɔ kerɛ ti ye ni ka bu kun i Yerusalem miɛ kpiri n nu wɔ."

³⁴ Na Yesu abo awie ase ka, "Oi, amberɛ Yerusalemfɔm. Amberɛ kuunri Nyɛmɛ nɔaniɛ kanfɔm n a, na minem bo Nyɛmɛ sunmaari bu am dɔ ni, am atu bu yabuɛ. Saŋga kerɛ m koro ka m tien am nɔɔ, na m fa m saa bara ye am, kabo akɔ tien i nbaam nɔɔ, i lanɔkpɛtɛ nu ni, ama, am soro má m su. ³⁵ Am niɛ fɛn, Nyɛmɛ yáki am nu ji. M suse am wɔ lɛɛ, ka, fite kisa fa kɔ, am nɔ́ má m kun, má ka saŋga bo am bá se ka, 'Terefiɛ wo yiri n bo i suba Micera n dɛɛ duma n nu n dɔ.' "

14

Kabo Yesu tuntuunri sɔnɔ be Nɔmɔyɔ cɛɛn ni

¹ Nɔmɔyɔ cɛɛn n be sɔ ɔ, na Farasifɔm kpiɛn be afere Yesu ka i bra i dika na bu di diire, na Yesu akɔ. Saŋga bo i wo diire n di su ni, na mine aba atana suyi i kɔrɛsi. ² Kpenɔga na sɔnɔ be ayasu ajina Yesu nyunu, i saam ni i jaam kerɛ awura, ³ Yesu nɔuri sɔnɔ n sɔ ni, na wɔ bisa Nyɛmɛ nɔaniɛ kerefɔm ni, ni Farasifɔm n ka, "Ya dɛɛ

atin n su, atin wo nu ka ya tuntun tukpakifo Njumiya cɛɛn ni, nzen atin wo má nu?"
⁴ Ama, ba bo má i nu, na Yesu ama sɔnɔ n anya laifie, na wo ma i atin na wo ko. ⁵ Do na wo nya abisa bu ka, "Am nu nma ye nzen i wa baabieso, wara i naani, toori bura nu, Njumiya cɛɛn ni, ye i mi kába yi má i fite má?" ⁶ Ama, ba koro abo má i ahin bisaawa n nu.

Kabo Yesu tuuri bu fo fa ko kpirikoro sam su ni

⁷ Na Yesu anu kabo wofom nbem sunienie kpirikoro tanaabiri na bu tana ni, do na wo bo ahin miɛɛnu ni, akere bu kere. ⁸ I na, "Sanja kere bo sɔnɔ be ba fere u ka a bra ba di konyaya diire i dika, a ko, má a tana jirima tanaabiri ni, a yoori so, a ko nu ka wo fere sɔnɔ be bo i tara u, ⁹ nyini sanja n na sɔnɔ n bo wo fere am kere ni, yiri nyá ba u do na i bá se u ka, 'M don, yasu ma ahin sɔnɔ n tanaabiri.' Nyini sanja, a nu ka wo wura u nyinse lee, na a kó kaan koobiri. ¹⁰ Ama, sɔnɔ fereeri u ka a bra i dika ba di diire, a ko juuri, du mo ko tana kaan tanaabiri ka. Do na sɔnɔ n bo wo fere u ni, yiri nyá ba u do na i bá se u ka, 'M don, yasu bra na a ba tana ahin tanaabiri nyunyumí ni.' Nyini n so koro wura u kpiri, u benggu wofom kere n nyunu a. ¹¹ Dama sɔnɔ kere bo i wura i nu kpiri, Nyeme yó i mi kaan wo, na sɔnɔ bo i yo i nu kaan, Nyeme wúra i mi kpiri."

¹² Do na Yesu anya ase sɔnɔ n bo i baandiiri i n ka, "Sanja bo a na a fere minem na bu ba di diire u dika, má a fere u danfom, wara u ninbaam, wara u lamoyam, wara u bengum bo bu la ajekɛ, nzen a yoori so, bere gusu bá fere u cɛɛn n be so o, nyini sanja ni, ba to u kaari awie lee. ¹³ Ama, sanja kere bo a na a baandi mine na bu ba di diire u dika, baandi jaarifom, ni wobukam, ni bo bu saam ni bu jaam awu ni, ni anyinsinm. ¹⁴ A nya yoori so, terefie wo u do. Bere koro to má u kaari, ama, Nyeme bá to u kaari a, cɛɛn bo minem bo bu yo sa bo i ko atin su Nyeme do n bá tenge bu yiwee n nu ni."

Miɛɛnu fa ko di ni nu bambaka n su

¹⁵ Yesu seeri so n na wofom nu kun ase i ka, "Nka terefie wo minem bo bu bá tana Nyeme femeya n nu di diire n do." ¹⁶ Na Yesu ase i ka, "Sɔnɔ be yo woori bere a, na wo yo diire beberebe, na wo baandi jama beberebe ka bu ba di diire ni. ¹⁷ Na sanja n bo diire n ba yoori siriya ni, na wo sunma i akoo ka i ko se minem n bo wo du mo abaandi bu n ka, 'Am bra, deke kere ayo siriya.' ¹⁸ Na bu kun kun kere asere atin ka bu koro ba má diire n di. Na ciciri su dee sɔnɔ n ase akoo n ka, 'Jande, m sere u wo, ma to asien, i ti ye ni ka m ko nie kabo i ti wo, m koro ba má.' ¹⁹ Na nyinga n ase ka, 'Ma to m tooram asese busu nnu, m koro ka m ko fa bu yo juma kisa kisa na m nie, m sere u wo jande, m koro ba má.' ²⁰ Na nyinga n gusu ase ka, 'Ma ja bara kisa lee, nyini dee ti, m koro ba má.' ²¹ Na akoo n akpie i nyi ako ase i mibie n kabo minem kere ase i ni. Do na yaa ati awurufobie n agaya, na wo se yiri akoo n ka, 'Yo ndende na a ko mie kunnu atingberem kere su, na a ko fere jaarifom, ni wobukam, ni anyinsinm, ni minem bo bu saam ni bu jaam awu ni, na a fa bu bra.' ²² Wo ce má na akoo n ako aba, na wo se ka, 'M mibie, ma yo kabo a seeri ka m yo ni, ama, fofoe toko ka.' ²³ Na awurufobie n ase i ka, 'Fite ko mie n aheme aheme, ni i korokam kere nu, na a ko fere minem ka bu bra, adena m awuru n yi ni jama. ²⁴ M suse am wo lee, ka, nyini minem kere bo m baandiiri bu na ba ba má ni, bere kun n kpein mmoo noo kán má m diire n kun.' "

Kabo ya yaki deke kere na ya su Yesu su ni

²⁵ Sanja bo Yesu wo ko su ni, na jama beberebe asu i su, na wo ce anie bu, na wo se bu ka, ²⁶ "Sɔnɔ kere bo i koro ka i ba m do, i koro yo má m susufo, má ka i mi akoro m atara i si, ni i ni, ni i yi, ni i nbaam, ni i ninbaam, ni i sinbaam, ni haari yiri mmoo ni i tii. ²⁷ Sɔnɔ kere bo i koro so má i yiwee baka jaanu n na i su m su, i mi

koro yo má m susufɔ. ²⁸ Ma m fa i ka sɔnɔ ɲa i ta awuru, i du mɔ tana wɔ, na i bu akunta ka, na i nie ka i la ɲwaa bo i koro ju awuru n ta. ²⁹ Nzen i ɲwaa ju má bo i ta awuru n wie, na i boori i bu na wɔ wie má i, sɔnɔ kere bo i sin ɲuuri sa n bo wɔ yo i ni, i mi síri wɔ, ³⁰ na bu sé ka, ‘Ahin sɔnɔ n boori i awuru n bu wɔ, ama, wɔ koro awie má i.’ ³¹ Ma m kaaki fa i ka nzen femɛ bo i la i sojam akpii buru ye i koro ka i kɔ lue ni i beɲgu femɛ be bo yiri la sojam akpii aburanyɔ, i tána sunsun wɔ ka, na i nie ka i koro kun lue ni i beɲgu ni. ³² Nzen i ɲuuri ka i koro kɔrɔ má nu, i dú mɔ sunma sɔnɔ ɔ, na i kpá i beɲgu femɛ n atin na i kó sere i ka, i má bu yo jɔre n donɲu.” ³³ Na Yesu ase ka, “I ti sɔ ɔ lɛɛ, ni ambere gusu dɔ, sɔnɔ kere bo i wara afi má i tienɲu deke, i mi koro yo má m susufɔ.”

Njin bo i la má kperɛ n dɛɛ jɔre

³⁴ Na Yesu akaaki ase ka, “Njin yo fie, ama, nzen i fiefie nya ba saari wieeri, i koro yo má fiefie kun. ³⁵ I koro buka má asien ni mmɔɔ na i kaaki koro buka má nanyeti na i yo diire, ɲka bu fa butu wɔ. Bo i koro ka i ti ahin jɔre n bu, i ti ye ni ka i mi so i sui na i ti.”

15

Miɛnu fa kɔ bɔɛ n bo i miniiri n jɔre

¹ Cɛen n be sɔ ɔ, na lampodefɔm ni satieyofɔm beberebe aba Yesu dɔ na bu ba ti i kereewam ni. ² Na Farasifɔm ni Yudaɔfɔm Nyemɛ nɔanie kerefɔm n anɲuti, bu ɲa, “Ahin sɔnɔ n de satieyofɔm wɔ, haari na i ni bere sanɲa di diire wɔ mmɔɔ.” ³ Dɔ na wɔ bo bu ahin miɛnu ni, i ɲa, ⁴ “Nzen ambere be nu la i nbɔɛm yaa, na kun miniiri, i mi yó se wɔ? I yáki nbɔɛ aburanyɔna ni ɲɔnɔm ni boro n nu wɔ, na i kó nienie kun n bo wɔ mini ni haari i bá ɲu i. ⁵ Sanɲa bo i ba ɲuuri wieeri ni, na i ahore jó na i fá i fa bo i betɛ, ⁶ na i fá i fa ba awuru. Dɔ na i fére i danfom ni i tanafɔm kere na bu tien bu nɔɔ, na i sé bu ka, ‘M ahore ajɔ ka ma ɲu m bɔɛ n bo i miniiri ni. Nyini ti, am ma m ni ambere kere kunnu jɔ.’ ⁷ M suse am wɔ lɛɛ, ka, i tí sɔ ɔ lɛɛ, nzen sɔnɔ kun kaakiiri i wo, ahorejɔ wó Nyemɛ dika n nu tara mine aburanyɔna ni ɲɔnɔ bo bu ɲa bu yo sa bo i kɔ atin su Nyemɛ dɔ na wɔ yo má daka ka bu kaaki bu wo ni.”

Miɛnu fa kɔ ɲwaa n bo i miniiri n jɔre

⁸ Na Yesu abo bu miɛnu bekun, i ɲa, “Nzen bara be la i jete ɲwaa buru, na kun miniiri, i mi yó se? I só sin su wɔ, na i kpára bara ye awuru n nu, na i nienie deke n kere, haari i bá ɲu i. ⁹ Na sanɲa bo i ba ɲuuri ni, i fére i danfom ni i tanafɔm kere, na bu tien bu nɔɔ, na i sé bu ka, ‘M ahore ajɔ ka ma ɲu m ɲwaa n bo i miniiri ni. Nyini ti, am ma m ni ambere kere kunnu jɔ.’ ¹⁰ M suse am wɔ lɛɛ, ka, i ti sɔ ɔ lɛɛ, nzen satieyofɔ kun kaakiiri i wo, ahorejɔ wó Nyemɛ merɛkem n dɔ.”

Miɛnu fa kɔ bie be bo i wa miniiri n jɔre

¹¹ Na Yesu akaaki abo bu miɛnu be bekun, i ɲa, “Sɔnɔ be yo woori bere a, i la nbaabiesom nnyɔ. ¹² Cɛen n be sɔ ɔ, na kaan n ase i si n ka, ‘M si, kpaaki u aja kere nu na a fa m dɛɛ ma m kisa.’ Na i si n akpaaki aja n nu, na wɔ fa bu nnyɔ n kere dɛɛ ama bu. ¹³ Wɔ ce má, na kaan n atɔ i dɛɛ nenɲe n kere bo i si n fa maari i ni. I nyaari ɲwaa n wieeri sɔ ni, na wɔ yasu akɔ asien dede be su. Dɔ na wɔ kɔ adi ɲwaa ni ɲgbɛɛnɲgbɛɛn haari na i kere aba awie. ¹⁴ Sanɲa bo i ba diiri ɲwaa n kere wieeri n na ahɔɛ bambaka be atɔ nyini asien n su. Dɔ, wɔ la má pui bo i di kun. ¹⁵ Nyini ti, na wɔ fa i ɲu akɔ awura nyini asien n su miɛbaa be saa nu, ka i yo juma ma i mi ni, adena i nya diire di. Dɔ na miɛbaa n afa i akɔ i fiesu ka i kɔ sunie i afam dika. ¹⁶ Na ahɔɛ aba ati i agaya, haari i ba koro ka i di afam dɛɛ diire n be mmɔɔ ɔ, ama, be ama má i deke be na i di. ¹⁷ Kasin, na wɔ ba anɲu i ɲu ɲgbɛɛn fa kɔ sa n bo wɔ yo

i n su, na wɔ bu i tii nu, na wɔ se i ɲu ka, ‘M si npadifom kere di diire wɔ na i ka, ama, mini ba wo fen suwu ni ahɔe n a. ¹⁸ M kpɛ m nyi kɔ m si dɔ ɔ, na m kɔ se i ka, “M si, ma do Nyeme ni wɔɔ kere ɲgasi. ¹⁹ I ti má ye ni ka a fere m ka u wa kun, fa m yo u npadifom ni kun.”’ ²⁰ Dɔ na wɔ yasu na i kpɛ i nyi kɔ i si dɔ.

Saɲga bo i toko wo dede suba ni, na i si n aɲu i, na wɔ si i aɲunfo agaya. Na wɔ ɲmati akpa i atin, na wɔ fa i saa abara aye i, na wɔ biti i. ²¹ Na baa n ase i si n ka, ‘M si, ma do Nyeme ni wɔɔ kere ɲgasi. I ti má ye ni ka a fere m ka u wa kun.’ ²² Ama, na i si n afere i akɔm, na wɔ se bu ka, ‘Am kɔ ndende na am kɔ nie suturam kere nu bo i ti kpa, na am fa ba wura i, na am fa ɲгаа ba wura i saa maraka, na am fa gbagbaa ba wura i jaa. ²³ Na am nya kɔ nie naanim n nu, na am tara bo i la anyunuyi bra, na am ba kpɛ i kɔm yo i dɔɲgu, na am ma ya di na ya nu. ²⁴ Dama m ahin wa ni, i wuuri wɔ, ye wɔ tenge a, i miniiri wɔ, ye ma ɲu i a.’ Dɔ na ba bo i bu ni di ni nu.

²⁵ Nyini saɲga n kere baakpien n toko wo fiesu. I ba suba awuru, na saɲga bo i ba dodoori awuru n na wɔ ti ka bu wo agɔre go su ni jue. ²⁶ Dɔ na wɔ fere i si akɔm kun, na wɔ bisa i ka, ‘Nzu sa yoori awuru a?’ ²⁷ Na akɔ n abɔ i nu ka, ‘U niema ye wɔ ba awuru a, ye u si ama nɔɔ ye ya kpɛ naani bo i la anyunuyi n kɔm, dama u niema n aba awuru ni laifɛ n ti.’ ²⁸ Na yaa ati baakpien ni agaya, haari na wɔ kete ka i wura má awuru n nu. Nyini ti, na i si n afite aba asere i jande ka i wura. ²⁹ Ama, na wɔ se i si n ka, ‘Ti fen, afɔ nye nye lee bo m wo u dɔ yo juma ma u, ka m ti akɔ ɔ, ma kete má u nɔanie be. A koro ama má m puitiripui, haari sirimbaa mmɔɔ ka m gusu fa na m ni m danfom fa di na ya nu. ³⁰ Ama, u ahin wa n yiri, wɔ fa u aja bo a fa ama i n akɔ boro, na wɔ kɔ ayo i koroowa ni nbarasakaram. Haari ni nyini n kere ni, i kpɛeri i nyi ba juuri awuru ni, a ma nɔɔ ka bu kpɛ naani bo i la anyunuyi n kɔm ma i.’ ³¹ Na i si n ase i ka, ‘M wa, saɲga kere mini ni wɔɔ wo bere a, deke kere bo i ti m dee ti u dee wɔ. ³² Ama, wɔ yo daka ka ya di na ya nu na ya go agɔre, dama u niema ni, i wuuri wɔ, ye wɔ tenge a, i miniiri wɔ, ye ma ɲu i a.’ ”

16

Miɛnu fa kɔ amusuisufɔ kpɛn n bo wɔ la má dabuɲu ni

¹ Na Yesu ase i susufom n ka, “Biɛ nenɲefɔ be woori bere a, i la i amusuisufɔ kpɛn bo yiri nie i nenɲe n kere su a. Na minem aba nenɲefɔ n dɔ aba se i ka i amusuisufɔ kpɛn ni susaaki i nenɲem ni. ² Nyini ti, na wɔ fere i, na wɔ se i ka, ‘M suti jɔre nbem fa kɔ u dɔ. Nyini ti, ba bu akunta kere m na m si kabo a bita m nenɲem barasu, dama a koro nie má bu dika kun.’ ³ Na amusuisufɔ kpɛn n ase i tii nu ka, ‘Ye kisa na m mibiɛ ni sufɔn m fite m juma n nu ni, m yó se wɔ? M la má fanɲa bo m koro dɔ, m gusu nyunu asin ni bo m nati susere. ⁴ Eɛnhɛen, kisa m si kabo m yo, na haari nzen m ba fuunri m juma ni, m fún má m danfom bo m kɔ wo bu dɔ.’ ⁵ Nyini ti, na wɔ fere minem kere bo bu bita i mibiɛ n kaari n kun kun. Na wɔ bisa ciciri su dee sɔnɔ n ka, ‘A bita m mibiɛ n kaari nye wɔ?’ ⁶ Na wɔ bo i nu ka, ‘M bita i ɲguin nzue sɔ ganɲa yaa kun wɔ.’ Na amusuisufɔ kpɛn n ase i ka, ‘De u kaari kadasi ni, na a tana, na a kere ka a bita ganɲa aburunu wɔ.’ ⁷ Na wɔ nya abisa nyinɲa gusu ka, ‘Ye wɔɔ di, a bita kaari nye wɔ?’ Na wɔ bo i nu ka, ‘M bita i alembaa pirim bɔtɔ yaa kun wɔ.’ Na amusuisufɔ kpɛn n ase i gusu ka, ‘De u kaari kadasi na a kere ka a bita pirim bɔtɔ aburamɔcɛ wɔ.’ ⁸ I mibiɛ ɲuuri sɔ ni, na wɔ kansɛ i fa kɔ nyini ɲɔnle bo i la i n su, haari ni bo i la má dabuɲu ni. Kabo i ti lee, durunya n nufom la ɲɔnle fa kɔ durunya n nu dee sayoowam n su tara minem bo Nyeme ma bu wo wein n nu ni.”

⁹ Na Yesu ase bu bekun ka, “M suse am wɔ lɛɛ, ka, am fa durunya n nu dɛɛ fin ajɛkɛ bo am la i n fa tara danfoya, adena ajɛkɛ n ba ɲmati yakiiri am, na minem bá de am wura woobiri kpa bo i la má awieeri n nu.

¹⁰ Sɔnɔ kɛɛ bo minem koro daafi i ɲu ka i bita deke kaan ni nahɔɛ atin, yiri ye bu koro daafi i ɲu ka i bita deke bambaka mmɔɔ ni nahɔɛ atin a. Ama, sɔnɔ kɛɛ bo bu koro daafi má i ɲu ka i bita deke kaan ni nahɔɛ atin, bu koro daafi má i mi ɲu ka i bita deke bambaka mmɔɔ. ¹¹ Tɔ, nzen amberɛ la má dabuɲu bo am koro bita durunya n nu dɛɛ fin ajɛkɛm ni nahɔɛ atin, ɲma fá Nyemɛ dɛɛ ajɛkɛm wura am saa nu? ¹² Na nzen am la má dabuɲu bo am koro bita be dɛɛ ajɛkɛm ni nahɔɛ atin, ɲma fá deke bo i bá yo am tienɲu dɛɛ ma am a?

¹³ Sɔnɔ kun koro sanɲa su má mibiɛm nnyɔ. Nzen i ɲa i yó sɔ, i kpó kun n wɔ, na i kóro nyinga ni, wara, i bóro i nyi su kun wɔ, na i bú nyinga ni ɲgbɛɛn. Am koro sanɲa su má Nyemɛ ni ajɛkɛ.”

Kabo Yesu tuuri Farasifɔm fɔ barasu ni

¹⁴ Sanɲa bo Farasifɔm n tiiri ahin n kɛɛ n sɔ ni, na ba siri i, dama bu ti ɲwaa korofɔm wɔ. ¹⁵ Na Yesu ase bu ka, “Amberɛ ɲa am ti minem bo bu yo sa bo i kɔ atin su Nyemɛ dɔ na minem ɲu am n a, ama, Nyemɛ yiri si am ahore su kɛɛ. Dama deke bo adamande sunsun ka i ɲusu nya má ni, nyini ye Nyemɛ kpɔ i a.

¹⁶ Nyemɛ Jɔɛ Kadasi n bo Moyisi ni Nyemɛ nɔanie kanfɔm kɛɛɛri i n wo bere ka, ye Yohane nya baari a, nyini n sin, na ba kan labari kpa n akere minem fa kɔ Nyemɛ femeya n su, na sɔnɔ kɛɛ suboro i nyi ka i kpini atin na i wura nu. ¹⁷ I ti má kekereke na anɲoro ni asiɲgu kɛɛ bá mini, ama, Nyemɛ dɛɛ nɔanie kpamaawa n kampiti sɔ mmɔɔ ká má ɲgbɛɛn.

¹⁸ Sɔnɔ kɛɛ bo i faari i yi jiiri na i jaari bara fɔfɔɛ, i mi n asaaki ajaa ciire lɛɛ. Na sɔnɔ kɛɛ bo i jaari bara bo wɔ fite i hun ajaa bu, i mi n asaaki ajaa ciire lɛɛ.”

Miɛnu fa kɔ nenɲefɔ be ni Lazarosi jɔɛ

¹⁹ Na Yesu ase bu ka, “Nenɲefɔ be yo woori bere a, sanɲa kɛɛ sanɲa, i wura sutura kpa kpa bo i la gɔ ɔ, na i sudi i koroowa cɛɛn n kɛɛ cɛɛn. ²⁰ Na jaarifɔ be gusu wo bere, bu fere i ka Lazarosi, kambue abara aye i deke kɛɛ. Na bu sufa i ba tana nenɲefɔ n anɔ nu, ²¹ adena nenɲefɔ n ba sudi diire, na nzen be toto asiɲgu, na i gusu fa di. Haari na caam ba sutafi i kambue n nu. ²² Na sɔnɔ jaarifɔ n aba awu, na Nyemɛ mɛɛkɛm aba afa i akɔ anɲoro Abraham bi. Na nenɲefɔ n gusu aba awu na ba se i, ²³ na yiri akɔ Yiweefɔm Woobiri. I wo wahara di su dɔ sɔ ni, na wɔ ye i tii su anɲu Abraham dede dɔ, Lazarosi wo i bi. ²⁴ Dɔ na wɔ bo afere Abraham ase i ka, ‘Ya si Abraham, si m anɲunfɔ. Na a sunma Lazarosi na i fa i saa maraka dɔ nzue nu na i fa ba dɔ m taferema, dama m wo wahara bambaka nu wɔ, sin nu fɛn.’

²⁵ Ama, na Abraham ase i ka, ‘Tenɲe su ka sanɲa bo a la ɲgɔɔ wo durunya n nu ni, a yoori u koroowa a, na Lazarosi yiri adi durunya n nu wahara n kɛɛ. Ama, kisa yiri wo fie di su, ye wɔɔ wo wahara di su n a. ²⁶ Bekun, kunma ɲgɔngɔ wo u ni yere afien, bo be koro fite má fɛn na i kɔ u bi. Be gusu koro fite má u bi dɔ na i ba ya dɔ fɛn.’ ²⁷ Na nenɲefɔ n ase ka, ‘Ya si Abraham, m sere u wɔ, ka a sunma Lazarosi na i kɔ m si awuru n nu, ²⁸ m ninbaam nnu wo dɔ, na i kɔ bɔbɔ bu ka bu si bu ɲu sa na má bu bá wo ahin wahara bambaka woobiri n bo m wo ni.’ ²⁹ Na Abraham ase i ka, ‘Nyemɛ Jɔɛ Kadasi n bo Moyisi ni Nyemɛ nɔanie kanfɔm kɛɛ maari bu ni, i wo bu dɔ. Wɔ yo daka ka bu so bu sui na bu ti i bu, na bu si bu ɲu sa.’ ³⁰ Na nenɲefɔ n ase i ka, ‘Ya si Abraham, bu dé má i. Ama, nzen sɔnɔ fiteeri minem bo ba wu n dɔ kɔori bu dɔ, bu káaki bu wo.’ ³¹ Ama, na Abraham ase i ka, ‘Nzen ba so má bu sui na bu ti Nyemɛ Jɔɛ Kadasi n bo Moyisi ni Nyemɛ nɔanie kanfɔm kɛɛ maari bu ni, haari nzen sɔnɔ tenɲeeri i yiwee n nu mmɔɔ baari, bu dé má i.’ ”

17

Kabo Yesu kereeri minem fa ko nyemesu barasu ni

¹ Na Yesu ase i susufom n ka, “Sam nbem bo bu yo na bu fa mine wura satie nu ni, nyini sam ni ba yo sangga kere, ama, anyumboro wo sono kere bo i ma nyini sam yoori n do. ² Nzen ma bu faari ngani san yabue ciciiri i mi kom na bu fa i ko tuuri tieku nu mmoo, ma i ti ye tara bo i mi ma ahin yaradayofom n be wura satie nu.

³ Nyini ti, am si am nu sa. Nzen woro kere bo u niwa yoori u satie be, jaraki i, na nzen i kaakiiri i wo, na a fa i satie n ce i. ⁴ Nzen i yoori u satie ko jinaari haari kpe nso mmoo wie kun nu, na i baari u do ba seeri u ka, ‘Ma yo u satie,’ fa i satie n ce i.”

⁵ Na Yesu jaramasam n ase i ka, “Buka ya na ya yarada yo biiwa.” ⁶ Na Mibie n ase bu ka, “Nzen ma am la yarada bo i ko ju kabo nyem mbaa ti ni mmoo, ma am koro se ahin koto baka n ka, ‘Kpekiti ni u bunlui n kere na a ko jina tieku n nu,’ ma i de am ncanie n wo.

⁷ Ma m fa i ka, am nu, nzen be la akoo na i wo fiesu wara i sasa nbom wo, na i ba baari awuru, am nu nma ye i kaba se akoo n ka, ‘Ba tana na a di diire’ a? ⁸ Am be se ma i so da. Ama, kabo a se i n la ka, ‘Yo m diire siriya, na a jina nminda na m di na m nu ka, na a nya ko yo u dee di.’ ⁹ Nzen u akoo n deeru u ncanie na i yoori juma bo a se i ka i yo i ni, a se ma i ka, ‘M da u asi.’ ¹⁰ I ti so o lee, amberere gusu do, sangga bo am ayo juma n kere bo am mibie n ase ka am yo i ni, am se ka, ‘Yere ti akoom wo, ya ti ma ye ni ka bu kansu ya, dama ya juma lee, ye ya yo i n a.’ ”

Kabo Yesu tuntuunri kokofa buru nbem na bu nyaari laifie ni

¹¹ Sangga bo Yesu suko Yerusalem mie kpiri n nu ni, na wo sin Samariya ni Galili aworem n afien. ¹² I ko na i wura mie kaan be nu, na i ni kokofa buru nbem aye. Na ba jina dede ¹³ atien kpa ka, “Ya Mofa Yesu, si ya anunfo.” ¹⁴ I nuuri bu so n na wo se bu ka, “Am ko na am ko fa am nu kere Nyeme sayoowa dongyuyofom ni, na bu fiiti am na bu nie.” Na ba de atin suko, bu wo ko su n na bu kere anu ka ba nya laifie. ¹⁵ Do na bu nu kun nuuri ka wo nya laifie so ni, na wo kpie i nyi aba Yesu do sutien kpa sukansi Nyeme. ¹⁶ Na wo ba akutu haari Yesu jaa bu asienngu, na wo da i asi. Nyini sono n ti Samariyafu o. ¹⁷ Do na Yesu abisa ka, “Ma mine buru nyaari laifie a, ye ngona nyingam n wo ni? ¹⁸ Nzu ti ye ahin sono n bo i ti ma Yudafu ni ngumi aba ka i ba da Nyeme asi a?” ¹⁹ Do na wo se sono n ka, “Yarada n bo a yo m ni, yiri ma a nya laifie a. Yasu na a ko awuru.”

Kabo Nyeme Feme ba nie i minem su barasu ni

²⁰ Na Farasifo nbem abisa Yesu ka, “Ye sangga bono ye Nyeme Feme ba nie i minem su a?” Na wo bo bu nu ka, “Sa be wo ma bere bo i koro kere am sangga bo Nyeme Feme ba nie i minem su. ²¹ Be se ma ka, ‘Am nie, yiri yaa fen,’ wara, ‘Yiri lee do.’ Dama m se am nahore wo lee ka, Nyeme wo am nu fen jina n nu, sunie i minem su.”

²² Na wo se i susufom ni ka, “Sangga suba bo am ba koro ka am nu mini Adamande Wa n ba sangga ni, haari een kun mmoo, ama, am nu ma i. ²³ Nbem ba ba na bu se am ka, ‘Am nie, yiri lee do,’ wara, ‘Yiri yaa fen.’ Ama, ma am fite ko su bu su. ²⁴ Dama mini Adamande Wa n ba een ni, i ti kabo nzue kpepe na i ta papasi bara ye deke kere n wo. ²⁵ Ama, kana ahin kere ba yo, wo yo daka ka m du mo di wahara beberebe, na amberere nyumafom ba kete m.

²⁶ Mini Adamande Wa n ba sangga ni yo kabo ya na Nowa sangga na i yoori n wo. ²⁷ Nyini sangga ni, sono kere woori di ni nu su wo, na nbaram ni nbiesom suja bu bengum, fa ko juuri haari een n bo Nowa wurari lee bambaka n nu, na wombu n ba diiri deke kere n wo. ²⁸ I yo so o lee bekun, ka Loti dee sangga ni. Nyini sangga ni, sono kere woori di ni nu su wo, na nbem suto, na nbem suto, na nbem sudo dadori, na nbem suta fa. ²⁹ Een n bo Loti fa yasuuri Sodom mie kpiri n nu ni, nyini een n

ye sin ni ferewita sin fiteeri angoro a, na wɔ ba atɔ miɛ n nu adi deke n kɛrɛ. ³⁰ Kabo cɛɛn n bo mini Adamande Wa ni bá yi m ɲu kere lɛɛ.”

³¹ Na Yesu akaaki ase ka, “Nyini cɛɛn ni, wɔrɔ kɛrɛ bo a wo kpata nu, na u nenge wo awuru n nu, má a wura gisan nu fa pui. I ti sɔ ɔ lɛɛ, wɔrɔ kɛrɛ gusu bo a wo fiesu, má a kpie u nyi kɔ awuru. ³² Am tenge su fa kɔ sa bo i yoori Loti yi ni. ³³ Dama sɔnɔ kɛrɛ bo i ɲa i kpíni i ɲgɔɔ busu, i mi bá fun i, ama, na sɔnɔ kɛrɛ bo i tɔɔri i ɲgɔɔ maari m, i mi nyá ɲgɔɔ. ³⁴ M suse am wɔ lɛɛ, ka, nyini cɛɛn n kɔɲgue, mine nnyɔ ɔ dá dasu kun su wo daafiri su a, na Nyɛmɛ má bu bá fa kun n kɔ yaki kun ni. ³⁵ Na nbaram nnyɔ kási wo ɲgani san su, na Nyɛmɛ má bu bá fa kun n kɔ yaki kun ni. [³⁶ Na biɛsɔm nnyɔ bá wo juma yo su fiesu, na Nyɛmɛ má bu bá fa kun yaki kun ni.]” ³⁷ I susufɔm tiiri sɔ ni, na ba bisa i ka, “Ya Mibiɛ, nifansu ye ahin sam kɛrɛ bá yo a?” Na wɔ bɔ bu nu ka, “Deke kɛrɛ bo deke fuin nya wo, pɛtem bara ye dɔ ɔ.”

18

Miɛnu fa kɔ bara kunafo n ni jɔrɛdifo be jɔrɛ

¹ Dɔ na Yesu abo miɛnu akere i susufɔm n ka wɔ yo daka ka bu sere Nyɛmɛ sanɲa kɛrɛ, na má bu yaki i sere. ² I ɲa, “Jɔrɛdifo be woori miɛ be su a, i soro má Nyɛmɛ, na i kaaki bu má be. ³ Na bara kunafo be awo nyini miɛ n su, sanɲa kɛrɛ i ba jɔrɛdifo n dɔ ɔ, na i ba sere i ka, ‘Jɔrɛ bo mini ni m kpɔfo n bita i ni, buka m na m nya nahɔrɛ.’ ⁴ Na wɔ cɛ bo jɔrɛdifo n bɔ má i n nu. Ama, na kasin, na wɔ ba asunsun i tii nu, na wɔ se ka, ‘Haari ni bo m soro má Nyɛmɛ na m bu má be ni, ⁵ ama, kabo sanɲa kɛrɛ na ahin kunafo n bita kpie m daafiri n dɛɛ ti, m má i nya nahɔrɛ wɔ. Nzen ma yo má sɔ, i suba m dɔ sɔ ɔ, haari i bá ma m wara yi m ɲu.’ ”

⁶ Na Yesu akaaki ase bu ka, “Ye m ɲa am ati kabo nyini jɔrɛdifo findifo n seeri ni. ⁷ Ye nzu ti ye Nyɛmɛ búka má i dɛɛ minɛm bo bu sun fere i kɔɲgue ni wiesu kɛrɛ a, na bu nyá nahɔrɛ a? I cé má ni bu buka. ⁸ M suse am wɔ lɛɛ, ka, i búka bu wɔ na bu nya nahɔrɛ ndende. Ama, haari ni nyini mmɔɔ, sanɲa bo mini Adamande Wa n ba baari, m bá ɲu minɛm bo bu toko yo m yarada, nzen se a? Ai, m ɲú má be.”

Miɛnu fa kɔ Farasifo n ni lampodefɔ n jɔrɛ

⁹ Na Yesu akaaki abo ahin miɛnu n akere minɛm bo bu sunsun ka bɛrɛ yo sa bo i kɔ atin su Nyɛmɛ dɔ na bu bu má be ni. ¹⁰ I ɲa, “Cɛɛn n be sɔ ɔ, na mine nnyɔ nbem akɔ ka bu kɔ sere Nyɛmɛ, Nyɛmɛ Sereebiri Awuru n nu. Kun n ti Farasifo ɔ, na nyiɲga n ti lampodefɔ. ¹¹ Na Farasifo n ajina i ɲgumi abo i hoe asere Nyɛmɛ ka, ‘Micɛra Nyɛmɛ, m da u asi ka m ti má kabo mine nyiɲgam ti barasu ni. M ti má anyiifo, m ti má findifo, m saaki má ajaa ciire, haari m ti má ka nyini lampodefɔ n bo i jina dɔ ni. ¹² Leso kun kun kɛrɛ nu, m cici m nɔɔ kpe nnyɔ nnyɔ ɔ, na deke buru kɛrɛ bo m la i, m yi i kun kun ma u wɔ.’ ¹³ Ama, na lampodefɔ n ajina dede, haari wɔ koro má ka i ye i tii su nie angoro mmɔɔ, na wɔ fa i saa ataka i benggu nu, na wɔ se ka, ‘Micɛra Nyɛmɛ, m ti satieyofɔ ɔ, si m aɲunfo.’ ” ¹⁴ Na Yesu ase ka, “M suse am wɔ lɛɛ, ka, nyini mine nnyɔm ni sereeri Nyɛmɛ wieeri, na bu kɔ juuri awuru ni, Nyɛmɛ deerɔ lampodefɔ ni ka i ti sɔnɔ bo i yo sa bo i kɔ atin su i dɔ a, má Farasifo ni. Dama sɔnɔ kɛrɛ bo i wura i ɲu kpiri, Nyɛmɛ yó i kaan wɔ, ama, na sɔnɔ bo i yo i ɲu kaan, Nyɛmɛ wúra i mi kpiri wɔ.”

Kabo Yesu yoori nbaatumam kisi ni

¹⁵ Cɛɛn be na mine nbem sufa bu nbaam ba Yesu dɔ ka i fa i saa nana bu ɲu na i yo bu kisi. I susufɔm n ɲuuri i sɔ ni, na ba tien minɛm n ɲu. ¹⁶ Ama, na Yesu afere nbaatumam ni, na wɔ se ka, “Am ma nbaatumam n bra m dɔ, má am fɔn bu. Dama bɛrɛ ɲusu sɔ ye Nyɛmɛ femɛya n ti bu dɛɛ a. ¹⁷ Nahɔrɛ ye m suse am n a, wɔrɔ kɛrɛ

bo a de má Nyeme femeya n nu jore kabo baatuma de deke i saa nnyo ni, a wura má Nyeme femeya n nu fieo.”

Nengefo n ni nyemesu jore

¹⁸ Na Yudafon nkpienkpienm be abisa Yesu ka, “Ya Kerefo sonon kpa, m yó se ye m bá nya ngoo n bo i la má awieeri n a?” ¹⁹ Na wo bo i nu ka, “Nzu ti ye a fere m ka sonon kpa a? Be ti má kpa sin Nyeme nu. ²⁰ Ye m na a si Nyeme noanie maawam ni e, bu na, ‘Má a saaki ajaa ciire. Má a kun sonon. Má a wo. Má a di kore daani. Bu u si ni u ni.’ ” ²¹ Na sonon n ase i ka, “Ma su nyini noanie maawam n kere su haari m kaan nu.” ²² Yesu tiiri sonon na wo se i ka, “Deke kun be ye wo kpie u su a. Ko na a ko to u aja n kere, na a fa nwaa n ma yaarifom, na a bá nya ajekere Nyeme do, na a bra ba su m su.” ²³ Ama, sonon n tiiri sonon na i ahore asaaki, dama i la nenge agaya n dee ti. ²⁴ Na Yesu anie sonon n nyunu, na wo se i ka, “I ti kekereke bo nengefo wura Nyeme femeya n nu. ²⁵ Kabo nyooma sin misini bue nu ni, i ti má kekereke tara má kabo nengefo yo na i wura Nyeme femeya n nu.” ²⁶ Minem ni tiiri sonon ni, na ba bisa ka, “Ye nzen i ti so e, nma koro fite nu a?” ²⁷ Na wo bo nu ka, “Deke bo adamande koro yo má i, Nyeme koro yo i.”

²⁸ Na Petoro ase i ka, “To, ye yere ayaki ya dekem kere susu u su e.” ²⁹ Na wo se bu ka, “Nahore ye m suse am n a, sonon kere bo i yakiiri i awuru, wara i yi, wara i ninbaam, wara i wufom, wara i nbaam, Nyeme femeya n dee ti, ³⁰ i mi nya nyinim nusu so yaa i ngoo su, na fa ko fa ba, i nya ngoo n bo i la má awieeri ni.”

Kabo Yesu joko fa koori i yiwee n su kpe nsan su ni

³¹ Na Yesu afere i susufon buru ni nnyom n ako aheme, na wo se bu ka, “Am ti fen. Ya sukon Yerusalem lee, do ye bu ko yo mini Adamande Wa n kabo Nyeme noanie kanfom akere ka bu yo m n a. ³² Na bu fa m wura minem bo bu ti má Yudafom saa nu, na bu yo m anzasi, na bu kpie m nzuko, na bu yi nanzue gom nu, ³³ na bu fin m ngbere, na bu nya kun m, na i lesan ceen, na m tenge m yiwee n nu.” ³⁴ Ama, i susufom n ati má i jokowa n be bu. Nyeme ayi má i nyi akere má bu, nyini ti, ba koro ati má i bu.

Kabo Yesu tuntuunri anyinsin be na i nuuri asi ni

³⁵ Sangha bo Yesu ko sudodo mie kpiri be bo bu fere i ka Yeriko ni, na anyinsin be tana atin n noo su wo sere su. ³⁶ I tiiri ka jama n wo sin su ni, na wo bisa ka, “Nzu suyo a?” ³⁷ Na ba se i ka, “Yesu Nazaretifo ni susin a.” ³⁸ Do na wo tien afere i, i na, “Yesu, Feme Davidi anuma, si m anunfo.” ³⁹ Na minem n atien i nu ka i yaki nanmie. Ama, haari ni nyini mmoo, na wo kaaki atien kpa abuka su ka, “Feme Davidi anuma, si m anunfo.” ⁴⁰ Yesu tiiri sonon na wo ka ajina, na wo se ka bu fa i bra i do. Na ba fere i ama i. I ba dodoori ni, na Yesu abisa i ka, ⁴¹ “A koro ka m yo nzu ma u a?” Na wo bo i nu ka, “M Mibie, m koro ka a ma m nu asi wo.” ⁴² Na Yesu ase i ka, “Nu asi bekun. Yarada n bo a yo m ni, nyini ma a nya laifie a.” ⁴³ Kpenga na wo kaba anu asi, na wo su i su, sukansi Nyeme. Jama n nuuri i sonon na bu kere gusu akansi Nyeme.

19

Yesu ni Zakayosi dee jore

¹ Yesu ko wuraari Yeriko mie kpiri n nu na wo koro ka i sin. ² Bie be woori do, bu fere i ka Zakayosi, i ti lampodefom kere kpien wo, na i la ajekere agaya. ³ Na wo boro i nyi ka i nu Yesu na i si i. Ama, jama asunnu agaya n dee ti, wo koro anu má i, dama i ti sonon tika a. ⁴ Nyini ti, na wo nmati adu jama n mo ako afun baka na i nu i, dama wo nu ka Yesu fa nyini baka n bu sin a. ⁵ Sangha bo Yesu ba juuri nyini awore n nu n na wo nie angoro, na wo se i ka, “Zakayosi, jura bra ndende, dama wo yo daka ka m

yo u wɔfo ɔ nyuma.” ⁶ Na wɔ jura ndende, na wɔ kɔ ade i wɔfo ni ahorejo bambaka. ⁷ Na bo bu nyuri i n kere anjuti. Bu ɛa, “Ahin sɔnɔ n akɔ na i kɔ da satieyɔfo dika.” ⁸ Na Zakayosi ayasu ajina, na wɔ se Mibiɛ n ka, “M Mibiɛ, ti fen. M kpáaki m ajeke kere nu busu nnyɔ, na m fá buekun n ma jaarifom. Na nzen ma sisi be, m tó i sɔ nyusu nna, na m fá ma i mi.” ⁹ Na Yesu ase i ka, “Nyuma deɛ cɛɛn n nu, Nyeme ade ahin awuru n nufom tii aji, dama ahin sɔnɔ ni mmɔɔ ti Abraham busu nufɔɔ. ¹⁰ Nahɔɛ, mini Adamande Wa n baari ka m bá nienie minem bo ba mini n wɔ na m dé bu tii ji.”

Miɛnu fa kɔ akɔɔ buru nbem dabuɔu n jɔɛ

¹¹ Saɔga bo minem ni toko so bu sui ti ahin jɔɛm bo Yesu sujɔɔ bu ni, na Yesu akaaki abo bu miɛnu be, dama nyini saɔga ni wɔ ka kaan sɔ na i wúra Yerusalem mie kpiri n nu, na minem asunsun ka saɔga n akaba aju bo Nyeme bá nie i minem su lɛɛ. ¹² Nyini ti, na wɔ se bu ka, “Feme baa be yo woori bere a, cɛɛn be sɔ ɔ, na wɔ yasu ka i kɔ asien dede be su ka i kɔ di femeya na i kpie i nyi ba. ¹³ Kana i ba kɔ ni, na wɔ fere i akɔɔm buru, na wɔ fa ɛwaa akpaaki bu kere nu, na wɔ se bu ka, ‘M kɔ wieeri, ambere si kabo am yo ahin ɛwaa n a, haari m bá kpie m nyi ba.’ ¹⁴ Nyini sɔnɔ n gusu, i minem akoro má ka i yo bu feme, bu kpɔ i wɔ, nyini ti, na ba sunma minem ka bu kɔ se ka, ‘Ya koro má ka ahin sɔnɔ n bá yo ya feme.’

¹⁵ Na sɔnɔ n akɔ adi femeya ni, na wɔ kpie i nyi aba. I ba juuri kpenɔga i kaba tieɛni i akɔɔm ni nɔɔ ɔ, adena i si kperɛ bo ba nya i fite i ɛwaa bo i fa maari bu n nu. ¹⁶ Na akɔɔ n bo i du mɔ baari n ase i ka, ‘M mibiɛ, u ɛwaa n bo a fa maari m ni, ma nya i nyusu buru abuka su.’ ¹⁷ Na i mibiɛ n ase i ka, ‘Nfan. Wɔɔ akɔɔ kpa, kabo a kere ka a la dabuɔu nie deke kaan su ni, m má a nie miem buru su.’ ¹⁸ Na akɔɔ n bo i tɔ su nnyɔ su n aba, na wɔ se ka, ‘M mibiɛ, u ɛwaa n bo a fa maari m ni, ma nya i nyusu nnu abuka su.’ ¹⁹ Na wɔ se nyini n gusu ka, ‘M má a nie miem nnu su.’ ²⁰ Na akɔɔm n kun be aba ase ka, ‘M mibiɛ, u ɛwaa n bo a fa maari m yaa, m fa pɔɔndiiri sanvui nu fa seeri wɔ. ²¹ M soroori sere wɔ, dama a ti u sɔnɔ fangafɔ ɔ. A de deke bo i ti má u deɛ, na a kaaki kpie deke bo a dɔ má i.’ ²² Na wɔ se akɔɔ n ka, ‘Wɔɔ akɔɔ tiefo ni, u nɔanie n bo a jɔɔ i n ye m fá yo u ɛgbɛɛn a. A ɛa a si tenle ka m ti m sɔnɔ fangafɔ ɔ, na m de deke bo i ti má m deɛ, na m kaaki kpie deke bo ma dɔ má i, má sɔ? ²³ Tɔ, ye nzu ti ye a fa má m ɛwaa n akɔ ase má bankifom dɔ a? Na má m ba kpieeri m nyi baari, má m nya kperɛ buka su.’ ²⁴ Dɔ na wɔ se bo bu jina dɔ n kere ka, ‘Am de ɛwaa n fite i dɔ, na am fa ma akɔɔ n bo wɔ nya m ɛwaa n nyusu buru abuka su ni.’ ²⁵ Ama, na ba se i ka, ‘Ya mibiɛ, ye yiri du mɔ la u ɛwaa n nyusu buru e.’ ²⁶ Na wɔ se bu ka, ‘M suse am wɔ lɛɛ, ka, sɔnɔ kere bo i la deke be, bu má i be buka su wɔ. Ama, sɔnɔ kere bo i la má pui, haari ni nyini kaan n bo i la i ni, bu cin de i dɔ ɔ. ²⁷ Ama, m ahin kpɔfom bere yiri, má ba koro má ka m yo bu feme, am fa bu ba jina m nyunu fen na am kun bu kere.’ ”

Kabo Yesu wuraari Yerusalem ka feme deɛ su ni

²⁸ Yesu seeri sɔ wieeri ni, na wɔ du bu nyunu na bu kɔ Yerusalem mie kpiri n nu. ²⁹ I ba dodoori miem bo bu fere bu ka Befage ni Betani, nyini miem ni dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na wɔ sunma i susufom n nu nnyɔ, ³⁰ na wɔ se bu ka, “Am kɔ mie kaan n bo i wo am nyunu dɔ ni, am kɔ ɛa am wura mie n nu, am nyi ka kaakobaa be minda, be nya fun má i. Am nyangi i bra fen. ³¹ Nzen be bisaari am ka nzu ti ye am sunyangi i a, am se i ka Mibiɛ ni koro i a.” ³² Na bere n bo i sunmaari bu n akɔ, akɔ anu kaakobaa n ka i minda kabo i seeri bu ni. ³³ Saɔga bo bu sunyangi i ni, na i fom n abisa bu ka, “Nzu ti ye am sunyangi kaakobaa n a?” ³⁴ Na ba bo bu nu ka, “Mibiɛ ni koro i a.” ³⁵ Na ba fa i aba Yesu dɔ, na minem n atereki bu suturam anana kaakobaa n nyu, na ba buka Yesu

na wɔ fun. ³⁶ I fun tanaari su wieeri n na i wo kɔ su ni, na minem n afa bu suturam atereki ase atin n nu. ³⁷ Saŋga bo i ba dodoori Yerusalem miɛ kpiri n nu, fa kɔ awɔre n bo i atin kaba cɔɔndi Oliva Buka n su ni, na i susufɔm beberebe sukansi Nyeme ni ahorejɔ, na bu subo kuyigindi, dama ba ŋu alekutura sakpakpam bo wɔ yo i n dɛɛ ti. ³⁸ Bu ŋa,

“Terefiɛ wo fɛmɛ n dɔ,
Yiri n bo i suba Miceera n dɛɛ duma n nu ni.
Ahoreda wo aŋgoro,
na kansa wo Nyeme bo i wo aŋgoro n dɔ.”

³⁹ Dɔ na Farasifɔm nbem bo bu wo jama n nu n ase Yesu ka, “Ya Kerefɔ, tien u susufɔm n ŋu ka bu yaki naŋmiɛ.” ⁴⁰ Na wɔ se bu ka, “M suse am wɔ lɛɛ, ka, nzen má bere yakiiri naŋmiɛ, má am ŋu ka yabuɛm bo bu da bere n ayasu suyo naŋmiɛ.”

Kabo Yesu suunri Yerusalemfɔm n dɛɛ ti ni

⁴¹ Saŋga bo Yesu ba dodoori Yerusalem miɛ kpiri n na i ŋuuri i sɔ ni, na wɔ sun miɛ n dɛɛ ti, ⁴² na wɔ se ka, “Nzen má nyuma dɛɛ cɛɛn n nu am si sam bo bu fa ahoreda ba ni, má i ti má sɔ. Ama, kabo i ti ni, am koro ŋu má nyini sam ni. ⁴³ Saŋga ni suba bo am kpɔfɔm bá ta kanda bara ye am deke kere na am kóro fite má nu. ⁴⁴ Bu kún am ni am nbaam, na bu fúfu am ahin miɛ n kere pepere, haari yabuɛ kun n kpein mmɔɔ bá nana má i beŋgu su. Ahin n kere bá yo sɔ, dama am asi má saŋga n bo Nyeme baari ka i ba de am tii ji ni.”

Kabo Yesu fɔɔnri watafɔm fiteeri Nyeme Sereebiri Awuru n nu ni

⁴⁵ Dɔ na Yesu akɔ awura Nyeme Sereebiri Awuru n nu, na wɔ bo i bu sufɔn yi watafɔm, ⁴⁶ na wɔ se bu ka, “Ba kere i Nyeme Jɔre Kadasi n nu ka, Nyeme ŋa o, ‘M awuru ni, bu bá fere i ka awuru bo bu bá sere Nyeme nu.’ Ama, amberɛ afa i ayo awiefɔm fiɛɛbiri.”

⁴⁷ Cɛɛn n kere cɛɛn, Yesu kere minem wɔ Nyeme Sereebiri Awuru n nu. Na Nyeme sayoowa dɔŋguyofɔ nkpienkpiɛnm, ni Nyeme nɔaniɛ kerefɔm, ni Yudafɔm tereterefɔm n akoro ka bu kun i, ⁴⁸ ama, ba koro anya má atin, dama minem n kere koroori ka bu so bu sui wɔ, na bu ti i kereewam ni.

20

Kabo bu bisaari Yesu deke bo i yiko n fite ni

¹ Cɛɛn be sɔ ɔ, Yesu wo Nyeme Sereebiri Awuru n nu sukere minem, na i sukan labari kpa n kere bu. I wo kere su n na Nyeme sayoowa dɔŋguyofɔ nkpienkpiɛnm, ni Nyeme nɔaniɛ kerefɔm, ni Yudafɔm nkpienkpiɛnm aba i dɔ ² aba ase i ka, “Nma dɛɛ yiko nu ye a yo nyini sam kere a? Kan na ya ti. Nma ma u nyini yiko ni, ye a yo nyini sam n a?” ³ Na wɔ bo bu nu ka, “Am ma m du mɔ bisa am bisaawa kun be ka. Kisa, amberɛ kan na m ti, ⁴ nma maari Yohane atin ye i ba biɛeri minem Nyeme nzue n a? Nyeme nzen adamande?” ⁵ Na ba bisa bu ŋuŋu nu kabo bu bo i nu barasu, bu ŋa, “Nzen ya seeri i ka Nyeme maari i atin a, i bɛsa ya ka, ye nzu ti ye ya da má Yohane ŋu a? ⁶ Ama, nzen ya seeri i ka adamande dɔ, minem kere tú ya yabuɛ wɔ, dama bu kere soroori su ka Yohane yo tiiri Nyeme nɔaniɛ kanfɔ ɔ nahɔre su.” ⁷ Nyini ti, na ba bo i nu ka, “Ya si má sɔnɔ bo i maari i atin.” ⁸ Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kere ni.”

Kabo Yesu boori miɛɛnu niiri Yudafɔm nkpienkpiɛnm ni

⁹ Dɔ na Yesu abo minem ahin miɛɛnu ni, i ŋa, “Sɔnɔ be yo woori bere a, na wɔ dɔ i baka suuwa barasu be fie. Na wɔ nya afa awura i npadifɔm saa nu, na wɔ kɔ atin akɔ acɛ. ¹⁰ Saŋga ba juuri bo i si ka baka suuwam n abi ni, na wɔ sunma i akɔɔm kun i npadifɔm n dɔ, ka i kɔ de i dɛɛ bo ba nya i n bra. Akɔɔ n kɔ juuri ni, na ba

tara i abo i, na ba fɔn i akpie i nyi i saa n̄gbɛɛn. ¹¹ Na fie n fɔ n asunma i akɔɔ n kun bekun, na ba tara i abo i, na ba kpa i nyinyɛ, na ba ma wɔ kpie i nyi i saa n̄gbɛɛn. ¹² Kpe nsan su ni, na wɔ sunma akɔɔ nyinga, na ba tara i abo i, na ba ma i mandim, na ba fa i atu baka suuwam fie n ahɛmɛ. ¹³ Dɔ na fie n fɔ n ase ka, 'Ye m yó se wɔ lɛɛ kisa? M súnma m tien̄gu wa koroowa n wɔ, beni, bu má yiri jirima.' ¹⁴ Ama, san̄ga bo npadifɔm n n̄uuri ka baa ni suba ni, na ba se bu n̄un̄u nu ka, 'I wa n bo i dí i aja n lɛɛ suba n a. Am bra na ya kun i, adena aja n kɛrɛ ká ya dɛɛ.' ¹⁵ Dɔ na ba cin i atu baka suuwam fie n ahɛmɛ, na ba kun i." Na Yesu anya abisa bu ka, "Am sunsun ka fie n fɔ ni yó bu se wɔ? ¹⁶ I bá kun nyini npadifɔm n kɛrɛ wɔ, na i fá fie n wura mine fɔfɔrɛm saa nu."

San̄ga bo minɛm ni tiiri sɔ n na ba se ka, "Nyɛmɛ yo ya kisi ni nyini." ¹⁷ Na Yesu aɛɛ an̄iɛ bu dɔ na wɔ se bu ka, "Kabo ba kɛrɛ i Nyɛmɛ Jɔrɛ Kadasi n nu ni, am tiiri i bu se wɔ? Bu n̄a,

'Yabue n bo bondo tafɔm n faari i tuuri ni,
yiri ye wɔ kaaki bondo n jaa yabuɛm kɛrɛ tii a.'

¹⁸ Sɔnɔ kɛrɛ bo i kpaasiiri nyini yabue n su, i mi búbu nu wɔ mumuku, na sɔnɔ kɛrɛ gusu bo nyini yabue n tɔɔri i n̄u, i sán i mi samɛnɛ wɔ."

¹⁹ I seeri sɔ ni, na Nyɛmɛ nɔan̄iɛ kɛrɛfɔm ni, ni Nyɛmɛ sayoowa dɔnguyofɔ nkpiɛn-kpiɛnm n akaba akpini atin kabo bu yo na bu tara i, dama bu faari nu ka miɛɛnu n bo i boori i ni, i bo niiri bɛrɛ wɔ, ama, bu soroori minɛm dɛɛ ti, na ba yaki i.

Kabo bu sɔɔri Yesu n̄gɛɛ lampo tɔ busu ni

²⁰ Nyini ti, na Nyɛmɛ nɔan̄iɛ kɛrɛfɔm ni, ni Nyɛmɛ sayoowa dɔnguyofɔ nkpiɛn-kpiɛnm n akpini atin kabo bu yo na bu nya Yesu taraabiri. Na ba bo mine nbem ajaakpiɛn ka bu yo bu n̄u ka bu ti mine kpam wɔ, na bu ba sɔ i n̄gɛɛ na bu bisa i nɔan̄iɛ nbem, adena bu koro fa i wura gomina yikofɔ n saa nu. ²¹ Na nyini minɛm n ase Yesu ka, "Ya Kɛrɛfɔ, ya si ka u nɔan̄iɛ jɔjɔowa ni u kɛrɛewa kɛrɛ ti nahɔrɛ wɔ, na a tantambu má nu, ama, a kɛrɛ minɛm wɔ nahɔrɛ su kabo Nyɛmɛ atin ti barasu. ²² Tɔ, ya dɛɛ atin n su, atin wo nu ka ya tɔ lampo ma Romafɔm Fɛmɛ Kpiri Siza, nzen atin wo má nu?" ²³ Ama, na wɔ fa nu ka bu koro ka bu kpie i mbenlɛ wɔ, na wɔ se bu ka, ²⁴ "Am fa n̄waa bra na m niɛ." Bu fa baari ni, na wɔ bisa bu ka, "Am niɛ ahin n̄waa ni. N̄ma dɛɛ tii ni i duma wo su a?" Na ba bɔ i nu ka, "Fɛmɛ Siza dɛɛ a." ²⁵ Na wɔ se bu ka, "Tɔ, deke bo i ti Fɛmɛ Siza dɛɛ, am fa ma Fɛmɛ Siza, na deke bo i ti Nyɛmɛ dɛɛ, am fa ma Nyɛmɛ."

²⁶ Dɔ na ba n̄u ka bu koro nya má i taraabiri minɛm nyunu bɛrɛ, ama, kabo i bɔɔri bu nu n dɛɛ ti, na ba miɛ, na ba tɔ amuna.

Kabo bu bisaari Yesu fa kɔɔri yiwee ten̄ge jɔrɛ su ni

²⁷ Na Yudaɔm asɛɛ barasu nbem bo bu fere bu ka Sadusifɔm ni, aba Yesu dɔ. Bu dɛɛ kɛrɛewa la ka Nyɛmɛ tɛn̄ge má minɛm bu yiwee nu n a. Na ba ba abisa i jɔrɛ be, bu n̄a, ²⁸ "Ya Kɛrɛfɔ, Moyisi yo kɛrɛɛri nɔan̄iɛ be maari ya, ka nzen sɔnɔ wu yakiiri i yi na i ni bara n anya má baa, wɔ yo daka ka i niɛma n fa kunaɔ n na bu wu nbaam ma gɔrɔ n bo wɔ wu ni. ²⁹ Tɔ, sɔnɔ be yo laari nbaabiesɔm nso a, na baakpiɛn n aja bara, na wɔ wu ayaki bara ni, ba nya má baa. ³⁰ Sɔ ye bo i tɔ i su nnyɔ su, ³¹ ni nsan su n yoori a, haari fa kɔ kpuraari nso su ni, bu be mmɔɔ anya má baa ye bu wuuri a. ³² Kasin na bara n gusu aba awu. ³³ Tɔ, kabo bu mine nso n kɛrɛ aja bara n na ba wu sɔ ni, cɛɛn n bo Nyɛmɛ bá ten̄ge minɛm bu yiwee n nu ni, bara ni ká n̄ma dɛɛ wɔ?" ³⁴ Na Yesu abɔ bu nu ka, "N̄baram ni nbiesɔm bo bu wo bɛrɛ kisa ni ja ajaa, ³⁵ ama, n̄baram ni nbiesɔm bo Nyɛmɛ ānu ka bɛrɛ ti ye ni ka bu bá ten̄ge bu yiwee n nu fa kɔ fa ba ni, bɛrɛ ja má ajaa kun, ³⁶ dama bu wu má kun. Bu wo bɛrɛ ka Nyɛmɛ mɛrɛkɛm wɔ. Bu ti Nyɛmɛ nbaam wɔ, dama ka ba ten̄ge bu yiwee n nu. ³⁷ Na fa kɔ

kabo Nyeme bá tenge minem bu yiwee n nu ni, Moyisi mmoo yo kereeri ka i ti so o. Wo kere i Nyeme Jore Kadasi n nu, fa ko sanja bo sin n jeeri buwe baka n su ni, ka, Micera ni ti Abraham, ni Izaki, ni Jakobu dee Nyeme a.” ³⁸ Na Yesu asa su ase bu ka, “To, kabo Micera n ti nyini minem dee Nyeme ni, nyini kere ka bu toko la ngoo lee. Nyeme ti ma bo ba wu n dee Nyeme, i ti bo bu la ngoo ni dee Nyeme a, dama sono kere ngoo fite yiri do a.”

³⁹ Do na Nyeme noanie kerefɔ nbem ayasu ase i ka, “Nfan. Ya Kerefɔ, u bo nu n ti kpa.” ⁴⁰ Nyini sin, be abo ma su ka i bisa i jore bekun.

Kristo Tiidefo n bo i ti Feme Davidi anuma n jore

⁴¹ Na Yesu ajojo minem do fa ko Kristo Tiidefo n su, na wo bisa bu ka, “Ye nzu ti ye bu bita jajo ka Kristo n ti Feme Davidi anuma a? ⁴² Dama kabo ba kere i Kansi Jue kereewam n nu ni, Feme Davidi ni i tii ase ka,

‘Na Micera n ase m Mibie n ka,
‘Ba tana m saa fomboro su fen,

⁴³ haari m ba ma u kpofom kere ba kutu u jaa bu.” ’

⁴⁴ To, Feme Davidi mmoo fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu na mine si bu nu sa ni Nyeme noanie kerefom ni

⁴⁵ Sanja bo minem n kere jina wo i noanie n ti su so ni, na Yesu ase i susufom n ka, ⁴⁶ “Am si am nu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo.

⁴⁷ Nyini minem n so fin nkunafom nengem wo, na bu jina sere Nyeme ce, adena minem nu ka bu ti mine kpam wo. Jina ceen, bere ba nya suicin tara minem kere.”

21

Kabo kunafɔ be yiiri saraka ni

¹ To, na Yesu anie anu kabo nengefom suyi bu nwaa wura alaka bo minem yi saraka wura nu ni. ² Kunafɔ yaarifɔ be gusu woori do, na wo ba ayi nwaa kaan be bo i koro to ma pui awura saraka n nu, na Yesu anu i. ³ Do na wo se ka, “Nahore ye m suse am n a, nyini kunafɔ n ayi nwaa atara minem kere. ⁴ Dama nengefom la nwaa beberebe n dee ti, ye ba yi be a. Ama, nyini kunafɔ n ni i yaari n kere, i deke kere bo i la i lee ye wo yi i n a.”

Kabo Yesu seeri ka Nyeme Sereebiri Awuru ni ba bereki ni

⁵ Na Yesu susufɔ nbem ajojo fa ko Nyeme Sereebiri Awuru n su, kabo ba ta i ni yabue ngbingbirim ni aceerim bo bu fa ba ce Nyeme na i yo nyumi barasu ni. Bu wo jajo n su so ni, na Yesu ase ka, ⁶ “Nyini dekem bo am nu bu ni, sanja suba bo yabue kun n kpein n mmoo ba nana ma i benggu su. Bu ba bereki i kere go o lee.”

Kabo Yesu kereeri fa ko durunya n awieeri su dee jore ni

⁷ Na Yesu susufom n abisa i ka, “Ya Kerefɔ, sanja bono ye ahin sam kere ba yo a? Ye nzu deke ba kere ya ka sanja n adodo bo ahin sam n kere ba yo a?” ⁸ Na wo se bu ka, “Am si am nu sa, na ma am ma be dadaka am. Dama mine dongu ba fa m duma ba, na bu se ka, ‘Yiri la mini a.’ Na bu kaaki se am ka, ‘Sanja n aju lee.’ Ama, ma am su bu su. ⁹ Sanja bo am ba ti aluwa nga fen, wara bu sukun lue do, ma am ma sere ti am. Dama wo yo daka ka nyini sam n kere ba yo sin ka, ama, i kere ma ka durunya n awieeri lee.”

¹⁰ Na wɔ kaaki ase bu ka, “Daanfie daanfie bá kun lue ni bu beɔgum, na nfemem kún lue ni bu beɔgu nfemem. ¹¹ Na asien bá kpisi agaya, na ahɔe tó, na aloɔba tó awɔre awɔrem nu, na ya bá ɔu anyumbaa ciire sa nbem ka bu sutie fite aɔgoro n nu.

¹² Ama, kana ahin sam kere bá yo ni, bu tára am, na bu kére am wuwuruwa, na bu fá am wura yikofom saa nu, na bu dí am jɔre bu tientienbunɔɔ sɔɔm nu, na bu nyí am dansaraka, na bu fá am wura nfemem ni gominam saa nu, na bu fá am jina bu nyunu, mini deɛ ti. ¹³ Ahin má am atin a, na am kóro kan labari kpa n kere bu. ¹⁴ Ama, am du mɔ yo am sunsunni nu na má am ma i mie am, kabo bu kɔ bisa am na am jɔɔ barasu. ¹⁵ Dama mini má am alecira nɔanie bo am jɔɔ a, na am kpɔfom be mmɔ kóro la má nɔanie be bo bu kóro jɔɔ bo am asi, wara bu fá ta am nyi. ¹⁶ Haari am wufom, ni am ninbaam, ni am lamɔsim, ni am danfom mmɔ bá tɔ am ma nfanɔafom, na bu kún am nbem. ¹⁷ Mini deɛ ti, sɔnɔ kere kpó am. ¹⁸ Ama, am tiɔmie kun n kpein mmɔ ká má ɔgbɛn. ¹⁹ Nzen am mindi deerini nyini n kere, am nyá ɔɔɔ.”

Kabo Yesu jɔɔɔri ka Yerusalem mie ni bá saaki barasu ni

²⁰ Na Yesu akaaki ase i susufom n ka, “Sanɔa bo am bá ɔu ka sojam abara aye Yerusalem mie kpiri n ni, am si tenle su ka i cé má, bu sáaki mie n kere lee. ²¹ Nyini sanɔa ni, wɔɔ kere bo a tiiri i ɔga na a wo Yudiya asien n su, ɔmati kɔ bukam n su. Wɔɔ kere bo a wo mie n nu, ɔmati fite nu. Na wɔɔ kere gusu bo a wo mie n aheme, má a kpie u nyi kɔ mie n nu kun. ²² Dama ahin suicin kekereke sanɔa ni yó yiiwa, kabo ba kere i Nyeme Jɔre Kadasi n nu n kere. ²³ Nyini sanɔa ni yó kekereke agaya ma nyinsefom, ni nbaram bo bu nbaam toko nu ni. Dama minem n bo bu wo ahin asien n su ni dí yaari agaya, na Nyeme cin bu sui. ²⁴ Na bu kún nbem lue nu, na bu tára nyinɔam domue, na bu fá bu kɔ asien asienm n kere su, na minem bo bu ti má Yudafoam ni sáaki mie n kere haari fa kɔ ju sanɔa bo bu yiko bá wie.”

Kabo Adamande Wa ni bá kaaki ba barasu ni

²⁵ Na Yesu ase bu ka, “Na alekutura sam nyá ba tie fite wie n ni sara n, ni asarambaam kere nu. Na durunya n nu fen, asien asienm n sufom kere ahore tánda, na sere tí bu, fa kɔ kabo tieku nzue n bo barasu, na i yo nanmie agaya ni. ²⁶ Sam bo bu bá yo durunya n nu n deɛ ti, nyini má sere ti minem na bu tó cin, dama aɔgoro n kere kpísi wɔ. ²⁷ Na minem nyá ɔu ka mini Adamande Wa ni sufite aɔgoro yinyinɔu n nu suje piɛpiɛu suba ni yiko bambaka. ²⁸ Sanɔa bo nyini sam n kere bá suyo ni, am yasu na am ye am tii su ni ahoresi, dama sanɔa n adodo bo Nyeme bá de am tii lee.”

Kabo Yesu ɔa ya fa damba baka fa se nyaari barasu ni

²⁹ Dɔ na Yesu abo ahin miɛenu n akere bu. I ɔa, “Am nie damba baka ni baka nyinɔam kere. ³⁰ Sanɔa bo am nya ba ɔu ka bu sufiefie nyawa fɔfɔre ni, amberɛ ni am tii si ka dɔdɔri sanɔa adodo lee. ³¹ Kabo Nyeme Feme bá nie i minem su ni, i yó sɔ ɔ. Sanɔa bo amberɛ gusu bá ɔu ka nyini sam kere suyo ni, am si tenle ka i cé má, Nyeme Feme bá nie i minem su lee.

³² Nahɔre ye m suse am n a, bo bu la ɔɔɔ kisa ni wú wie má ka, ye ahin sam kere bá yo a. ³³ Aɔgoro n ni asienɔu n kere bá la awieeri, ama, m deɛ nɔanie n yiri, i la má awieeri cɛn be.”

Kabo Yesu seeri ka ya si ya ɔu sa fa kɔ i ba n su ni

³⁴ Na Yesu ase i susufom n ka, “Am si am ɔu sa, na má am susaaki am sanɔa sutien am nɔɔ sunu nzan subo, na má am ma durunya n nu sa koroowa mie am, na má m ba ni fúra am nu ³⁵ kabo toroku tara deke ni. Dama nyini cɛn bá fura minem bo bu wo durunya n nu wɔ. ³⁶ Má am fa am ɔu ji, am sere Nyeme sanɔa kere ka i ma

am fannga na am kóro fite nyini kekereke n kere bo bu suba n nu, na am bá koro jina mini Adamande Wa n nyunu.”

³⁷ Ale kere bo i cin, Yesu kó Nyeme Sereebiri Awuru n nu wó, na i kó sukere minem, ale nya ba san, na i kó Oliva Buka n su. ³⁸ Ale kere bo i cin ngarama fuun, minem ni ba i dó Nyeme Sereebiri Awuru n nu wó, na bu ti i kereewam ni.

22

Kabo bu seseri su ka bu kun Yesu ni

¹ Sannga n ba dodoori bo bu di bu ceenkpiri n bo bu di i ni kpono bo bu go má ayiri nu na i yasu ni. Yiri ye bu kaaki fere i ka Butara ceenkpiri n a. ² Na Nyeme sayoowa dɔnguyofɔ nkpienkpienm ni, ni Nyeme noani kerefom ni, anienie atin kabo bu yo barasu na bu kun Yesu, dama bu soroori minem ni ahore wó.

³ Na Sitana awura Yudasi Isikariyoti ni, yiri ti Yesu susufɔ buru ni nnyom ni kun be a. ⁴ Nyini ti, na wó kó asese su ni Nyeme sayoowa dɔnguyofɔ nkpienkpienm ni, ni Nyeme Sereebiri Awuru n tintinijinafɔ nkpienm ni, kabo i tó Yesu ma bu ni. ⁵ Bu tiiri nyini n so ni, na bu ahore ajo, na ba se ka bu má i nwaa. ⁶ Na Yudasi asoro su, na wó kpini atin na i tó Yesu ma bu, sannga bo jama wo má i dó ni.

Kabo Yesu ni i susufom seseri su ka bu di ceenkpiri diire ni

⁷ Na ceenkpiri ceen n aju, ceen n bo bu di kpono bo bu go má ayiri nu na i yasu ni. Nyini ceen n ye wó yo daka ka bu kpie nbombaam kom n a, na bu fa tenge Butara ceenkpiri n su. ⁸ Na Yesu asunma Peto ni Yohane, i na, “Am kó sese Butara ceenkpiri n diire n su na ya ba di.” ⁹ Na ba bisa i ka, “A koro ka ya kó ni kó sese diire n su a?” ¹⁰ Na wó bo bu nu ka, “Am ti fen, am kó na am wura mie n nu, am ni sono be kába ye, i so dundu ni nzue. Am su i su kó wura awuru n bo i kó wura nu ni. ¹¹ Na am bisa awurufobie n ka, ‘Ya Kerefɔ n na, soɔ bono nu ye i ni i susufom ni dí Butara ceenkpiri diire n a?’ ¹² Na i kere am angoro soɔ bambaka n bo ba yo i kere dɔngu ni, do ye am sese diire n su se ya.” ¹³ I jojo wieeri ni, na ba kó anu deke n kere so kabo Yesu seeri bu ni, na ba sese Butara ceenkpiri diire n su.

Kabo Yesu ni i susufom ni diiri Butara ceenkpiri diire ni

¹⁴ Sannga n ba juuri, na Yesu ni i jamasam n aba atana ka bu di diire ni. ¹⁵ Na wo se bu ka, “Kabo m koroori lee, m boroori m nyi wó ka m ni ambere sannga di ahin Butara ceenkpiri diire n ka, na m nyá di m wahara ni. ¹⁶ Dama m suse am wó lee, ka, m dí má ahin diire n kun, má ka i bá yo yiiwa Nyeme femeya n nu.”

¹⁷ Do na wó fa awa ni nzan, na wó da Nyeme asi, na wó se bu ka, “Am de na am nu, na am fa ma am bejgu. ¹⁸ M suse am wó lee, ka, m nú má ahin nzan n kun, má ka ceen n bo Nyeme Feme bá nie i minem su.”

¹⁹ Na Yesu akaaki afa kpono, na wó da Nyeme asi, na wó bubu i nu, na wó fa ama bu, na wó se bu ka, “Ahin kpono n ti m nuniembaa lee, ye m sufa ma am n a. Am yo ahin so adena am fa tenge m su.” ²⁰ Bu diiri diire n wieeri ni, na wó kaaki afa awa ni nzan ni, na wó yo so, na wó se bu ka, “Ahin nzan n ti sesesu fofore n bo Nyeme sufa m mbunja n sudi i di n a. Ambere dee ti ye m mbunja ni songi go a.

²¹ Ama, am nie. Sono n bo i tó m ni wo diire n diibiri fen, m ni yiri susannga di diire n a. ²² Mini Adamande Wa ni wú kabo Nyeme adu mo acici ka m wú n wó, ama, sono n bo i to m ni, i mi bá nu anyumboro.” ²³ Do na ba bisa bu nuju nu ka, “Ye ya nu nma koro yo ahin sa n a?”

Kabo Yesu kereeri ka mafɔ yo i nu kaan ni

²⁴ Na Yesu jamasam n ase akuruwa bu nuju nu fa kó sono bo i tara bu kere bu nu. ²⁵ Na Yesu ase bu ka, “Minem bo bu su má Nyeme n dee nfemem, bere mie bu

minem a, na bere bo bu la yiko minem nu ni, bu fere bu ka bukafom. ²⁶ Ama, ma amberere yo so. Sono bo i tara am kere am nu ni, i ti ye ni ka i mi yo i nu kaan, na bo i ti am mafon gusu, i ti ye ni ka i mi yo i nu kaan na i su am. ²⁷ Sono bo i tana di diire ni, ni bo i su amusui ni, nma tara i bengua? Yiri la bo i tana di ni, ma so o? Ama, mini wo am nu ka sono bo i su amusui wo.

²⁸ Sanga kere bo m woori kekereke nu, amberere jinaari m sin a. ²⁹ Kobo m Si Nyeme ama m atin ka m di femeya ni, so ye mini gusu fa ma am a, ³⁰ na am di na am nu m femeya n nu, na am tana femeya biem su, na am nie Yisarelifom ano buru ni nnyom n su."

Kabo Yesu seeri ka Simon Peto ba kete i ni

³¹ Na Yesu ase Simon ka, "Simon, ti fen. Sitana asere atin ka i kpaja am kobo bu kpaja ngani n wo. ³² Ama, ma sere Nyeme ama u na ma a yaki m yaradayo. Na sanga bo a ba kaaki ba suuri m su bekun ni, buka u ninbaam ni, na bu nya ahoresi." ³³ Na wo se i ka, "M Mibie, m nmati yaki ma u da, nka bu sangga nyi woro ni mini kere wo, na ya sangga wu." ³⁴ Na Yesu ase i ka, "Peto, m suse u wo lee ka, nyuma, kana akonyuma ba bo, a kete kpe nsan su ka a si ma m."

Kabo Yesu seeri i susufom fa ko sa kekerekem bo bu ba yo ni

³⁵ Na Yesu abisa i susufom n ka, "Sanga bo m sunmaari am na am abita ma nwaa kuruku, wara kuruku, wara gbagbaa ni, nzu kpieeri am su a?" Na ba bo i nu ka, "Pui akpie ma ya su." ³⁶ Na wo se bu ka, "Ama, kisa, woro kere bo a la nwaa kuruku, wara kuruku, fa i, na woro kere bo a la ma takobe, to u tanlee na a fa nwaa n to be. ³⁷ Dama ba kere i Nyeme Jore Kadasi n nu ka, 'Bu faari m buuri satieyofom kun wo.' M suse am wo lee, ka, wo yo daka ka, mini dee ti, na i yo yiiwa. Nahore, deke n bo bu kere niiri mini ni, i suyo yiiwa." ³⁸ Na ba se i ka, "Ya Mibie, nie. Takobe nnyo yaa fen." Na wo se bu ka, "Wo se su."

Kabo Yesu jeke tiiri n na i koreeri Nyeme ni

³⁹ Na Yesu afite mie n nu, na wo ko Oliva Buka n su, kobo i nati yo ni, na i susufom n asu i su. ⁴⁰ Sanga bo i ko juuri do ni, na wo se i susufom n ka, "Am sere Nyeme, adena ma deke be yo am na am wura satie nu." ⁴¹ Do na wo yaki bu, na wo ko mo kaan, na wo kutu asere Nyeme. ⁴² I na, "M Si Nyeme, nzen i ti u koroyanu, yi m fite ahin anyumboro n bo i suba m do n nu. Haari ni nyini mmoo, ma a yo kobo m koro ni, ama, se kobo a koro ni." ⁴³ Na Nyeme mereke be atie afite angoro aba asi i ahore. ⁴⁴ Ahoretanda n bo i tuuri i n dee ti, na wo sere Nyeme ni anyumboro abuka su, na i anuye sukpinkpin asienngu ka mbunja dee su.

⁴⁵ I sereeri Nyeme n wieeri ni, na wo yasu akpie i nyi ako i susufom n do, i ko nuuri ka bu wo daafiri su, dama bu ahore asaaki agaya n dee ti. ⁴⁶ Na wo se bu ka, "Nzu ti ye am da daafi a? Am yasu jina na am sere Nyeme, adena ma deke be yo am na am wura satie nu."

Kabo bu taraari Yesu ni

⁴⁷ Na sangga bo i toko wo jooori n su ni, na jama be aba aju. Yudasi bo i ti i susufom buru ni nnyom nu kun ni, duuri bu mo a, na wo ko Yesu do ka i ko biti i, ⁴⁸ ama, na Yesu abisa i ka, "Yudasi, a biti m ye a ma bu nya mini Adamande Wa n taraabiri a?"

⁴⁹ Sangga bo i susufom bo bu wo i do n nuuri sa n bo i suba ni, na ba bisa i ka, "Ya Mibie, ya kpie bu takobe, nzen se?" ⁵⁰ Na bu nu kun akpie ayi sono be sui, i saa fomboro dee ni, nyini sono n ti Nyeme sayoowa donguyofon kere kpien n akoo o. ⁵¹ Ama, na Yesu atien i susufom n nu ka, "Ma am yo so kun." Na wo fa i saa akan sono n sui ni, na wo nya laifie. ⁵² Do na Yesu ase Nyeme sayoowa donguyofon nkpienkpienm ni, ni tintinijinafon nkpienkpienm ni, ni Yudafom nkpienkpienm kere bo bu baari ka bu ba tara i n ka, "M ti awiefon o, ye am fa takobem ni koromam na am ba tara m a?"

⁵³ Cɛɛn n kere cɛɛn m ni amberɛ wo Nyemɛ Sereebiri Awuru n nu a, am atara má m. Ama, kisa ti sanɔa bo Nyemɛ ama atin, na am ni Sitana bo i wo awosin nu n kere am yiko a.”

Kabo Petoro keteeri ka i si má Yesu ni

⁵⁴ Na ba tara Yesu afa i akɔ awura Nyemɛ sayoowa dɔnguyofɔm n kere kpien n dika, na Petoro asu bu su, ama, i woori dede kaan ni berɛ wɔ. ⁵⁵ Mine nbem atɔrɔ sin gisan n afien, atana abara aye i, na Petoro akɔ abuka bu su. ⁵⁶ I tanaari na sin wein n gɔɔri i ɲu ni, na afani be aɲu i. Na wɔ niɛ i nyunu dika gbirim, na wɔ se bu ka, “Ahin sɔnɔ ni mmɔɔ ti i susufɔ ɔ.” ⁵⁷ Ama, na wɔ kete, i ɲa, “Bara, m si má i.” ⁵⁸ Nyini sin, wɔ cɛ má, na sɔnɔ be gusu aba aɲu i, na wɔ se i ka, “Wɔrɔ mmɔɔ ti bu kun wɔ.” Ama, na wɔ se i ka, “Wɔrɔ, m ti má bu kun.” ⁵⁹ Na fa kɔ sanɔa su bekun, na sɔnɔ kun be ajina su kekereke ase ka, “Nahɔrɛ, ahin sɔnɔ n ti bu kun wɔ, dama yiri gusu ti Galilifo ɔ.” ⁶⁰ Ama, na wɔ se i ka, “Wɔrɔ, m si má ahin jɔrɛ n bo a sujɔɔ i ni mmɔɔ.” Sanɔa bo i toko wo jɔɔɔri n su ni, na akɔnyuma akaba abo. ⁶¹ Na Mibiɛ Yesu n ace anie Petoro nyunu, na wɔ tenge su kabo Mibiɛ n seeri i ni, i ɲa, “Nyuma, kana akɔnyuma bá bo, a kéte kpe nsan su ka a si má m.” ⁶² Na wɔ fite akɔ asun agaya.

Kabo bu yoori Yesu anzasi na bu boori i barasu ni

⁶³ Na minem bo bu bita Yesu ni, ayo i anzasi, na ba bo i. ⁶⁴ Na ba fa sanvuin acin akata i nyumbaa, na ba bisa i ka, “Wɔrɔ Nyemɛ nɔanie kanfɔ ni, ɲma bo u a? Kan kere ya.” ⁶⁵ Na ba kpie i nzukɔ barasu barasu n kere.

Kabo Yudafɔ tereterefɔm diiri Yesu jɔrɛ barasu ni

⁶⁶ Na ale acin, na Yudafɔm tereterefɔm atien bu nɔɔ, Nyemɛ sayoowa dɔnguyofɔ nkpienkpienm ni, ni Nyemɛ nɔanie kerefɔm n gusu buka su, na ba fa Yesu aba bu tientienbunɔɔ n nu. ⁶⁷ Na ba se i ka, “Nzen a ti Kristo Tiidefɔ n a, se ya.” Na wɔ se bu ka, “Nzen m seeri am ka yiri la mini, am dé má, ⁶⁸ na nzen m bisaari am bisaawa, am bó má m nu. ⁶⁹ Ama, fite kisa fa kɔ, mini Adamande Wa ni bá tana Nyemɛ Yikofɔ n saa fɔmbɔrɔ su wɔ.” ⁷⁰ Dɔ na bu kere abisa i ka, “Nka wɔrɔ ti Nyemɛ Wa n a?” Na wɔ bɔ bu nu ka, “Kabo am jɔɔɔri ni, i ti sɔ ɔ.” ⁷¹ Na ba se ka, “Ya koro má daanifo be kun. Yere mmɔɔ ni ya tii ati kabo wɔ se ni.”

23

Kabo bu faari Yesu kɔ jinaari Gomina Pilato nyunu ni

¹ Na bu tereterefɔm n kere bo ba tien bu nɔɔ n ayasu, na ba fa Yesu akɔ ama Gomina Pilato. ² Na ba bo i bu sujaraki i, bu ɲa, “Ya kɔ aɲu ka ahin sɔnɔ ni sudaka ya minem ka bu kete gomina ni, na má bu tɔ lampo kaari ma Feme Kpiri Siza, i ɲa ka yiri ni i tii ti Kristo Tiidefɔ n a, nyini la ka i ti feme wɔ lɛɛ.” ³ Na Gomina Pilato abisa i ka, “Wɔrɔ ti Yudafɔm feme n a?” Na wɔ bɔ i nu ka, “Kabo a jɔɔ ni, i ti sɔ ɔ.” ⁴ Dɔ na Gomina Pilato ase Nyemɛ sayoowa dɔnguyofɔ nkpienkpienm ni, ni jama n kere ka, “Ma ɲu má ɲgasi bo ahin sɔnɔ n ado i.” ⁵ Ama, na ba jina kun su, na ba jaraki i, bu ɲa, “I kereewa n ama Yudiya awɔrɛ n nu minem kere ahore ayasu. I boori i bu Galili awɔrɛ n nu wɔ, ye kisa wɔ fa aba fen n a.”

Kabo bu faari Yesu kɔ jinaari Feme Herode nyunu ni

⁶ Gomina Pilato tiiri sɔ ni, na wɔ bisa ka, “Sɔnɔ n ti Galilifo ɔ?” ⁷ I tiiri ka i fite dɔ ni, na wɔ ma ba fa i akɔ Feme Herode dɔ, dama yiri yo niɛ nyini awɔrɛ n su a. Nyini sanɔa ni, Feme Herode gusu woori Yerusalem mie kpiri n nu. ⁸ Feme Herode ɲuuri Yesu ni, na wɔ yo i fie akɔ asin su, dama wɔ ti i ɲga ace, na wɔ koro ka i ɲu i na i yo alekutura sa nbem na i niɛ. ⁹ Nyini ti, na wɔ bisa Yesu bisaawam beberebe, ama, wɔ bɔ má i nu. ¹⁰ Na Nyemɛ sayoowa dɔnguyofɔ nkpienkpienm ni, ni Nyemɛ nɔanie

kerefom n afite ajina sujaraki i ni anyumboro su. ¹¹ Na Feme Herode ni i sojam n ayo Yesu anzasi, na ba bu i ngbeen, na ba fa tanlee nyunyumi awura i, na ba fa i akpie i nyi ako Gomina Pilato do. ¹² Nyini sangani, Feme Herode ni Gomina Pilato yo kpo bu bengu wo, ama, nyini een n gbingbin na ba kaaki danfom.

Kabo Gomina Pilato maari nwo ka bu kun Yesu ni

¹³ Na Gomina Pilato afere Nyeme sayoowa donguyofa nkpienkpienm ni, ni Yudafo tereterefo ni, ni minem ni, ¹⁴ na wo se bu ka, "Am faari ahin sono n baari m do, na am ase ka i sukere minem na bu kete gomina n wo. Mini ni m tii anie jore n nu am nyunu fen, ama, ma nu ma ngasi bo wo do i. ¹⁵ Feme Herode mmoo ni i tii anu ma i ngasi be, nyini dee ti ye wo kaaki i aba ama ya n a. Nahore, ahin sono n ado ma ngasi be bo bu kun i. ¹⁶ Nyini ti, m ma bu fin i ngbere na m yaki i na i ko." [¹⁷ Afo kere afo, Butara eenkpiri n nya ba juuri ni, wo yo daka ka Gomina Pilato yi dansaraka n kun ji.] ¹⁸ Ama, na jama n kere atien kungerekun ase ka, "Yi ahin sono ni ngoo, na a yi Barabasi ma ya." ¹⁹ Yiri Barabasi ni i bengu ketemafa nbem yo kpieri jore, Yerusalem mie kpiri n nu, na ba di aluwa na ba kun mine. Nyini ti ye bu taraari i dansaraka n a.

²⁰ Gomina Pilato koroori ka i yaki Yesu nu ji n dee ti, na wo kaaki ajojo jama n do bekon. ²¹ Ama, na bu sutiendien suse ka, "Kpama i baka jaanu n su na i wu. Kpama i." ²² Na wo kaaki ase bu kpe nsan su ka, "Ye nzu satie ye wo yo i a? Mini anu ma satie be bo wo yo i na bu kun i. M ma bu fin i ngbere wo, na m yaki i na i ko." ²³ Ama, na ba kaaki atien kpa amie i ka i kpama Yesu baka jaanu n su. Na bu nanmie yoowa agaya n akunma Gomina Pilato. ²⁴ Na wo ma nwo ka bu yo Yesu kabo minem koro ni. ²⁵ Na wo yi sono n bo minem n koroori i n aji, yiri bo i kpiniiri jore na i kuunri minem na bu nyiiri i dansaraka ni. Ama, Yesu yiri, na wo ma bu nwo ka bu kun i, kabo Yudafo koro ni.

Kabo bu kpamaari Yesu baka jaanu n su ni

²⁶ Na sojam n afa Yesu afite, na sangani bo bu wo ko su ni, na bu ni bie be aye, bu fere i ka Simon, i ti Sirenefo o. I fite aheme suba mie kunnu, na sojam n amie i ka i so baka jaanu n su Yesu su. ²⁷ Na jama beberebe asu i su, bu nbem ti nbaram wo, na bu susun, na bu sukoko, i dee ti. ²⁸ Na Yesu ace anie bu, na wo se bu ka, "Yerusalem nbaram, ma am sun mini dee ti, ama, am sun amberere ni am nbaam dee ti. ²⁹ Am ti fen, sangani suba bo minem ba se ka, "Terefie wo norokam n do, ni bo bu nya wu ma nbaam ni, ni bo nbaam nya nu ma bu nyufini ni." ³⁰ Nyini sangani ye minem se ka,

'Nzen ma bukam bereki go ya nu,
na kperem kata ya nu,
ma i ti ye.'

³¹ Nzen bu faari baka mone wurari sin nu na i jeeri, ye baka wuruuwa yiri yo se wo lee?"

³² Na ba fa satieyofa nnyo nbem gusu ako ka bu ko kun bu ni Yesu kere. ³³ Sangani bo bu ko juuri dika be bo bu fere i ka Tereawa woobiri ni, na ba kpama Yesu baka jaanu n su, na ba ye i su ajina. Na ba kpama satieyofa nnyo nbem baka jaanu n su adodo i, bu kpamaari kun i saa fomboro su wo, na ba kpama kun n gusu i saa bie su. ³⁴ Na Yesu ase ka, "M Si Nyeme, fa bu satie ce bu, dama bu si ma sa n bo bu suyo i ni." Na ba tu mbaa na bu si kabo bu kpaaki i suturam nu. ³⁵ Na minem n ajina do sunie i, na Yudafo tereterefo mmoo ayo i anzasi. Bu na, "I na i koro de minem tii ji. Nzen yiri ti Kristo Tiidefo n bo Nyeme ayi i ni, ma i de i nu tii ji." ³⁶ Na sojam n gusu ayo i anzasi, na ba fa nzan gagaraki be ama i ka i nu, ³⁷ na ba se ka, "Nzen woro ti Yudafo Feme n a, de u tii ji." ³⁸ Na ba kere kereewa be abo akpama i baka jaanu n tii su, kereewa n la ka, "Yudafo Feme n lee."

³⁹ Na satieyofɔ nnyɔm bo bu saɔga kpamaari bu ni Yesu ni, bu nu kun atɔ i ɔu ni nzuko, i ɔa, “Má wɔɔ ti Kristo Tiidefɔ n a? De u tii ji na a de yeɛ gusu ji.” ⁴⁰ Ama, na nyinga n ajaraki i, i ɔa, “A soro má Nyeme wɔ? M ɔa ya dɛɛ suicin ni i dɛɛ n kere ti kun wɔ. ⁴¹ Ya dɛɛ suicin n yiri, i ti deke bo ya de i wɔ, dama kabo i ti ye ni ka bu yo ya lɛɛ, ama, yiri ado má ɔgasi be.” ⁴² Na wɔ kaaki ase ka, “Yesu, a ba baari ni u femeya ni, tenge m su.” ⁴³ Na Yesu ase i ka, “Nahɔɛ ye m suse u n a, nyuma dɛɛ cɛɛn n nu, a bá wo m dɔ alezanda nu.”

Kabo Yesu wuuri ni

⁴⁴⁻⁴⁵ Na fa kɔ wiesu kerefi buru ni nnyɔ saɔga, wies n afite má na awosin akata asien n kere su haari naaso kerefi nsan, na tani bambaka n bo bu fa kanda kpaakiiri Sɔɔ Casi n bo i wo Nyeme Sereebiri Awuru n nu n ati nu nnyɔ, i afien. ⁴⁶ Na Yesu abo awie kpa, i ɔa, “M Si Nyeme, ma fa m ɔu awura u saa nu.” I seeri sɔ wieeri n na wo yo Nyeme dɛɛ. ⁴⁷ Saɔga bo soja kpian ɔuuri sa n bo wɔ yo sɔ ni, na wɔ kansi Nyeme, na wɔ se ka, “Nahɔɛ su, ahin sɔnɔ n tiiri sɔnɔ fofoe wɔ.” ⁴⁸ Na minem kere bo ba tien bu nɔɔ jina wo i nie su ni, saɔga bo bu ɔuuri sa n bo wɔ yo n sɔ ni, na bu kere afa bu saa ataka i beɔgu nu, na ba kpie bu nyi akɔ awuru. ⁴⁹ Na Yesu danfom n kere, ni nbaram bo bu suuri i su fiteeri Galili awɔɛ n nu ni, ajina dede kaan sunie sam n kere bo bu yoori ni.

Kabo bu yoori Yesu sutura barasu ni

⁵⁰ Sɔnɔ be woori bere, bu fere i ka Yosefu, i ti Yudafom tereterefom nu kun wɔ, na i ti sɔnɔ kpa, na i yo sa bo i kɔ atin su Nyeme dɔ. ⁵¹ Wɔ soro má su ni sunsunni n bo i beɔgum faari i na bu yoori Yesu barasu ni. I fite mie kpiri n bo bu fere i ka Aramatiya na i wo Yudiya awɔɛ nu n wɔ, na i dɛɛ la ka, i ɔminda wɔ, fa kɔ saɔga bo Nyeme Feme bá nie i minem su. ⁵² Na wɔ kɔ Gomina Pilato dɔ, na wɔ kɔ asere i ka i fa Yesu ɔunie n ma i. ⁵³ Na wɔ kɔ ayi fuin ni baka jaanu n su, na wɔ fa nzee n apɔɔndi i. Na wɔ kɔ afa i awura yabuɛ buɛ bo ba lokoti i ayo i faɔkunma n nu na ba nya ase má sɔnɔ be nu ni, na wɔ fa i ase nu. ⁵⁴ Nyini cɛɛn n tiiri Njumiya cɛɛn n kpokpo cɛɛn wɔ, i naaso, wɔ ka kaan na bu di Njumiya cɛɛn ni.

⁵⁵ Nbaram bo bu suuri Yesu su fiteeri Galili awɔɛ n nu ni, bere suuri Yosefu su, na ba kɔ anu yabuɛ buɛ faɔkunma ni, ni kabo bu seeri fuin n barasu.

⁵⁶ Na ba kpie bu nyi akɔ awuru ka bu kɔ kpa bu ɔu ni ɔguin nvanvanim ni tulaaleɛm. Na alecin Njumiya cɛɛn ni, na ba yi bu ɔumi kabo Nyeme maari Moyisi nɔɔ ka bu yo ni.

24

Kabo Yesu tengeeri i yiwee n nu ni

¹ Na alecin, Yudafom bakue n bumboori, mɔne cɛɛn ɔgarama fuun, na nbaram n afa tulaaleɛ nvanvani bo ba kpini ase ni, na ba fa akɔ yabuɛ buɛ faɔkunma n su. ² Bu kɔ juuri dɔ n na ba ɔu ka yabuɛ bambaka n akundu ayaki faɔkunma n anɔ ni. ³ Ama, bu wuraari faɔkunma n nu ni, ba ɔu má Mibie Yesu ɔunie ni, ⁴ na ba mie aka ajina gbirim, kpenɔa na ba ɔu ka nbiesom nnyɔ jina, bu wura sutura fofoe papasi. ⁵ Na sere ati nbaram n agaya, na ba biri bu tii haari asiɔngu, na minem n abisa bu ka, “Nzu ti ye am sunienie fuinm nu na am ɔu sɔnɔ bo i la ɔgɔɔ a? ⁶ I wo má fen. Wɔ tenge i yiwee n nu. Am tenge su kabo i yo seeri am ni, saɔga bo i yo wo Galili awɔɛ n nu ni, ⁷ i ɔa, ‘Wɔ yo daka ka bu bá fa mini Adamande Wa n wura satieyofom saa nu, na bu kpáma m baka jaanu n su, ama, na lesan cɛɛn na m tɛnge m yiwee n nu.’ ” ⁸ Dɔ na ba tenge Yesu nɔanie bo i yo seeri bu n su, ⁹ na ba fite faɔkunma n nu, na ba kpie bu nyi akɔ akan sam n kere bo ba ɔu i ni, akere i susufɔ buru ni kunm ni, ni nyingam kere. ¹⁰ Nbaram ni la Mariya bo i fite Magadala mie n nu ni, ni

Yowana, ni Yakobo dɛɛ ni Mariya, ni bu beɲgu nbara nbem, bere kaanri nyini sam n kere kereeri i jaramasam n a. ¹¹ Ama, bu tiiri jore n bo nbaram kan kereeri bu ni, bu sunsuunri ka i ti jore nɲbeɛn wɔ, ba yo má yarada. ¹² Ama, na Petoro ayasu anmati ako fanɲunma n nu, i kɔ juuri n na wɔ kasi anie fanɲunma n nu, wɔ nɲu má pui, má ka nzee n nɲumi da. Na wɔ kpie i nyi aba awuru, na wɔ birisi fa kɔ sa n bo wɔ yo n su.

Kabo Yesu faari i nɲu kereeri i susufɔ nnyɔm barasu ni

¹³ Nyini cɛɛn ni, na Yesu susufɔ nnyɔ nbem sukɔ mie kaan be bo bu fere i ka Emosi n su, i ni Yerusalem mie kpiri n waari má agaya. ¹⁴ Bu wo kɔ su ni, na bu subo anzama fa kɔ sa n kere bo wɔ yo n su. ¹⁵ Bu nati wo nyini anzama n bo su ni akuruwa ni, na Yesu ni i tii aba atu bu atin nu, ¹⁶ na ba nɲu i, ama, ba koro asi má ka yiri lɛɛ. ¹⁷ Na wɔ bisa bu ka, “Am wo natiiri n su atin n nu ni, am boori nzu anzama n a?” Na ba ka ajina gbirim ni ahoresaaki. ¹⁸ Na bu nu kun be bo bu fere i ka Kelɔpasi n abɔ i nu ka, “I yo se ye wɔfɔm kere bo bu wo Yerusalem mie kpiri n nu n si sam bo ba yo nyini lennyɔ n nu bere, ye wɔrɔ nɲumi si má?” ¹⁹ Na wɔ bisa bu ka, “Nzu sam?” Na ba bɔ i nu ka, “Yesu Nazaretifo n jore. I yo tiiri Nyeme noanie kanfɔ bo i la yiko wɔ, fa kɔ i alekutura sam ni i kereewam su, na i sayoowam sun Nyeme ni minem n kere nu. ²⁰ Na Nyeme sayoowa donɲuguyofɔ nkpienkpienm ni tereterefɔm n ama ba di i jore ka bu kun i, na ba kpama i baka jaanu n su. ²¹ Ama, yere yo laari tama ka yiri ye wɔ ba ka i bá de Yisarelifɔm tii ji a. Deke bo i buka nyinim kere su n la ka, nyini sam kere yoori, i nyuma lesan lɛɛ. ²² Haari ni nyini n mmɔɔ, ya nbaram nbem ba kaanri alekutura jore be kereeri ya. Bu kɔori yabue bue fanɲunma n nu wɔ nɲarama fuun, ²³ ama, ba nɲu má fuin n dɔ. Bu kpieri bu nyi ba juuri ni, na ba se ya ka, bu kɔ nɲuuri Nyeme merékem ka alele nu wɔ, fanɲunma n nu, na ba se bu ka i la nɲɔɔ. ²⁴ Na ya nu nbem gusu ako fanɲunma n nu, bu kɔ nɲuuri deke n kere sɔ ɔ, kabo nbaram seeri ni, ama, ba nɲu má yiri.”

²⁵ Na Yesu ase bu ka, “Ambere, nɲonle akpie am su wɔ, nzen se, ye dada kere am nya yo má yarada, fa kɔ jore n kere bo Nyeme noanie kanfɔm jɔjɔori n su? ²⁶ Am si má ka wɔ yo daka ka Kristo Tiidefɔ n di nyini wahara n kere ka, na Nyeme wura i kpiri?” ²⁷ I seeri sɔ n na wɔ kan i nɲusu jore akere bu, kabo ba kere i Nyeme Jore Kadasi n kere nu ni, i boori i bu ni Moyisi dɛɛ kereewam wɔ, na wɔ nya akan kabo Nyeme noanie kanfɔm kere kereeri ni.

²⁸ Bu ba kɔ suju mie n bo bu sukɔ su ni, na Yesu ayo ka yiri susin kɔ mɔ, ²⁹ ama, na ba sere i ni anyumboro, na ba se i ka, “Ba yo ya wɔfɔ. Wie atɔ, ale susan lɛɛ.” Nyini ti, na wɔ wura awuru n nu ka i da bu dɔ. ³⁰ Sanga bo i tanaari na bu kere di diire n ni, na wɔ fa kponɔ, na wɔ da Nyeme asi, na wɔ bubu i nu afa ama bu. ³¹ Dɔ na bu nyunu ateke i nɲu, na ba si i, kpenɲa na wɔ mini ayaki bu. ³² Na ba se bu beɲgu ka, “Sanga bo i jɔjɔori ya dɔ atin n nu na i kaanri Nyeme Jore Kadasi n bu kereeri ya ni, i maari ya ahorejɔ kɔ sin su wɔ, má sɔ?”

³³ Na ba kaba ayasu bere akpie bu nyi ako Yerusalem mie kpiri n nu, na ba kɔ anu ka i susufɔ buru ni kunm ni, ni nyingam n atien bu nɔɔ, ³⁴ bu suse ka, “Ya Mibie n atenge nahore su. Wɔ yi i nɲu akere Simon.” ³⁵ Na susufɔ nnyɔm n akan sa n bo i yoori atin n nu dɔ ni, ni kabo bu siiri ka yiri ni, sanga bo i bubuuri kponɔ n nu maari bu ni.

Kabo Yesu yiiri i nɲu kereeri i susufɔm ni

³⁶ Sanga bo susufɔ nnyɔm n wo jore n kan su sɔ ni, na Yesu ni i tii akaba aba ajina bu afien, na wɔ se bu ka, “Nyeme ma am ahoreda.” ³⁷ Na sere ati bu agaya, dama bu sunsun ka nɲumi ye ba nɲu i a. ³⁸ Na wɔ bisa bu ka, “Nzu deke mie am a? Nzu ti ye am yo sika? ³⁹ Am nie m saam ni m jaam, mini ni m tii lɛɛ. Am fa am saa kan m

na am niε, ηumi la má anjuniembaa ni buwem kabo am ηu ka m la i ni.” ⁴⁰ I seeri so wieeri n na wɔ fa i saam ni i jaam deke bo bu boori i bulaari n afa akere bu. ⁴¹ I yoori bu alekutura na bu ahore jɔ kɔ siinri su ni, haari ni nyini n kere, ba koro ayo má yarada. Dɔ na wɔ bisa bu ka, “Am la diire be fen bo am di?” ⁴² Na ba fa jombaa n bo ba tun i n be ama i, ⁴³ na wɔ de akpese bu nyumbaa nu bere.

⁴⁴ Na wɔ se bu ka, “Ahin nɔaniem bo m yo jɔjɔri bu sangga bo m toko wo am do n lee, ka, wɔ yo daka ka m ηusu jore kere yo yiiwa, kabo ba kere i Nyeme nɔanie kpamaawa n bo i fa maari Moyisi dee kadasi n nu, ni Nyeme nɔanie kanfom dee n nu, ni kansi jue kerewam n nu ni.” ⁴⁵ Na wɔ teke bu nyi na bu si Nyeme Jore Kadasi n bu, ⁴⁶ na wɔ se bu ka, “Kabo ba kere i Nyeme Jore Kadasi n nu n lee, ka, Kristo Tiidefo ni bá di wahara, na bu kún i, na lesan cɛen na i tɛgge i yiwee n nu. ⁴⁷ Bu bó i bu Yerusalem mie kpiri n nu wɔ, na bu kán labari kpa n jore i duma nu kere daanfie kere, ka, bu kaaki bu wo na Nyeme fá bu satie ce bu. ⁴⁸ Ambere dí nyini sam daani a. ⁴⁹ Am ti fen, mini bá sunma aceeri n bo m Si Nyeme seeri ka i fá ma am, na i bá wura am ηu n a. Ama, ambere ηmínda mie n kunnu fen, haari sangga bo yiko ni bá fite angoro ba wura am ηu.”

Kabo Nyeme ma Yesu fun kɔɔri angoro barasu ni

⁵⁰ Na wɔ fa bu afite mie n kunnu akɔ aju Betani mie n aheme, do na wɔ ye i saa su na wɔ yo kisi agɔ bu ηu. ⁵¹ I wo bu kisi n yo su so ni, na wɔ yaki bu, na Nyeme ama wɔ fun akɔ angoro. ⁵² Na ba kutu asu i, na ba kpie bu nyi akɔ Yerusalem mie kpiri n nu ni ahorejo bambaka. ⁵³ Na ba kɔ awo Nyeme Sereebiri Awuru n nu sukansi Nyeme sangga kere.

Labari kpa n bo YOHANE akerε i ni

Yesu ti Nɔ́anie n bo i ma ηγγω n a

¹ Kana Nyεmε ba yi durunya ni, be woori bere bo bu fere i ka Nɔ́anie. I ni Nyεmε woori bere a. Yiri Nɔ́anie ni ti Nyεmε a. ² Fite i bumboori n kere, yiri ni Nyεmε wo bere a. ³ Na Nyεmε ama Nɔ́anie n ayi deke n kere. Deke be wo má bere bo wɔ yi má i. ⁴ Nγγω fite yiri Nɔ́anie ni dɔ a. Nyini ηγγω ni fa wein ba tekeeri adamande nyi a. ⁵ Na wein n aje awosin nu, na awosin n akoro akunma má wein ni.

⁶ Nyεmε yo sunmaari sɔ́nɔ be, bu fere i ka Yohane. ⁷ I baari ka i ba di nyini wein n daani wɔ, na i kan i jɔre kere minem, adena sɔ́nɔ kere bo i tiiri kabo i kan ni, na bu daari nyini wein n ηu. ⁸ Yohane n mmɔɔ ni i tii yo ti má wein ni, ama, i baari ka i ba di wein n daani wɔ. ⁹ Nyini wein ni ti wein nahɔre su n a, bo wɔ ba durunya n nu, na i teke adamande kere nyi.

¹⁰ Yiri n bo bu fere i ka Nɔ́anie n yo woori durunya n nu wɔ, Nyεmε faari yiri yiiri durunya n a, haari ni nyini n kere mmɔɔ, durunya n nufɔm asi má i. ¹¹ Na wɔ ba i tienɔgu dεε asien n su minem dɔ, na ba kete ka bu de má i. ¹² Ama, na minem kere bo bu deer i, na bu daari i ηu ni, na wɔ ma bu atin ka bu kaaki Nyεmε nbaam. ¹³ Bu Nyεmε nbaa kaakiwam n ti má ka bu wu bu ni adamande mbunja a, nzen má nyini, i ti má ka biesɔ ni bara sanga a ye bu wu bu a, ama, Nyεmε ni i tii, ti bu Si a.

¹⁴ Na yiri Nɔ́anie n akaaki adamande aba awo ya dɔ. Ahɔ́rɔma ni nahɔre wo i dɔ beberebe. Ya ηu i jirima woowa ni, nyini jirima woowa n ye Nyεmε afa ama i Wa kun n kpein n a.

¹⁵ Yohane diiri i daani kereeri minem, na wɔ tien ase ka, “Nyini sɔ́nɔ n bo m yo seeri am ka i wo m sin suba na i tara m fieo n lεε, dama kana bu ba wuuri m ni, yiri wo bere wɔ.”

¹⁶ I ahɔ́rɔma beberebe n dεε ti, ye ya di i ahɔ́rɔma, na ya toko di i buka su. ¹⁷ Nyεmε yo faari i nɔ́anie kpamaawa ni maari Moyisi ka i fa kere Yisarelifɔm, ama, Yesu Kristo aba ka i ba kere ya kabo Nyεmε ahɔ́rɔma n ni i nahɔre n ti barasu wɔ. ¹⁸ Be nya ηu má Nyεmε, má ka i Wa kun n kpein n bo i ni i Si Nyεmε n ti kun ni, na i wo Nyεmε dɔ ni, yiri ye wɔ kere ya kabo Nyεmε ti a.

Yohane Nyεmε Nzue Biesɔ n daani diiwa ni

¹⁹ Ahin ti daani diiwa n bo Yohane yo diiri i, sanga bo Yudafɔm nkpienkpienm n bo bu wo Yerusalem miε kpiri n nu n sunmaari Nyεmε sayoowa dɔnguyɔfɔm ni bu bukafɔm ka bu kɔ bisa Yohane ka, “Wɔ́rɔ la ηma a?” ²⁰ Yohane afie má bu jɔre be su, na wɔ kan i kere kpain akere bu. I ηa, “Má mini ti Kristo ni, Tiidefɔ n bo Nyεmε ηa i súnma i n a.” ²¹ Na ba bisa i bekun ka, “Ye wɔ́rɔ la ηma a? Wɔ́rɔ ti Nyεmε nɔ́anie kanfɔ Eliya n a?” Na wɔ se bu ka, “Má yiri la mini.” Na ba kaaki abisa i ka, “Wɔ́rɔ ti Nyεmε nɔ́anie kanfɔ n a?” I ηa, “Ai.” ²² Na ba sa su abisa i ka, “Ye wɔ́rɔ la ηma a? Ma ya nɔ́anie na ya kɔ se bo bu sunmaari ya ni. Wɔ́rɔ ηa, wɔ́rɔ la ηma tenle su a?” ²³ Na wɔ se bu ka, “Sɔ́nɔ n bo Nyεmε nɔ́anie kanfɔ Esaya yo kerεeri i jɔre ka i bá subo ndoori boro kpantain nu n ka, ‘Am yo Mibie n atin n dɔnggu.’

Yiri la mini.”

²⁴ Minem bo bu bisaari Yohane bisaawa ni, Farasifɔm bo bu ti Yudafɔm asese be ni sunmaari bu a. ²⁵ Na ba kaaki abisa i ka, “A ηa a ti má Kristo Tiidefɔ ni, a kaaki ti

má Eliya, na a kaaki ti má Nyeme nɔɔniε kanfɔ n ni, ye nzu ti ye a biε minem Nyeme nzue a?" ²⁶ Na wɔ bɔ bu nu ka, "Mini biε minem Nyeme nzue wɔ. Ama, sɔnɔ be wo am nu fen bo ambere si má i. ²⁷ I wo m sin suba, m ti kaan ni bo m dodo i mmɔɔ." ²⁸ Ahin sa n kere yo yoori miε n bo bu fere i ka Betani n nu wɔ, i wo Yodan kunma n wiε afiiri, deke bo Yohane yo biεri minem Nyeme nzue n wɔ.

Kabo Yohane ηa Yesu ti Nyeme bɔmbaa ni

²⁹ Alecin fɔfɔre na Yohane aɲu ka Yesu suba i dɔ, na wɔ se ka, "Am niε, Nyeme bɔmbaa n bo wɔ ba ka i ba yi durunya n nufɔm satie n lεε. ³⁰ Yiri, ye m yo seeri am ka sɔnɔ n bo i wo m sin suba na i tara m fieo n lεε, dama i yo woori bere wɔ ka, ye bu wuuri m a, yiri lεε. ³¹ Mini mmɔɔ ni m tii yo si má i, m dεε la ka m biε minem Nyeme nzue wɔ, adena ambere Yisarelifɔm si i." ³² Na Yohane adi daani ase minem ka, "Ma ηu ka Nyeme Awiewie Casi n afite angoro ajura ka tiiwa dεε su aba atana i ηu, na wɔ wo i dɔ. ³³ Mini mmɔɔ ni m tii yo si má i, ama, Nyeme bo i sunmaari m ka m ba biε miε Nyeme nzue ni, yiri seeri m ka, 'A bá ηu ka m Awiewie ni júra ba tana sɔnɔ be ηu, na i wó i dɔ, yiri má m Awiewie Casi n ba wura minem ηu a.' ³⁴ Ma ηu i sɔ ye m sudi daani kere miε a, ka yiri ti Nyeme Wa n nahɔre su a."

Miε n bo bu du mɔ yoori Yesu susufɔm ni

³⁵ Na alecin fɔfɔre bekun na Yohane ni i susufɔm ni nnyɔ jina. ³⁶ Na wɔ niε aɲu ka Yesu wo natiiri su susin, na wɔ se ka, "Am niε, Nyeme Bɔmbaa n lεε." ³⁷ I susufɔ nnyɔm n tiiri sɔ n na ba kɔ asu Yesu su. ³⁸ Na Yesu akaaki anie aɲu ka bu susu i su, na wɔ bisa bu ka, "Am koro nzu wɔ?" Na ba bisa i ka, "*Rabi*, a da ni wɔ?" *Rabi* bu la ka, ya Kerefɔ. ³⁹ Na wɔ se bu ka, "Am bra na am ba niε." Nyini sangga ni, naaso kerefi nna abo, na ba su i su, na ba kɔ aɲu deke bo i wo ni. Na ba ka i dɔ nyini cεen ni. ⁴⁰ Nyini miε n nnyɔm n bo bu yo tiiri kabo Yohane seeri n na bu suuri Yesu su ni, bu nu kun ye bu fere i ka Andere n a, bo i gɔrɔ la Simon Petoro ni. ⁴¹ Nyini sin na Andere akɔ aɲu i gɔrɔ Simon, na wɔ se i ka, "Ya ηu *Mesaya* ni." *Mesaya* bu la ka Kristo, Tiidefɔ n bo Nyeme ase ka i súnma i ni. ⁴² Na wɔ fa i aba Yesu dɔ. Na Yesu anie i nyunu, na wɔ se i ka, "Bu fere u ka Simon wɔ, wɔrɔ ti Yohane wa n a, ama, bu bá fere u ka Kefasi." I bu la ka yabuε, i ni Petoro kere ti duma kun wɔ.

Kabo Yesu fereeri Filipu ni Natanieli ka bu su i su ni

⁴³ Alecin fɔfɔre na Yesu ayasu ka i kɔ Galili dεε awɔre n nu. Na wɔ kɔ aɲu sɔnɔ be bo bu fere i ka Filipu ni, na wɔ se i ka, "Ba su m su." ⁴⁴ Filipu bɔsu la miε be bo bu fere i ka Besayida n wɔ. I ni Andere ni Petoro kere fite miε kun su wɔ. ⁴⁵ Na Filipu gusu akɔ aɲu sɔnɔ be bo bu fere i ka Natanieli, na wɔ se i ka, "Ya ηu sɔnɔ n bo Moyisi yo kereeri i jɔre Nyeme nɔɔniε kpamaawa kadasi n nu ni, na Nyeme nɔɔniε kanfɔm gusu yo kereeri i jɔre bu dεε kadasi n nu ni. Yiri la Yesu n bo i fite Nazareti ni, na i si la sɔnɔ be bo bu fere i ka Yosefu ni." ⁴⁶ Na Natanieli abisa i ka, "Deke kpa koro fite Nazareti dεε miε n gusu nu?" Na Filipu ase i ka, "Bra na a ba niε." ⁴⁷ Nyini sangga na Yesu aɲu ka Natanieli suba i dɔ, na wɔ se ka, "Ahin sɔnɔ n ti Yisarelifɔ baa a nahɔre su, bo sa be wo má i ηu." ⁴⁸ Na Natanieli abisa i ka, "A yo se siiri m a?" Na Yesu abo i nu ka, "M ηuuri u sangga bo a toko tana damba baka n bu n wɔ, nyini sin ye Filipu fereeri u n a." ⁴⁹ Na Natanieli ase i ka, "Ya Kerefɔ, wɔrɔ ti Nyeme Wa n a, nahɔre su. Wɔrɔ ti Yisarelifɔm Feme n a." ⁵⁰ Na Yesu ase i ka, "Bo ma se u ka m ηuuri u damba baka n bu n ti ye a yo m yarada, nzen se? A bá ηu alekutura sam bo bu tara sɔ. ⁵¹ Nahɔre ye m suse am a. Am bá ηu kabo angoro bá teke na Nyeme merékem bá sufun kɔ angoro, na bu bá sujura ba mini Adamande Wa n dɔ."

2

Kabo Yesu kɔɔri konyaya be Kana miɛ kpiri n nu ni

¹ Nyini sin, i lesan cɛɛn na konyaya be awo Kana, miɛ kpiri n bo i wo Galili awɔrɛ n nu ni. Na Yesu ni gusu akɔ konyaya n nu. ² Na ba fere Yesu ni i susufɔm n ka bu gusu ba di konyaya n be. ³ Saɗga bo konyayafɔm nzan n ba kpiɛeri bu su ni, na Yesu ni aba ase i ka, “Bu nzan n awie.” ⁴ Na Yesu abɔ i nu ka, “M ni, ye a ɗa m yo sɛ wɔ? M saɗga nya ju má.” ⁵ Na i ni ase awurunbaam n ka, “Am yo deke kɛrɛ bo i se am.”

⁶ Nyini dika n nu, yabue cunɗu nsen jina berɛ, bo i kun kun kɛrɛ koro de nzue gaɗga nnu wara nsen. Yudaɗɔm la bu yoowa be, bu fa nyini cunɗum n nu nzue ni, ye bu bita ɗmisi bu fin a. ⁷ Na Yesu ase awurunbaam n ka, “Am sa nzue gɔ cunɗum n nu na bu yi.” Na ba gɔ i kɛrɛ nzue na ba yi. ⁸ Na Yesu akaaki ase bu ka, “Kisa am sa be kɔ ma konyafan danfo ni.” Na ba sa be akɔ ama i. ⁹ Bu sa kɔ maari i ni, na nzue n akaaki nzan. Na wɔ fa akan i nɔɔ. Wɔ si má deke bo nyini nzan n fite. Ama, awurunbaam bo bu saari nzue ni, berɛ si deke bo i fite. Na wɔ fere konyafan ni, ¹⁰ ase i ka, “Sɔnɔ kɛrɛ nya ɗa bu ma nzan, bu du mɔ fa nzan fiɛfiɛ n ma jama n a ka, na ba nya aba anu abo ni, na bu nya fa bo i yo má fiɛ n ma bu, ama, wɔrɔ, a fa bo i yo fiɛ n aka sin a.” ¹¹ Kabo Yesu maari nzue kaaki nzan ni, nyini tiiri i ciciri su dɛɛ alekutura sa. I yoori nyini sa n Kana, bo i wo Galili awɔrɛ n nu n wɔ, na i kere kabo i la yiko n bo i fite Nyemɛ dɔ, na i susufɔm n ayo i yarada.

¹² Nyini sin, na i ni i ni, ni i niemam, ni i susufɔm n akɔ miɛ kpiri n bo bu fere i ka Kapenam, na ba kɔ ayo lennyɔ dɔ.

Kabo Yesu fɔɔnri wataɗɔm fiteeri Nyemɛ Sereebiri Awuru n nu ni

¹³ Wɔ ka kaan na Yudaɗɔm di bu cɛɛnkpiri n bo bu fere i ka Butara cɛɛnkpiri ni. Na Yesu akɔ Yerusalem miɛ kpiri n nu. ¹⁴ Na wɔ kɔ awura Nyemɛ Sereebiri Awuru n nu aɗu ka mine wo dɔ suto naanim, ni nbɔɛm, ni bumbuku tiwam, na ɗwaa kaakifɔm gusu tana dɔ. ¹⁵ Na wɔ fa nyama aɗɔ i ka ɗgbere dɛɛ su, na wɔ fa afɔn ayi nbɔɛm n ni naanim n kɛrɛ afite Nyemɛ Sereebiri Awuru n nu. Na wɔ sandi ɗwaa kaakifɔm ɗwaa n kɛrɛ abutu, na wɔ nya akaaki bu teebirim kɛrɛ alanlaɗga. ¹⁶ Na wɔ se minɛm bo bu tɔ bumbuku tiwam n ka, “Am fa am bumbukum n fite fɛn. Má am se ka am fa m Si Nyemɛ Sereebiri Awuru n yo gɔ kun.”

¹⁷ Na i susufɔm n aba atɛɗge su ka ba kɛrɛ i Nyemɛ Jɔrɛ Kadasi n nu ka, “M Nyemɛ Fɛmɛ, m nyunu aboro u awuru n jɔrɛ su, nyini kún m a.” ¹⁸ Na Yudaɗɔ nkpiɛnm abisa i ka, “A yó nzu alekutura sa bo i kere ya ka a la atin bo a yo sɔ a?” ¹⁹ Na Yesu ase bu ka, “Am bo fufu ahin Nyemɛ Sereebiri Awuru ni, na lesan afien m káaki ta i bekun.” ²⁰ Na ba se i ka, “Afɔ aburana ni nsen ye bu fa taari ahin Nyemɛ Sereebiri Awuru n a. I yo se ye wɔrɔ ba se ka a káaki ta i lesan afien a?” ²¹ I yo kaanri sɔ ni, i faari i ɗuniɛmbaa ni fa sunsun Nyemɛ Sereebiri Awuru n a. ²² Na saɗga bo i ba wu tɛɗgeeri i yiwee n nu ni, na i susufɔm n atɛɗge su ka i yo seeri sɔ, na ba de nɔaniɛ n bo ba kɛrɛ i Nyemɛ Jɔrɛ Kadasi n nu ni, na ba yo Yesu jɔjɔwa n yarada.

Yesu si kabo adamande woowa ti barasu

²³ Saɗga bo i wo Yerusalem na bu sudi Butara cɛɛnkpiri ni, i yoori alekutura sam, na mine dɔɗɗu aɗu i, na ba yo i yarada. ²⁴ Ama, yiri afa má i ɗu ago má bu ɗu, dama i si kabo adamande woowa ti. ²⁵ Má pui ti, yiri mmɔɔ ni i tii si kabo adamande ahore su ti barasu, má be se i a.

3

Kabo Yesu kaanri Nyemɛ jɔrɛ kereeri Nikodemo ni

1-2 Cɛɛn be kɔŋgue sɔ ɔ, na Yudafɔm kpiɛn be aba Yesu dɔ, bu fere i ka Nikodemo. I ti Farasifɔm ni kun be wɔ. Na wɔ se Yesu ka, “Ya Kerefɔ, ya si ka a ti kerefɔ n bo a fite Nyɛmɛ dɔ ɔ, dama be koro yo má alekutura sa bo a yo bu ni, má ka Nyɛmɛ wo i mi dɔ.” 3 Na Yesu ase i ka, “Nahɔre ye m suse u a. Sɔnɔ koro fa má Nyɛmɛ yo má i femɛ, má ka ba wu i fɔfɔre.” 4 Na Nikodemo abisa i ka, “Sɔnɔ nyunu ati, bu yo se koro kaaki wu i fɔfɔre a? I koro kaaki wura i ni kunnu na bu wu i bekun?” 5 Na Yesu ase i ka, “Nahɔre ye m suse u a, sɔnɔ koro wura má Nyɛmɛ femɛya n nu, má ka ba wu i fɔfɔre fa kɔ nzue biɛɛwa ni Awiewie Casi n dɛɛ atin n su. 6 Deke bo adamande awu i, i ti adamande wɔ, na deke bo Awiewie Casi n awu i, i ti awiewie wɔ. 7 Má a ma i yo u alekutura fa kɔ kabo ma se u ka wɔ yo daka ka bu wu am fɔfɔre ni. 8 Saŋga kɛrɛ a ti ka aŋuma kpie kɔ ɔ, ye a ti i naŋmie ŋga a, ama, a si má deke bo i fite, na a kaaki si má deke bo i sukɔ, nyini ti, sɔnɔ kɛrɛ bo Awiewie Casi n awu i ti sɔ ɔ.”

9 Na Nikodemo abisa Yesu ka, “I yo se ye ahin koro yo a?” 10 Na Yesu akaaki abisa i ka, “Wɔrɔ bo a kere Yisarelifɔm Nyɛmɛ nɔanie n na bu nyunu yi u ni, i yo se ye a si má ahin n a? 11 Nahɔre ye m suse u a, sa bo ya si i, ye ya jɔjɔ i jɔre a, na sa bo ya nyumbaa aŋu i, ye ya di i daani kere minem a, ama, am akete ya daani diiwa ni. 12 M suse am sam bo bu wo durunya n nu fɛn wɔ lɛɛ, ama, am sude má i, ye m ba seeri am sam bo bu wo Nyɛmɛ femɛya n nu, am yó se de i a? 13 Be nya fun má Nyɛmɛ dɔ, má ka mini Adamande Wa n bo m woori i dɔ na ma jura aba ni. 14 Kabo Moyisi yo faari jawii yoori i ka woo dɛɛ su n na i fa i bara yeeri baka n na i yeeri i su kpamaari boro kpantain n nu ni, wɔ yo daka ka sɔ ye minem bá ye mini Adamande Wa n su a. 15 Na sɔnɔ kɛrɛ bo i yoori m yarada, i nyá ŋgɔɔ bo i la má awieeri ni.”

16 Nyɛmɛ akoro durunya n nufɔm agaya n dɛɛ ti, na wɔ fa i kunnu Wa kun n kpein n afa ama bu, adena sɔnɔ kɛrɛ bo i yo i yarada, i mi ká má ŋgbɛɛn, ama, i nya ŋgɔɔ bo i la má awieeri ni. 17 Nyɛmɛ asunma má i Wa n durunya n nu ka i ba di bu jɔre cin bu sui wɔ, ama, wɔ sunma i ka i ba de bu tii ji wɔ. 18 Sɔnɔ kɛrɛ bo i daafiiri Nyɛmɛ Wa n ŋu, Nyɛmɛ dí má i mi n jɔre, ama, sɔnɔ kɛrɛ bo wɔ da má i ŋu, Nyɛmɛ adu mo adi i jɔre ka, dama ka wɔ da má Nyɛmɛ Wa kun n kpein n ŋu n dɛɛ ti. 19 Kabo Nyɛmɛ di bu jɔre n la ka, wein n aba durunya n nufɔm dɔ, ama, bu satie yoowa n dɛɛ ti, ba koro awosin n atara wein ni. 20 Sɔnɔ kɛrɛ bo i yo satie kpɔ wein n wɔ, i koro má ka i kɔ wein n nu, na i satiem fite fofoe nu. 21 Ama, sɔnɔ kɛrɛ bo i su nahɔre atin su, i fite fofoe nu wɔ, na mine kɛrɛ ŋu ka i sayoowa n su Nyɛmɛ atin n su wɔ.

Kabo Yohane diiri Yesu ŋu daani barasu ni

22 Nyini sin na Yesu ni i susufɔm n akɔ Yudiya dɛɛ awɔre n nu. Na ba kɔ adi lennyɔ dɔ, na i subie minem Nyɛmɛ nzue. 23 Nyini saŋga n na Yohane gusu subie minem Nyɛmɛ nzue. I wo Ayinon mie n nu fa dodo Salim awɔre n nu, dama nzue sunnu dɔ n dɛɛ ti. Na minem suba i dɔ na i subie bu Nyɛmɛ nzue. 24 Nyini saŋga ni, ba nya anyi má Yohane dansaraka.

25 Na Yohane susufɔm ni Yudafɔ be awura akuruwa fa kɔ bu fin kpara n dɛɛ yoowa atin su. 26 Na ba kɔ Yohane dɔ akɔ ase i ka, “Ya Kerefɔ, nie. Sɔnɔ n bo i yo baari u dɔ Yodan kunma n wie afiiri n na a yo diiri i ŋu daani kereeri mine ni, yiri wo dɔ subie minem Nyɛmɛ nzue n a, bu kɛrɛ sukɔ i dɔ ɔ.” 27 Na Yohane ase bu ka, “Sɔnɔ koro nya má deke be, má ka Nyɛmɛ afa nyini deke n ama i. 28 Amberɛ ni am tii woori m daani ka m ŋa má mini ti Kristo Tiidefɔ n a, ama, Nyɛmɛ sunmaari m ka m du i mɔ ɔ. 29 Bu nya jaari konya, i ti konyafan n dɛɛ wɔ, ama, na konyafan n danfo jina suso i sui ti deke bo konyafan ni jɔjɔ se i, nyini saŋga na i danfo n ahore jɔ. Nyini ahorejɔ kun ni, wo mini gusu dɔ a. 30 Wɔ yo daka ka i dɛɛ duma n fun, na m dɛɛ n kpie su.”

Yiri bo i fite aŋgoro n dɛɛ jɔre

³¹ Yiri bo i fite angoro n tara sɔnɔ kere. Na bo i fite durunya n nu fen ti durunya n nu fen fɔ ɔ, na i jɔjɔwa kere ti durunya n nu fen jɔre wɔ. Ama, yiri n bo i fite angoro n tara sɔnɔ kere. ³² Deke bo wɔ ɲu i, ni bo wɔ ti i, ye i di i daani kere mine a, ama, be de má i daani diiwa ni. ³³ Ama, sɔnɔ kere bo i deeri i daani diiwa n asoro su akere ka Nyeme ti nahɔrefɔ lee. ³⁴ Dama yiri n bo Nyeme asunma i ni, Nyeme nɔanie n ye i kan i a, dama Nyeme afa i Awiewie Casi n ama i bo i la má anusu. ³⁵ Nyeme koro i Wa ni, na wɔ fa deke n kere awura i saa nu. ³⁶ Na sɔnɔ kere bo i daari Nyeme Wa n ɲu, i la ɲɔɔ bo i la má awieeri ni. Na sɔnɔ kere bo i kete i nɔanie ni, i nyá má ɲɔɔ n bo i la má awieeri ni, ama, Nyeme fá yaa cin i sui.

4

Kabo Yesu seeri Samariyafɔ bara be i tii su jɔre ni

¹⁻² Tɔ. Na Farasifɔm n ati ka Yesu sunya minem dɔngɔ bo bu susu i su na i bie bu Nyeme nzue tara Yohane. Ama, má Yesu ni i tii bie bu Nyeme nzue n a, i susufɔm ni bie bu a. Saɲga bo Yesu faari nu sɔ ni, ³ na wɔ yasu Yudiya awɔre n nu akaaki ka i kɔ Galili dɛɛ awɔre n nu bekun. ⁴ I sukɔ ni, wɔ yo daka ka i fa Samariya dɛɛ awɔre n nu sin a. ⁵ Na wɔ kɔ aju Samariya mie kpiri be bo bu fere i ka Suka n su, na i wo dodo asien n bo Jakɔbu yo fa maari i wa Yosefu dawa saɲga ni. ⁶ Jakɔbu bura n wo nyini dika n nu wɔ. Natiiri fie n dɛɛ ti, na Yesu akɔ atana bura n su. Nyini saɲga wis abi kenken.

⁷ Na Samariya bara be aba ka i ba sa nzue, na Yesu ase i ka, “Ma m nzue n be na m nu.” ⁸ Nyini saɲga ni, i susufɔm n akɔ mie kunnu ka bu kɔ to diire. ⁹ Na bara n ase i ka, “Ee, wɔrɔ, a ti Yudafɔ e, ye m gusu ti m Samariyafɔ bara. Nzu ti ye a se m ka m ma u nzue a?” Dama Yudafɔm ni Samariyafɔm tɔ má pui. ¹⁰ Na Yesu ase i ka, “Nzen má a si Nyeme aceeri ni, na má a si sɔnɔ n bo i susere u nzue ni, má wɔrɔ sere i a, na i má u nzue bo i ma ɲɔɔ ni.” ¹¹ Na bara n ase i ka, “Ya si, bura n wo ɲgo, u gusu la má goroka, ye a nya nyini nzue n bo i ma ɲɔɔ n ni wɔ? ¹² Wɔrɔ, ɲka a ɲa a tara ya na Jakɔbu n wɔ, nzen sɛ? Yiri maari ya nyini bura n a. I ni i nbaam fa saɲga ni i nengendɔrem kere yo nuuri nyini bura n nu wɔ.” ¹³ Na Yesu ase i ka, “Sɔnɔ kere bo i nu ahin nzue ni, nzuehɔe tí i mi bekun, ¹⁴ ama, sɔnɔ kere bo i nu nzue n bo m má i ni, nzuehɔe tí má i mi kun fieo, dama nzue n bo m má i ni, i wó i kunnu tie kabo bura nzue tie n wɔ, na i má i ɲɔɔ bo i la má awieeri ni.” ¹⁵ Na bara n ase i ka, “Ya si, ma m nyini nzue n be na m nu, adena má nzuehɔe ti m kun, na má m kaaki ba sa nzue fen kun.”

¹⁶ Na Yesu ase i ka, “Kɔ fere u hun na am bra.” ¹⁷ Na bara n ase Yesu ka, “M la má hun.” Na Yesu ase i ka, “Kabo a ɲa a la má hun ni, i ti nahɔre wɔ. ¹⁸ Dama nbiesɔm nnu ye a fite bu ajaa bu n a, na haari bo u ni yiri wo bere kisa mmɔɔ ni, i ti má u hun. A se nahɔre wɔ.” ¹⁹ Na bara n ase i ka, “Ya si, ma ɲu ka a ti Nyeme nɔanie kanfɔ ɔ. ²⁰ Ya na Samariyafɔm yo suuri Nyeme ahin buka n su wɔ. Ama, ambere Yudafɔm ɲa wɔ yo daka ka sɔnɔ kere su Nyeme Yerusalem mie kpiri n nu wɔ.” ²¹ Na Yesu ase i ka, “Bara, de bo m suse u ni, saɲga suba bo am sú má ya Si Nyeme ahin buka n su, wara Yerusalem mie n nu. ²² Ambere Samariyafɔm ɲa am su Nyeme wɔ, ama, am si má i. Ama, yere Yudafɔm si i, ye ya su i a. Dama tiide n fite Yudafɔm dɔ ɔ. ²³ Saɲga suba bo wɔ ju awie, na bo bu su ya Si Nyeme ni, i Awiewie Casi ni búka bu ye bu sú i ni nahɔre su a. Dama nyini minem ɲusu ye ya Si Nyeme koro ka bu su i a. ²⁴ Nyeme ti awiewie wɔ, nyini dɛɛ ti, bo bu su i ni, wɔ yo daka ka i Awiewie Casi n búka bu na bu sú i ni nahɔre su.” ²⁵ Na bara n ase i ka, “Tɔ, m si ka Kristo Tiidefɔ ni bá. I ba juuri, i kán ya deke kere kere ya.” ²⁶ Na Yesu ase i ka, “Mini bo m sujɔɔ u dɔ ni, mini lee.”

²⁷ Nyini san̄ga n nu na Yesu susufom̄ n afite miε n kunnu aju, na jore n amiε bu kabo Yesu ni bara n wo jɔjɔ su ni. Ama, bu be abisa má bara n ka, “A koro nzu i dɔ a?” Be gusu abisa má Yesu ka, “Nzu ti ye a sujɔjɔ bara n dɔ a?”

²⁸ Na bara n ayaki i dundu n bere, na wo kpie i nyi ako miε n kunnu ako ase minem̄ ka, ²⁹ “Am ba niε sɔnɔ be bo wo se m m tii su sa kere bo ma yo i. Beni, kisa, Kristo Tiidefo n lεε fan?” ³⁰ Na minem̄ n afite miε n nu, na bu ko Yesu dɔ.

³¹ Bara n kɔori n dεε sin, na Yesu susufom̄ n asere i ka, “Jande, ya Kerefo, di diire.” ³² Na wo se bu ka, “M la diire bo m di bo am si má i.” ³³ Na i susufom̄ n abisa bu n̄ju nu ka, “Be afa diire aba ama i wo di wo, nzen se?” ³⁴ Na wo se bu ka, “M diire n la ka, m yo yiri bo wo sunma m dεε koroowa na m yó i juma n wie.” ³⁵ Na wo bo bu anyunderε ase ka, “Am ɲa wo ka sara nna na am tambu fiesu nen̄gem. Ama, mini suse am wo lεε, am tu am tii na am niε, fiesu diire n abi ni kpie. ³⁶ Sɔnɔ bo i kpie diire ni, i nya i ɲkatɔ, i ti ka sɔnɔ bo i tien mine nɔɔ, na bu nya ɲɔɔ bo i la má awieeri ni, dɔfo ni kpiefo n kere nya ahorejo. ³⁷ Be bu ɲa ‘Be dɔ, na be kpie ni,’ i ti nahore wo. ³⁸ Am̄bere yiri, mini asunma am a, ka am ko kpie diire n bo am adɔ má i ni. I ti ka nbem̄ adu mo akan Nyeme nɔanie n akere minem̄, ye am dεε la ka am ma bu yo m yarada. Nbem̄ dεε jumayoowa ye am sudi i kperε n a.”

³⁹ Bara n seeri minem̄ bo bu fite miε n nu n kabo Yesu ase i tii su sa kere n dεε ti, na Samariyafom̄ dɔngu bo bu fite miε n nu n ada Yesu ɲu. ⁴⁰ Nyini ti, bu ba juuri Yesu dɔ ni, na ba sere i ka i ka bu dɔ, na wo ko awo bu dɔ cεen nnyɔ. ⁴¹ Na mine dɔngu ada i ɲu abuka su fa ko i nɔanie jɔjɔowa n ti. ⁴² Na ba se bara n ka, “Kisa, má u dεε jɔjɔowa n ɲgumi ti ye ya da i ɲu a, ama, yere mmɔɔ ni ya tii ati i nɔanie jɔjɔowa, na ya si nu ka ahin sɔnɔ n ti bo i baari ka i ba de durunya n nufom̄ tii wo, nahore su.”

Kabo Yesu maari femε n kpien be wa nyaari laifie ni

⁴³ Yesu woori bu dɔ cεen nnyɔ n sin, na wo yasu bere ako Galili dεε awore n nu. ⁴⁴ Dama yiri mmɔɔ ni i tii adu mo akan ka Nyeme nɔanie kanfo la má jirima i tien̄gu bosu. ⁴⁵ San̄ga bo i ko juuri Galili ni, na ba de i ni bu sa nnyɔ, dama bu yo ɲuuri kabo i yoori alekutura sam cεenkpiri n san̄ga, Yerusalem miε kpiri n nu ni, dama bere mmɔɔ yo kɔori nyini cεenkpiri n di ti.

⁴⁶ Na Yesu akaaki ako Kana, miε kpiri n bo i wo Galili awore n nu ni, deke bo i yo maari nzue kaakiiri nzan ni. Femε n kpien be woori dɔ. I wa be la má laifie, i wo Kapenam miε kpiri n nu. ⁴⁷ Na san̄ga bo kpien n tiiri ka Yesu afite Yudiya dεε awore n nu ako aju Galili ni, na wo ko Yesu dɔ ako asere i ka i wa suwu, i ma bu ko na i ko tuntun i, na i nya laifie. ⁴⁸ Na Yesu ase i ka, “Ma ɲu ka nzen am aɲu má alekutura sam, am yo má m yarada.” ⁴⁹ Na kpien n ase i ka, “M Mibiε, bra ndende, má nyini, a cεeri, a bá ɲu ka m wa n awu.” ⁵⁰ Na Yesu ase i ka, “Ko. U wa n anya laifie.” Na wo de Yesu nɔanie ni, na wo kaaki ako. ⁵¹ Na san̄ga bo i sukɔ awuru ni, na i akɔom̄ akpa i atin aba ase i ka, “U wa n anya laifie.” ⁵² Na wo bisa bu ka, “San̄ga bɔnɔ ye i ɲunie n jɔri a?” Na ba se i ka, “Anuma wiesu kerefi kun san̄ga ye i ɲunie n jɔri a.” ⁵³ Dɔ na baa n si n atenge su ka, nyini san̄ga n nu lεε, ye Yesu seeri i ka i wa n anya laifie n a. Na i ni i dikafom̄ kere ada Yesu ɲu. ⁵⁴ Kabo Yesu ma baa n nyaari laifie ni, nyini tiiri i alekutura sa nnyɔ su bo i yoori san̄ga bo i fite Yudiya dεε awore n nu kɔori Galili n a, na i kere kabo i la yiko n bo i fite Nyeme dɔ.

5

Kabo Yesu tuntuunri sɔnɔ be kunma n nɔɔ su ni

¹ Nyini sin na Yesu ako Yerusalem miε kpiri n nu na i ko di Yudafom̄ cεenkpiri be. ² Kunma be da dodoori anɔ n bo bu fa nbɔem̄ fa sin wura miε n nu ni. Hiburu anie nu bu fere nyini kunma n ka Besata, i la kpatam̄ nnu wo. ³ Landurifom̄ beberebe

dada kpatam n nu, bu nu nbem ti anyinsinm, nbem ti kujandafom, na bu nbem gusu njunie buekun awu bo bu koro yasu má. [⁴ Bu da nminda do, dama sanja sanja Nyeme merere jura ba kunma n nu wo, na i ba kankan nzue n nu. Nzue kankaanwa n dee sin, na landurifo n bo i du mo juraari nzue n nu, i tukpaki n koro i ti ka se, i yaki wo, na i nya laifie.] ⁵ Sono be woori bu nu bo wo da tukpaki i afro aburasan ni mocue lee. ⁶ Yesu nuuri i so ni, na wo fa nu ka sono n tukpaki n ace i nu, na wo bisa i ka, “A koro ka a nya laifie wo?” ⁷ Na tukpakifo n ase Yesu ka, “M Mibie, m la má bukafu be bo nzue n nya ba kankan, na i kuku m wura nu. Sanja kere bo nzue n nya ba kankan, na m ba na m wura nu, a nu ka be adu m mo.” ⁸ Na Yesu ase i ka, “Yasu, fa u dasu n na a nati.” ⁹ Jinaabiri n nu bere na sono n anya laifie, na wo yasu afa i dasu n sunati.

Nyini ceen n bo Yesu tuntuunri sono n ti Njumiya ceen wo. ¹⁰ Nyini ti na Yudafo nkpienkpienm n ase sono n bo wo nya laifie n ka, “Nyuma ti Njumiya ceen wo. Ya dee atin n su, atin wo má nu bo a so u dasu ni.” ¹¹ Na wo se bu ka, “Sono n bo i tuntuunri m ni, yiri seeri m ka m fa m dasu na m nati a.” ¹² Na ba bisa i ka, “Nyini sono n la nma a, ye i seeri u ka a fa u dasu nati a?” ¹³ Ama, na sono n bo wo nya laifie n akoro asi má i mi n bo i tuntuunri i ni, dama Yesu awura jama n nu ako. ¹⁴ Nyini sin na Yesu aba anu i, Nyeme Sereebiri Awuru n nu, na wo se i ka, “Ti fen. Kisa a nya laifie, má a yo satie kun. Má nyini, a dí wahara bo i tara nyini n nusu.” ¹⁵ Na sono n ako ase Yudafo nkpienkpienm ni ka Yesu tuntuunri i a. ¹⁶ Nyini ti, na ba kere Yesu wuwuruwa, dama wo tuntun sono Njumiya ceen n dee ti. ¹⁷ Na wo se bu ka, “M Si toko yo juma haari ba ju ni nyuma, nyini ti ye m gusu yo a.” ¹⁸ Yesu jooori so n dee ti, na Yudafo nkpienkpienm n aboro bu nyi abuka su ka bu kun i. Má ka bo wo saaki Njumiya ceen n ciire n ngumi dee ti, ye bu kpi ka bu kun i a, ama, bo wo kaaki ase ka Nyeme ti i Si n dee ti. Nyini kere ka wo fa i nu abu Nyeme wo lee.

Kabo Yesu yiko ti barasu ni

¹⁹ Na Yesu ase bu ka, “Nahore ye m suse am a, mini Nyeme Wa n ni m tii, m koro bo má m tieenu yo má pui, má ka deke bo m nu ka m Si yo i ni, ye mini gusu yo i a. ²⁰ Dama m Si Nyeme koro mini i Wa ni, na i sukere m deke kere bo i yo i ni, na i ba kere m sakpakpam bo m yo bu tara so, na i yo am alekutura. ²¹ Kabo m Si Nyeme ye minem bo ba wu n su n na i ma bu ngoo ni, so ye mini gusu ma minem bo ma yi bu ni ngoo a. ²² Dama m Si Nyeme ni i tii di má be jore, ama, wo fa joredi atin kere ama mini i Wa n wo, ²³ adena sono kere bu m kabo bu bu m Si ni. Sono kere bo i bu má m, i mi abu má m Si bo wo sunma m n lee.

²⁴ Nahore ye m suse am a, sono kere bo i ti m noanie n na i de i, na i da Nyeme bo wo sunma m n nu, i mi la ngoo bo i la má awieeri, na m dí má i mi jore. I mi afite yiwee nu anya ngoo lee. ²⁵ Nahore ye m kaaki suse am a, ka sanja suba bo wo ju awie, na mine bo ba wu ni ti mini Nyeme Wa n noanie ni, na bo bu tiiri i na bu deer i, bu nya ngoo. ²⁶ Dama kabo ngoo fite yiri m Si Nyeme do ni, so ye wo ma mini i Wa n gusu yiko ka m ma minem ngoo a, ²⁷ na wo kaaki ama m atin ka m di mine jore, dama m ti Adamande Wa a. ²⁸ Má am ma ahin jooowam n yo am alekutura. Sanja suba bo mine bo ba wu n kere ti m noanie ni, ²⁹ na bu tenge bu yiwee n nu. Minem bo bu yo yoori sakpa ni, bu tenge na bu nya ngoo bo i la má awieeri, na minem bo bu gusu yo yoori satie ni, bu tenge na bu nya suicin.”

Sam bu di Yesu nu daani ni

³⁰ Na Yesu asa su ase ka, “M koro bo má m tieenu yo má pui. Kabo Nyeme se m ni, so ye m di minem jore a. Nyini ti, m jore diiwa n ti nahore wo, dama m yo má m dee koroowa, ama, m yo yiri n bo wo sunma m n dee koroowa a.

³¹ Nzen m di m ñu daani kere am, am de má ka i ti nahore, ³² ama, be wo bere bo i di m ñu daani. Yiri la m Si Nyeme. Na m si ka i daani diiwa n ti nahore wo. ³³ Am yo sunmaari minem Yohane do, na wo se am nahore, kabo m ti barasu. ³⁴ M de má adamande daani diiwa, ama, m kan kabo Yohane seeri am ni, adena am nya am tii. ³⁵ Yohane yo ti ka fitana bo i je na i ta a, na ambere ayo asoro su ka am wo i wein nu ni ahorejo fa ko sanja su. ³⁶ Ama, m la deke bo i di m ñu daani bo i tara Yohane dee ni, yiri la sam bo m Si Nyeme akere m ka m yo bu wie ni. Nyini sam ni di m ñu daani ka m Si asunma m a. ³⁷ Na m Si bo wo sunma m ni, yiri gusu adi m ñu daani a. Am nya ti má i konvi, am kaaki nya ñu má i kabo i ti barasu, ³⁸ na i noanie wo má am ahore su, dama wo sunma m am do, na am ada má m ñu. ³⁹ Am kan Nyeme Jore Kadasi n wo, na am fiiti i nu, dama am sunsun ka nyini kere am atin bo am fa na am nya ngoo bo i la má awieeri a, ama, nyini kerewam nu di m ñu daani a. ⁴⁰ Haari ni nyini n mmoo am akete ka am ba má m do na am ba nya ngoo.

⁴¹ M koro má kansu adamande do. ⁴² M si am sa, na m si ka, Nyeme dee koro n wo má am ahore su. ⁴³ Mini ade m Si jinaabiri aba, ye am ade má m, ama, nzen be baari ni i tiengba, am de yiri wo. ⁴⁴ Ambere, am koro am ñu nu kansu wo, na bu susu am, ama, am koro má kansu yiri n ngumi bo i ti Nyeme n do, nyini ti, i yo se ye am koro da m ñu a? ⁴⁵ Má am sunsun ka mini ko jaraki am m Si Nyeme do a. Am jarkifo la Moyisi, bo am la tama ka yiri buka am ni. ⁴⁶ Moyisi yo kereri m ñusu jore wo. Nyini ti, nzen má am de i noanie ni, má am de m gusu dee ni. ⁴⁷ Ama, am ade má kabo i yo kereri i ni, i yo se ye am koro de bo m suse am n a?"

6

Kabo Yesu maari nbiesom akpii nnu ni bu minem diire ni

¹ Nyini sin, na Yesu akpie ako Galili kunma kpiri n bo bu kaaki fere i ka Tiberiya n bukun do. ²⁻⁴ Nyini sanja, wo ka kaan, na Yudafo m di bu Butara seenkpiri ni. Na jama beberebe asu i su, dama ba ñu kabo wo yo alekutura sam atuntun tukpakifo m na ba nya laifie ni. Na Yesu ni i susufom n afun ako atana buka be su. ⁵ Na Yesu atu i tii anie anu ka jama beberebe suba i do, na wo bisa Filipu ka, "Ya nya diire nifansu wo, na ya to ma ahin minem kere a?" ⁶ Yiri mmoo ni i tii si kabo i yo barasu, ama, i subo Filipu kunnu na i nie wo. ⁷ Na Filipu ase i ka, "Haari nzen ya faari njaa beberebe toori diire maari bu, i ju má bo bu kere koro nya kan kan di." ⁸ Na i susufom kun bo bu fere i ka Andere, na i goro la Simon Petoro n ase Yesu ka, ⁹ "Gbefene kaan be wo ya nu fen, i bita kpono nnu ni jombaa nnyo, ama, i koro ju má ahin minem kere." ¹⁰ Wura mone sunnu bere, na Yesu ase i susufom ka, "Am ma minem kere tantana wura n su." Na ba ma minem kere atantana. Nbiesom ngumi ko yasuri mine akpii nnu wo. ¹¹ Na Yesu afa kpono n na wo da Nyeme asi, na wo kpakpaaki i nu ama minem bo bu tantana ni, na wo kaaki afa jombaa n ayo i so, na bu kere anya kabo bu koro. ¹² Bu kere diiri na bu kunnu yiiri ni, na wo se i susufom n ka, "Am tientien sinsin n bo ba di i na wo ka n noo. Má am ma be ka ngbeen." ¹³ Na ba tientien kpono sinsin n bo ba di i na wo ka n noo, na wo yi kandie buru ni nnyo. ¹⁴ Minem n ñuuri nyini alekutura sa n bo Yesu yoori ni, na ba se ka, "Nahore, ahin sono n ti Nyeme noanie kanfo n bo bu seeri ka i ba durunya n nu n a." ¹⁵ Yesu faari nu ka bu koro ka bu tara i fanja, na bu fa i yo bu feme n dee ti, na wo yasu afite bu nu yiri ngumi, ako buka n su.

Kabo Yesu natiiri nzue su ni

¹⁶ I naaso sanja, na Yesu susufom n ajura ako kunma kpiri n nu, ¹⁷ na ba ko awura lee nu ka bu kaaki kpie ko Kapenam mie kpiri n nu. Ale aba asan kere, na Yesu nya ba má bu do, ¹⁸ na anuma sukpie fanja su, na nzue nyama gusu suyasu. ¹⁹ Nyini

saɗga ni, i susufɔm n wo nzue n su ako aju kunma kpiri n aɓien, na ba ɗu Yesu ka i nati nzue n su suba dodo lee ni, na sere ati bu. ²⁰ Na Yesu ase bu ka, “Mini a, má am ma sere ti am.” ²¹ Na ba ma wɔ wura lee n nu. Jinaabiri n nu bere, na ba ju deke bo bu suko ni.

Kabo jama n sunienie Yesu busu ni

²² Alecin na jama n bo bu kaari kunma kpiri n buekun do n afa nu ka lee kun n kpein woori kunma n su anuma n a. Na ba si nu ka Yesu susufɔm n ɗgumi wuraari lee n nu koori a, ama, yiri mmoo ni i tii awura má nu. ²³ Na lee nbem afite mie n bo bu fere i ka Tiberiya n aba aju kunma n noo su, fa dodo deke bo Yesu sereeri Nyeme goori kpono n su maari minem na bu diiri ni. ²⁴ Na jama n anie, ba ɗu má Yesu ni i susufɔm n bere, nyini ti, na ba wura leem n nu ako Kapenam ko sunienie Yesu busu.

Kabo Yesu ɗa yiri ti diire n bo i ma ɗgoo n a

²⁵ Minem n ko ɗuuri Yesu kunma kpiri n buekun do ni, na ba bisa i ka, “Ya Kerefo, saɗga bono ye a baari fen a?” ²⁶ Na wo se bu ka, “Nahore ye m suse am n a, má alekutura sam bo m yoori bu n ti ye am sunienie m busu a, ama, kabo m maari am diire na am kunnu ayi n dee ti a.” ²⁷ Má am ma am nyunu boro diire bo i saaki n busu, ama, am ma am nyunu boro diire bo i wie má, na i ma ɗgoo bo i la má awieeri n busu. Mini Adamande Wa ni má am nyini diire n a, dama mini ɗgumi, ye m Si Nyeme ase m nyaari akere ka m ti i dee a.” ²⁸ Na ba bisa i ka, “Ya yo se koro yo juma n bo Nyeme koro ka ya yo i n a?” ²⁹ Na Yesu abo bu nu ka, “Juma n bo Nyeme koro ka am yo i n la ka, am yo mini bo wo sunma m yarada.” ³⁰ Na ba bisa i ka, “Ye a yo nzu alekutura sa kere ya, na ya ɗu i na ya yo u yarada? A yo sa bono o?” ³¹ Dama saɗga bo ya nam yo woori boro kpantain nu ni, bu diiri diire be bo bu fere i ka *mana* n wo. Kabo ba kere i Nyeme Jore Kadasi n nu lee, ka yiri maari bu diire n bo i fite angoro ye bu diiri a.” ³² Na Yesu ase bu ka, “Nahore ye m suse am n a, má Moyisi yo maari nyini diire n bo i fite angoro n a, ama, m Si Nyeme maari am diire n bo i fite angoro nahore su a.” ³³ Dama diire n bo Nyeme ma n la bo i fite angoro, na i ba ma durunya n nufom ɗgoo ni.” ³⁴ Na ba se i ka, “Ya Mibie, ɗka a ma ya nyini diire n saɗga kere.”

³⁵ Na Yesu ase bu ka, “Mini ti diire n bo i ma ɗgoo n a. Sono kere bo i ba m do, ahoe ti má i mi, na sono kere bo i yo m yarada, nzuehoe ti má i mi kun. ³⁶ Ama, ma se am, haari ni bo am anu m n kere, am suyo má m yarada. ³⁷ Sono kere bo m Si fa i maari m, i bá m do, na woro kere bo a ba m do, m kete má u fieo. ³⁸ Dama ma fite má angoro aba má ka m ba yo m dee koroowa, ama, m baari ka m ba yo Nyeme bo wo sunma m dee koroowa a. ³⁹ Yiri n bo wo sunma m dee koroowa la ka, minem kere bo wo fa ama m ni, má m ma bu be mmoo mini, ama, i koro ka m tenge bu kere jina ceen na bu nya ɗgoo. ⁴⁰ Dama m Si koroowa la ka, sono kere bo i ɗu mini i Wa n na i yo m yarada, i mi nya ɗgoo bo i la má awieeri, na m tenge i jina ceen.”

⁴¹ I seeri ka yiri ti diire n bo wo fite angoro aba n dee ti, na minem ni sunjuti i. ⁴² Na ba se ka, “Má Yosefu wa Yesu n lee? Ya si i si ni i ni kere e. Ye i baari se, ye i ɗa i fiteeri angoro baari a?” ⁴³ Na Yesu ase bu ka, “Má am nujuti am nju nu. ⁴⁴ Be koro ba má m do, má ka m Si Nyeme bo wo sunma m ni, acin i mi adodo m, na m tenge i mi jina ceen. ⁴⁵ Kabo Nyeme noanie kanfom yo kereeri lee, ka, ‘Nyeme kere sono kere nyaari a.’ Na sono kere bo i ti Nyeme kereewa n na i siiri nu, i mi bá m do. ⁴⁶ Nyini kere má ka be adu mo anu Nyeme wo lee, má ka mini ɗgumi bo m fite m Si Nyeme do n anu i a. ⁴⁷ Nahore ye m suse am n a, ka sono kere bo i yo m yarada, i la ɗgoo bo i la má awieeri. ⁴⁸ Mini ti diire n bo i ma ɗgoo n a. ⁴⁹ Am nam yo diiri diire n bo bu fere i ka *mana* n boro kpantain nu, ama, na ba wu. ⁵⁰ Ama, ahin diire n ti diire barasu be bo i fite angoro wo, na sono kere bo i diiri i, i wú má. ⁵¹ Mini ti

diire n bo wɔ fite aŋgoro aba, na i ma ŋɔɔ n a. Sɔnɔ kɛrɛ bo i di ahin diire ni, i nyá ŋɔɔ bo i la má awieeri. Diire n bo m má n la m ŋuniembaa ni, bo m fá ma durunya n nufɔm, na bu nyá ŋɔɔ ni.”

⁵² Yesu seeri sɔ ni, na yaa ati bu, na bu suse akuruwa bu ŋuŋu nu ka, “Ahin sɔnɔ ni yo sɛ koro fa i ŋuniɛ ma ya na ya di a?” ⁵³ Na Yesu ase bu ka, “Nahɔrɛ ye m suse am n a, má ka am di mini Adamande Wa n ŋuniembaa ni, na am nu m dɛɛ mbunja ni, amberɛ ni am tii la má ŋɔɔ n bo i la má awieeri ni. ⁵⁴ Sɔnɔ kɛrɛ bo i di m dɛɛ ŋuniembaa ni, na i nu m mbunja ni, i mi la ŋɔɔ n bo i la má awieeri ni, na m tɛŋge i mi jina cɛɛn. ⁵⁵ Dama m dɛɛ ŋuniembaa ni, ti deke bo i ti diire nahɔrɛ su a, na m mbunja n ti deke bo i ti nuuwa nahɔrɛ su a. ⁵⁶ Sɔnɔ kɛrɛ bo i di m dɛɛ ŋuniembaa ni, na i nu m mbunja ni, i mi wo ni mini, na mini gusu wo ni yiri lɛɛ. ⁵⁷ Yiri m Si bo i ma ŋɔɔ ni sunmaari m a, i dɛɛ ti, ye m la ŋɔɔ a, sɔ ye sɔnɔ kɛrɛ bo i di m ŋuniembaa ni, mini dɛɛ ti, ye i nyá ŋɔɔ a. ⁵⁸ Ahin ni ti diire n bo wɔ fite aŋgoro aba n a, i ti má ka diire n bo am nam yo diiri na i sin na bu wuuri ni. Sɔnɔ kɛrɛ bo i di ahin diire ni, i nyá ŋɔɔ n bo i la má awieeri.”

⁵⁹ Yesu kereeri nyini kereewa n kɛrɛ saŋga bo i wo Kapenam bu tientienbunɔɔ sɔɔ nu n wɔ.

Kabo Petoro seeri ka Yesu ti sɔnɔ bo i ma ŋɔɔ n bo i la má awieeri n a

⁶⁰ Yesu susufɔm dɔŋgu tiiri i jɔjɔwa n sɔ ni, na ba se ka, “Ahin kereewa n ti kekereke. Nma koro de i a?” ⁶¹ Na Yesu afa nu ka bu sunuŋuti fa kɔ i kereewa n su, na wɔ se bu ka, “Ahin jɔjɔwa n dɛɛ ti ye am koro ka am kaaki am sin n a? ⁶² Ye nzen má am ŋu ka mini Adamande Wa n sukaaki sufun kɔ aŋgoro, deke bo m fite baari ni, má am se sɛ wɔ lɛɛ? ⁶³ Awiewie Casi ni ma mine ŋɔɔ a. Adamande yiko be koro ma má ŋɔɔ. Nɔaniɛ n bo ma jɔjɔ akere am ni, yiri ma am nya Awiewie Casi n bo i ma ŋɔɔ n a. ⁶⁴ Ama, am be n mmɔɔ ada má m ŋu.” Má pui ti, fite saŋga bo Yesu boori i juma n bu ni, ye i si bo bu yo má i yarada n a, ni sɔnɔ n bo i bá tɔ i ni. ⁶⁵ Na wɔ se bu ka, “Nyini dɛɛ ti ye ma se am ka be wo má berɛ bo i koro ba m dɔ, má ka m Si ama atin ka i mi yo m susufɔ.”

⁶⁶ I seeri sɔ n sin, na i susufɔm dɔŋgu akaaki ayaki i ka bu su má i su kun. ⁶⁷ Na wɔ bisa i susufɔ buru ni nnyɔm ni ka, “Amberɛ gusu koro ka am kaaki yaki m wɔ fan?” ⁶⁸ Na Simon Petoro abɔ i nu ka, “M Mibiɛ, ya kó ŋma dɔ a? Wɔrɔ ti sɔnɔ n bo i la nɔaniɛ n bo i ma ŋɔɔ n bo i la má awieeri n a. ⁶⁹ Ye ya yo u yarada, na ya si ka wɔrɔ ti sɔnɔ casi n bo a fite Nyɛmɛ dɔ n a.” ⁷⁰ Na Yesu abɔ nu ka, “M ŋa am buru ni nnyɔ ye m yiiri am e, má sɔ? Ama, am nu kun ti Sitana sɔnɔ ɔ.” ⁷¹ I jɔjɔ niiri Yudasi wɔ, Simon Isikariyoti wa ni. Yiri Yudasi tiiri buru ni nnyɔm ni kun wɔ, ama, yiri bá tɔ Yesu n a.

7

Kabo Yesu ni i niemam boori anzama barasu ni

¹ Nyini sin na Yesu afa Galili awɔrɛ n nu subara ye, wɔ koro má ka i kɔ Yudiya dɛɛ awɔrɛ n nu, dama Yudaɔm nkpienkpienm koro ka bu kun i wɔ. ² Nyini saŋga, wɔ ka kaan na Yudaɔm di bu cɛɛnkpiri be bo bu fere i ka Nambue Bo cɛɛnkpiri ni. ³ Na Yesu niemam ase i ka, “Fite ahin awɔrɛ n nu na a kɔ Yudiya, adena u susufɔm gusu kó ŋu sam bo a yo bu ni. ⁴ Dama sɔnɔ kɛrɛ bo i koro ka mine si kabo i ti barasu, i fa má i sayoowa fie má minɛm sin, nzen a yo alekutura sam wɔ, ma durunya n nufɔm kɛrɛ si u sa.” ⁵ I niemam n mmɔɔ ayo má i yarada, nyini ti ye bu seeri sɔ n a. ⁶ Na Yesu ase bu ka, “M saŋga nya ju má, ama, amberɛ yiri, saŋga kɛrɛ bo am koro, am kɔ ɔ. ⁷ Amberɛ ye durunya n nufɔm koro kpɔ má am a, ama, bu kpɔ mini wɔ, dama

m se bu wɔ, ka bu sayoowam ti má kpa. ⁸ Am kɔ cɛenkpiri n di, m kó má, dama m sanɔa nya ju má.” ⁹ I seeri bu sɔ ni, na wɔ ka Galili dɔ lee nnyɔ.

Kabo Yesu kɔ diiri Nambue Bo cɛenkpiri ni

¹⁰ I niemam kɔori ka bu kɔ di cɛenkpiri ni, na Yesu gusu aba asa bu su, ama, wɔ yi má i ɲu fofoe nu, i fie kɔori a. ¹¹ Na Yudaɔm nkpienkpienm ni sunienie i, na ba bisa ka, “Ye i wo ni wɔ?” ¹² Na jama n sutu asuturi bu beɲgu dɔ i busu. Nbem ɲa, “I ti sɔnɔ kpa a.” Ye nbem gusu ɲa, “Ai, i dadaka minem wɔ.” ¹³ Ama, be akoro akan má i jɔre fofoe nu, dama bu kere soro Yudaɔm nkpienkpienm n wɔ.

¹⁴ Sanɔa bo ba di cɛenkpiri n akɔ aju afien ni, na Yesu akɔ awura Nyeme Sereebiri Awuru n nu, sukere minem. ¹⁵ Na Yudaɔm nkpienkpienm n ayo alekutura, na ba bisa ka, “I yo se ye ahin sɔnɔ n la nyini si n ɲusu sɔ a, bo be akere má i a?” ¹⁶ Na Yesu ase bu ka, “Deke bo m fa kere am ni, i ti má m tienɲu kereewa, ama, m Si Nyeme bo wɔ sunma m ni, yiri kere m kabo m kere a. ¹⁷ Sɔnɔ kere bo i ɲa i yó Nyeme koroowa ni, ye i sí kabo m kereewa n ti a, nzen m kereewa n fite Nyeme dɔ, wara m tienɲu kereewa. ¹⁸ Sɔnɔ kere bo i jɔjɔ i koroyanu, i mi koro ka bu kansii wɔ, ama, bo i koro ka bu kansii sɔnɔ bo i sunma i ni, nyini sɔnɔ ni jɔjɔ nahɔre a, na kɔre be wo má i ɲu. ¹⁹ M ɲa Moyisi yo maari am Nyeme nɔanie kpamaawa n a, má sɔ? Ama, am be n mmɔɔ su má i atin su. Ye nzu ti ye am koro ka am kun m a?” ²⁰ Na jama n ase i ka, “Ajini wo u ɲu. ɲma koro ka i kun u a?” ²¹ Na Yesu ase bu ka, “Sa kun be lee, ye ma yo i n a, ye wɔ yo am kere alekutura n a. ²² Moyisi yo maari am nɔɔ ka am wura am nbaabiesɔm kenkenne lemɔcɔe cɛen, nzen haari i tɔ ɲumiyi cɛen n mmɔɔ, am yo i, ama, má Moyisi yo boori i bu ka bu wura kenkenne n a, am nam yo boori i bu a. ²³ Am wura nbaabiesɔm kenkenne ɲumiyi cɛen wɔ, adena má am bu nɔanie kpamaawa n bo Nyeme fa maari Moyisi ni ɲgbɛen, ye nzen ma tuntun sɔnɔ mɔmɔ kun ɲumiyi cɛen n na wɔ nya laifie, nzu ti ye am afa yaa m ɲu a? ²⁴ Má am nie sɔnɔ nyunu dika na am di i jɔre, ama, am si i wo nahɔre su, na am nya di i jɔre.”

Kabo minem bisaari ka Yesu ti Kristo Tiidefo n a

²⁵ Yesu seeri sɔ ni, na Yerusalemɔm nbem abisa bu ɲuɲu nu ka, “Má ahin sɔnɔ n ye Yudaɔm nkpienkpienm koro ka bu kun i n a? ²⁶ Am nie e. Wɔ yi i ɲu fofoe nu ye i jɔjɔ a. Be suse má i pui mmɔɔ. Beni, Yudaɔm nkpienkpienm asi ka yiri ti Kristo Tiidefo n nahɔre su n a. ²⁷ Ama, sanɔa bo Kristo Tiidefo n ba baari, be sí má deke bo i fite. Ahin sɔnɔ n yiri, ya si deke bo i fite.” ²⁸ Na sanɔa bo Yesu sukere Nyeme Sereebiri Awuru n nu ni, na wɔ tien fanɔa su ase ka, “Am sunsun ka am si m nahɔre su, nzen se? Ye am si deke bo m fite? Ma ba má ni m dee yiko nu wɔ. Yiri n bo wo sunma m ni ti nahɔrefo a, ama, am si má i. ²⁹ Mini si i a, dama m fite i dɔ ɔ, yiri sunmaari m a.” ³⁰ Nyini ti, na ba kpi ka bu tara i, ama, be afa má i saa akan má i, dama i sanɔa nya ju má. ³¹ Na jama n dɔɲgu ayo i yarada, na ba se ka, “Sanɔa bo Kristo Tiidefo n ba baari, i yó alekutura sam tara ahin sɔnɔ n wɔ, nzen se?”

Kabo bu sunmaari tintinijinaɔm ka bu kɔ tara Yesu ni

³² Na Farasifɔm n ati kabo jama n sutu asuturi sukan Yesu jɔre, na bu ni Nyeme sayoowa dɔɲguyofɔ nkpienkpienm n asunma tintinijinaɔm ka bu kɔ tara i. ³³ Na wɔ se ka, “M wó am dɔ sanɔa kaan, na m nya bá kɔ yiri n bo i sunmaari m n dɔ. ³⁴ Am bá nienie m busu, na am ɲú má m. Deke bo m bá wo ni, am koro kɔ má dɔ.” ³⁵ Na Yudaɔm nkpienkpienm n abisa bu ɲuɲu nu ka, “Yiri koro ka i kɔ ni wɔ, ye yere koro ɲu má i a? I kó ya minem dɔ ɔ, bo ba sandi awura Girikifɔm asien su ni, na i kó kere Girikifɔm ni Nyeme jɔre ni, nzen se a? ³⁶ I ɲa se wɔ lee? Bo i ɲa ya bá nienie i busu na ya ɲú má i ni, na bekun, deke bo i sukɔ ni, ya koro kɔ má dɔ.”

Kabo sɔnɔ bo i yo Yesu yarada nya nzue n bo i ma ɲɔɔ ni

³⁷ Cɛɛnkpiri n awieeri cɛɛn n ti cɛɛnkpiri n tii a. Nyini cɛɛn n na Yesu ayasu ajina, na wɔ tien fanɔa su ase ka, “Sɔnɔ kere bo nzuehɔe ati i, i mi bra m do na i ba nu. ³⁸ Dama ba kere i Nyeme Jore Kadasi n nu ka, sɔnɔ kere bo i yo m yarada, ‘Nzuetin bo i ma ngoo ni, i songi fite i mi ahorembaa su a.’ ” ³⁹ Yesu jɔjɔ niiri Awiewie Casi n wɔ, ka sɔnɔ kere bo i yo yiri Yesu yarada nyá Awiewie Casi ni. Nyini sanɔa ni, Nyeme nya fa má i Awiewie Casi n ma má, dama wɔ nya wura má Yesu kpiri.

Kabo Yesu dɛɛ ti, na jama n nɔɔ woori bu ngungumi ni

⁴⁰ Na jama n nu mine nbem tiiri kabo i seeri sɔ ni, na ba se ka, “Ahin sɔnɔ n ti Nyeme nɔanie kanfo n wɔ nahore su.” ⁴¹ Na nbem ase ka, “Yiri ti Kristo Tiidefo n a.” Ama, na nbem gusu ase ka, “Kristo Tiidefo ni fite má Galili da. ⁴² Ba kere i Nyeme Jore Kadasi n nu ka Kristo Tiidefo ni yó Feme Davidi anuma a, na bu wú i Betilehem, Feme Davidi bosu wɔ.” ⁴³ Yesu dɛɛ ti, na jama n nɔɔ awo bu ngungumi, ⁴⁴ na nbem akoro ka bu tara i, ama, be afa má i saa akan má i.

Kabo Yudafoɔm nkpienkpienm ayo má Yesu yarada ni

⁴⁵ Na tintinijinafoɔm n akpie bu nyi ako Nyeme sayoowa dɔnguyofɔm ni, ni Farasifoɔm n do, na ba bisa bu ka, “Nzu ti ye am afa má i aba má?” ⁴⁶ Na tintinijinafoɔm n abo bu nu ka, “Be nya koro jɔjɔ má kabo nyini sɔnɔ n jɔjɔ ni.” ⁴⁷ Na Farasifoɔm n abisa bu ka, “Wɔ daka amberɛ gusu wɔ fan? ⁴⁸ Am nya ti ka Yudafoɔm nkpienkpienm wara Farasifoɔm n be ayo i yarada a? ⁴⁹ Ama, ahin jama n si má Nyeme nɔanie kpamaawa ni, nyini ti, Nyeme ayo bu ngbeɛn.” ⁵⁰ Na Nikodemo bo i ti Farasifoɔm kun n na i yo ko ŋuuri Yesu ni, ase bu ka, ⁵¹ “Ya dɛɛ atin n su, kana ya ba di sɔnɔ jore jaraki i, má ka ya bisa i na ya ti sa bo wɔ yo i n ka.” ⁵² Na ba bisa i ka, “Wɔro n mmoo fite Galili wɔ? Kan Nyeme Jore Kadasi n na a nie. A ŋú má ka Nyeme nɔanie kanfo n be mmoo fite Galili.”

[⁵³ Bu se sɔ wieeri ni, na bu kere asandi ako awuru.

8

¹ Na Yesu ako buka n bo bu fere i ka Oliva Buka n su, dama oliva bakam go su wɔ.

Bara ajaafɔ n bo i saakiiri ajaa ciire n jore

² Alecin ngarama fuun na Yesu akaaki ako Nyeme Sereebiri Awuru n nu. Na jama n kere aba atien bu nɔɔ i do. Na wɔ tana sukere bu Nyeme nɔanie. ³ Na Nyeme nɔanie kerefɔm, ni Farasifoɔm nbem afa bara ajaafɔ be bo bu ko taraari i ka i ni bieso da, na ba fa i ajina bu afien. ⁴ Na ba se Yesu ka, “Ya Kerefɔ, ya ko atara ahin bara n ka i susaaki ajaa ciire wɔ. ⁵ Nɔanie kpamaawa n bo Nyeme fa maari Moyisi n kere ka, nyini nbaram ŋusu sɔ, ya tu bu yabuɛ bo kun bu. Nyini ti, ye wɔro ŋa se?” ⁶ Bu seeri sɔ n na bu sɔ i ngeɛ, na bu jaraki i wɔ. Na Yesu abiri i tii asiɛngu sufa i saa maraka sukere asiɛngu. ⁷ Bu wo i bisa n su ni, na wɔ ye i tii su ase bu ka, “Bo i ŋa wɔ nya yo má satie am nu, ma i mi du mo tu i yabuɛ.” ⁸ Na wɔ kaaki abiri i tii sukere asiɛngu. ⁹ Bu tiiri sɔ ni, na bu kere aloroki kun kun ako. Nkpienm ni du mo a. Na wɔ ka Yesu ni bara ni ngumi. ¹⁰ Na Yesu aye i tii su, na wɔ bisa bara n ka, “Bara, bu wo ni? Be ase má ka i ti ye ni ka bu kun u, nzen se?” ¹¹ Na bara n abo i nu ka, “Ai, m Mibie, be ase má ka i kún m.” Na Yesu ase i ka, “Mini mmoo se má ka be kún u. Ko, ama, má a yo satie kun.”]

Kabo Yesu ŋa yiri ti durunya n nufɔm wein n ni

¹² Na Yesu akaaki ase jama n ka, “Mini ti durunya n nufɔm wein a. Bo i su m su kere wo má awosin nu kun, ama, i nyá wein bo i ma ngoo ni.” ¹³ Na Farasifoɔm n ase i ka, “Wɔro, a sudi u ŋu daani wɔ, be de má u daani n ka i ti nahore.” ¹⁴ Na Yesu ase bu ka, “Haari nzen m di m ŋu daani n mmoo, m daani diiwa n ti nahore wɔ, dama

m si deke n bo m fite baari, na m kaaki si deke bo m sukɔ ni. Ama, ambere, am si má deke bo m fite, na am kaaki si má deke bo m sukɔ n gusu. ¹⁵ Ambere, am di jore kabo durunya n nufɔm di bu bengum jore n wɔ, ama, mini ni m tii, m di má be jore. ¹⁶ Ama, haari nzen m di mine jore n mmɔɔ, m jore diiwa n ti nahore wɔ, dama má mini ngumi di minem jore a, ama, mini ni m Si bo i sunmaari m ni di a. ¹⁷ Ba kere am Nyeme noanie kpamaawa n nu ka, nzen mine nnyɔ daani diiwa yo kun, nyini la ka i ti nahore wɔ lee. ¹⁸ Mini ni m tii di m ɲu daani a, na m Si bo wɔ sunma m gusu di m daani.” ¹⁹ Na ba bisa i ka, “U si wo ni?” Na wɔ bo bu nu ka, “Am si má m ni m Si n be n mmɔɔ. Nzen má am si mini, má am si m Si n mmɔɔ.”

²⁰ Sangga bo Yesu seeri so ni, i wo minem kere su Nyeme Sereebiri Awuru n nu, fa dodo deke bo bu yi bu saraka ɲwaa fa ma Nyeme n wɔ. Ama, be akoro atara má i, dama i sangga nya ju má.

Kabo Yesu seeri ka i fite má durunya n nu fen ni

²¹ Na Yesu akaaki ase bu ka, “M bá kɔ yaki am, na am bá nienie m busu, ama, am ɲú má m, na am bá wu ni am satie ni. Deke bo m sukɔ ni, am koro kɔ má dɔ.” ²² Na Yudaɔm n abisa ka, “I ɲa deke bo i sukɔ ni, ya koro kɔ má dɔ. Nyini la ka, i kún i ɲu wɔ lee, nzen se a?” ²³ Na wɔ se bu ka, “Ambere fite durunya n nu fen wɔ, ama, mini fite angoro wɔ. Ambere ti durunya n nu fen fɔm wɔ, ama, mini fite má durunya n nu fen. ²⁴ Nyini ti ye ma se am ka, am wú ni am satie n a, dama nzen am yo má m yarada ka mini la sɔnɔhore n bo m se am ka m ti ni, am wú ni am satie n wɔ.” ²⁵ Na ba bisa i ka, “Ye wɔɔ la ɲma a?” Na Yesu ase bu ka, “Kabo m se am sangga kere ni, m ti so ɔ. ²⁶ M la sa dɔɲgu bo m jɔjɔ fa kɔ am dɔ, na m la sa dɔɲgu bo m fa di am jore jaraki am, ama, yiri bo i sunmaari m ti nahoreɔ ɔ, na deke bo i se m ni, nyini ye m kan kere durunya n nufɔm a.” ²⁷ Yesu seeri so ni, ba si má ka i jɔjɔ niiri i Si Nyeme wɔ. ²⁸ Na wɔ se bu ka, “Am bá yeeri mini Adamande Wa n su baka jaanu n su, ye am sí ka mini la sɔnɔhore n bo m se am kabo m ti n a, na m yo má deke be m dɛe yiko nu, ama, m se kabo m Si akere m wɔ. ²⁹ Yiri bo i sunmaari m n wo m dɔ, wɔ nya yaki má m cɛen be, dama sangga kere m yo deke bo i sun i nu wɔ.” ³⁰ I jɔjɔri so ni, na jama n dɔɲgu ayo i yarada.

Kabo Yesu seeri Yudaɔm ka bu satie dɛe ti ma ba yo akɔɔm n a

³¹ Na Yesu ase Yudaɔm bo bu yo i yarada n ka, “Nzen am de m noanie ni, am ti m susufɔm wɔ nahore su. ³² Na am sí deke bo i ti nahore ni, na nahore ni má am nya am tii a.” ³³ Na ba se i ka, “Ya ti Abraham anumam wɔ, be nya fa má ya yo má i akɔɔm. Ye nzu ti ye a ɲa ya nyá ya tii a?”

³⁴ Na Yesu ase bu ka, “Nahore ye m suse am a, ka, sɔnɔ kere bo i yo satie, i mi ti satie akɔɔ. ³⁵ Akɔɔbaa koro ka má awuru n nu sangga kere, ama, awurubaa yiri wo awuru n nu wɔ sangga kere. ³⁶ Nyini ti, nzen mini awurubaa n nya deeri am tii jiiri, am nyá am tii nahore su. ³⁷ M si ka am ti Abraham anumam wɔ, ama, am koro ka am kun m wɔ, dama am ade má m noanie ni. ³⁸ Deke bo mini aɲu i m Si dɔ n ye m suse am a, ama, ambere, deke bo am ti i am si dɔ, ye am yo a.” ³⁹ Na ba se i ka, “Ya si la Abraham.” Na wɔ se bu ka, “Nzen má am ti Abraham nbaam, má am yo i sayoowa a. ⁴⁰ Kabo i ti ni, ma se am nahore sam bo m tiiri i Nyeme dɔ n wɔ, ama, am koro ka am kun m wɔ. Abraham ayo má nyini be so. ⁴¹ Ambere, am yo am si sayoowa a.” Na ba se i ka, “Yere, ya ti má soma nbaam. Ya si la Nyeme ngumi wɔ.” ⁴² Na Yesu ase bu ka, “Nzen má Nyeme ti am Si, má am koro m, dama m fiteeri Nyeme dɔ ɔ, ye m baari fen n a. Ma ba má ni m dɛe yiko nu, ama, yiri sunmaari m a. ⁴³ Nzu ti ye am ti má m jɔjɔwa n bu a? Dama am koro de má m noanie n dɛe ti. ⁴⁴ Sitana ti am si wɔ, na am koro ka am yo kabo am si koro n wɔ, i fite ka i bumboori kere, i ti sɔnɔ kunfɔ ɔ, na i su má nahore su, dama nahore haari kun mmɔɔ wo má i dɔ, i dɛe la ka i bu kɔre wɔ,

dama yiri ti kɔrefɔ a, na yiri kaaki ti kɔrefɔm kere si a. ⁴⁵ Ama, mini se nahɔre n ti, am de má m nɔanie ni. ⁴⁶ Am nma koro kere m satie bo ma yo i a? Nzu ti ye m se am nahɔre, ye am de má m nɔanie n a? ⁴⁷ Sɔnɔ kere bo i ti Nyeme dɛɛ, i mi ti Nyeme nɔanie wɔ. Deke bo i ti na am ti má Nyeme nɔanie n la ka, am ti má i dɛɛm wɔ.”

Kabo Yesu ti kpiri tara Abraham ni Nyeme nɔanie kanfɔm ni

⁴⁸ Na Yudaɔm n ase i ka, “Bo ya n̄a a ti Samariyaɔ ɔ, na ajini wo u n̄u ni, i ti má nahɔre wɔ, nzen se a?” ⁴⁹ Na Yesu ase bu ka, “Ajini wo má m n̄u, ama, m bu m Si n wɔ, ye amɛɛ bu má m. ⁵⁰ M sukoro má ka mine wura m n̄u kpiri wɔ, be wo bere bo i koro ka i wura m kpiri, yiri ti jɔredifo a. ⁵¹ Nahɔre ye m suse am a, ka, sɔnɔ kere bo i bita m nɔanie ni, i mi wú má fieo.”

⁵² Na ba se i ka, “Kisa, ye ya si ka ajini wo u n̄u a. Abraham ni Nyeme nɔanie kanfɔm ni kere awu, ama, wɔrɔ n̄a sɔnɔ kere bo i bita u nɔanie ni, i mi wú má fieo. ⁵³ A tara ya si Abraham bo wɔ wu n wɔ? I ni Nyeme nɔanie kanfɔm kere awu. A bu u n̄u se wɔ?”

⁵⁴ Na Yesu ase bu ka, “Nzen m wura m n̄u kpiri, i ti n̄gɛɛn wɔ. M Si wura m kpiri a, yiri bo am n̄a i ti am Nyeme ni, ⁵⁵ ama, am si má i. Mini si i a. Haari nzen m n̄a m si má i, m yó kɔrefɔ ka amɛɛ wɔ. Ama, m si i, na m bita i nɔanie ni. ⁵⁶ I yoori am si Abraham fie ka i n̄u m ba n nu, i n̄uuri i, na i ahore ajo.” ⁵⁷ Na ba se i ka, “A nya ju má aɔ aburunu, ye i yo se ye a n̄a a n̄uuri Abraham a?” ⁵⁸ Na Yesu ase bu ka, “Nahɔre ye m suse am a, kana bu ba wuuri Abraham ni, mini wo bere wɔ.” ⁵⁹ I seeri sɔ ni, na ba fa yabue ka bu bo kun i, ama, na wɔ lɔrɔki afite Nyeme Sereebiri Awuru n nu.

9

Kabo Yesu tekeeri anyinsin be nyumbaa ni

¹ Na sangga bo Yesu wo natiiri su ni, na wɔ n̄u sɔnɔ be, bu wuuri i ni, i ti anyinsin wɔ. ² Na i susufɔm n abisa i ka, “Ya Kereɔ, nzu ti ye bu wuuri ahin sɔnɔ ni anyinsin a? I wufɔm yoori satie, nzen i dɛɛ satie a?” ³ Na Yesu ase bu ka, “I ti má i ni i wufɔm be mmɔɔ satie dɛɛ ti, ama, Nyeme koro ka minem n̄u kabo i yo alekutura sa fa ma i a. ⁴ Kabo wie toko wo bere ni, am ma ya yo yiri n bo wɔ sunma m juma ni. Ale bá san bo be koro yo má juma be. ⁵ Kabo m toko wo durunya n nu ni, mini ti durunya n nufɔm wein a.”

⁶ Yesu seeri sɔ ni, na wɔ yi nanzue ago asiɛngu, na wɔ fa akpita naatie afa abɔrɔki anyinsin nyumbaa nnyɔ n kere. ⁷ Na wɔ se i ka, “Kɔ na a kɔ n̄misi u nyunu Silowam bura n nu.” Silowam n bu la ka, ba sunma i wɔ. Na wɔ kɔ n̄misi i nyunu n na wɔ n̄u asi, na wɔ kaaki aba awuru.

⁸ Na i lamɔkɔm ni minem bo bu yo n̄uuri i sangga kere ka i sere ni, abisa ka, “Má ahin sɔnɔ ni yo tana fen sere n a?” ⁹ Nbem n̄a, “Yiri a.” Nbem gusu n̄a, “Má yiri a. I feremaɔ a.” Na yiri n mmɔɔ ni i tii suse bu ka, “Mini a.” ¹⁰ Na ba bisa i ka, “Ye i yoori se ye u nyumbaa n ateke a?” ¹¹ Na wɔ se bu ka, “Sɔnɔ n bo bu fere i ka Yesu ni, yiri kpitaari naatie bɔrɔkiiri m nyumbaa n a. Na wɔ se m ka m kɔ Silowam bura n nu, na m kɔ n̄misi m nyunu. Na ma kɔ n̄misi, kpen̄ga na ma n̄u asi.” ¹² Na ba bisa i ka, “Ye yiri n wo ni?” Na wɔ se bu ka, “M si má.”

Kabo Farasifɔm bisaari sɔnɔ n fa kɔ i nyumbaa tekeewa n su ni

¹³ Na ba fa sɔnɔ n bo i yo tiiri anyinsin n ako Farasifɔm ɔ. ¹⁴ Nyini cɛɛn n bo Yesu kpitaari naatie na i fa tekeeri anyinsin nyumbaa n tiiri N̄umiyi cɛɛn wɔ. ¹⁵ Nyini ti, na Farasifɔm gusu akaaki abisa i ka, “I yoori se ye a n̄uuri asi a?” Na wɔ se bu ka, “I faari naatie bɔrɔkiiri m nyumbaa n a, na ma n̄misi i, na ma n̄u asi.” ¹⁶ Na Farasifɔm nbem ase ka, “Ahin sɔnɔ n fite má Nyeme ɔ, dama i bita má N̄umiyi cɛɛn ciire ni.”

Ama, na nbem gusu ase ka, “I yo se ye satieyofɔ koro yo alekutura sam ka ahin ɲusu sɔ a?” Na bu kɛrɛ nɔɔ awo i ɲgungumi. ¹⁷ Na ba kaaki abisa sɔnɔ n bo i yo tiiri anyinsin bekun ka, “Ye wɔrɔ bo wɔ teke u nyumbaa ni, a bu i se wɔ?” Na wɔ se ka, “I ti Nyɛmɛ nɔaniɛ kanfɔ ɔ.”

¹⁸ Yudafɔ nkpienkpienm n ade má ka i yo tiiri anyinsin wɔ, ye i ɲu asi kisa, má ka bu ba fereeri i si, ni i ni, ¹⁹ na ba bisa bu ka, “Am wa n bo am ɲa am wuuri i na i ti anyinsin ni, yiri la ahin? Ye i yoori se ye i ɲu asi kisa a?” ²⁰ Na i si, ni i ni abɔ bu nu ka, “Ya si i ka i ti ya wa a, ya wuuri i anyinsin wɔ. ²¹ Ama, ya si má kabo i yoori barasu na i koro ɲu asi kisa ni, yere gusu kaaki si má sɔnɔ bo i tekeeri i nyumbaa ni. Wɔ ju i tienɲu sɔnɔ, am bisa i, yiri mmɔɔ ni i tii sé am.” ²² Deke bo i ti na i si, ni i ni seeri sɔ ni, bu soroori Yudafɔ nkpienkpienm n ahore wɔ, dama Yudafɔ nkpienkpienm n adu mɔ ase ka sɔnɔ kɛrɛ bo i seeri ka Yesu ti Kristo Tiidefɔ ni, bu fɔn i mi fite bu tientienbunɔɔ sɔɔ n nu wɔ. ²³ Nyini dɛɛ ti ye i si, ni i ni seeri ka, “Wɔ ju i tienɲu sɔnɔ, am bisa yiri mmɔɔ ni i tii n a.”

²⁴ Na ba kaaki afere sɔnɔ n bo i yo tiiri anyinsin n bekun, na ba se i ka, “Niɛ Nyɛmɛ ti, na a jɔjɔ nahɔrɛ. Yere si ka ahin sɔnɔ n ti satieyofɔ ɔ.” ²⁵ Na wɔ se bu ka, “Nzen i ti satieyofɔ ɔ, i ti má satieyofɔ ɔ, mini si má. Deke bo m si i n la ka, m yo tiiri anyinsin wɔ, ama, kisa m ɲu asi.” ²⁶ Na ba bisa i ka, “I yoori u se wɔ, ye i tekeeri u nyumbaa n se wɔ?” ²⁷ Na wɔ bɔ bu nu ka, “Ma du mɔ ase am kabo i tekeeri m nyumbaa ni, ye am ade má. Ye nzu ti ye am koro ka m kan kere am bekun a? Ambere gusu, am koro ka am yo i susufɔm wɔ, nzen se?” ²⁸ Na ba tɔ i ɲu ni nzuko kpɛ ase i ka, “Wɔrɔ ti nyini sɔnɔ n susufɔ a, yere yiri, ya ti Moyisi dɛɛ susufɔm wɔ. ²⁹ Ya si ka Nyɛmɛ yo jɔjɔri Moyisi dɔ a, ama, nyini sɔnɔ n yiri, ya si má i fiteebiri n mmɔɔ.”

³⁰ Na wɔ se bu ka, “Ahin ti alekutura wanla, am si má i fiteebiri, ama, wɔ teke m nyumbaa. ³¹ Ya si ka Nyɛmɛ de má satieyofɔ nyemɛsere, ama, sɔnɔ kere bo i su Nyɛmɛ atin su, na i yo i sa koroowa, Nyɛmɛ de i sere wɔ. ³² Fite durunya n bumboori, sɔnɔ be nya ti má ka be ateke sɔnɔ bo bu wuuri i na i ti anyinsin nyumbaa. ³³ Nzen má ahin sɔnɔ n afite má Nyɛmɛ dɔ, má i koro yo má pui.” ³⁴ Na ba se i ka, “Wɔrɔ yiri, bu wuuri u satieyofɔ ɔ, ye wɔrɔ koro ka a kere yere a?” Na ba fɔn i afite.

Kabo Yesu ɲa bo bu de má Adamande Wa n ti anyinsinm ni

³⁵ Yesu tiiri ka ba fɔn ayi sɔnɔ n ni, na wɔ kɔ aɲu i, na wɔ bisa i ka, “A yo Adamande Wa n yarada a?” ³⁶ Na sɔnɔ n abisa i ka, “M Mibiɛ, yiri la ɲma a? Se m na m yo i yarada.” ³⁷ Na Yesu ase i ka, “A ɲu i e, yiri la mini n bo m sujɔjɔ u dɔ ni.” ³⁸ Na sɔnɔ n ase i ka, “M Mibiɛ, ma yo u yarada.” Na wɔ kutu Yesu nyunu akansi i.

³⁹ Na Yesu ase ka, “M baari durunya n nu ka m ba di minɛm jɔrɛ wɔ, na bo bu ɲu má asi n ɲú asi, na bo bu ɲu asi n yó anyinsinm.” ⁴⁰ Farasifɔm nbem bo bu woori i bi dɔ n tiiri sɔ ni, na ba se i ka, “Nka a ɲa a se ka yere gusu ti anyinsinm wɔ lɛɛ fan?” ⁴¹ Na Yesu ase bu ka, “Nzen má am ti anyinsinm, má am la má ɲgasi, ama, kabo am nya ɲa am ɲu asi ni, am toko la ɲgasi lɛɛ.”

10

Kabo Yesu boori miɛenu niiri bɔesasaɲɔ ni

¹ Na Yesu ase ka, “Nahɔrɛ ye m suse am a, sɔnɔ bo i lɔrɔki wura nbɔɛm sɔɔ n nu, na wɔ fa má anɔ n nu awura má, i mi ti awiefɔ ɔ, na i kaaki ti sɔnɔ bo i nati fin minɛm di wɔ. ² Sɔnɔ bo i fa anɔ n wura nbɔɛm sɔɔ n nu, yiri ti nbɔɛm sasafɔ n a. ³ Anɔ niefɔ ni teke anɔ n ma i a, na i fere i dɛɛ nbɔɛm n duma, na i nbɔɛm ni ti i konvi, na i fa bu fite. ⁴ Nzen i nya faari i nbɔɛm kere fiteeri, i du bu mɔ ɔ, na i dɛɛ

nbɔɛm n su i su, dama bu si i konvi. ⁵ Sɔnɔ bo bu si má i, bu sú má i su fieo, bu ɲmáti yaki i wɔ, dama bu si má i konvi.”

⁶ Na Yesu abo ahin miɛɛnu n akere bu, ama, ba ti má i bu.

Kabo Yesu ɲa yiri ti bɔɛsasafɔ kpa n ni

⁷ Ba ti má miɛɛnu n bu n ti, na Yesu akaaki ase bu bekun ka, “Nahɔɛ ye m suse am a, mini ti nbɔɛm anɔ n bo bu fa wura sɔɔ n nu n a. ⁸ Bɛɛ kɛɛ bo bu duuri m mɔ baari, na bu yo bu ɲu ka bu niɛ nbɔɛm su ni, bu ti awiefɔm wɔ, ni minɛm bo bu nati fin minɛm di wɔ, ama, nbɔɛm n ade má bu jɔjɔwa ni. ⁹ Mini ti anɔ n a, na sɔnɔ kɛɛ bo i fa m dɛɛ anɔ n wuraari, i nyá tiide, na i wúra na i fite, na i nyá i diire di. ¹⁰ Awiefɔ dɛɛ la ka i ba wɔ ɔ, na i kun, na i saaki. Mini aba ka bu nyá ɲɔɔ bo i la má aɲusu.

¹¹ Mini ti bɔɛsasafɔ kpa n a. Bɔɛsasafɔ kpa n tɔ i ɲɔɔ ɔ, na i wu ma i nbɔɛm ni. ¹² Padifɔ n bo ba fa i ka i sasa nbɔɛm n ti má bɔɛsasafɔ nahɔɛ su, na nbɔɛm n ti má i dɛɛm. Nyini ti, nzen i ba ɲuuri ka bedi suba, i ɲmati yaki nbɔɛm wɔ. Na bedi n wura bu nu tara nbem, na bo ba ka n sandi. ¹³ I ti padifɔ n dɛɛ ti, na i cɛɛ wo má nbɔɛm n nu, nyini ti ye i ɲmati yaki bu n a. ¹⁴⁻¹⁵ Mini ti bɔɛsasafɔ kpa n a. Kabo m Si Nyɛmɛ si m na m si i ni, sɔ ye mini gusu si m dɛɛ nbɔɛm a, na bu gusu si m. Na m tɔ m dɛɛ ɲɔɔ na m wu ma bu. ¹⁶ M la nbɔɛ nyinga nbem bo bu ti m dɛɛm, bo bu wo má ahin nbɔɛm n nu. Wɔ yo daka ka m fa bu gusu ba wura ahinm n nu. Bɛɛ gusu tí m konvi na bu dé i, na bu yó kun na bu sasafɔ yó kun. ¹⁷ M tɔ m dɛɛ ɲɔɔ fa ma m minɛm, na m káaki de i bekun, nyini dɛɛ ti ye m Si koro m n a. ¹⁸ Be sude má m dɛɛ ɲɔɔ ni m dɔ, ama, mini ni m tii suto i m koroyanu a. M la atin bo m tɔ m dɛɛ ɲɔɔ ni, na m kaaki la atin bo m de i bekun. M Si maari m nɔɔ ka m yo sɔ a.”

¹⁹ Yesu seeri sɔ n dɛɛ ti, na Yudaɔ nkpiɛnkpiɛnm n nɔɔ awo i ɲɔɲɔgumi bekun. ²⁰ Na bu dɔɲɔ n ase ka, “Ajini wo i ɲu, nyini dɛɛ ti, wɔ bo fie a. Nzu ti ye am so am sui i dɔ a?” ²¹ Ama, nbem ɲa, “Má sɔnɔ bo ajini wo i ɲu jɔjɔwa la ahin. Ajini yo sɛ koro teke anyinsin nyumbaa?”

Kabo Yudaɔm keteeri Yesu ni

²² Fufuku saɲga na Yudaɔm ba sudi bu cɛɛnkpiri n Yerusalem miɛ kpiri n nu, na bu tenge su kabo bu yo tekeeri Nyɛmɛ Sereebiri Awuru n ni, na bu yoori i dɔɲɔ ni. ²³ Na Yesu sunati bara ye Solomon Lele n bo i wo Nyɛmɛ Sereebiri Awuru n nu ni. ²⁴ Na Yudaɔm nbem atien bu nɔɔ abara aye i, na ba bisa i ka, “Saɲga bɔnɔ ye a bá kan teke ya nyi a? Nzen wɔɔ ti Kristo Tiideɔ n a, se ya nahɔɛ kpain.” ²⁵ Na Yesu ase bu ka, “Ma se am, ye am ade má a. Alekutura sam bo m yo bu m Si duma n nu ni, di m ɲu daani a. ²⁶ Ama, am yo má m yarada, dama am ti má m dɛɛ nbɔɛm. ²⁷ M dɛɛ nbɔɛm ti m konvi. M si bu, na bu su m su. ²⁸ M ma bu ɲɔɔ bo i la má awieeri, na bu ká má ɲɔɔ cɛɛn be fieo. Be gusu koro fin má bu fite má m saa nu. ²⁹ M Si bo i faari bu maari m ni, tara deke kɛɛ faɲga, na be wo má bɛɛ bo i koro fin bu fite m Si saa nu. ³⁰ Mini ni m Si ti deke kun wɔ.”

³¹ Na Yudaɔm afa yabue bekun ka bu bo kun i. ³² Na Yesu ase bu ka, “Ma yo alekutura sakpam dɔɲɔ, bo m Si kereeri m na am aɲu i, ye sa bɔnɔ ti ye am ɲa am kun m n a?” ³³ Na Yudaɔm n ase i ka, “Má sakpam bo a yo bu n be dɛɛ ti ye ya ɲa ya kún u a, ama, bo a jɔjɔ wura Nyɛmɛ ɲgasi nu n ti, dama a ti adamande wɔ, ama, na a se ka a ti Nyɛmɛ wɔ.” ³⁴ Na wɔ se bu ka, “Ba kɛɛ i am Nyɛmɛ Jɔɛ Kadasi n nu ka, Nyɛmɛ ɲa, ‘Am ti ka Nyɛmɛ wɔ.’ ³⁵ Be koro bu má Nyɛmɛ Jɔɛ Kadasi ni ɲɔɔɛn. Nyɛmɛ yo seeri bu ka bu ti ka Nyɛmɛ wɔ, bɛɛ bo bu deerɛ Nyɛmɛ nɔaniɛ ni, ³⁶ ama, mini yiri, m Si Nyɛmɛ ayi m, ye wɔ sunma m durunya n nu a. Ye nzu ti ye ambɛɛ ɲa ma kan ciire jɔɛ, dama m ɲa mini ti Nyɛmɛ Wa a? ³⁷ Nzen m yo má m Si juma ni, má am yo m yarada. ³⁸ Ama, nzen m yo bu na haari am yo má m yarada mmɔ a,

am yo m juma n yarada, adena am si nahore su ka mini ni m Si n ti deke kun wo.”
³⁹ I seeri so ni, na ba kpi ka bu tara i bekun, na wo lɔrɔki afite bu nu.

⁴⁰ Na Yesu akaaki akpɛ akɔ Yodan kunma n buekun dɔ akɔ aju deke bo Yohane yo biɛri minɛm Nyɛmɛ nzue ni, na wo wo dɔ. ⁴¹ Na jama beberebe aba i dɔ, na ba se ka, “Yohane ayo má alekutura sa be, ama, jɔjɔwa kɛɛ bo i yo jɔjɔ fa kɔɔri ahin sɔnɔ n n̄usu n ti nahore wo.” ⁴² Na minɛ dɔngɔ ayo i yarada dɔ.

11

Kabo Lazarosi wuuri ni

¹ Na sɔnɔ be bo bu fere i ka Lazarosi n ada tukpaki. I ninbaam la Mariya ni Marata. Bu bɔsu la Betani. ² Nyini Mariya n bo i niwa Lazarosi daari tukpaki ni, yiri ba faari tulaalɛ nvanvanifo gɔɔri Yesu jaa su ye i faari i tiɛmɛ tintiin nunukaari i n a. ³ Na i ninbaa nbaabaram n asunma ka bu kɔ se Yesu ka, “Ya Mibiɛ, u danfo n bo a koro i agaya n ada tukpaki.” ⁴ Yesu tiiri so ni, na wo se ka, “Ahin tukpaki n ti má yiwee tukpaki, ama, i yo so, na minɛm n̄u Nyɛmɛ jirima woowa kabo i ti, na Nyɛmɛ ma minɛm n̄u mini bo m ti i Wa n gusu jirima woowa.” ⁵ Tɔ, Yesu koroori Marata ni Mariya ni bu niwa Lazarosi. ⁶ Ama, i tiiri ka Lazarosi ada tukpaki ni, na wo ka deke bo i woori n cɛɛn nnyɔ abuka su.

⁷ Nyini sin na Yesu ase i susufɔm ka, “Am ma ya kaaki kɔ Yudiya dɛɛ awɔɛ n nu.” ⁸ Na i susufɔm n ase i ka, “Ya Kerefɔ, má anzonɛ fɛn ye Yudaɔm n̄a bu tu yabue bo kun u n a? Ye a sukoro ka ya kpie ya nyi kɔ dɔ bekun n a?” ⁹ Na Yesu ase bu ka, “Fa n̄garama kɔ ju naaso, m n̄a i ti wiɛ kun wo e. Sɔnɔ bo i nati wiɛsu bo má i jaa, dama durunya n nu wein ni ma i n̄u asi a. ¹⁰ Ama, sɔnɔ bo i nati kɔngue bo i jaa, dama wein wo má i dɔ.” ¹¹ Yesu jɔjɔri so n sin, na wo kaaki ase bu ka, “Ya danfo Lazarosi adaafi, ama, m sukɔ na m kɔ tenge i lɛɛ.” ¹² Na i susufɔm n ase i ka, “Ya Mibiɛ, nzen wo daafi wo, i nyá laifiɛ.” ¹³ Kabo Yesu seeri n la ka, Lazarosi awu wo, ama, i susufɔm bere sunsun ka i n̄a wo daafi nahore su wo. ¹⁴ Nyini ti, na Yesu ase bu kpain ka, “Lazarosi awu. ¹⁵ Ama, amɛɛɛ dɛɛ ti, wo yo m fie ka ma wo má dɔ, adena am yo yarada. Am ma ya kɔ i dɔ.” ¹⁶ Na Tomasi bo bu fere i ka Ndaa n ase i lamokɔ susufɔm n ka, “Am ma yere gusu kɔ, nzen bu kɔ kuunri i a, na ya ni yiri kere awu.”

Kabo Yesu n̄a yiri tenge minɛm yiwee nu ni

¹⁷ Saɔga bo Yesu kɔ juuri ni, i n̄uuri ka ba se Lazarosi i lenna lɛɛ. ¹⁸ Betani ni Yerusalem miɛm waari má ni i beɔgu. ¹⁹ Na Yudaɔm dɔngɔ aba Marata, ni Mariya dɔ ka bu ba dada bu ahore, bu niwa n bo wo wu n dɛɛ ti. ²⁰ Marata tiiri ka Yesu suba ni, na wo kpa i atin, ama, na Mariya aka awuru. ²¹ Na Marata ase Yesu ka, “M Mibiɛ, nzen má a woori fɛn, má m niwa n awu má. ²² Ama, haari ni nyini mmɔɔ, m si ka deke kɛɛ bo a sere Nyɛmɛ, i yó i ma u.” ²³ Na Yesu ase i ka, “U niwa ni tenge i yiwee n nu bekun.” ²⁴ Na Marata ase i ka, “M si ka i bá tenge i yiwee nu jina cɛɛn, saɔga bo Nyɛmɛ bá tenge minɛm bu yiwee nu ni.” ²⁵ Na Yesu ase i ka, “Mini ti sɔnɔ bo i tenge minɛm bu yiwee nu, na i má bu n̄gɔɔ n a. Sɔnɔ kere bo i yo m yarada, haari nzen i wuuri, i nyá n̄gɔɔ. ²⁶ Na sɔnɔ kere bo i la n̄gɔɔ na i yo m yarada, i mi wu má fieo. A yo ahin jɔjɔwa n yarada a?” ²⁷ Na Marata ase i ka, “M Mibiɛ, ma yo yarada ka wɔɔ ti Nyɛmɛ Wa, Kristo Tiideɔ n a, bo i n̄a i súnma i durunya n nu ni.”

Kabo Yesu suunri ni

²⁸ Marata seeri so n sin, na wo kaaki akɔ afere i niwa Mariya benle, na wo se i ka, “Ya Mibiɛ n aba, i n̄a a bra.” ²⁹ Mariya tiiri so ni, i kaba bereki yasuuri wo, na wo kɔ i dɔ. ³⁰ Nyini saɔga, na Yesu nya ju má miɛ n nu, i toko wo deke bo Marata kɔ tuuri i n wo. ³¹ Na Yudaɔm bo bu woori awuru n nu Mariya bi, na bu sudada i ahore ni, bu n̄uuri kabo i bereki yasu fiteeri ni, na ba su i su. Bu sunsuunri ka i sukɔ deke bo

bu seeri Lazarosi n wɔ, na i kɔ sun. ³² Saŋga bo Mariya kɔ juuri deke bo Yesu wo n na i ŋuuri i ni, na wɔ kutu i nyunu, na wɔ se i ka, “M Mibiε, nzen má a woori fɛn, má m niwa n awu má.” ³³ Yesu ŋuuri ka i susun ni, ni kabo Yudafoɔm n bo bu suuri i su baari n gusu wo sun su ni, na i ahore asaaki, na wɔ mi i ŋumi. ³⁴ Na wɔ bisa bu ka, “Am seeri i ni wɔ?” Na ba se i ka, “Ya Mibiε, bra na a ba niε.” ³⁵ Na Yesu asun. ³⁶ Nyini ti na Yudafoɔm n ase ka, “Am niε kabo i koro i agaya barasu a.” ³⁷ Ama, na bu nbem ase ka, “Yiri n bo i teke anyinsin n nyumbaa ni, má i koro tuntun má sɔnɔ ni, na i wu má, nzen sɛ?”

Kabo Yesu tengeeri Lazarosi i yiwee nu ni

³⁸ Na Yesu ahore asaaki bekun, na wɔ kɔ deke bo bu seeri Lazarosi ni. I ti yabue bue faŋkunma wɔ, ye bu faari i seeri nu a, na ba fa yabue nyinga ato anɔ ni. ³⁹ Na Yesu ase bu ka, “Am ba yi yabue ni.” Na sɔnɔ n bo wɔ wu n niwa Marata ase i ka, “M Mibiε, kisa wɔ bun, dama bu seeri i nyuma lenna lεε.” ⁴⁰ Na Yesu ase i ka, “Ma se má u ka, nzen a yoori m yarada, a ŋú Nyemε jirima woowa kabo i ti barasu?” ⁴¹ I seeri sɔ ni, na ba lakati yabue ni. Na wɔ ye i tii su aŋgoro, na wɔ se ka, “M Si, m da u asi ka a de m sere. ⁴² M si ka saŋga kere a de m sere wɔ, ama, ahin minem bo bu jina fɛn n dεε ti, ye m seeri sɔ a, adena bu yo m yarada ka wɔrɔ sunmaari m a.” ⁴³ I sereeri Nyemε n wieeri ni, na wɔ tien ase ka, “Lazarosi, fite.” ⁴⁴ Na sɔnɔ n bo wɔ wu n afite faŋkunma n nu. Tani pɔɔndiiri i saa, ni i jaa, na tani kun pɔɔndiiri i tii. Na Yesu ase bu ka, “Am nyanɔi yi tani n na am ma i kɔ.”

Kabo bu sɛsɛeri su ka bu kun Yesu ni

⁴⁵ Yudafoɔm dɔŋgu bo bu baari Mariya dɔ ŋuuri sa n bo Yesu yoori i ni, na ba yo i yarada. ⁴⁶ Na bu nbem akɔ Farasifoɔm n dɔ akɔ ase bu kabo Yesu ayo ni. ⁴⁷ Na Farasifoɔm ni Nyemε sayoowa dɔŋguyofɔ nkpienkpienm n afere Yudafoɔm tereterefoɔm ni, na ba tien bu nɔɔ. Na ba se ka, “Ye ya yo sɛ wɔ? Am niε e, ahin sɔnɔ ni suyo alekutura sayoowam dɔŋgu. ⁴⁸ Nzen ya yaki i na i suyo sɔ, minem kere yó i yarada a, na Roma yikofɔm bá saaki ya Nyemε Sereebiri Awuru ni, na bu kún ya minem ni.” ⁴⁹ Na bu nu sɔnɔ be bo bu fere i ka Kayafasi ni, bo i ti Nyemε sayoowa dɔŋguyofɔm kere kpien nyini afɔ n ase ka, “Amberε, am si má pui. ⁵⁰ Am si má kabo i ti n wɔ, nzen sɛ? Ka nzen am ma sɔnɔ kun wu maari minem kere, i ti ye ni bo ya minem kere bá wu ni.” ⁵¹ Má i koroyanu ye i seeri sɔ a, ama, yiri ti Nyemε sayoowa dɔŋguyofɔm kere kpien nyini afɔ n ti, ye Nyemε ma i seeri ka Yesu wú ma Yudafoɔm n a. ⁵² Na má bere ŋgumi dεε ti ye i wú a, ama, adena i tien Nyemε nbaam nɔɔ, na bu yo kun, bere bo ba sandi akɔ asien nbem n su. ⁵³ Nyini dεε ti, fite nyini cɛen n fa kɔ, na ba sɛsɛ su ka bu kun Yesu.

⁵⁴ Nyini dεε ti, wɔ yi má i ŋu fofoe nu anati má Yudafoɔm nu kun. Ama, i fiteeri bere ni, na wɔ kɔ awɔrε be bo i wo dodo boro kpantain dεε bue ni, na i ni i susufɔm n akɔ awo miε n bo bu fere i ka Efirayim n su.

⁵⁵ Nyini saŋga, wɔ ka kaan, na Yudafoɔm di bu Butara cɛenkpiri ni, na mine dɔŋgu afite ahemem aba Yerusalem miε kpiri n nu, na bu ba kpakpara bu ŋu fin ka, na cɛenkpiri n nya ju. ⁵⁶ Na ba niεniε Yesu busu, na saŋga bo bu wo Nyemε Sereebiri Awuru n nu ni, na ba bisa bu ŋuŋu nu ka, “Am sunsun sɛ wɔ? I bá cɛenkpiri ni? Ya de má ka i bá.” ⁵⁷ Ama, Nyemε sayoowa dɔŋguyofɔ nkpienkpienm ni, ni Farasifoɔm n ama nɔɔ ka sɔnɔ kere bo i si deke bo Yesu wo, i se bu na bu kɔ tara i.

12

Kabo Mariya faari tulaalε nvanvanifo gɔɔri Yesu jaam su ni

¹ Na saŋga bo i ba kaari lesen, na bu di Butara cɛenkpiri ni, na Yesu akɔ Betani, Lazarosi bɔsu, yiri bo Yesu tengeeri i yiwee n nu ni. ² Na ba su Yesu wɔfɔ dɔ. Marata

faari diire n ba maari bu a, Lazarosi gusu woori minem bo bu ni Yesu diiri diire n nu. ³ Na Mariya afa tulaalɛ nvanvani bo i la go agaya tuwa bambaka kun, na wo fa ago Yesu jaa su, na wo fa i tiinjmiɛ tintiin anunuka i jaam kere su, na tulaalɛ ni nvanani ade awuru n kere. ⁴ Na Yesu susufom kun bo bu fere i ka Yudasi Isikariyoti bo i ba to Yesu n abisa ka, ⁵ “Nzu ti ye bara n ato ma tulaalɛ n na i nya nwaa beberebe, na ya fa ma yaarifom a?” ⁶ I ti awiefom n dɛɛ ti ye i seeri so a, ma ka i cɛcɛ wo yaarifom nu wo. Yiri ti bu nwaa bitafom a, na i suwo nwaa n be sangga sangga. ⁷ Na Yesu ase ka, “Yaki Mariya benle, i dɛɛ nzee bo i sufa yo m fa ko m yiwee cɛɛn lɛɛ. ⁸ Dama am ni yaarifom ni wo bere sangga kere a, ama, am ni mini koro wo ma bere sangga kere.”

⁹ Yudafom beberebe tiiri ka Yesu woori do ni, na ba ba i do, ma ka Yesu ngumi ti ye bu baari a, ama, bu baari ka bu ba nu Lazarosi n bo Yesu tengeeri i yiwee n nu n wo. ¹⁰ Nyini dɛɛ ti, na Nyeme sayoowa dongyuyofom nkpienkpienm n asese su ka bu kun Lazarosi gusu. ¹¹ Dama i dɛɛ ti ye Yudafom dongu akaaki bu sin abo bu a, ye ba yo Yesu yarada n a.

Kabo Yesu wuraari Yerusalem ka femɛ dɛɛ su ni

¹² Na alecin na jama n bo bu baari ka bu ba di Butara cɛɛnkpiri n ati ka Yesu suba Yerusalem miɛ kpiri n nu. ¹³ Na ba kpiekpie kpakpa nyawa ako akpa i atin, na bu subo kuyigindi, bu na,
“Hosana. Ya kansi Nyeme.

Terefie wo yiri n bo i suba Micera n dɛɛ duma n nu n do.

Terefie wo Yisarelifom femɛ n do.”

¹⁴ Na Yesu anu kaakobaa be, na wo fun atana su, kabo ba kere i Nyeme Jore Kadasi n nu ni,

¹⁵ “Ambere Siyonfom, ma am soro sere.

Am nie, am femɛ ni suba n a,

i fun kaakobaa wo.”

¹⁶ Nyini sangga, i susufom nya si ma nyini sam n bo ba yo n kere bu. Ma ka sangga bo Yesu ba tengeeri i yiwee n nu, na bu nuuri i jirima woowa n sin, na ba nya atenge su, ka ba kere i Nyeme Jore Kadasi n nu ka bu yo i so o, na ba kaaki atenge su, ka ba yo i so nahore su. ¹⁷ Na jama n bo bu yo woori Yesu do, sangga n bo i fereeri Lazarosi fiteeri fanjunma n nu, na i tengeeri i yiwee n nu ni, na bu sukan labari ni. ¹⁸ Nyini alekutura sa n bo i yoori i na minem tiiri n dɛɛ ti, na ba kpa i atin. ¹⁹ Na Farasifom n ase bu nu nu ka, “Am anu ma i? Ya koro yo ma pui kun. Yiri ye durunya n nufom kere susu i su n a.”

Kabo Girikifo nbem ba bisaari Yesu busu ni

²⁰ Minem bo bu baari Yerusalem miɛ kpiri n nu Butara cɛɛnkpiri n sangga n ka bu ba su Nyeme ni, bu nbem ti Girikifom wo. ²¹ Na ba ba Filipu do, i fite miɛ n bo bu fere i ka Besayida na i wo Galili awore n nu n wo. Na ba se i ka, “Njapie, ya koro ka ya nu Yesu wo.” ²² Na Filipu ako ase Andere, na bu nnyo n kere ako ase Yesu. ²³ Na Yesu ase ka, “Sangga n aju bo Nyeme wura mini Adamande Wa n kpiri. ²⁴ Nahore ye m suse am n a, ma ka alembaa awura fa nu, na wo kpore, i ti i tii wo. Ama, nzen i wuraari fa nu na i kpore, ye i wura mbaa beberebe a. ²⁵ Sono kere bo i koro i ngoo, i mi ba fun i, ama, sono kere bo i koro ma i ngoo durunya n nu fen, i mi ba nya ngoo bo i la ma awieeri. ²⁶ Sono kere bo i su m, wo yo daka ka i mi su m su, na deke bo m wo ni, m amususufom gusu wo do o. Na sono kere bo i suuri m, m Si Nyeme wura i mi kpiri.”

Kabo Yesu jajo fa kore i yiwee n jore su ni

²⁷ Na Yesu ase ka, “Kisa, m ahore asaaki, ye m se se wo? M koro se ka, m Si Nyeme, yi m fite ahin anyumboro bo i suba m do n nu, nzen se? Ai, m koro se ma so, dama

nyini dɛɛ ti ye m baari a. ²⁸ M dɛɛ bo m se la ka, m Si, kere kabo u jirima woowa ti." Na akonvi be atien afite aɲgoro ase ka, "Ma du mɔ akere kabo m jirima woowa ti, na m káaki kere i bekun." ²⁹ Jama n bo bu jina Yesu bi n tiiri akonvi ni ŋga ni, na bu nbem ase ka, "Nzue akpura." Na nbem gusu ase ka, "Nyɛmɛ mɛrɛkɛ ajojo i do a." ³⁰ Na Yesu ase bu ka, "Amberɛ dɛɛ ti ye akonvi n jɔjɔri a, má mini dɛɛ ti a. ³¹ Saɲga n aju bo Nyɛmɛ dí durunya n nufɔm jɔrɛ, na i fón yi Sitana bo i ti bu fɛmɛ ni. ³² Ama, mini, bu ba yɛeri m su jinaari aɲgoro baka jaanu n su, m cín sɔnɔ kɛrɛ ba m do." ³³ Kabo i yo seeri sɔ n kere yiwee n bo i bá wu i n wɔ.

³⁴ Na jama n ase i ka, "Ya ti i Nyɛmɛ Jɔrɛ Kadasi n nu ka, Kristo Tiidefɔ ni wo bɛrɛ saɲga kɛrɛ. I wú má. Ye i yoori sɛ ye wɔrɔ ŋa, wɔ yo daka ka bu bá yɛeri Adamande Wa n su jinaari aɲgoro baka jaanu n su a? Ye Adamande Wa n la ŋma a?" ³⁵ Na Yesu ase bu ka, "Mini bo m ti wein ni, m wo am nu kisa, ama, m cé má. Nyini dɛɛ ti, am nya wo ni wein ni, am sunati wein nu wɔ, na má awosin tu am. Sɔnɔ kɛrɛ bo i wo awosin nu, i mi si má deke bo i sukɔ ni. ³⁶ Am nya wo ni wein ni, am yo i yarada, na m má am yo wein dɛɛ nbaam." Yesu seeri sɔ ni, na wɔ fite bu nu akɔ afiɛ deke be, na má be ŋu i.

Kabo Yudaɲɔm ayo má Yesu yarada ni

³⁷ Yesu yo yoori alekutura sam dɔɲgu na ba ŋu i, haari ni nyini mmɔɔ, ba yo má i yarada. ³⁸ Nyini ma Nyɛmɛ nɔaniɛ kanfɔ Esaya jɔrɛ n bo i yo kɛrɛeri n yo yíiwa. I ŋa,

"M Nyɛmɛ Fɛmɛ, ŋma ade jɔrɛ n bo ya kan i n a?

Ye ŋma ye a yi u yiko akere i a?"

³⁹ Nyini dɛɛ ti, ye ba koro ayo má Yesu yarada n a. Kabo Esaya akaaki ase ka,

⁴⁰ "Nyɛmɛ ama ba yo anyinsinm

na má bu ŋu asi,

na wɔ ma bu ahore ayo kekereke

na má bu ti i nɔaniɛ n bu,

adena má bu kaaki ba i do

na bu nya laifiɛ."

⁴¹ Esaya yo ŋuuri Yesu jirima woowa n dɛɛ ti, ye i kaanri i ŋu jɔrɛ n a. ⁴² Yudaɲɔ nkpienkpienm dɔɲgu mmɔɔ yoori Yesu yarada, ama, bu soroori Farasifɔm n ahore n dɛɛ ti, ba koro ayi má bu ŋu fofoe nu. Nzen bu yiiri bu ŋu ka ba yo i yarada, Farasifɔm ni fón bu fite bu tientienbunɔɔ sɔɔ n nu wɔ. ⁴³ Dama Yudaɲɔ nkpienkpienm n yo koroori adamande kansi taraari Nyɛmɛ dɛɛ.

Kabo Yesu seeri ka i nɔaniɛ ni dí minɛm jɔrɛ ni

⁴⁴ Na Yesu atien ase ka, "Sɔnɔ kɛrɛ bo i yo m yarada, má mini ŋgumi ye i yo m yarada, ama, i yo bo wɔ sunma m n gusu yarada a. ⁴⁵ Na sɔnɔ kɛrɛ bo i niɛ na i ŋuuri m, ti ka wɔ ŋu m Si Nyɛmɛ bo i sunmaari m n lɛɛ. ⁴⁶ Mini bo m ti wein n aba durunya n nu, adena sɔnɔ kɛrɛ bo i yo m yarada, i wó má awosin nu. ⁴⁷ Sɔnɔ kɛrɛ bo i ti m nɔaniɛ n na i de má i, m di má i mi jɔrɛ, dama ma ba má ka m ba di durunya n nufɔm jɔrɛ wɔ, ama, m baari ka m ba de bu tii ji wɔ. ⁴⁸ Sɔnɔ kɛrɛ bo i kete m, na i de má m nɔaniɛ ni, i jɔredifɔ wo bɛrɛ wɔ. Nɔaniɛ n bo ma jɔjɔ i ni, yiri dí i mi jɔrɛ jina cɛɛn n a. ⁴⁹ Dama má m koroyanu ye m kan sɔ a, ama, m Si n bo wɔ sunma m ni, yiri maari m nɔɔ, kereeri m nɔaniɛ kun kun kɛrɛ bo m jɔjɔ i n a. ⁵⁰ M si ka i nɔaniɛ maawa n ti deke bo i ma ŋɔɔ bo i la má awieeri n wɔ. Nyini dɛɛ ti, kabo m Si seeri m ni, sɔ ye m jɔjɔ a."

13

Kabo Yesu ŋmisiiri i susufɔm n jaa ni

¹ Alecin bo má bu di Butara cɛɛnkpiri n ni, na Yesu asi nu ka sanɔa n aju bo i fite durunya n nu kaaki kɔ i Si Nyeme dɔ. Na i dɛɛ tienɔgu minem bo bu wo durunya n nu na i koro bu ni, i koro bu sɔ ɔ haari i kɔ ju i fanɔa nyaari. ² Na kongue sanɔa bo bu wo diire n di su ni, na Sitana awura Yudasi, Simon Isikariyoti wa n tii nu ka i tɔ Yesu ma i kpɔfɔm. ³ Na Yesu asi nu ka i Si Nyeme afa deke n kere awura i saa nu, na i kaaki si ka i fiteeri Nyeme dɔ baari a, na i káaki kɔ i dɔ ɔ. ⁴ Na wɔ nya yasu ajina, na wɔ yi i tanlɛɛ n ase, na wɔ fa papawo abo i wi nu. ⁵ Na wɔ sa nzue ago nyanɔa nu, na wɔ bo i bu sunmisi i susufɔm n jaa, na wɔ fa papawo n bo i bo i wi nu ni sunuka bu jaam. ⁶ I ba kpuraari Simon Petoro, na wɔ bisa Yesu ka, “M Mibiɛ, na wɔɔ ba n̄misi m dɛɛ jaa?” ⁷ Na Yesu ase i ka, “Sa bo m suyo i ni, a koro ti má i bu kisa, ama, fa kɔ fa ba, a bá ti i bu.” ⁸ Na Petoro ase i ka, “Ai, a n̄misi má m jaa haari durunya n ba yasu.” Na Yesu ase i ka, “Nzen ma n̄misi má u jaa, m ni wɔɔ akpaaki lɛɛ.” ⁹ Dɔ na Simon Petoro anya ase i ka, “M Mibiɛ, nzen i ti sɔ a, má a n̄misi m jaa n̄gumi, ama, n̄misi m saam ni m tii kere.” ¹⁰ Na Yesu ase i ka, “Sɔnɔ anya abie nzue, n̄ka i n̄misi i jaa a, i bie má nzue kun, dama i n̄unie kere ti casi wɔ. Amberɛ, am ti casi wɔ, ama, má am kere.” ¹¹ Yesu siiri bo i bá tɔ i ma i kpɔfɔm ni, nyini ti ye i n̄a má bu kere ti casi n a.

¹² I n̄misi bu jaam wieeri ni, na wɔ fa i tanlɛɛ n awura, na wɔ kɔ atana i tanaabiri ni. Na wɔ bisa bu ka, “Kabo ma yo am ni, am ati i bu?” ¹³ Am fere m ka am Kerefɔ ɔ, na am kaaki fere m ka am Mibiɛ. Am joɔ nahɔre wɔ, dama m ti sɔ ɔ. ¹⁴ Tɔ. Kisa na mini bo m ti am Mibiɛ, ni am Kerefɔ, na ma n̄misi am jaam ni, wɔ yo daka ka amberɛ gusu n̄misi am benɔm jaam sɔ. ¹⁵ Dama ma yo akere am lɛɛ, na am gusu yo am benɔm kabo ma yo am ni.” ¹⁶ Na wɔ se bu ka, “Nahɔre ye m suse am a, akɔ koro tara má i mibiɛ, na bekun sunmafɔ gusu koro tara má bo i sunmaari i ni. ¹⁷ Nzen am sin ahin n kere, na am yoori sɔ, terefie wo am dɔ.

¹⁸ M sujɔɔ ni má am kere wɔ, dama m si bo ma du mɔ ayi bu ni. Ama, kabo ba kere i Nyeme Jɔre Kadasi n nu ni, i ti ye ni ka i yo yiiwa, ka, ‘Sɔnɔ n bo m ni yiri sanɔa di diire taale kun nu, yiri akaaki m jaa tufɔ n a.’ ¹⁹ M suse am sa bo i bá yo wɔ lɛɛ, na i ba yoori, na am yo m yarada ka mini la sɔnɔhɔre n bo ma se am kabo m ti n a. ²⁰ Nahɔre ye m suse am a, sɔnɔ kere bo i de sɔnɔ bo m sunma i ni, i mi ade mini wɔ lɛɛ, na sɔnɔ kere bo i de mini, i mi ade yiri bo i sunmaari m wɔ lɛɛ.”

Kabo Yesu seeri ka Yudasi tɔ i ma i kpɔfɔm ni

²¹ Yesu seeri bu sɔ wieeri ni, na i ahore asaaki akɔ asin su, na wɔ se bu kpain ka, “Nahɔre ye m suse am a, am nu kun bá tɔ m ma m kpɔfɔm a.” ²² Na i susufɔm n abirisi, sunie bu n̄un̄u nu, ama, ba si má bo i yó nyini sa n ni. ²³ Bu nu kun be bo Yesu koro i agaya n tana mata Yesu. ²⁴ Na Simon Petoro abo i nyumbaa i dɔ ka i bisa Yesu ka, i ni n̄ma a? ²⁵ Na yiri n acin adodo Yesu, na wɔ bisa i ka, “Ya Mibiɛ, a ni n̄ma a?” ²⁶ Na Yesu ase i ka, “Sɔnɔ n bo m kpíɛ too n bo toro n nu na m fá ma i ni, yiri lɛɛ.” Na wɔ fa too n abo toro n nu, na wɔ fa ama Yudasi, Simon Isikariyoti wa ni. ²⁷ Yesu faari too n maari Yudasi wieeri ni, na Sitana awura i tii nu, na Yesu ase i ka, “Sa n bo a n̄a a yó i ni, kɔ yo i ndende.” ²⁸ Ama, bu kere bo bu woori diire n di su ni, bu be mmɔ asi má deke n bo i ti na Yesu seeri i sɔ ni. ²⁹ Yudasi tiiri bu n̄waa bitafɔ n dɛɛ ti, bu nbem sunsun ka Yesu n̄a i kɔ to deke be na bu fa di cɛɛnkpiri n wɔ, wara i kɔ yi n̄waa n be fa ma yaarifɔm wɔ. ³⁰ Yudasi diiri too n wieeri ni, na wɔ yasu afite akɔ. Nyini sanɔa ni, i ti kɔnɔgɛ wɔ.

Kabo Yesu maari bu nɔanie maawa fɔfɔre ni

³¹ Yudasi fite kɔ wieeri ni, na Yesu ase ka, “Kisa ye Nyeme wúra mini Adamande Wa n kpiri a, na m dɛɛ ti ye mine wúra m Si Nyeme kpiri a. ³² Na nzen bu wurari Nyeme kpiri m dɛɛ ti, Nyeme gusu wúra m kpiri, na Nyeme má i yo kisa bere.” ³³ Na

wɔ se bu ka, “M nbaam, m cé má am nu fen. Am bá nienie m busu fie wɔ, na kabo m yo seeri Yudafoɔm ni, so ye m suse am kisa, ka am koro kɔ má deke bo m sukɔ ni. ³⁴ Nɔanie maawa fɔfɔre ye m sufa ma am n a, yiri la ka, am koro am benɔum. Kabo ma koro am ni, am koro am benɔu sɔ. ³⁵ Nzen am koro am benɔu, nyini ye sɔnɔ kere si ka am ti m susufɔm a.”

Kabo Yesu seeri ka Petoro kéte kpe nsan ka i si má i ni

³⁶ Na Simon Petoro abisa i ka, “Ya Mibie, a kó ni wɔ?” Na Yesu abo i nu ka, “Deke bo m sukɔ ni, a koro su má m su kisa, ama, sanɔa suba bo a bá su m su.” ³⁷ Na Petoro akaaki abisa i ka, “Ya Mibie, nzu ti ye m koro su má u su kisa? Nzen i yo yiwee mmɔɔ a, m wú u deɛ ti.” ³⁸ Na Yesu abisa i ka, “A koro wu m deɛ ti? Nahore ye m suse u a, kana akɔnyuma bá bo, a kéte kpe nsan su ka a si má m.”

14

Kabo Yesu na yiri ti atin n bo sɔnɔ koro fa i sukɔ Nyeme do ni

¹ Na Yesu ase i susufɔm n ka, “Má am ma am ahore saaki. Am yo Nyeme yarada, na am yo m gusu yarada. ² M Si Nyeme dika n nu, sɔɔm sunnu do, nzen má i ti má sɔ, má m se má am. M kó na m kɔ sese woobiri su se am. ³ Na nzen m kɔ sese woobiri n su seeri am, m káaki ba fa am kɔ deke bo m kó wo ni, na deke bo m wó ni, am gusu wó do. ⁴ Na deke bo m sukɔ ni, am si atin ni.” ⁵ Na Tomasi ase i ka, “Ya Mibie, ya si má deke bo a sukɔ ni, ye ya yo se si atin n a?” ⁶ Na Yesu ase i ka, “Mini ti atin n a, ni nahore, ni ngɔɔ n a. Mini ngumi ti atin n bo sɔnɔ koro fa i na i kɔ m Si Nyeme do a. ⁷ Nzen má am siiri m, má am si m Si mmɔɔ, ama, fa nyuma fa kɔ, am asi i, na am anu i.”

⁸ Na Filipu ase i ka, “Ya Mibie, kere ya u Si ni, deke bo ya koro i kere lee.” ⁹ Na Yesu abisa i ka, “Filipu, bo m ni amberɛ awo bere ace sɔ n na a si má m? Sɔnɔ kere bo wɔ nu mini anu m Si lee, ye nzu ti ye am na m kere am m Si n a? ¹⁰ A yo má yarada ka m ni m Si n ti deke kun wɔ, nzen se? Jɔre n bo ma jɔjɔ ama am ni, má m tienɔu jɔjɔwa, ama, m Si bo m ni yiri ti kun ni, yo i juma. ¹¹ Bo m na, m ni m Si n ti deke kun ni, am yo m yarada. Nzen má nyini, am yo m yarada sam bo m yo bu n deɛ ti. ¹² Nahore ye m suse am n a. Sɔnɔ kere bo i yo m yarada, yiri mmɔɔ yó ahin sam bo m yo bu ni, na i yó bo bu tara ahin mmɔɔ, dama m sukɔ m Si do. ¹³ Na deke kere bo am fa m duma fa sereeri i, m yó i ma am, adena mini Baa ni má minem wura m Si kpiri. ¹⁴ Na nzen am ba faari m duma fa sereeri m deke be, m yó i ma am.”

Kabo Yesu jɔjɔ fa kɔri Awiewie Casi n su ni

¹⁵ Na Yesu ase bu ka, “Nzen am koro m, am dé m nɔanie maawam ni. ¹⁶ M sére m Si Nyeme, na i má am Bukafɔ fɔfɔre bo i bá wo am do sanɔa kere. ¹⁷ Yiri la Awiewie Casi n bo i se nahore ni. Durunya n nufɔm koro de má i, dama bu nu má i, na bekun bu kaaki si má i, ama, amberɛ si i, dama i wo am do, na i bá wo am nu. ¹⁸ M kɔri, m yaki má am na am ka ayikam, m káaki ba am do. ¹⁹ Wɔ ka kaan na durunya n nufɔm nu má m kun, ama, amberɛ nú m. M la ngɔɔ n deɛ ti, am gusu nyá ngɔɔ. ²⁰ Nyini cɛen n ye am sí ka mini ni m Si n ti deke kun a, na mini ni amberɛ gusu ti deke kun wɔ. ²¹ Sɔnɔ kere bo i de m nɔanie maawam, na i su i su, i mi ti bo i koro m a, na bo i koro m ni, m Si gusu koro yiri wɔ, na mini mmɔɔ koro i mi, na m yí m nu kere i.”

²² Na Yudasi, má Yudasi Isikariyoti ni, ase ka, “Ya Mibie, nzu ti ye a yí u nu kere yere a, ye a yí má u nu kere má durunya n nufɔm a?” ²³ Na Yesu ase i ka, “Sɔnɔ kere bo i koro m, i dé m nɔanie ni, na m Si mmɔɔ koro i mi, na ya bá, na ya bá wo i do. ²⁴ Sɔnɔ kere bo i koro má m, i dé má m nɔanie ni. Nɔanie n bo ma jɔjɔ i ni, i ti má m deɛ nɔanie, i ti m Si n bo i sunmaari m deɛ wɔ.”

²⁵ M toko wo am dɔ, ye m suse am ahin kere a, ²⁶ ama, m Si Nyeme súnma Bukafɔ ni, m duma n nu, yiri la Awiewie Casi ni, yiri kere am deke kere a, na i káaki tenje am su fa kɔ deke kere bo ma kere am ni.”

²⁷ Na wɔ se bu ka, “Ahoreda n ye m sufa ma am n a. M dɛɛ ahoreda n ye m sufa ma am a. Má kabo durunya n nufɔm ma am ahoreda ye m suma am n a. Má am ma am ahore saaki, má am soro sere. ²⁸ Am ati ka ma se ka, ‘M kó na m káaki ba am dɔ bekun.’ Nzen má am koro m, má am ahore jɔ ka m sukɔ m Si n dɔ, dama m Si tara m. ²⁹ Sa bo wɔ nya yo má lɛɛ, ye ma se am n a, adena i bá yoori, na am yo m yarada. ³⁰ M jójɔ má am dɔ jɔre beberebe kun, dama Sitana bo i ti durunya n nufɔm tii ni suba. Ama, i koro yo má m pui. ³¹ M koro ka durunya n nufɔm si ka, m koro m Si ni, nyini dɛɛ ti ye m yo deke kere bo i se m ka m yo i n a.”

Na wɔ se bu ka, “Am yasu na ya kɔ.”

15

Kabo Yesu na yiri ti baka n ni i tii nahɔre su n a

¹ Na Yesu ase bu ka, “Mini ti baka n bo i su suuwa nahɔre su a, ye m Si Nyeme ti nyini baka n fie niefɔ. ² Asambaa kere bo i wo m su na i su má, m Si kpie i ji wɔ, na asambaa kere bo i wo m su na i su, i kpiekpie i nyawa n yo i dɔngɔ wɔ, na i su nyunyumi. ³ Jɔre n bo m jójɔ maari am ni, yiri adu mɔ ayo am casi a. ⁴ Am wo ni mini na m gusu wo ni amɛɛ. Kabo baka asambaa be wo má bere bo i koro su i ngumi, má ka i wo baka n su. Sɔ ye am gusu koro su má, má ka am wo m dɔ.

⁵ Mini ti baka n a, ye amɛɛre ti asambaam ni, sɔnɔ kere bo i wo m dɔ, na mini mmɔ wo i dɔ, i mi su suuwa nyunyumi wɔ, dama am koro yo má pui, má ka am awo m dɔ. ⁶ Sɔnɔ kere bo i wo má m dɔ, bu kpie i ji wɔ, kabo bu kpie baka asambaa na i wu n wɔ, na bu tien bu nɔɔ wura sin nu na bu je ni. ⁷ Nzen am wo m dɔ, na m nɔanie n wo am ahore su, deke kere bo am koroori i, na am sereeri Nyeme, am nyá i. ⁸ Nzen am su suuwa nyunyumi, nyini kere ka am ti m susufɔm a, na i wura m Si kpiri. ⁹ Kabo m Si koro m ni, sɔ ye mini mmɔ koro am a, am wo ni m koro ni. ¹⁰ Ma de m Si nɔanie maawam n dɛɛ ti ye i koro m a. Nzen am gusu de m nɔanie maawam ni, m gusu kóro am sɔ ɔ. ¹¹ Ma se am ahin sam na am ahore jɔ kabo m ahore ajɔ n wɔ, na am ahore jɔ n kɔ sin su. ¹² M nɔanie maawa n la ka o, am koro am bengɔ kabo m koro am ni. ¹³ Koro be wo má ahin koro n sin, ka sɔnɔ wu i danfom ti. ¹⁴ Nzen am su m nɔanie maawa n su, am ti m danfom wɔ lɛɛ. ¹⁵ M fere am m danfom wɔ, m fere má am ka m akɔɔm kun, dama sɔnɔ akɔɔ si má i mibie sayoowa kere, ama, deke kere bo ma ti i m Si dɔ ni, ma fa akere am. ¹⁶ Má amɛɛre yiiri m a, ama, mini ayi am ase ka am kɔ su suuwa bo i wó bere sanja kere, na deke kere bo am bá fa m duma n sereeri m Si, i yó i ma am. ¹⁷ Nɔanie maawam n bo m sufa ma am la ka, am koro am bengum.”

Kabo Yesu na durunya n nufɔm kpɔ i susufɔm ni

¹⁸ Na Yesu asa su ase bu ka, “Nzen durunya n nufɔm kpɔ am, am si nu ka o, ba du mɔ akpɔ mini wɔ, ye bu nya ba sukpɔ am n a. ¹⁹ Nzen má am ti durunya n nufɔm dɛɛ minem, má bu koro am kabo bu koro bu bengɔ n wɔ. Ama, bo ma yi am afite durunya n nufɔm nu, na am ti má durunya n nufɔm dɛɛ minem n ti, ye bu kpɔ am n a. ²⁰ Má am ma am wara fi ka ma se am ka, akɔɔ tara má i mibie. Nzen bu yo kereeri m wuwuruwa, sɔ ye bu kere am gusu wuwuruwa a. Na nzen bu yo deer m nɔanie, bu dé am gusu dɛɛ ni. ²¹ Bu yó am nyini n kere, m dɛɛ ti, dama bu si má m Si bo i sunmaari m ni. ²² Nzen má ma ba akan má m nju jɔre akere má bu, má bu si má ka ba yo satie, ama, kisa na ma kan akere bu ni, bu koro kan fite má nu ka ba yo má satie. ²³ Sɔnɔ kere bo i kpɔ m, i kpɔ mini ni m Si n kere wɔ lɛɛ. ²⁴ Ma yo alekutura

sam bo ba ɲu i. Be wo má bɛrɛ bo i koro yo nyini alekutura sam sɔ. Nzen má ma yo má nyini alekutura sam na ba ɲu má i, má be fa má bu ɲgasi ka bu ti satieyofom. Ama, kisa, ba ɲu nyini n kɛrɛ, na bu toko kpɔ m ni m Si ni. ²⁵ Nyini ma kabo ba kɛrɛ i Nyemɛ Jɔrɛ Kadasi n nu n ayo yiiwa n a, ka, ‘Bu kpɔ m kpɔ ɲgbɛɛn wɔ.’

²⁶ Na Bukafɔ n bo m súnma i fite m Si dɔ na i bá am dɔ ni, yiri ti Awiewie Casi n bo i kere kabo Nyemɛ ti nahɔrɛ su n a, yiri dí m ɲusu daani kere am a. ²⁷ Na am gusu di m daani, dama m ni ambere wo bɛrɛ a, fite m juma n bumboori ba ju ni kisa.

16

¹ M suse am ahin sam kɛrɛ bo bu bá yo n wɔ, na bu ba yoori, na má am kaaki am sin bo m. ² Bu bá fɔn yi am fite bu tientienbunɔɔ sɔɔm n nu, ama, saɲga suba bo bu bá kun am, na bu súnsum ka bu susu Nyemɛ wɔ. ³ Bu si má m ni m Si n dɛɛ ti, ye bu yó nyini sam kɛrɛ n a. ⁴ Ma se am sam bo bu bá yo lɛɛ, na i saɲga ba juuri, na am tɛɲge su ka m yo seeri am.”

Kabo Awiewie Casi n juma ti barasu ni

Na Yesu asa su ase bu ka, “M ni ambere yo woori bumboori n dɛɛ ti, ye ma yo ase má am ahin kɛrɛ a. ⁵ Ama, kisa m sukaaki kɔ yiri bo i sunmaari m n dɔ ɔ, ye am be akoro abisa má m ka, ‘Ye a sukɔ ni wɔ?’ ⁶ Bo ma se ka m kó yaki am dɛɛ ti, am ahore asaaki agaya. ⁷ Ama, nahɔrɛ ye m suse am n a, i ti am buka su wɔ ka m kɔ, dama nzen má m kɔ má, má Bukafɔ ni bá má, ama, nzen m kɔɔri, m súnma i am dɔ. ⁸ I baari, i kéré durunya n nufom deke bo i ti satie, na i kéré bu deke bo i ti sakpa na i kɔ atin su Nyemɛ dɔ, na i káaki kere bu kabo Nyemɛ bá di sɔnɔ kɛrɛ jɔrɛ barasu. ⁹ I kéré bu deke bo i ti satie, dama bu yo má m yarada. ¹⁰ Na i kéré bu deke bo i ti kpa na i kɔ atin su Nyemɛ dɔ, dama m sukɔ m Si n dɔ ɔ, na am ɲú má m kun. ¹¹ Na i káaki kere bu kabo Nyemɛ bá di sɔnɔ kɛrɛ jɔrɛ, dama Nyemɛ adi Sitana bo i ti durunya n nufom kɛrɛ tii n jɔrɛ ayo i ɲgbɛɛn.

¹² M toko la jɔrɛ dɔɲgu bo má m se am, ama, am koro de má i kɛrɛ kisa. ¹³ Ama, Awiewie Casi n bo i se nahɔrɛ n ba baari, yiri kéré am nahɔrɛ atin kɛrɛ a, dama jɔrɛ kɛrɛ bo i kán kere am ni, má i dɛɛ yiko nu ye i fá kan, ama, kabo Nyemɛ kéré i ni, so ye i kán, na i kéré am sam bo bu bá yo ni. ¹⁴ Yiri wúra m kpiri a, dama i kán m ɲu jɔrɛ kere am. ¹⁵ Deke kɛrɛ bo i ti m Si dɛɛ, i ti m dɛɛ wɔ, nyini dɛɛ ti ye ma se am ka, i kán m ɲu jɔrɛ kere am n a.”

Kabo Yesu kaanri ahoresaaki ni ahorejo jɔrɛ ni

¹⁶ Na Yesu ase bu ka, “Wɔ ka kaan na am ɲú má m, ama, i ba yoori kaan buka su na am ɲú m bekun.” ¹⁷ Na i susufom n nbem abisa bu ɲuɲu nu ka, “Nzu jɔrɛ ye i jɔjɔri i sɔ n a? I ɲa, wɔ ka kaan na ya ɲú má i, ama, i ba yoori kaan buka su, ya ɲú i bekun. Ye wɔ kaaki ase bekun ka, i sukɔ i Si dɔ ɔ.”

¹⁸ Na ba kaaki abisa bu ɲuɲu nu ka, “Ye ahin dɛɛ, i ba yoori kaan n bu la ka se wo lɛɛ? Ya si má i jɔjɔwa n bu.”

¹⁹ Na Yesu afa nu ka bu koro ka bu bisa i nyini jɔjɔwa n bu wɔ. Na wɔ bisa bu ka, “Bo m seeri ka wɔ ka kaan na am ɲú má m, ama, i ba yoori kaan buka su, am ɲú m bekun n ye am subisa am ɲuɲu nu, na am si i bu, nzen se? ²⁰ Nahɔrɛ ye m suse am a, ambere bá sun na am kóko, ama, na durunya n nufom bere ahore jó. Ambere ahore bá saaki, ama, am ahoresaaki ni bá kaaki ahorejo. ²¹ Nzen bara anya akutu ka i wu baa, i la ahoresaaki, dama i wahara saɲga ye wɔ ju a, ama, i ba wuuri baa n wieeri, i tɛɲge má i wahara n bo wɔ sin n su kun, dama baa n bo wɔ wu i durunya n nu n ti, i ahore ajo. ²² I ti sɔ ɔ, am gusu dɔ, kisa, am la ahoresaaki, ama, m bá ɲu am bekun, na am ahore jó bo sɔnɔ koro dé má am ahorejo n am dɔ. ²³ Nyini cɛɛn ni, am bísá má deke be busu m dɔ. Nahɔrɛ ye m suse am a, deke kɛrɛ bo am sereeri m Si

ni, m duma n nu, i yó i ma am. ²⁴ Am nya sere má m Si deke be m duma n nu haari ni nyuma. Kisa am sere i, na am nyá i, na am ahore jó kó sin su.”

Kabo Yesu akunma durunya n ni

²⁵ Na Yesu ase bu ka, “Ma se am ahin n kere anyunderε nu wɔ lεε, sanɔa suba bo m bó má am anyunderε kun, ama, m kán m Si ηu jɔre kere kpain kere am a. ²⁶ Nyini cεen ni, am fá m duma n fa sere Nyemε, má mini sere Nyemε ma am a. ²⁷ Yiri m Si ni i tii koro am a, dama am koro m na am ayo yarada ka m fite i dɔ ɔ. ²⁸ M fiteeri m Si dɔ ɔ baari durunya n nu a, ye kisa m sufite durunya n nu kaaki kɔ i dɔ a.”

²⁹ Na Yesu susufɔm n ase i ka, “Kisa a jɔjɔ ya dɔ weinwein wɔ, a bo má ya anyunderε kun. ³⁰ Ama, kisa ya si ka a si deke kere, wɔ ti má ye ni ka be bisa u deke be, dama kana bu ba bisa u deke be, a si kabo bu koro ka bu bisa u ni, nyini ma ya si ka a fite Nyemε dɔ n a.”

³¹ Na wɔ bisa bu ka, “Am ayo yarada kisa? ³² Ama, sanɔa suba bo wɔ ju awie, bo am kere bá sandi yaki mini ηgumi, na sɔnɔ kere kó i dika, ama, m wo má m ηgumi, dama m Si Nyemε wo m dɔ. ³³ Ma se am ahin kere na am la ahoreda m dɔ. Am ηú kekereke durunya n nu, ama, am fa ahoresi, dama ma kunma durunya ni.”

17

Kabo Yesu sereeri Nyemε maari i susufɔm n ni

¹ Yesu seeri sɔ wieeri ni, na wɔ ye i tii su anie ηgoro na wɔ sere Nyemε. I ηa, “M Si, sanɔa n aju. Wura mini u Wa n kpiri, adena m gusu wura u kpiri. ² Dama a ma m yiko ka m nie minem kere su, na bo a fa bu ama m ni, m má bu ηgɔɔ bo i la má awieeri. ³ Wɔrɔ ηgumi ti Nyemε nahɔre su a. Na mine bo bu si u, na bu si mini Yesu Kristo n bo a sunmaari m ni, bere la ηgɔɔ bo i la má awieeri n a. ⁴ Ma wura u kpiri durunya n nu, dama ma yo juma n bo a ma m ka m yo i n awie. ⁵ M Si, sanɔa bo durunya nya bo má i bu ni, m yo woori u dɔ ɔ, ye a wura m kpiri a. Kisa, kaaki wura m kpiri u dɔ bekun.

⁶ Minem n bo a yiiri bu fiteeri durunya n nu fen, ma kere bu kabo a ti barasu. Bu tiiri u dεem wɔ, ye a faari bu maari m a, ye ba de u nɔanie n a. ⁷ Kisa bu si ka deke kere bo a fa ama m ni, fite u dɔ ɔ. ⁸ Dama nɔanie n kere bo a jɔjɔ fa maari m ni, m gusu ajɔjɔ ama bu, ye ba de i, ye ba si ka i ti nahɔre ka m fiteeri u dɔ ɔ, ye ba yo yarada ka wɔrɔ sunmaari m a. ⁹ M susere u ma bere wɔ, má bo bu wo durunya n nu ni, ama, minem bo a fa bu ama m ni, bere ye m sere u ma bu a, dama bu ti u dεε minem wɔ. ¹⁰ M minem kere ti u dεem wɔ, ye u dεem gusu kere ti m dεem, ye ba ma minem aju m jirima woowa ni. ¹¹ Kisa, m suba u dɔ lεε, m ká má durunya n nu fen kun, ama, bere ká fen wɔ. M Si, wɔrɔ bo a ti casi ni, yo bu kanda u duma n bo a fa maari m n yiko nu, na bu yo deke kun, kabo mini ni wɔrɔ ti kun ni. ¹² Sanɔa bo m woori bu dɔ ni, m yoori bu kanda u duma n bo afa ama m yiko nu wɔ. M nieeri bu su, na bu be aka má ηgbεen, má ka bo wɔ ka ηgbεen haari i ni kunnu ni, adena kabo ba kere i Nyemε Jɔre Kadasi n nu n yo yiwa.

¹³ Kisa m suba u dɔ lεε, ama, m toko wo durunya n nu ye m jɔjɔ ahin jɔjɔowa n na bu nya m dεε ahorejɔ n kɔ sin su. ¹⁴ Ma fa u nɔanie n afa ama bu, na kabo m ti má durunya n nu fen fɔ be ni, sɔ ye bu gusu ti má durunya n nu fen fɔm a, nyini dεε ti, durunya n nufɔm koro má bu jɔre. ¹⁵ M susere má u ka a yi bu fite durunya n nu wɔ, ama, m susere u ka a kanda Sitana satieyofɔ ni, na i yaki bu. ¹⁶ Kabo m ti má durunya n nu fen fɔ ni, sɔ ye bu gusu ti má durunya n nu fen fɔm a. ¹⁷ U nɔanie n ti nahɔre wɔ. Ma u nɔanie n bo i ti nahɔre n yo bu casi. ¹⁸ Kabo a sunmaari m durunya n nu ni, sɔ ye m gusu asunma bu a. ¹⁹ Bere dεε ti, ye ma fa m ηu ama u a, adena bere gusu fa bu ηu ma u nahɔre n dεε ti.

²⁰ M susere má u ma má bere ngumi wɔ, ama, m susere u ma minem bo bu bá yo m yarada ahinm dɛɛ nɔanie kaanwa n ti wɔ. ²¹ M Si, m sere u ka a ma bu kere yo kun, kabo a wo m dɔ, na m gusu wo u dɔ ni, ma bere gusu wo ya dɔ, adena durunya n nufɔm yo yarada ka wɔrɔ sunmaari m a. ²² U jirima woowa n bo a maari m ni, ma fa ama bu, na bu yó kun kabo m ni wɔrɔ ti kun ni. ²³ M wo bu dɔ, na u gusu wo m dɔ, nyini ma bu yo deke kun kabo a koro ka bu ti n a, na durunya n nufɔm si ka wɔrɔ sunmaari m a, na kabo a koro m ni, a koro u minem gusu sɔ ɔ.

²⁴ M Si, m koro ka a ma minem bo a fa bu ama m n bá wo m dɔ, deke bo m wo ni, na bu nɔ́ m jirima woowa n bo a fa maari m ni, dama sanɔa bo a nya ayi má durunya n ye a koro m a. ²⁵ M Si, wɔrɔ yo sa kere bo i kɔ atin su n a, durunya n nufɔm si má u, ama, mini si u, na ahinm gusu si ka wɔrɔ sunmaari m a. ²⁶ Ma kere bu kabo a ti barasu, na m toko sukere bu wɔ, adena koro n bo a koro m n wó bu nu, na m ni bere yó kun.”

18

Kabo bu kɔɔri ka bu kɔ tara Yesu ni

¹ Yesu sereeri Nyeme wieeri ni, na i ni i susufɔm n ayasu akɔ akpie Kedɔrɔn nzuetin n buekun dɔ, deke bo baka fie be wo ni, na ba kɔ awura baka fie n nu. ² Yudasi bo i sutɔ Yesu ma i kpɔfɔm ni si dika n nu, dama Yesu ni i susufɔm nati tien bu nɔɔ dɔ ɔ sanɔa sanɔa. ³ Na Yudasi aba dɔ. Sojam su i su, ni tintinijinafɔm bo Nyeme sayoowa dɔnguyofɔm nkpienkpienm n ni Farasifɔm asunma bu n buka su. Bu bita fitanam, ni wura sinm, ni biɛsɔya nengem. ⁴ Yesu si sa kere bo i bá tu i ni, na wɔ kpa bu atin abisa bu ka, “Am koro nma a?” ⁵ Na ba bɔ i nu ase i ka, “Ya koro Yesu Nazaretifo n wɔ.” Na wɔ se bu ka, “Yiri la mini.” Yudasi bo i tɔɔri i ni jina sojam n nu. ⁶ Yesu seeri ka, “Yiri la mini” ni, na bu kere akɔkɔ bu sin akpakpaasi asiɛngu. ⁷ Na wɔ kaaki abisa bu bekun ka, “Am koro nma a?” Na ba se i ka, “Ya koro Yesu Nazaretifo n wɔ.” ⁸ Na wɔ se bu ka, “Ma se am ka yiri la mini. Nzen am koro mini wɔ, am ma ahin minem bere kɔ.” ⁹ I seeri sɔ ni, na i nɔanie bo i yo jɔjɔri i n ayo yiiwa, ka, “Minem bo a fa bu ama m ni, m ma má bu be ka má ngbɛɛn.” ¹⁰ Nyini sanɔa Simon Petoro jina bita takobe, na wɔ cin awɔrɔ i akpie sɔnɔ be sui, i saa fɔmbɔrɔ dɛɛ ni, nyini sɔnɔ n ti Nyeme sayoowa dɔnguyofɔm kpien n akɔɔ ɔ. Bu fere i ka Malikusi. ¹¹ Na Yesu ase Petoro ka, “Fa u takobe n wura i buɛ nu. A nja má m nju anyumboro n bo m Si afa ama m n wɔ?”

Kabo bu taraari Yesu kɔɔri bu kpien Anasi dɔ ni

¹² Na sojam, ni bu kpien, ni Yudaɔm nkpienkpienm n tintinijinafɔm n atara Yesu acici i nyama. ¹³ Bu du mɔ faari i kɔɔri sɔnɔ be bo bu fere i ka Anasi n dɔ ɔ ka. Anasi sibie la Kayafasi. Kayafasi ti Nyeme sayoowa dɔnguyofɔm kpien n nyini afo n a. ¹⁴ Yiri Kayafasi ti bo i yo seeri Yudaɔm ka i ti ye ni ka sɔnɔ kun wu ma minem kere n a.

Kabo Petoro keteeri ka i si má Yesu ni

¹⁵ Bu taraari Yesu sukɔ ni, na Simon Petoro ni Yesu susufɔ n kun asu i su akɔ. Nyeme sayoowa dɔnguyofɔm kpien n si nyini Yesu susufɔ n dɛɛ ti, ye i suuri Yesu su wuraari yiri Nyeme sayoowa dɔnguyofɔm kpien n gisan nu a. ¹⁶ Ama, na Petoro yiri aka ajina dasin anɔ n nu, na yiri susufɔ n bo Nyeme sayoowa dɔnguyofɔm kpien n si i ni afite, na wɔ ba afani n bo i jina kanda anɔ n dɔ, na wɔ sere i atin na wɔ fa Petoro awura. ¹⁷ Na afani n bo i jina kanda anɔ n abisa Petoro ka, “Wɔrɔ mmɔɔ ti nyini sɔnɔ n susufɔm nu kun wɔ, má sɔ?” Na Petoro ase i ka, “Ai, m ti má bu kun.”

¹⁸ Ayere sanɔa lee, na Nyeme sayoowa dɔnguyofɔm kpien ni ngbefenem, ni tintinijinafɔm atɔrɔ sin wo tun su, na Petoro gusu ajina bu bi sutun sin n be.

Kabo Nyeme sayoowa danguyofom n kpien n diiri Yesu jore ni

¹⁹ Na Nyeme sayoowa danguyofom n kpien n abisa Yesu fa ko i susufom n jore, ni kabo i kereewa n ti barasu ni. ²⁰ Na Yesu ase i ka, "Sanja kere m jajo sono kere nyunu wo, na m kere bu Nyeme noanie ni bu tientienbunoo soom n nu, ni Nyeme Sereebiri Awuru n nu, deke bo Yudafom kere tien bu noo ni, m kan ma jore be fiɛɛwa nu. ²¹ Ye nzu ti ye a bisa m a? Bisa minem bo bu tiiri m kereewa n ka m seeri bu se wo. Bere si kabo m seeri bu n a." ²² Yesu seeri so ni, na tintinijinafo n bo i jina dodo i n abo i nyoonu, na wo bisa Yesu ka, "So ye a bo Nyeme sayoowa danguyofom kpien n nu a?" ²³ Na Yesu ase i ka, "Nzen ma jajo jore bo wo ko ma atin su, kan na m ti. Ye nzen bo ma se n ti nahore, nzu ti ye a bo m nyoonu a?" ²⁴ Na Anasi ama ba fa i ni nyama ciciwa n so ako Kayafasi bo i ti Nyeme sayoowa danguyofom n kpien n do.

Kabo Peto keteeri bekun ka i si ma Yesu ni

²⁵ Simon Peto jina woori sin n tun su ni, na ba bisa i ka, "Woro mmoo ti i susufom kun wo, ma so?" Na Peto akete, i na, "Ai, m ti ma bu kun." ²⁶ Na Nyeme sayoowa danguyofom kpien n akoo be, i dikafola sono n bo Peto kpie yiiri i sui ni, na wo se Peto ka, "Ma nu ma u ka a wo i bi baka fie n nu do?" ²⁷ Na Peto akete bekun, kpenja akonyuma abo.

Kabo bu faari Yesu baari Gomina Pilato do ni

²⁸ Na alecin ngarama fun na ba fa Yesu afite Kayafasi dika n nu, na ba fa i ako gomina n dika, bu fere gomina n ka Pilato. Yudafom awura ma gisan nu, adena ma bu yo bu nu fin, na bu koro di ma Butara cɛenkpiri ni. ²⁹ Nyini ti, na Pilato afite aba bu do dasin abisa bu ka, "Ahin sono n bo am afa i aba m do ni, i ngasi la bono?" ³⁰ Na ba se i ka, "Nzen ma wo do ma ngasi be, ma ya fa ma i ba ma u do." ³¹ Na Pilato ase bu ka, "Amberɛ mmoo ni am tii fa i ko di i jore kabo am joredi atin kere ni." Na Yudafom n ase i ka, "Ya la ma atin bo ya kun sono." ³² Bu seeri so ni, adena Yesu noanie n bo i seeri kabo i ba wu barasu n yo yiwa.

³³ Na Pilato akaaki awura gisan n nu, na wo fere Yesu abisa i ka, "Woro ti Yudafom Feme n a?" ³⁴ Na Yesu abisa i ka, "U deɛ sunsunni nu leɛ, nzen be seeri u a?" ³⁵ Na Pilato abisa i ka, "M ti Yudafola o? U minem ni Nyeme sayoowa danguyofom nkpienkpienm ni faari u baari m do a. A do nzu ngasi wo?" ³⁶ Na Yesu ase i ka, "M femɛya n ti ma durunya n nu fen femɛya. Nzen ma m femɛya n ti durunya n nu fen femɛya, ma m susufom ba kun lue m busu, na ma be koro tara ma m wura ma Yudafom saa nu. Ama, m femɛya n ti ma durunya n nu fen deɛ." ³⁷ Na Pilato abisa i bekun ka, "Nka a ti femɛ wo leɛ?" Na Yesu ase i ka, "Bo a na m ti femɛ ni, i ti so o. Bu wuuri m durunya n nu ka m ba di nahore n daani wo. Na sono kere bo i su nahore n su, i de m noanie n wo." ³⁸ Na Pilato abisa i ka, "Nahore la nzu wo?"

Kabo bu maari noo ka bu kun Yesu ni

Pilato seeri i so, na wo kaaki afite ako Yudafom do ako ase bu ka, "Ma nu ma i ngasi be wo do i. ³⁹ Ama, am la am yoowa be bo i ma m atin ka m yi dansaraka kun ma am Butara cɛenkpiri n di sanja. Am koro ka m yi amberɛ Yudafom Feme ni ji ma am a, nzen se?" ⁴⁰ Na ba tien ase ka, "Ma yiri. Ya koro Barabasi wo." Barabasi ti sono bo i nati fin minem di wo.

19

¹ Na Pilato ama ba fa Yesu ako afin i ngbere. ² Na sojam n awura i tanlee kokore yorom ka femɛya deɛ su, na ba fa buwe ago i ka kaba deɛ su, na ba fa aforo i tii. ³ Na bu suba i do suyo i anzasi se i ka, "Yudafom Feme, ya yo u anse." Na ba bo i nyoonu. ⁴ Na Pilato akaaki afite aba Yudafom do aba ase bu ka, "Am ti fen, m sufa i fite ba kere

am wɔ, na am si ka ma ɲu má ɲgasi bo wɔ do i.” ⁵ Yesu tie fiteeri ni tanlee kokore yorom ni, ni i tii buwe kaba n ni, na Pilato ase bu ka, “Am nie, sonɔ n yaa.” ⁶ Deke bo i tie fiteeri na Nyeme sayoowa dɔnguyofɔm nkpienkpienm ni tintinijinafɔm ɲuuri i sɔ ni, kpenɔa na ba tien, bu ɲa, “Am kpama i baka jaanu n su na i wu. Am kpama i.” Na Pilato ase bu ka, “Amberɛ mmɔɔ ni am tii fa i kɔ kpama i e. Mini, ma ɲu má ɲgasi bo wɔ do i.” ⁷ Na ba se i ka, “Ya la noaniɛ kpamaawa be, wɔ yo daka ka i wu, dama i ɲa i ti Nyeme Wa a.”

⁸ Pilato tiiri ka Yesu ɲa i ti Nyeme wa ni, na sere ati i abuka su. ⁹ Na wɔ kaaki awura gisan n nu abisa Yesu ka, “A fite ni wɔ?” Ama, Yesu abɔ má i nu. ¹⁰ Na Pilato akaaki abisa i ka, “A bɔ má m nu? A si má ka m la yiko bo m koro ma bu fa u ji, na m kaaki la yiko bo m koro ma bu kpama u baka jaanu n su?” ¹¹ Na Yesu ase i ka, “Nzen má Nyeme ama má u atin, maala má yiko bo a koro yo m pui. Nyini ti, sonɔ n bo i faari m wuraari u saa nu ni, i satie yoowa tara u dee.” ¹² I seeri sɔ ni, na Pilato akpi kabo i yo na i yaki Yesu nu ji. Ama, na Yudaɔm sutientien suse ka, “Nzen a yakiiri i nu jiiri, u ni Feme Siza danfoya awie lee, dama sonɔ kere bo i yo i ɲu ka i ti feme, i mi ti Feme Siza kpofɔ ɔ.”

¹³ Pilato tiiri sɔ ni, na wɔ fa Yesu afite, na wɔ tana jɔre diibiri n su bimbindi n su. Yudaɔm anie nu bu fere i ka *Gabata*, i bu la ka, deke bo ba fa yabue asese su ayo i dɔngu ni. ¹⁴ Nyini cɛen n tiiri bu Butara cɛenkpiri n kpokpo cɛen wɔ, wiesu kerefi buru ni nnyɔ sanɔa a. Na Pilato ase Yudaɔm ka, “Am feme n yaa.” ¹⁵ Na ba kaaki atien ase ka, “Am fa i kɔ, am fa i kɔ kpama i baka jaanu n su.” Na Pilato abisa bu ka, “M fá am feme n kɔ kpama i baka jaanu n su?” Na Nyeme sayoowa dɔnguyofɔm nkpienkpienm n ase ka, “Ya la má feme be sin Feme Siza ɲu.” ¹⁶ Bu seeri sɔ wieeri ni, na Pilato anya afa i ama bu ka bu kɔ kpama i baka jaanu n su.

Kabo bu kpamaari Yesu baka jaanu n su ni

Na ba de Yesu akɔ. ¹⁷ Na yiri ni i tii asɔ i baka jaanu n akɔ awɔre n bo bu fere i ka Tereawa Woobiri ni, Yudaɔm anie nu bu fere dɔ ka *Gologota*. ¹⁸ Na ba kpama i baka jaanu n su dɔ, na ba kaaki akpama mine nnyɔ nbem adodo i, bu kpamaari kun i saa fɔmbɔrɔ su, na ba kpama kun i saa bie su, na Yesu awo bu afien. ¹⁹ Na Pilato akere kerɛɛwa be amata i tii su baka jaanu n su. Kerɛɛwa n la ka, “Yesu Nazaretifo n bo i ti Yudaɔm Feme n lee.” ²⁰ Bu kerɛeri nyini kerɛɛwa n Yudaɔm, ni Romafɔm, ni Girikifɔm dee aniem kere nu wɔ, na Yudaɔm dɔngu aɲu i, na ba kan i, dama deke bo bu kpamaari i n waari má ni mie kunnu. ²¹ Na Nyeme sayoowa dɔnguyofɔm nkpienkpienm n akete ase Pilato ka, “Má a kere ka, ‘Yudaɔm Feme n lee,’ ama, kere ka, ‘Ahin sonɔ ɲa, ‘Mini ti Yudaɔm Feme n a.’ ” ²² Na Pilato ase bu ka, “Bo ma kere i ni, nyini lee wɔ.”

²³ Sojam n kpamaari i baka jaanu n su wieeri ni, na ba kpaaki i nenɔge wuraawam nu busu nna, na bu kere afa kun kun, na wɔ ka i tanlee yorom bo i wo i bu na i wura be gɔ su ni, i la má gise kpaabiri, ama, ba wu i kere aɲgoro kɔ jura asiɲngu wɔ. ²⁴ Na ba se ka, “Má am ma ya sonson i nu, ama, am ma ya tu mbaa na ya si bo i dí i.” Bu yoori sɔ adena Nyeme Jɔre Kadasi n yo yiiwa, bo ba kere i ka, “Ba kpaaki m nenɔge wuraawam nu,

na ba tu mbaa m tanlee n bo i wo m bu n busu ni.”
Nyini ti ye sojam yoori sɔ n a.

²⁵ Na Yesu ni, ni Yesu ni niemabara, ni Kolopasi yi Mariya, fa kɔ tuuri Mariya n bo i fite Magadala n jina dodo deke bo bu kpamaari Yesu ni. ²⁶ Yesu nie ɲuuri i ni ni, ni i susufɔ n bo i koro i agaya n ka bu jina dodo i ni, na wɔ se i ni n ka, “M ni, nie fen, u wa la ahin.” ²⁷ Na wɔ se i susufɔ n gusu ka, “Nie fen, u gusu ni lee.” Nyini cɛen n kere na Yesu susufɔ n afa Yesu ni, na wɔ kɔ awo i dɔ.

Kabo Yesu wuuri ni

²⁸ Nyini sin na Yesu asi nu ka wɔ yo i juma kere awie, na wɔ se ka, “Nzuehɔe ti m wɔ.” I seeri sɔ ni, adena Nyeme nɔanie n yo yiiwa. ²⁹ Nyini sanɔa dundu be taka bere, wɔ yi ni nzan gagaraki, na ba fa mene afa awɔ baka su afa abo nu alaandi ato i nɔɔ. ³⁰ Yesu de nu wieeri ni, na wɔ se ka, “Wɔ wie.” Na wɔ biri i tii, na wɔ yo Nyeme deɛ.

Kabo bu wɔɔri Yesu kpie i nvin nu ni

³¹ Nyini cɛen n ti Njumiyi cɛen n kpokpo cɛen n ti, ba koro má ka minem bo ba kpama bu baka jaanu n su n ka sense su bu Njumiyi cɛen ni, dama Njumiyi cɛen n bo i suba n ti cɛenkpiri bambaka bu dɔ ɔ. Nyini deɛ ti, ye bu sereeri Pilato ka i ma bu kɔ bubu bo ba kpama bu baka jaanu n su jaam n a, na bu yi bu kɔ se bu. ³² Nyini ti, na sojam n ako abo abubu sɔnɔ n kun jaam, ni nyinga n gusu deɛ, bere n bo bu kpamaari bu dodoori Yesu ni. ³³ Ama, sanɔa bo bu ba kpuraari Yesu ni, bu njuuri ka yiri awu, nyini deɛ ti, ba bubu má i jaam. ³⁴ Ama, na sojam kun afa kpie awɔ Yesu nvin nu, kpenɔa na nzue ni mbunja susonɔgi fite. ³⁵ Sɔnɔ n bo i nyumbaa njuuri i ni, yiri di i daani a, adena am yo yarada. I jɔre n ti nahɔre wɔ, na kabo i di daani n gusu ti nahɔre wɔ. ³⁶ Ahin n kere yoori, adena kabo ba kere i Nyeme Jɔre Kadasi n nu n yo yiiwa. Ba kere ka, “I buwe kun n kpein mmɔɔ bu má.” ³⁷ Ye ba kaaki akere ka, “Minem bá nie yiri n bo ba wɔ i kpie n wɔ.”

Kabo bu seeri Yesu ni

³⁸ Nyini deɛ sin, na sɔnɔ be bo bu fere i ka Yosefu n asere Pilato atin na i yi Yesu nɔnie n kɔ se i. Na Pilato ama i atin, na wɔ kɔ ayi i nɔnie n baka jaanu n su ako. Yiri Yosefu fite mie kpiri n bo bu fere i ka Aramatiya n su wɔ, i yo tiiri Yesu susufɔm kun wɔ, ama, i soroori Yudafɔm ahore ti, wɔ yi má i nju fofoe nu. ³⁹ Na Nikodemo bo i yo baari Yesu dɔ kɔngue be n gusu aba, i bita njuin nvanvani ni tulaaleɛ sanɔaawa, i nɔnɔɔri ju pobu aburana. ⁴⁰ Na ba fa Yesu nɔnie ni, na ba yo i kabo Yudafɔm yo bu fuin na bu se i ni, bu faari tulaaleɛ n gɔɔri i nju wɔ, na ba nya afa nzee apɔɔndi i. ⁴¹ Deke bo bu kpamaari Yesu ni, baka fie be wo dɔ. Nyini baka fie n nu yabue buɛ bo ba lokoti i ayo i fanɔkunma wo dɔ, bo bu nya se má fuin nu ni. ⁴² Nyini cɛen n ti Njumiyi cɛen n kpokpo n deɛ ti, na bekun, fanɔkunma n waari má ni bere ni, ye bu faari i kɔ seeri nu n a.

20*Kabo Yesu tengeeri i yiwee n nu ni*

¹ Yudafɔm bakue n bumboori, mɔne cɛen ngarama fuun, nyini sanɔa dika toko ti liim, na Mariya n bo i fite Magadala n ako yabue buɛ fanɔkunma n su. I kɔ juuri ni, i njuuri ka ba yi yabue bambaka n bo bu fa tɔɔri fanɔkunma n anɔ ni. ² Na wɔ nmati ako Simon Peto ni Yesu susufɔ n bo i koro i agaya n dɔ, na wɔ se bu ka, “Ba yi Mibie n fanɔkunma n nu, ya si má deke bo ba fa i ako ase.” ³ Na Peto ni i lamoko n ayasu ka bu kɔ fanɔkunma n su. ⁴ Bu mine nnyɔ ni sunmati kɔ a, ama, na kun n anmati asin Peto nju adu mɔ aju fanɔkunma n su. ⁵ Na wɔ kasi anie fanɔkunma n nu, anju ka nzee n da, ama, wɔ wura má fanɔkunma n nu. ⁶ Ama, na Simon Peto yiri aka sin aba aju, na wɔ wura fanɔkunma n nu, anju ka nzee n da, ⁷ na wɔ nju ka tani n bo bu fa ciinri Yesu tii ka kaba n gusu bubu nu da i ngumi. ⁸ Nyini sanɔa na yiri n bo i du mɔ juuri fanɔkunma n su n awura nu, i njuuri i ni, na wɔ yo yarada kabo Yesu yo seeri bu ni. ⁹ Ama, ba nya asi má Nyeme Jɔre Kadasi n bo i nja Yesu tenge i yiwee n nu n bu. ¹⁰ Na ba kaaki ako awuru.

Kabo Yesu yiiri i nju kereeri Mariya n bo i fite Magadala ni

¹¹ Ama, na Mariya aka ajina fanjgunma n su, na i susun. I wo sun su ni, na wɔ kasi anie fanjgunma n nu. ¹² Na wɔ ɲu merɛkem nnyɔ ka bu wura tanlɛɛ fofoe tana deke bo bu faari Yesu ɲunie n daari ni, kun tana deke bo bu faari i tii wɔɔri ni, na nyinga gusu tana deke bo bu faari i jaa wɔɔri ni. ¹³ Na ba bisa i ka, “Bara, nzu ti ye a sun a?” Na wɔ se bu ka, “Ba yi m Mibie n wɔ, ye m si má deke bo ba fa i ase.” ¹⁴ I seeri sɔ ni, na wɔ kaaki anie i sin. I ɲuuri ka Yesu jina, ama, wɔ si má ka Yesu lɛɛ. ¹⁵ Na Yesu abisa i ka, “Bara, nzu ti ye a sun a? A koro ɲma a?” Mariya ɲuuri i sɔ ni, i sunsun ka fie n niefɔ a. Na wɔ se i ka, “M jakpien, nzen wɔɔ ayi i akɔ ase deke be a, kere m na m kɔ fa i.” ¹⁶ Na Yesu afere i ka, “Mariya.” Na wɔ kaaki anie Yesu dɔ, na wɔ se i ka, “*Raboni.*” Yudafɔm dɛɛ anie n nu, i bu la ka, ya Kerefɔ. ¹⁷ Na Yesu ase i ka, “Má a fa u saa kan m, dama ma nya akɔ má m Si dɔ, ama, kɔ na a kɔ se m ninbaam n ka, ‘M sukɔ m Si bo i ti am Si ni, ni m Nyemɛ bo i ti ambere mmɔɔ Nyemɛ n dɔ.’ ” ¹⁸ Na Mariya n bo i fite Magadala n akɔ ase bu ka, “Ma ɲu Mibie ni.” Na wɔ se bu jɔɛ n kere bo Yesu akan akere i ni.

Kabo Yesu yiiri i ɲu kereeri i susufɔm ni

¹⁹ Na bakue n bumboori, mɔne cɛen n naaso sanga, na Yesu susufɔm woori sɔɔ be nu, na ba tu anɔ n ago bu ɲu, dama bu soroori Yudafɔ nkpienkpienm wɔ. Na Yesu aba ajina bu afien ase bu ka, “Am ma am ahore da.” ²⁰ I seeri sɔ wieeri ni, na wɔ fa i saam deke bo bu boori i bulaari ni, ni i nvin deke bo bu wɔɔri i kpie n akere bu. I susufɔm ɲuuri i sɔ ni, na bu ahore ajo. ²¹ Na wɔ kaaki ase bu ka, “Am ma am ahore da, kabo m Si sunmaari m ni, sɔ ye mini gusu susunma am a.” ²² I seeri sɔ wieeri ni, na wɔ yi i ɲumi ago bu ɲu, na wɔ se bu ka, “Am de Nyemɛ Awiewie Casi ni. ²³ Sɔɔ kere bo am faari i satie ceeri i, Nyemɛ fá i satie ce i. Ama, sɔɔ kere bo am fa má i satie ce má i, Nyemɛ fá má i satie ce má i.”

Kabo Yesu yiiri i ɲu kereeri Tomasi ni

²⁴ Sanga bo Yesu yiiri i ɲu kereeri i susufɔm buru ni nnyɔm ni, bu nu kun awo má bu nu. Yiri la Tomasi bo bu fere i ka Ndaa ni. ²⁵ I ba baari ni, na ba se i ka, “Ya ɲu Mibie ni.” Na wɔ se bu ka, “Má ka ma ɲu i saa kunma n bo bu kpamaari i ni, na m fa m saa maraka wura nu, na m fa m saa wura i nvin nu deke bo bu wɔɔri i kpie ni, m yó má yarada fieo.”

²⁶ Na i lemɔcɛ cɛen, na ba wo sɔɔ n nu bekun. Nyini cɛen ni, Tomasi gusu woori bu nu, na ba yandi atu anɔ ni. Na Yesu aba ajina bu nu, na wɔ se bu ka, “Am ma am ahore da.” ²⁷ Na wɔ se Tomasi ka, “Fa u saa maraka ba wura m saa kunma n nu, na a fa u saa ba wura m nvin kunma n nu. Na a yaki sika na a yo yarada.” ²⁸ Na Tomasi ase i ka, “Wɔɔ ti m Mibie, ni m Nyemɛ a.” ²⁹ Na Yesu ase i ka, “Bo a ɲu m ti ye a yo yarada? Terefie wo bu dɔ, bo bu nya ɲu má m na bu yo yarada ni.”

Deke bo i ti na bu kerɛeri ahin kadasi n ni

³⁰ Yesu yo yoori alekutura sam beberebe na i susufɔm n aɲu i, ama, ba kere má i kere awura má ahin kadasi n nu. ³¹ Ama, ba kere ahinm ni, adena am yo yarada ka Yesu Nyemɛ Wa ni ti Kristo n a, Tiidefɔ n bo Nyemɛ ase ka i súnma i ni, na am yarada ni ma am nya ɲɔɔ i dɛɛ duma n nu.

21

Kabo Yesu yiiri i ɲu kereeri i susufɔm n bekun ni

¹ Nyini sin, na Yesu ayi i ɲu akere i susufɔm n bekun kunma kpiri n bo bu fere i ka Tiberiya n nɔɔ su. Kabo i faari i ɲu kereeri bu n la ka, ² i susufɔ nbem atien bu nɔɔ, bere la Simon Petoɔ, ni Tomasi n bo bu fere i ka Ndaa ni, ni Natanieli n bo i fite Kana bo i wo Galili asien n su ni, ni Zebedi nbaa nnyɔm ni, ni i susufɔ nnyɔ nbem.

³ Na Simon Petoro ase bu ka, “M sukɔ jombaa tara lɛɛ.” Na ba se i ka, “Yɛɛ mmɔɔ sɔ u su kɔ ɔ.” Na ba wura lee n nu ako, bu woori nzue n nu haari ale kɔ sucin, ba nya koro tara má pui.

⁴ Sangá bo ale ba ciinri wein ni, na Yesu aba ajina kunma n nɔɔ su, ama, i susufɔm n asi má ka yiri lɛɛ. ⁵ Na wɔ bisa bu ka, “M nbaam, am anya má jombaa, má sɔ?” Na ba se i ka, “Ai, ya nya má be.” ⁶ Na wɔ se bu ka, “Am sandi am diendie n lee n fombɔɔ su dɛɛ bue ni, am nyá be.” Bu sandiiri ni, na ba tara jombaa beberebe, haari ba koro ama má diendie n su. ⁷ Na Yesu susufɔ n bo i koro i agaya n ase Petoro ka, “Ya Mibie lɛɛ.” Deke bo Petoro tiiri ka, bu Mibie lɛɛ ni, nyini sangá i jina i njunie ngbɛɛn wɔ. Na wɔ yo ndende afa i tanlɛɛ abo i wi nu, na wɔ ti ato nzue n nu. ⁸ Ama, na i beɲgu susufɔm n bo bu wo lee n nu ni, sucin diendie n bo wɔ yi ni jombaa ni, na bu fa ba kunma n nɔɔ su ni. Deke bo bu wo n ni kunma n nɔɔ su n waari má, i tiiri ajaari natiwa yaa kun wɔ.

⁹ Bu cin kɔ juuri kunma n nɔɔ su ni, na bu fiteeri lee n nu ni, bu ɲuuri ka sinmɔne da, jombaa nana su, kpɔnɔ da bɛɛɛ. ¹⁰ Na Yesu ase bu ka, “Am fa jombaa n bo am atara bu kisa n be bra.” ¹¹ Na Simon Petoro awura lee n nu, na wɔ cin diendie n bo wɔ yi ni jombaa ngbingbiri n aba aheme. Jombaa n kɛɛ kɔ yasuuri yaa ni aburunu ni nsan a, ama, haari ni nyini jombaa beberebe n kɛɛ, diendie n ati má. ¹² Na Yesu ase i susufɔm n ka, “Am ba yo daraka.” Bu be abo má su, na i bisa i ka, “Wɔɔ ɲma?” dama bu kɛɛ si ka bu Mibie n a. ¹³ Na Yesu aba afa kpɔnɔ n ama bu, na wɔ fa jombaa n gusu abuka bu su. ¹⁴ Ahin yoori kpe nsan su, bo i yiiri i ɲu kereeri i susufɔm n a, sangá bo i tengeeri i yiwee n nu ni.

Kabo Yesu ni Petoro boori anzama ni

¹⁵ Bu yoori daraka n wieeri ni, na Yesu abisa Simon Petoro ka, “Yohane wa Simon, a koro m tara kabo nyɲgam ni koro m ni?” Na wɔ se i ka, “ɛɛn, m Mibie, wɔɔ mmɔɔ si ka m koro u.” Na Yesu ase i ka, “Nie m nbɔmbaam dika.” ¹⁶ Na wɔ kaaki abisa i kpe nnyɔ su ka, “Yohane wa Simon, a koro m?” Na Petoro ase i ka, “ɛɛn, m Mibie, wɔɔ mmɔɔ si ka m koro u.” Na Yesu ase i ka, “Nie m nbɔɛm dika.” ¹⁷ Na wɔ kaaki abisa i kpe nsan su ka, “Yohane wa Simon, a koro m?” Na Petoro ahore asaaki kabo wɔ bisa i kpe nsan su kɛɛ ka, i koro i ni? Na Petoro ase i ka, “M Mibie, wɔɔ si deke n kɛɛ a, a si ka m koro u.” Na Yesu ase i ka, “Nie m nbɔɛm dika. ¹⁸ Nahɔɛ ye m suse u n a, ka sangá bo a yo ti gbefene ni, wɔɔ mmɔɔ ni u tii bo u wi nu kujara kɔ deke kɛɛ bo a koro a, ama, a ba yoori kpien, a yé u saa su aɲgoro wɔ, na be bó u kujara na i fá u kɔ deke bo a koro má ni.” ¹⁹ I seeri sɔ n na i kere kabo Petoro bá wu barasu, na minem ɲú kabo Nyeme jirima woowa n ti barasu. Nyini sin na wɔ se Petoro ka, “Su m su.”

Yesu ni i susufɔ n bo i koroori i agaya n jɔɛ

²⁰ Na Petoro akaaki anie aɲu ka bɛɛɛ susufɔm nu kun bo Yesu koro i agaya n su bu su. Yiri la bo bu yo sudi diire na i tana mataari Yesu na i bisaari i ka, “M Mibie, ɲma tó u n a?” ²¹ Petoro ɲuuri ka i su bu su sɔ ni, na wɔ bisa Yesu ka, “M Mibie, ye ahin n gusu di?” ²² Na Yesu ase i ka, “Nzen m koro ka i wo bɛɛ haari sangá bo m bá kaaki ba, i nya u sɛ? Wɔɔ su m su.” ²³ I seeri sɔ n na labari n abara aye i susufɔm dɔ, ka i nyini susufɔ ni wú má. Yesu ase má ka i wú má, ama, i ɲa, “Nzen m koro ka i wo bɛɛ haari sangá bo m bá kaaki ba, i nya u sɛ?”

²⁴ Nyini Yesu susufɔ ni diiri ahin jɔɛm kɛɛ daani a, yiri kaaki kɛɛɛri ahin jɔɛm kɛɛ a, na ya si ka i daani diiwa n ti nahɔɛ n a. ²⁵ Yesu yo yoori sam dɔɲgu, bo má bu ɲa bu kɛɛ i kɛɛ, ma de má ka bu nyá fofoe durunya n nu, bo bu fá nyini kadasim n kɛɛ fa se.

Yesu Jaramasam SAYOOWAM

¹ Ya si Teyofilosi, m kadasi n bo m du mɔ kere maari u ni, m yo seeri u fa kɔ sam bo Yesu yo yoori bu n kere, ni kabo i kereeri minem, sanɔa bo i boori i juma n bu ni, ² haari fa kɔ ju sanɔa bo Nyeme faari i fun kɔori angoro ni. Kana i ba fun kɔ ni, Nyeme Awiewie Casi n deɛ yiko nu ye i yo seeri i jaramasam bo wɔ yi bu n sam bo bu bá yo n a. ³ Yesu wu tengeeri n deɛ sin, na wɔ wo durunya n nu ceɛn aburana, na i suyi i ɲu sukere bu sanɔa sanɔa su, bo i kere ka i la ɲɔɔ nahɔre su. Na ba ɲu i, na wɔ jɔjɔ bu dɔ fa kɔ Nyeme femeya n su. ⁴ Na sanɔa bo Yesu ni i jaramasam ba tieɛnri bu nɔɔ wo diire di su ni, na wɔ se bu ka, “Má am se ka am fite Yerusalem mie kpiri n nu, ama, am ɲminda kɔ ju sanɔa bo m Si Nyeme fá Awiewie Casi n bá ma am, yiri ye i yo seeri ka i fá ma am n a. Yiri ye m yo kaanri i jɔre kereeri am n a. ⁵ Yohane yo faari nzue bieeri am a, ama, i ce má, mini fá Awiewie Casi n ba wura am ɲu a.”

Kabo Nyeme ma Yesu fun kɔori angoro barasu ni

⁶ Na sanɔa bo Yesu ni i jaramasam n ba tieɛnri bu nɔɔ ni, na ba bisa i ka, “Ya Mibie, kisa ye a káaki fa femeya n ma yeɛre Yisarelifom, nzen se?” ⁷ Na Yesu ase bu ka, “Deke bo m Si Nyeme koro ka i yo i, ye i yo a, ambeɛre koro si má nyini sanɔa wara ceɛn ni.” ⁸ Ama, sanɔa bo Awiewie Casi n ba wuraari am ɲu, i má am fanɔa na am dí m ɲusu daani Yerusalem mie kpiri n nu, ni Yudiya awɔre n kere nu, ni Samariya awɔre n kere nu, haari kɔ kpura durunya n kere pepere su. ⁹ Sanɔa bo Yesu seeri sɔ wieeri ni, na Nyeme ama wɔ fun akɔ angoro, bu toko jina wo nie su ni, na yinyingu akata i ɲu, ba ɲu má i kun. ¹⁰ Bu jina wo nie su kabo i sufun kɔ angoro n nu barasu ni, na mine nnyɔ nbem akaba aba ajina bu bi, bu wura sutura fofoe, ¹¹ na ba bisa bu ka, “Galilifom, nzu ti ye am jina nie angoro n nu sɔ a? Yiri Yesu ni, kabo am anu ka i sufun kɔ angoro n nu barasu ni, am bá kaaki ɲu i sɔ ɔ lɛɛ, sanɔa bo i bá sukpie i nyi ba ni.”

Sɔnɔ bo i deeri Yudasi jinaabiri n jɔre

¹² Nyini sanɔa ni, Yesu jaramasam yo woori buka n bo bu fere i ka Oliva Buka n su wɔ. Dɔ ni Yerusalem mie kpiri n nu waari má. Na ba kpie bu nyi akɔ Yerusalem. ¹³ Bu kɔ juuri n na ba fun akɔ angoro sɔɔ n bo bu da nu n ni. Bere bo bu kɔori dɔ n la Petoro, ni Yohane, ni Yakobo, ni Andere, ni Filipu, ni Tomasi, ni Batolomeyo, ni Matio, Yakobo bo i si la Alafeyo ni, ni Simon bo i tu ɲgoni fa kɔ i asien su ni, ni Yudasi bo i si la Yakobo ni. ¹⁴ Bu tien bu nɔɔ sɔ ɔ sanɔa kere, na bu susere Nyeme, bu ni nbaram nbem, ni Yesu ni Mariya, ni Yesu niemam ni.

¹⁵ Ceɛn be sɔ ɔ, na yaradayofom n atien bu nɔɔ, bu kere kɔ yasuuri mine yaa ni aburanyɔ ɔ. Dɔ na Petoro ayasu ajina bu afien ase bu ka, ¹⁶ “M ninbaam, wɔ yo daka ka noanie n bo Awiewie Casi n yo maari Feme Davidi nɔɔ na i kereeri i Nyeme Jɔre Kadasi n nu n yo yiiwa, kabo i kereeri fa kɔ Yudasi jɔre ni, ka yiri dú minem bo bu ba tara Yesu n mɔ a. ¹⁷ Yudasi yo tiiri ya nu kun wɔ, ya ni yiri sanɔa yoori juma n a.”

¹⁸ Ya si Teyofilosi, si nu ka Yudasi afa ɲwaa n bo i yoori satie na i nyaari i ni, na wɔ fa ato asien, dɔ na wɔ kpaasi, na wɔ wu, na i kunnu atie, na i ayaya kere afite ago.

¹⁹ Na Yerusalemfom kere ati nyini jɔre ni, nyini ti, na ba fere nyini asien ni, bu anie nu ka *Akelidama*, i bu la ka, Mbunja Asien. ²⁰ Tɔ, na Petoro akaaki ase bu ka, “Bu yo kereeri i Kansi Jue kereewam n nu, ka,

‘Ma i dika n ka bonfo,
na má be wo nu.’

Na wɔ kaaki akere ka,
'Ma sɔnɔ be de i jinaabiri ni.'

²¹⁻²² Nyini ti, wɔ yo daka ka i mi ti sɔnɔ bo i woori ya nu, sanga bo ya Mibiɛ Yesu woori bere na ya nati tien ya nɔɔ i dɔ ni, fite sanga n bo Yohane biɛeri Yesu Nyeme nzue ni, haari fa kɔ juuri cɛen n bo Nyeme maari Yesu fun kɔɔri angoro yakiiri ya ni." ²³ Nyini ti, na ba yi mine nnyɔ ajina. Bu kun la Yosefu bo bu fere i ka Basabasi, na bu kaaki fere i ka Jusitosi ni, ye kun n la bo bu fere i ka Matiyasi ni. ²⁴ Dɔ na ba sere Nyeme, bu ŋa, "Ya Mibiɛ, wɔɔ si kabo sɔnɔ kere sunsunni ti barasu a. Ahin mine nnyɔm ni nu, kere ya bo a koro ka ya yi i, ²⁵ na i yo u jaramasa na i yo ahin juma ni, na i jina Yudasi jinaabiri, yiri bo wɔ yaki u akɔ i koroobiri ni." ²⁶ Na ba tu mbaa na bu yi mine nnyɔm nu kun, na ba yi Matiyasi abuka Yesu jaramasa buru ni kunm n su.

2

Kabo Awiewie Casi n wuraari Yesu susufɔm n ŋu ni

¹ Yudafɔm cɛenkpiri n bo bu fere i ka Pentekoti n di cɛen, nyini sanga ni, na Yesu susufɔm kere atien bu nɔɔ dika hɔre kun. ² Kpennga na ba ti naŋmie be ŋga angoro n nu ka aŋuma bo i sukpie faŋga su, na wɔ de sɔɔ n bo bu tana nu n kere abara aye. ³ Dɔ na ba ŋu deke be ka sin taferema dɛɛ su, na wɔ sandi atantana bu kun kun n kere tii su. ⁴ Na Awiewie Casi n awura bu kere ŋu, na bu sujɔɔ anie barasu barasu bo Awiewie Casi n ma bu koro jɔɔ i.

⁵ Tɔ, nyini sanga, Yudafɔm bo bu soro Nyeme n atien bu nɔɔ Yerusalem mie kpiri n nu, bu fiteeri durunya n awɔre n kere baari a, ka bu ba su Nyeme. ⁶ Sanga bo bu tiiri naŋmie ni ŋga sɔ ni, na jama beberebe aba atien bu nɔɔ, na jɔre n amie bu, dama bu kere tiiri ka Yesu susufɔm ni sujɔɔ bere kun kun n kere bo ba tien bu nɔɔ n dɛɛ anie nu. ⁷ Na ba birisi na ba yo alekutura, na ba se ka, "Ahin minem kere bo bu wo jɔɔ su n ti Galilifɔm wɔ, ⁸ ye i baari se, ye bu sujɔɔ, ye ya kun kun n kere ti ka bu jɔɔ ya dɛɛ aniem n a? ⁹ Ya fite awɔre barasu barasu kere n nu wɔ, nbem fite Patiya, na nbem fite Mediya, na nbem fite Elam, na nbem fite Mesopotamiya, na nbem fite Yudiya, na nbem fite Kapadosiya, na nbem fite Pontusi ni Esiya, ¹⁰ na nbem fite Firigiya, na nbem fite Pamfiliya, na nbem fite Ijipiti asien n su, na nbem fite Libiya asien bo i wo dodo Sirene mie kpiri n ni. Ya nbem gusu fite Roma mie kpiri n su wɔ. ¹¹ Ya nbem ti Yudafɔm, ni minem bo bu ti má Yudafɔm na ba kaaki bu wo ka bu ti Yudafɔm ni, ye ya nbem gusu fite Kereti asien n su, na nbem fite Arabiya asien n su, ama, ya kere ti ka bu jɔɔ ya dɛɛ aniem n nu wɔ, fa kɔ sakpapakm kere bo Nyeme ayo bu n su." ¹² Na ba yo alekutura, ba si má kabo bu yo, na bu subisa bu ŋuŋu nu ka, "Ahin sa n bu la ka se wɔ lɛɛ?" ¹³ Ama, na bu nbem ayo Yesu susufɔm n anzasi, na ba se ka, "Ai, ba nu nzan abo wɔ."

Kabo Peto ro kaanri Nyeme nɔanie barasu ni

¹⁴ Dɔ na Peto ro ni i beŋgu buru ni kunm n ayasu ajina, na wɔ ye i konvi su ase jama n ka, "M lamokɔ Yudafɔm, ni ambere kere bo am wo Yerusalem mie kpiri n nu ni, am so am sui nyunyumi na am ti deke n bo m sukan kere am ni. ¹⁵ Ahin minem bo am sunsun ka ba nu nzan abo ni, ba nu má nzan, kisa ngarama kerefi ngona ye ya wo nu n a. ¹⁶ Ama, nyini n bo am ti ka bu jɔɔ anie barasu barasu ni, i ti kabo Nyeme nɔanie kanfɔ Joweli yo jɔɔɔri n wɔ lɛɛ, i ŋa,

¹⁷ 'Nyeme ŋa o, fa kɔ durunya n awieeri,

m fá m Awiewie n wura minem kere ŋu.

Na am nbaabiesɔm ni nbaabaram kán Nyeme nɔanie n kere minem,
na am ngbefenem ŋú deke nbem nahɔre su ka alele nu,

na am nkpienkpienm dá cin alele.

18 Nahore, nzen ceen n ba juuri,
m fá m Awiewie n wura m akoom n nu,
i bara ni i bieso kere,
na bu kán m noanie n kere mine.

19 Na m yó alekutura sam barasu barasu beberebe
angoro ni asienngu fen,
na am nú mbunja, ni sin, ni nmisini bambaka.

20 Na wie n sí biri,
na sara n káaki kókore ka mbunja.

Nyini sin, na Mibie n ceen bambaka n bo i la jirima n nyá ju.

21 Nyini ceen ni, sono kere bo i bo fereeri Mibie n дума, i mi nyá tiide.' "

22 Na Petoro ase bu ka, "Amberé Yisarelifom, am so am sui na am ti fen. Nyeme akere am ka yiri sunmaari Yesu bo i fite Nazareti mie n nu n a. Nyini ti, ye i ma i yoori alekutura sam, ni sa ngbingbirim am nu n a, kabo amberé ni am tii si i ni.

23 Nyeme dee koroyanu, ye i du mo ciciiri ka i má am nya Yesu taraabiri a, ye am faari i wuraari mine tiem saa nu, ye bu kpamaari i baka jaanu n su kuunri i n a. 24 Ama, na Nyeme atenge i afite i yiwee n nu, yiwee akoro ala má i yiko, dama i tiiri kekereke na yiwee koro kunma i. 25 Dama Feme Davidi yo jójori fa ko yiri Yesu nusu jore, i na,

'Ma nu i ka Mibie n wo m do sangá kere,
nyini dee ti, puitiripui koro yo má m.

26 Nyini dee ti, m ahore ti daawa, na m joro ni ahorejo,
haari ni bo m bá wu ni, m la tama fa ko m nuniembaa n su,

27 dama woro Nyeme, a yáki má m na m ka fuinm n nu,
a yáki má na u dee amususufo casi ka mini so wu koro.

28 A kere m atin bo m fa na m nya ngoo,
na kabo a wo m do ni, nyini má m la ahorejo nahore su a.'

29 M ninbaam, m koro ka m se am nahore su wo, fa ko ya na Feme Davidi nusu jore. I yo wuuri wo, na ba se i, i fanjunma toko wo ya nu fen haari ni nyuma. 30 I tiiri Nyeme noanie kanfo n dee ti, na wo si ka Nyeme atan ndie ka, i yí yiri Feme Davidi busu nufom n nu kun, na i dí i femeya n kabo yiri Feme Davidi yo tiiri barasu ni. 31 Feme Davidi du mo nuuri sa n bo Nyeme bá yo i ni, na wo joro fa ko Kristo su, Tiidefo n bo Nyeme ase ka i sunma i ni, ka i bá wu na i tenge i yiwee nu, i na,
'Nyeme yáki má na i ka fuinm nu,
na i nuniembaa n koro.'

32 Yiri Yesu n ye Nyeme tengeeri i yiwee n nu a, na ya kere anu i, ye ya sudi i daani a.

33 I Si Nyeme aye i su ako angoro afa atana i saa fomboro su, ye wo ma i Awiewie Casi n bo wo se ka i fá ma i ni. Deke bo am anu i ni, ni deke n bo am ati i ni, yiri la Awiewie Casi n bo i seeri ka i fá ma ya ni. 34 Má Feme Davidi ni i tii fun kori angoro a, ama, na wo se ka,

'Miera n ase m Mibie n ka,
"Bra, ba tana m saa fomboro su fen,

35 haari m bá ma a kunma u korom." ' "

36 Na Petoro akaaki ase ka, "I ti ye ni ka Yisarelifom kere si ka, yiri Yesu n bo amberé yo kpamaari i baka jaanu n su n ye Nyeme afa i ayo Mibie n ni Kristo, ya Tiidefo n a."

37 Sangá bo minem n tiiri ahin jore n so ni, na bu ahore asaaki agaya, na ba bisa Petoro ni Yesu jaramasa nyngam n ka, "Ya ninbaam, ye ya yo se wo?" 38 Na Petoro ase bu ka, "Am kaaki am wo, na ya bie am kun kun kere Nyeme nzue, Yesu Kristo dee дума n nu, na Nyeme fá am satie ce am, na i fá Awiewie Casi n ce am. 39 Dama

Nyeme yo seeri ka i fá Awiewie Casi n ma amberε ni am busu nufom, ni minem bo bu wo dede ni, ni minem kere bo ya Micera Nyeme n fere bu ka bu bra yiri ni i tii do n wo.” ⁴⁰ Na Petoro ajɔɔ jɔre beberebe atu bu fo ni anyumboro su, i na, “Am yi am nu fite suicin n bo Nyeme bá fa cin ahin nyumafɔ satieyofom n nu.” ⁴¹ Na bu dongu ayo i noanie n yarada, na ba bie bu Nyeme nzue, nyini cɛen ni, na ba nya mine, ba yo ka akpii nsan abuka bu nu su. ⁴² Na bu nyunu aboro ka bu sonson Yesu jaramasam kereewam ni, na bu kere ayo anɔokun, na bu susanga di diire, na bu susanga sere Nyeme.

Kabo Yesu susufom woowa tiiri barasu ni

⁴³ Na Nyeme ama Yesu jaramasam n ayo alekutura sam barasu barasu beberebe, na sonɔ kere asoro Nyeme. ⁴⁴ Na yaradayofom n ayo deke kere ni anɔose, na ba soro su ka, deke kere bo bu la i n ti bu kere deε wo. ⁴⁵ Bu to bu nenge kere bo bu la i wo, na bu kpaaki nwaa n nu, na bo bu la má be n kere nya be. ⁴⁶ Cɛen n kere cɛen, bu ba tien bu nɔɔ Nyeme Sereebiri Awuru n nu wo, na bu nati sutien bu nɔɔ awuru awurum nu, na bu sangga di diire ni ahorejo, ni bu kunnu fofoe, ⁴⁷ na bu sukansi Nyeme, na minem akoro bu jɔre. Na cɛen kere cɛen na bu sunya minem bo Nyeme ma bu anya tiide n abuka bu nu su.

3

Kabo wobuka be nyaari laife barasu ni

¹ Cɛen n be naaso wie kerefi nsan sangga, na Petoro ni Yohane ako Nyeme Sereebiri Awuru n nu ka bu ko sere Nyeme. Sangga bo bu fa sere Nyeme leε. ² Sonɔ be woori do, bu wuuri i wobuka wo, na mine nbem aso i aba atana Nyeme Sereebiri Awuru nu anɔ n bo bu fere i ka Anɔ Nyunyumi ni, na i tana susere minem bo bu ba nyemesere ni, ka bu ma i nwaa. Cɛen n kere cɛen bu fa i ba wo, na i ba susere. ³ Nyini cɛen ni, sangga bo i nuuri Petoro ni Yohane ka bu suwura Nyeme Sereebiri Awuru n nu ni, na wo sere bere gusu ka bu ma i deke be. ⁴ Na Petoro ni Yohane afa bu nyumbaa akpama i nu, na Petoro ase i ka, “Nie ya do fen.” ⁵ Nyini ti, na wo tu i tii sunie bu do, i sunsun ka bu má i deke be wo.

⁶ Na Petoro ase i ka, “M la má nwaa bo m ma u, ama, deke bo m la i na m fa ma u yaa, Yesu Kristo Nazaretifo n deε duma nu, m na, a yasu nati.” ⁷ Do na Petoro aso wobuka n saa fomboro nu, na wo ye i su ajina, kpenga sonɔ n jaam kere ayo fanga, ⁸ nyini ti, na wo warakpin, na wo jina i jaa su, na wo bo i bu sunati bara ye. Do na wo su bu su awura Nyeme Sereebiri Awuru n nu, na i sunati, na i suwarakpin, na i sukansi Nyeme. ⁹ Na jama n kere anu ka i sunati, na i sukansi Nyeme. ¹⁰ Sangga bo minem ni siiri nu ka, yiri bo i yo tana Nyeme Sereebiri Awuru n Anɔ Nyunyumi n nu sere n leε ni, na ba mie atana, na sa n bo i yoori sonɔ n ayo bu alekutura.

Kabo Petoro kaanri Nyeme noanie n Nyeme Sereebiri Awuru n nu ni

¹¹ Sangga bo wobuka n bita Petoro ni Yohane barasu ni, na mine kere ayo alekutura, na ba nmati aba bu do awore be bo bu fere i ka Solomon deε Lele n nu. ¹² Sangga bo Petoro nuuri minem so ni, na wo se bu ka, “Yisarelifom, nzu ti ye am fa ahin sa n yo alekutura ye am nie ya so a? Am sunsun ka ya deε yiko nu ye ahin sonɔ n anati a, wara am sunsun ka ya yo sa bo i ko atin su Nyeme do n deε ti, nzen se? Ai, i ti má so. ¹³ Nyeme bo Abraham ni Izaki ni Jakɔbu ni ya nam suuri i ni, yiri ye wo wura i amuisufɔ Yesu n kpiri bambaka a. Ama, am faari i wuraari yikofom saa nu wo, na am akete i Gomina Pilato nyunu, ka am koro má i, haari ni bo má gomina n na i yaki i nu ji ni. ¹⁴ I ti Nyeme sonɔ fofoe wo, bo i yo sa bo i ko atin su Nyeme do, ama, na am akete i, na am asere gomina n jande ka i yaki sonɔ kunfo nu ji. ¹⁵ Na am akun yiri Yesu n bo i ma ya ngoo ni, ama, Nyeme atenge i yiwee n nu, ya nuuri i wo ye ya

sudi i daani a. ¹⁶ Ahin sɔnɔ bo am ŋu i na am si i ni, Yesu dɛɛ duma n yiko nu ma i jaam kɛrɛ ayo faŋga n a. Deke n bo am aŋu i ni, i fite ka sɔnɔ n ayo Yesu duma n yarada n dɛɛ ti, nyini ma wɔ nya laifɛ ye am kɛrɛ aŋu i n a.”

¹⁷ Na Petoro anya ase bu ka, “M ninbaam, m si ka amberɛ ni am tereterefɔm kɛrɛ be mmɔɔ asi má sam bo am yo yoori bu ni. ¹⁸ Dawa saŋga, Nyɛmɛ ma i nɔaniɛ kanfɔm kɛrɛ yo jɔjɔri ahin jɔrɛ kɛrɛ, ka, Kristo, Tiidefɔ n bo Nyɛmɛ ase ka i súnma i ni bá, na i bá di wahara, nyini lɛɛ ye wɔ yo yiiwa bɛrɛ n a. ¹⁹ Nyini dɛɛ ti, am kaaki am wɔ, na am su Nyɛmɛ, na i fá am satie ce am, ²⁰ na i má am nyá numiyi, na i nyá sunma Kristo, Tiidefɔ n bo wɔ yi i ka i bá am dɔ ni, yiri la Yesu. ²¹ Wɔ yo daka ka i wó Nyɛmɛ dɔ aŋgoro, haari fa kɔ ju saŋga n bo Nyɛmɛ má deke kɛrɛ yo yiiwa, kabo dawa saŋga na i maari i nɔaniɛ kanfɔ casim n nɔɔ na bu seeri ni. ²² Moyisi yo seeri ka, ‘Am Micɛra Nyɛmɛ súnma i nɔaniɛ kanfɔ kabo i sunmaari mini Moyisi n wɔ. Nyini sɔnɔ ni yó am dɛɛ tieŋgu sɔnɔ bo i fite am nu wɔ. I ti ye ni ka am de i nɔaniɛ, na am yo deke kɛrɛ bo i se ka am yo i. ²³ Sɔnɔ kɛrɛ bo i de má Nyɛmɛ nɔaniɛ kanfɔ n nɔaniɛ ni, Nyɛmɛ yí i mi fite i dɛɛ minɛm nu wɔ, na i ká ŋgbɛɛn.’ ²⁴ Nyɛmɛ nɔaniɛ kanfɔm kɛrɛ bo bu jɔjɔri fite Samuweli saŋga haari ba ju ni nyuma, bu kɛrɛ jɔjɔri fa kɔ ahin sam bo bu suyo nyuma n su wɔ. ²⁵ Amberɛ ti Nyɛmɛ nɔaniɛ kanfɔ dɛɛ busu nufɔm a, am dɛɛ la sɛsɛsu n bo Nyɛmɛ yo diiri i di ni am nam ni. Na wɔ se ya na Abraham ka, ‘U busu nufɔm dɛɛ ti ye m yó durunya n nufɔm kɛrɛ kisi a.’ ²⁶ Nyini dɛɛ ti, ye i du mɔ yiiri i amususufɔ n ye i sunmaari i am dɔ n a, ka i bá yo am kisi, nyini la ka, i má am kaaki am wɔ, na i yí am fite am satie kɛrɛ nu.”

4

Kabo Yudafo tereterefɔm diiri Petoro ni Yohane jɔrɛ ni

¹ Petoro ni Yohane toko jɔjɔ jama n dɔ ni, na minɛm nbem aba bu dɔ, bɛrɛ la Nyɛmɛ sayoowa dɔŋguyofɔm nbem, ni Nyɛmɛ Sereebiri Awuru n nu tintinijinafɔm kpɛn, ni Sadiusifɔm nbem. ² Bu baari ni yaa su wɔ, kabo Yesu jaramasa nnyɔm ni sukere minɛm ka Yesu wuuri ni, i teŋgeeri i yiwee nu wɔ, nyini kɛrɛ ka minɛm wu, bu teŋge bu yiwee nu wɔ lɛɛ. ³ Nyini ti, na ba tara Petoro ni Yohane. Bu taraari bu naaso saŋga a, na ba nyi bu haari ale akɔ acin. ⁴ Ama, na minɛ dɔŋgu bo bu tiiri Yesu jaramasa ni kereewa n ayo yarada. Nyini ti, bɛrɛ kɛrɛ bo bu yoori yarada ni, bu nbiesɔm kɔ yasuri minɛ akpii nnu wɔ. ⁵ Alecin ŋgarama na Yudafo tereterefɔm, ni bu nkpienkpiɛnm, ni Nyɛmɛ nɔaniɛ kerefɔm kɛrɛ atien bu nɔɔ Yerusalem mie kpiri n nu. ⁶ Bo bu gusu woori dɔ n la Anasi bo i ti Nyɛmɛ sayoowa dɔŋguyofɔm kɛrɛ kpɛn ni, ni minɛ nbem bo bu fere bu ka Kayafasi, ni Yohane, ni Alekizanda, ni minɛm bo bu wo Nyɛmɛ sayoowa dɔŋguyofɔm busu nu n kɛrɛ tieɛnri bu nɔɔ o. ⁷ Na ba fa Petoro ni Yohane aba ajina bu afien, na ba bisa bu ka, “Am yoori sɛ yoori ahin sa n a? Am la yiko bɔnɔ, wara ŋma dɛɛ duma nu ye am fa tuntuunri sɔnɔ n ye wɔ nya laifɛ n a?”

⁸ Na Awiewie Casi n awura Petoro ŋu, na wɔ se bu ka, “Ya tereterefɔm ni ya nkpienkpiɛnm, ⁹ sakpa n bo ya yo i ama wɔbuka ni, ni kabo i yoori barasu na wɔ nya laifɛ n dɛɛ ti, ye am sudi ya jɔrɛ bisa ya sɔ a, nzen sɛ? ¹⁰ I ti ye ni ka amberɛ ni Yisarelifɔm kɛrɛ si ka o, ahin sɔnɔ n bo i jina bɛrɛ na wɔ nya laifɛ ni, i fite Yesu Kristo Nazaretifo n duma n nu wɔ. Yiri ye am kuunri i, ye Nyɛmɛ teŋgeeri i fiteeri i yiwee n nu n a.

¹¹ Ba kɛrɛ i ŋusu jɔrɛ Nyɛmɛ Jɔrɛ Kadasi n nu ka,

‘Yabuɛ n bo amberɛ bondo tafɔm faari i tuuri ni,
yiri ye wɔ kaaki bondo n jaa yabuɛm kɛrɛ tii a.’

¹² Yiri ŋgumi ye Nyɛmɛ ayi i ka i ba de sɔnɔ kɛrɛ tii a, duma be wo má durunya n kɛrɛ nu bo i koro de ya tii ji, má ka Yesu Kristo dɛɛ duma ni ŋgumi.”

¹³ Na Yudafɔ yikofɔm ni tereterefɔm n anɔ kabo Petoro ni Yohane la ahoresi barasu ni, na ba si ka ba kɔ má kara be mmɔɔ, na wɔ yo bu alekutura. Dɔ na ba si nu ka bu yo suuri Yesu su wɔ. ¹⁴ Bu nɔuri ka sɔnɔ n bo wɔ nya laifɛ n jina Petoro ni Yohane bi ni, nyini dɛɛ ti, ba koro ase má jɔrɛ be. ¹⁵ Na ba se Petoro ni Yohane ka bu fite sɔɔ n nu. Bu fite wieeri ni, na bere nkpienkpienm n abo Petoro ni Yohane n nɔusu anzama. ¹⁶ Na ba bisa bu nɔnɔ nu ka, “Ye ya yó ahin minem se wɔ? Dama sɔnɔ kerɛ bo i wo Yerusalem miɛ kpiri n nu si ka ba yo ahin alekutura sa bambaka ni, ya koro se má ka ba yo má i e. ¹⁷ Ama, nzen ya koro má ka ahin jɔrɛ n bara ye deke n kerɛ, am ma ya nɔnɔnɔ bu ka, má bu se ka bu bo Yesu duma mmɔɔ na be ti.” ¹⁸ Nyini ti, na ba kaaki afere Petoro ni Yohane awura, na ba ma bu nɔɔ ka, má bu se ka bu bo Yesu duma, wara bu kan i nɔusu jɔrɛ kere minem. ¹⁹ Ama, na Petoro ni Yohane ase bu ka, “Amberɛ mmɔɔ ni am tii, am niɛ nu na am niɛ e, Nyemɛ atin su, bɔnɔ ti ye a, ya de am dɛɛ nɔaniɛ n wɔ, nzen ya de Nyemɛ dɛɛ n wɔ? ²⁰ Ya sukan kere minem n wɔ fa kɔ sam n bo yerɛ ni ya tii ati bu, na ya nɔ bu ni, ya koro mɔ má ya nɔɔ.” ²¹ Na bere yikofɔm, ni tereterefɔm n anɔnɔnɔ bu nahɔrɛ su, na ba yaki bu nu aji. Bu niɛeri nu, bu nɔ ka bu koro yo má bu pui, dama minem kerɛ wo Nyemɛ kansi su wɔ fa kɔ sa n bo wɔ yo ni. ²² Sɔnɔ n bo bu yoori nyini alekutura sa n maari i na i nyaari laifɛ ni, i tara afɔ aburana.

Kabo yaradayofɔm n sereeri Nyemɛ ka i ma bu ahoresi ni

²³ Saɔga bo Petoro ni Yohane nyaari bu tii ni, bu kaba kpieeri bu nyi kɔori bu benɔu Yesu susufɔm n dɔ ɔ, na ba kan jɔrɛ n kerɛ bo Nyemɛ sayoowa dɔnguyofɔ nkpienm, ni nkpienkpienm n seeri ni. ²⁴ Yaradayofɔm ni tiiri nyini jɔrɛ n kerɛ sɔ ni, na bu kerɛ ayo anɔɔkun, na ba sere Nyemɛ, bu nɔ, “Ya Micera Yikofɔ, wɔrɔ yiiri anɔgoro ni asienɔu a, ni tieku n ni dekem kerɛ bo bu wo nu ni. ²⁵ Wɔrɔ yo ma u Awiewie Casi n wurari ya na Davidi bo i ti u dɛɛ amuisufɔ n nɔ u a, na wɔ se ka, ‘Nzu ti ye minem bo bu ti má Yudafɔm afa yaa agaya sɔ a.

ye minem bita sunsunni bo i la má kperɛ a?

²⁶ Ye durunya n nu nfemem ayasu ajina,

na bu yikofɔm atien bu nɔɔ,

ka bu tu lue ni Micera Nyemɛ ni,

ni Kristo, Tiidefɔ n bo Nyemɛ ase ka i súnma i n a.’

²⁷ Tɔ, kabo Feme Davidi yo kaanri ni, i ti nahɔrɛ wɔ, ka Feme Herode, ni Gomina Pɔntiyo Pilato fa saɔga ni minem bo bu ti má Yudafɔm, ni Yudafɔm yo tieɛnri bu nɔɔ ahin miɛ n nu wɔ, na ba kete Yesu, u amuisufɔ casi n bo a yiiri i ka yiri ti Tiidefɔ ni. ²⁸ Bu tieɛnri bu nɔɔ ɔ, na ba yo dekem kerɛ bo u dɛɛ yiko n ni u koroyanu na a du mɔ acici ka bu yo ni. ²⁹ Ya Mibiɛ, ti kabo kisa bu nɔnɔnɔ ya barasu, nyini ti, ma yerɛ u akɔɔm n ahoresi, na ya kan u dɛɛ labari kpa n na má ya soro serɛ. ³⁰ Fa u yiko n tuntun tukpakifɔm na bu nya laifɛ, na a ma ya yiko na ya tuntun mine, na ya yo alekutura sam barasu barasu, u amuisufɔ casi Yesu n dɛɛ duma nu.” ³¹ Saɔga bo bu sereeri Nyemɛ n wieeri sɔ ni, na dika n bo bu wo nu n akpisi. Na Awiewie Casi n awura bu kerɛ nɔ, na ba kan Nyemɛ jɔrɛ ni ahoresi.

Kabo Yesu susufɔm ni yoori anɔɔse barasu ni

³² Yaradayofɔm n yo yoori anɔɔse wɔ, na ba saɔga ayo deke n kerɛ kun. Be wo má bere bo i se ka i nenɔge be tiiri i tienɔu dɛɛ. Ama, bu kerɛ kpaaki deke n kerɛ bo bu la i nu ma bu benɔu wɔ. ³³ Na Yesu jaramasam n akan Nyemɛ jɔrɛ ni yiko bambaka, na ba kan akere minem kabo Yesu tengeeri i yiwee n nu ni. Na Nyemɛ ama bu kerɛ adi ahɔrɔma beberebe. ³⁴ Be awo má bu nu bo i miɛeri deke be busu. Bo bu laari asienm, ni awurum tɔori bu wɔ, na ba fa nɔwaa kerɛ bo bu nyaari i ni, ³⁵ aba ama Yesu jaramasam ni, na bere gusu akpaaki i nu ama bo bu la má pui ni, na ba fa ayo

deke bo i miε bu. ³⁶ Sɔnɔ be yo woori bu nu, bu fere i ka Yosefu, i ti Levi busu nufɔ ɔ, bu wuuri i asien be bo bu fere i ka Sipurusi n su wɔ. Na Yesu jaramasam n atun i duma ka Banabasi, i bu la ka, sɔnɔ bo i ma mine ahoresi ni. ³⁷ Nyini sɔnɔ n tɔɔri i asien n bo i la i, na wɔ fa ηwaa n aba ama Yesu jaramasam ni.

5

Ananiyasi ni i yi Safira dεε jɔre

¹ Sɔnɔ be yo woori dɔ bu fere i ka Ananiyasi, na bu fere i yi ka Safira, na ba tɔ bu aja be. ² Ama, na yiri ni i yi n ayo bu nɔɔkun, na wɔ yi ηwaa n be afie, na wɔ fa bo i kaari n ama Yesu jaramasam ni. ³ Na Petoro abisa i ka, “Ananiyasi, nzu ti ye a ma Sitana awura u sunsunni nu, ye a fa ηwaa n bo a tɔɔri u asien n na a nyaari i n be afie a, ye a ηa a dadaka Nyemε Awiewie Casi n a? ⁴ Saŋga n bo a nya tɔ má i ni, i ti u dεε wɔ, kisa gusu bo a tɔ i ni, ηwaa n ti u dεε wɔ. Ye nzu ti ye a yo ahin sa n a? Má adamande ηgumi ye a ηa a dadaka a, ama, a ηa a dadaka Nyemε wɔ.” ⁵ Ananiyasi tiiri nyini nɔaniε n sɔ ni, i kaba kpaasiiri wɔ, na wɔ wu, na sɔnɔ kere bo i tiiri nyini sa n bo wɔ yo ni, na sere ati bu agaya. ⁶ Na ngbefenem ayasu afa tani apɔɔndi i, na ba fa i afite akɔ ase i.

⁷ Wɔ cε má, na i yi gusu aba, wɔ si má sa bo wɔ yo ni. ⁸ Na Petoro abisa i ka, “U ni u hun aja n bo am tɔɔri i n ηwaa n kere lee?” Na wɔ bɔ Petoro n nu ka, “Eεn, i kere lee.” ⁹ Dɔ na Petoro abisa i ka, “Nzu ti ye u ni u hun ayo am nɔɔkun na am yo Micera n Awiewie n na am nie a? Nie fen, minem bo bu faari u hun kɔ seeri i ni, bu jaa busu wo aɔ n nu, bu fá wɔɔ mmɔɔ fite lee.” ¹⁰ Jina n nu bere, na wɔ kaba akpaasi Petoro jaa bu, na wɔ wu. Bo bu seeri i hun n ba ηuuri ka yiri gusu awu, na ba fa i akɔ ase i adodo i hun ni. ¹¹ Na Kristo jama n kere, ni minem kere bo bu tiiri nyini sa n bo wɔ yo ni, na sere ati bu kere agaya.

Kabo Yesu jaramasam n yoori alekutura sam barasu ni

¹² Na Yesu jaramasam n ayo alekutura sam barasu barasu dɔŋgu minem n nu bo i kere ka Nyemε wo bu dɔ. Na yaradayofɔm n kere atien bu nɔɔ Solomon Lele n bo i wo Nyemε Sereebiri Awuru n nu ni. ¹³ Minem bo ba yo má Yesu yarada ni soroori sere wɔ, ba koro asaŋga má bu nu, ama, na minem n awura bu kpiri. ¹⁴ Na mine beberebe ayo Mibie n yarada, subuka bu su saŋga kere, bu sunnu, nbiesɔm ni nbaram. ¹⁵ Na alekutura sam bo Yesu jaramasam yoori bu n dεε ti, na mine aɔ bu tukpakifɔm, ni bu dasum aba ase atɔŋberem nɔɔ su, adena Petoro ba sunati sin, na haari i awiewie mmɔɔ tɔ gɔ bu nbem ηu, na bu nyá laifie. ¹⁶ Na mine beberebe afite mie miem bo bu bara ye Yerusalem mie kpiri n su ni, na ba fa tukpakifɔm ni minem bo ajinim yaki má bu n aba, na bu kere anya laifie.

Kabo bu kereeri Yesu jaramasam n wuwuruwa barasu ni

¹⁷ Na Nyemε sayoowa dɔŋguyofɔm n kere kpien ni, ni i bengum bo bu su Sadusifɔm atin su ni, aba asi Yesu jaramasam ni kɔre agaya. ¹⁸ Na ba tara Yesu jaramasam ni, akɔ anyi bu dansaraka. ¹⁹ Ama, nyini cεen n kɔŋgue, na Nyemε mereke aba ateke dansaraka aɔ ni, na wɔ yi Yesu jaramasam n afite, na wɔ se bu ka, ²⁰ “Am kɔ na am kɔ jina Nyemε Sereebiri Awuru n nu, na am kan ahin ηgɔɔ fɔfɔre n bo am anya i n jɔre kere kere minem.” ²¹ Na jaramasam n ade i nɔaniε ni, na alecin ηgarama fuun, na ba kɔ ajina Nyemε Sereebiri Awuru n nu, na ba bo i bu sukere mine.

Saŋga bo Nyemε sayoowa dɔŋguyofɔm n kere kpien n ni i dεε jama nbaam n ba juuri ni, na ba fere Yudafo tereterefɔm ni, ni Yisareli nkpienkpienm kere, na ba tien bu nɔɔ na bu fa sɛsɛsu, dɔ na ba ma nɔɔ ka bu kɔ yi Yesu jaramasam ni dansaraka n nu bra. ²² Ama, minem n bo bu sunmaari bu n kɔ juuri ni, ba ηu má jaramasam ni dansaraka sɔɔ n nu, na ba kpie bu nyi aba ase bu. ²³ Bu ηa, “Saŋga bo ya kɔ

juuri ni, dansaraka anɔ n kere nyi wɔ kenken, tintinijinafɔm gusu jina anɔ n nu bere, ama, sangga bo ya ba tekeeri anɔ n ni, ya ɲu má sɔnɔ kun n kpein mmɔɔ sɔɔ n nu.”

²⁴ Sangga bo Nyeme sayoowa dɔnguyofɔ n kere nkpienm, ni Nyeme Sereebiri Awuru n nu tintinijinafɔm kpien n tiiri sɔ ni, na ba birisi, ba si má sa bo wɔ yo. ²⁵ Dɔ na sɔnɔ be aba ase bu ka, “Am ti fen. Minem bo am taraari bu kɔ nyiiri bu ni, bu wo Nyeme Sereebiri Awuru n nu wo minem kere su.” ²⁶ Nyini ti, na Nyeme Sereebiri Awuru n nu tintinijinafɔm kpien n afa i minem akɔ, na ba kɔ atara Yesu jaramasam n aba. Bu kɔ faari bu ni, ba miɛ má bu, dama bu soroori ka minem ni tu bu yabue wɔ.

²⁷ Na ba fa jaramasam n aba, na ba fa bu ajina minem bo ba tien bu nɔɔ n nyunu. Na Nyeme sayoowa dɔnguyofɔm n kere kpien n abisa bu bisaawam. ²⁸ I ɲa, “Ya maari am nɔɔ nahɔre su ka, má am se ka am kere kereewa be ahin sɔnɔ n duma nu. Ama, am niɛ kabo am ayo a. Am afa am kereewa n abara aye Yerusalem miɛ kpiri n kere nu, ye am koro ka am se ka yere kuunri i a.” ²⁹ Na Petoro ni jaramasa nyiŋgam n abɔ bu nu ka, “Wɔ yo daka ka ya de Nyeme nɔaniɛ wɔ, má adamande dɛɛ. ³⁰ Nyeme bo i ti ya nam dɛɛ Nyeme ni, yiri tengeeri Yesu fiteeri i yiwee n nu, yiri bo am kuunri i na am kpamaari i baka jaanu n su ni. ³¹ Yiri Yesu, ye Nyeme afa i atana i saa fɔmbɔɔ su, ka i yo ya Mɔfɔ ni ya Tiidefɔ, na i ma yere Yisarelifɔm atin, na ya kaaki ya wo, na Nyeme fa ya satie kere ce ya. ³² Yere ni Awiewie Casi ni di ahin sam n daani kan kere mine a. Yiri Awiewie Casi n ye Nyeme afa ama minem bo bu de i nɔaniɛ n a.”

³³ Sangga bo minem bo ba tien bu nɔɔ n tiiri nyini jɔre n sɔ ni, na yaa ati bu agaya, má bu koroori ka bu kun Yesu jaramasam wɔ. ³⁴ Ama, na bu nu kun, i ti Farasifɔ ɔ, bu fere i ka Gameli, i kaaki ti Nyeme nɔaniɛ kpamaawa n kerefɔ ɔ, bo minem kere ma i jirima agaya. Na wɔ yasu ajina, na wɔ ma nɔɔ ka bu fa jaramasam n fite dasin kaan ka. ³⁵ Dɔ na wɔ se jama n kere ka, “M lamɔkɔ Yisarelifɔm, am niɛ am tii su dɔngɔ fa kɔ sa n bo am koro ka am fa yo ahin minem ni. ³⁶ Am tenge su ka afɔ be, na sɔnɔ be, bu fere i ka Tiyodasi, na wɔ ba, na wɔ yo i ɲu ka i ti sɔnɔ bo i ɲusu nya má durunya n nu wɔ, na mine ba yo ka yaa nna kere asu i su. Ama, wɔ ce má, na mine akun i, na i susufɔm n kere aɲmati asandi, na i dɛɛ atin n aka ɲgbɛɛn. ³⁷ Nyini sin, sangga bo bu ɲa bu kere asien n su jama duma na bu si bu nɔ ni, na sɔnɔ be gusu aba, yiri la Yudasi bo i fite Galili asien n su ni. Na jama beberebe asu i su, ama, na mine akun yiri gusu, na i susufɔm n kere aɲmati asandi. ³⁸ Nyini ti, kabo i ti ni, m suse am wɔ, má am se ka am yo ahin minem ni pui. Am yaki bu benle. Nzen atin n bo bu bita i n ti adamande dɛɛ, i ká ɲgbɛɛn wɔ. ³⁹ Ama, nzen i ti Nyeme dɛɛ, am koro yo má ahin mine ni pui. Am bá ɲu ka am si má na am sukun lue ni Nyeme.” ⁴⁰ Na ba de Gameli fɔtuuwa ni. Na ba fere Yesu jaramasam n awura, na ba fin bu ɲgbere, na ba ma bu nɔɔ ka, má bu se ka bu bo Yesu duma mmɔɔ kere mine kun. Na ba yaki bu, na ba kɔ. ⁴¹ Yesu jaramasam ni fiteeri minem bo ba tien bu nɔɔ n dɔ wieeri ni, na bu ahore ajɔ agaya, ka Nyeme abu bu awura be nu, dama ba di nyinse Yesu dɛɛ duma n nu. ⁴² Na cɛɛn n kere cɛɛn, na bu suwura Nyeme Sereebiri Awuru n nu, ni minem dika, na bu yaki má Nyeme nɔaniɛ n kere ni, na bu sukan Nyeme labari kpa n kere bu ka Yesu ti Kristo n a, Tiidefɔ n bo Nyeme ase ka i súnma i ni.

6

Kabo bu yiiri bukaɔ nsom ni

¹ Na fa kɔ sangga su, na Yesu susufɔm n asunnu abuka su, na Yudafɔm bo bu jɔɔ Giriki anie n ni aɲɲuti Yudafɔm bo bu jɔɔ Hiburu anie ni. Bu ɲa cɛɛn kere cɛɛn na bu ce nkunafɔm diire ni, bu bu má bu dɛɛm wura má nu. ² Nyini ti, na Yesu jaramasam buru ni nnyɔm n afere susufɔm n kere pepere atien bu nɔɔ, na ba se bu ka, “I ti má ye ni ka yere ni ya tii yaki Nyeme jɔre n kan, na ya sunie diire jɔre su.

³ Nyini ti, m ninbaam, am niε am ηuηu nu, na am yi mine nso bo bu la anyunuyi, na Awiewie Casi n wo bu dɔ, na bu la alecira, na bu kaaki la sunsunni kpa, na ya má bere niε nyini sereyam n kere su. ⁴ Na yere ni ya tii nyá ya ηu, na ya nyunu bóro nyemesere, ni Nyeme nɔaniε n kan su.” ⁵ Yesu jaramasam n seeri sɔ ni, na wɔ yo minem kere fie fa kɔ bu jɔjɔwa n su. Na ba yi sɔnɔ be, bu fere i ka Satefano, i ti sɔnɔ bo i la yarada nahɔre su wɔ, na Awiewie Casi n wo i ηu, ni Filipu, ni Porokoron ni, ni Nikanɔ, ni Timona, ni Pamenasi, ni Nikola bo i fite mie kpiri n bo bu fere i ka Antiyoki n su, na wɔ kaaki i ηu ka i ti Yudafo, na i su bu dεε atin n su ni. ⁶ Na jama n afa bu aba Yesu jaramasam n dɔ, na ba fa bu saa anana bu ηu, na ba sere Nyeme ama bu.

⁷ Na Nyeme nɔaniε ni susandi subuka su. Na mine beberebe ayo yarada abuka Yesu susufɔm su Yerusalem mie kpiri n nu. Na Nyeme sayoowa dɔnguyofɔm gusu dɔngu ayo yarada.

Kabo bu taraari Satefano barasu ni

⁸ Satefano ti sɔnɔ bo i diiri Nyeme ahɔroma wɔ beberebe, na Nyeme ama i yiko nahɔre su, na wɔ yo alekutura sa barasu barasu minem n nu. ⁹ Ama, na Yudafo nbem ayasu ajina ase akuruwa ni yiri. Nyini minem wo asese n bo bu fere i ka Ma De M Tii tientienbunɔ sɔ n nu wɔ. Bu nbem fite mie kpirim n bo bu fere bu ka Sirene, ni Alekizanderiya n wɔ. Na bu nbem gusu fite Silisiya ni Esiya dεε awɔrem n nu wɔ. ¹⁰ Ama, na Awiewie Casi ni ama Satefano alecira, na wɔ koro akan ayi bu. ¹¹ Nyini dεε ti, na ba ma mine nbem ηwaa ka bu kpie kɔre sɔ Satefano ka, ba ti ka wɔ kpie Moyisi ni Nyeme nzukɔ. ¹² Bu seeri sɔ n dεε ti, na ba ye minem yaa su, ni nkpienkpienm ni, ni Nyeme nɔaniε kerefɔm, na ba tara i akɔ Yudafo tereterefɔm dɔ. ¹³ Dɔ na ba fa mine nbem aba, na ba kpie kɔre asɔ i. Bu ηa, “Sanɔa kere ahin sɔnɔ n jɔjɔ ηgbεεnɔgbεεn wɔ fa kɔ ya Nyeme Sereebiri Awuru casi n su, na i kaaki jɔjɔ ηgbεεnɔgbεεn fa kɔ Nyeme nɔaniε kpamaawa su. ¹⁴ Ya ti ka i ηa, Yesu Nazaretifo ni bó fufu ya Nyeme Sereebiri Awuru n kere gɔ, na i kaaki ya nana sayoowam kere bo Moyisi fa kereeri ya ni.” ¹⁵ Na bere tereterefɔm n kere afa bu nyumbaa akpama Satefano ηu, na ba ηu ka i nyunuawa akaaki wo ka Nyeme mereke dεε su.

7

Kabo Satefano jɔjɔri barasu ni

¹ Na Nyeme sayoowa dɔnguyofɔm kere kpien n abisa Satefano ka, “Ahin jɔre n kere bo ba kan i n ti nahɔre wɔ?” ² Na Satefano abɔ i nu ka, “M sim ni m ninbaam, am so am sui na am ti fen. Kana ya na Abraham kɔ wo Harani mie kpiri n nu ni, Nyeme Kpiri n yo yiiri i ηu kereeri Abraham Mesopotamiya dεε asien n su wɔ. ³ Na wɔ se i ka, ‘Fite yaki u asien n bo a tana su ni, ni u minem, na m kere u asien bo m koro ka a kɔ tana su ni.’ ⁴ Nyini ti, na Abraham ayasu Kaladiya asien n su, na wɔ kɔ awo Harani mie kpiri n nu. I woori dɔ ye i si ba wuuri a. Nyini sin, na Nyeme ama wɔ yasu dɔ aba atana ahin asien n bo ya wo su kisa ni. ⁵ Nyini sanɔa, Nyeme nya fa má asien n haari kampiti sɔ mmɔɔ ma má Abraham na i se ka i ti i dεε. Nyeme yo seeri i ka i fá asien n ma i ni i busu nufɔm wɔ. Sanɔa bo i seeri i sɔ ni, na Abraham nya wu má baa. ⁶ Na Nyeme ase i ka, ‘U busu nufɔm bá kɔ yo wɔfɔm wɔ asien be su, na bu fá bu yo nkɔkɔm, na bu kere bu wahara agaya kɔ ju afo yaa nna.’ ⁷ Ama, na Nyeme ase ka, ‘M bá cin minem n bo bu fá u minem yo bu nkɔkɔm n sui, na m nyá yi u minem fite nyini asien n su, na bu káaki ba fen, na bu bá su m.’ ⁸ Dɔ na Nyeme afa sesesu na wɔ di i di ni Abraham, i ηa, ‘Baa kere bo a wuuri i, i ti ye ni ka a wura i kenkenne. Nyini kere ka a bita sesesu n bo ya di i di n a.’ Nyini ti, Abraham ba wuuri Izaki ni, i wuraari i kenkenne wɔ lemɔcue cεen. Na Izaki gusu aba wu Jakɔbu, na wɔ wura i

kenkenne i lemocue ceen, na Jakabu gusu aba awu i nbaa buru ni nnyom bo bu ti ya nam ni, na wo wura bu kenkenne lemocue ceen.

⁹ Na Jakabu nbaam n asi bu niema Yosefu kore, na ba to i afa ama Ijipiti asien n sufom. Ama, na Nyeme awo i do, ¹⁰ na wo yi i afite kekereke kere bo i tuuri i nu, na wo ma i alecira, na wo di Ijipiti Feme Faaro ahoroma. Na feme n afa i dika n kere, ni Ijipiti asien n ama i ka i nie i dika. ¹¹ Na ahoe aba ato Ijipiti, ni Kanana asienm n su, abi aboro mine nu, bo ya nam anya ma diire bo bu di. ¹² Na bu si Jakabu ati ka diire wo Ijipiti asien n su, na wo sunma i nbaam. Ciciri su dee sunma ni, na ba ko ato diire n aba. ¹³ Bu ba kpieeri bu nyi koori ajaari nnyo su ni, na Yosefu ayi i nu akere i sinbaam ni, na Feme Faaro gusu asi Yosefu dikafom. ¹⁴ Na Yosefu asunma i sinbaam n ka bu ko fa bu si, ni i dikafom kere ka bu bra i do Ijipiti asien n su. Minem kere ko yasuri aburaso ni nnu wo, bo bu baari Ijipiti asien n su. ¹⁵ Na Jakabu, ni i dikafom kere ako Ijipiti asien n su, do ye i ni i nbaam n kere ko wuuri a. ¹⁶ Na ba fa bu aba Sekem mie kpiri n nu, na ba se bu fanjunma n bo Abraham toori i jete nwaa beberebe Hamo nbaam do ni.

¹⁷ Sanga n ba dodoori bo deke n bo Nyeme yo seeri ka i yo ma Abraham n yo yiiwa ni, nyini sanga ni, na ya minem ni atere ade Ijipiti asien n kere su. ¹⁸ Bo woori do so o, haari na sono be aba adi Ijipiti asien n su feme, yiri asi ma Yosefu. ¹⁹ Na yiri ni afa sunsunni tie adadaka ya nam, na wo bita bu ni tie bita, na wo se ya nam ka bu fa bu nbaam fa tu, adena bu wu. ²⁰ Nyini sanga n ye bu wuuri Moyisi a, i yo ti baa bo i yo nyumi agaya Nyeme do o. Na ba bita i i si dika haari sara nsan, ²¹ na ba nya ayi i afite, na Feme Faaro wa baabara afa i ayo i kunnu wa. ²² Na ba kere i Ijipitifom ngonle ni alecira barasu barasu kere, na wo yasu, na i duma ata fa ko i sayoowa ni i jojowa kere nu.

²³ Sanga bo Moyisi ba juuri afo aburana ni, na i sunsunni ama i ka i ko nie i lamoko Yisarelifom busu. ²⁴ Na wo nu ka Ijipitifom be sukere Yisarelifo kun be wuwuruwa. I juuri i so ni, wo sun ma i nu, na wo ko abo akun Ijipitifo ni. ²⁵ Moyisi sunsunri ka, i dee minem ni ti i bu wo, ka, Nyeme ye wo yi i ka i ba de bu tii ji a, ama, ba ti ma i bu so. ²⁶ I alecin, na wo nu ka Yisarelifom mine nnyo sudi aluwa n bu nuju nu, na wo ko akpata bu, na wo se bu ka, 'Njam, am ti fen, m na am kere ti kun wo e, ye nzu ti ye am sudi aluwa?' ²⁷ Ama, na yiri n bo i sukere i benggu n wuwuruwa n asun Moyisi ako i sin, na wo bisa i ka, 'Nma fa u yoori ya niesufo ni ya joredifo a? ²⁸ A koro ka a kun mini gusu, kabo anuma a kuunri Ijipitifom wo, nzen se a?' ²⁹ Moyisi tiiri nyini jore n so ni, na wo nmati afite Ijipiti asien n su ako awo Madiya asien n su akaaki wofa do. Do na wo ba aja bara, na wo wu nbaabiesom nnyo.

³⁰ Na afo aburana sin, na Nyeme mereke be ayi i nu akere Moyisi boro kpantain n nu, fa dodo buka n bo bu fere i ka Sinayi n su, i nu ka sin fofoe be je buwe baka be su, ama, i yara ma, mereke n wo sin n nu. ³¹ Moyisi juuri i so ni, na wo yo alekutura, na wo cin adodo ka i nie i nyunyumi. Do na Micera n ajojo i do, ase i ka, ³² 'Mini ti u nam Nyeme a, u na Abraham, ni Izaki, ni Jakabu.' Na sere ati Moyisi, na i njunie subobo i, wo bo ma su ka i nie i kun. ³³ Na Micera n ase Moyisi ka, 'Deke bo a jina n ti m tiengu dee asien casi wo, cin yi u gbagbaa ni. ³⁴ Ma nu kabo m minem wo kekereke nu Ijipiti asien n su barasu. Ma nu kabo bu fiefie barasu, nyini dee ti ye ma jura aba ka m ba de bu tii ji. Bra na m sunma u Ijipiti asien n su.'

³⁵ To, yiri Moyisi ye Yisarelifom keteeri i n a, na ba bisa i ka, 'Nma fa u yoori ya niesufo ni ya joredifo a?' Moyisi, yiri ye Nyeme sunmaari i mereke i do baka n bo i je sin fofoe na i yara ma n su, na mereke n ase i ka i ko de minem tii ji na i yo bu kpien n a. ³⁶ Na wo du Yisarelifom mo, na wo yi bu afite Ijipiti asien n su, na wo yo alekutura sam beberebe do, ni kunma kpiri n bo bu fere i ka Kunma Kokore n su, ni sanga bo bu wo boro kpantain n nu afo aburana ni. ³⁷ Yiri Moyisi yo seeri

Yisarelifom ka, 'Nyeme bá yi am busu nufɔ be na i yó i noanie kanfo, kabo m ti ni.'
³⁸ Yiri Moyisi, i ni ya na Yisarelifom yo woori boro kpantain n nu n a, yiri ye Nyeme merেকে n jɔjɔri i do Sinayi Buka n su n a, yiri ye Nyeme yo faari i noanie n bo i ma ngɔɔ n maari i ka i fa ma ya nam n a. ³⁹ Ama, ya nam akoro má ka bu de i, na ba kete i na ba koro ka má bu kpie bu nyi kɔ Ijipiti asien n su. ⁴⁰ Na ba se Moyisi gɔɔ Aaron ka, 'Ta amɔem ma ya na bu du ya mɔ fa ya nati. Ya si má sa bo wɔ yo yiri Moyisi n bo i faari ya fiteeri Ijipiti asien n su ni.' ⁴¹ Na ba yiyi bu sikam, na ba fa ata amɔe ka nambaa dɛɛ su, na ba yo tie ama i, na ba su i, na ba di cɛenkpiri fa kɔ nyini deke n bo bere ni bu tii ayo i n su. ⁴² Nyini ti, na Nyeme akaaki i sin abo bu, na wɔ ma bu susu asarambaam bo bu wo angoro ni, kabo ba kere i Nyeme noanie kanfom dɛɛ kadasi n nu lɛɛ. Bu ɲa,

'Amberɛ Yisarelifom, am yo yoori yoowam boro kpantain n nu afo aburana ni,
 am yo maari mini wɔ?

⁴³ Ai, am yo sɔɔri amɔe n bo bu fere i ka Mɔleki na am afa tani abo i nambue n so i nati wɔ,

ni amɔe n bo bu fere i ka Refani na i ti ka asarambaa be ni.

Bere ye am ta bu ka amɔem ye am su bu a.

Nyini ti, ye m má bu taraari am kɔ mie be bo i sin Babilon mie kpiri n ɲu n a.'

⁴⁴ Ya nam ni, bere yo laari nambue n bo i kere ka Nyeme wo bu do n boro kpantain n nu a. Bu yoori i kabo Nyeme kereeri Moyisi ka i yo i n wɔ. ⁴⁵ Ya nam yo faari nyini nambue n maari bu sinfom wɔ, na bu ni bu mɔfo Yosuwa afa i akɔ asien n bo Nyeme fon yiiri minem su na i fa maari bu ni. Na nyini nambue n awo bu do haari Feme Davidi sanɲa. ⁴⁶ Na Feme Davidi adi ahɔɔroma Nyeme do, na wɔ sere Nyeme ka i ma i ta awuru bo Jakobu ni i dikafom fa su Nyeme. Feme Davidi akoro ata má i, ⁴⁷ ama, i wa Feme Solomon yo taari awuru n maari Nyeme a. ⁴⁸ Haari ni nyini mmɔɔ, Micera Nyeme Kpiri n yiri tana má awuru bo adamande ata i nu, kabo Nyeme noanie kanfo n ajojo i ni. I ɲa,

⁴⁹ 'Micera n ɲa o,

Angoro ni ti m femeya tanaabiri a,
 na asienɲu nya ti deke bo m jaa gbagbaa tien.

Ye am ta nzu awuru barasu ma m a?

Am nya nyini fofoe n ni ye m wo nu a?

⁵⁰ Má mini yoori ahin dekem ni kere a? "

⁵¹ Na Satefano akaaki ase bu ka, "Amberɛ, am ahorembaa ti kekereke, na am sui ti tantanantan ka minem bo bu su má Nyeme ni. Am nati kete Nyeme Awiewie Casi n wɔ, kabo am nam yo yoori lɛɛ. ⁵² Nyeme noanie kanfo bono ye am nam akere má i wuwuruwa? Na ba kun minem ni, bo bu seeri ka Sɔno n bo i yo sa bo i kɔ atin su ni bá ni. ⁵³ Amberɛ ye Nyeme yo sunmaari i merékem ye bu faari i noanie kpamaawa maari am n a, ama, am ade má i."

Kabo bu tuuri Satefano yabue bo kuunri i barasu ni

⁵⁴ Kabo Satefano jɔjɔri so ni, na yaa ati Yudafo tereterefom n agaya, na ba kan bu noo awura nu, na bu sukpeɛ bu jee. ⁵⁵ Ama, na Awiewie Casi n awura Satefano ɲu, na wɔ tu i tii anie angoro, na wɔ ɲu kabo Nyeme woowa ata papasi barasu. Na wɔ ɲu ka Yesu jina Nyeme saa fomboro su. ⁵⁶ Na wɔ se bu ka, "Am nie, ma ɲu ka angoro n ateke ye Adamande Wa n jina Nyeme saa fomboro su." ⁵⁷ I seeri so ni, na Yudafo tereterefom n atien kpa, na ba fa bu saa ato bu suim. Do na ba kaba abereki ato Satefano ɲu. ⁵⁸ Na ba cin i afite mie n aheme, na bu sutu i yabue, na bere bo bu di daani jaraki i, na bu sutu i yabue, na ba yi bu suturam ama gbefene anyunutifo be ka i sunie bu dika, bu fere nyini gbefene n ka Soolu. ⁵⁹ Bu wo Satefano yabue n tu su so ni, na i gusu subo fere Mibie ni, i ɲa, "M Mibie Yesu, de m ngɔɔ ni." ⁶⁰ Na wɔ kutu

asiɛŋgu, na wɔ bo awie kpa, i ŋa, “M Mibiɛ, má a fa bu ŋgasi fa kɔ sa n bo bu suyo i n su.” I seeri sɔ wieeri ni, kpenɛa na i ni durunya n akpaaki.

8

¹ Sɔɔlu yo soroori su ka bu kun Satefano a.

Kabo Sɔɔlu kereeri Kristo jama n wuwuruwa barasu ni

Nyini cɛɛn n gbingbin ye bu boori i bu kereeri Kristo jamam wuwuruwa agaya, bere bo bu wo Yerusalem miɛ kpiri n nu ni. Na bu kere anmati asandi akɔ Yudiya, ni Samariya dɛɛ awɔre n kere nu, i kɔ kaari Yesu jaramasam ni ŋgumi wɔ, Yerusalem miɛ kpiri n nu a. ² Na Nyemɛ sufo nbem akɔ ayo Satefano sutura, na ba sun sukoko agaya. ³ Ama, na Sɔɔlu aboro i nyi kabo i yo na i ka Kristo jama ni ŋgbɛɛn, na i suwura awuru awurum nu, na i sucin yi yaradayofɔm ni, nbaram ni nbiesɔm kere, na i ma bu kɔ nyi bu dansaraka.

Kabo Filipu kaanri labari kpa n jɔre kereeri Samariyafɔm ni

⁴ Yaradayofɔm n bo bu sandiiri awɔre n kere nu ni, na ba nati sukan labari kpa n kere minem kere. ⁵ Na Filipu akɔ Samariya miɛ kpiri n su, akɔ sukan kere minem fa kɔ Kristo, Tiidefo n bo Nyemɛ ase ka i súnma i ni. ⁶ Na wɔ yo alekutura sam. Bu tiiri kabo i jɔjɔ na bu ŋuuri alekutura sam bo i yoori bu ni, na bu kere aso bu sui nyunyumi, na ba ti kabo i se ni. ⁷ Na wɔ fɔn ayi ajinim mine dɔŋgu ŋu. Bu ba sufite yaki minem ni, bu tien ni fanɛa su na bu fite. Na minem beberebe bo bu saam ni bu jaam awu ni, ni wɔbukam kere anya laifɛ. ⁸ Nyini ti, na ahorejɔ bambaka aba Samariya miɛ kpiri n nu.

⁹ Na sɔnɔ be ayo awo Samariya miɛ kpiri n nu, bu fere i ka Simon, i nati yo boboyaya wɔ, na minem bo bu wo miɛ n nu ayo alekutura, na i sukere i ŋu ka i ti sɔnɔ bambaka a. ¹⁰ Na sɔnɔ kere, tarakam ni nfanɛafɔm kere asoro su ka yiri la Nyemɛ dɛɛ yiko n a. Na ba fere i ka Yiko Bambakafo n bo i fite Nyemɛ dɔ n a. ¹¹ Deke bo i ti na bu koro i jɔre n la ka, i yo yoori nyini boboyaya juma n bu dɔ ace. ¹² Ama, sanɛa bo Filipu ba kaanri labari kpa n jɔre n fa kɔ Nyemɛ femeya n ni Yesu Kristo dɛɛ atin n su, na bu deerɛ i nɔaniɛ ni, na wɔ bie bu Nyemɛ nzue, nbaram ni nbiesɔm kere. ¹³ Na Simon mmɔɔ ni i tii ayo yarada, na Filipu abie i Nyemɛ nzue, na i susu Filipu su deke kere bo i kɔ, na wɔ ŋu abonɔ sam barasu beberebe bo Filipu yoori bu ni, na wɔ yo i alekutura.

¹⁴ Na Yesu jaramasam bo bu wo Yerusalem miɛ kpiri n nu n ati ka Samariyafɔm gusu ade Nyemɛ nɔaniɛ n ni, nyini ti, na ba sunma Petoro ni Yohane bu dɔ. ¹⁵ Sanɛa bo bu kɔ juuri dɔ ni, na ba sere Nyemɛ ama bere bo ba yo yarada ni, adena Awiewie Casi n wura bu ŋu. ¹⁶ Dama ba bie bu Nyemɛ nzue ya Mibiɛ Yesu dɛɛ duma n nu wɔ, ama, Awiewie Casi n nya wura má bu ŋu. ¹⁷ Na Petoro ni Yohane afa bu saa anana bu tii su, na ba sere Nyemɛ ama bu, na Awiewie Casi n awura bu ŋu. ¹⁸ Simon ŋuuri ka Yesu jaramasam faari bu saa nanaari yaradayofɔm ni tii su, na bu sereeri Nyemɛ maari bu, na Awiewie Casi n wuraari bu ŋu ni, na wɔ fa ŋwaa aba ka i fa ma Petoro ni Yohane, ¹⁹ na wɔ se bu ka, “Am ma mini mmɔɔ ahin yiko n be, adena sɔnɔ kere bo m fa m saa nana i ŋu na Awiewie Casi n wura i mi ŋu.” ²⁰ Ama, na Petoro ase i ka, “Wɔrɔ, u ni u ŋwaa kere ka ŋgbɛɛn, dama a sunsun ka a koro fa ŋwaa to Nyemɛ aceeri n wɔ. ²¹ U saa wo má juma n nu fieo, dama u sunsunni ti má kpa Nyemɛ dɔ. ²² Kaaki u wo fa kɔ u satie n bo a bita i n su, na a sere Nyemɛ, adena nyini sunsunni tie n bo i wo u ahore su ni, i fá ce u. ²³ Dama ma ŋu ka u ahorembaa yo wi agaya, na u satie akunma u.” ²⁴ Dɔ na Simon ase Petoro ni Yohane ka, “Jande, am sere Mibiɛ n ma m, adena má ahin sam kere bo am ajɔjɔ i n be ba tu m.”

²⁵ Petoro ni Yohane diiri daani n na bu kaanri Mibiε n labari kpa n jɔrε kereeri miε wieeri ni, na ba kpie bu nyi akɔ Yerusalem miε kpiri n nu. Bu wo kɔ su ni, na ba kan labari kpa n Samariya miε aheme aheme dɔngɔ su.

Filipu ni Itiyopiya sɔnɔ n jɔrε ni

²⁶ Na Micera n mereke aba ase Filipu ka, “Yasu na a fa wiε atɔɔri u saa biε su dεε atin n bo i fa Yerusalem miε kpiri n nu fa kɔ Gaza miε kpiri n nu ni.” I ti atin bo i fa boro kpantain n nu wɔ. ²⁷ Na Filipu ayasu, na wɔ kɔ, i wo kɔ su n na wɔ kɔ atu Itiyopiya sɔnɔ bo i fite Itiyopiya asien su, i la jinaabiri bambaka, yiri niε Itiyopiya fεmε bara n nenje kere su a. Wɔ kɔ asu Nyεmε Yerusalem ²⁸ sukpie i nyi kɔ awuru, i tana i kpɔngɔ toroku nu wɔ, na i sukan Nyεmε nɔaniε kanfɔ Esaya dεε kadasi ni. ²⁹ Na Awiewiε Casi n ase Filipu ka, “Cin dodo kpɔngɔ toroku n na a su i su.” ³⁰ Na wɔ ηmati akɔ ati ka i sukan Nyεmε nɔaniε kanfɔ Esaya dεε kadasi ni. Na wɔ bisa sɔnɔ n ka, “A ti kadasi n bo a sukan i n bu?” ³¹ Na sɔnɔ n abɔ i nu ka, “M yo sε ti i bu a, bo mǎ ka sɔnɔ akan i bu akere m?” Na wɔ se Filipu ka i wura toroku n nu ba tana i bi. ³² Nɔaniε n bo i wo i kan su n la bo ba kere i ka,

“Yiri ti ka bɔε bo bu sufa i kɔ kpie i kɔm wɔ,
i kaaki ti ka bɔmbaa bo bu sukpiekpie i ndɔrε,
na i sun mǎ,
sɔ ye wɔ se mǎ jɔrε be a.

³³ Bu yo faari i wuraari jɔredifɔm saa nu wɔ,
na ba kpie kɔrε asɔ i, na ba wura i nyinsε.

Be wo mǎ bere bo i bǎ koro jɔjɔ fa kɔ i busu nufɔm dɔ,
dama bu yo yiiri i ηgɔɔ durunya n nu fεn.”

³⁴ Na Itiyopiya sɔnɔ n abisa Filipu ka, “Jande, m koro ka a se m, Nyεmε nɔaniε kanfɔ n yo jɔjɔ ahin jɔrε n ni ηma a? I jɔjɔ niiri i ηu wɔ, nzen be a?” ³⁵ Dɔ na Filipu abo i bu ni nyini Nyεmε Jɔrε Kadasi n bo yiri sɔnɔ n sukan i ni, na wɔ kan Yesu labari kpa n jɔrε n akere i. ³⁶ Bu wo kɔ su ni, na ba kɔ aju awɔrε be nu, na ba ηu nzue, na sɔnɔ n ase i ka, “Niε, nzue yaa e, ye nzu kanda ka a koro biε mǎ m Nyεmε nzue a?” [³⁷ Na Filipu abɔ i nu ka, “Nzen a yoori Yesu Kristo yarada ni u ahorembaa kere, m koro biε u.” Na sɔnɔ n ase i ka, “Ma yo yarada ka Yesu Kristo ti Nyεmε Wa n a.”] ³⁸ Na wɔ ma toroku n ajina, na bu kere ajura awura nzue n nu, na Filipu abiε i Nyεmε nzue ni. ³⁹ Na ba fite nzue n nu, bu fite wieeri ni, na Mibiε n Awiewiε n akaba akpara Filipu akɔ, sɔnɔ n aηu mǎ i kun, na wɔ kɔ awuru ni ahorejɔ. ⁴⁰ Na Filipu aηu ka i wo miε kpiri n bo bu fere i ka Azotusi n nu, na wɔ yasu dɔ sukɔ, na wɔ kan labari kpa n akere minem miε kere bo i siinri su ni, haari na wɔ kɔ aju Sizariya miε kpiri n nu.

9

Kabo Sɔɔlu wo kaakiiri barasu ni

¹⁻² Nyini sangga n kere ni, na Sɔɔlu suboro i nyi se kabo i yo na i kere Yesu susufɔm n wuwuruwa haari i bǎ kun bu. Na wɔ koro ka i kɔ Damasiko miε kpiri n nu, na i kɔ tara nbaram ni nbiesɔm bo bu su Yesu atin su ni, na i wura bu jɔrɔkɔ, na i fa bu ba Yerusalem miε kpiri n nu. Nyini dεε ti, na wɔ kɔ Nyεmε sayoowa dɔnguyofɔm kere kpian n dɔ, akɔ ade kadasi bo i koro la atin wura Yudafɔm tientienbunɔɔ sɔɔm n nu na i tara bu. ³ Na wɔ de atin akɔ, i kɔ sudodo Damasiko, na sin akaba afite aηgoro ata abara aye i. ⁴ Na wɔ kpaasi haari asienɔgu, na wɔ ti akonvi be ηga, i ηa, “Sɔɔlu, Sɔɔlu e, nzu ti ye a kere m wuwuruwa sɔ a?” ⁵ Na wɔ bisa ka, “M Mibiε, wɔrɔ ηma a?” Na wɔ bɔ i nu ka, “Mini Yesu, mini ye a kere m wuwuruwa n a. ⁶ Ama, yasu jina na a wura miε n kunnu na m mǎ sɔnɔ be kere u deke bo wɔ yo daka ka a yo ni.” ⁷ Na minem n bo bu su Sɔɔlu su n aka ajina surum, ba koro ase mǎ jɔrε be, bu

tiiri akonvi ni nga a, ama, ba ɲu má sɔnɔ be. ⁸ Na Soolu ayasu ajina, na wɔ teke i nyumbaa, ama, wɔ ɲu má asi. Nyini ti, na ba so i saa nu, na ba cin i awura Damasiko miɛ n kunnu. ⁹ I woori dɔ, i lesan bo wɔ nya koro ɲu má asi, nyini saɲga n gusu, i di má, i nu má.

¹⁰ Yesu susufɔ n kun be woori Damasiko miɛ kpiri n nu dɔ, bu fere i ka Ananiyasi. Na Mibiɛ ni aba i dɔ ka alɛɛ nu. Na wɔ jɔjɔ i dɔ ka, “Ananiyasi.” Na wɔ bɔ i nu ka, “M Mibiɛ, mini yaa.” ¹¹ Na Mibiɛ n ase i ka, “Yasu, fa atin n bo bu fere i ka Atingbere Tengeewa n su, na a kɔ sɔnɔ n bo bu fere i ka Yudasi n dika, na a bisa ka a koro sɔnɔ be bo bu fere i ka Soolu ni, na i fite miɛ kpiri n bo bu fere i ka Tarasu n wɔ. Yiri Soolu n wo dɔ wo nyemesere su, ¹² wɔ ɲu sɔnɔ be ka alɛɛ nu, bu fere i ka Ananiyasi, wɔ wura i dɔ afa i saa anana i ɲu ka i kaaki ɲu asi bekun.” ¹³ Na Ananiyasi abɔ i nu ka, “M Mibiɛ, mine dɔngɔ akan nyini sɔnɔ n jɔrɛ akere m, kabo i kere u minɛm ni wuwuruwa Yerusalem miɛ kpiri n nu barasu. ¹⁴ Ye wɔ de yiko afite Nyeme sayoowa dɔnguyofɔ nkpienkpienm dɔ, aba Damasiko fɛn, na i ba tara minɛm bo bu su u n kɛrɛ.” ¹⁵ Ama, na Mibiɛ n ase i ka, “Kɔ, dama mini ye ma yi i ka i yo m juma a, na i kɔ bo m duma kere minɛm bo bu ti má Yudafɔm ni, ni bu nfemɛm, ni Yisarelifɔm, adena bu si m. ¹⁶ Na m kɛrɛ i wahara n kɛrɛ bo wɔ yo daka ka i di i, mini dɛɛ ti ni.” ¹⁷ Nyini ti, na Ananiyasi akɔ Yudasi dika, na wɔ wura Soolu dɔ, na wɔ fa i saa anana i ɲu, na wɔ se i ka, “M niwa Soolu, ya Mibiɛ ni sunmaari m u dɔ a, yiri Yesu n ye i yiiri i ɲu kereeri u saɲga bo a wo atin n nu suba n a. Yiri sunmaari m ka m ba ma a ɲu asi bekun, na Awiewiɛ Casi n wura u ɲu a.” ¹⁸ Kperɲga na deke be afite Soolu nyumbaa n nu atɔ, i ti ka jombaa bui wɔ. Na wɔ kaaki aɲu asi bekun. Na wɔ yasu ajina, na Ananiyasi abie i Nyeme nzue, ¹⁹ na wɔ di diire, na wɔ nya fanga bekun.

Kabo Soolu kaanri Nyeme jɔrɛ Damasiko miɛ kpiri n nu barasu ni

Na Soolu awo Yesu susufɔm n dɔ lennyɔ Damasiko miɛ kpiri n nu. ²⁰ Na wɔ kaba sukan Nyeme jɔrɛ Yudafɔm tientienbunɔɔ sɔɔm nu, ka Yesu ti Nyeme Wa n a. ²¹ Na jɔrɛ n amie minɛm kɛrɛ bo bu tiiri ka i sukan Nyeme jɔrɛ ni, na ba bisa bu ɲuɲu nu ka, “Má sɔnɔ n bo i wo Yerusalem miɛ kpiri n nu kun minɛm bo bu su Yesu su n lɛɛ? Ye kisa wɔ ba fɛn ka i ba tara minɛm wura bu jɔrɔkɔ, fa bu kpie bu nyi kɔ ma Nyeme sayoowa dɔnguyofɔ nkpienkpienm ni, má sɔ?” ²² Ama, na Soolu anya fanga abuka su, na wɔ kan akunma Yudafɔm bo bu wo Damasiko n nu, na wɔ kan ateke bu nyi na wɔ ma ba si ka Yesu ti Kristo n a, Tiidefɔ n bo Nyeme ase ka i súnma i ni.

²³ Na wɔ yo lennyɔ, na Yudafɔm n atien bu nɔɔ afa sesesu kabo bu yo na bu kun Soolu, ²⁴ ama, na wɔ ti kabo ba sesesu ka bu kun i ni. Na ba ɲminda i miɛ ni anɔm n nu, wiesu ni kɔɲgue, ka nzen i ba sufite na bu kun i. ²⁵ Ama, na cɛɛn n be kɔɲgue, na Soolu susufɔm afa i awura kandie nu, na ba fa i accɔndi miɛ n kobe tukoro nu ase.

Kabo Soolu kɔ juuri Yerusalem miɛ kpiri n nu ni

²⁶ Saɲga bo Soolu kɔ juuri Yerusalem miɛ kpiri n nu ni, na wɔ koro ka i fa i ɲu bo Yesu susufɔm n su, na i ni bere yo kun, na sere ati bu, dama ba yo má yarada ka i ti Yesu susufɔm n be wɔ. ²⁷ Dɔ na Banabasi afa i akɔ Yesu jaramasam n dɔ. Na yiri Banabasi akan akere bu kabo Soolu wo atin n nu sukɔ Damasiko miɛ kpiri n nu, na i ɲuuri Mibiɛ ni, ni kabo Mibiɛ n jɔjɔori i dɔ barasu ni, ni kabo Soolu kaanri Nyeme jɔrɛ Yesu duma nu Damasiko, ni ahoresi ni. ²⁸ Banabasi seeri sɔ ni, na ba soro su, na Soolu awo bu dɔ Yerusalem, na i sujengbe sukan Nyeme jɔrɛ Yesu duma nu, ni ahoresi. ²⁹ Na i ni Yudafɔm bo bu jɔjɔ Giriki anie ni abo anzama haari na ba se akuruwa ni bu berɲu. Na ba koro ka bu kun i. ³⁰ Saɲga bo yaradayofɔm n tiiri ahin

jɔrɛ n sɔ ni, na ba fa Soolu akɔ aju Sizariya miɛ kpiri n nu, na ba ma wɔ kɔ Tarasu miɛ kpiri n nu.

³¹ Na Kristo jama n anya faŋga abuka su, na bu susoro Mibiɛ n nahɔrɛ su, na bu suwo ni Awiewiɛ Casi n dɛɛ ahoresi nu, na bu sunya minɛm subuka su.

Kabo Petoro yoori abonɔ sam ni

³² Na Petoro ajɛŋgbe ka i bara yɛ awɔrɛ n kɛrɛ, na cɛɛn n be sɔ ɔ, na wɔ kɔ ka i kɔ niɛ Nyɛmɛ minɛm n bo bu wo Luda dɛɛ miɛ kpiri n nu n busu. ³³ Dɔ na wɔ kɔ aju sɔnɔ be, bu fere i ka Aniyasi, i saam ni i jaam kɛrɛ awu, i da sɔrɔ ɔ, i afɔ mɔcɛ lɛɛ bo i koro yasu má. ³⁴ Na Petoro ase i ka, “Aniyasi, Yesu Kristo ama u laifiɛ. Yasu na a nyanya u dasu ni.” Kpɛŋga na wɔ kaba ayasu. ³⁵ Minɛm kɛrɛ bo bu wo Luda miɛ kpiri n nu, ni bo bu wo Saroni awɔrɛ n nu n kɛrɛ ŋuuri i sɔ ni, na ba kaaki bu wo na ba fa bu ŋu ama Mibiɛ ni.

³⁶ Bara be yo woori miɛ kpiri be bo bu fere i ka Jopa n nu, bu fere i ka Tabita, i ti Yesu susufɔ ɔ, bu fere i duma Giriki anie nu ka Dɔkasi, i bu la ka aja. I yo sakpa wɔ saŋga kɛrɛ, na i si yaarifɔm aɲunfɔ. ³⁷ Ama, na wɔ ba ada tukpaki na wɔ wu, na ba bie i nzue, na ba fa i ada aŋgoro sɔɔ nu. ³⁸ Jopa gusu waari má ni Luda, na saŋga bo Yesu susufɔm bo bu wo Jopa n tiiri ka Petoro wo Luda ni, na ba sunma mine nnyɔ i dɔ ka i yo anie na i bra ndende. ³⁹ Nyini ti, na Petoro ayasu asu bu su na bu kɛrɛ akɔ. Saŋga bo i kɔ juuri ni, na ba fa i afun akɔ aŋgoro sɔɔ n nu, na nkunafɔm kɛrɛ atien bu nɔɔ abara aye i, na bu susun, na ba fa tanlɛɛm ni tani barasu barasu bo Dɔkasi la ŋɔɔ na i kpa maari bu n akere yiri Petoro. ⁴⁰ Na Petoro afɔn bu kɛrɛ afite sɔɔ n nu, na wɔ kutu i naŋgoroma su, na wɔ sere Nyɛmɛ, na wɔ kaaki i nyunu awɔ fuin ni, na wɔ se i ka, “Tabita, yasu.” Saŋga bo i tekeeri i nyumbaa ni, na wɔ ŋu Petoro, na wɔ yasu atana. ⁴¹ Na Petoro aso i saa nu abuka i, na wɔ yasu ajina, na wɔ fere Nyɛmɛ minɛm n ni nkunafɔm ni kɛrɛ, na wɔ fa i akere bu ka wɔ tenge. ⁴² Na nyini labari ni abara aye Jopa miɛ n kɛrɛ nu, na mine beberebe ayo Mibiɛ n yarada. ⁴³ Na Petoro awo Jopa lennyɔ, i yo woori jɛrɛkɛ be dika a, bu fere i ka Simon.

10

Petoro ni Koneliyo dɛɛ jɔrɛ

¹ Sɔnɔ be yo woori Sizariya miɛ kpiri n nu, bu fere i ka Koneliyo, i ti Romafɔ sojam n kpɛɛn wɔ, i niɛ soja mbaa yaa su a. Bu fere nyini soja jama mbaa n ka Itali sojam. ² Koneliyo ti sɔnɔ bo i su Nyɛmɛ atin su wɔ, i ni i dikaɔm kɛrɛ, na bu soro Nyɛmɛ. Na i suyo sakpa ma Yudaɔm bo bu ti yaarifɔm ni, na i susere Nyɛmɛ saŋga kɛrɛ. ³ Na cɛɛn n be wiesu kerefi nsan saŋga, na wɔ kaba aju Nyɛmɛ mɛrɛkɛ be, na mɛrɛkɛ n aba ase i ka, “Koneliyo.” ⁴ Na wɔ niɛ i gbirim, na sere ati i, na wɔ bisa i ka, “M Mibiɛ, nzu a?” Na mɛrɛkɛ n abɔ i nu ka, “Nyɛmɛ ade u sere, wɔ ŋu sakpa n bo a yo ama yaarifɔm ni, i wara koro fi má nyini sam kɛrɛ. ⁵ Tɔ, kisa, sunma minɛm na bu kɔ Jopa miɛ kpiri n nu na bu kɔ fere sɔnɔ bo bu fere i ka Simon Petoro ni. ⁶ I wo jɛrɛkɛ be dika a, bu fere i gusu ka Simon, i dika n wo fa dodo tieku n wɔ.” ⁷ Mɛrɛkɛ n jɔjɔri i dɔ wieeri ni, na wɔ kɔ, na Koneliyo afere i ngbɛfenɛm nnyɔ, ni soja kun be bo i su Nyɛmɛ atin su na i wo i dika ni. ⁸ Na wɔ kan jɔrɛ n kɛrɛ bo mɛrɛkɛ n seeri i ni akere bu, na wɔ sunma bu Jopa miɛ kpiri n nu.

⁹ Na alecin ŋgarama, na ba de atin na bu kɔ Jopa, bu kɔ sudodo dɔ fa kɔ wɛ kekete saŋga, na Petoro gusu ayasu afun sɔɔ su ka i sere Nyɛmɛ. ¹⁰ Na ahɔɛ ati i, na wɔ koro deke be i di. Saŋga bo bu wo diire n yo su ni, na deke be aba i dɔ ka alɛɛ nu dɛɛ su. ¹¹ Na wɔ ŋu ka aŋgoro n ateke, na wɔ ŋu deke be i ti ka tani bambaka wɔ, ba cici i bue nna n kɛrɛ, i succɔndi ba asiɛŋgu. ¹² Ajaanna barasu kɛrɛ, ni cinbukunnusufɔm barasu kɛrɛ, ni lanɲkpetɛfɔm barasu kɛrɛ ka bu wo nu. ¹³ Na wɔ ti akonvi be ŋga, i

ɲa, “Petoro, yasu na a kun di.” ¹⁴ Ama, na Petoro ase i ka, “M Mibiε, ai. M nya di má deke bo i ti ciire na i la fin.” ¹⁵ Na akonvi n akaaki ase i bekun ka, “Deke kere bo Nyeme ayo i casi, má a se ka i ti fin.” ¹⁶ Deke n yoori so ko juuri kun kun kpe nsan a, na wo kaba afun ako angoro.

¹⁷ Sangga n bo Petoro subirisi fa ko deke n bo wo ɲu i n su ni, nyini sangga, minem bo Koneliyo sunmaari bu ni, abisa asi Simon dika, na ba ka ajina awuru n ano nu. ¹⁸ Na ba fere sono be, abisa i ka, Simon Petoro wo do o? ¹⁹ Petoro toko wo sunsun su, fa ko deke bo i baari i do ka alele nu n bu. Do na Awiewie Casi n ase i ka, “Ti fen. Mine nsan nbem wo fen sunienie u busu. ²⁰ Nyini ti, yasu na a jura, na u ni bere ko, má a yo sika, dama mini sunmaari bu a.” ²¹ Na Petoro ajura ako minem n do, na wo se bu ka, “Mini ye am nienie m n a. Am natiiri bu la ka se wo?” ²² Na ba bo i nu ka, “Sojam kpien Koneliyo sunmaari ya u do a. I ti sono kpa a, na i soro Nyeme, na Yudafom kere bu i agaya. Nyeme mereke be seeri i ka i fere u, na a ba i dika na a ba kan jore bo a la i kere i a.” ²³ Nyini ti, na Petoro ade minem n awura, na ba da i do.

Alecin ngarama, na Petoro ayasu, na i ni minem n ako, bu sukoni, na yaradayofom nbem bo bu wo Jopa n gusu asu i su ako. ²⁴ Na i alecin fofore, na ba ju Sizariya, bu ko ɲu ka Koneliyo atien i lamosim, ni i danfo kpam noo sunminda yiri Petoro. ²⁵ Sangga bo Petoro ko ɲa i wura awuru n nu ni, na Koneliyo akpa i atin akutu i jaa bu haari asienɲu, na wo su i. ²⁶ Ama, na Petoro aye i su ajina, na wo se i ka, “Mini ni m tii mmoo, ti adamande wo.” ²⁷ Petoro ni Koneliyo bitaari anzama so o haari bu ko wuraari awuru n nu, do na wo ɲu ka mine beberebe atien bu noo. ²⁸ Na wo se bu ka, “Amberε mmoo ni am tii si ka, i ti ciire wo ka yere Yudafom fa ya ɲu sangga ni daanfie barasu be nu, wara ya wura bu dika. Ama, Nyeme akere m ka má m sinndi sono be ka i woowa ti fin. ²⁹ Nyini ti, ye a sunma fereeri m ye ma kete má ye ma ba n a. M koro ka m bisa u wo, nzu ti ye a sunma fereeri m a?”

³⁰ Na Koneliyo ase i ka, “I nyuma lenna lee, ka ahin sangga n so, fa ko wiesu kerefi nsan, m wo m dika n nu wo nyemesere su, na sono be akaba aba ajina m nyunu, i wura sutura fofoe papasi, ³¹ na wo se m ka, ‘Koneliyo, Nyeme ade u sere, ye wo tenge u sakpa bo a yo ama yaarifom n su. ³² Nyini ti, sunma na bu ko Jopa, na bu ko fere Simon Petoro ni. I wo jereke be dika a, bu fere i gusu ka Simon, i dika n wo dodo tieku n wo.’ ³³ Nyini ti, ye m kaba sunmaari ka bu fere u n a, ye woro gusu a yo sakpa ye a ba. Kisa, ya kere gusu atien ya noo fen Nyeme nyunu, na ya ti deke n kere bo Mibiε n ama u noo ka a fa ma ya ni.”

Kabo Petoro kaanri Nyeme jore n Koneliyo dika ni

³⁴ Na Petoro anya ase ka, “Kisa, ma si nahore su ka adamande kere ti kun wo Nyeme do, i tambu má nu. ³⁵ Sona kere bo i soro Nyeme na i yo sa bo i ko atin su i do, i mi koro i ti nzu daanfie sono, Nyeme de i wo. ³⁶ Am si labari n bo Nyeme fa maari Yisarelifom, nyini labari kpa n kere ka minem nya tanalaifie Yesu Kristo dee ti, yiri ti sono kere Mibiε a. ³⁷ Am kere si sa bo i boori i bu Galili dee awore n nu, sangga bo Yohane kaanri Nyeme nzue bie n jore ni, haari na wo bara aye Yudiya dee awore n kere nu. ³⁸ Am si Yesu Nazaretifo n jore ni, kabo Nyeme faari i Awiewie Casi n ni yiko n wuraari i ɲu ni, ni kabo i nati bara yeeri deke kere suyo sakpa sutuntun minem kere bo Sitana mie bu n na bu nya laifie, dama Nyeme woori i do a. ³⁹ Yere, ya ɲuuri deke n kere bo i yoori bu Yudafom dee asien su, ni Yerusalem mie kpiri n nu ni. Na ba kpama i baka jaanu n su, na wo wu. ⁴⁰ Ama, i lesan ceen, na Nyeme atenge i afite i yiwee n nu, na Nyeme ama minem anu i. ⁴¹ Má sono kere ɲuuri i a, ama, yere bo Nyeme du mo yiiri ya ka ya di i daani ni, yere ɲuuri i a, na ya ni yiri asanga adi, na ya nu, sangga bo i tengeeri ni. ⁴² Na wo ma ya noo ka ya ko kan labari kpa n kere minem na ya di daani ka, yiri ye Nyeme ayi i ka i ba di ngoofo, ni bo ba wu n kere

jɔrɛ a. ⁴³ Nyɛmɛ nɔaniɛ kanfɔm kɛrɛ yo jɔjɔri Yesu jɔrɛ, bu ɲa, ‘Sɔnɔ kɛrɛ bo i yoori i yarada, Nyɛmɛ fá i mi satie bo wɔ yo i fa ce i, Yesu dɛɛ duma n nu.’ ”

Kabo Awiewie Casi n wuraari minem bo bu ti má Yudafɔm n ɲu ni

⁴⁴ Saɲga bo Petoro toko jina wo jɔjɔ su ni, na Awiewie Casi n aba awura minem kɛrɛ bo bu jina suti labari n ɲu. ⁴⁵ Na Yudafɔm bo bu ti yaradayofɔm na bu suuri Petoro su fiteeri Jopa miɛ kpiri n nu baari n ayo alekutura, kabo Nyɛmɛ afa i Awiewie Casi n awura minem n bo bu ti má Yudafɔm mmɔɔ ɲu ni. ⁴⁶ Na bɛrɛ Yudafɔm ni, ati ka minem n sujɔjɔ anie barasu barasu sukansi Nyɛmɛ. Na Petoro ase ka, ⁴⁷ “Nyɛmɛ afa i Awiewie Casi n awura ahin minem n ɲu, kabo i fa wuraari ya ɲu ni. Ye ɲma koro kete ka má ya biɛ bu Nyɛmɛ nzue a?” ⁴⁸ Nyini ti, na Petoro ama nɔɔ ka bu biɛ bu Nyɛmɛ nzue, Yesu Kristo duma n nu. Na ba sere i ka i wo bu dɔ lennyɔ.

11

Kabo Petoro kaanri i sa n bu kereeri Kristo Jama n Yerusalem ni

¹ Na Yesu jaramasam ni, ni yaradayofɔm n kɛrɛ bo bu wo Yudiya awɔrɛ n nu n ati ka, minem bo bu ti má Yudafɔm n gusu ade Nyɛmɛ nɔaniɛ n ayo i yarada. ² Nyini ti, saɲga bo Petoro kɔ Yerusalem miɛ kpiri n nu ni, na Yudafo yaradayofɔm nbem ajaraki i. ³ Bu ɲa, “Nzu ti ye a kɔ minem bo bu wura má kenkenɛ n dika ye u ni bɛrɛ kɔ saɲga di diire a?” ⁴ Dɔ na Petoro abo i bu, na wɔ kan kabo jɔrɛ n kɛrɛ boori i bu kun kun n akere bu. ⁵ I ɲa, “M wo Jopa miɛ kpiri n nu, wo nyɛmɛsere su ni, na ma ɲu deke be, i yo m ka alɛɛ dɛɛ su wɔ. M ɲuuri deke be, i ti ka tani bambaka wɔ, ba cici i bue nna n kɛrɛ, i succɔndi fite angoro n nu suba asiɛngɔ, na wɔ ba ajina m bi. ⁶ Na ma niɛ i nu nyunyumi, na ma ɲu ajaannam barasu kɛrɛ, ni cinbukunnusufɔm barasu kɛrɛ, ni lanɲpetefɔm barasu kɛrɛ ka bu wo nu. ⁷ Na ma ti akonvi be ɲga, i ɲa, ‘Petoro, yasu na a kun di.’ ⁸ Ama, na ma se i ka, ‘M Mibiɛ, ai. M nya di má deke bo i ti ciire na i la fin.’ ⁹ Na ma kaaki ati akonvi ni ɲga bekun, i fite angoro wɔ, i ɲa, ‘Deke kɛrɛ bo Nyɛmɛ ayo i casi, má a se ka i ti fin.’ ¹⁰ Deke n yoori sɔ kɔ juuri kun kun kpe nsan a, na wɔ kaaki afun akɔ angoro. ¹¹ Nyini saɲga n nu, na mine nsanm n bo bu sunmaari bu m dɔ n afite Sizariya miɛ kpiri n nu aba aju awuru n bo m wo nu ni. ¹² Na Nyɛmɛ Awiewie Casi n ase m ka m yasu na m su bu su kɔ, má m yo sika. Na ma su bu su, na ya kɛrɛ akɔ. Na ahin yaradayofɔ nsenm n gusu asunma m afite Jopa, na ya kɛrɛ akɔ Sizariya, na ya kɔ awura Koneliyo dika. ¹³ Na wɔ se ya kabo i ɲuuri Nyɛmɛ mɛrɛkɛ i dika barasu ni, ni kabo mɛrɛkɛ n ase i ka i sunma na bu kɔ Jopa, na bu kɔ fere sɔnɔ n bo bu fere i ka Simon Petoro ni, ¹⁴ na i bá kan jɔrɛ be kere u ni u dikafɔm kɛrɛ na am nya tiide. ¹⁵ Na ma bo i bu ka m jɔjɔ. Saɲga bo m wo jɔjɔ su ni, na Awiewie Casi n ajura awura bu ɲu, kabo i yo ba wuraari ya ɲu bumboori ni. ¹⁶ Na ma tenge su kabo Mibiɛ n yo seeri ni. I ɲa, ‘Yohane yo faari nzue biɛri am a, ama, mini fá Awiewie Casi n ba wura am ɲu a.’ ¹⁷ I ti nahɔrɛ wɔ ka Nyɛmɛ faari i Awiewie Casi n wuraari yerɛ Yudafɔm bo ya yo ya Mibiɛ Yesu Kristo yarada n ɲu, ye wɔ fa awura bo bu ti má Yudafɔm gusu ɲu. Mini la ɲma bo m koro kanda Nyɛmɛ ka má i yo sa bo i koro ka i yo i a?” ¹⁸ Saɲga bo bɛrɛ Yudafɔm tiiri sɔ ni, ba se má jɔrɛ be kun, na ba kansu Nyɛmɛ, bu ɲa, “Nyɛmɛ ama minem bo bu ti má Yudafɔm n atin ka bɛrɛ gusu kaaki bu wo na bu nya ɲgɔɔ.”

Kristo jama n bo i wo Antiyoki n jɔrɛ

¹⁹ Fite saɲga n bo bu kuunri Satɛfano n dɛɛ sin, na ba kere yaradayofɔm wuwuruwa, nyini ti, na ba sandi abara aye deke kɛrɛ, na nbem akɔ Fonisiya awɔrɛ n nu, ni Sipurusi asien n su, ni Antiyoki miɛ kpiri n nu, na bu kɔ sukan Nyɛmɛ nɔaniɛ n sukere Yudafɔm ɲgumi. ²⁰ Ama, bu nbem wo nu, bu fite Sipurusi, na nbem gusu

fite Sirene miε kpiri n nu, na ba kɔ Antiyoki, na bu sukan ya Mibiε Yesu labari kpa n jɔrε sukere minem bo bu ti má Yudafɔm ni. ²¹ Na Mibiε n yiko awo bu dɔ nahɔrε su, na minε beberebe ayo yarada, na ba kaaki bu wo, na ba su Mibiε n dεε atin n su.

²² Nyemε minem bo bu wo Yerusalem miε kpiri n nu n tiiri nyini labari sɔ ni, na ba sunma Banabasi Antiyoki dɔ. ²³ Saŋga bo i juuri na i ŋuuri sakpa bo Nyemε ayo ama minem sɔ ni, na i ahore ajo, na wɔ tu bu fɔ ka bu ma bu nyunu boro yarada n bo bu bita i fa kɔ Mibiε n dεε atin n su ni, na bu su i su ni bu ahorembaa kun. ²⁴ Banabasi tiiri sɔnɔ kpa a, na Awiewiε Casi n awo i dɔ, na i la yarada agaya. Na minε beberebe aba ayo Mibiε n yarada. ²⁵ Na Banabasi akɔ Tarasu miε kpiri n nu ka i kɔ nienie Sɔɔlu. ²⁶ Saŋga bo Banabasi kɔ ŋuuri Sɔɔlu ni, na wɔ fa i na ba kɔ Antiyoki, na bere minε nnyɔ n kere akɔ awo dɔ afɔ kun, na ba tien Kristo jama n nɔɔ, na ba kere minε beberebe. Antiyoki dɔ ye bu du mɔ fereeri yaradayofɔm n ka Kristofɔm a.

²⁷ Nyini saŋga n nu, na Nyemε nɔanie kanfɔ nbem afite Yerusalem aba Antiyoki dɔ. ²⁸ Bu fere bu nu kun ka Agabusi, dɔ na Awiewiε Casi n ama i yiko, na wɔ yasu ajina ajojo ka, ahɔε bambaka be bá tɔ durunya n kere nu. Nyini ahɔε n ba tɔɔri saŋga bo Romafɔm femε kpiri bo bu fere i ka Kalodisi n diiri i femeya n a. ²⁹ Na Kristo susufɔm ni ayo anɔɔkun ka bu kun kun n kere yiyi ŋwaa kabo bu faŋga nyaari ti barasu, na bu fa kɔ buka bu beŋgu yaradayofɔm bo bu wo Yudiya awɔrε n nu ni. ³⁰ Na ba yiyi ŋwaa ni, na ba fa ŋwaa n asunma Banabasi ni Sɔɔlu ka bu fa kɔ ma Kristo jama nkpienkpienm ni.

12

Kabo bu kereeri Kristo jama n wuwuruwa barasu ni

¹ Fa kɔ nyini saŋga n nu, na Femε Herode abo i bu sukere Kristo jama minε nbem wuwuruwa. ² Na wɔ ma ba fa takobe akun Yohane gɔrɔ Yakobo. ³ I yoori saŋga bo Yudafɔm sudi bu Butara cɛenkpiri n wɔ. ⁴ Bu taraari Petoro wuraari dansaraka nu ni, na ba fa i awura sojam buru ni nsen saa nu ka bu nie i dika. Na bere gusu akpaaki nu ka minε nna nie i dika kɔ ju saŋga su, na nyingam nya de. Na Femε Herode asese su ka bu diiri Butara cɛenkpiri n siinri, i fa Petoro jina jama n kere nyunu wɔ, na i di i jɔrε. ⁵ Nyini ti, na wɔ ka dansaraka n nu, na Kristo jama n asere Nyemε ni anyumboro ama i.

Kabo Nyemε mereke n yiiri Petoro fiteeri dansaraka n nu ni

⁶ Nyini cɛen n kɔŋgue n bo i alecin na Femε Herode má bu yi Petoro fite na bu di i jɔrε ni, i da sojam nnyɔ afien wɔ. Na ba wura i jɔrɔkɔ aminda bu i bue nnyɔ n kere, na nbem gusu kaaki jina dansaraka anɔ n nu ŋminda. ⁷ Kpenɔa na Nyemε mereke be aba ajina dansaraka n nu, na sɔɔ n ata wein. Na mereke n abo Petoro gbengben, na wɔ tenge i, na wɔ se i ka, “Yasu ndende.” Na jɔrɔkɔ n bo i wo Petoro saa n afite atɔ. ⁸ Na mereke n ase i ka, “Bo u dambara ni, na a fa u gbagbaa n wura.” Na Petoro ayo sɔ, na wɔ kaaki ase i ka, “Fa u tanlεε n wura, na a su m su.” ⁹ Na Petoro asu i su afite dansaraka sɔɔ n nu, wɔ si má ka sa n bo mereke n suyo i n ti nahɔrε wɔ, i sunsun ka i yo i ka alele dεε su wɔ. ¹⁰ Na ba kɔ asin sojam ciciri su dεε n ŋu, na ba kɔ asin nnyɔ su dεε n gusu ŋu, na ba kɔ aju bulaari anɔ n bo bu teke i ka na bu sin kɔ miε n kunnu ni. Na anɔ n ni i tii ateke, na ba fite. Bu toori atingbere n nu kɔori mɔ kaan, na mereke n akaba ayaki Petoro. ¹¹ Dɔ na Petoro nyunu akoro, na wɔ se ka, “Kisa, ma si ka i ti nahɔrε wɔ, ka Micera n ye wɔ sunma i mereke n ka i yi m fite Femε Herode saa nu, ni deke n kere bo Yudafɔm sunsun ka bu yó m ni.”

¹² I faari nyini sa n kere nu sɔ ni, na wɔ kɔ Mariya dika, i wa la Yohane n bo bu kaaki fere i Marako ni, nyini saŋga, jama beberebe atien bu nɔɔ wo nyemesere su. ¹³ Na Petoro abobo dasin anɔ ni, na afani be, bu fere i ka Roda, na wɔ ba ka i ba nie

sonɔ n bo i bobo anɔ ni. ¹⁴ Na wɔ si akonvi n ka Petoro lɛɛ, i ahore ajo agaya n dɛɛ ti, wɔ teke má anɔ ni, na wɔ ŋmati akpie i nyi, na wɔ kɔ ase minɛm bo bu wo awuru n nu n ka Petoro jina dasin. ¹⁵ Na ba se i ka, “A bo fie wɔ.” Ama, na wɔ kaaki ajojo ni anyumboro ka i ti nahɔrɛ wɔ. Dɔ na ba se ka, “Kisa, i mɛrɛkɛ a.”

¹⁶ Nyini saŋga n kɛrɛ Petoro toko jina anɔ n nu wo bobo su. Kasin, na ba ba ateke anɔ ni, na saŋga bo bu ŋuuri ka yiri ni, na ba yo alekutura. ¹⁷ Na Petoro afa i saa ayo bu ka bu yaki nanmie. Na wɔ kan akere bu kabo Mibiɛ n yiiri i fiteeri dansaraka sɔɔ n nu barasu ni. Na wɔ se bu ka, “Am kɔ kan ahin jɔrɛ n kere Yakobo ni yaradayofɔ nyiŋgam n kɛrɛ.” Na wɔ fite bu bi bɛrɛ akɔ deke be.

¹⁸ Ale ba ciinri ni, na jɔrɛ n amiɛ sojam ni, ba si má kabo bu yo. Na ba se ka, “Ye nzu ayo Petoro a?” ¹⁹ Na Fɛmɛ Herode ama nɔɔ ka bu niɛniɛ Petoro busu, ama, ba ŋu má i. Nyini ti, na wɔ bisa sojam bu jɔrɛ ni, na wɔ ma nɔɔ ka bu kun bu. Nyini sin, na Fɛmɛ Herode afite Yudiya awɔrɛ n nu, na wɔ kɔ awo Sizariya miɛ kpiri n nu fa kɔ saŋga su.

Kabo Fɛmɛ Herode wuuri barasu ni

²⁰ Na Fɛmɛ Herode afa yaa agaya Tiro ni Sidon miɛ n nufɔm ŋu, nyini ti, na ba fa sɛsɛsu, na ba kɔ ka bu ŋu i. Bu du mɔ kɔɔri sonɔ be dɔ ɔ ka, bu fere i ka Blasitusi, na bu ni i dɛɛ ayo kun ka. Blasitusi ti Fɛmɛ Herode gisan n niɛfɔ kpian wɔ. Na wɔ nya fa bu akɔ Fɛmɛ Herode dɔ, na ba kɔ asere ka i ma bu ni yiri nya tanalaifiɛ. Deke bo i ti na bu yoori sɔ n la ka, dama bu diire kɛrɛ fite yiri fɛmɛ n dɛɛ asien n su wɔ.

²¹ Cɛɛn n bo bu kpamaari i ba juuri ni, na Fɛmɛ Herode awura i fɛmɛya sutura, na wɔ tana i fɛmɛya bie n su, na wɔ jojo minɛm n dɔ. ²² I jojo wieeri ni, na mine kɛrɛ atien, bu ŋa, “Ahin yiri, nyɛmɛ be ajojo a, má adamande.” ²³ Kpɛŋga na Micɛra n mɛrɛkɛ akaba abo i aji, dama wɔ ma má Nyɛmɛ jirima n dɛɛ ti. Na wɔ da tukpaki, na kakabam awura i, na wɔ wu.

²⁴ Na Nyɛmɛ nɔaniɛ n asandi abara aye deke n kɛrɛ, na ba nya mine dɔŋgu abuka su. ²⁵ Banabasi ni Sɔɔlu yoori bu juma n Yerusalem miɛ nu wieeri ni, na ba fa Yohane bo bu kaaki fere i ka Marako ni, na ba fite Yerusalem na ba kaaki akɔ Antiyoki miɛ kpiri n nu.

13

Kabo bu yiiri Sɔɔlu ni Banabasi sunmaari bu ni

¹ Kristo jama n bo i wo Antiyoki miɛ kpiri n nu ni, bu nu nbem ti Nyɛmɛ nɔaniɛ kanfɔm wɔ, na nbem gusu ti kerefɔm. Bɛrɛ la Banabasi, ni Simeyon bo bu kaaki fere i ka Nigeri ni, ni Lukiyosi bo i fite Sirene miɛ kpiri n nu ni, ni Manaye bo bu yo saŋga taari i ni Fɛmɛ Herode, ni Sɔɔlu ni. ² Saŋga bo bu cici bu nɔɔ na bu wo Mibiɛ n su su ni, na Awiewiɛ Casi n ase bu ka, “Am yi Banabasi ni Sɔɔlu ma m, na bu yo juma n bo ma yi bu ka bu yo i ni.” ³ Bu ciciiri bu nɔɔ, na bu sereeri Nyɛmɛ n wieeri ni, na ba fa bu saa anana bu ŋu, na ba ma bu atin na ba kɔ.

Kabo Banabasi ni Sɔɔlu kɔɔri Sipurusi ni

⁴ Na Awiewiɛ Casi n asunma Banabasi ni Sɔɔlu na ba kɔ aju miɛ kpiri be su, bu fere i ka Selusiya, na ba fa lee bambaka dɔ, na ba kɔ miɛ be bo i wo lui bambaka be su, bu fere nyini lui n ka Sipurusi n su. ⁵ Saŋga bo bu kɔ juuri lui n miɛ kpiri n bo bu fere i ka Salamisi n su ni, na ba kan Nyɛmɛ jɔrɛ Yudafɔm tientienbunɔɔ sɔɔm nu. Na Yohane bo bu kaaki fere i ka Marako n awo bu dɔ abuka bu juma. ⁶ Na ba fa bɛrɛ asin akɔ aju lui bambaka n wiɛ atɔɔri dɛɛ bue ni, miɛ kpiri be su, bu fere i ka Pafosi. Na ba kɔ aju boboyayafɔ be dɔ, bu fere i ka Baari Yesu, i ti Yudafɔ ɔ, i yo i ŋu ka i ti Nyɛmɛ nɔaniɛ kanfɔ ɔ, ama, i ti má i. ⁷ I yo wo lui bambaka n su gomina n dɔ ɔ, bu fere gomina n ka Segosi Pɔɔlu, i ti sifo ɔ. Na wɔ fere Banabasi ni Sɔɔlu, dama i

koroori ka i ti Nyeme noanie n wo. ⁸ Ama, boboyayafɔ ni, bu kaaki fere i duma Giriki anie nu ka Elamasi ni, na wo boro i nyi ka i kanda gomina n na ma i yo Yesu yarada. ⁹ Ama, na Nyeme Awiewie Casi n awura Soolu, bo bu kaaki fere i ka Pɔolu nu, na wo nie boboyayafɔ n gbirim, na wo se i ka, ¹⁰ “Wɔrɔ, a ti Sitana dee wa a. A ti deke kere bo i ti kpa n kpɔfɔ ɔ. Kɔre ni satieyo asunnu u nu. A ti Mibie n atin kpa n saakifɔ ɔ. Cɛen bono ye a yaki i a? ¹¹ Ti fen, Mibie ni bo u ji kisa, na a yo anyinsin fa ko sanja su, na a nu ma wie ka i ta kun.” Kpenja na i nyunu akaba asi biri, na i suturingi sunienie sono bo i kere i atin. ¹² Sanja bo gomina n nuuri nyini n so ni, na i tiiri kabo bu kan Nyeme noanie ni, na wo yo i alekutura, nyini dee ti, na wo yo Mibie n yarada.

Kabo Pɔolu ni Banabasi kɔri Pisidiya dee Antiyoki mie n nu ni

¹³ Na Pɔolu ni i lamokom n afa lee bambaka afite Pafosi dee mie kpiri n nu ako aju mie kpiri n bo bu fere i ka Perɛga na i wo Pamfiliya awɔre n nu ni. Na Yohane bo bu kaaki fere i ka Marako n akpaaki ayaki bu, na wo kpie i nyi ako Yerusalem mie kpiri n nu. ¹⁴ Na ba fite Perɛga ako aju Antiyoki mie kpiri n bo i wo Pisidiya awɔre n nu ni. Na Numiyi cɛen, na ba ko awura atana bu tientienbunoo soo n nu. ¹⁵ Sanja bo bu kaanri Nyeme noanie kpamaawa kadasi n bo Moyisi kereeri i ni, ni Nyeme noanie kanfom dee kadasi n wieeri ni, na bu tientienbunoo soo ni nkpienkpienm n asunma ase Pɔolu ka, “Njam, nzen am la jɔre be bo am kan kere jama ni, na i ma bu ahoresi, am kan kere bu.” ¹⁶ Do na Pɔolu ayasu ajina, na wo ye i saa su, na wo bo i bu na i jojo, i na, “M lamoko Yudafom, ni amberɛ bo am ti ma Yudafom na am su Nyeme ni, am ti fen. ¹⁷ Yisarelifom Nyeme ni, yiri yo yiiri ya nam a, na wo ma ba tere abuka su, sanja bo bu yo ti wofom Ijipiti asien su ni. Na Nyeme afa i dee yiko bambaka n na wo yi bu afite Ijipiti asien n su, ¹⁸ na wo mindi abita bu boro kpantain n nu ako aju afɔ aburana. ¹⁹ Na wo butu daanfie barasu nso n bo bu wo Kanana asien n su ni, na wo fa bu asien n ama Yisarelifom ka bu fa yo bu tiengu dee. ²⁰ Ahin n kere yoori so ko juuri afɔ yaa nna ni afɔ aburunu wo. Nyini sin, na Nyeme ayi mofom ama bu haari fa ko ju sanja bo i yiiri i noanie kanfo Samuweli maari bu ni. ²¹ Na ba ba ase Samuweli ka bu koro femɛ wo, na Nyeme ama Soolu bo i ti Kisi wa n ayo bu femɛ, i fite Benjamin n dee busu nu wo, na wo bita bu ako aju afɔ aburana. ²² Na Nyeme ayi Soolu femɛya n nu, na wo fa Femɛ Davidi bo i ti Jese wa n ajina i jinaabiri. Na Nyeme adi i nusu daani, i na, ‘Yiri Davidi, Jese wa n ti sono bo m ahore atara i a, yiri yo m sa koroowa kere a.’ ²³ Yiri Femɛ Davidi dee busu nu ye Nyeme seeri ka Yisarelifom Tiidefo Yesu ni fite n a. ²⁴ Kana Yesu ba ba, Yohane du mo ba kaanri Nyeme jɔre kereeri Yisarelifom wo, ka bu kaaki bu wo na i bie bu Nyeme nzue. ²⁵ Na sanja bo Yohane ba sukoro ka i wie i juma n ni, na wo se minem n ka, ‘Am sunsun ka mini la nma a? Ai, ma mini la sono n bo am nminda i ka i ba n a. Ama, am ti fen. Yiri bo i wo m sin suba ni, m ti kaan mmoo ni bo m dodo i.’

²⁶ M ninbaam, amberɛ bo am ti Abraham busu nufom ni, ni amberɛ bo am ti ma Yudafom na am su Nyeme ni, yere ye Nyeme ma ba fa ahin tiide labari n ama ya a. ²⁷ Dama Yerusalemfom ni bu nkpienkpienm kere asi ma Nyeme noanie kanfom dee kadasi n bu, haari ni bo bu kan i bu Numiyi cɛen n kere mmoo ni. Ba kaaki asi ma kabo Yesu ti barasu, na ba ma ba kun i. Nyini ma Nyeme noanie kanfom kadasi n ayo yiiwa a. ²⁸ Haari ni bo ba yo anu ma deke n bo i ti na wo yo daka ka bu kun i ni, bu sereeri Gomina Pilato wo, ka i ma bu kun i. ²⁹ Na sanja bo bu yoori sa n kere bo ba kere i Nyeme Jɔre Kadasi n nu fa ko i nusu jɔre ni, na ba jura i baka jaanu n su, na ba fa i awura yabuɛ buɛ fanjunma nu. ³⁰ Ama, na Nyeme atenge i yiwee n nu, ³¹ na wo yi i nu bo i la ma no akere minem kere bo bu suuri i su fiteeri Galili awɔre n nu kɔri Yerusalem ni. Bere n bo bu nuuri sam bo bu yoori ni, kisa bere sudi i daani kere ya minem n a. ³² Nyini ti, ya ba ka ya kan labari kpa sam n bo Nyeme seeri ka i

fa ma ya nam ni kere am a, ³³ ye i ma noanie n ayo yiiwa ama yere bo ya ti bu busu nufom n a, wo tenge Yesu i yiwee n nu, kabo ba kere i Kansi Jue kerewam n nu, i jue nnyo su ni. Nyeme na,

‘Woro ti m Wa a,
nyuma, m kaaki u Si.’

³⁴ Bekun, kabo i tengeeri i yiwee n nu na i kporo ma fanjunma nu ni, Nyeme akaaki ase ka,

‘M fa deke kpa n bo i ti casi na i la anyunuyi n ma u,
yiri ye m seeri ka m fa ma Feme Davidi n a.’

³⁵ Ba kaaki akere i Kansi Jue kerewam n awore be nu, ka,
‘A yaki ma na u Amusuisufo Casi n wu kporo.’

³⁶ Feme Davidi yo yoori Nyeme kun koroowa haari na wo ba awu, na ba se i deke bo bu seeri i nam ni, na i nuniembaa n akporo fanjunma n nu. ³⁷ Ama, yiri n bo Nyeme tengeeri i yiwee n nu ni, wo kporo ma. ³⁸ Nyini ti, m ninbaam, m koro ka am si ka yiri Yesu de ti ye bu kaanri labari kpa n jore kereeri am a, ka Nyeme afa am satie ace am. ³⁹ Sono kere bo i yoori yiri n yarada, Nyeme afa i mi satie kere ace i. Noanie kpamaawa n bo Moyisi fa maari ni, wo koro afa ma minem satie ace ma bu. ⁴⁰ Am si am nu sa, adena ma sam bo Nyeme noanie kanfom yo seeri n be tu am. ⁴¹ Bu yo seeri ka,

‘Ambera bo am yo Nyeme anzasi ni, am ti fen,
am yo alekutura na am ka ngeen,

dama m suyo juma be am de sa nga nu,

haari ma be kan kereeri am, am de ma i.’ ”

⁴² Na sa nga bo Pulu ni Banabasi sufite tientienbunoo soo n nu ni, na minem n asere bu ka bu kaaki bra Numiyi ceen n bo i suba ni, na bu ba kan nyini jorem bo ba kan akere bu ni, na bu ti bekun. ⁴³ Sa nga bo minem ni ba sandiiri tientienbunoo soo n ni, na Yudafo m nbem, ni bo bu ti ma Yudafo m na ba kaaki bu woowa na bu su Yudafo m atin n su ni, na bu dongu asu Pulu ni Banabasi su. Na Pulu ni Banabasi atu bu fo, ka ma bu kaaki bu sin bo sakpa n bo Nyeme ayo ama bu ni. ⁴⁴ Numiyi ceen n ba juuri ni, na minem n dongu bo bu wo mie n nu n aba atien bu noo tientienbunoo soo n nu na bu ti Nyeme jore ni. ⁴⁵ Sa nga bo Yudafo m nkpienkpienm ni nuuri jama n so ni, na ba si Pulu kore, na bu ni yiri awura akuruwa, na ba kpie i nzuko. ⁴⁶ Ama, na Pulu ni Banabasi ajojo ni ahoresi, bu na, “I ti ye ni ka ya du mo kan Nyeme noanie n kere ambera wo ka. Ama, kabo am akete i na am koro ma ka am nya ngoo n bo i la ma awieeri ni, ya yaki am wo, na ya ko kan kere minem bo bu ti ma Yudafo m ni.

⁴⁷ Dama noanie maawa bo Mibie n fa maari ya n lee. I na,
‘Ma yi u ka a yo wein ma minem bo bu ti ma Yudafo m ni,
adana durunya n nufom kere nya tiide.’ ”

⁴⁸ Sa nga bo minem n bo bu ti ma Yudafo m tiiri ahin noanie n so ni, na bu ahore ajo, na ba kansi Mibie n noanie ni. Na minem bo Nyeme ayi bu ka bu nya ngoo n bo i la ma awieeri n ayo yarada. ⁴⁹ Na Mibie n noanie n asandi abara aye nyini awore n kere nu. ⁵⁰ Ama, na Yudafo m nkpienkpienm n awura minem bu sin, bere la nbaram bo bu la wo na bu su Nyeme ni, ni nbiesom bo bu wo mie n nu na bu se na i bi ni. Na ba kere Pulu ni Banabasi wuwuruwa, na ba fon bu afite bu asien n su. ⁵¹ Na Pulu ni Banabasi akponkpon bu jaa tuturi ago bu nu, nyini kere ka ba kete mie n nufom lee, na ba ko mie kpiri be bo bu fere i ka Ikoniom n su. ⁵² Na Yesu susufom bo bu wo Antiyoki do ni, bu ahore ajo agaya, na Awiewie Casi n awo bu do.

14

Kabo Pulu ni Banabasi koro Ikoniom mie kpiri n nu ni

¹ Pɔɔlu ni Banabasi kɔ juuri Ikoniom miɛ kpiri n nu ni, bu kaaki yoori sɔ bekun, na ba wura bu tientienbunɔɔ sɔɔ n nu, na ba kan Nyemɛ jɔrɛ n ni anyumboro haari na mine beberebe ayo yarada, Yudafɔm, ni bo bu ti má Yudafɔm n kɛrɛ. ² Ama, na Yudafɔm nbem bo bu yo má yarada n awura minem bo bu ti má Yudafɔm bu sin akpura bu ni yaradayofɔm n tii. ³ Na Pɔɔlu ni Banabasi awo dɔ ayo lennyɔ. Na bu sujɔɔ Mibiɛ n jɔrɛ ni ahoresi, na Mibiɛ n ama bu fanɔa, na wɔ ma bu atin na ba yo alekutura sa barasu barasum, adena mine ŋu bu na bu si ka i ti nahɔrɛ wɔ. ⁴ Na kpakpaakinu aba miɛ n nufɔm dɔ, na nbem ajina Yudafɔm n sin, na nbem gusu ajina Yesu jaramasam n sin.

⁵ Na bo bu ti má Yudafɔm ni, ni Yudafɔm ni, fa sanɔa ni bu mɔfɔm n afa sɛsɛsu atara kabo bu yo Yesu jaramasam ni tiɛ, na bu tu bu yabuɛ. ⁶ Na Yesu jaramasam n afa nu fa kɔ kabo bu koro ka bu yo ni, na ba ŋmati akɔ miɛ kpiri nbem bo bu fere bu ka Lisitira ni Derebi n su. Bu wɔ Likawoniya awɔrɛ n nu wɔ, na bu nya nati subara ye ahemɛ ahemem. ⁷ Dɔ na ba kan labari kpa n akere minem.

Kabo Pɔɔlu ni Banabasi kɔ woori Lisitira miɛ kpiri n nu jɔrɛ ni

⁸ Sɔnɔ be woori Lisitira miɛ kpiri n nu, i jaa awu, kabo bu wuuri i ni, i ti wɔbuka a, wɔ nati má. ⁹ Na wɔ tana aso i sui ati kabo Pɔɔlu sujɔɔ ni. Na Pɔɔlu afa i nyumbaa akpama i ŋu, na wɔ fa nu ka sɔnɔ n ayo yarada, ka i koro tuntun i na i nya laifiɛ. ¹⁰ Na wɔ tien kpa ase i ka, “Yasu jina cencen.” Na sɔnɔ n ayasu kungerekun awarakpin sunati bara ye. ¹¹ Sanɔa bo jama n ŋuuri sa n bo Pɔɔlu ayo i sɔ ni, na ba tien kpa Likawoniya anie n nu, bu ŋa, “Ya nyemem akaaki ka adamandem wɔ, ye ba jura aba ya dɔ a.” ¹² Na ba fere Banabasi duma ka Ziyosi, bu amɔɛ kpiri duma lɛɛ, na ba fere Pɔɔlu ka Heremesi, dama yiri ti amɔɛ n cem a. ¹³ Na amɔɛ n bo bu fere i ka Ziyosi n sɔɔ jina miɛ n ahemɛ, na amɔɛ n fɔ n ni miɛ n nufɔm anyɔndi tooram ni baka pum afa aba miɛ n anɔ nu ka bu fa yo tiɛ ma Pɔɔlu ni Banabasi. ¹⁴ Sanɔa bo Pɔɔlu ni Banabasi tiiri kabo minem koro ka bu yo ni, na ba ahore asaaki na yaa ati bu, nyini ti, na ba cin asɔn bu sutura bo bu wura i, na ba ŋmati awura jama n afien sutien bu ŋu, ¹⁵ bu ŋa, “Njam o e, nzu ti ye am suyo sɔ a? Yerɛ mmɔɔ ni ya tii, ti adamandem kabo am ti n wɔ. Ya ba ka ya kan labari kpa n kere am wɔ, na am yaki nyini deke ŋgbɛnm ni, na am su Nyemɛ bo i wo berɛ sanɔa kɛrɛ ni. Yiri yiiri angoro, ni asiɛngu, ni tieku n ni dekem kɛrɛ bo bu wo nu n a. ¹⁶ Dawa sanɔa ni, yiri Nyemɛ yo maari atin wɔ ka daanfɛ kɛrɛ yo kabo i koro. ¹⁷ Ama, haari ni nyini n kɛrɛ, sanɔa kɛrɛ i yo sakpa ma am wɔ, i ma nzue tɔ ma am wɔ, na am alɛmbaa bo am dɔ bu n yo nyunyumi, na am di, na am kunnu yi, na i ma am ahorejɔ. Nyini kɛrɛ kere am ka i wo berɛ a.” ¹⁸ Haari ni nyini jɔjɔwa n kɛrɛ n mmɔɔ ni, i yoori kekereke maari Pɔɔlu ni Banabasi ye bu koro kandaari jama n ye ba yo má tiɛ ama bu n a.

¹⁹ Na Yudafo nbem afite Antiyoki ni Ikoniom miɛ kpirim n nu aba Lisitira, na ba ma minem ade bu nɔaniɛ, na ba tutu Pɔɔlu yabuɛ, bu sunsun ka wɔ wu wɔ, na ba cin i afite miɛ n nu. ²⁰ Ama, na Yesu susufɔm n atien bu nɔɔ abara aye i, na wɔ yasu, na wɔ kpie i nyi awura miɛ n nu. Na alecin fɔfɔrɛ, na yiri ni Banabasi afite dɔ, na ba kɔ Derebi miɛ kpiri n nu.

Kabo Pɔɔlu ni Banabasi kaaki kɔɔri Siriya dɛɛ Antiyoki n su ni

²¹ Na Pɔɔlu ni Banabasi akan labari kpa n Derebi miɛ kpiri n nu, na ba nya susufɔm beberebe dɔ. Na ba kpie bu nyi akɔ Lisitira, ni Ikoniom miɛ kpirim n nu, na ba nya akɔ Antiyoki miɛ kpiri n bo i wo Pisidiya awɔrɛ n nu ni. ²² Na ba se yaradayofɔm ni ka, bu ma bu yarada n yo biiwa, na ba ma bu ahoresi. Na ba se bu ka, “Wɔ yo daka ka bu kere ya wuwuruwa beberebe ka, na ya nya koro wura Nyemɛ femɛya n nu.” ²³ Miɛ kɛrɛ bo bu wɔɔri su, bu yi nkpienkpienm wɔ Kristo jama n nu, na bu cici bu nɔɔ, na bu sere Nyemɛ, na bu fa bu wura yiri Mibiɛ n bo ba yo i yarada n saa nu ka

i nié bu dika. ²⁴ Bu fite dɔ ni, na ba fa Pisidiya awɔrɛ n nu akɔ atie Pamfliya dɛɛ awɔrɛ n nu. ²⁵ Dɔ na ba kan Nyemɛ jɔrɛ Pɛrɛga miɛ kpiri n nu, na ba nya akɔ Ataliya miɛ kpiri n nu, ²⁶ na ba fa lee bambaka afite dɔ akpie bu nyi akaaki akɔ Antiyoki miɛ kpiri n bo i wo Siriya awɔrɛ n nu. Dɔ ye bu du mɔ sereeri Nyemɛ maari bu ka bu di i ahɔrɔma fa kɔ nyini juma n bo kisa ba yo i awie ni. ²⁷ Saŋga bo bu kɔ juuri Antiyoki ni, na ba tien Kristo jama n nɔɔ, na ba kan sam n bo Nyemɛ ayo bu ni, ni kabo wɔ teke atin ama bo bu ti má Yudafɔm na ba yo yarada barasu ni. ²⁸ Na ba wo yaradayofɔm n dɔ miɛ n nu aɛɛ.

15

Kabo Kristo jama n tienri bu nɔɔ Yerusalem ciciri su ni

¹ Tɔ, na minɛ nbem afite Yudiya awɔrɛ n nu aba Antiyoki miɛ kpiri n nu, na bu sukere yaradayofɔm ni bu dɛɛ kereewam. Bu ŋa, “Má ka ba wura am kɛnkɛnɛ kabo Moyisi yo kereeri ni, am koro nya má tiide.” ² Na Pɔɔlu, ni Banabasi, ni bɛrɛ ase akuruwa nyannyan fa kɔ nyini jɔrɛ n bu su. Nyini ti, na ba fa sɛsɛsu ka Pɔɔlu, ni Banabasi, ni yaradayofɔm nbem bo bu wo Antiyoki ni, ka bu kɔ Yerusalem miɛ kpiri n nu na bu kɔ bisa Yesu jaramasam ni, ni Kristo jama nkpiɛnkpiɛnm n nyini jɔrɛ ni.

³ Na Kristo jama n akaari bu na ba kɔ. Bu wo kɔ su ni, na ba fa Fonisiya, ni Samariya awɔrɛm n nu, na ba kan akere dɔfɔm kabo minɛm bo bu ti má Yudafɔm n ayo Nyemɛ yarada barasu ni, na nyini labari n ama yaradayofɔm n ahore ajɔ akɔ asin su. ⁴ Saŋga bo bu kɔ juuri Yerusalem ni, na Kristo jama ni, ni Yesu jaramasam, ni nkpiɛnkpiɛnm n ade bu ni bu saa nnyɔ, na ba kan akere bu fa kɔ deke n kɛrɛ bo Nyemɛ ma ba koro ayo i ni. ⁵ Ama, na yaradayofɔm nbem bo bu su Farasifɔm atin n su n ayasu ajina, ase ka, “Wɔ yo daka ka minɛm bo bu ti má Yudafɔm na ba yo Yesu yarada n awura kɛnkɛnɛ ka, na bu nya ma bu nɔɔ ka bu su Nyemɛ nɔaniɛ kpamaawa n bo i fa maari Moyisi n su.” ⁶ Na Yesu jaramasam ni nkpiɛnkpiɛnm ni, atien bu nɔɔ, na bu kpokpo jɔrɛ n nu nyunyumi. ⁷ Na ba se nyini jɔrɛ n akuruwa bu ŋuŋu nu aɛɛ, na Petoro ayasu ajina, na wɔ se bu ka, “M ninbaam, am si ka mini ye Nyemɛ du mɔ yiiri m fiteeri am nu, ka m ma minɛm bo bu ti má Yudafɔm n ti labari kpa ni, adena bu yo yarada. ⁸ Na Nyemɛ bo i si kabo adamande ahorembaa ti barasu ni, akere ka ba yo yarada nahɔrɛ su, dama wɔ fa i Awiewie Casi n ama bu, kabo i yo fa maari yɛrɛ mmɔɔ ni. ⁹ Nyemɛ dɔ, yɛrɛ ni bɛrɛ la má kpakpaakinu lɛɛ, dama yarada n bo ba yo i n dɛɛ ti, wɔ ŋmisi ayi satie kɛrɛ bo i wo bu ahore su ni. ¹⁰ Kisa, nzu ti ye am koro ka am yo Nyemɛ na am niɛ a, ye am susɔ yaradayofɔm sɔɔri bo ya nam, ni yɛrɛ ni ya tii akoro asɔ má i a? ¹¹ Ai. Yɛrɛ ayo yarada ka ya Mibiɛ Yesu ahɔrɔma n dɛɛ ti, ye ya nya tiide a, nyini ma bɛrɛ gusu nya tiide a.”

¹² Na minɛm kɛrɛ atɔ amuna, na bu ti kabo Banabasi ni Pɔɔlu sukan kɛrɛ bu fa kɔ alekutura sa barasu barasum bo Nyemɛ ma bu koro yo maari minɛm bo bu ti má Yudafɔm ni. ¹³ Saŋga bo bu jɔjɔ wieeri ni, na Yakobo gusu ayasu ajɔjɔ. I ŋa, “M ninbaam, am ti fɛn. ¹⁴ Simon atɛŋge ya su kabo Nyemɛ ni i tii adu mɔ akere ka i cɛcɛ wo minɛm bo bu ti má Yudafɔm nu ni, ni kabo wɔ yi bu nbem afa bu ayo i dɛɛ minɛm ni. ¹⁵ Nyemɛ nɔaniɛ kanfɔm dɛɛ nɔaniɛ n bo bu yo seeri n ni ahinm n kɛrɛ ti kun wɔ, dama bu kɛrɛri ka, ¹⁶ Micɛra n ŋa,

‘Nyini sin, m káaki ba ye Fɛmɛ Davidi awuru n bo wɔ tɔ n su,
na m tá i bɔnfɔ ni, na m yó i dɔŋgu.

¹⁷ Adena daanfɛm n bo ba ka n kɛrɛ bá kpini Mibiɛ busu,
bɛrɛ la minɛm bo bu ti má Yudafɔm
na ma fere bu ka bu ti m dɛɛm ni.

Micɛra ni seeri sɔ a,

¹⁸ yiri bo i yo seeri dada kɛrɛ ka i yó i ni.’ ”

¹⁹ Na Yakobo akaaki ase bu ka, “Mini dɛɛ sunsunni la ka, minem bo bu ti má Yudafɔm na bu suba Nyɛmɛ dɔ ni, wɔ yo má daka ka ya miɛ bu. ²⁰ Ama, i ti ye ni ka ya kɛɛ kadasi ma bu, na ya se bu ka, má bu di tiɛ niɛ, na má bu yo sakaraya, na má bu di niɛ bo ba kpiɛ má i kɔm, na má bu di niɛ mbunja. ²¹ Dama ba du mɔ akan Moyisi nɔɔniɛ kpamaawa n jɔɛ ya nam sanɔa, haari ni nyuma bu toko kan i kadasi miɛ n kɛɛ su wɔ, na bu sukan i na sɔnɔ kɛɛ ti bu tientienbunɔɔ sɔm nu Njumiɛi cɛn kɛɛ.”

Kabo bu kɛɛɛri kadasi maari Antiyokifɔm ni

²² Dɔ na Yesu jaramasam ni, ni nkpiɛnkpiɛnm ni, ni Kristo jama n kɛɛ afa sɛsɛsu asoro su ka bu yi bu nu nbem, na bu sunma bu ni Pɔɔlu, ni Banabasi Antiyoki miɛ kpiri n nu, bɛɛ la Yudasi bo bu fere i ka Basabasi ni, ni Silasi. Nyini mine nnyɔm kɛɛ ti Kristo jama n mɔfɔm wɔ. ²³ Na ba kɛɛ kadasi ama bu ka bu fa kɔ. Kɛɛɛwa n la ka,

“Yɛɛ am ninbaam, ni Kristo jaramasam, ni nkpiɛnkpiɛnm ni subisa am dɔngɔ, amɛɛɛ bo am ti má Yudafɔm na am wo Antiyoki ni, ni bo bu wo Siriya ni Silisiya dɛɛ awɔɛɛm nu ni. ²⁴ Ya ti ka ya nbem afite ya nu fɛn aba am dɔ, aba akan jɔɛ nbem akere am bo wɔ miɛ am, na wɔ yo am sunsunni agaya. Yɛɛ ni ya tii asunma má bu. ²⁵ Nyini ti, ye ya kɛɛ atana asɛsɛ su, asoro su ayi minem asunma bu ni ya danfo kpam Banabasi ni Pɔɔlu am dɔ. ²⁶ Bɛɛ ye ba fa bu ɛgɔɔ ama ya Mibiɛ Yesu Kristo dɛɛ ti n a. ²⁷ Nyini ti, ya sɔsunma Yudasi ni Silasi am dɔ, na bɛɛ ni bu tii bá teke bu nɔɔ, na bu kán jɔɛ kɛɛ bo i wo kadasi n nu kɛɛ am. ²⁸ Kabo ya ni Awiewiɛ Casi n dɛɛ ayo kun, na ya soro su lɛɛ, ka ya sɔ má am sɔɔri nɔnɔɔri be, sin ahin dekem bo wɔ yo daka ka am yo bu ni. ²⁹ Má am di tiɛ niɛ, má am di niɛ mbunja, má am di niɛ bo ba kpiɛ má i kɔm, na má am yo sakaraya. Nzen am tara am ɛu na am ayo má ahin sam ni, i yó kpa ma am. Tɔ, ya ka sanɔa lɛɛ.”

³⁰ Na minem bo bu sunmaari bu n akɔ aju Antiyoki. Bu kɔ juuri ni, na ba nya atien yaradayofɔm kɛɛ nɔɔ, na ba fa kadasi n ama bu. ³¹ Sanɔa bo bu kaanri kadasi n wieeri ni, na bu ahore aju, na wɔ kaaki ama bu ahoresi. ³² Na Yudasi, ni Silasi bo bɛɛ ni bu tii ti Nyɛmɛ nɔɔniɛ kanfɔm ni, akan Nyɛmɛ jɔɛ beberebe akere bu, na bu ahore asi, na wɔ buka bu fanɔa. ³³ Na ba wo dɔ aɛɛ, na yaradayofɔm n akaari bu ni ahoreda, na ba kpiɛ bu nyi akɔ bɛɛ n bo bu sunmaari bu n dɔ. [³⁴ Ama, Silasi ase ka i ka bu dɔ.] ³⁵ Ama, na Pɔɔlu ni Banabasi aka Antiyoki, na bu ni bu benɔu dɔngɔ akan na ba kɛɛ minem Mibiɛ n nɔɔniɛ ni.

Kabo Pɔɔlu ni Banabasi kpaaki yakiiri bu benɔu ni

³⁶ Tɔ, fa kɔ sanɔa su, na Pɔɔlu ase Banabasi ka, “Ma ya kpiɛ ya nyi kɔ miɛm kɛɛ bo ya kaanri Mibiɛ n jɔɛ kɛɛɛri bu n su, na ya kɔ niɛ kabo ya ninbaam ti barasu.” ³⁷ Má Banabasi koro ka bu fa Yohane bo bu kaaki fere i ka Marako n na bu kɛɛ kɔ ɔ, ³⁸ ama, na Pɔɔlu akete ka i sɔ má bu su, dama sanɔa bo bu wo Pamfiliya awɔɛɛ n nu ni, i ɛmati yakiiri bu wɔ, wɔ su má bu su abuka má bu ni juma ni. ³⁹ Dɔ na akuruwa bambaka aba bu afiɛn, na ba kpaaki ayaki bu benɔu, na Banabasi afa Marako abuka i ɛu su, na ba fa lee bambaka akɔ Sipurusi asien n su, ⁴⁰ na Pɔɔlu gusu afa Silasi ka i su i su, na yaradayofɔm n atien bu nɔɔ asere Nyɛmɛ ama bu, ka bu di Mibiɛ n ahɔɔma. ⁴¹ Na wɔ kɔ abara ayɛ Siriya, ni Silisiya awɔɛɛm n nu, na wɔ ma Kristo jama n ahoresi.

16

Kabo Timoti, ni Pɔɔlu, ni Silasi nati yoori juma ni

¹ Na Pɔɔlu anati haari na wɔ kɔ aju Derebi, ni Lisitira miɛ kpirim n nu, sɔnɔ be woori dɔ, i ti Kristo susufɔ ɔ, bu fere i ka Timoti. I ni ti Yudafɔ bara bo wɔ yo Kristo

yarada wɔ, ama, na i si ti Girikifo. ² Na yaradayofom bo bu woori Lisitira ni Ikoniom mie kpirim n nu n kere ase ka Timoti ti sɔnɔ kpa a. ³ Pɔɔlu koroori ka i fa Timoti buka i ɲu su wɔ, na bu sunati, na wɔ wura i kenkennɛ. Má deke be dɛɛ ti a, ama, Yudafom bo bu woori dɔ n dɛɛ ti, dama bu kere si ka Timoti si ti Girikifo ɔ. ⁴ Na ba nati mie miɛm su, na ba kan akere yaradayofom fa kɔ jɔrɛ n kere bo Yesu jaramasam, ni nkpienkpienm bo bu wo Yerusalem mie kpiri n nu n asese su asoro su ka bu yo i n su. Na ba se bu ka bu su nyini atinm su nyunyumi. ⁵ Nyini ti, na Kristo jamam n anya fanɔga, na bu yarada ayo biiwa abuka su, na bu sunya minem subuka su ale kere bo i cin.

Kabo Pɔɔlu ɲuuri sɔnɔ be ka aleɛ nu dɛɛ su ni

⁶ Na ba fa Firigiya, ni Galatiya dɛɛ awɔrɛ n nu asin, dama Awiewie Casi n ama má bu atin na bu kan Nyeme jɔrɛ n Esiya dɛɛ awɔrɛ n nu. ⁷ Sanga bo bu kɔ juuri Masiya dɛɛ awɔrɛ awieeri ni, má bu koroori ka bu wura Bitiniya dɛɛ awɔrɛ n nu wɔ, ama, Yesu dɛɛ Awiewie n asoro má bu su ka bu wura dɔ. ⁸ Nyini ti, na ba fa Masiya awɔrɛ n nu, na ba sin ako mie kpiri be bo bu fere i ka Tɔrasi n nu. ⁹ Nyini cɛɛn n kɔɲɔgɛ, na Pɔɔlu aɲu deke be ka aleɛ nu dɛɛ su, ka sɔnɔ be wo Makedoniya awɔrɛ n nu, jina susere i, i ɲa, “Jande, bra Makedoniya fen na a ba buka ya.” ¹⁰ Pɔɔlu ɲuuri nyini deke n ka aleɛ nu n dɛɛ ti, ya kaba yoori siriya a, na ya kɔ Makedoniya, dama ya si ka Nyeme ye wɔ se ka ya kɔ dɔ na ya kɔ kan i labari kpa n jɔrɛ kere minem n bo bu wo dɔ n a.

Kabo Lidiya yoori Yesu yarada ni

¹¹ Na ya fa lee bambaka afite Tɔrasi mie kpiri n nu akpie ako aju mie be bo i wo lui bambaka be su, bu fere nyini lui n ka Samotarase. I alecin fɔfɔrɛ na ya kɔ aju mie kpiri n bo bu fere i ka Nepolisi n su. ¹² Na ya fite bere ako mie kpiri be bo bu fere i ka Filipiya n su, yiri ti Makedoniya awɔrɛ n nyini bue n miɛm kere tii a. Romafom nie i su a. Na ya yo lennyɔ dɔ. ¹³ Na Njumiya cɛɛn ni, na ya fite mie n nu ako kunma nu, dɔ ye ya sunsun ka ya kɔ ɲu ka deke bo Yudafom n tien bu nɔɔ sere Nyeme a. Na ya tana, na ya ni nbaram bo ba tien bu nɔɔ n abo anzama. ¹⁴ Bara be woori bu nu, bu fere i ka Lidiya, i fite mie kpiri be bo bu fere i ka Tiyatira n su wɔ, i tɔ sanvuin kpakpam bo i la gɔ, i ti bara bo i su Nyeme wɔ, na Nyeme ateke i sunsunni, na wɔ so i sui nyunyumi, na wɔ ti kabo Pɔɔlu suse ni. ¹⁵ Na ba bie i ni i dikafom kere Nyeme nzue, na wɔ sere ya jande ka, “Nzen am asoro su ka ma yo Mibie n yarada nahɔrɛ su, am ba wo m dika.” I yoori ya awaraye n dɛɛ ti, na ya soro su.

Kabo bu nyiiri Pɔɔlu ni Silasi dansaraka nu ni

¹⁶ Cɛɛn n be sɔ ɔ, ya sukɔ deke bo Yudafom n tien bu nɔɔ sere Nyeme ni, na ya ni sunguru be aye, i ti afani wɔ, ajini wo i ɲu, na i nati yi munzue. Nyini dɛɛ ti, na i tofom anya ɲwaa beberebe afite i munzue yi n nu. ¹⁷ Na i nati susu ya ni Pɔɔlu su, na i sutien suse ka, “Ahin minem ti Nyeme Kpiri n dɛɛ amuisufom wɔ. Bere kere am kabo am yo na am nya tiide a.” ¹⁸ I nati yoori sɔ ɔ, cɛɛn n kere cɛɛn, haari na yaa aba ati Pɔɔlu, na wɔ kaaki anie i, na wɔ tien ajini n bo i wo sunguru n ɲu n na wɔ se i ka, “Yesu Kristo dɛɛ duma n dɛɛ yiko nu, fite yaki i.” Kpenɔga, na ajini n afite ayaki i.

¹⁹ Tɔ, sanga bo afani n tofom ɲuuri ka bu koro nya má ɲwaa fite má i n dɔ kun ni, na ba tara Pɔɔlu ni Silasi, na ba cin bu ako mie n kunnu afa bu awura yikofom saa nu. ²⁰ Bu faari bu kɔ juuri jɔredifom nkpienkpienm dɔ, na ba se ka, “Ahin minem ni ti Yudafom wɔ, na bu nati sukpini jɔrɛ ya mie n nu. ²¹ Bu nati sukere sayoowam bo ya dɛɛ nɔanɛ kpamaawa atin n su, wɔ yo má daka ka ya de bu, wara ya su bu su, dama ya ti Romafom wɔ.” ²² Na jama n kere atɔ Pɔɔlu ni Silasi ɲu ni jɔrɛ ɲgbeɛnɲgbeɛn. Na jɔredifo nkpienkpienm ama ba yi Pɔɔlu ni Silasi suturam, na ba ma nɔɔ ka bu fin

bu ngbere. ²³ Nyini dɛɛ ti, na ba bo bu nyunyumi, na ba kɔ anyi bu dansaraka, na ba ma dansaraka niɛfɔ n nɔɔ ka i tu anɔ n na i niɛ bu dika nyunyumi. ²⁴ Dansaraka niɛfɔ n deerɪ nyini nɔaniɛ n wieeri sɔ ni, na wɔ fa bu akɔ awura dansaraka n sɔɔ n bo i wo mɔ n nu, na wɔ bo bu tobarim.

²⁵ Na fa kɔ kɔngue jinanjin sanɔa, na Pɔɔlu ni Silasi susere Nyemɛ, na bu sudi jue kansi i, na bu beɔgu dansarakam ni suso bu sui suti. ²⁶ Jina n nu bere, na asien n akpisi agaya, haari na dansaraka sɔɔ n jaafa bo bu fa boori i bu n kere akpisi, na anɔm n kere ateke, na tobari n kere n bo bu fa boori bu n akporo atɔtɔ. ²⁷ Na dansaraka niɛfɔ n abo nu ayasu, na wɔ ɔɔ ka dansaraka sɔɔ anɔm n kere ateke, i sunsun ka dansarakam kere anmati asandi wɔ, nyini ti, na wɔ cin awɔɔ i takobe ka i kun i ɔɔ wɔ. ²⁸ Ama, na Pɔɔlu atien kpa ase ka, “Má a ma u ɔɔ mandim. Ya kere wo fen.” ²⁹ Na dansaraka niɛfɔ n afere ka bu fa sin bra, na wɔ bereki awura Pɔɔlu ni Silasi sɔɔ n nu, na sere ati i, na i ɔɔniɛ subobo i, na wɔ kɔ akutu bu jaa bu. ³⁰ Dɔ na wɔ fa bu afite, na wɔ bisa bu ka, “M mibiɛm, m yo sɛ ye m nya tiide a?” ³¹ Na ba bo i nu ka, “Yo Mibiɛ Yesu yarada, na a nyá tiide, wɔɔ ni u dikafɔm kere.” ³² Na ba kan Mibiɛ n nɔaniɛ n akere i, i ni bo bu wo i dika n kere. ³³ Nyini cɛɛn n kɔngue n kere, na dansaraka niɛfɔ n afa Pɔɔlu ni Silasi akɔ, na wɔ kɔ anmisi bu kani n kere, na ba kaba abie yiri ni i dikafɔm kere Nyemɛ nzue. ³⁴ Dɔ na wɔ fa bu akɔ i dika, na wɔ ma bu diire, na ba di. Na yiri ni i dikafɔm kere ahore aɔ agaya ka ba yo Nyemɛ yarada n dɛɛ ti.

³⁵ Alecin ɔɔgarama, na jɔredifɔm n asunma npulisim ka bu kɔ se dansaraka niɛfɔ n ka i yaki nyini minem nu ji na bu kɔ. ³⁶ Nyini ti, na dansaraka niɛfɔ n asere Pɔɔlu ka, “Jɔredifɔm n ama nɔɔ ka ya yaki am na am kɔ. Nyini ti, am kɔ ni ahoreda.” ³⁷ Ama, na Pɔɔlu ase npulisim ni ka, “Haari ni bo ya ti Romafɔm ni, ba di má ya jɔre anu má ya ɔɔgasi be, na ba bo ya jama n kere nyunu, na ba nyi ya dansaraka. Ye kisa bu sukoro ka bu fie yi ya ji benle, nzen sɛ? Nyini koro yo má, má ka bere ni bu tii aba na bu ba yi ya ji.” ³⁸ Na npulisim n akɔ ase jɔredifɔm ni. Bu tiiri ka Pɔɔlu ni Silasi ti Romafɔm ni, na sere ati bu. ³⁹ Nyini ti, na ba ba atara Pɔɔlu ni Silasi jaa, na ba nya ayi bu afite dansaraka n nu, na ba sere bu jande ka bu fite mie n nu. ⁴⁰ Na ba fite dansaraka sɔɔ n nu, na ba kaaki akɔ Lidiya dika, na ba kɔ anu yaradayofɔm ni, na ba ma bu ahoresi, na ba nya afite mie n nu akɔ.

17

Kabo Pɔɔlu kɔɔri Tesalonika mie kpiri n nu ni

¹ Na Pɔɔlu ni Silasi afa asin Amfipolisi, ni Apoloniya mie kpirim su, na ba kɔ aju Tesalonika mie kpiri n nu. Yudafɔm tientienbunɔɔ sɔɔ wo dɔ. ² Nyini ti, kabo i nati yo ni, na Pɔɔlu awura bu tientienbunɔɔ sɔɔ n nu akɔ aju Numiyi cɛɛn nsan, na i ni bere subo anzama fa kɔ Nyemɛ Jɔre Kadasi n su, ³ na i sukan, na i suyi i bu kere bu, kabo wɔ yo daka ka Kristo Tiidefɔ n ba di wahara na i tenge i yiwee nu ni. Na wɔ se bu ka, “Yiri Kristo Tiidefɔ n la Yesu n bo m kan i jɔre kere am ni.” ⁴ Na Yudafɔm nbem ade jɔre n bo Pɔɔlu kaanri i ni, ni Girikifɔm beberebe bo bu su Nyemɛ ni, ni nbaram beberebe bo bu la anyunuyi ni, na bu kere afa bu ɔɔ amata Pɔɔlu ni Silasi. ⁵ Ama, na Yudafɔm n asi bu kɔre agaya, na ba fere minem ɔɔɔɔɔɔɔɔɔɔ nbem bo bu la má kperɛ na bu nati tana ɔɔɔsu ni, na ba tien jama dɔngɔ nɔɔ. Na ba kpisi mie ni, na ba kɔ sɔnɔ be bo bu fere i ka Jason n dika, akɔ ajina i dika anɔ nu, deke bo Pɔɔlu ni Silasi wo ni, na bu sutientien ka i yi bu ma bu na bu fa bu kɔ jama n nu. ⁶ Ama, bu kɔ nienieeri na ba ɔɔ má bu ni, na ba tara Jason ni yaradayofɔ nbem acin bu afa bu akɔ mie n nu yikofɔm dɔ, na bu sutien suse ka, “Ahin minem n bo ba saaki durunya n abara aye ni, aba ya mie n nu fen,” ⁷ haari Jason ade bu awura i dika. Ba kete Romafɔm femɛ kpiri n nɔaniɛ n bo wɔ fa ama ka ya su i su ni, bu ɔɔ femɛ be wo

berε bekun, bo bu fere i ka Yesu.” ⁸ Bu seeri sɔ ni, na wɔ ye yikofɔm ni jama n ahore su. ⁹ Na yikofɔm n akpiε Jason ni i bengum kɔbuka, na ba tɔ kaari, na ba nya ayaki bu aji.

Kabo Pɔɔlu woori Beriya miε kpiri n nu ni

¹⁰ Nyini cεen n kɔngue n kere, na yaradayofɔm n ase Pɔɔlu ni Silasi atin nu akɔ aju miε kpiri be bo bu fere i ka Beriya n su. Bu kɔ juuri dɔ n na ba kɔ awura Yudaɔm tientienbunɔɔ sɔɔ n nu. ¹¹ Dɔ dεε Yudaɔm joko n ti kpa tara berε n bo bu wo Tesalonika miε kpiri n nu ni. Bu soori bu sui wɔ ni nahɔre su, na ba ti kereewa n bo bu kere bu ni, na ale kere bo i cin, berε ni bu tii kan Nyεmε Jɔre Kadasi n wɔ, na bu niε ka, deke n bo Pɔɔlu sukere bu n ti nahɔre wɔ, nzen i ti mǎ nahɔre. ¹² Na Yudaɔm ni dɔngɔ ayo yarada, fa sanɔa ni Girikifɔm beberebe, nbaram bo bu la anyunuyi n ni nbiesɔm. ¹³ Ama, sanɔa bo Yudaɔm bo bu wo Tesalonika n tiiri ka Pɔɔlu akɔ akan Nyεmε jɔre Beriya dɔ gusu ni, na ba ba dɔ aba awura minem bu sin, na ba ye bu yaa su. ¹⁴ Kpenɔa na yaradayofɔm n ayo ndende afa Pɔɔlu akɔ ase haari tieku n nɔɔ su, ama, na Silasi ni Timoti yiri aka Beriya dɔ. ¹⁵ Na minem n bo bu seeri Pɔɔlu atin nu ni, afa i akɔ aju haari miε kpiri be bo bu fere i ka Atensi n su. Bu kpieeri bu nyi sukɔ ni, na Pɔɔlu akaari bu ka bu kɔ se Silasi ni Timoti ka bu bra na bu ba tu i dɔ ndende.

Kabo Pɔɔlu kɔɔri Atensi miε kpiri n nu ni

¹⁶ Sanɔa bo Pɔɔlu wo Atensi miε kpiri n nu sunɔminda Silasi ni Timoti ni, na i ahore asaaki agaya kabo i ηuuri ka amɔem asunnu miε n nu ni. ¹⁷ Nyini dεε ti, na wɔ kɔ awura Yudaɔm tientienbunɔɔ sɔɔ n nu, na i ni berε, ni minem bo bu ti mǎ Yudaɔm na bu su Nyεmε ni, subo anzama. Na i sukɔ gɔɔsu cεen n kere cεen, na i sukan kere minem bo bu wo dɔ ni. ¹⁸ Sifɔm asese nbem wo miε n nu, bu fere bu kun ka Epikurifɔm, na bu fere nyinɔa n ka Sitɔwafɔm, na bu suse akuruwa ni Pɔɔlu, na bu nbem abisa ka, “Ye ahin jɔre beberebefɔ n ηa se wɔ lεε?” Na bu nbem abɔ nu ka, “I jɔjɔ fa kɔ amɔε fɔfɔre nbem jɔre wɔ.” Deke bo i ti na bu seeri sɔ n la ka, Pɔɔlu sukan Yesu ni yiwee tenge n su jɔre wɔ. ¹⁹ Na ba fa Pɔɔlu akɔ awɔre be bo bu fere i ka Aropagɔsi na bu tien bu nɔɔ di jɔre n nu. Na ba se i ka, “A koro kere ya na ya ti ahin kereewa fɔfɔre n bo a sufa kere n bu? ²⁰ Ahin kereewa n bo a sukere i ni, ya si mǎ i, ya koro ka a ma ya ti i bu wɔ.” ²¹ Dama Atensifɔm ni wɔfɔm bo bu wo miε n nu n dεε la ka, sanɔa kere bu sukan na bu suti kereewa fɔfɔrem wɔ.

²² Na Pɔɔlu ayasu ajina miε n nu teretereɔm n afien, na wɔ se ka, “Ma ηu kabo ambere Atensifɔm su amɔem na am yo munzue sam ni anyumboro. ²³ Dama kabo m nati bara ye niε yi kɔresi ni, ma ηu dekem bo am su bu ni, na ma ηu bimbindi be bo am akere su ka, ‘Nyεmε n bo ya si mǎ i n dεε woobiri lεε.’ Tɔ, yiri n bo am su i na am si mǎ i ni, yiri ye m kan i jɔre kere am a. ²⁴ Nyεmε bo i yiiri durunya n ni deke n kere bo i wo nu ni, yiri ti angoro ni asienɔa kere Mibiε a, i wura mǎ amɔε sɔɔm bo adamande afa i saa ata bu n nu na i da. ²⁵ Sasu bekun, i fun mǎ deke be bo i se adamande ka i yo ma i, dama yiri ni i tii ma adamande ηɔɔɔ ni ηumi a, ni deke n kere a. ²⁶ Yiri ma adamande n kere fite sɔnɔ kun busu n nu wɔ, na wɔ ma ba tere ade durunya n kere. Na wɔ nya akpama sanɔa sanɔa ama bu kere, na wɔ kaaki akere bu kabo bu asien nyaari ti. ²⁷ Deke n bo i ti na i yoori sɔ n la ka, bu bǎ turingi nienie i busu na beni bu ηu i. Ama, haari ni nyini mmɔɔ ni, i wo mǎ dede ni yere kere be. ²⁸ Dama yiri dεε ti ye ya la ηɔɔɔ ye ya wo berε ye ya nati a. Kabo am juedifɔ nbem gusu ase ni, ka,

‘Yere mmɔɔ ti i nbaam wɔ.’

²⁹ Nyini dεε ti, kabo ya nya ti Nyεmε nbaam ni, mǎ ya sunsun ka i woowa ti ka sika, wara jete, wara yabue nyunyumi, wara deke be bo juma sifɔm afa bu alecira ayo i.

³⁰ Dawa sanɔa ni, Nyεmε ayo anie mǎ minem fa kɔ bu sayoowam su, dama bu yo si

má. Ama, kisa, wɔ ma nɔɔ ka sɔnɔ kɛrɛ bo i wo deke kɛrɛ kaaki i wo na i yaki i satie. ³¹ Dama wɔ du mɔ akpama cɛɛn na wɔ yi sɔnɔ be ka i bá di durunya n nufɔm jɔrɛ ni nahɔrɛ. Deke bo i kere ya kɛrɛ ka i bá yo sɔ n la bo i tengeeri i yiwee n nu ni.”

³² Saɔga bo bu tiiri ka Pɔɔlu sukan fa kɔ yiwee tenge n su n jɔrɛ ni, na bu nbem ayo i anzasi. Ama, na bu nbem ase ka, “Ya koro ka a kaaki ba kan ahin jɔrɛ n bekun na ya ti.” ³³ Dɔ na Pɔɔlu akɔ ayaki bu. ³⁴ Na bu nbem asu i su na ba yo yarada. Bɛrɛ la Diyonusiyɔsi, i ti Aropagɔsifɔm n nu kun wɔ, ni bara be bo bu fere i ka Damarisi ni, ni minɛm nbem.

18

Kabo Pɔɔlu kɔɔri Kɔrinto miɛ kpiri n nu ni

¹ Nyini sin, na Pɔɔlu afite Atensi miɛ kpiri n nu, na wɔ kɔ Kɔrinto miɛ kpiri n nu. ² Na wɔ kɔ atu Yudaɔ sɔnɔ be dɔ, bu fere i ka Akuyila, i ti Pontusi asien su fɔ ɔ, i ni i yi, bu fere i ka Pirisila, bu fiteeri Itali asien su baari a, wɔ nya cɛ má ye Pɔɔlu ɔuuri bu n a, dama Romafɔm fɛmɛ kpiri n bo bu fere i ka Kalodisi n ama nɔɔ ka Yudaɔm kɛrɛ fite i asien n su. Nyini dɛɛ ti, na Pɔɔlu akɔ ka i kɔ niɛ bu busu, ³ na wɔ kɔ aseke bu wɔfɔ, na i ni bɛrɛ asaɔga ayo juma, dama bu kɛrɛ ti jerekem ni tani wufɔm wɔ. ⁴ Na Njumiyi cɛɛn kɛrɛ, i suwura bu tientienbunɔɔ sɔɔ n nu, na i subo anzama ni bɛrɛ, ni Girikifɔm kɛrɛ, adena i kaaki bu sunsunni na bu yo yarada.

⁵ Saɔga bo Silasi ni Timoti fiteeri Makɛdoniya awɔrɛ n nu ba juuri ni, Pɔɔlu nyunu aboro ni labari kpa n jɔrɛ kan su ɔgumi wɔ. Na i sukere Yudaɔm n ka, Yesu ti Kristo n a, Tiidefɔ n bo Nyɛmɛ ase ka i súnma i ni. ⁶ Ama, Yudaɔm n keteeri i nɔaniɛ n wɔ, na ba kpɛ i nzukɔ. Nyini dɛɛ ti, na wɔ kpɔnkpɔn i sutura wuraawa tuturi ago bu ɔu, na wɔ se bu ka, “Amberɛ, nzen am nya má tiide, i ti am dɛɛ jɔrɛ wɔ, má m dɛɛ. Fite kisa fa kɔ, m kó minɛm bo bu ti má Yudaɔm n dɔ ɔ lɛɛ.” ⁷ Dɔ na Pɔɔlu afite tientienbunɔɔ sɔɔ n nu ayaki bu, na wɔ kɔ sɔnɔ be dika, i ti má Yudaɔ, ama, i su Nyɛmɛ wɔ, bu fere i ka, Titosi Jusitosi, i dika n mata tientienbunɔɔ sɔɔ n wɔ. ⁸ Na sɔnɔ n be bo bu fere i ka Kirisipusi na i ti bu tientienbunɔɔ sɔɔ n kpɛn n ayo Mibiɛ n yarada, i ni i dikafɔm kɛrɛ, na Kɔrintofɔm dɔɔgu bo bu tiiri labari n bo Pɔɔlu kaanri i ni, na bu kɛrɛ ayo yarada, na ba biɛ bu Nyɛmɛ nzue.

⁹ Cɛɛn n be kɔɔgue sɔ ɔ, na Mibiɛ n ajojo Pɔɔlu dɔ ka alele nu dɛɛ su, i ɔa, “Má a soro sɛrɛ, ama, kɔ su na a sukan labari kpa n kere bu, má a mɔ u nɔɔ, ¹⁰ dama m wo u dɔ. Be koro fa má i saa kan má u na i yo u pui. Niɛ fen, m la minɛ beberebe miɛ n nu fen bo bu ti m dɛɛ.” ¹¹ Na wɔ wo bu dɔ akɔ aju afɔ kun ni kpaaki nu, na i sukere bu Nyɛmɛ nɔaniɛ ni.

¹² Tɔ, bu wo bɛrɛ na sɔnɔ n be bo bu fere i ka Galiyo n aba adi Akaya awɔrɛ n nu gomina. Nyini saɔga n na Yudaɔm kɛrɛ nɔɔ ayo kun, na ba kete Pɔɔlu ɔu na ba fa i akɔ jɔrɛ diibiri. ¹³ Na ba se ka, “Ahin sɔnɔ ni suboro i nyi sukere minɛm kereewa bo i wo i ɔgumi ni Nyɛmɛ nɔaniɛ kpamaawa ni.” ¹⁴ Saɔga bo Pɔɔlu tekeeri i nɔɔ ka i jojo ni, na Gomina Galiyo ase Yudaɔm ka, “Nzen má i ti ka wɔ yo satie be, wara wɔ do ɔgasi be, ye am sujaraki i a, má m ti i bu ma am. ¹⁵ Ama, kabo i nya ti bisaawam fa kɔ nɔaniɛm, ni dumam, ni am dɛɛ nɔaniɛ kpamaawam n su ni, amberɛ ni am tii kɔ yo i dɔɔgu. Mini, m koro di má nyini jɔrɛ ni.” ¹⁶ Na wɔ ma ba fɔn ayi bu afite jɔrɛ diibiri sɔɔ n nu. ¹⁷ Na bu kɛrɛ akaba atɔ sɔnɔ n bo bu fere i ka Sositeni n ɔu na bu subo i wɔ, jɔrɛ diibiri n nyunu bɛrɛ, yiri ti tientienbunɔɔ sɔɔ nkpiɛn a. Ama, Gomina Galiyo cɛɛ awo má nyini n be nu.

Kabo Pɔɔlu kpɛeri i nyi kɔɔri Antiyoki miɛ kpiri n nu ni

¹⁸ Na Pɔɔlu awo Kɔrinto miɛ kpiri n nu acɛ, nyini sin na wɔ kaari yaradayofɔm ni na i ni Pirisila ni Akuyila akɔ. Bu kɔ juuri miɛ kpiri n bo bu fere i ka Kenciriya n su

ni, na Pɔɔlu ayi i tii dɔ, dama wɔ du mɔ atan ndiɛ n dɛɛ ti. Na ba wura lee bambaka be nu dɔ, i sukɔ Siriya awɔrɛ n nu. ¹⁹ Bu kɔ juuri Efeso miɛ kpiri n nu ni, na wɔ yaki Pisisila ni Akuyila dɔ, ama, na yiri akɔ awura Yudaƒɔm tientienbunɔɔ sɔɔ n nu, na i ni bɛrɛ abo anzama fa kɔ labari kpa n su. ²⁰ Na ba sere i ka i wo bu dɔ lennyɔ, ama, wɔ soro má su. ²¹ Na wɔ sere bu atin na wɔ kaari bu, na wɔ se bu ka, “Nzɛn Nyɛmɛ maari m atin, m kpíe m nyi ba am dɔ.” Na wɔ yasu Efeso dɔ, na wɔ fa lee bambaka akɔ. ²² Saŋga bo i kɔ juuri Sizariya miɛ kpiri n nu ni, na wɔ sin akɔ Yerusalem miɛ kpiri n nu akɔ ayo Kristo jama n anɛ, na wɔ nya kɔ Antiyoki miɛ kpiri n nu. ²³ Na wɔ yo lennyɔ dɔ, na wɔ nya akaaki ayasu dɔ, abara aye miɛ miɛm bo bu wo Galatiya, ni Firigiya dɛɛ awɔrɛm n nu n kɛrɛ, na wɔ ma yaradayoƒɔm n kɛrɛ ahoresi.

Kabo Apolosi kɔɔri Efeso ni Kɔrinto miɛ kpirim n nu ni

²⁴ Nyini saŋga ni, Yudaƒɔ sɔnɔ be aba Efeso miɛ kpiri n nu, bu fere i ka Apolosi, bu wuuri i Alɛkizanderiya miɛ kpiri n nu wɔ. I yo la si fa kɔ Nyɛmɛ Jɔrɛ Kadasi n su, na i koro jɔjɔ nahɔrɛ su. ²⁵ Ba du mɔ akere i kereewam fa kɔ Mibiɛ n dɛɛ atin su, na i ahore abi na i nɔniɛ ti nyakanyaka, na i sukan na i kere minɛm Yesu jɔrɛ nahɔrɛ su. Ama, i si má nzue biɛɛwa be, má ka Yohane dɛɛ Nyɛmɛ nzue biɛɛwa ni nɔgumi. ²⁶ Na wɔ bo i bu na i sukan i ni ahoresi Yudaƒɔm tientienbunɔɔ sɔɔ n nu. Saŋga bo Pisisila ni Akuyila tiiri i kereewam n sɔ ni, na ba fa i akɔ awuru, na ba kere i Nyɛmɛ atin n su jɔrɛ nyunyumi abuka su. ²⁷ Nyini sin, na Apolosi akoro ka i kɔ Akaya awɔrɛ n nu, na yaradayoƒɔm ni bo bu wo Efeso n ama i ahoresi, na ba kɛrɛ kadasi ama bu ninbaam bo bu wo Akaya n ka bu de i wɔfɔ nyunyumi. Saŋga bo i kɔ juuri dɔ ni, na wɔ buka minɛm bo Nyɛmɛ dɛɛ ahɔrɔma n nu na ba yo yarada ni. ²⁸ Na Yudaƒɔm seeri akuruwa n dɛɛ ti, na wɔ fa Nyɛmɛ Jɔrɛ Kadasi n na wɔ kan ayi bu fieo fieo jama n kɛrɛ nyunu, ka, Yesu ti Kristo n a, Tiideƒɔ n bo Nyɛmɛ ase ka i súnma i ni.

19

Kabo Pɔɔlu kɔɔri Efeso miɛ kpiri n nu ni

¹ Saŋga bo Apolosi toko wo Kɔrinto miɛ kpiri n nu ni, na Pɔɔlu anati abara aye dɔ dɛɛ ahɛmɛ miɛ miɛm n kɛrɛ su, haari na wɔ kɔ aju Efeso miɛ kpiri n nu. Dɔ na wɔ kɔ atu Yesu susuƒɔ nbem, ² na wɔ bisa bu ka, “Saŋga bo am yoori yarada ni, Awiewiɛ Casi n awura am nɔ?” Na ba bɔ i nu ka, “Ai, ya nya ti má ka Awiewiɛ Casi wo bɛrɛ mmɔɔ.” ³ Dɔ na Pɔɔlu abisa bu ka, “Ye nzu Nyɛmɛ nzue ye bu biɛeri am a?” Na ba bɔ i nu ka, “Bu biɛeri ya Yohane dɛɛ nzue biɛɛwa n wɔ.” ⁴ Na Pɔɔlu ase bu ka, “Yohane nzue biɛɛwa n bu la ka, mine kaaki bu wo na bu yaki bu satie wɔ. Na wɔ se minɛm n ka bu yo sɔnɔ n bo i wo i sin suba n yarada, yiri la Yesu.” ⁵ Bu tiiri nyini n sɔ wieeri ni, na ba biɛ bu Nyɛmɛ nzue ya Mibiɛ Yesu n dɛɛ duma nu. ⁶ Na Pɔɔlu afa i saa anana bu nɔ, na Awiewiɛ Casi n awura bu nɔ. Na ba jɔjɔ anie barasu barasu nbem, na ba kan Nyɛmɛ nɔaniɛ akere minɛm. ⁷ Bu kɛrɛ kɔ yasuuri nbiesɔm buru ni nnyɔ ɔ.

⁸ Na wɔ wo dɔ haari sara nsan, na Nɔmiiyi cɛn kɛrɛ, na i suwura bu tientienbunɔɔ sɔɔ n nu, na i sukan kere bu fa kɔ Nyɛmɛ fɛmɛya n su ni ahoresi, na i ni bɛrɛ subo anzama, na wɔ boro i nyi akere bu ka, kabo i kan n ti nahɔrɛ wɔ. ⁹ Ama, na bu nbem afa ahorembaa kekereke, na ba kete ka bu yo má yarada. Na ba jɔjɔ jɔrɛ tie fa kɔ Mibiɛ n dɛɛ atin n su, jama n kɛrɛ nyunu. Nyini ti, na Pɔɔlu ayaki bu, na wɔ fa yaradayoƒɔm n afite akɔ Tiranusi tientienbunɔɔ sɔɔ bambaka n nu, na i ni bɛrɛ sutien bu nɔɔ subo anzama, fa kɔ Yesu dɛɛ atin n su cɛn n kɛrɛ cɛn. ¹⁰ Pɔɔlu bitaari i sɔ ɔ, haari aƒɔ nnyɔ, na minɛm kɛrɛ bo bu wo Esiya dɛɛ awɔrɛ n nu n ati Mibiɛ n nɔaniɛ ni, bo bu ti Yudaƒɔm, ni bo bu ti má Yudaƒɔm n kɛrɛ.

Sikeva nbaabiesɔm n jɔrɛ

¹¹ Na Nyeme ama Pɔɔlu ayo alekutura sam bo bu la má ḡusu. ¹² Haari na sanvuinm ni suturam kere bo ba kan i ḡunie, na bu fa ko nana tukpakifom ḡu, bu nya laifie wo, na ajinim fite yaki minem bo bu wo bu ḡu ni. ¹³ Na Yudafoḡ nben bo bere gusu nati jengbe fon yi ajinim fite minem ḡu ni, aboro bu nyi ka bu fa Yesu duma n fon yi ajinim. Bu ḡa, “Yesu n bo Pɔɔlu kan i jore n dee duma nu, ye m se am ka am fite yaki sono n a.” ¹⁴ Yudafoḡ mine nso nben nati yo nyini sam n a. Bere la Nyeme sayoowa donḡuyofom n kere kpian be bo bu fere i ka Sikeva n dee nbaabiesom ni.

¹⁵ Ama, na ajini n ase bu ka, “M si Yesu, na m kaaki si Pɔɔlu, ama, ye ambere la ḡma n wo?” ¹⁶ Na sono n bo ajini n wo i ḡu ni, ato bu ḡu na wo kunma bu kere fanga, na wo bo bu na wo ma bu mandim, na ba ḡmati afite i dika n nu bu bu ḡgben. ¹⁷ Sanga bo Yudafoḡ ni minem bo bu ti má Yudafoḡ na bu wo Efeso mie kpiri n nu n kere tiiri nyini sa n so ni, na sere ati bu, na ba kansi Mibie Yesu n duma agaya. ¹⁸ Na mine donḡu bo ba yo yarada n afite ajina, na ba kan bu ḡgasim ni bu satiem kere bo ba yo bu n akere jama ni. ¹⁹ Na mine donḡu bo bu nati yo boboyaya juma n afa bu boboyaya kadasim ni, na ba tien bu noo jama n kere nyunu, na ba yara bu kere. Kadasim n kere bo bu yaraari bu ni, i ḡwaa sunnu agaya, bu buuri i akunta, i kere ko yasuri bu dee jete ḡwaa akpii aburunu wo. ²⁰ Nyini n dee ti, na mine beberebe ati Mibie n noanie ni, na wo sandi abara ye ni fanga.

Kabo minem tientien yoori nanmie Efeso mie kpiri n nu ni

²¹ Nyini n kere sin, na Pɔɔlu afa sunsunni ka i ko Makedoniya ni Akaya dee aworeḡ n nu, na i nya sin ko Yerusalem mie kpiri n nu. Na wo se ka, “Nzen m nya ḡuuri m natiiri n kere nyaari, wo yo daka ka m ko Roma mie kpiri n nu gusu.” ²² Na wo sunma i bukafon nnyom ni, bere la Timoti ni Irasitusi ka bu ko Makedoniya, na yiri aka Esiya dee awore n nu, ayo lennyo.

²³ Nyini sanga n ye Mibie n atin n su su n ayo jore agaya Efeso mie kpiri n nu n a. ²⁴ Jete tunmi be yo wo do, bu fere i ka Demetiroḡi, i fa jete wo, na i fa yo soo kan kanm, bu ti ka amoe n bo bu fere i ka Atemisi n wo, na i sufa to ma minem. Na minem bo bu yo nyini juma n anya kpare beberebe afite nu. ²⁵ To, na yiri Demetiroḡi afere minem bo bu yo nyini juma atien bu noo, na wo se bu ka, “Njam, am si ka ya nya ya dee ajeke kere fite ahin juma n bo ya yo i n nu wo e. ²⁶ Yiri Pɔɔlu ni, kisa, am anu i e, am ati kabo wo koro akan ateke mine beberebe nyi ni, má bo bu wo Efeso fen ḡgumi, ama, ni bo bu wo Esiya dee awore n nu kere, i ḡa amoem bo adamandem yo bu n ti má nyeme ni. ²⁷ Nyini n bo i wo su ni, nzen ya yakiiri na i yo so o, ya juma n bo ya yo i ni, i ka ḡgben wo. Má nyini ḡgumi, ama, minem fa má ya amoe kpiri Atemisi soo n yo má pui, dama yiri Atemisi n ye minem bo bu wo Esiya awore n nu ni durunya n nufom kere su yiri wo. I nya yoori so, Atemisi fun nyini jirima n wo lee.”

²⁸ Jama n tiiri ahin jooowa n so ni, na yaa ati bu, na ba tien kpa, bu ḡa, “Yere Efesofom dee amoe Atemisi ni, yiri ti yikofa a.” ²⁹ Na mie n abo nu, na minem suyo nanmie. Na jama n akaba ako atara Gayosi ni Arisitakusi, bere bo bu suuri Pɔɔlu su fiteeri Makedoniya baari ni. Na ba cin bu ako tientienbunoo fofoe paa n nu. ³⁰ Má Pɔɔlu ni i tii koroori ka i ko deke bo jama n atien bu noo n wo, na i joo bu do, ama, yaradayofom n asoro má i su. ³¹ Haari na nyini awore n nu yikofom bo bu ti i danfom n asunma asere i jande ka má i ko tientienbunoo fofoe n nu. ³² Nyini sanga n kere ni, bu nyunu ata, na jama n sumentien, suyo nanmie, nben ḡa so, nben gusu ḡa ahin, ama, bu donḡu asi má deke n bo i ti na ba ba atien bu noo ni. ³³ Na Yudafoḡ asun sono be bo bu fere i ka Alekizanda n adu jama n nyunu, nyini dee ti, mine nben sunsun ka yiri faari nyini sam n kere baari a. Do na wo ye i saa su ka jama n yaki nanmie, na i sukan na minem si deke bo i wo nu. ³⁴ Ama, sanga bo bu faari nu ka i ti

Yudafɔ ni, na bu kere atien kungerekun, bu ɲa, “Yere Efesofom dɛɛ amɔɛ Atemisi ni, yiri ti yikofɔ a.” Ba tientien sɔ ɔ aɛɛ haari sanɲa su. ³⁵ Na sɔnɔ be bo i ti bu miɛ n nu kadasi kerefɔ n aba bu dɔ, na wɔ se bu ka, “Am yaki nanmiɛ.” Dɔ na wɔ nya se bu ka, “Amberɛ Efesofom, am ti fɛn, ɲma wo bere bo i si má ka Efesofom niɛ Atemisi amɔɛ kpiri sɔɔ n ni yabuɛ n bo i fiteeri anɲoro tɔɔri n su a?” ³⁶ Sɔnɔ be wo má bere bo i koro se ka ahin jɔrɛ n ti má nahɔrɛ. Nyini ti, wɔ yo daka ka am tara am ɲu, má am koro nde yo sa be bo i kunma am. ³⁷ Ahin minem bo am afa bu aba fɛn ni, ba wɔ má puitiripui afite má amɔɛ sɔɔ n nu, ba kaaki akpie má nzukɔ be ajaraki má ya amɔɛ ni. ³⁸ Nzen Demetirɔsi ni i benɲu jumayofom ni, la jaraki fa kɔ bu be dɔ, jɔredifom ni gomina nkpienkpienm wo bere, bu koro jaraki nyini minem bu dɔ. ³⁹ Ama, nzen sa be wo bere buka su na am koro ka ya yo i dɔɲɲu a, am fa bra sanɲa bo miɛ n nu jama n kere la bu tientienbunɔɔ ni. ⁴⁰ Nanmiɛ n bo am ayo i nyuma ni, i la má kpere, i koro fa ya wura jɔrɛ nu, dama ya koro kan má deke n bo i ti na am ayo sɔ ni. ⁴¹ I jɔjɔri sɔ wieeri ni, na wɔ ma jama n asandi.

20

Kabo Pɔɔlu kɔɔri Makɛdoniya ni Girikifom dɛɛ awɔrɛ n nu ni

¹ Minem ni yoori nanmiɛ n wieeri ni, na Pɔɔlu afere yaradayofom n atien bu nɔɔ, na wɔ ma bu ahoresi, na wɔ kaari bu, na wɔ kɔ Makɛdoniya awɔrɛ n nu. ² Na wɔ fa nyini awɔrɛ n kere nu, na wɔ jɔjɔ yaradayofom kere dɔ, na wɔ ma bu ahoresi, na wɔ fa dɔ akɔ aju Girikifom dɛɛ awɔrɛ n nu, ³ na wɔ wo dɔ haari sara nsan. Na sanɲa bo i wo sesesu su ka i kɔ Siriya awɔrɛ n nu ni, na wɔ ti ka Yudafom akpa bu ɲu akɔ anmindanda i atin nu, nyini dɛɛ ti, na wɔ yo i sunsunni ka i kpie i nyi fa Makɛdoniya a. ⁴ Na mine nbem asu i su akɔ, bere la Sopateri bo bu fere i si ka Pirihusi na i fite Beriya miɛ kpiri n nu ni, ni Arisitakusi, ni Sekundosi bo bu fite Tesalonika miɛ kpiri n nu ni, ni Gayosi bo i fite Derebi miɛ kpiri n nu ni, ni Tikikusi, ni Torofimosi bo bu fite Esiya dɛɛ awɔrɛ n nu ni, ni Timoti. ⁵ Na bere kere adu mɔ akɔ anmindanda ya Tɔrasi miɛ kpiri n nu. ⁶ Na yere aka Filipiya miɛ kpiri n nu, haari na Yudafom aba adi bu cɛenkpiri n asin, bo bu di i ni kpɔnɔ na bu gɔ má ayiri nu na i yasu ni, na ya nya afa lee bambaka, na i lennu cɛen na ya kɔ atu bu Tɔrasi, na ya wo dɔ akɔ aju lesɔ.

Kabo Pɔɔlu kɔɔri Tɔrasi miɛ kpiri n nu awieeri su ni

⁷ Na Yudafom bakue n bumboori, mɔnɛ cɛen, na ya kere atien ya nɔɔ ka ya sanɲa di diire. Na Pɔɔlu ajɔjɔ minem dɔ, haari kɔɲɲue jinanjin, dama i koroori ka nyini cɛen alecin i kaari bu wɔ, na i kɔ yaki bu. ⁸ Ya tieɛnri ya nɔɔ anɲoro sɔɔ be nu wɔ, fitanam sunnu nu dɔ. ⁹ Na gbefene be, bu fere i ka Itikusi, na wɔ fun atana sɔɔ anɲoro nsan n tukoro n su, na daafiri ati i. Pɔɔlu jɔjɔ cɛeri na wɔ daafi, na wɔ fite anɲoro aba ato asiɲɲu. Bu jura kɔ maari i su ni, nyini sanɲa wɔ wu. ¹⁰ Na Pɔɔlu ajura akɔ asiɲɲu, na wɔ fun abutu i ɲu, na wɔ fa i saa abara aye i, na wɔ se bu ka, “Má am ma sere ti am, dama i la ɲɔɔ.” ¹¹ Dɔ na Pɔɔlu akpie i nyi afun akɔ anɲoro sɔɔ n nu dɔ, na i ni bere kere asanɲa adi diire, na ba bo anzama, haari ale akɔ acin, na wɔ kaari bu na wɔ kɔ. ¹² Na ba nya afa gbefene n akɔ awuru ni laifɛ, na bu ahore ajɔ akɔ asin su.

Kabo Pɔɔlu fiteeri Tɔrasi kɔɔri Miletosi ni

¹³ Na Pɔɔlu afa sesesu ka yere fa lee bambaka du mɔ ɔ, na yiri nati na ya ni yiri kɔ saa nu Asosi miɛ kpiri n nu. ¹⁴ Sanɲa bo i ba tuuri ya dɔ ni, na wɔ wura lee n nu, na ya ni yiri kere akɔ miɛ kpiri n bo bu fere i ka Mitulene n su. ¹⁵ Na ya yasu dɔ, i alecin, na ya kɔ dodo lui bambaka n bo bu fere i ka Kiyɔsi n su. Na i alecin bekun, na ya kɔ aju lui bambaka nyiɲɲa n bo bu fere i ka Samosi, na i alecin fɔfɔrɛ, na ya kɔ aju miɛ kpiri n bo bu fere i ka Miletosi n su. ¹⁶ Na Pɔɔlu aboro i nyi ka i ju Yerusalem miɛ

kpiri n nu ka, na bu di Pentekoti cɛenkpiri ni, nyini ti, wɔ koro má ka i cɛ Esiya dɛɛ awɔrɛ nu, na wɔ san asin Efeso miɛ kpiri n dɛɛ bue ni.

Kabo Pɔɔlu kaariiri Efeso dɛɛ Kristo jama nkpienkpienm ni

¹⁷ Sanga bo Pɔɔlu wo Miletosi miɛ kpiri n nu ni, na wɔ sunma afere Kristo jama nkpienkpienm bo bu wo Efeso miɛ kpiri n nu n ka bu ma bu ni yiri yɛ. ¹⁸ Sanga bo bu ba juuri i dɔ ni, na wɔ se bu ka, “Amberɛ ni am tii si kabo m woowa ti barasu, sanga kere bo m woori am dɔ ni, fite cɛen gbingbin n bo m ba juuri Esiya awɔrɛ n nu ni. ¹⁹ M yoori m ɲu kaan wɔ, na ma yo Mibiɛ n juma n ni nyunvuin. Haari ni bo Yudafɔm sɛsɛeri su ka bu kere m wuwuruwa barasu n kere ni, m mindi deer i wɔ. ²⁰ Am si ka deke kere bo i ti kpa na i buka am ni, m kaanri i kereeri am wɔ jama n kere nyunu, ma fa afie má am su, na m sunati awuru awurum n kere nu na m sukere am. ²¹ M kan kereeri Yudafɔm ni bo bu ti má Yudafɔm n kere wɔ, ka bu kaaki bu wo fa kɔ Nyemɛ dɔ, na bu yo ya Mibiɛ Yesu n yarada. ²² Tɔ, kisa Awiewie Casi ni ma m sukɔ Yerusalem miɛ kpiri n nu n a, ama, m gusu si má deke bo i kó yo m dɔ. ²³ Deke bo m si i n la ka, miɛ kere bo m kɔ su ni, Awiewie Casi n se m ka bu kere m wuwuruwa, na bu nyí m dansaraka. ²⁴ Ama, m fa má m tienɲu ɲɔɔ yo má pui. Deke bo i kpie m daafiri n kere la ka, má ka ma yo juma n bo Mibiɛ Yesu n afa ama m n awie. Yiri la ka, m kan labari kpa n fa kɔ Nyemɛ ahɔrɔma n bo wɔ fa ama minem ni.

²⁵ Kisa m si ka am be mmɔɔ ɲú má m kun, amberɛ bo m yo nati am nu kan Nyemɛ jɔrɛ fa kɔ i femɛya n su kere am ni. ²⁶ Nyini dɛɛ ti, m suse am wɔ lɛɛ nyuma, ka wɔrɔ kere bo a kaari ɲgbeɛn, i ti má m jɔrɛ. ²⁷ Dama deke kere bo Nyemɛ koroori ka am yo i ni, ma fa afie má am su, ma kan i akere am. ²⁸ Nyini ti, am bita am ɲu nyunyumi, na am kaaki nie Kristo jama minem kere su, bere bo Awiewie Casi n afa ama am ka am nie bu dika ni, kabo bɔɛsasafɔ nie i nbɔɛm su ni. Nyini minem ye Nyemɛ faari i tienɲu Wa mbunja deer i bu jiiri n a. ²⁹ M si tenle su ka m kɔ yakiiri am, mine tiem ba wura am nu, kabo bedi wura nbɔɛm nu sandi bu n wɔ. ³⁰ Haari na am dɛɛ minem nbem bo bu wo am nu fɛn ni, bu bá kaaki nahɔrɛ ni, na bu dádaka yaradayofɔm nbem na bu su bu dɛɛ atin n su. ³¹ Nyini dɛɛ ti, am kpa am ɲu, na am tenge su ka afɔ nsan lɛɛ bo m nati bɔbɔ am ni nyunvuin, kɔɲɲue ni wiesu. ³² Kisa, m sufa am wura Nyemɛ saa nu wɔ lɛɛ, na i nie am dika, na m kaaki fa am wura i dɛɛ nɔanie n bo i ma am ahɔrɔma nu, na i buka am na i má am nya deke n bo Nyemɛ ase ka i fá ma i tienɲu minem kere ni. ³³ M konviki awo má be ɲwaa, wara sutura nu. ³⁴ Amberɛ mmɔɔ ni am tii si ka m yo faari m saa yoori m juma a, ye m fa bukaari m ɲu ni m lamɔkɔm n kere a. ³⁵ Kabo ma yo juma n sɔ ni, m sukere am ka am gusu yo i sɔɔ lɛɛ, na am buka yaarifɔm, na am tenge su kabo ya Mibiɛ Yesu n ni i tii seeri ni. I ɲa, ‘Terefie wo sɔnɔ bo i ce aceeri n dɔ tara sɔnɔ bo i de aceeri ni.’ ” ³⁶ Sanga bo Pɔɔlu jojo wieeri ni, na i ni bere kere akutu bu jaa nanɲoroma su, na wɔ sere Nyemɛ. ³⁷ Na bu kere asun, na ba fa bu saa abara aye i, na ba biti i. ³⁸ Na bu ahore asaaki agaya, dama i seeri bu ka bu ɲú má i kun. Na ba se i atin nu, na wɔ kɔ awura lee bambaka n nu.

21

Kabo Pɔɔlu kɔɔri Yerusalem ni

¹ Na ya kaari bu, na ya fa lee bambaka, na ya wɔ ya tii cein akɔ aju miɛ n bo i wo lui bambaka n su na bu fere i ka Kosi ni. Na i alecin na ya kɔ aju awɔrɛ n bo bu fere i ka Rodesi ni, na ya fite dɔ, na ya kɔ Patara miɛ kpiri n nu. ² Dɔ na ya ɲu lee bambaka be ka i sukɔ Fonisiya dɛɛ awɔrɛ n nu, na ya wura i akɔ. ³ Ya sukɔ ni, na ya ɲu Sipurusi lui bambaka ni, na ya yaki ya saa bie su, na ya sin akɔ Siriya awɔrɛ n nu. Na ya nya akɔ ajina Tiro miɛ kpiri n nu, dɔ ye bu yi bu sɔɔri n lee n nu a. ⁴ Na ya kɔ anienie Yesu susufɔm busu, na ya wo bu dɔ lesɔ. Na Awiewie Casi n ama ba se

Poolu ka má i kó Yerusalem mié kpiri n nu. ⁵ Ama, ya yasu cɛɛn n ba juuri ni, na ya fite ka ya kó, na bu ni bu yim, ni bu nbaam ase ya atin nu afite mié n nu ako tieku n nɔɔ su. Dɔ na ya ni bere kere akutu ya jaa nanɔgoroma su, na ya sere Nyeme. ⁶ Nyini sin, na ya kaari ya benggu, na yere awura lee bambaka n nu, na bere gusu akpie bu nyi ako awuru.

⁷ Na ya fite Tiro ako aju mié kpiri n nu, na ya kó anie yaradayofom ni busu, na ya da bu dɔ lekun. ⁸ I alecin fɔfɔre na ya fite bere ako aju Sizariya mié kpiri n nu. Dɔ na ya kó awo sɔnɔ be dika, bu fere i ka Filipu, i ti Nyeme jɔre kanfɔ ɔ. Yiri bukaari mine nsom bo bu yo yiiri bu ka bu buka Kristo jama n bo bu wo Yerusalem n a. ⁹ I yo la nbaabaram nna a, bu be nya ja má. Bere nati yo Nyeme nɔanie kanfɔ juma n a. ¹⁰ Ya woori dɔ yoori lennyɔ, na Nyeme nɔanie kanfɔ be aba dɔ, bu fere i ka Agabusi, i fite Yudiya awɔre n nu wɔ. ¹¹ Na wɔ ba ya dɔ, na wɔ fa Poolu dambara, acici i deɛ jaam ni i saam. Na wɔ nya ase ka, “Awiewie Casi n ɔa o, kabo Yudafom bo bu wo Yerusalem ni cíci ahin dambara n fɔ lee, na bu nyá fa i ma minem bo bu ti má Yudafom ni.” ¹² Saɔga bo ya tiiri nyini jɔre n sɔ ni, na ya ni minem n bo bu wo dɔ n asere Poolu jande ka má i kó Yerusalem. ¹³ Ama, na wɔ bisa, “Nzu ti ye am suyo sɔ na am saaki m ahore a? Mini, ma yo siriya na m kó Yerusalem, na bu kó cíci m nyama, má nyini ɔgumi, ama, haari na bu kún m, ya Mibie Yesu n deɛ ti.” ¹⁴ I seeri sɔ ni, ya koro akanda má i ka má i kó, na ya mɔ ya nɔɔ, na ya se i ka, “Tɔ, ma Mibie n deɛ koroowa yo.”

¹⁵ Ya diiri lennyɔ dɔ ni, nyini sin, na ya sese ya ɔu su, na ya nya ako Yerusalem. ¹⁶ Na Yesu susufom nbem bo bu fite Sizariya n asu ya su, na ba fa ya ako ka ya kó wo sɔnɔ be dika, bu fere i ka Manesoni, i ti Sipurusifo ɔ, wɔ su Yesu deɛ atin n su aɛ.

Kabo Poolu kó niɛeri Yakobo busu ni

¹⁷ Saɔga bo ya kó juuri Yerusalem mié kpiri n nu ni, na ya ninbaam n ade ya ni ahorejɔ nyunyumi. ¹⁸ I alecin na Poolu afa ya ako Yakobo dɔ, na ya kó atu Kristo jama nkpienkpienm kere ka bu wo i dɔ. ¹⁹ Ya bisaari ahin n wieeri ni, na Poolu akan deke n kere kun kun fa kó kabo Nyeme ma wɔ yo i juma ama minem bo bu ti má Yudafom ni. ²⁰ Bu tiiri nyini nɔanie n sɔ ni, na ba kansu Nyeme. Ama, na ba se i ka, “Ya niwa Poolu, m ɔa a ɔu Yudafom akpii beberebe bo bu wo ya nu fen na ba yo Yesu yarada, ye bu gusu nyunu aboro ka bu su Nyeme nɔanie kpamaawa n su. ²¹ Ba ti ka a kere Yudafom bo bu tana minem bo bu ti má Yudafom n nu ni, ka má bu su Nyeme nɔanie kpamaawa n bo Moyisi fa maari n su, ye a se bu ka má bu wura bu nbaam kenkenne, na má bu kaaki su Yudafom nana sayoowam su. ²² Nahɔre, bu tí ka a ba. Ye ya yo se wɔ? ²³ Ti fen, kabo ya yo n la ka, mine nna nbem wo ya nu fen bo ba tan ndie. ²⁴ Su bu su na a kó bie fin kabo bu yoowa kere ni, na a tɔ bu tii su kaari, adena bu koro yi bu tii. Nyini ni má sɔnɔ kere si ka jɔre n kere bo bu kan i fa kó u dɔ n ti kɔre wɔ, na bu si ka wɔrɔ mmɔɔ ni u tii su Nyeme nɔanie kpamaawa n su wɔ. ²⁵ Ama, minem bo bu ti má Yudafom na ba yo yarada n yiri, ya kere kadasi ama bu, ka má bu se ka bu di tie nie, wara mbunja, wara deke bo wɔ wu i ɔgumi na ba kpie má i kóm, na má bu yo sakaraya.” ²⁶ I alecin, na Poolu afa minem n ako na ba kó ayo fin bieewa yoowa ni, na wɔ nya awura Nyeme Sereebiri Awuru n nu, na wɔ jɔjɔ akere Nyeme sayoowa dɔnguyofom ni, cɛɛn n bo bu ba bie fin n wie, na bu kun kun n kere yo bu tii su sayoowa ni.

Kabo bu taraari Poolu Nyeme Sereebiri Awuru n nu ni

²⁷ Saɔga bo wɔ ka kaan na lesɔ cɛɛn n wie ni, na Yudafo nbem afite Esiya deɛ awɔre n nu aba dɔ, na ba ɔu Poolu Nyeme Sereebiri Awuru n nu. Na ba ye jama n kere ahore su, na ba tara Poolu. ²⁸ Na ba tien, bu ɔa, “Yisarelifom, am buka ya. Ahin sɔnɔ ni nati jengbe deke n kere kere minem kere ɔ, ka má bu bu Yisarelifom, ni Nyeme

nɔaniε kpamaawa ni, ni Nyeme Sereebiri Awuru ni. Ye wɔ kaaki afa minem bo bu ti má Yudafoɔm aba awura Nyeme Sereebiri Awuru n nu, na wɔ yo ahin woobiri casi n fin.”²⁹ Deke n bo i ti na bu seeri sɔ n la ka, ba du mɔ aɲu Torofimosi bo i fite Efeso mie kpiri n nu ni, ni Pɔɔlu mie kunnu, nyini dɛɛ ti ye bu sunsuunri ka Pɔɔlu afa i awura Nyeme Sereebiri Awuru n nu n a.³⁰ Na mie n abo nu, na minem kere aɲmati atien bu nɔɔ, na ba tara Pɔɔlu acin ayi i afite Nyeme Sereebiri Awuru n nu. Na ba kaba anyi Nyeme Sereebiri Awuru n anɔ ni ndende.³¹ Má bu koroori ka bu kun Pɔɔlu wɔ. Dɔ na labari n atu Romafoɔm sojam kere kpien n ka Yerusalem mie kpiri n abo nu.³² Kpenɲa na wɔ yasu ndende, na wɔ fa sojam ni bu nkpienkpienm, na ba ɲmati aju dɔ. Saɲga bo jama n ɲuuri soja kpien n ni i sojam ni, na ba yaki Pɔɔlu, ba bo má i kun.³³ Na sojam kpien n akɔ atara Pɔɔlu, na wɔ ma nɔɔ ka bu wura i jɔrɔkɔ nnyɔ. Na wɔ bisa ka, “Ahin sɔnɔ ti nzu sɔnɔ ɔ? Ye wɔ yo nzu wɔ?”³⁴ Na jama ni nbem sutientien sujɔɔ, bu jɔjɔɔwa n woori i ɲgumi ɲgumi wɔ, ba jɔjɔ má jɔɛ kun. Bu naɲmie dɛɛ ti, wɔ koro asi má jɔɛ n bu. Na wɔ ma nɔɔ ka bu fa Pɔɔlu kɔ bere sojam dika bambaka n nu.³⁵ Bu faari Pɔɔlu kɔ juuri bimbindi bo bu tientien su fun na bu wura gisan nu ni, na i boori i bu ka i fun kɔ sɔɔ n aɲgoro ni, sojam n kukuuri i wɔ, dama jama n biεkpa n dɛɛ ti.³⁶ Na bu sunmati su i su, sutien kpa, bu ɲa, “Am kun i, am kun i.”

Kabo Pɔɔlu kaanri i jɔɛ n kereeri jama n ni

³⁷ Saɲga bo bu sukoro ka bu fa Pɔɔlu wura sojam dika bambaka n nu ni, na Pɔɔlu ase sojam kere kpien n ka, “Ma m kan jɔɛ be na a ti.” Na sojam kere kpien n abisa i ka, “A ti Giriki anie? ³⁸ Nyini yiri, a ti má Ijipiti sɔnɔ n bo i yo duuri mine akpii nna mɔ ka bu tu gomina n ni, na i faari nyini mine akpii nna n kere kɔɔri boro kpantain n nu ni.” ³⁹ Na Pɔɔlu abɔ i nu ka, “Ai, mini, m ti Yudafo ɔ, m ti miebaa a, m fite Tarasu wɔ, mie kpiri n bo i la duma na i wo Silisiya awɔɛ n nu ni. Jande, ma m jɔjɔ minem ni dɔ.” ⁴⁰ Na sojam kere kpien n ama i atin ka i jɔjɔ, na Pɔɔlu ajina bimbindi n bo bu tientien su fun na bu wura gisan nu ni, na wɔ fa i saa ayo minem n ka bu yaki naɲmie. Na ba tɔ amuna, na Pɔɔlu ajɔjɔ bu dɔ Hiburu anie nu.

22

¹ I ɲa, “M sim ni m ninbaam, am ti fen, m koro ka m kan m jɔɛ n na am ti.” ² Saɲga bo bu tiiri ka i sujɔɔ bu dɔ Hiburu anie nu ni, na ba yaki naɲmie na ba mɔ bu nɔɔ surum. Na Pɔɔlu ase ka, ³ “M ti Yudafo ɔ, bu wuuri m Tarasu mie kpiri n nu wɔ bo i wo Silisiya awɔɛ n nu ni, ama, bu taari m Yerusalem mie kpiri n nu fen wɔ, Gameli kereeri m kara a, ye m sɔnsɔɔnri ya nam sayoowa atin n kere ni anyumbo. Na ma fa m ɲu kere ama Nyeme, kabo ambere bo am jina fen nyuma n afa am ɲu ama i ni. ⁴ Na ma kere minem bo bu su ahin atin n su n wuwuruwa, haari na ma kun bu nbem. Na ma tara bu nbiesɔm ni nbaram anyi bu dansaraka. ⁵ Nzen am bisaari Nyeme sayoowa dɔɲguyofɔm n kere kpien ni, ni tereterefoɔm ni, bu sé am ka nɔaniε n bo m sujɔɔ i n ti nahɔɛ wɔ. Haari na ba ma m kadasi ka m fa kɔ ma ya minem bo bu wo Damasiko mie kpiri n nu ni, adena m koro tara Yesu minem ni, na m wura bu jɔrɔkɔ fa bu ba Yerusalem na bu bá cin bu sui.”

Kabo Pɔɔlu kaanri kabo i kaakiiri i wo barasu ni

⁶ Na Pɔɔlu asa su ase bu ka, “Saɲga bo m wo kɔ su n na m kɔ dodoori Damasiko mie kpiri n ni, wie kekete saɲga lɛɛ, na sin be akaba afite aɲgoro ata abara aye m. ⁷ Na ma kpaasi haari asiɲgu, na ma ti akonvi be ɲga, i ɲa, ‘Sɔɔlu, Sɔɔlu e, nzu ti ye a kere m wuwuruwa sɔ a?’ ⁸ Na ma bisa i ka, ‘M Mibie, wɔɔɔ ɲma a?’ Na wɔ bo m nu ka, ‘Mini Yesu Nazaretifo n a, mini ye a kere m wuwuruwa n a.’ ⁹ Na minem bo bu su m su n aɲu sin ni, ama, ba ti má akonvi n yiri ɲga. ¹⁰ Na ma bisa i ka, ‘M Mibie,

ye a ɲa m yo nzu wɔ?’ Na wɔ se m ka, ‘Yasu na a kɔ Damasiko, dɔ ye bu sé u deke n kéré bo Nyemé koro ka a yo i ni.’ ¹¹ Sin n bo i ta wuraari m nyumbaa nu agaya n dɛɛ ti, na ma yo anyinsin, na minem ni bo bu su m su n aso m saa nu afa m awura Damasiko. ¹² Tɔ, sɔnɔ be woori miɛ n nu, bu fere i ka Ananiyasi, i su Nyemé wɔ, na i su i nɔanié kpamaawa n su, i ti sɔnɔ n bo Yudafɔm bo bu wo miɛ n nu n kéré ma i jirima agaya a. ¹³ Na wɔ ba m dɔ ajina adodo m, na wɔ se m ka, ‘M niwa Sɔɔlu, niɛ, a ɲú asi.’ Jina n nu béré na ma ɲu asi bekun, na ma niɛ aɲu i. ¹⁴ Na wɔ se m ka, ‘Nyemé n bo ya nam su i ni, yiri ye wɔ yi u a, na a si i sa koroowam, ye wɔ yi Sɔnɔ n bo i yo sa bo i kɔ atin su n akere u, na a ti yiri ni i tii nɔanié jɔjɔwa. ¹⁵ Dama deke bo a ɲu i na a ti i ni, wɔrɔ kán kere minem kéré. ¹⁶ Ye kisa, a ɲminda nzu wɔ? Yasu na bu biɛ u Nyemé nzue. Bo fere i duma na i ɲmisi yi u satie kéré.’ ”

Kabo Pɔɔlu kaanri ka Nyemé asunma i minem bo bu ti má Yudafɔm dɔ ni

¹⁷ Na Pɔɔlu asa su ase bu ka, “Nyini ti, na ma kpie m nyi akɔ Yerusalem miɛ kpiri n nu, saɲga bo m wo Nyemé Sereebiri Awuru n nu wo nyemésere su ni, na wɔ yo m ka aleɛ dɛɛ su wɔ, ¹⁸ na ma ɲu Yesu ka i sujɔjɔ m dɔ, i ɲa, ‘Yasu na a fite Yerusalem ndende, dama minem bo bu wo fɛn ni dé má m jɔrɛ n bo a kan kere bu ni.’ ¹⁹ Na ma bo i nu ka, ‘M Mibiɛ, béré ni bu tii si tenle su ka m yo wuraari bu tientienbunɔɔ sɔɔm nu wɔ, na ma tara minem bo bu yo u yarada ni, na ma nyi bu dansaraka, na ma bo bu. ²⁰ Sasu bekun, saɲga bo bu sukun Satéfano bo i diiri u ɲusu daani kereeri minem ni, m yo jinaari béré, na ma soro su, mini niɛeri minem bo bu kuunri i n suturam su a.’ ²¹ Na Mibiɛ n ase m ka, ‘Wɔrɔ kɔ, m súnma u dede minem bo bu ti má Yudafɔm ni dɔ.’ ”

²² Nyini saɲga n kéré ni, minem ni soori bu sui wɔ, na ba ti jɔrɛ n kéré bo Pɔɔlu kaanri i ni, ama, i ba kaanri sɔ ni, na ba tien kpa, bu ɲa, “Am yi i fite fɛn. Am mini i mmɔɔ. Wɔ ti má ye ni ka i wo ni ɲgɔɔ.” ²³ Na bu sutientien, yaa ati bu n dɛɛ ti, na bu sufkindi bu suturam tu, na bu susa fa sutu sandi aɲgoro. ²⁴ Na Romaɔm soja kéré kpien n ama nɔɔ ka bu fa Pɔɔlu wura bu dika bambaka n nu, na bu bisa i bisaawam na bu fin i ɲgbere na bu si deke bo i ti na Yudafɔm ni tientien sɔ ni. ²⁵ Ama, saɲga bo bu ciciiri Pɔɔlu nyama n ka bu bo i ni, na wɔ bisa soja kpien n bo i jina dodo i ka, “Atin wo nu ka am bo Roma miɛbaa na am asi má satie bo wɔ yo i?” ²⁶ Saɲga bo soja kpien n tiiri nyini jɔrɛ n sɔ ni, na wɔ kɔ sojam kéré kpien n dɔ, akɔ abisa i ka, “A koro ka a yo ahin sɔnɔ n sɛ wɔ? I ti Roma miɛbaa a.” ²⁷ Nyini ti, na sojam kpien n akɔ Pɔɔlu dɔ, akɔ abisa i ka, “A ti Roma miɛbaa a, nahɔrɛ su?” Na wɔ bo i nu ka, “Eɛn.” ²⁸ Na sojam kpien n ase i ka, “Mini, m tɔɔri ɲwaa beberebe wɔ ye m nya kaakiiri Roma miɛbaa a.” Na Pɔɔlu ase i ka, “Ama, mini yiri, bu wuuri m miɛbaa a.” ²⁹ I seeri sɔ ni, kpeɲga na sere ati sojam bo ba yi bu ka bu bisa i bisaawa ni, na ba kɔ bu sin. Na sere ati soja kpien ni mmɔɔ, dama wɔ du mɔ abo Pɔɔlu jɔrɔkɔ ka, ye i nya siiri ka i ti Roma miɛbaa a.

Kabo bu faari Pɔɔlu kɔɔri Yudafɔ teretereɔm dɔ ni

³⁰ Na i alecin, sojam kpien n akoro ka i si sa bo Pɔɔlu ayo i na Yudafɔm jaraki i ni, na wɔ yi Pɔɔlu jɔrɔkɔ ni, na wɔ ma nɔɔ ka Nyemé sayoowa dɔɲguyofɔ nkpienkpienm ni, ni Yudafɔ teretereɔm n kéré tien bu nɔɔ. Na wɔ ma Pɔɔlu aba ajina bu nyunu.

23

¹ Na Pɔɔlu afa i nyumbaa akpama Yudafɔ teretereɔm n ɲu, na wɔ se ka, “M ninbaam, m sunsunni ti kpa wɔ Nyemé dɔ, fite m kaan nu haari ni nyuma.” ² Na Ananiyasi bo i ti Nyemé sayoowa dɔɲguyofɔm n kéré kpien n ama minem bo bu jina dodo Pɔɔlu n nɔɔ, ka bu bo i nɔɔ dika, fa kɔ i nɔanié jɔjɔwa n dɛɛ ti. ³ Na Pɔɔlu ase i ka, “Nyemé bó wɔrɔ mmɔɔ, wɔrɔ bo a tana dɔ ka kobe dawa bo ba bo i ɲgoro fofoe

ni. A tana na a di m jɔrɛ, fa kɔ Nyɛmɛ nɔaniɛ kpamaawa n dɛɛ atin su, ama, wɔrɔ ni u tii asu má i nɔaniɛ kpamaawa n su na a tana ma nɔɔ ka bu bo m.” ⁴ Na minɛm bo bu jina dodo Pɔɔlu n ase i ka, “Wɔrɔ la ŋma na a kpiɛ i nzukɔ a, yiri Nyɛmɛ sayoowa dɔŋguyofɔm n kere kpiɛn ni?” ⁵ Na Pɔɔlu abɔ bu nu ka, “M ninbaam, ma si má ka yiri ti Nyɛmɛ sayoowa dɔŋguyofɔ n kere kpiɛn n a. Dama ba kere i Nyɛmɛ Jɔrɛ Kadasi n nu ka, ‘Má a jɔjɔ sɔnɔ bo i niɛ u minɛm su jɔrɛ tiɛ.’ ” ⁶ Saŋga bo Pɔɔlu faari nu ka, minɛm ni nbem ti Sadusifɔm, na bu nbem gusu ti Farasifɔm ni, na wɔ tien kpa jama n nu, i ŋa, “M ninbaam, m ti Farasifɔ ɔ. M sim mmɔɔ suuri nyini atin ni su a. Deke n bo i ti na ya tien ya nɔɔ n la ka, m la tama ka minɛm wu, bu tɛŋge bu yiwee nu wɔ.” ⁷ Pɔɔlu seeri sɔ wieeri na akuruwa aba Sadusifɔm ni Farasifɔm n afien, na bu tientienbunɔɔ n akpaaki nu nnyɔ. ⁸ Sadusifɔm n ŋa, sɔnɔ wu, i tɛŋge má i yiwee nu kun, ye bu kaaki ŋa, Nyɛmɛ merɛkɛm, wara awiɛwiɛm wo má berɛ. Ama, Farasifɔm berɛ yo nyininim n kere yarada a. ⁹ Na jama ni sutientien suyo nanɛmiɛ agaya buka su. Na Nyɛmɛ nɔaniɛ kerefɔ nbem bo bu wo Farasifɔm asɛsɛ n nu n ayasu ajina atien faŋga su, bu ŋa, “Yɛrɛ aŋu má ahin sɔnɔ ni ŋgasi bo wɔ do i. Beni, awiɛwiɛ be, wara Nyɛmɛ merɛkɛ ajojɔ i dɔ a.”

¹⁰ Saŋga bo akuruwa n ba bi boroori agaya ni, na sɛrɛ ati soja kpiɛn ni, ka minɛm ni bá cincin titi Pɔɔlu nu. Nyini ti, na wɔ ma sojam nɔɔ ka bu wura jama n nu na bu yi Pɔɔlu fite bu nu, na bu fa i ba wura bu dɛɛ dika bambaka n nu. ¹¹ Nyini cɛɛn n kɔŋgɛ, na Mibiɛ n ayi i ŋu akere Pɔɔlu, na wɔ se i ka, “Ma u ahore si, na má a soro sɛrɛ. Kabo a di m ŋu daani Yerusalem miɛ kpiri n nu fɛn ni, sɔ ye i ti ye ni ka a kɔ di i Roma miɛ kpiri n nu gusu a.”

Kabo mine nbem sɛsɛri su ka bu kun Pɔɔlu ni

¹² I alecin fɔfɔrɛ, na Yudafɔ nbem atien bu nɔɔ, na ba fa sɛsɛsu na ba tan ndiɛ ka bu di má, bu nu má, má ka ba kun Pɔɔlu. ¹³ Berɛ n bo bu tana faari nyini sɛsɛsu ni, bu taraari mine aburana. ¹⁴ Na ba kɔ Nyɛmɛ sayoowa dɔŋguyofɔ nkpiɛnkpiɛnm ni, ni Yudafɔ tereterefɔm ni dɔ, ako ase bu ka, “Yɛrɛ, ya tien ya nɔɔ atan ndiɛ ka ya dí má pui, má ka ya kun Pɔɔlu. ¹⁵ Nyini ti, amberɛ ni tereterefɔm ni, am sunma Romafɔm soja kpiɛn n dɔ kɔ se i ka, i fa Pɔɔlu bra am dɔ ka am koro ka am niɛ i jɔrɛ n nu nyunyumi bekun wɔ. Ama, na ya yó siriya ŋminda i, na ya kún i atin nu na i nya ba ju fɛn.” ¹⁶ Ama, na Pɔɔlu niwa bara be wa ati sɛsɛsu n bo ba fa i ni, na wɔ kɔ awura sojam sɔɔ bambaka n nu, na wɔ se Pɔɔlu. ¹⁷ Dɔ na Pɔɔlu afere sojam n kun, na wɔ se i ka, “Fa ahin gbɛfɛnɛ n kɔ am kpiɛn n dɔ, i la jɔrɛ be bo i kán kere i.” ¹⁸ Na soja n afa i akɔ bu kpiɛn n dɔ, na wɔ se i ka, “Pɔɔlu bo ba nyi i dansaraka ni fereeri m a, na wɔ se m ka m fa ahin gbɛfɛnɛ n ba u dɔ, dama i la jɔrɛ bo i kán kere u.” ¹⁹ Na sojam kere kpiɛn n aso i saa nu, na i ni yiri ŋgumi afite ahɛmɛ, na wɔ bisa i ka, “A koro ka a kan nzu jɔrɛ kere m a?” ²⁰ Na wɔ se sojam kpiɛn n ka, “Yudafɔm n asɛsɛ su ye ba soro su ka ahunma bu bá sere u na a fa Pɔɔlu ma bu na bu fa i kɔ bu tereterefɔm ni dɔ, na bu yó bu ŋu ka bu koro ka bu niɛ i jɔrɛ n nu nyunyumi wɔ. ²¹ Ama, má a soro bu su, dama bu nbem ŋa bu kɔ ŋminda i atin nu wɔ, bu tara minɛm aburana. Ba tan ndiɛ ka bu dí má, bu nú má, má ka ba kun Pɔɔlu. Kisa ba yo siriya su aŋminda na bu ti kabo a sé.” ²² Na sojam kere kpiɛn n abɔɔ i ka, “Má a ma be si ka a kan ahin jɔrɛ n akere m.” Na wɔ ma gbɛfɛnɛ n atin na wɔ kɔ.

Kabo bu faari Pɔɔlu kɔɔri Gomina Felika dɔ ni

²³ Na sojam kere kpiɛn ni, afere soja nkpiɛnkpiɛnm ni nnyɔ, na wɔ ma bu nɔɔ ka, “Am fa sojam yaa nnyɔ, ni soja kpɔŋgɔfunfɔm aburaso, ni soja kpiɛbitafɔm yaa nnyɔ, na am yo siriya kɔŋgɛ n nu, kerefi ŋgɔna saŋga, na am kɔ Sizariya miɛ kpiri n nu. ²⁴ Na am nya kpɔŋgɔ ma Pɔɔlu gusu, na am fa i haari na am kɔ ju Gomina Felika dɔ, na má pui yo i.” ²⁵ Na sojam kpiɛn n akere kadasi ama gomina n ka,

²⁶ “Mini Kalodisi Lisiyasi sukere ahin kadasi n bisa wɔɔ, m si Gomina Jirimafo Felika dɔŋgu a. ²⁷ Yudafɔm taraari ahin sɔɔ n a, má bu koro ka bu kun i wɔ. Ama, na ma ti ka i ti Roma miɛbaa a, nyini ti, na ma fa m sojam, na ya kɔ ade i aji. ²⁸ Na ma koro ka m si deke n bo i ti na bu jarakiiri i ni, nyini ti, na ma fa i akɔ Yudafɔ tereterefɔm dɔ. ²⁹ Na ma ŋu ka fa kɔ bu nɔaniɛ kpamaawa n dɛɛ atin su ye bu jarakiiri i a, ama, wɔ yo má sa be bo i ti ye ni ka bu kun i, wara bu nyi i dansaraka. ³⁰ M tiiri ka Yudafɔm asese su akɔ ada aɲminda atin nu ka bu kun i, nyini dɛɛ ti, ye m ma ba kaba afa i aba u dɔ n a. Ma se minem bo bu jarakiiri i n ka bu fá jɔɛ n bra u dɔ.”

³¹ Na sojam n ayo kabo i kereeri bu ka bu yo ni, na ba fa Pɔɔlu nyini kɔŋgue n kere, na ba fa i akɔ aju miɛ kpiri n bo bu fere i ka Antipatiriso n su. ³² Na i alecin fɔfɔɛ na sojam bo bu nati bu jaa su n akpie bu nyi akɔ sojam sɔɔ bambaka n nu, na ba ma soja kpɔŋgɔfunfɔm n afa i akɔ aju deke bo bu sukɔ ni. ³³ Bu kɔ juuri Sizariya ni, na ba fa kadasi n ama gomina ni, na ba nya afa Pɔɔlu awura i saa nu. ³⁴ Gomina n kaanri kadasi n wieeri ni, na wɔ bisa Pɔɔlu awɔɛ bo i fite nu. I faari nu ka i fite Silisiya awɔɛ n nu wɔ, ³⁵ na wɔ se i ka, “Minem bo bu jarakiiri u n ba juuri, m tí u nɔaniɛ.” Na wɔ ma nɔɔ ka bu fa Pɔɔlu wura Feme Herode dika n nu, na bu niɛ i dika nyunyumi.

24

Kabo Yudafɔm jarakiiri Pɔɔlu Gomina Felika n nyunu ni

¹ Na i lenu cɛɛn sin, na Ananiyasi bo i ti Nyeme sayoowa dɔŋguyofɔ n kere kpien n aba aju Sizariya miɛ kpiri n nu, i ni Yudafɔ tereterefɔ nbem, na ba fa jɔɛsifɔ be bo bu fere i ka Tetulɔsi n abuka bu ŋu su. Na ba jaraki Pɔɔlu gomina n nyunu. ²⁻³ Bu faari Pɔɔlu ba juuri n na Tetulɔsi abo i bu na i kan ŋgasi bo Pɔɔlu ado i. I ŋa, “Ya si Felika jirimafo, u ŋɔɔnle kpa n bo a la i n dɛɛ ti, nyini ma ya nya tanalaifɛ ace a, ye kaaki aba ya asien n su a, fa kɔ nyini sunsunni n bo a la i ni. Deke kere bo ya wo ni sanɔa kere, ya nyunu ayi u fa kɔ deke n kere bo a yo ama ya ni, nyini dɛɛ ti, ya da u asi beberebe. ⁴ Tɔ, m koro má ka m jɔɔ saaki u sanɔa, ama, m sere u wɔ, sawɔɛ n bo a la i n dɛɛ ti, ti ya ahin jɔɛ kaan ni. ⁵ Ya ŋu ka ahin sɔɔ n ti miɛbofɔ ɔ, na i nati sukpukpura Yudafɔm tii durunya n kere nu, na bu sudi aluwa ni bu bɛŋgu. I ti mɔfɔ ɔ, fa kɔ minem bo bu su Nazaretifɔ n atin n su ni. ⁶ Haari i yo koroori ka i wura Nyeme Sereebiri Awuru n nu wɔ na i saaki i na i yo i fin, ye ya taraari i a. [Má ya koroori ka ya fa ya nɔaniɛ kpamaawa n atin su di i jɔɛ wɔ, ⁷ ama, na sojam kpien Lisiyasi n ade i ya dɔ ni fanɔa, ⁸ na wɔ ma nɔɔ ka, bo bu ni yiri la jɔɛ n kere bra u dɔ.] Na nzen wɔɔ mmɔɔ ni u tii niɛeri jɔɛ n nu, a sí deke n bo i ti na ya jaraki i ni.” ⁹ Na Yudafɔm n kere ajina su ka, jɔɛ n kere bo bu jɔɔ i n ti nahɔɛ wɔ.

Kabo Pɔɔlu kaanri i nahɔɛ Gomina Felika n nyunu ni

¹⁰ Na Gomina Felika ama Pɔɔlu atin ka i jɔɔ, na Pɔɔlu ase ka, “M si ka a di jɔɛ ahin asien n su ace, nyini ti, m ahore ti siiwa ka ma ba u dɔ na m kan de m tii. ¹¹ Wɔɔ mmɔɔ ni u tii koro bisa na a ti, ka i nyuma leburu lennyɔ lee, bo m kɔɔri Yerusalem miɛ kpiri n nu ka m kɔ su Nyeme. ¹² Bere n aɲu má ka m ni be suse akuruwa Nyeme Sereebiri Awuru n nu, ba kaaki aɲu má ka m ni be suwura minem bu sin na bu yo sa be tientienbunɔɔ sɔɔm n nu, wara miɛ n nu. ¹³ Bere gusu koro kan kere má u deke n bo i ti na kisa bu sujaraki m ni. ¹⁴ Ama, deke bo m soro i su ka i ti nahɔɛ n la ka, m su Nyeme wɔ, kabo ya nam su i ni, nyini atin n gusu ye bu ŋa i ti má nahɔɛ n a. Ama, m yo deke bo ba kere i nɔaniɛ kpamaawa n nu n yarada, na m kaaki yo deke bo ba kere i Nyeme nɔaniɛ kanfɔm dɛɛ kadasi n nu n yarada. ¹⁵ M la tama Nyeme dɔ ka minem bo bu yo sa bo i kɔ atin su, ni bo bu yo sa bo i kɔ má atin su n kere bá tenɔe

bu yiwee n nu, kabo bere n bo bu jaraki m n gusu la nyini tama ni. ¹⁶ Nyini dɛɛ ti, sanɔa kere m boro m nyi wɔ, na m sunsunni ti casi fa kɔ Nyemɛ ni adamandem dɔ. ¹⁷ M fiteeri Yerusalem, wɔ ɛɛ, nyini sin, na ma kpie m nyi akɔ dɔ ka m kɔ fa ɲwaa ce m minem bo bu ti yaarifɔm n na m yo m dɛɛ yoowa ma Nyemɛ. ¹⁸ M wo nyini yoowa n yo su ye bu ɲuuri m Nyemɛ Sereebiri Awuru n nu a. Nyini sanɔa ni, ma yo fin bie yoowa n awie mmɔɔ. Jama be awo má m dɔ, be gusu ayo má nanɲie be. ¹⁹ Ama, Yudaɲɔm nbem bo bu fite Esiya awɔre n nu ni, yo woori dɔ a. Wɔ yo daka ka má bere mmɔɔ ni bu tii wo fɛn, na bu kan m ɲgasi bo ma dɔ i n kere u. ²⁰ Nzen má nyini, yaki na ahin minem bo bu jina fɛn n kan ɲgasi bo m doori, sanɔa bo m jinaari bu teretereɲɔm nyunu na bu diiri m jɔre ni. ²¹ Má ka deke kun n kpein be bo bu yo sudi m jɔre na m jinaari bu nyunu ni. Yiri la bo m seeri ka minem wu, bu káaki tenɔe bu yiwee nu ni, nyini dɛɛ ti, ye a sudi m jɔre nyuma n a.”

²² Na Gomina Felika si Mibie n atin n sereya n kere nyunyumi n dɛɛ ti, na wɔ se bu ka, “Am kɔ ka, na sojam kpien Lisiyasi ba baari, na m nyá di jɔre ni.” ²³ Na wɔ ma nɔɔ ka soja kpien n nie Pɔɔlu dika nyunyumi, ama, i ma i atin na i nati i koroyanu, na i ma i danfom gusu atin na bu koro ba buka i.

Kabo bu faari Pɔɔlu jinaari gomina n ni i yi n nyunu ni

²⁴ I yoori lennyɔ, na Gomina Felika akaaki aba, i ni i yi Durusila, i ti Yudaɲɔ baa a. Na wɔ sunma afere Pɔɔlu na i ba kan kabo sɔnɔ yo Yesu Kristo yarada barasu ni. Na wɔ so i sui ati. ²⁵ Ama, sanɔa bo Pɔɔlu wo jɔjɔ su fa kɔ sa bo i kɔ atin su, ni tarabuɲu, ni kabo Nyemɛ bá di minem n jɔre ni, na sere ati Gomina Felika na wɔ se ka, “Tɔ, kisa, wɔ se su. A koro kɔ, na m ba nya sanɔa na m fére u.” ²⁶ Nyini sanɔa n kere ni, i sunsunni la ka Pɔɔlu má i ɲwaa a, nyini ti ye sanɔa sanɔa i fere Pɔɔlu, na bu subo anzama n a. ²⁷ Na aɲɔ nnyɔ aba asin, na sɔnɔ be bo bu fere i ka Pɔkiyosi Fesitosi ade Felika jinaabiri ni. Na Gomina Felika akoro ka i jɔ Yudaɲɔm n ahore, nyini dɛɛ ti, na wɔ yaki Pɔɔlu dansaraka n nu, i ma ba yi má i.

25

Kabo Pɔɔlu sereeri ka bu fa i jɔre n kɔ Romaɲɔm fɛmɛ kpiri n dɔ ni

¹ Gomina Fesitosi ba juuri nyini awɔre n nu ni, i lesan, na wɔ fite Sizariya mie kpiri n nu, na wɔ fun akɔ Yerusalem mie kpiri n nu. ² Na Nyemɛ sayoowa dɔɲɔguyofɔ nkpienkpienm, ni Yudaɲɔ teretereɲɔm n aba akan ɲgasi bo Pɔɔlu adɔ i n akere Gomina Fesitosi. Na ba sere i jande ³ ka i boro i nyi na i ma bu fa Pɔɔlu ba Yerusalem. Deke n bo i ti na bu seeri sɔ n la ka, ba sese su ka bu kɔ ɲminda i atin nu wɔ na bu kun i. ⁴ Na Gomina Fesitosi abɔ bu nu ka, “Pɔɔlu wo dansaraka nu Sizariya, mini ni m tii, m kpie m nyi kɔ dɔ kisa. ⁵ Am ma am nu nbem bo bu la yiko n su m su, na ya kɔ Sizariya, na nzen wɔ do ɲgasi be a, na bu koro kan i na bu jaraki i.”

⁶ Na Gomina Fesitosi awo bu dɔ, lemɔcɔɛ ni leburu afien, na wɔ nya aba Sizariya. I alecin na wɔ kɔ atana jɔre diibiri ni, na wɔ ma nɔɔ ka bu fa Pɔɔlu bra. ⁷ Sanɔa bo bu faari Pɔɔlu ba juuri n ni, na Yudaɲɔm bo bu fiteeri Yerusalem baari n atien bu nɔɔ abara aye i. Na ba kan i ɲgasi tietie beberebe bo bu ɲa wɔ do i, bu gusu akoro akere má ɲgasi n bo bu ɲa wɔ do i n tenle su. ⁸ Na Pɔɔlu ase ka, “Ma do má ɲgasi be fa kɔ Yudaɲɔm dɛɛ nɔanie kpamaawa n su, ma do má ɲgasi be fa kɔ Nyemɛ Sereebiri Awuru n su, ma kaaki ado má ɲgasi be fa kɔ Romaɲɔm Fɛmɛ Kpiri Siza n dɔ.” ⁹ Ama, na Gomina Fesitosi akoro ka i buka Yudaɲɔm ni, na i da bu ahore, nyini dɛɛ ti, na wɔ bisa Pɔɔlu ka, “A soro su ka ya kɔ Yerusalem na bu kɔ di u jɔre n dɔ m nyunu, fa kɔ ahin sereyam kere su?” ¹⁰ Ama, na Pɔɔlu abɔ i nu ka, “M jina Romaɲɔm fɛmɛ kpiri n jɔre diibiri wɔ lɛɛ, fɛn ye wɔ yo daka ka bu di m jɔre a. Wɔrɔ mmɔɔ ni u tii si tenle su ka ma do má Yudaɲɔm ɲgasi be. ¹¹ Nzen ma do ɲgasi be bo wɔ yo daka ka bu

kun m, ma kete má ka má bu kun m. Ama, nzen jore n kere bo ba kan i n be ti má nahore, be la má atin bo i koro fa m wura bu saa nu. Nyini ti, m sere ka a fa m jore n ko Romafom feme kpiri n do.” ¹² Na Gomina Fesitosi ni i nkpienkpienm n atana anu bu nu, na ba soro su, na wo se Poolu ka, “A sere ka ya fa u jore n ko Romafom feme kpiri n do. To, ya fá u ko i do.”

Kabo bu faari Poolu baari Feme Agiripa n nyunu ni

¹³ Na wo yo lennyo, na Feme Agiripa ni i siwa baabara Berenisi aba Sizariya mie kpiri n nu, ka bu ba nie Gomina Fesitosi busu. ¹⁴ Bu woori do celeri kaan n dee ti, na Gomina Fesitosi akan Poolu jore n kere n akere feme ni. I na, “Felika yo yakiiri sono be dansaraka n nu fen. ¹⁵ Sangga bo m koori Yerusalem mie kpiri n nu ni, na Yudafo Nyeme sayoowa danguyofa nkpienkpienm, ni Yudafo tereterefom n aba m do, na ba kan nyini sono n jore, ka m boro m nyi di i jore n na m se ka wo do ngasi. ¹⁶ Ama, na ma se bu ka yere Romafom, ya yo má so, nzen minem ajaraki sono, ya ma bu kere tien bu noo o, na i mi si deke n bo i ti na bu jaraki i ni, na i gusu nya kan i dee bo i la i ni. ¹⁷ Sangga bo bu suuri m su ba juuri fen ni, ma wura má nnyo nu, i alecin m kaba ko tanaari jore diibiri n wo, na ma ma noo ka bu fa sono n bra. ¹⁸ Sangga bo bu yasu jinaari na bu jaraki i ni, ba kan má satie bo má m sunsun ka wo yo i na bu fa jaraki i ni. ¹⁹ Ama, i ti akuruwa ye bu seeri a, fa ko bu nyemesu atin su, ni sono be bo bu fere i ka Yesu n busu, bu na wo wu, ama, Poolu na i toko la ngoo. ²⁰ Ma si má kabo m tara ahin jore n tii ni i jaa barasu, na ma bisa Poolu ka, i koro ka ya fa i ko Yerusalem na bu ko di i jore n do, nzen se? ²¹ Ama, na Poolu asere ka, i koro ka i ka dansaraka n nu haari i ba ko Romafom feme kpiri n do. Nyini ti, na ma ma noo ka bu subita i haari m ba nya atin na m ma bu fa i ko feme kpiri n do.” ²² Na Feme Agiripa ase Gomina Fesitosi ka, “M koro ka mini ni m tii ti ahin sono n jore ni.” Na Gomina Fesitosi ase i ka, “Ahunma a ti i jore ni.”

²³ To, na i alecin, na Feme Agiripa, ni Berenisi afite ni bu femeya jirima bambaka, na bu ba wura tientienbunoo soo bambaka n nu, bu ni soja nkpienkpienm, ni mie n nu mine anyunuyifom. Na Gomina Fesitosi ama noo, na ba fa Poolu awura. ²⁴ Na Gomina Fesitosi ase ka, “Ya si Feme Agiripa, ni ambere kere bo am atien am noo fen ni, am nie ahin sono ni. Yiri dee ti ma Yudafo kere bo bu wo Yerusalem, ni bo bu wo fen n yo baari m do a, na bu sutientien ka i ti má ye ni ka i wo ni ngoo. ²⁵ Ama, m gusu afiti i jore n nu, ma nu má i ngasi bo wo do i na i ti ye ni ka i wu. Nyini ti, kabo yiri ni i tii asere ka m fa i jore n ko Romafom feme kpiri n do ni, m fá i ko do o. ²⁶ Ama, m la má deke be tenle su bo m kere fa ma feme kpiri ni, fa ko ahin n jore n su. Nyini ti ye ma fa i aba woro Feme Agiripa do a, adena m ni ambere kere nie i jore n nu, na m si deke bo m kere ko ma feme kpiri ni. ²⁷ Dama mini do, wo ko má atin su ka m fa sono bo ba nyi i dansaraka ko ma feme kpiri n na m la má jore bo m kan kere i fa ko deke n bo i ti na bu jaraki i n su.”

26

Kabo Poolu kaanri i jore Feme Agiripa nyunu ni

¹ Na Feme Agiripa ase Poolu ka, “Atin wo nu ka woro ni u tii jajo.” Na Poolu aye i saa su, na wo bo i jore n bu, i na, ² “Feme Agiripa, wo yo m fie nyuma ka m jina u nyunu, na m kan m jore n nahore su fa ko deke n kere bo Yudafo jaraki m n su. ³ Dama woro ni u tii asi kabo Yudafo nana sayoowam n ti, ni kabo ya se bu akuruwam barasu ni. Nyini dee ti, m sere u wo, ka a fa sawore na a ti m jore ni.

⁴ Yudafo kere si kabo m woowa yo ti barasu fite m gbefeneya nu, sangga bo m wo m bosufom nu ni, haari ni bo m ko woori Yerusalem mie kpiri n nu ni. ⁵ Bu si m sa kabo m woowa yo ti, má nyuma. Nzen bu na bu kan nahore, bu se u ka m yo ti

Farasifom be wɔ, na ma su ya dɛɛ nyini atin n bo i su ti kekereke n su ni anyumboro. ⁶ Kisa, deke bo i ti na m jina am nu nyuma na am sudi m jɔrɛ ni, yiri la tama n bo m la i fa kɔ deke n bo Nyɛmɛ seeri ka i yɔ ma ya nam ni. ⁷ Nyini n ye ya anɔ buru ni nnyɔ n bo ya su Nyɛmɛ ni anyumboro wiesu ni kɔngue n nminda ka ya nya i n a. Fɛmɛ, ti fɛn, nyini tama n bo m la i n dɛɛ ti, ye Yudafom jaraki m n a. ⁸ Nzu ti ye am de má ka Nyɛmɛ koro tenge minɛm bu yiwee nu a? ⁹ Nahɔrɛ mini ni m tii yo sunsuunri ka wɔ yo daka ka m yo sam dɔnggu na m saaki Yesu Nazaretifo n duma. ¹⁰ Kabo m yo yoori Yerusalem lɛɛ. Nyɛmɛ sayoowa dɔnguyofɔ nkpienkpiɛnm yo maari m yiko, na ma tara Nyɛmɛ minɛm beberebe anyi bu dansaraka, na sanɔa bo bu diiri bu jɔrɛ na bu ŋa bu kun bu ni, mini mmɔɔ jina bu sin wɔ. ¹¹ Sanɔa kere sanɔa, m nati wura ya tientienbunɔɔ sɔɔm nu wɔ, na m sucin bu sui, na m sumiɛ bu ka bu kete Yesu. Na ma fa yaa bu ŋu agaya, haari na m sukɔ miɛ nyiŋgam su, kɔ sukere bu wuwuruwa.”

Kabo Pɔɔlu kaanri kabo i kaakiiri i wo ni

¹² Na Pɔɔlu asa su ase ka, “Nyini dɛɛ ti, na ma sere atin Nyɛmɛ sayoowa dɔnguyofɔ nkpienkpiɛnm n dɔ, na ba ma m yiko ka m kɔ Damasiko miɛ kpiri n nu. ¹³ Fɛmɛ, ti fɛn, m wo atin n nu wo kɔ su ni, fa kɔ wiɛ kekete sanɔa, na ma ŋu sin be ka i fite angoro, i ta tara wiɛ, na i wein ata abara aye m ni minɛm kere bo bu su m su ni. ¹⁴ Na yere kere akpaasi haari asiɛnggu, na ma ti akonvi be ŋa, ka i sujɔɔ m dɔ Hiburu dɛɛ anie n nu, i ŋa, ‘Sɔɔlu, Sɔɔlu e, nzu ti ye a kere m wuwuruwa sɔ a? A sukere u ŋu yaari ŋgbɛɛn wɔ, kabo bu fa toora dɔdɔrifɔ sudɔ na i kete, na bu fin i baka n wɔ.’ ¹⁵ Na ma bisa ka, ‘M Mibiɛ, wɔrɔ ŋma a?’ Na Mibiɛ n abɔ nu ka, ‘Mini Yesu ye a sukere m wuwuruwa n a. ¹⁶ Ama, yasu jina. Deke n bo i ti na ma yi m ŋu akere u n la ka, m fa u yo m amusuifɔ, na a di m daani kere minɛm fa kɔ deke bo a ŋu i nyuma n su, ni dekem bo m bá yi m ŋu kere u bekun n su. ¹⁷ Na m dé u tii fite minɛm saa nu, Yudafom ni bo bu ti má Yudafom ni, dama m susunma u bere dɔ a, ¹⁸ na a teke bu nyi, na a yi bu fite awosin nu ba wein nu, na a yi bu fite Sitana saa nu, na a fa bu wura Nyɛmɛ saa nu, adena bu yo m yarada na m fa bu satie ce bu, na bu nya jinaabiri Nyɛmɛ mine n nu, na bu kere sanɔa wo.’ ”

Kabo Pɔɔlu kaanri kabo i yoori i juma n ni

¹⁹ Na Pɔɔlu asa su ase ka, “Fɛmɛ Agiripa, nyini dɛɛ ti ni, ma kete má deke n bo Nyɛmɛ yi kereeri m ka alɛɛ nu dɛɛ su ni. ²⁰ Nyini ti, m du mɔ boori i bu Damasiko miɛ kpiri n nu wɔ, na ma kan akere bu ka bu kaaki bu wo na bu su Nyɛmɛ, na bu yo sakpa bo i kere ka ba kaaki bu wo. Na ma kɔ akan akere Yerusalemfom n gusu, na ma nya akɔ akan akere Yudiya dɛɛ awɔrɛ n nu fom kere. Nyini sin, na ma kɔ akan akere minɛm bo bu ti má Yudafom n gusu. ²¹ Nyini dɛɛ ti, ye Yudafom taraari m Nyɛmɛ Sereebiri Awuru n nu, ka bu kun m n a. ²² Ama, Nyɛmɛ abuka m dɛɛ ti, ye m toko wo bere haari ni nyuma n a, adena m jina fɛn di daani kere nfangafom ni tarakam kere, ni mine barasum kere. M sukan má jɔrɛ fɔfɔrɛ be wɔ, má ka sam bo Nyɛmɛ nɔaniɛ kanfom ni Moyisi yo seeri ka bu yɔ ni, ²³ ka, wɔ yo daka ka Kristo, Tiidefɔ n bo Nyɛmɛ ase ka i súnma i ni bá di wahara. Yiri ti sɔnɔ bo i wú na i dú mɔ tenge i yiwee n nu a. Na i kán wein n jɔrɛ kere Yudafom, ni minɛm bo bu ti má Yudafom n kere.”

²⁴ Pɔɔlu wo nyini jɔjɔri n su na i kan i nahɔrɛ ni, na Gomina Fesitosi atien i ŋu kpa, i ŋa, “Pɔɔlu, a bo fie wɔ. U kara sɔnsɔn ni u si agaya n ma u tii yo má juma.” ²⁵ Na Pɔɔlu abɔ i nu ka, “Gomina Fesitosi jirimafɔ, ma bo má fie, ama, m jɔjɔ anyunɔkoro ni nahɔrɛ jɔrɛ wɔ. ²⁶ Fɛmɛ Agiripa si ahin jɔrɛm kere, nyini dɛɛ ti, ye m la ahoresi jɔjɔ i nyunu n a. M si tenle su ka i si ahin sam n kere bo m sukan kere am ni, dama i be mmɔɔ ayo má fieɛwa nu. ²⁷ Fɛmɛ Agiripa, a yo Nyɛmɛ nɔaniɛ kanfom jɔrɛ n yarada a? M si tenle su ka a yo yarada.” ²⁸ Na Fɛmɛ Agiripa ase Pɔɔlu ka, “Ahin

san̄ga kaan nu, a sunsun ka a koro jojo na a ma m kaaki Kristo susufo o, nzen se?"
²⁹ Na Pɔolu abo i nu ka, "Nzen i ce o, i ce ma o, mini yiri, m nyemesere la ka, woro ni minem n kere bo m sujoko am do nyuma ni, am ba kaaki na am yo kabo m ti barasu ni, ama, bu wura ma am joroko kabo ba wura m ni."

³⁰ I seeri so ni, na feme n ayasu ajina, yiri ni gomina ni, ni Berenisi, ni nyingam n kere bo bu tana bere ni. ³¹ Bu yasuuri na bu wo ko su ni, na ba se bu nyunu nu ka, "Ahin sono n ayo ma sa be bo i ti ye ni ka bu kun i, wara bu nyi i dansaraka nu."
³² Na Feme Agiripa ase Gomina Fesitosi ka, "Nzen ma ahin sono n asere ma ka bu fa i jore n ko Romafom feme kpiri n do, ma ya koro yaki i nu ji."

27

Kabo bu faari Pɔolu sufa ko Roma mie kpiri n nu ni

¹ To, san̄ga bo bu faari sesesu ka ya fa lee bambaka ko Roma mie kpiri n bo i wo Itali n asien n su ni, na ba fa Pɔolu ni dansaraka nyinga nbem ama soja kpien be bo bu fere i ka Juliyosi ni, yiri nie soja asese be su a, bu fere i ka Romafom Feme Kpiri Agusito deem. ² Na ya ko awura lee bambaka be, i fite mie n bo bu fere i ka Adaramuteno n wo. Lee n ayo siriya sukɔ Esiya awore n nu dee mie nbem su, na ya wura i ako. Yere ni sono be bo bu fere i ka Arisitakusi n koori a, i fite Tesalonika mie kpiri n bo i wo Makedoniya awore n nu wo. ³ Na i alecin, na ya ko aju Sidon mie kpiri n nu, na Juliyosi ayo Pɔolu sakpa, i maari i atin wo, na wo ko anie i danfom busu, adena i ko nya deke bo i koro. ⁴ Ya yasuuri Sidon ka ya ko ni, ya faari Sipurusi lui bambaka n dee bue n wo, ya koro fa ma deke bo ma ya sukoro ka ya fa ni, dama anuma n cin ya ko ya sin wo. ⁵ Ya yasu bere ni, na ya kpie tieku n bo i wo Silisiya, ni Pamfiliya dee aworem n nu ni, na ya nya ako aju mie kpiri n bo bu fere i ka Mira na i wo Lisiya dee awore n nu ni. ⁶ Do na soja kpien n aju lee bambaka be ka i fite Alekizanderiya mie kpiri n nu sukɔ Itali, na wo fa ya awura nu. ⁷ Ya yasuuri bere ka ya ko ni, anuma n kpa ya atin wo, ya koro ako ma ndende. I yoori kekereke ye ya nya ko dodoori mie n bo bu fere i ka Kinidosi n a. Anuma n dee ti, ya koro ako ma deke bo ma ya sukɔ ni. Nyini dee ti, na ya fa lui bambaka n bo bu fere i ka Kereti dee bue ni, akpie ako adodo mie n bo bu fere i ka Salamone ni. ⁸ Ya faari bere ni, i yoori ya kekereke ye ya nya ko juuri mie kpiri n bo bu fere i ka Dika Nyunyumi n a, lee ngbingbirim jinaabiri ni, i mata mie kpiri n bo bu fere i ka Lasiya n wo.

⁹ Na ya wo do ace, haari na Yudafom nɔo cici n aba asin, bu na nyini san̄ga ni, tieku n su natiiri ti tie. Nyini dee ti, na Pɔolu abobo bu, i na, ¹⁰ "Njam, ma nyu ka nzen ya na ya ko ya nyunu, i yo kekereke, na deke dongu saaki, ma lee bambaka n ni nen gem ngumi, ama, ya ngoo mmoo wo nu." ¹¹ Ama, haari ni nyini mmoo, soja kpien n keteeri Pɔolu nɔanie n wo, na wo de leekanfo n ni lee n fo n dee nɔanie ni. ¹² Deke bo ya wo ni, i ti ma kpa ka ya wo do haari fufuku ba tu ya, nyini dee ti, na ya dongu asoro su ka ya yasu do, na ya nie, beni, ya koro ko ju mie kpiri n bo bu fere i ka Foniki n su na i wo Kereti lui bambaka n su ni. Lee ngbingbirim jinaabiri wo do o, i nɔo wo wie atoori dee bue n wo, ya koro ko wo do, haari na fufuku n ba sin.

Kabo anuma bambaka be yasuuri tieku n nu ni

¹³ Na anuma fafari be sukpie fite ya nyunu ndiema bie su. Na ba sunsun ka bu koro ko deke bo ba fa bu tii awo ni. Nyini dee ti, na ba cin atu bulaari n bo bu fa kpamaari lee ni, na ya san tieku n aheme ako adodo Kereti lui bambaka n dee bue ni. ¹⁴ Ama, wo ce ma, na soo sin anuma be bo i nati kpie fite wie afiri saa fomboro su n akpie fanga su afite Kereti do. ¹⁵ Ya kpa anuma n atin wo, ya koro ako ma deke bo ya fa ya tii awo ni. Nyini dee ti, na ya yaki lee bambaka ni, na wo su anuma n su. ¹⁶ Na ya ko adodo lui be bo bu fere i ka Kawuda ni, na ya fa i sin. Lee kaan be

sa lee bambaka n su, i yoori kekereke ye ya nya koro taraari i jinaari a. ¹⁷ Na ba nya acin i afun awura lee bambaka n nu. Na ba fa nyama awura lee bambaka n bu, na ba cici i kenken, na i bu n ayo fanga. Bu soro sere ka lee ni kpama teteke n dika wo, mie kaan be wo bere, bu fere i ka Siritisi. Nyini dee ti, na ba jura lee tani n bo i bo anuma na lee n ko ni, na ba nyanya i, na lee n asu anuma n su. ¹⁸ Kobo anuma n kereeri ya wahara so ni, i alecin, na ba yiye nengem bo bu wo lee n nu ni nbem ajiji nzue n nu. ¹⁹ I lesan ceen, na bu kere afa bu saa ayi lee n dee nenge kere aji nzue n nu. ²⁰ Na wo ce bo ya nu ma wie, wara asarambaam, na anuma n sukpie agaya so, haari na ya ba ayi tama ka ya fite ma nu.

²¹ To, wo ce bo minem n adi ma diire n dee ti, na Poolu ayasu ajina bu afien, na wo se bu ka, "Njam, nzen ma am tiiri m noanie ni, ma ya yasu ma Kereti, ma ya nengem ni saaki ma, na bu ka ngbeen so. ²² Ama, kisa, m sutu am fo o, am ma am ahoresi. Am be mmoo ngoo ka ma nu, ma ka lee bambaka ni ngumi saaki a. ²³ Dama anuma kongue, Nyeme n bo m su i na i dee la m ni, i merere be ba jinaari m bi, ²⁴ na wo se m ka, 'Poolu, ma a ma sere ti u. Wo yo daka ka a ko jina Romafom feme kpiri n nyunu wo, na i di u jore. Ti fen, Nyeme afa minem kere bo u ni bere sangga wo lee n nu n ama u.' ²⁵ Nyini ti, njam, am fa ahoresi. Dama m daafi Nyeme nu ka i yo kobo i seeri m n wo. ²⁶ Haari ni nyini mmoo, anuma ni sun ya ko jina lui bambaka be su wo."

²⁷ To, i bita ya fikindi Adiriya tieku n nu so o, haari i leburu lenna ceen kongue fa ko i jinanjin sangga, na lee jumayofom n afa nu ka bu sudodo asien. ²⁸ Nyini ti, na ba fa nyama bo bu bita sunsun nie kobo nzue ngongo ti barasu. Na ba nu ka i toko wo ngo. Na ba ko mo kaan abuka su, na ba sunsun bekun, na ba nu ka i wo ma ngo kun. ²⁹ Na sere ati bu, bu sunsun ka lee bambaka ni ko si yabuem wo, na i sandi nu, nyini dee ti, na ba coundi lee n sin bulaari nonoori nna asienngu. Na bu susere Nyeme ka ale cin bu. ³⁰ Na lee jumayofom n akoro ka bu wo nmati, na ba yi lee kaan n afa ase nzue n su, na ba kpie mbenle ka bu suyi bulaari nonoori nbem lee bambaka n tii dika a. ³¹ Ama, na Poolu ase soja kpien n ni i sojam ni ka, "Ma ka ahin minem n aka lee n nu, am be mmoo fite ma nu." ³² Na sojam n akpie nyamam bo bu bita lee kaan n aji, na wo ko.

³³ Sangga bo ale ba sukoro cin ni, na Poolu asere minem kere ka, bu nya diire be di. I na, "I nyuma leburu lenna lee, bo am wo ahoresaaki nu, na am adi ma pui. ³⁴ Nyini ti, m sere am wo, am di diire, adena i buka am na am nya ngoo. Haari am be mmoo tiinmie kun n kpein ka ma ngbeen." ³⁵ Poolu seeri so wieeri ni, na wo fa kpoo, na wo da Nyeme asi bu kere nyunu, na wo bu i nu, na wo di. ³⁶ Na bu kere afa ahoresi, na bere gusu adi diire. ³⁷ Yere bo ya yo woori lee bambaka n nu ni, ya ti mine yaa nnyo ni mine aburaso ni nsen wo. ³⁸ Bere kere diiri na bu kunnu yiiri ni, na ba sasa diire mbaa n bo wo ka n ago nzue n nu, adena lee bambaka n ka fafaki.

Kobo lee bambaka n sandiiri nu barasu ni

³⁹ Sangga bo ale ba ciinri ni, lee jumayofom nuuri asien be, ba si ma i, ama, na ba nu ka nzue be ati ada bere, nmie abara aye i. Na ba fa sunsunni ka nzen ma bu koro yo, na ba boro bu nyi na bu fa lee bambaka n ko wura nmie n nu na i kpama. ⁴⁰ Na ba nyangi lee bambaka n bulaari nonoorim n aji nzue n nu, na ba nyangi bakam bo bu fa kan lee n dee nyamam ni, na ba ye tani n bo i wo lee n tii su n angoro ka anuma n fa lee n ko, na bu sukan sukoo aheme. ⁴¹ Ama, na ba ko aju kunma kpiri sanggaabiri, na ba wura nmie be nu, na lee bambaka n tii dika n aka akpama, wo koro ako ma. Na nzue nyama ni subo lee ni, na wo paparaki i sin dika ni. ⁴² Na sojam n asese su ka bu kun dansarakam n kere wo, adena ma be wie kpie na i nmati ko. ⁴³ Ama, soja kpien n koroori ka i de Poolu tii ji n dee ti, na wo kete bu nu ka ma bu yo so. Na wo ma noo ka, bo bu si nzue wie n kere, bu du mo ti to nu na bu wie kpie kpere su, ⁴⁴ na

minem bo bu kaari n kere nya so baka sinsinm, ni lee buebuem n nu, na bu wie ko ju aheme. Kabo i yoori na ya kere koro fiteeri nu, na pui ayo ma be n lee.

28

Deke bo i yoori Pɔɔlu Malite lui bambaka n su n jɔre

¹ Saŋga bo ya fiteeri nzue n nu wieeri ni, na ba se ya ka bu fere lui bambaka n ka Malite. ² Na mie n nufom ade ya na ba yo ya sakpa agaya. Nzue suto na ayere wo bere n dee ti, na ba toro sin ama ya, na ya kere atun. ³ Na Pɔɔlu atientien yee noo ago sin n nu, jaa pumpuni wo yee n nu, na sin n warangu awura i, na wo fite akan i saa aka asense su. ⁴ Mie n nufom ni nuuri ka woo n akan asense Pɔɔlu saa su so ni, na ba se bu nuu nu ka, "Ahin sono n ti sono kunfo o nahore su, haari ni bo wo koro afite n nzue n nu ni, i nyeme atin su, wo yo ma daka ka i nya ngoo." ⁵ Ama, na Pɔɔlu akpisi woo n aji sin n nu, wo nu ma yaari be. ⁶ Na minem n asunsun ka i ce ma, i nunie wura a, wara i kaba kpaasi wu. Ama, bu nminda cere na bu nu ma ka deke be ayo i ni, na ba kaaki bu sunsunni, na ba se ka, "I ti nyeme be wo."

⁷ Deke bo ya sekeeri ni, fie be wo dodo do, i fo n ti lui bambaka n su sono anyumbaafo o, bu fere i ka Pubiliyosi. Na wo de ya wofa nyunyumi, na ya ka ada i dika haari lesan. ⁸ Nyini saŋga Pubiliyosi si gusu la ma laifie, i da soro, i nunie ado, na i suje totoko. Na Pɔɔlu awura soo n bo i da nu ni, na wo fa i saa anana i nu, na wo sere Nyeme ama i, na wo nya laifie. ⁹ I yoori so n dee sin, na tukpakifom kere bo bu wo lui bambaka n su n gusu aba Pɔɔlu do, na wo tuntun bu, na ba nya laifie. ¹⁰ Na ba wura ya kpiri, na ba ce ya aceerim beberebe. Na saŋga bo ya ba suyasu ka ya fa lee na ya ko ni, na ba fa deke kere bo i ti ya mieewa awura lee bambaka n nu ama ya.

Kabo Pɔɔlu yasu Malite na i ko juuri Roma mie kpiri n nu ni

¹¹ Ya woori do haari sara nsan, na ya nya fa lee bambaka be bo i fite Alekizanderiya dee mie kpiri n nu wo. Amoe ndaam anyaari seewa mata i. Fufuku saŋga n dee ti, wo jina do ace. ¹² Na ya ko aju mie kpiri n bo bu fere i ka Sarakusasi n su, na ya wo do lesan. ¹³ Na ya nya akaaki ayasu bere bekun, ako aju mie kpiri n bo bu fere i ka Regiyoni n su. Na i alecin, na anuma abo i bu sukpie fite ya nyunu ndiema saa bie su. Na i lennyo ceen n na ya ko aju mie kpiri n bo bu fere i ka Potiyoli n su. ¹⁴ Na ya nu yaradayofa nbem do, na ba sere ya ka ya wo bu do lesa. Na ya nya yasu aba Roma mie kpiri n nu. ¹⁵ Saŋga bo yaradayofom n bo bu wo Roma n tiiri ya nga ka ya suba ni, na ba fite akpa ya atin, na ya ni bu nbem ako aye mie n bue bo bu fere i ka Apiyosi Goo n su, na ya ni bu nbem gusu ako aye Wofom Daabiri Awuru Nsan mie n nu. Saŋga bo Pɔɔlu nuuri bu ni, na wo da Nyeme asi, na wo nya ahoresi.

Kabo Pɔɔlu kaanri Yesu jore Roma mie kpiri n nu ni

¹⁶ Saŋga bo ya ko juuri Roma mie kpiri n nu ni, na ba ma Pɔɔlu atin ka i nya awuru be na yiri ni i tii suwo nu, na ba ma i soja kun ka i sunie i dika. ¹⁷ I woori do i lesan, nyini sin, na Pɔɔlu afere Yudafo bo bu la anyunuyi na bu wo mie n nu ni, ka bu tien bu noo. Bu tien bu noo wieeri ni, na wo se bu ka, "M ninbaam, ma yo ma ya minem n sa be, ma bu ma ya nana sayoowa n be ngbeen, ama, haari ni nyini mmoo, bu taraari m Yerusalem mie kpiri n nu wo, na ba nya afa m awura Romafom saa nu. ¹⁸ Bere gusu bisaari m bisaawam wieeri ni, ma bu na bu fa m ji wo, dama ba nu ma satie bo ma yo i na i ti ye ni ka bu kun m. ¹⁹ Ama, na Yudafo n akete ka ma Romafom n yaki m nu ji, na wo yo daka ka m sere ka bu fa m jore n ko Romafom feme kpiri n do, haari ni bo m la ma jore be bo m fa jaraki m tiengu minem ni. ²⁰ Nyini dee ti, ye m fere am a, na m jajo am do na am si bo i wo bere, ka, sono n bo Yisarelifom yo i tama n dee ti, ye m wo ahin joroko n nu a."

²¹ Na ba se ka, “Ya nya de má kadasi be Yudiyafóm dɔ fa kɔ u jɔrɛ su. Ya minɛm bo bu fiteeri dɔ baari n gusu, be nya kan má, wara i jɔjɔ jɔrɛ tiɛ be fa kɔ u dɔ. ²² Ama, ya koro ka ya ti fite u dɔ kabo u sunsunni ti, dama ya si ka nyini atin n bo a bita i ni, deke kerɛ bo a kɔ, minɛ jaraki i wɔ.” ²³ Na ba kpama cɛɛn ka bu tien bu nɔɔ. Nyini cɛɛn n na minɛ beberebe aba atien bu nɔɔ deke bo Pɔɔlu da ni. Na wɔ kan akere bu kabo Nyɛmɛ femɛya n atin ti barasu. Fite ngarama haari kɔngue, na wɔ boro i nyi na i ma bu si kabo Yesu ti barasu, fite kabo ba kerɛ i Moyisi dɛɛ nɔɔniɛ kpamaawa kadasi n nu ni, ni kabo ba kerɛ i Nyɛmɛ nɔɔniɛ kanfóm dɛɛ kadasi n nu ni. ²⁴ Na bu nbem ade i nɔɔniɛ ni, ama, na nbem akete, ba yo má yarada. ²⁵ Nyini ti, bu nɔɔ ayo má kun, na ba yasu ka bu kɔ awuru, na Pɔɔlu ase bu jɔrɛ kun be abuka su, i ɲa, “Nahɔrɛ ye Nyɛmɛ Awiewie Casi n jɔjɔri am jɔrɛ n a. I yo maari Nyɛmɛ nɔɔniɛ kanfɔ Esaya seeri am nam ka,

²⁶ ‘Kɔ na a kɔ se nyini minɛm ka, Nyɛmɛ ɲa o,

Am só am sui ni nahɔrɛ su,

ama, am tí má deke bo am so am sui ka am ti i n bu.

Am káaki niɛ ni nahɔrɛ su,

ama, am ɲú má pui.

²⁷ Dama ahin minɛm tii ti kekereke,

ba tɔ bu sui na má bu ti,

ba kata bu nyumbaa na má bu ɲu.

Má nyini, bu nyumbaa ɲú i wɔ,

na bu sui tí,

na bu sí bu ahore su,

na bu káaki bu wo,

na m má bu nya laifɛ.’ ”

²⁸ Na Pɔɔlu akun i jɔjɔwa n nɔɔ, na wɔ se bu ka, “Nyini ti, m koro ka am si ka Nyɛmɛ asunma ya ka ya fa tiide labari kpa n kɔ ma minɛm bo bu ti má Yudafóm ni. Bere dé i a.” [²⁹ Na Pɔɔlu kaanri sɔ wieeri ni, na Yudafóm n ayasu afite akɔ ase akuruwa nyannyan bu ɲuɲu nu.] ³⁰ Na Pɔɔlu ade sɔɔ, na i sutɔ kaari, na wɔ wo nu haari afɔ nnyɔ, na i sude minɛm kerɛ bo bu ba i dɔ ni, ³¹ na i sukan Nyɛmɛ femɛya n ɲusu jɔrɛ, na i sukere minɛm ya Mibie Yesu Kristo jɔrɛ ni ahoresi, be akanda má i.

Pɔɔlu kadasi bo i kere fa maari ROMAFOM ni

¹ Mini Pɔɔlu sukere ahin kadasi n fa ma am a. M ti Yesu Kristo akoo o, ye wo fere m ka m kaaki i jaramasa, na wo yi m ka m kan labari kpa n bo i fite Nyeme do n jore. ² Nyini labari kpa n ye Nyeme yo seeri ka i fa ma ya n a, na wo ma i noanie kanfom akere i nsu jore ase i jore kadasi n nu. ³ Nyini labari kpa n kere ya i Wa n jore wo, nzen ya nie i fa ko i adamande dee woowa su, bu yo wuuri i fiteeri Feme Davidi dee busu n nu n wo. ⁴ Ama, kabo Nyeme faari i yiko tengeeri i yiwee nu ni, nyini ma Awiewie Casi n kere ka i ti Nyeme Wa a, yiri la ya Mibie Yesu Kristo ni. ⁵ Yiri dee ti, ma di Nyeme ahorama, ye wo ma ma yo i jaramasa, adena i duma n dee ti, na m ma daanfie barasu kere de i noanie ni, na bu yo i yarada. ⁶ Ambere Romafom gusu, am wo nyini minem bo Nyeme afere bu n nu wo, ka am kaaki Yesu Kristo dee minem. ⁷ To, ambere bo am wo Roma mie kpiri n nu ni, ye m sukere ahin kadasi n ma am a. Ambere bo Nyeme koro am na wo fere am na am ayo i dee minem ni, ya Si Nyeme ni ya Mibie Yesu Kristo ma am wura bu ahorama nu na am nya ahoreda.

Kabo ma Pɔɔlu koroori ka i ko nie Romafom busu ni

⁸ Ciciri su, Yesu Kristo dee ti, m da m Nyeme asi ma am kere, dama durunya n nufom kere ati kabo am ayo Yesu Kristo yarada ni. ⁹ Nyeme bo m su i ni m ahorembaa kun ni, na m kan i Wa n labari kpa n jore ni, yiri di m daani a, kabo m nati sere Nyeme ma am ni. ¹⁰ Sangha kere m sere i wo, ka nzen i ti i dee koroyanu, i teke atin ma m kisa, na i awieeri su na m koro ba nie am busu. ¹¹ Dama m nyunu aboro ka m ba nyu am wo, adena m fa aceeri n bo i fite Awiewie Casi n do ba ma am na am koro jina fanga kenken ni nyemesu ni. ¹² Nahore, i ti deke bo ya fa ma ya benggu na ya nya ahoresi wo, m ni ambere kere, kabo ya yo Yesu yarada n dee ti.

¹³ M ninbaam, m koro ka am si ka sangha kere, ma m koro ka m ba nie am busu wo, ama, m nya ma atin. Ma m koro ka m ba nya mine am nu ma Nyeme wo, kabo ma nya am benggu nbem bo bu ti ma Yudafom ni. ¹⁴ Dama wo yo daka ka m yo so ma mine barasu kere, bo bu nyunu ateke, ni bo bu nyunu ateke ma, ni bo ba sɔnsɔn kara, ni bo ba sɔnsɔn ma kara. ¹⁵ Nyini dee ti, ye m ahore abi ka m ba kan labari kpa n jore kere ambere gusu bo am wo Roma mie kpiri n nu n a.

Yiko bo i wo labari kpa n nu ni

¹⁶ Nyinse ti ma m fa ko labari kpa n su, dama yiri ti Nyeme yiko bo i ma sɔno kere bo i yo yarada n nya tiide a, bo bu ti Yudafom ni du mo a, na bo bu ti ma Yudafom n nya to su. ¹⁷ Labari kpa n kere kabo Nyeme de sɔno ka i yo sa bo i ko atin su i do a. Sɔno kere bo i yo yarada, i fite i yaradayo n dee ti ye Nyeme de i mi ka i yo sa bo i ko atin su i do a, na nyini ma i yarada n yo biiwa. Kabo ba kere i Nyeme Jore Kadasi n nu ka, Nyeme na, "Sɔno bo i yo sa bo i ko atin su m do, i nya ngoo, i yarada n dee ti."

Kabo adamande kere ayo satie ni

¹⁸ Nyeme wo angoro akere kabo wo fa yaa acin minem sui ni, bere bo bu sunsunni ti tie na bu yo satie ni, bu satie n dee ti, ba kete ka ma minem si Nyeme nahore su. ¹⁹ Deke bo i ti na wo fa yaa n la ka, ba nyu deke n kere bo i ma bu si Nyeme ni, dama yiri ni i tii ayi i kpain afite fofoe nu. ²⁰ Fite sangha bo Nyeme yiiri durunya n ba juuri ni kisa, mine anu i woowa, i ti ma ka bu nyumbaa anu i kabo i ti barasu wo, ama, ba nyu dekem bo wo yi bu ni. Nyini dekem ni kere ka i ti Nyeme nahore su a, ni kabo i la yiko bo i la ma awieeri ni. Nyini ti, be wo ma bere bo i koro se ka i si ma i. ²¹ Haari ni

bo bu si i n kere, ba kete ka bu ma má i jirima ka i ti Nyeme, na bu kaaki da má i asi. Nyini de ti, ye bu sunsunni kere aka ngbeen ye ngonle akpie bu su, ye bu ahorembaa ayo biri n a. ²² Bu bu bu nu ka bu ti ngonlefom wo, ama, bu ti sinnzinm wo. ²³ Jirima bo má bu fa ma Nyeme bo i wo bere sangha kere ni, ba fa ama amom bo ba yo bu na bu ferema ni adandem, ni lanjpetefom, ni ajaannam, ni cinbukunnusufom wo.

²⁴ Nyini de ti, ye Nyeme ayaki bu ye bu yo bu kunnu koroowa n a, na bu suyo dangba sam bu nu nu suwura bu nu nyinse. ²⁵ Dama ba kete Nyeme nahorefom ni, na bu nya susu kore su. Na bu su dekem bo Nyeme ayi bu ni, bu su má yiri bo i yiiri deke n kere ni. Yiri de la kansa sangha kere a. Ami. ²⁶ Ba kete Nyeme n de ti, ye wo yaki bu a, na bu suyo nyinse sam kabo bu kunnu koro n a, haari na nbaram yaki nbiesom do daari, na bu sufa bu benggu nbaram da, na bu yo kabo má wo yo má daka ka bu yo ni. ²⁷ Na nbiesom n gusu yaki nbaram do daari, na bu la konviki agaya fa ko bu benggu nbiesom do, na bu ni bere sangha da ka bara ni bieso de su. Nyini nyinse sam de ti, ye ba nya suicin kabo wo yo daka ka bu nya i n a.

²⁸ Kabo ba kete ka bu si má Nyeme ni, nyini ma wo yaki bu, ye bu sunsunni tie n ma bu yo sa bo má wo yo má daka ka bu yo i n a. ²⁹ Bu ahorembaa ayi ni satie barasu kere ngumi wo, bu konviki wura bu benggu nengem nu wo, na bu suyo bu bengum tie, na bu susi bu bengum kore, na bu sukun bu bengum, na bu sudi aluwa, na bu sudadaka bu bengum, na bu sukpo bu bengum, na bu sukan bu bengum jore, ³⁰ na bu susaaki bu bengum duma, na bu sukpo Nyeme, na bu sukpie bu bengum nzuko, na bu la karambani, na bu sufom, na bu susunsun kabo bu yo na bu yo satiem, na bu sukete bu wufom ncanie, ³¹ na bu la má ngonle, na bu yo má sa bo ba se ka bu yo i ni, na bu koro má minem, na bu si má bu bengum anunfo. ³² Bu si kabo Nyeme akere ka, sonko kere bo i nati yo so, wo yo daka ka i mi wu ni, haari ni nyini mmoo, bu toko yo nyini sam wo, ama, bo i ko tara i kere n la ka, bu jina mine bo bu gusu nati yo nyini sam ni sin wo.

2

Kabo Nyeme ba di sonko kere jore barasu ni

¹ To, woro kere bo a kan nyini minem jore ni, a la má kabo a yo na a kan fite nu Nyeme do. Dama jore n bo a kan jaraki u benggu na woro ni u tii yo nyini sam ni, nyini ma a kan jaraki u nu n a. ² Ya si kabo Nyeme di minem kere bo bu yo so n jore, na i jaraki bu ni, i jore diiwa n ti nahore wo. ³ Ye woro kere bo a kan minem n bo bu yo nyini sam n jore jaraki bu, na woro mmoo ni u tii yo so ni, a sunsun ka a koro fite Nyeme jore diiwa n nu, nzen se? ⁴ Kabo Nyeme ayo sakpa bambaka ama u na i la mindi ni sawore ni, nzu ti ye a bu i ngbeen a? A si má ka deke bo i ti na i yoori nyini sakpa n la ka, i koro ka a kaaki u wo wo, nzen se? ⁵ Ama, kabo a yo u ahorembaa kekereke na a kete ka a kaaki má u wo ni, a sukpini suicin ma u nu wo le, ceen n bo Nyeme ba di minem jore nahore su, na i cin bu sui na sonko kere nu i ni. ⁶ Na i to sonko kere nkato kabo i sayoowa ti barasu. ⁷ Mine nbem de la ka, bu mindi nati yo sakpa, na bu kpini kansa, ni jirima, ni anuniembaa bo i kporo má n busu ni, bere ye Nyeme má bu ngoo bo i la má awieeri n a. ⁸ Ama, minem bo bu nati yo anyii sam, na bu kete deke kere bo i ko atin su Nyeme do, na bu su satie atin su ni, bere ye Nyeme fa yaa bu nu na i cin bu sui n a. ⁹ Minem kere bo bu nati yo satie ni, bu di wahara na bu nu anyumboro, bo bu ti Yudafom ni du mo nu nyini kekereke n a, na bo bu ti má Yudafom gusu nya to su. ¹⁰ Ama, minem kere bo bu nati yo sakpa ni, Nyeme má bu nya kansa ni jirima ni ahoreda, bo bu ti Yudafom ni du mo nya nyini deke kpan n a, na bo bu ti má Yudafom n gusu nya to su. ¹¹ Dama Nyeme tambu má nu.

¹² Minem kere bo bu la má Nyeme noanie kpamaawa n na bu yoori satie, bu ká ngbeen, haari ni bo bu la má Nyeme noanie kpamaawa n ni. Na minem kere bo bu la Nyeme noanie kpamaawa n na bu yoori satie, bere ye Nyeme fá i noanie kpamaawa n di bu jore, na i bó bu asi a. ¹³ Má minem bo bu sui ti Nyeme noanie kpamaawa ni ye Nyeme de bu ka bu yo sa bo i ko atin su i do a. Ama, bo bu yo kabo Nyeme noanie kpamaawa n kere ni, bere ye Nyeme de bu ka bu yo sa bo i ko atin su i do a. ¹⁴ Minem bo bu ti má Yudafo m na bu la má Nyeme noanie kpamaawa ni, ama, na bu yo kabo noanie n kere ni, bu sunsunni ni bu ahorembaa kpa n dee ti, bere ni bu tii akpama noanie ama bu nu lee. ¹⁵ Kabo ba de i so ni, nyini kere ka Nyeme noanie kpamaawa n wo bu ahore su a, na bu sunsunni gusu kere ka i ti so o, na i kaaki jaraki bu ka ba yo sa bo i ko má atin su, wara i koro jina bu sin ka ba yo sa bo i ko atin su. ¹⁶ Nyini kere yo ceen bo Nyeme má Yesu Kristo ba di adamande kere jore bo i wo asiri nu n wo. M labari kpa n bo m kan i kere mine ni, kabo m kere i lee.

Yudafo m ni Nyeme noanie kpamaawa n jore

¹⁷ Ambere bo am na am ti Yudafo m, na am daafi Nyeme noanie kpamaawa n nu, na am fa fo ka am si Nyeme ni, ¹⁸ na am si kabo Nyeme koroowa ti, na am sunsun nyunyumi, na am yi sa bo i ti kpa, dama am asi Nyeme noanie kpamaawa n kere awie, ¹⁹ am yo am nu ka ambere bita anyinsinm kpama a, na am ti wein ma minem bo bu wo awosin nu ni. ²⁰ Am na ambere teke minem bo bu la má ngonle nyi a, na am kaaki kere minem bo bu ti ka nbaatumam ni, dama am na am si Nyeme noanie kpamaawa n dee ti, am sunsun ka am si ngonle ni nahore kere bo i wo i nu ni. ²¹ Ambere bo am kere minem ni, nzu ti ye am kere má am nu a? Ye ambere bo am se minem ka má bu wo ni, am wo, nzen am wo má? ²² Am na má be saaki ajaa ciire ni, ye am saaki i, nzen am saaki má i? Am na am koro má amoe jore ni, ye am wo nengem amoe soom n nu, nzen am wo má? ²³ Ambere bo am bita Nyeme noanie kpamaawa n fa fo ka am si i, na am su má i su ni, ambere kaaki wura Nyeme nyinse a. ²⁴ Kabo ba kere i Nyeme Jore Kadasi n nu ni, ka, “Ambere Yudafo m dee ti, ye minem bo bu ti má Yudafo m jojo wura Nyeme ngasi nu a.”

²⁵ Nzen am yo kabo Nyeme noanie kpamaawa n kere ka am yo ni, nyini yiri, am kenkenne n bo am awura i n la kperere. Ama, nzen am yo má kabo noanie kpamaawa n kere ni, i ti ka am awura má kenkenne lee. ²⁶ Nzen bo ba wura má kenkenne n yo kabo Nyeme noanie kpamaawa n kere ka bu yo ni, Nyeme de bu ka ba wura kenkenne wo lee. ²⁷ Nyini ti, i sukere ka, bere n bo ba wura má kenkenne na bu yo kabo Nyeme noanie kpamaawa n kere ni, bu dí ambere Yudafo m jore jaraki am, dama am awura kenkenne na am la noanie kpamaawa ni, ama, am yo má kabo i kere ni. ²⁸ Dama má Yudafo m bo ba wura kenkenne anuniembaa su ni ngumi ti Yudafo m nahore su a. ²⁹ Ama, sono bo i ti Yudafo nahore su la bo wo kaaki wo i ahorembaa su ni, na kenkenne wuraawa nahore su fite ahorembaa su wo, Nyeme Awiewie ni kaaki sono a, má noanie kpamaawa ni. Nyini sono so, Nyeme kansii a, má adamande.

3

¹ To, bo bu ti Yudafo m ni, bu la nzu kperere wo? Ye kenkenne wura buka nzu wo?
² Nahore, Yudafo m tara minem bo bu ti má Yudafo m ni deke dongu nu. Ciciri su, Nyeme du mo faari i noaniam n wuraari bere saa nu a, ka bu nie i su. ³ Ye nzen Nyeme fa wuraari bere saa nu a, ye bu nbem ayo má yarada, nyini kere ka Nyeme la má dabunu lee, nzen se? ⁴ Ai, má so. Haari ni bo sono kere ti korefom ni, Nyeme yiri ti i nahorefom o, kabo ba kere i Nyeme Jore Kadasi n nu ni, ka,
 “Deke bo a kan ni, bu nu ka nyini ti nahore a,
 na nzen bu di u jore jarakiiri u, a kúnma bu.”

5-6 Ye nzen ya satiem n bo ya yo bu n kere kabo Nyeme yo sa bo i ko atin su, na i cin ya sui, ya koro se ka wo yo ma sakpa, nzen se? Ai, ma so. Adamande sunsunni lee. Nzen Nyeme yo ma sa bo i ko atin su, i yo se koro di durunya n nufom jore a? ⁷ Be koro se ka nzen m bu kore, na i ma minem nu kabo Nyeme nahore ti barasu, adena bu ma i jirima, ye nzu ti ye i di m jore cin m sui ka m ti satieyofa a? ⁸ I ti kabo mine nbem nati kan wo, bu na, am ma ya yo satie adena Nyeme ba ma i kaaki sakpa. Bu kpie m nzuko ka mini mmoo se so o. Bu bu kore wo. Nyeme di bu jore na i cin bu sui.

Be wo ma bere bo i yo sa bo i ko atin su sangha kere

⁹ To, ya se se wo? Yere bo ya ti Yudafo m ni, ya tara bo bu ti ma Yudafo m n nzu nu wo? Ai, ya tara ma bu pui, dama ma du mo ase am ka yere Yudafo m ni, ni bo bu ti ma Yudafo m n kere ti satieyofom wo. ¹⁰ Kabo ba kere i Nyeme Jore Kadasi n nu ni, ka,

“Be wo ma bere bo i yo sa bo i ko atin su, haari sono kun n kpein mmoo.

¹¹ Be wo ma bere bo i la ngonle,
be wo ma bere bo i nienie Nyeme busu.

¹² Sono kere akaaki bu sin abo Nyeme dee atin ni, bu kere aka ngbeen,
be wo ma bere bo i yo sakpa,
haari sono kun n kpein mmoo wo ma bere.”

¹³ Ba kaaki akere ka,

“Bu konvi ti ka fanjunma bo ba teke i su wo,
na bu fa bu taferema sudadaka minem.”

“Na jore bo i fite bu noo nu yo ya ka pumpuni bore wo.”

¹⁴ “Nzukolee ni jore tie ngumi fite bu noo nu a.”

¹⁵ “Bu ce ma na bu yi mine ngoo ndende.

¹⁶ Deke kere bu ko, bu dee la ka bu yo minem ngbeenngbeen,
na bu saaki bu.

¹⁷ Bu dee la ka bu nati sukpini jore, bu koro ma tanalaifie.”

¹⁸ “Bu nyunu yi ma Nyeme, nyini dee ti, bu soro ma i.”

¹⁹ Ya si ka deke n kere bo ba kere i Nyeme noanie kpamaawa n nu ni, i joo ni Yudafo m bo bu su i su n wo, adena ma be koro teke i noo kan jore be, ama, durunya n nufom kere ba jina Nyeme nyunu na i di bu jore na i cin bu sui. ²⁰ Dama be wo ma bere bo i koro se ka i su noanie kpamaawa n su dee ti, ye Nyeme de i ka i yo sa bo i ko atin su i do a, ama, noanie kpamaawa ni ma minem si ka bu ti satieyofom a.

Kabo Nyeme na sono yo sa bo i ko atin su i do ni

²¹ Ama, kisa Nyeme ayi akere ya kabo ya yo sa bo i ko atin su i do, ma yiri la bo ya su noanie kpamaawa n su ni, ama, yiri la bo noanie kpamaawa n ni Nyeme noanie kanfom diiri i nusu daani ka i yo n wo. ²² Yiri la ka, sono kere bo wo yo Yesu Kristo yarada, yiri ye Nyeme na i yo sa bo i ko atin su i do a, nyini ti, ya la ma kpakpaakinu, ²³ dama sono kere ayo satie afun Nyeme jirima woowa ni, ²⁴ ama, Yesu Kristo ade sono kere tii aji, nyini dee ti ye Nyeme na sono kere ayo sa bo i ko atin su i do n a, i ti Nyeme aceeri wo. ²⁵⁻²⁶ Yiri Yesu ye Nyeme ma i deeri adamande jinaabiri n a, na wo fa i nu ayo woowa na wo wu, adena nzen minem yoori i yarada, i mbunja n dee ti, Nyeme fa bu satie ce bu. Deke bo i ti na Nyeme yoori so n la ka, i koro ka i kere kabo yiri ni i tii yo sa bo i ko atin su n wo, dama dawa sangha Nyeme yo laari sawore fa ko minem bo bu yo satie n do. Ama, kisa wo kere ka yiri ni i tii yo sa bo i ko atin su wo, na sono kere bo i yoori Yesu yarada, Nyeme de i mi ka yiri yo sa bo i ko atin su i do a.

²⁷ Nyini dee ti, nzu deke ye ya koro fa fo a? Deke be wo ma bere. Noanie kpamaawa ni ma minem yo sa bo i ko atin su Nyeme do a, nzen se? Ai, ma so. Ama, bo minem

yo Yesu yarada n dɛɛ ti a. ²⁸ Ya niɛ ka deke bo i kere ka Nyemɛ de sɔnɔ ka i yo sa bo i kɔ atin su i dɔ n la kabo wɔ yo Yesu yarada n wɔ, má ka i su nɔaniɛ kpamaawa n su n dɛɛ ti a. ²⁹ I ti nahɔrɛ wɔ, ka Nyemɛ ti má Yudafom ngumi Nyemɛ, i ti bo bu ti má Yudafom n gusu Nyemɛ wɔ. ³⁰ Nyemɛ ti kun wɔ. Yarada n dɛɛ ti, ye Nyemɛ ɲa Yudafom bo ba wura kenkenne n yo sa bo i kɔ atin su i dɔ a, ye minem bo bu ti má Yudafom na bu wura má kenkenne ni, bu yarada ma Nyemɛ de bu ka bu yo sa bo i kɔ atin su i dɔ a. ³¹ Nyini sukere má ka ya yo Yesu yarada n dɛɛ ti, ya fa má nɔaniɛ kpamaawa n yo má juma a. I ti má sɔ, ama, nyini ma ya bita nɔaniɛ kpamaawa n kenken a.

4

Kabo Abraham yoori Nyemɛ yarada barasu ni

¹ Tɔ, am ma ya niɛ ya na Abraham jɔrɛ. Ya busu nu, yiri ti ya kɛrɛ na a. ² Nzen má i sakpa yoowa dɛɛ ti ye Nyemɛ ade i ka i yo sa bo i kɔ atin su i dɔ, má i koro fa fɔ yanfɔya, ama, Nyemɛ dɔ, i ti má sɔ. ³ Dama ba kɛrɛ i Nyemɛ Jɔrɛ Kadasi n nu ka, “Abraham yoori Nyemɛ yarada, nyini dɛɛ ti ye Nyemɛ ade i ka i yo sa bo i kɔ atin su i dɔ n a.” ⁴ Nzen sɔnɔ yo juma na ba tɔ i kaari, i ti má ka bu ɲa ba ce i aceeri wɔ, i ti i juma ni ɲkatɔ ɔ. ⁵ Ama, sɔnɔ bo i yoori yarada, má ka i sakpa bo wɔ yo i n dɛɛ ti ye Nyemɛ ade i ka i yo sa bo i kɔ atin su i dɔ n a, ama, wɔ yo yarada ka Nyemɛ de satieyofɔ ka i yo sa bo i kɔ atin su i dɔ n dɛɛ ti a. ⁶ Fɛmɛ Davidi mmɔɔ yo kaanri nyini minem ɲusu jɔrɛ, ka i mi la terefie, dama Nyemɛ ade i ka i yo sa bo i kɔ atin su i dɔ, má ka i sakpa n dɛɛ ti a. I ɲa,

⁷ “Terefie wo bu dɔ, minem bo Nyemɛ fa bu ɲgasi ce bu ni.

Terefie wo bu dɔ, minem bo Nyemɛ kata bu satie su ni.

⁸ Terefiefo la sɔnɔ bo Micɛra n ɲa i la má satie be ni.”

⁹ Tɔ, minem bo bu wuraari kenkenne n ngumi la nyini terefie ni, nzen sɛ a? Ai, minem bo bu wura má kenkenne ni mmɔɔ la i. Dama ya du mɔ ase ka, Abraham yarada n dɛɛ ti ye Nyemɛ ade i ka i yo sa bo i kɔ atin su i dɔ n a. ¹⁰ Saɲga bɔnɔ ye Nyemɛ seeri sɔ n a? Nyini saɲga Abraham awura kenkenne, nzen wɔ nya wura má? Ai, nyini saɲga wɔ nya wura má. ¹¹ Nyini saɲga n sin, ye i ba wuraari kenkenne n a. Na i kenkenne wuraawa n kere ka i yarada n dɛɛ ti ye Nyemɛ deer i ka i yo sa bo i kɔ atin su i dɔ, saɲga bo i nya wura má kenkenne ni. I yoori sɔ ni, adena yiri Abraham bá yo minem bo ba yo yarada n kɛrɛ si, haari ni bo ba wura má kenkenne ni, ye Nyemɛ ade bu ka bu yo sa bo i kɔ atin su i dɔ n a. ¹² Yiri gusu kaaki ti minem bo ba wura kenkenne n si a, má ka ba wura kenkenne n dɛɛ ti, ama, bo ba yo yarada kabo i yoori yarada saɲga bo i nya wura má kenkenne ni.

¹³ Nyemɛ yo seeri Abraham ni i busu nufom ka i fá durunya n kɛrɛ ce bu ni, má ka i su Nyemɛ nɔaniɛ kpamaawa n su dɛɛ ti a, ama, kabo wɔ yo Nyemɛ yarada n ti ye Nyemɛ deer i ka i yo sa bo i kɔ atin su i dɔ n a. ¹⁴ Nzen mine su Nyemɛ nɔaniɛ kpamaawa n su ye bu nya deke n bo Nyemɛ seeri ka i cé bu ni, nyini la ka yaradayo n ti ɲgbɛɛn wɔ lɛɛ, na kabo Nyemɛ ase n gusu la má kperɛ. ¹⁵ Nzen minem saaki nɔaniɛ kpamaawa ni, nyini ma Nyemɛ fa yaa na i cin bu sui a, ama, nzen má nɔaniɛ kpamaawa be wo má bɛrɛ, má deke be wo má bɛrɛ bo i kere ka sɔnɔ ayo satie.

¹⁶ Nyini ti, deke bo Nyemɛ yo seeri ka i fá ma ni, i baari minem bo bu yo yarada n dɛɛ ti wɔ. I yoori sɔ ni, adena deke n bo i yo seeri ka i yó n yó aceeri kpama ma Abraham busu nufom kɛrɛ, má bo bu su nɔaniɛ n kpamaawa n su ngumi, ama, bo ba yo yarada kabo Abraham yoori ni. Yiri ti ya kɛrɛ si a, ¹⁷ kabo ba kɛrɛ i Nyemɛ Jɔrɛ Kadasi n nu ni, ka, Nyemɛ ɲa o, “M má a yo mine barasu dɔɲgu si.” Nyemɛ ɲuuri ka Abraham ayo yarada ka yiri Nyemɛ tenje minem bo ba wu n yiwee nu, na yiri ma deke n bo i yo wo má bɛrɛ n wo bɛrɛ a. ¹⁸ Nyini ti, saɲga bo Abraham yoori yarada

na i la tama ni, i ti kekereke na i yo tama ka i bá yo mine barasu dongu si, kabo ba kere i Nyeme Jore Kadasi n nu ka, "U busu nufom bá sunnu beberebe ni." ¹⁹ Haari ni sanja bo wo ju afo yaa, na i si ka wo yo kpian ni, na i yi Saara ti nroka na wo yo buke n kere ni, i nuni ayorki má i, i yoori yarada a. ²⁰ Wo yo má sika fa ko deke bo Nyeme seeri ka i yó i n su, ama, yarada n bo i yoori i n dee ti, na wo nya fanga na wo kansu Nyeme. ²¹ Na wo si tenle su ka Nyeme koro yo deke n bo i yo seeri ka i yó i ni. ²² Abraham yoori yarada a, nyini dee ti ye Nyeme ade i ka i yo sa bo i ko atin su i do n a. ²³ Kabo ba kere i ka, Nyeme ade i ka i yo sa bo i ko atin su i do ni, má Abraham ngumi dee ti ye bu kereeri i so a, ²⁴ ama, yere gusu dee ti ye bu kereeri so n a, yere bo Nyeme bá de ya ka ya yo sa bo i ko atin su i do n na ya yo i yarada ni, yiri bo i tengeeri ya Mibie Yesu i yiwee n nu ni. ²⁵ Ya satie dee ti ye Yesu wuuri a, na wo tenge i yiwee n nu, adena Nyeme de ya ka ya yo sa bo i ko atin su i do.

5

Kabo Nyeme ade ya ka ya yo sa bo i ko atin su ni

¹ To, ya yo yarada, na Nyeme ade ya ka ya yo sa bo i ko atin su i do ni, ye ya ni yiri afien ayo dongu a, ya Mibie Yesu Kristo dee ti. ² Yesu Kristo dee ti ma ya la atin jina deke bo ya wo kisa n a, yiri la Nyeme ahorma n bo wo fa ama ya ni, na ya la ahorejo, dama ya la tama ka ya nya Nyeme dee jirima woowa n be. ³ Na nzen ya gusu la ahorejo sanja bo ya di wahara, ya si ka wahara di ni ma ya mindi a. ⁴ Nzen ya la mindi, nyini ma ya la wo kpa a, nzen ya la wo kpa, nyini ma ya la tama a. ⁵ Na tama n bo ya la i ni, i ma ya di má nyinse, dama Nyeme afa i Awiewie Casi n ama ya, yiri ma ya si ya ahore su kabo Nyeme koro ya agaya barasu a.

⁶ Sanja bo ya la má fanga mmoo ni, nyini sanja n ye Kristo ba wu maari satieyofom n a. ⁷ I ti kekereke ka sono soro su na i to i ngoo na i wu ma sono bo i yo sa bo i ko atin su, ama, beni, be koro fa ahoresi na i soro su na i de sono bo i yo sakpa agaya jinaabiri na i wu ma i. ⁸ Ama, Nyeme yiri akere ya kabo i koro ya barasu, dama sanja bo ya toko yo satiem ni, ye Kristo ba wu maari ya a. ⁹ Nyini dee ti, i yiwee n bo i wu maari ya ni, ye Nyeme ade ya ka ya yo sa bo i ko atin su i do n a, nyini ti, i ti nahore wo ka i de ya fite suicin n bo Nyeme fá cin satieyofom ni. ¹⁰ Sanja bo ya yo ti Nyeme kpofom ni, ye i wa Yesu wu maari ya n a, na wo yo ya ni Nyeme afien dongu, kisa na ya ni Nyeme afien ayo dongu ni, i de ya tii ji nahore su, dama Yesu la ngoo n dee ti. ¹¹ Má nyini ngumi a, ama, ya la ahorejo na ya bo tuntun Nyeme ya Mibie Yesu Kristo dee ti, dama wo yo ya ni Nyeme afien dongu.

Adam ni Yesu Kristo jore

¹² Am ma ya tenge ya kere na Adam jore su. Yiri sono kun dee sa bo i yoori i ni faari satie baari durunya n nu a, ye satie n gusu faari yiwee ba kuunri sono kere n a, dama sono kere yo satie wo. ¹³ Satie yo woori durunya n nu ka, ye Nyeme nya ba faari i noanie kpamaawa n maari a, ama, sanja bo Nyeme nya fa má i noanie kpamaawa n ma má ni, minem yo kan má satie jore, dama noanie kpamaawa be wo má bere n dee ti. ¹⁴ Ama, haari nyini mmoo, fite Adam sanja n kere ko ju Moyisi sanja ni, yiwee la yiko kun minem so o, haari ni bo ba yo má satie kabo Adam yoori ni. Adam woowa kere ya deke be fa ko yiri n bo i bá ba n jore a.

¹⁵ Ama, aceeri n bo Nyeme afa ama ya ni, i ti má ka Adam dee satie ni. Sono kun satie dee ti ye mine dongu wuuri a, ama, deke bo i tara i kere n la ka, mine dongu anya ahorma bambaka, i ti aceeri bo i fite Nyeme do o, sono kun ahorma dee ti. Yiri la Yesu Kristo. ¹⁶ Bekun, Nyeme aceeri n ti má ka sono kun n dee satie ni, dama sono kun n dee satie ni, nyini ma Nyeme di mine jore cin bu sui a, ama, mine dongu satie bo ba yo i n dee sin, ye Nyeme ace bu aceeri a, na wo de bu ka bu yo sa bo i

kɔ atin su i dɔ. ¹⁷ Ya ŋu ka sɔnɔ kun dɛɛ satie ti, ye yiwee la yiko kun mine sɔ n a, yiri sɔnɔ kun n satie dɛɛ ti. Ama, deke bo i tara i kere n la kabo mine anya ŋɔɔ adi femeya n wɔ, dama ba nya ahɔrɔma bambaka n bo i ti Nyeme aceeri ni, Nyeme ade bu ka bu yo sa bo i kɔ atin su i dɔ a. I kere fite sɔnɔ kun n dɛɛ ti wɔ, yiri la Yesu Kristo.

¹⁸ Nyini ti, kabo sɔnɔ kun dɛɛ satie ti na Nyeme di minem kere jɔre cin bu sui ni, sɔ bekun ye sɔnɔ kun dɛɛ sakpayo ni ma Nyeme de minem kere ka bu yo sa bo i kɔ atin su i dɔ na bu nya ŋɔɔ a. ¹⁹ Na kabo sɔnɔ kun keteeri Nyeme noanie n na minem kere ayo satieyofom ni, sɔ bekun ye sɔnɔ kun gusu ade Nyeme noanie n a, nyini ye Nyeme de minem kere ka bu yo sa bo i kɔ atin su i dɔ a. ²⁰ Nyeme faari i noanie kpamaawa n kereeri a, na mine si kabo satieyo asunnu barasu a, ama, deke bo satieyo sunnu, Nyeme ahɔrɔma n bo wɔ fa ama n sunnu tara sɔ. ²¹ Nyini ti, kabo satie la yiko na i ma yiwee kun minem sɔ ni, sɔ ye Nyeme ahɔrɔma n dɛɛ ti, ye i de minem ka bu yo sa bo i kɔ atin su i dɔ a, na bu nya ŋɔɔ bo i la má awieeri a, ya Mibie Yesu Kristo dɛɛ ti.

6

Yesu Kristo dɛɛ ti ya la ŋɔɔ

¹ Tɔ, ye ya se se wɔ? Ya koro kɔ su suyo satie, adena Nyeme ahɔrɔma buka su, nzen se? ² Ai. I koro yo má sɔ. I ti ka ya ti minem bo ba du mɔ awu wɔ, fa kɔ satie su. Ye nzu ti ye ya toko yo satie bekun a? ³ Am si má Nyeme nzue n bie n bu wɔ? Yere bo bu bieeri ya Nyeme nzue ni, ya ni Yesu Kristo ayo kun lee, na ya ni yiri asanga awu yiwee kun lee. ⁴ Sanga bo bu bieeri ya Nyeme nzue ni, i ti ka ya ni Yesu asanga awu, na ba kaaki ase ya ni yiri wɔ lee. Na kabo ya Si Nyeme Yikofɔ n tengeeri Yesu i yiwee nu ni, sɔ ye i má ya gusu nya nyini ŋɔɔ fɔfɔre n a.

⁵ Ya ti kabo i ti n wɔ, sanga bo i wuuri ni, sɔ ye wɔ yo daka ka ya bá ti kabo i ti n a, i yiwee tenge n nu. ⁶ Ya si ka, ya woowa dawa ni, ba sanga akpama i ni Kristo i baka jaanu n su, adena má ya yo akɔm fa kɔ satie su kun, dama anuniembaa n bo i yo satie n wo má bere kun. ⁷ Dama sɔnɔ kere bo wɔ wu, wɔ de i tii afite satie nu lee. ⁸ Tɔ, kabo ya ni Kristo sanga wuuri ni, sɔ ye ya yo yarada ka ya ni yiri sanga nya ŋɔɔ a. ⁹ Ya si ka Kristo tengeeri i yiwee n nu ni, i wú má kun, dama yiwee la má i ŋusu yiko kun. ¹⁰ Yiwee n bo i wuuri ni, i wuuri kpekun n kpein wɔ, na i yi satie, ama, ŋɔɔ n bo i la i ni, i wo Nyeme dɛɛ wo wɔ. ¹¹ Sɔ ye i ti ye ni ka amberɛ ni am tii si ka am awu fa kɔ satie su a, na am ni Yesu ayo kun, ye am la ŋɔɔ wo Nyeme dɛɛ wo a.

¹² Nyini ti, má am ma satie la yiko fa kɔ am nuniembaa n su, na am yo am kunnu koroowa. ¹³ Má am fa am nuniembaa be ma satie, na i kaaki deke bo i yo satie, ama, am fa am ŋu ma Nyeme ka minem bo ba tenge yiwee nu anya ŋɔɔ kisa, na am fa am nuniembaa n kere ma Nyeme na i fa am yo deke bo i yo sa bo i kɔ atin su. ¹⁴ Satie la má yiko fa kɔ am dɔ, dama Nyeme noanie kpamaawa n nie má am su kun, ama, Nyeme ahɔrɔma ni nie am su a.

Minem bo ba kaaki sa bo i kɔ atin su akɔm

¹⁵ Tɔ, nzu bekun a? Kisa, Nyeme noanie kpamaawa n nie má ya su kun, ama, Nyeme ahɔrɔma ni nie ya su a. Nyini ti, ya koro yo satie, nzen se? Ai, má sɔ. ¹⁶ Am si ka nzen am faari am ŋu maari be na am deer i mi noanie, am ti i mi n akɔɔ lee. Kabo i nya ti sɔ ni, nzen am faari am ŋu maari satie, am ti satie akɔɔ, na am wú lee. Ama, nzen am gusu deer i Nyeme noanie ni, i de am ka am ayo sa bo i kɔ atin su i dɔ lee. ¹⁷ Sanga be am yo ti satie akɔm wɔ, ama, kisa ya da Nyeme asi ka Nyeme noanie n bo bu fa kereeri am, na am ade i ni am ahorembaa kere ni, ¹⁸ am ade am tii afite satie nu lee, am akaaki sa bo i kɔ atin su n akɔm wɔ. ¹⁹ M

fa adamande dɛɛ woowa, ye m fa kere kabo Nyemɛ ti a, dama am suti má i bu. Am yo fa am n̄uniɛmbaa n be yoori danɗba sam wɔ, ni satie barasum wɔ, nyini ma am saaki n̄oaniɛ kpamaawa n a, sɔ ye kisa am fa am n̄uniɛmbaam yo sa bo i kɔ atin su, nyini ma am yo Nyemɛ mine casim a.

²⁰ Saɗga bo am yo ti satie akɔɔm ni, be miɛ má am ka am yo sa bo i kɔ atin su. ²¹ Satiem bo am yo yoori bu ni, nzu kperɛ ye am nyaari i a? Pui. Kisa, bu ti am nyinɛ wɔ, na i awieeri kere la yiwee wɔ. ²² Ama, kisa na am ade am tii afite satie nu, na am ayo Nyemɛ akɔɔm ni, kperɛ bo am anya i ni, yiri la bo am ayo i mine casim ni, na i awieeri, am nyá ngɔɔ bo i la má awieeri ni. ²³ Dama satie n̄katɔ la yiwee wɔ, ama, Nyemɛ aceeri n bo wɔ fa ama ya n la ngɔɔ bo i la má awieeri na i wo ya Mibie Yesu Kristo nu n wɔ.

7

Ajaa woowa kere kabo atin fɔfɔre n ti barasu a

¹ Tɔ, m ninbaam, m sujojo amberɛ bo am si n̄oaniɛ kpamaawa ni dɔ a. Am si má ka nzen sɔnɔ toko la ngɔɔ, ye n̄oaniɛ kpamaawa n niɛ i su a? Ama, i nya wu wieeri, i koro niɛ má i su kun. ² Ya fa i ka, nzen bara aja, na i hun toko la ngɔɔ, n̄oaniɛ kpamaawa n ma má atin ka i yaki i ajaa, ama, nzen i hun n nya wuuri, i la atin bo i koro kɔ ja biɛsɔ fɔfɔre. ³ Nyini ti, nzen i hun n toko la ngɔɔ na i kɔ jaari biɛsɔ fɔfɔre, bu fére i ka bara bo wɔ saaki ajaa ciire wɔ, ama, nzen i hun n awu ye i kɔ jaari biɛsɔ fɔfɔre, n̄oaniɛ kpamaawa n ma i atin wɔ, wɔ saaki má ajaa ciire lɛɛ. ⁴ Tɔ, nyini ti, m ninbaam, i ti sɔ ɔ lɛɛ, amberɛ mmɔɔ dɔ. Kabo am ni Kristo ayo kun na wɔ wu ni, bu saɗga kuunri am ni yiri wɔ lɛɛ. Nyini ti, n̄oaniɛ kpamaawa n niɛ má am su kun, nyini ma am la atin na am kaaki be dɛɛm n a. Nyini la ka, am ti Kristo dɛɛm wɔ lɛɛ, yiri bo i tengeeri i yiwee n nu ni. Deke n bo i ti na i yo sɔ n la ka, ya koro yo sakpa ma Nyemɛ. ⁵ Saɗga bo ya yo su ya adamande woowa su ni, ya koroowa la ka, ya sufa ya n̄uniɛmbaam suyo satiɛm, n̄oaniɛ kpamaawa n dɛɛ ti. Nyini satiɛm n awieeri la yiwee wɔ. ⁶ Ama, kisa, ya nya ya tii afite n̄oaniɛ kpamaawa n bo i yo niɛ ya su ni, dama ya wu wɔ. Nyini ti, ya su Nyemɛ wɔ, ya su má atin dawa n bo i su n̄oaniɛ kpamaawa n bo ba kere ase n su, ama, ya su Nyemɛ ni atin fɔfɔre n bo Awiewie Casi n afa ama ya ni su a.

Kabo n̄oaniɛ kpamaawa n ma mine yo satie barasu ni

⁷ Tɔ, ye ya se sɛ wɔ? Ya koro se ka n̄oaniɛ kpamaawa n ti satie, nzen sɛ? Ai, má sɔ. Nzen má n̄oaniɛ kpamaawa n awo má bere, má m si má kabo satie ti. Dama nzen má n̄oaniɛ kpamaawa n ase má ka, “Má a ma u konviki wura be dɛɛ nenɗe nu,” má m si má ka nzen u konviki wuraari be dɛɛ nenɗe nu, i ti satie wɔ. ⁸ N̄oaniɛ maawa n bo i seeri sɔ n dɛɛ ti, satie anya atin m ahore su, nyini ma m la konviki barasu barasu fa kɔ minɛm nenɗe nu n a. Nyini kere ka nzen n̄oaniɛ kpamaawa n wo má bere, satie la má yiko, i ti ka deke bo wɔ wu wɔ. ⁹ Saɗga be m yo la ngɔɔ ɔ, na m si má n̄oaniɛ kpamaawa n jɔre, ama, saɗga bo n̄oaniɛ maawa n baari ni, na wɔ ye satie su m ahore su, ¹⁰ na ma wu. Na ma n̄u ka n̄oaniɛ maawa n bo má i ma ngɔɔ ni, mini dɔ, i faari yiwee baari a. ¹¹ N̄oaniɛ maawa n dɛɛ ti, ye satie anya atin awura m ahore su adadaka m, ye i kun m a. ¹² Nyini kere kere ka n̄oaniɛ kpamaawa n ni i tii, ti deke kpa fite Nyemɛ dɔ ɔ, na n̄oaniɛ maawa kun kun n kere ti deke kpa a, na i kere sa bo i kɔ atin su.

¹³ Nyini ti, n̄oaniɛ kpamaawa n bo i ti kpa ni, wɔ ma ma wu wɔ, nzen sɛ? Ai, má sɔ. Ama, satie fa nyini n̄oaniɛ kpa n su wɔ, ye i ma m wu a, adena satie kere kabo i ti barasu nahore su, na n̄oaniɛ maawa n ma minɛm si kabo satie ti deke tie agaya ni.

Woowa barasu nnyɔ bo i wo adamande nu ni

¹⁴ Ya si ka noanie kpamaawa n ti awiewie jore wo, ama, mini yiri, m bita adamande dee woowa a, na m ti satie akoo. ¹⁵ Sam bo m yo bu ni, m koro si ma deke n bo i ti na m yo bu ni, dama deke n bo m koro ka m yo bu ni, m yo ma nyini, ama, deke n bo m kpo bu ni, m yo nyini wo. ¹⁶ Nyini ti, nzen m yoori satie be, na m koro ma i, ma soro su ka noanie kpamaawa n ti kpa wo lee. ¹⁷ Ma nu ka ma m koroyanu ye m yo nyini satiem n a, ama, satie n bo i wo m ahore su ni ma m yo so a. ¹⁸ M si ka woowa n bo m bita i ni, i ti ma kpa haari kaan so, i ti adamande woowa a, nyini ti, sakpayo wo m ahore su, ama, m koro yo ma i. ¹⁹ M koro ka m yo sakpa, ama, m koro yo ma i, satie n bo m koro ma ka m yo i ni, m yo nyini wo. ²⁰ Satie n bo m yo bu na m koro ma ka m yo bu ni, nyini la ka, ma mini ni m tii yo bu a, ama, satie n bo i wo m ahore su ni yo bu a.

²¹ Ma nu ka nyini jore n ti nahore wo, ka, sangha kere bo m koro ka m yo sakpa, nyini sangha ye m yo satie a. ²² Dama m sunsunni ni m ahore su, m koro Nyeme noanie kpamaawa ni. ²³ Ama, ma nu ka noanie barasu be wo m nyuniembaa n kere nu, nyini noanie tie n kun lue ni noanie kpamaawa n bo i wo m sunsunni ni m ahore su n wo, na i kunma m nyuniembaa n kere nu, na i tara m nyi m. ²⁴ Oi. Mini anjufofo so. Nma de m tii ji a, na i yi m fite ahin adamande anjuniembaa n nu a, bo i sucin m ko yiwee n nu, na m ka ngbeen n a? ²⁵ M da Nyeme asi, dama wo de m tii aji, ya Mibie Yesu Kristo dee ti.

To, mini do, m sunsunni ni m ahore su, m su Nyeme noanie kpamaawa n su wo, ama, m adamande dee woowa su, m su satie atin su wo.

8

Minem bo bu woowa ti kabo Awiewie Casi n koro ni

¹ Nyini ti, kisa, sono kere bo i ni Yesu Kristo ayo kun, Nyeme di ma i jore cin ma i sui. ² Dama Awiewie Casi n dee noanie kpamaawa n bo i ma ya ngoo, na i fite Yesu Kristo do ni, ade u tii aji, na wo yi u afite noanie kpamaawa n bo i ma a yo satie na a wu n nu ni. ³ Nyini noanie kpamaawa n la ma fanga, dama adamande anjuniembaa woowa n ayorki. Deke bo noanie kpamaawa n akoro ayo ma i ni, Nyeme ayo i, yiri la bo i sunmaari i tienngu Wa durunya n nu fen, ni anjuniembaa bo i ferema ni adamande dee n bo i yo satie ni, na wo di satie bo i wo adamande nyunie n nu n jore, na wo yo i ngbeen. ⁴ Deke bo i ti na Nyeme yoori so n la ka, adena ya yo sa bo i ko atin su kabo noanie kpamaawa n kereeri ni, dama yere, ya su ma adamande anjuniembaa woowa n atin su kun, ama, ya su awiewie n dee atin ni su a. ⁵ Minem kere bo bu su adamande anjuniembaa woowa n atin su ni, bu sunsunni kere wo adamande sa koroowa su wo, ama, minem bo bu su Awiewie Casi n dee atin n su ni, bu sunsunni kere wo Awiewie Casi n jore su wo. ⁶ Bo i sunsunni wo adamande anjuniembaa woowa n su, i mi wu o, ama, bo i sunsunni wo Awiewie Casi n jore su, i mi nya ngoo, na i nya ahoreda. ⁷ Dama sono kere bo i sunsunni kere wo adamande anjuniembaa woowa n su ni, i mi ti Nyeme kpof o, i de ma Nyeme noanie kpamaawa ni, i koro de ma i wo mmoo fieo, ⁸ na bo i su adamande dee anjuniembaa woowa n su ni, i koro yo ma sa bo i sun Nyeme nu.

⁹ Ama, ambere yiri, am su ma adamande anjuniembaa woowa n atin n su, am su Awiewie Casi n dee atin ni su a, dama Awiewie Casi n wo am nu n wo. Ama, sono kere bo i la ma Kristo Awiewie ni, i mi ti ma Kristo dee. ¹⁰ Ama, ambere bo Kristo wo am do ni, am nyuniembaa n ba wu wo, satie dee ti, ama, Awiewie Casi ni ama am ngoo, dama Nyeme do, i de am ka am yo sa bo i ko atin su wo. ¹¹ Nahore su, Nyeme tengeeri Yesu i yiwee n nu, nyini ti, nzen i Awiewie Casi n wo am nu, haari am nyuniembaa wuuri mmoo, i tenge i kabo i tengeeri Yesu i yiwee n nu n wo, dama i Awiewie n wo am nu n dee ti.

¹² Nyini dɛɛ ti, m ninbaam, ya di kaari, má yere adamande anuniembaa woowa n su dɛɛ kaari, bo má ya fa su yere adamande anuniembaa woowa n atin su ni. ¹³ Dama nzen am su adamande dɛɛ anuniembaa woowa n atin su, am wú wɔ lɛɛ, ama, nzen am ma Awiewie Casi n bukaari am, na am yakiiri adamande anuniembaa woowa ni, am nyá ngɔɔ. ¹⁴ Minem kere bo bu ma Nyeme Awiewie n kere bu atin, bere ti Nyeme nbaam a. ¹⁵ Dama Awiewie Casi n bo am ade i ni, i yaki má am na am kaaki yo akɔɔm kun na am soro sere, ama, yiri ma am yo Nyeme nbaam a, na yiri ma am koro bo fere Nyeme ka, “Abba,” i bu la ka, “M Si.” ¹⁶ Awiewie Casi n ni i tii buka ya dɛɛ awiewie n ye i di daani ya ahore su se ka ya ti Nyeme nbaam a. ¹⁷ Kobo ya ti Nyeme nbaam ni, ya nyá deke n bo Nyeme ase ka i fá ma i minem ni, na ya ni Yesu Kristo gusu sánnga nya deke n bo Nyeme ase ka i fá ma i minem n a. Nzen ya ni yiri sanja diiri wahara, ya ni yiri gusu sánnga nya i jirima woowa ni.

Kobo ya woowa bá ti kobo Nyeme dɛɛ n ti ni

¹⁸ M sunsun ka wahara n bo ya sudi i kisa ni, i ti má pui, ya koro fa má i sunsun má jirima woowa n bo Nyeme bá yi i kere ya ni. ¹⁹ Deke n kere bo Nyeme ayi bu n nminda ni anyumboro wɔ, na bu bá ŋu kobo Nyeme yí i nbaam fite fofoe n nu. ²⁰ Dama deke n kere bo Nyeme ayi bu n wo bere wɔ, bu la má kperɛ, má ka bere koro sɔ a, ama, Nyeme ma bu la má kperɛ a. Deke bo i ti na i yo sɔ n la ka, i la tama ²¹ ka deke n kere bo wɔ yi bu ni, bu nyá bu tii, na má bu yo akɔɔm kun, na bu wu na bu kporɔ, ama, na bu nyá tiide ni jirima woowa kobo Nyeme nbaam kere nya i barasu ni. ²² Ya si ka deke n kere bo Nyeme ayi bu ni, wo waraki ni yaari nu wɔ, haari ni kisa, kobo bara ba suwu baa na i di yaari ni. ²³ Má deke n bo Nyeme ayi bu ni ngumi wo waraki su a, ama, yere mmɔɔ bo ya de i Awiewie bo i ti ciciri su aceeri ni, ya wo waraki su sunminda ni anyumboro wɔ, ka Nyeme bá fa ya yo i nbaam, na i de ya ŋunie ni. ²⁴ Tiide n bo ya nya i ni, nyini ma ya la tama n a. Nzen a la deke, a se má ka a la tama ka a nya i. Deke bo sɔnɔ la i, i se má ka i la i tama. ²⁵ Ama, nzen ya la tama ka ya nyá deke be na ya nya nya má i, ya mindi nminda ni anyumboro wɔ, na ya bá nya i.

²⁶ I ti sɔ lɛɛ, sanja kere bo ya yɔrɔki na ya si má kobo ya yo ni, Awiewie Casi n ba buka ya, beni, ya si má kobo ya sere Nyeme barasu, ama, Awiewie Casi n ni i tii waraki sɔ sere Nyeme ma ya, ni waraki bo adamande koro jɔjɔ má i. ²⁷ Nyeme fiti adamande ahorembaa su na i si kobo i ti barasu a, yiri si deke bo i wo i Awiewie Casi n sunsunni nu a, dama Awiewie Casi n su kobo Nyeme koro ni su a, na i sere Nyeme ma i minem. ²⁸ Ya si ka Nyeme wo minem bo bu koro i n dɔ, na i buka bu, adena i yo deke kere dɔnggu ma bu, bere la minem bo i du mɔ sɛsɛeri su ka i fere bu ni, na wɔ fere bu. ²⁹ Nyeme du mɔ siiri nyini minem wɔ, na wɔ cici ka bu bá yo kobo i Wa n ti ni, nyini ma i Wa n yoori baakpien, i nbaam kere nu n a. ³⁰ Nyeme du mɔ ciciri nyini n kere wɔ ka, na wɔ nya fere bu, na bere n bo wɔ fere bu n ye wɔ de bu ka bu yo sa bo i kɔ atin su i dɔ n a, na bere n bo wɔ de bu ka bu yo sa bo i kɔ atin su i dɔ ni, ye wɔ ma bu i jirima woowa n be n a.

Kobo Nyeme akere i koro barasu ni

³¹ Tɔ, kisa, ye ya se sɛ wɔ bekun a, fa kɔ ahin sam kere su a? Nzen Nyeme wo ya dɔ, ŋma koro yo ya sa be a? ³² Nyeme akete má ka i fa má i tienngu Wa ni mmɔɔ ma má ya, ama, i faari i maari ya kere wɔ. Nyini ti, i yo sɛ kete ka i má má ya deke n kere bo i ti kpa n a? ³³ Ŋma koro fa jɔrɛ fa sɔ Nyeme minem bo wɔ yi bu n a? Be wo má bere, dama Nyeme ni i tii ade bu ka bu yo sa bo i kɔ atin su i dɔ a. ³⁴ Nyini ti, ŋma koro di ya jɔrɛ cin ya sui a? Be wo má bere. Dama Kristo ni i tii wuuri wɔ, nahɔrɛ na wɔ tenge i yiwee n nu, i tana Nyeme saa fɔmbɔrɔ su, susere i ma ya. ³⁵ Koro n bo Kristo koro ya ni, nzu deke koro kpaaki ya ni yiri a? Ai. Deke be koro kpaaki má

ya ni yiri n nu. Kekereke o, wahara o, wuwuruwa o, ahɔe o, yaari o, anyumboro o, yiwee o. Deke be wo má bere bo i koro kpaaki ya ni yiri nu. ³⁶ Dama ba kere i Nyeme Jore Kadasi n nu ka,

“Woro dɛɛ ti, ale kere bo i cin, bu kun ya so o,
ya ti ka nbɔem wo, ye bu kpɛ ya kom a.”

³⁷ Haari ni nyini n kere mmɔɔ ni, ya di nasara a, na ya toko di nasara buka su, Kristo bo i koro ya n dɛɛ ti. ³⁸⁻³⁹ M si tenle su ka, deke be wo má bere bo i koro kpaaki ya ni koro n bo Nyeme koro ya, ya Mibiɛ Yesu Kristo dɛɛ ti ni, yiwee wara ngɔɔ o, merɛkem wara Sitana yikofom o, deke n bo bu wo bere o, wara deke n bo bu bá yo o, yiko bo i wo angoro wara asien bu o. Deke n bo Nyeme ayi bu ni, bu be wo má bere bo i koro kpaaki koro n bo i wo ya ni Kristo afien ni.

9

Minem bo Nyeme afere ayi bu n jore

¹ To, deke bo m sukan kere am ni, i ti nahore wo, m bu má kore, m ti Kristo dɛɛ wo, Awiewie Casi n gusu kere m sunsunni nu a, ye i di daani m ahore su a. ² Yiri la ka, m ahore asaaki agaya, na sanɔa kere i suyo m yaa ³ fa ko m ninbaa Yisarelifom dɛɛ busu. Nzen má mini ni m tii kaari ngbɛɛn, na m kpaaki yakiiri Kristo, adena i buka m ninbaam, m dɛɛ tienɔu minem ni, má m koro. ⁴ Bere la Yisarelifom bo Nyeme maari bu atin ka bu yo i nbaam, na bu nuuri i jirima woowa ni, na i faari sesesum diiri i di ni bere ni, na i faari noaniɛ kpamaawa n maari bu ni, na i kereeri bu kabo bu su i barasu ni, na i seeri ka i yó sakpa beberebe ma bu ni. ⁵ Bu ti ya nam busu nufom wo, haari Kristo Tiidefo n bo Nyeme sunmaari i na i kaaki adamande baari durunya n nu ni, bu wuuri i fite bu dɛɛ busu n nu wo. Kristo Tiidefo ni la yiko tara deke n kere, yiri ti Nyeme a, yiri ti ye ni kansi sanɔa kere a. Ami.

⁶ I ti má ka Nyeme noaniɛ n ti má nahore wo, dama má bu kere bo bu wuuri bu Yisarelifom busu nu ni n ti Yisarelifom nahore su a. ⁷ Nahore, má nbaam kere bo Abraham wuuri bu ni ti i nbaam nahore su a, ama, Nyeme yo seeri Abraham ka, “U wa Izaki sinfom ngumi yó u busu nufom a.” ⁸ Nyini la ka, má nbaam kere bo Abraham wuuri bu kabo adamande wu nbaam ni ti Nyeme nbaam nahore su a, ama, i nbaam bo Nyeme seeri ka i wú bu ni ngumi, ti i busu nufom nahore su a. ⁹ Dama kabo Nyeme yo seeri i n yaa, i na, “Ti fen, ngɔɔ cɛɛn ka buuso, m káaki ba na m bá nu ka u yi Saara bita baabieso.” ¹⁰ Má nyini ngumi a, am tenge su ka ya na Izaki yo maari i yi Rebeka akunnu, ye i wuuri ndaam n a. ¹¹⁻¹² Sanɔa bo Rebeka nya wu má i ndaam ni, na bu nya yo má sakpa wara satie be ni, nyini sanɔa n ye Nyeme seeri i ka, “Baakpien ni bá su baakan n a.” Nyeme dɛɛ koroyanu ye i yoori so n a, yiri koro i sonɔ ye i yiiri i a, má ka bu be sayoowa dɛɛ ti a. ¹³ Kabo ba kere i Nyeme Jore Kadasi n nu ni, ka, Nyeme na,
“Jakobu, ye m koro i a,

ama, Isawu yiri, m kpo i wo.”

¹⁴ Ye ya se se wo? Ya koro se ka Nyeme ayo má sa bo i ko atin su, nzen se? Ai, ya koro se má so fieo. ¹⁵ Dama Nyeme yo seeri Moyisi ka,
“Sonɔ kere bo m koro ka m buka i, m búka i wo,
na sonɔ kere bo m koro ka m si i anunfo, m sí i anunfo o.”

¹⁶ Nyini ti, má adamande koroyanu, wara deke bo i boro i nyi yo i ni ti jore a, ama, kabo Nyeme si anunfo ni, nyini ti jore a. ¹⁷ Dama ba kere i Nyeme Jore Kadasi n nu ka, Nyeme yo seeri Ijipiti Feme Faaro ka, “Deke n bo i ti na m yiiri u tanaari femeya bie n su n la ka, m kere m yiko u ngɔɔ su, na m duma tá bara ye durunya n kere nu.”

¹⁸ Nyini kere kere ka, sonɔ kere bo Nyeme koro ka i si i anunfo, ye i si i mi anunfo a, na minem bo i koro ka i yo bu ahorembaa kekereke ni, na i yo bu.

Nyeme yaafa ni i anunfo si n jore

¹⁹ Nyini ti, beni, be koro bisa m ka, “Nzen i ti so, nzu ti ye Nyeme di minem bo ba kete i n jore na i jaraki bu a? Nma koro kete na i kanda sa bo Nyeme koro i n a?”

²⁰ M na, woro la nma na a se Nyeme akuruwa a? Dundu koro bisa ma yakati tafon ka, “Nzu ti ye a taari m so a?” ²¹ Yakati tafon la atin bo i fa i yakati n ta dundu bo i sufa yo juma ceen n kere ceen, na i kaaki la atin bo i fa be ta dundu bo i fa yo juma ceen kpiri ceen. ²² Nyini ti, Nyeme la atin bo i koro fa yaa, na minem nu kabo i yiko ti barasu. I gusu koro mindi agaya fa ko minem bo bu ma yaa ati i ni, bere bo ma wo yo daka ka bu ka ngbeen ni. ²³ Na i gusu la atin bo i fa i jirima woowa bo i la ma anusu n fa kere minem bo wo si bu anunfo ni, na wo du mo asese su ka bu ba nya i jirima woowa n be ni. ²⁴ Yere la nyini minem bo i si ya anunfo, na ya nya i jirima woowa n be ni, ma ka yere Yudafo ngumi, ye wo fere ya nbem a, ama, wo fere bo bu ti ma Yudafo ni mmoo nbem abuka su. ²⁵ I ti kabo Nyeme noanie kanfo Hoseya akere i dee kadasi n nu n wo ka, Nyeme na,

“Minem bo bu yo ti ma m minem ni, m fere bu ka m minem.

Na yiri n bo ma koro ma i ni, m fere i ka m sono koroowa.

²⁶ Dika n bo i nu na m fereeri bu ka, ‘Am ti ma m minem ni,’

do ye bu fere bu ka Nyeme bo i wo bere sangha kere n dee nbaam n a.”

²⁷ To, na Nyeme noanie kanfo Esaya abo awie fa ko Yisarelifom jore su, i na, “Haari ni bo Yisarelifom sunnu beberebe ka nmie ni, bu nu mine kaan so nya tiide a. ²⁸ Dama sa n bo Micera ni yo i durunya n nu ni, i yo i wie ndende.” ²⁹ I ti kabo Esaya du mo seeri n wo, i na,

“Nzen ma Micera Yikofon ayaki ma ya busu nufom nbem,

ma i yo ya kabo i yoori Sodomfom ni Gomorafom wo,

mie tiem bo Nyeme saaki bu ni.”

Yisarelifom ni labari kpa n jore

³⁰ To, ye ya se se wo? Minem bo bu ti ma Yudafo ni, akpini ma atin kabo bu yo sa bo i ko atin su Nyeme do, ama, kisa, Nyeme ade bu ka bu yo sa bo i ko atin su i do, bu yarada n dee ti. ³¹ Ama, na Yisarelifom bere, akpini atin kabo bu su noanie kpamaawa n su, adena Nyeme de bu ka bu yo sa bo i ko atin su. Ama, haari ni nyini mmoo, ba koro asu ma i su nyunyumi, na bu yo sa bo i ko atin su Nyeme do. ³² Nzu ma i yoori so n a? Dama ba kpini ma atin kabo bu yo yarada na Nyeme de bu ka bu yo sa bo i ko atin su i do, ama, bu kpiniiri atin ka bu sayoowa ma Nyeme de bu ka bu yo sa bo i ko atin su i do a. Na ba bo bu jaa yabue n su na ba kpaasi. ³³ Kabo ba du mo akere i ase ni, Nyeme na,

“Am ti fen, m sufa yabue be se Siyon mie kpiri n nu lee,

nyini yabue ni, minem bo bu jaa su na bu kpaasi.

Ama, sono kere bo i yoori i yarada, i mi di ma nyinse.”

10

¹ M ninbaam, deke bo m koro i m ahore su la ka, m minem Yisarelifom nya tiide, m nyemesere lee sangha kere. ² M si tenle su ka bu nyunu aboro ka bu su Nyeme atin n su nahore su, ama, bu si ma kabo bu yo na bu su i su. ³ Dama bu si ma atin bo Nyeme de minem ka ba yo sa bo i ko atin su i do ni, ama, bu kpini bu tiengu atin wo, na bu su i su. Nyini ti, na ba kete Nyeme atin ni, ba de ma kabo Nyeme na bu yo sa bo i ko atin su i do ni. ⁴ I ti nahore wo, ka Kristo juma n bo i yoori i ni, yiri kuunri noanie kpamaawa n kere noo a, adena sono kere bo i yoori i yarada, Nyeme de i mi ka i yo sa bo i ko atin su i do.

Sono kere koro nya tiide

⁵ Moyisi yo kere fa koori kabo mine koro su noanie kpamaawa n su, na bu yo sa bo i ko atin su Nyeme do, i na, "Sono kere bo i su noanie kpamaawa n kere su, i mi nya ngoo." ⁶ Ama, fa ko kabo yarada dee ti, na sono yo sa bo i ko atin su Nyeme do ni, i na, "Ma a sunsun u ahore su ka, nma fun ko angoro a?" Nyini la ka, i ko fa Kristo jura ba lee. ⁷ Wara "Nma jura kunma ngongo n bo i la ma awieeri nu a?" Nyini la ka, i ko fa Kristo fun fite bo ba wum n nu ba lee. ⁸ Deke bo i suse n la ka, "Nyeme noanie n waari ma ni woro.

I wo u noo nu, ni u ahorembaa mmoo su."

Yiri la labari n bo ya kaanri i n fa ko yaradayo su ni. ⁹ Nzen a teke u noo jooori minem nyunu ka, Yesu ti u Mibie nahore su, na a yoori yarada u ahore su ka Nyeme tengeeri i yiwee n nu, a nya tiide. ¹⁰ Dama sono kere bo i yoori yarada i ahore su, ye Nyeme de i ka i yo sa bo i ko atin su i do a. Na sono kere bo i teke i noo jooori minem nyunu ka wo yo yarada, nyini ma i nya tiide a. ¹¹ Dama ba kere i Nyeme Jore Kadasi n nu ka, "Sono kere bo i yoori i yarada, i mi di ma nyinse." ¹² Nyini ti, bo bu ti Yudafo, ni bo bu ti ma Yudafo, bu la ma kpakpaakinu, Micera kun ni ti bu kere Mibie a. Yiri ma minem kere bo bu bo fere i duma deke kpa bo i la ma anusu n a. ¹³ Dama ba kere i Nyeme Jore Kadasi n nu ka, "Sono kere bo i bo fereeri Mibie n duma, i mi nya tiide."

¹⁴ To, bu yo se koro bo fere i duma, ma ka ba du mo ayo i yarada? Ye bu yo se koro yo i yarada, ma ka ba du mo ati i jore? Ye bu yo se koro ti i jore a, ma ka be adu mo akan i labari kpa n akere bu? ¹⁵ Ye bu yo se koro kan i labari kpa n kere minem a, ma ka be asunma bu minem do? Kabo ba kere i Nyeme Jore Kadasi n nu, ka, "Bo bu suba kan Nyeme labari kpa n ma ya ni, bu natiiri yo fie." ¹⁶ Ama, ma sono kere soroori su deer i labari kpa n a, kabo Nyeme noanie kanfo Esaya yo seeri ni, ka, "Ya Mibie, nma ayo ya labari n yarada? Ai, be ade ma i." ¹⁷ Nyini ti, kana sono ba yo Yesu Kristo yarada, ma ka wo ti i labari kpa n ka, kana sono gusu ba ti labari kpa ni, ma ka be akan Kristo noanie ni akere i.

¹⁸ Ama, mine bo ba de ma labari kpa ni, ba ti ma jore n wo, nzen se a? Nahore, ba ti i. Dama ba kere i Nyeme Jore Kadasi n nu ka, "Ba bo ndoori abara aye durunya n kere nu, na bu noanie aju asien n kere su."

¹⁹ M koro ka m bisa bekun ka, Yisarelifom ni, ba si ma? Ba si. Moyisi du mo seeri ka, Nyeme na,

"M ma am si kore fa ko minem bo bu ti ma daanfie n nahore su ni, m ma am fa yaa fa ko minem bo bu la ma ngonle n nu."

²⁰ Na Esaya ayo ahoresi, na wo se bu ka, Nyeme na,

"Haari minem bo bu yo nienie ma m busu ni, m ma ba nu m.

Na minem bo bu yo bisa ma m busu ni, ma bo bu nu afa m nu akere bu."

²¹ Na Esaya akaaki ase fa ko Yisarelifom su ka, Nyeme na, "Ale kere bo i cin, m tenge m saa fere nyini minem n wo, ama, bu ti atii kekereke ni ketemafom wo."

11

Kabo Nyeme ma Yisarelifom nbem diiri i ahorama ni

¹ M koro ka m bisa ka, Nyeme akete i minem wo, nzen se a? Ai, wo kete ma bu e. Am ti fen. Mini Poo lu ni m tii, m ti Yisarelifom. M ti Abraham busu nufu o, m fite Benjamin dee lee ano n nu wo. ² Nyeme akete ma i minem bo i du mo yiiri bu ni. Am nya kan ma Nyeme Jore Kadasi n nu fa ko i noanie kanfo Eliya n su, kabo i jarakiiri Yisarelifom Nyeme do n wo, nzen se? ³ Bo i na, "Micera, ba kun u noanie kanfom kere, ba kaaki afufu u yoowa yoobirim n kere, wo ko aka mini ngumi kpein wo, ye bu koro ka bu kun m gusu n a." ⁴ Ama, Nyeme yo seeri i se wo? I na, "Ma yaki

Yisarelifom mine akpii nso afa ase Yisareli asien n su. Bere ye bu nya kutu ma amoe Baali n na bu su i a.” ⁵ Nyini dee ti, kisa gusu, i ti so o lee. Nyeme ayi Yisarelifom nu mine kaan so o, ye wo fere bu a, fa ko i ahoroma n dee ti. ⁶ I ahoroma n dee ti, ye wo yi bu a, ma ka bu sayoowa dee ti a. Nzen ma i ti ka bu sayoowa n dee ti, ma ahoroma n ti ma aceeri kun.

⁷ Nzu bekun a? Yisarelifom n anya ma deke n bo bu kpiiri i busu ni, ama, minem n bo Nyeme yiiri bu ni, bere nyaari i a, na bo bu kaari n kere ahorembaa ayo kekereke.

⁸ I ti kabo ba kere i Nyeme Jore Kadasi n nu n wo, ka,

“Nyeme ama bu ahorembaa nonoeri,
na i ma bu nyumbaa nu ma asi,
na i ma bu sui ti ma asui,
haari ni nyuma.”

⁹ Na Feme Davidi ase ka,

“Ma bu eenkpiri diire diibiri n kaaki toroku ni diendie tara bu.

Ma bu kpaasi, na bu nya bu satie njato.

¹⁰ Ma bu nyunu si biri na bu koro nu ma asi,

ma bu wi biri sanja kere sanja ka ba so soeri nonoeri wo.”

Kabo bo bu ti ma Yudafom n anya tiide ni

¹¹ M koro ka m bisa ka, bo bu boori bu jaa kpaasi ni, bu yasu ma kun wo? Ai, ma so. Ama, nahore, bu kpaasi so n dee ti, ye minem bo bu ti ma Yudafom nyaari tiide a, adena Yudafom nu i na bu si bu kore. ¹² Nyini ti, ba kpaasi n dee ti, ye durunya n nufom anya deke kpa beberebe a, ba fun deke n bo ma bu nya i n dee ti, ye bo bu ti ma Yudafom n anya deke kpa beberebe n a. To, nzen i ti so, na Yudafom bo bu ba yo yarada n buka su, i yo deke kpa tara so.

¹³ Kisa m sujoo ambere bo am ti ma Yudafom ni gusu do a. Juma n bo Nyeme afa ama m ni, i sunmaari m ka m yo i jaramasa ambere bo am ti ma Yudafom do o, nyini ti ye m fa m juma n fa fo a, ¹⁴ na i ma m tienngu minem si kore, adena bu nbem nya tiide. ¹⁵ Dama sanja bo Nyeme keteeri bu ni, ye i ni durunya n nufom kere ayo kun a, ama, nzen i kaaki deeru bu bekun, i ti se wo? I yo ka ba nya ngoo afite yiwee nu wo lee. ¹⁶ Nzen be faari i alembaa fofore be fa yoori yoowa na i fa maari Nyeme, nyini la ka, i alembaa n kere ti Nyeme dee wo lee. Ye nzen baka bunlui n ti Nyeme dee, nyini la ka, i asambaa n kere gusu ti Nyeme dee wo lee.

¹⁷ Nahore, Yisarelifom ti ka baka n bo i su suuwa kpa n wo, ye ba kpie i asambaa ni nbem atu, na ambere ti ka boro baka bo i suuwa la ma fanga, ye ba kpie am asa baka n bo i su suuwa kpa n dee asambaa n su a, nyini ti, am ni baka n bo i su suuwa kpa n asambaa n kere sanja nya ngoo fite i bunlui n do o. ¹⁸ Nzen i nya ti so, ma am fa fo ka am ti kpa tara baka n bo i su suuwa kpa n ni i tii, dama ma asambaa ni ma bunlui ni ngoo a, ama, bunlui ni ma asambaa ni ngoo a.

¹⁹ Beni, a se ka, “Ba kpie baka n bo i su suuwa n dee asambaa n be, adena mini nya sasuubiri a.” ²⁰ To, i ti nahore wo, Yudafom ayo ma yarada n dee ti, ye Nyeme kpieeri bu yiiri n a, ye u yarada n dee ti, ye a jina jinaabiri n bo a jina n a. Nyini ti, ma a yo kpirikoro, ama, si u nu sa. ²¹ Dama nzen Nyeme ayaki ma baka kpa n ni i tii dee asambaa ni, beni, i ba yaki ma woro boro baka ni mmoo dee asambaa ni. ²² M na a nu kabo Nyeme yo sakpa barasu ni, ni kabo i di mine jore na i cin bu sui ni anyumboro barasu ni. Minem bo bu yo ma i yarada n ye i di bu jore cin bu sui ni anyumboro n a, ama, woro yiri, i yo sakpa ma u wo, nyini ti, susu i sakpa n bo i yo ma u n su, ma nyini, i kpie woro mmoo ji wo lee. ²³ Nzen Yudafom kaakiiri bu wo, na bu ba yoori Nyeme yarada, i koro fa bu sa bu woobiri dawa n su, dama i la yiko bo i koro yo so. ²⁴ Ti fen. Woro mmoo ni u tii ti ka boro baka asambaa n bo ba kpie i afa asa baka n bo i su suuwa kpa n su wo. Nyini ti, a si ka Nyeme do, i ti ma kekereke na

i káaki ba fa baka n bo i su suuwa kpa n asambaam n ba sa bu woobiri dawa n su bekun.

Kabo Nyeme si sonɔ kere aɲunfo n jɔre

²⁵ M ninbaam, asiri nu jɔre be yaa, ye m koro ka am si i a, adena má am yo am ɲu kpiri ka am la si. Yiri la ka, kabo Yisarelifom nbem ayo bu ahorembaa kekereke ni, bu bíta i sɔ haari fa kɔ ju sanɟa bo minem bo bu ti má Yudafom kere bá ba Nyeme dɔ. ²⁶ Tɔ, i yó sɔ ɔ, na Yisarelifom kere bá nya tiide, kabo ba kere i Nyeme Jɔre Kadasi n nu ni, ka,

“Tiidefo ni fite Siyon mie kpiri n nu ba,
na i bá yi deke n kere bo i kɔ má atin su fa tu,
na i yó Jakɔbu busu nufom casi.

²⁷ Kabo m fá sesesu di i di ni bere lee,
sanɟa bo m ba yiiri satie n bo i wo bu ɲu ni.”

²⁸ Kabo Yudafom n akete labari kpa n ni, nyini ma ba kaaki Nyeme kɔfofom kisa n a, amberɛ bo am ti má Yudafom n dɛɛ ti. Ama, fa kɔ kabo Nyeme fereeri bu nam na i yiiri bu ni, bu ti i mine koroowam wɔ. ²⁹ Dama nzen Nyeme faari i aceeri fa ceeri mine nbem, wara nzen wɔ fere sonɔ, i kaaki má i sunsunni. ³⁰ Amberɛ, am yo keteeri Nyeme noanie n wɔ, ama, kisa, wɔ si am aɲunfo, bere bo ba kete i noanie n dɛɛ ti. ³¹ Tɔ, kisa, i ti sɔ ɔ, bere akete Nyeme noanie ni, dama Nyeme asi am aɲunfo, adena i awieeri su, na i bá si bere gusu aɲunfo. ³² Dama Nyeme abo sonɔ kere kun ka bu kere kete i wɔ, adena i awieeri su na i bá si bu kere aɲunfo.

Nyeme kansu jɔre

³³ Nahɔre, Nyeme alecira ni i si bo i la i n wo ngo. Kabo i di i jɔre ni, be koro fiiti má nu na i ti i bu, i atin n gusu kere, sonɔ koro si má i bu. ³⁴ Ba kere i Nyeme Jɔre Kadasi n nu ka,

“Nma nya si deke bo i wo Micera n sunsunni nu a?
Wara nma nya koro tu i fo a?”

³⁵ “Nma nya ce Nyeme deke be a,
adena Nyeme kaaki tɔ i mi kaari a?”

³⁶ Dama deke kere fite yiri dɔ a, deke kere ti i dɛɛ wɔ, na deke kere bá yo i dɛɛ wɔ. Yiri ti ye ni ka ya kansu i sanɟa kere sanɟa. Ami.

12

Minem bo bu yo Nyeme sa koroowa n woowa jɔre

¹ Nyini ti, m ninbaam, m sere am wɔ, am nie kabo Nyeme asi am aɲunfo ayo am sakpa ni, na am fa am ɲu ma i, kabo má am yo yoowa fa ma i ni, ama, am toko la ngo, na am kaaki Nyeme minem na am su i ni anyumbo. Nyini ti nyemesu bo i sun i nu a, dama wɔ yo sakpa ama am. ² Má am ma am woowa ti kabo durunya n nufom woowa ti barasu ni, ama, am kaaki am sunsunni fofoɛ, na am kaaki am wo, nyini ma am koro si Nyeme koroyanu sa a, bo i ti kpa, na i sun i nu, na i ti kabo i koro ka i ti ni.

³ Tɔ, Nyeme aceeri n bo wɔ fa ama m dɛɛ ti, m sutu am kere fo ɔ ka, má be wura i ɲu kpiri tara kabo i ti ni, ama, sonɔ kere sunsun na i nie i ɲu kabo i ti nahɔre su barasu, na i si kabo Nyeme ama i mi yarada barasu ni. ⁴ Adamande aɲuniembaa n ti momo kun wɔ, ama, i la bue bue, i kere ni i juma bo i yo i. ⁵ Ya gusu dɔ i ti sɔ ɔ lee, ya sunnu, ama, ya ni Kristo ayo kun n dɛɛ ti, ya ti aɲuniembaa momo kun wɔ, na ya kere ti aɲuniembaa n bue be bo ya buka ya beɲgu wɔ. ⁶ Nyini ti, aceeri barasu barasum bo Nyeme ahɔroma n dɛɛ ti na wɔ fa ama ya ni, am ma ya fa yo i juma ni. Nzen aceeri n bo Nyeme afa ama be n la ka i sukan Nyeme noanie ni, i ti ye ni ka i

mi sufa yo juma, kabo i yarada n ti barasu ni. ⁷ Nzen Nyeme ama be aceeri ka i su amusui, i ti ye ni ka i mi sufa su. Nzen wo ma be aceeri ka i fa kere minem, i ti ye ni ka i mi sufa kere bu. ⁸ Nzen wo ma be aceeri ka i sutu minem fo na i wura bu kpekperere kekereke, i ti ye ni ka i mi sutu fo yo so. Nzen wo ma be aceeri ka i suyo sakpa na i ce minem aceeri, i ti ye ni ka i mi yo i ni ahorembaa kun. Nzen wo ma be aceeri ka i yo minem mofa, i ti ye ni ka i yo so ni anyumboro. Ye nzen wo ma be aceeri ka i suyo sakpa ma minem bo bu wo ahoresaaki nu ni, i ti ye ni ka i yo so ni ahorejo.

⁹ Am koro minem ni akunnu fofoe, am kpo satie, na am su deke bo i ti kpa su. ¹⁰ Am koro am bengum Kristofom ka am ti nibaam wo, na am bu am bengum ka bu tara am. ¹¹ Am su Mibie n ni anyumboro, ma am yo nviya, am ma am ahorembaa bi ni nyemesu. ¹² Am la ahoresi n dee ti, am ma am ahore jo. Saŋga kere bo am sudi wahara, am mindi, na am sere Nyeme saŋga kere ni anyumboro. ¹³ Am kpaaki am nengem nu ma Nyeme minem bo bu la ma be ni, na am boro am nyi sude minem wofa.

¹⁴ Am sere deke kpa Nyeme do ma minem bo bu kere am wuwuruwa ni, am sere deke kpa ma bu, ma am sere deke tie ma bu. ¹⁵ Nzen minem wo ahorejo nu, am ma am ni bere kere ahore ti jowa. Nzen minem wo ahoresaaki nu, am ma am ni bere kere wo ahoresaaki nu. ¹⁶ Am ma am ni am bengum saŋga wo ni sawore, ma am koro kpiri, ama, am fa am nu mata tarakam. Ma am se ka ambere ngumi la ngone a.

¹⁷ Nzen sono yo am satie, ma am woro tie to i kaari. Ama, am boro am nyi na am suyo sa bo i ti kpa, na sono kere nu i, na bu se ka i ti kpa. ¹⁸ Nzen am koro yo i, am boro am nyi na am ni sono kere tana ni laifie. ¹⁹ M danfo kpa, nzen be ayo am satie, ma am woro tie to i kaari, ama, am yaki i, na Nyeme cin i mi sui, dama ba kere i Nyeme Jore Kadasi n nu ka, Micera n na, "Mini cin bu sui a, mini to bu kaari a." ²⁰ Ama, am yo kabo ba kere i Nyeme Jore Kadasi n nu ni, ka, "Nzen ahoe ati u kpofa na a la diire, ma i na i di. Nzen nzuehoe ati i, ma i nzue na i nu. Nzen a yoori so, i ti ka a toro sinmone ago i mi tii su wo lee." ²¹ Ma a ma satie yoowa kunma u, ama, ma u kpayo n kunma satie ni.

13

Kabo i ti ye ni ka ya de tereterefom noanie barasu ni

¹ I ti ye ni ka sono kere de tereterefom noanie, bere bo bu la yiko na bu nie am su ni, dama yiko be wo ma bere bo i fite ma Nyeme do. Bo bu la yiko kisa n kere, Nyeme akpama bu a. ² Nyini ti, sono kere bo i keteeri tereterefom noanie ni, i mi sukete deke bo Nyeme akpama i n wo lee. Sono kere bo i yoori so, i sukpini suicin ma i nu wo lee. ³ Dama sono kere bo i yo sakpa soro ma tereterefom ni sere, ama, sono kere bo i yoori satie ni, yiri soro tereterefom n a. Nyini ti, nzen a koro ma ka a soro tereterefom ni, yo sakpa, na bu kansu u. ⁴ Nyeme ma tereterefom wo bere yo bu juma a, na bu buka u na a yo sakpa. Ama, nzen a yoori satie, ma sere ti u, dama Nyeme ama bu yiko ka bu yo bu juma ma yiri Nyeme a, na bu cin minem bo bu yo satie n sui. Bu cin ma minem sui ngbennngben. ⁵ Nyini dee ti, i ti ye ni ka am de tereterefom n noanie, ma ka am soro ka bu cin am sui n ngumi dee ti a, ama, am ahore su, ni am sunsunni kere ka am yo so n dee ti a. ⁶ Nyini dee ti, i kaaki ti ye ni ka am to am lampom, dama gominam n yo bu juma ni anyumboro wo, Nyeme akere ka bu yo so a. ⁷ Nyini ti, deke bo i ti ye ni ka am yo ma sono kere ni, am yo ma bu. Am to am lampom kaari, wara nzen ba kpie am kaari be, am to i, sono kere gusu bo i ti ye ni ka am ma i jirima, am ma i.

Kabo i ti ye ni ka ya yo fa ko ya bengum n do ni

⁸ Má am ma be deke be kaari su am su. Deke bo wo yo daka ka am bita am beŋgu kaari la ka, am sukoro am beŋgu. Dama sɔɔ bo i koro i beŋgu, i mi su Nyeme noanie kpamaawa n kere su wo lee. ⁹ Dama am si Nyeme noanie maawam n kere, ka, “Má a saaki ajaa ciire, má a kun sɔɔ, má a wo,” ni bo i ŋa, “Má a ma u konviki wura be dee nenje nu,” haari ni bo ba ka n kere jina nyini noanie kun ni su a, ka, “Koro u beŋgu kabo a koro u ŋu ni.” ¹⁰ Sɔɔ kere bo i koro i beŋgu yo má i mi satie. Nyini kere ka noanie kpamaawa n kere jina koro su wo lee.

Minem bo bu wo wein nu n jore

¹¹ I ti ye ni ka am yo so, dama am si kabo ahin sanŋa n ti ni. Sanŋa n aju, i ti ye ni ka am tenje, má am daafi. Dama sanŋa n bo ya nyá tiide n adodo, i waari má ka sanŋa bo ya du mo yoori yarada ni. ¹² Wo ka kaan na ya fite kongue nu, ale sucin lee. Nyini ti, am ma ya yaki awosin nu juma kere, na ya yo wein sayoowa, kabo luekunfom sana bu biesoya nenjem na bu ko kun lue ni. ¹³ Ya wo wiesu wo lee, nyini ti, am ma ya woowa ko atin su. Má ya sudi ya tii, sunu nzan subo, suyo ngbeenngben, má ya suyo sakaraya, suyo konvikiya ngbeenngben, má ya sukpini jore, na má ya susi kore. ¹⁴ Ama, am ma ya fa ya Mibie Yesu Kristo n yo deke bo ya fa wura, kabo sɔɔ fa sutura wura barasu ni, na má ya su ya ŋuniembaa koroowa n su.

14

Má a jaraki u beŋgu

¹ Am de minem bo bu yarada ti má biiwa n ni am saa nnyo, má am se bu akuruwa fa ko deke n bo bu ci bu n su na am tanda bu ahore. ² Ma ya fa i ka, nbem la yarada bo bu koro di deke kere bo bu koro, ama, nbem gusu wo bere, bu yarada ti má biiwa, bu ciire la nie, bu di toro nyawa n ngumi wo. ³ Sɔɔ bo i di nie kere nie ni, má i mi bu bo i di má nie ni ngben. Sɔɔ kere gusu bo i di nyawa n ngumi ni, má i mi jaraki bo i ci má pui ni, dama Nyeme ade i a. ⁴ Woro la ŋma na a jaraki be dee gbefene? I dee tienŋu mibie ni sé ka i jina wara i kpaasi a. I ti nahore wo ka i jina a, dama i mibie ni koro ma i jina nyunyumi a.

⁵ Bekun, mine nbem do, bu sunsun ka ceen nbem ti kpa tara nbem, ama, nbem gusu sunsun ka ceen n kere ti kun wo, be tara má i beŋgu. I ti ye ni ka sɔɔ kere su kabo i sunsunni nu kere ka i ti kpa n su. ⁶ Sɔɔ kere bo i sunsun ka ceen be ti kpa tara ceen nbem ni, i mi koro ka i bu Nyeme dee ti, ye i yo so a, ye sɔɔ kere bo i ci má pui n gusu, i mi koro ka i bu Nyeme dee ti, ye i yo so a, dama i da Nyeme asi fa ko diire n su, ye i nya di a. Sɔɔ kere gusu bo i di má deke nbem ni, i mi gusu bu Nyeme dee ti, ye i yo so a, dama i mi gusu da Nyeme asi fa ko diire n su, ye i nya di a. ⁷ Sɔɔ be wo má bere bo i koro se ka i wo i tii su wo wo, be gusu wo má bere bo i koro se ka i wu i tii su yiwee. ⁸ Ai, nzen ya la ngoo a, Mibie n dee ti ye ya la ngoo a. Nzen ya wu gusu a, Mibie n dee ti ye ya wu a. Nyini ti, nzen ya la ngoo wara ya wu wo, Mibie n dee la ya a. ⁹ Dama nyini dee ti ma Kristo wuuri, ye i tengeeri i yiwee n nu n a, adena i yo sɔɔ kere Mibie, bo bu la ngoo n ni bo ba du mo awu n kere. ¹⁰ Woro la ŋma, woro bo a jaraki u beŋgu na a bu i ngben ni? A si má ka ya kere bá jina Nyeme nyunu na i dí ya jore? ¹¹ Kabo ba kere i Nyeme Jore Kadasi n nu ni, ka, Micera n ŋa,

“Sɔɔ kere bá kutu m nyunu,

na sɔɔ kere bá teke i noo se ka mini ti Nyeme a.

Kabo ma se ni, nyini wo bere a.”

¹² Nyini ti, ya kere bá kan ya sa bo ya yo i n kere kere Nyeme.

Má a yo sa bo i ma u beŋgu Kristofɔ bo i jaa na i kpaasi

¹³ Nyini ti, am ma ya yaki ya bengum jore kan, na má ya jaraki bu kun, ama, am ma ya sunsun kabo ya yo na má ya ma ya bengu Kristofom bo bu jaa, wara na bu kpaasi. ¹⁴ Kabo m ni ya Mibié Yesu ayo kun ni, nyini ma m si ka deke be mmoo ni i tii ti má ciire n a. Ama, nzen sono sunsun ka deke be ti ciire i do, má i mi di i. ¹⁵ Nzen diire n bo a di i n dæ ti, na a saaki u bengu Kristofom ahore, nyini yiri, a suyo má koro sa læ. Kristo yo wuuri i dæ ti wo, má a ma i mi ka ngbæen, u diire n bo a di i n dæ ti. ¹⁶ Má am ma be joo jore tie fa ko deke kpa n bo am si i n su. ¹⁷ Dama kabo Nyeme nie i minem su ni, i ti má di ni nu jore wo, ama, i ti aceeri bo Awiewie Casi n afa ama minem wo, yiri la ka, ya yo sa bo i ko atin su Nyeme do, ni tanalaifie, ni ahorejo. ¹⁸ Sono kere bo i suuri nyini atin n su, na i su Kristo so, i mi yo sa bo i sun Nyeme nu a, na adamande kansi i ka i ti sono kpa.

¹⁹ Nyini ti, am ma ya boro ya nyi na ya su deke n bo i ma ya tanalaifie n su, na ya buka ya bengum, na ya ko mo ni ya nyemesu ni. ²⁰ Má am saaki Nyeme juma ni, diire dæ ti. Diire kere ti kpa a. Ama, nzen be di diire be na i ma i bengu bo i jaa na i kpaasi, nyini yiri, i ti má kpa. ²¹ Nzen a di nie, wara a nu nzan, wara a yo nyini n be so, na i ma u bengu Kristofom bo i jaa na i kpaasi, i ti má ye ni ka a yo so. ²² Yarada n bo a yo i u ahore su fa ko nyini jorem su, ma i wo u ni u Nyeme afien. Sono kere bo i yo sa bo i ko atin su, na i la má sika i ahore su ka wo yo satie, i mi la terefie nahore su. ²³ Ama, sono kere bo i ba sudi diire barasu nbem na i yo sika, Nyeme adi i mi jore ajaraki i ka wo yo satie, dama diire n bo i sudi i ni, wo yo má yarada. Deke kere gusu bo sono yo i, na i la má yarada, i ti satie wo Nyeme do.

15

Ya yo sa bo i jo ya bengum ahore

¹ Yere bo ya la fanga fa ko yarada su ni, wo yo daka ka ya yo sawore ni bere n bo bu yarada la má fanga ni, na ya buka bu, na ya dada bu ahore, má ya yo sa bo i sun yere ni ya tii nu. ² Sono kere yo deke bo i sun i bengu nu, na i yo sakpa, na i ko mo ni i nyemesu ni. ³ Dama haari Yesu Kristo ni i tii ayo má sa bo i sun yiri ni i tii nu, ama, i ti kabo ba kere i Nyeme Jore Kadasi n nu n wo, ka, “Nzukolee barasu n kere bo minem fa kpieri woro Nyeme ni, bu fa kpieri mini wo.” ⁴ Deke n kere bo bu du mo kereeri i Nyeme Jore Kadasi n nu ni, bu kereeri i ka i kere ya a, adena ya la tama, dama deke bo ba kere i ni, nyini ma ya ahoresi a, na ya koro mindi a. ⁵ Nyeme ma ya mindi ni ahoresi a, yiri ma am la anose ni am bengu a, kabo Yesu Kristo kereeri am ni, ⁶ adena am kere tien am noo fa anose, na am kansi Nyeme, ya Mibié Yesu Kristo Si.

Kabo minem bo bu ti má Yudafom gusu ade Kristo labari kpa n ni

⁷ Nyini dæ ti, am de am bengum, ni am saa nnyo kabo Kristo ade am ni, nyini ma mine kansi Nyeme a. ⁸ Dama m suse am ka Kristo baari ka i ba buka Yudafom n wo, i yoori so n dæ ti, nyini ma deke n bo Nyeme seeri ka i yo ma Yudafom nam n ayo biiwa nahore su n a. ⁹ Bekun i baari ka i ba buka minem bo bu ti má Yudafom wo, na bu gusu kansi Nyeme fa ko kabo wo si bu anunfo ni. Kabo ba kere i Nyeme Jore Kadasi n nu ni, ka,

“Nyini dæ ti, m kansi woro Nyeme,
m kansi u дума minem bo bu ti má Yudafom nu,
na m dí jue ma u.”

¹⁰ Ba kaaki akere i bekun ka,
“Amberé bo am ti má Yudafom ni,
am ma am ahore jo ni Nyeme minem bo wo yi bu ni.”

¹¹ Bekun, i na,
“Amberé bo am ti má Yudafom ni, am kansi Micera ni,

na am ma daanfiem kere kansu Nyeme.”

¹² Na Nyeme noanie kanfo Esaya gusu ase ka,
 “Sono be ba fite Jese dee lee ano n nu,
 i ti kabo baka tie i bunlui su n wo,
 na i ba yo daanfiem kere feme,
 yiri ma bu nya ahoresi a.”

¹³ Nyeme ma ya tama, m sere i ka i ma am ahorejo ni tanalaifie ko sin su, kabo am ayo i yarada n dee ti, adena Awiewie Casi n yiko ma am tama bo i la ma anusu.

Deke bo i ti na Pɔɔlu kereri ahin kadasi n ni

¹⁴ To, m ninbaam, m si tenle su ka am la wo kpa, na am la si dongu, na am kaaki koro fa tu am bengu fo. ¹⁵ Haari ni nyini mmoo, ma fa ahoresi, ye m sukere ahin kadasi n fa ma am a, adena m tenge am ahin sam n su, dama Nyeme ayo sakpa ama m, ¹⁶ ka m yo Yesu Kristo amuisufo ma minem bo bu ti ma Yudafo ni, adena m kan Nyeme labari kpa n kere bere bo bu ti ma Yudafo ni, na Awiewie Casi n ma Nyeme de bu ka bu ti i dee mine casim. M yoori so ni, i ti ka Nyeme sayoowa donguyofa n bo i yo yoowa bo i sun Nyeme nu ni. ¹⁷ Yesu Kristo dee ti, m la atin bo m koro fo fa ko Nyeme juma n bo wo fa ama m su. ¹⁸ Nahore, i la m sere na m kan sam bo nyingam ayo bu ni, ma ka sam n bo Kristo ma ma yo bu ni ngumi, yiri la bo wo ma ma kan i noanie n akere minem bo bu ti ma Yudafo ni, na ma yo alekutura sam, na ba de i noanie ni. ¹⁹ I ma m faari alekutura sam, ni Awiewie Casi n dee yiko nu fa yoori nyini juma n a. M boori i bu Yerusalem mie kpiri n nu wo, na ma bara aye ako aju haari Ilirikum aware n nu, na ma kan Kristo labari kpa n jore n kere akere bu. ²⁰ Deke bo m nyunu boro su agaya n la ka, m kan labari kpa n jore kere minem awarem n kere bo bu nya ti ma Kristo duma ni, dama m koro ma ka m ta be dee ataari su, ²¹ kabo ba kere i Nyeme Jore Kadasi n nu ni, ka,

“Haari ni bo minem nya kan ma labari kpa n kere ma bu ni,
 bu nu i,

haari ni bo bu nya ti ma labari kpa ni,
 bu ti i, na bu si i bu.”

Kabo Pɔɔlu na i koro ka i ko nie Romafom busu ni

²² To, nyini n kere dee ti, sangha kere, ma m koro ka m ba nie am busu wo, ama, m nya ma atin. ²³ Ama, kisa, mie fofore be wo ma bere bo m ko do na m ko yo juma ahin awarem n nu, nyini ti, kabo ma sangha kere na m koro ka m ba nie am busu ni, ²⁴ m la tama ka m ba susin ko Esipani dee aware n nu, m jina am do na m nie am busu, na m ni amberere nya tana, na am buka m na m koro ko ju deke bo m sukoni. ²⁵ Ama, kisa yiri, m sukoni Yerusalem mie kpiri n nu wo, m la buka be bo m ko fa ma Nyeme minem bo bu wo do ni. ²⁶ Dama Kristofom bo bu wo Makedoniya ni, ni bo bu wo Akaya dee awarem n nu ni, wo yo bu fie ka bu yiyi nwaa, na m ko fa ma Nyeme minem bo bu wo Yerusalem na bu ti yaarifom ni. ²⁷ Bere ni bu tii afa sunsunni kpa anu ka Yerusalemfo kaari su bu su, dama Yerusalemfo du mo faari Nyeme deke kpa maari bere n bo bu ti ma Yudafo n wo, nyini dee ti, wo yo daka ka bere gusu nya durunya n nu nenge ma Yerusalemfo ni. ²⁸ To, nyini ti, nzen m koro yoori nyini juma n kere wieeri, na bu nya nyini buka n kere, m ba nie am busu, na m nya sin ko Esipani. ²⁹ M si tenle su ka m baari, m fa deke kpa fite Kristo do ba ma am.

³⁰ M ninbaam, kabo Ya Mibie Yesu Kristo wo ya do, na Awiewie Casi n koro ya agaya n dee ti, m sere am wo, ka am buka m na ya sere Nyeme ni anyumboro, ³¹ ka i de m fite Yudiya aware n nufu nbem bo bu yo ma yarada n saa nu, na Nyeme minem bo bu wo Yerusalem n de buka n bo m sufa ko ma bu ni. ³² Na nzen i ti Nyeme koroowa,

na m bá am dɔ ni ahorejɔ, na m ni ambere kere koro dada ya bengu ahore. ³³ Nyeme bo i ma tanalaife n buka ya kere. Ami.

16

Kabo Pɔɔlu yoori Kristo jamam bo bu wo Roma mie kpiri n nu anse ni

¹ Tɔ, m koro ka am si ya niwa baabara n bo bu fere i ka Fibi ni, i yo Nyeme juma buka Kristo jama n bo i wo Kenciriya mie kpiri n nu n wɔ. ² Am de i kabo má am de Nyeme minem barasu ni, Mibie n de ti, na am buka i ni deke kere bo i koro, dama yiri ni i tii abuka mine dɔngu, haari ni mini mmɔɔ.

³ Am bisa Pirisila ni Akuyila dɔngu ma m. M ni bere sangha yo juma ma Yesu Kristo wɔ. ⁴ Bu yo tɔori bu ngɔɔ maari m wɔ, nyini de ti ye m da bu asi n a, má mini ngumi yo bu anse a, ama, Kristo jamam kere bo bu ti má Yudafom gusu yo bu anse. ⁵ Am bisa Kristo jama n kere dɔngu, bo bu tien bu nɔɔ bu dika ni.

Am bisa m danfo kpa Epanetosi n dɔngu ma m, yiri du mɔ yoori Kristo yarada Esiya de awɔre n kere nu a. ⁶ Am bisa Mariya dɔngu, bo wɔ yo juma agaya abuka am ni. ⁷ Am bisa Andronikusi ni Juniya dɔngu, m lamɔkɔ Yudafom bo m ni bere yo woori dansaraka nu ni, bu la dumaye Kristo jaramasam kere nu, bere du mɔ yoori Kristo susufom ka, ye m nya ba yoori a. ⁸ Am bisa m danfo Ampiliyatusi dɔngu, m Mibie n de ti, m koro i agaya. ⁹ Am bisa Wuribanisi dɔngu ma m, bo yiri ni yere sangha yo juma ma Kristo ni, na am kaaki bisa m danfo Sitakisi dɔngu. ¹⁰ Am bisa Apelesi dɔngu, bo wɔ yi i nɔ ka i ti Kristo susufɔ nahore su ni, na am bisa Arisitobulosi dikafom kere dɔngu. ¹¹ Am bisa m lamɔkɔ Yudafɔ n bo bu fere i ka Herodiyon n dɔngu, na am bisa Naracisi dikafom bo bu ti Mibie n de ti minem n buka su. ¹² Am bisa Tirifena ni Tirifosa dɔngu, nbara nnyom bo bu yo juma ma Mibie ni, ni m danfo Perisisi, yiri mmɔɔ ayo juma agaya ama Mibie n ni. ¹³ Am bisa Rufusu dɔngu, yiri bo Nyeme ayi i ka i yo i juma n ni, ni i ni bo i ti mini mmɔɔ ni ni. ¹⁴ Am bisa ahin minem kere dɔngu ma m, bere la Asinkiritusi, ni Felegon, ni Heremesi, ni Patorobasi, ni Heremasi, ni ya ninbaam kere bo bu wo bu dɔ ni. ¹⁵ Am bisa Filolokusi ni Juliya dɔngu, ni Nereyusi, ni i niemabara ni, ni Olimpasi, ni Nyeme minem kere bo bu wo bu dɔ ni. ¹⁶ Am bisa am bengu dɔngu ni korɔ. Kristo jamam kere bo bu wo fen n bisa am dɔngu.

Awieeri su de fɔtuuwa

¹⁷ M ninbaam, m sere am wɔ, am si am nɔ sa ni minem bo bu saaki kereewam bo am adu mɔ ade i ni, na bu fa kpakpaakinu ba ni, na bu ma minem kpaasi fa kɔ bu yarada n su ni. Má am dodo bu. ¹⁸ Dama nyini minem sɔ, bu su má ya Mibie Yesu Kristo su, ama, bu su bu de kunnu koroowa su wɔ, na bu bo minem bo bu si má pui n anɔɔfie, na bu dadaka bu. ¹⁹ Ama, ambere yiri, sɔnɔ kere ati kabo am ade Kristo nɔanie nahore, nyini de ti, m ahore ajɔ akɔ asin su. M koro ka am la si fa kɔ deke n bo i ti kpa n su, ama, m koro má ka am la si haari kaan sɔ mmɔɔ fa kɔ deke n bo i ti má kpa n su. ²⁰ Nyeme bo i ma tanalaife ni, i cé má, i má am yiko na am fún tientien Sitana nɔ mereki i. Ya Mibie Yesu Kristo buka am.

²¹ Timoti bo m ni yiri sangha yo juma n bisa am dɔngu, na Lukiyosi, ni Jason, ni Sosipateri, m lamɔkɔ Yudafom n gusu bisa am dɔngu.

²² Mini Teretiyusi gusu bisa am kere dɔngu, Mibie n de ti duma n nu, mini ye Pɔɔlu ma m kereeri ahin kadasi n sufa ma am n a.

²³ M awurufobie Gayosi bisa am dɔngu. Kristo jama n kere tien bu nɔɔ i dika a. Irasitusi bo i ti mie n nu nwaa bitafɔ ni, ni ya niwa Kuwatosi kere bisa am dɔngu. [

²⁴ Ya Mibie Yesu Kristo buka am kere. Ami.]

Pɔɔlu de awieeri su nɔanie ni

²⁵ Am ma ya kansi Nyeme. Yiri koro ma am jina fanja kenken fa ko Yesu Kristo labari kpa n bo m kaanri i jore na am ati i n su a. I ti jore bo bu yo fa fiɛri dada kere wo, ama, kisa wo fite fofoe nu. ²⁶ Yiri ye Nyeme noanie kanfom kereeri i n a, na Nyeme bo i wo bere sanja kere n ama daanfɛ kere ati i, na ba de i, na ba yo i yarada. ²⁷ Nyeme ngumi la alecira a, yiri ti ye ni ka ya kansi i a, Yesu Kristo dɛɛ ti, sanja kere sanja. Ami.

Pɔɔlu kadasi ciciri su bo i kere fa maari KƆRINTOFƆM ni

¹ Mini Pɔɔlu bo Nyeme dɛɛ koroyanu na wɔ fere m ka m yo Yesu Kristo jaramasa ni, m ni ya niwa Sositeni ni sukere ahin kadasi ma am a. ² Ya sukere i na ya fa ma ambere Kristo jama n bo am wo Kɔrinto mie kpiri n nu, na Nyeme afere am afa am ayo i dɛɛ mine casim ni, na wɔ ma am ni Yesu Kristo ayo kun ni, fa sangga ni minem kere bo bu bo fere ya Mibie Yesu Kristo duma n deke kere ni, yiri ti ya ni bere kere Mibie a.

³ Ya Si Nyeme, ni ya Mibie Yesu Kristo buka am, na bu ma am tanalaifie.

Sakpam bo Pɔɔlu na Nyeme ayo ama bu ni

⁴ Sangga kere m da Nyeme asi wɔ, ambere dɛɛ ti, fa kɔ sakpa n bo wɔ yo ama am na i fite Yesu Kristo dɔ ni. ⁵ Yiri dɛɛ ti, am anya deke kpa dɔngɔ, haari fa sangga ni jɔre jɔjɔwa, ni si kere. ⁶ Daani n bo ya diiri i fa kɔ Kristo nusu jɔre ni, ambere mmɔɔ ni am tii si ka i ti nahɔre wɔ. ⁷ Nyini dɛɛ ti, am fun má Nyeme aceeri kpa n haari kun n kpein mmɔɔ, na am n̄minda fa kɔ sangga bo ya Mibie Yesu Kristo bá yi i n̄u fite ni. ⁸ Yiri má am fangga haari kɔ ju awieeri a, na am la má ngasi be ya Mibie Yesu Kristo dɛɛ cɛɛn ni. ⁹ Nyeme la dabuɔ, yiri afere am ka am ni i Wa ya Mibie Yesu Kristo n la wo fie ni am beɔgu a.

Kpakpaakinu n bo i woori Kristo jama n afien ni

¹⁰ M ninbaam, m sere am wɔ, Yesu Kristo dɛɛ duma n nu, ka am kere fa anɔɔse na má am ma kpakpaakinu be wo am nu, ama, am ma am sunsunni ni am nɔaniɛ yo kun nahɔre su. ¹¹ M ninbaam, deke bo i ti na m se sɔ ni, Kolowe dikafɔm nbem ase m ka am la akuruwa am n̄uɔ nu. ¹² Yiri la ka, am nbem na, “Mini su Pɔɔlu su a,” nbem na, “Mini su Apolosi su a,” nbem na, “Mini su Petoro su a,” ye nbem gusu na, “Mini su Kristo su a.” ¹³ Kristo akpakpaaki i n̄u nu wɔ, nzen se? Ye bu kpamaari Pɔɔlu baka jaanu n su maari am a? Bu bieeri am Nyeme nzue Pɔɔlu dɛɛ duma nu wɔ? Ai. ¹⁴ M da Nyeme asi ka ma bie má am be Nyeme nzue, má ka Krisipusi ni Gayosi n ngumi. ¹⁵ Nyini dɛɛ ti, be koro se má ka m bieeri i Nyeme nzue m dɛɛ duma nu. ¹⁶ Eɛnhɛɛn, ma tenge su bekun ka m bieeri Satefanasi dikafɔm n gusu Nyeme nzue. Sin nyini sin, m koro tenge má su ka m bieeri be Nyeme nzue kun. ¹⁷ Dama Kristo asunma má m ka m ba bie minem Nyeme nzue wɔ, ama, i sunmaari m ka m ba kan i labari kpa n jɔre kere minem wɔ. Ma fa má adamande dɛɛ alecira, ye m fa kan kereeri minem a, nzen má m yo sɔ, má yiwee n bo Kristo wuuri baka jaanu n su n ti ngbɛɛn wɔ.

Kristo ti Nyeme yiko ni alecira a

¹⁸ Dama nzen ya kan yiwee n bo Kristo wuuri i baka jaanu n su n jɔre kere minem bo bu suka ngbɛɛn ni, bere dɔ i ti sinnzinya jɔre wɔ lɛɛ. Ama, yere n bo ya nya tiide ni, i ti Nyeme yiko sa bo wɔ yo ama ya a lɛɛ. ¹⁹ Dama ba kere i Nyeme Jɔre Kadasi n nu ka, Nyeme na,
“M yó aleciraɔm alecira ni ngbɛɛn,
na m tó sifɔm si n atin.”

²⁰ Tɔ, aleciraɔm wo ni? Ye sifɔm wo ni? Ye bo bu fiiti na bu si ahin durunya n nu jɔre n wo ni? Durunya n nu alecira ye Nyeme afa akaaki sinnzinya n a. ²¹ Nyeme la alecira, be koro fa má durunya n nu alecira na i fa si Nyeme. Nyeme koroyanu ye i ma ya kan labari kpa n bo i ti ka sinnzinya jɔre n kere minem a, na bo ba yo yarada ni, Nyeme ade bu tii aji. ²² Dama bo bu ti Yudaɔm ni, bere koro ka bu n̄u

alekutura sam wɔ, ye bo bu ti Girikiföm n gusu koro ka bu ti alecira jɔrɛ wɔ. ²³ Ama, yɛrɛ kan Kristo Tiidefɔ labari kpa n jɔrɛ wɔ, kabo bu kpamaari i baka jaanu n su ni. Yudaföm dɔ, i ti ciire wɔ, ye bo bu ti má Yudaföm n dɔ, i ti sinnzinya jɔrɛ wɔ. ²⁴ Ama, minɛm bo Nyɛmɛ afere bu ni, bo bu ti Yudaföm ni, ni bo bu ti Girikiföm ni, Kristo ti Nyɛmɛ yiko ni alecira a. ²⁵ Dama Nyɛmɛ sa bo wɔ yo i na i ti ka sinnzinya sa n tara adamande alecira kɛrɛ bo i la i, na Nyɛmɛ sa bo wɔ yo i na i ti ka i la má faŋga ni, i tara adamande faŋga kɛrɛ bo i la i.

²⁶ M ninbaam, am sunsun na am niɛ kabo am yo ti na Nyɛmɛ ba fereeri am ni. Nzen ya ŋa ya niɛ, durunya n nuföm yo bu má ka am dɔŋgu la alecira, am dɔŋgu yo ti má yikoföm, na am dɔŋgu gusu yo fite má nfaŋgaföm n busu nu. ²⁷ Ama, Nyɛmɛ ayi dekem bo bu ti sinnzinya sa durunya n nu ni, na wɔ fa awura alecira föm nyinɛ, na wɔ yi dekem bo bu la má faŋga durunya n nu ni, na wɔ fa awura nfaŋgaföm nyinɛ. ²⁸ Nyɛmɛ ayi bo bu ti tarakam durunya n nu fɛn, na wɔ yi minɛm bo bu bu má bu ni, ni dekem bo bu ti ŋgbɛɛn ni, na i ma dekem bo bu la faŋga n ka ŋgbɛɛn. ²⁹ Deke bo i ti na Nyɛmɛ yoori i sɔ n la ka, adena má be koro fɔ yiri Nyɛmɛ dɔ. ³⁰ Ama, Nyɛmɛ ama am ni Yesu Kristo ayo kun, na wɔ ma wɔ yo ya dɛɛ alecira fɔ. Yesu dɛɛ ti ye Nyɛmɛ de ya ka ya yo sa bo i kɔ atin su i dɔ n a, ye wɔ yo ya i minɛ casim, na wɔ de ya tii aji. ³¹ Nyini dɛɛ ti, kabo ba kɛrɛ i Nyɛmɛ Jɔrɛ Kadasi n nu ni, “Sɔnɔ kɛrɛ bo i ŋa i fɔ, i ti ye ni ka i fɔ Mibiɛ n ti.”

2

Kabo Pɔɔlu kaanri Yesu Kristo ni i yiwee n jɔrɛ ni

¹ M ninbaam, saŋga bo m baari am dɔ na m ba kaanri labari kpa n kereeri am, na am si Nyɛmɛ asiri nu n jɔrɛ ni, ma fa má adamande alecira ni si jɔrɛ ajɔɔ akere má am. ² Dama m yo baari ni, ma koro má ka m kan jɔrɛ be am dɔ, má ka Yesu Kristo Tiidefɔ n dɛɛ jɔrɛ, ni kabo i wuuri baka jaanu n su ni. ³ Saŋga bo m yo woori am dɔ ni, m ŋunɛ ti m yɔrɔkiiwa a, na sɛrɛ ati m agaya, na m ŋunɛ subobo m. ⁴ M nɔanɛ jɔɔɔwa ni labari kpa n bo m kaanri i ni, i ti má adamande alecira ni si jɔrɛ, ama, Nyɛmɛ Awiewiɛ Casi ni yoori alekutura sam kereeri ka m nɔanɛ jɔɔɔwa n ti nahɔrɛ wɔ. ⁵ Adena má am yo yarada adamande alecira n dɛɛ ti, ama, Nyɛmɛ dɛɛ yiko n dɛɛ ti.

Nyɛmɛ alecira jɔrɛ

⁶ Tɔ, ama, ya jɔɔ alecira jɔrɛ fa kere minɛm bo ba bi fa kɔ Nyɛmɛ atin n su n a. I ti má durunya n nu fɛn dɛɛ alecira, wara i ti má alecira bo durunya n nu nfaŋgaföm la i ni, bɛrɛ kɛrɛ bá ka ŋgbɛɛn wɔ. ⁷ Ama, yɛrɛ kan Nyɛmɛ alecira asiri nu jɔrɛ n bo i yo fa fiɛri adamande ŋu n wɔ, nyini alecira ni, Nyɛmɛ du mɔ ciciiri i wɔ ka, ye i nya ba yiiri durunya n a. I yoori sɔ ɔ, adena ya nya i jirima woowa ni. ⁸ Durunya n nu nfaŋgaföm be mmɔɔ asi má nyini alecira ni, nzen má bu siiri i, má bu kpama má ya Mibiɛ Jirimafɔ n baka jaanu n su. ⁹ Ama, i ti kabo ba kɛrɛ i Nyɛmɛ Jɔrɛ Kadasi n nu n wɔ, ka,

“Deke bo be nyumbaa nya ŋu má i ni,
wara deke bo be sui nya ti má i ni,
wara deke bo be nya sunsun má i, i ahorembaa su ni,
nyini ye Nyɛmɛ asɛɛ i su,
na i fá ma bo bu koro i n a.”

¹⁰ Ama, yɛrɛ yiri, Nyɛmɛ ama i Awiewiɛ Casi n ayi nyini n sɔ akere ya, dama Awiewiɛ Casi ni fiiti si deke n kɛrɛ a, haari ni Nyɛmɛ jɔrɛ bo i wo ŋgo ni. ¹¹ Adamande be koro si má sa bo i wo i benɔgu adamande ahore su, má ka i mi ni i tii awiewiɛ ni si deke bo i wo i ahore su a. Sɔ ye be koro si má sa bo i wo Nyɛmɛ ahore su a, má ka

Nyeme Awiewie ni ngumi si a. ¹² Awiewie n bo yere anya i ni, i ti má durunya n nu fen dee, ama, i fite Nyeme do o, adena ya si aceerim kere bo Nyeme afa ama ya ni. ¹³ Nyini ye ya fa kere minem a. I fite má adamande alecira kereewa n nu, ama, i ti deke bo Awiewie Casi ni kereeri ya a, ye ya fa kere minem bo bu la Awiewie Casi n a. ¹⁴ Sono bo i la má Nyeme Awiewie ni, koro de má deke n bo i fite Nyeme Awiewie n do, dama yiri do, nyini jorem ti ka sinnzinya jore wo, na i koro ti má i bu, dama be koro si má i bu, má ka Nyeme Awiewie ni buka i na i koro fiiti si i bu. ¹⁵ Sono bo i la Nyeme Awiewie ni, i mi koro fiiti deke n kere a, ama, be koro fiiti má i mi yiri. ¹⁶ I ti kabo ba kere i Nyeme Jore Kadasi n nu barasu n wo ka,
 “Nma asi sa bo i wo Miceera n sunsunni nu,
 na i kere i kabo i yo a?”
 Ama, yere yiri, ya si deke bo i wo Kristo sunsunni nu.

3

Nyeme amusuisufom jore

¹ M ninbaam, ma koro ajojo má am do ka am ti minem bo bu si Awiewie Casi n jore, ama, m jooori am do ka am ti bo bu bita adamande woowa a, Kristo dee atin n su, am ti ka nbaatumam wo. ² Nbaatumam koro nu nyufini ngumi wo, bu koro di má diire nonoori, nyini dee ti ye m kereeri am bumboori su dee kereewam n a, dama am koro ti má kereewam bo bu ti kekereke n bu. Haari ni kisa, am nya koro ti má i bu. ³ Dama am toko bita adamande woowa n wo. Am si am benggu kore wo, na am suse akuruwa am nuju nu. Kabo am yo so ni, durunya n nu adamande woowa atin lee, ye am bita i n a. ⁴ Dama nzen am nbem na, “Mini su Poolu su a,” ye nbem gusu na, “Mini su Apolosi su a,” am ti má ka durunya n nufom wo lee, nzen se?

⁵ Apolosi la nma? Wara Poolu la nma? Ya kere ti Nyeme amusuisufom bo ya ba abuka am wo, ya kere ni ya juma bo wo fa ama ya na ya yo, ye am ayo yarada a. ⁶ Fa ko am yaradayo n su, i ti ka mini Poolu doori alembaa n a, ye Apolosi goori i nzue a, ama, Nyeme yiko n nu ma wo nyi awura mbaa. ⁷ Nyini ti, bo i do mbaa n ni bo i go nzue n be mmoo ti má pui. Deke bo i ti jore n la sa bo Nyeme yo i n wo, dama yiri ma i nyi wura mbaa a. ⁸ Bo i do mbaa n ni bo i go nzue n kere yo juma kun wo. Bu kere nya bu nkatoo kabo bu jumayoowa ti barasu n wo. ⁹ Dama ya kere sangga yo juma kun ma Nyeme wo, ye ambere gusu ti ka Nyeme fie ye ya do i a, na am kaaki ti ka Nyeme awuru ye ya ta i a.

¹⁰ Aceeri n bo Nyeme afa ama m ti ka sono bo i si ataari ta nyunyumi wo, ye m se soo n bumboori fa n a. Ye be gusu dee la ka i ta taka nyini n su a. Ama, wo yo daka ka sono kere si i nu sa kabo i ta taka su barasu. ¹¹ Dama Yesu Kristo ngumi ti ka soo fa bumboori n bo bu fa se soo n bu n a, be koro se má soo fa be bekun sin yiri nu. ¹² Ama, sono kere bo i ta taka su, na i ti ka i faari sika, na be gusu faari jete, na be gusu faari afere bo i la anyunuyi ta takaari su, na be faari baka, na be faari wura, na be faari kara ta takaari su. ¹³ Ama, jina ceen, sono kere jumayoowa ba fite fofoe nu, na bu nu i kabo i ti, dama sin ba yara sono kere juma, na sin ni yo i na i nie kabo i ti. ¹⁴ Sono kere bo i ta takaari bumboori fa seewa n su, na nzen sin n yaraari i jumayoowa na wo di má i, i mi nya nkatoo. ¹⁵ Ama, sono kere bo sin n diiri i jumayoowa ni, i nya má nkatoo, ama, yiri ni i tii nya tiide, se i ti ka sin n afundi i mi wo.

¹⁶ Am si má ka am ti ka awuru bo Nyeme wo am nu wo, nzen se? Am si má ka Nyeme Awiewie Casi n wo am nu wo? ¹⁷ Sono kere bo i saakiiri Nyeme awuru ni, Nyeme saaki i mi, dama Nyeme awuru n ti casi wo, ye ambere ni am tii ti ka nyini awuru n a.

¹⁸ Má be se ka i dadaka i ñu. Nzen be wo am nu, na i sunsun ka i la durunya n nu alecira, ma i mi yo i ñu ka i ti sinnzin wò, adena i kaaki alecirafo nahòre su Nyeme dò.

¹⁹ Dama deke bo durunya n nufòm bu i ka i ti alecira ni, Nyeme dò i ti sinnzinya a. Nyini ti ye ba kere i Nyeme Jòre Kadasi n nu ka,

“Alecirafòm ye Nyeme fa bu ñgònletie fa tara bu n a.”

²⁰ Ye ba kaaki akere i ka,

“Micera ni si deke kere bo i wo alecirafòm sunsunni nu a,
i si ka i ti ñgbèen wò.”

²¹ Nyini ti, má be se ka i fa adamande be fa fò, dama deke n kere ti am dèe wò. ²² Mini Pòolu ti am dèe wò, ni Apolosi, ni Petoro gusu, ni durunya, ni ñgòò, ni yiwee, ni kisa dèe sanja n bo ya wo nu ni, ni sanja bo i bá ba ni, deke n kere ti am dèe wò, ²³ na amberè gusu ti Kristo dèem, ye Kristo gusu ti Nyeme dèe.

4

Kristo jaramasam juma n jòre

¹ Tò, nyini ti, wò yo daka ka am niè ya ka ya ti Kristo amusuisufòm wò, ya ti minem bo Nyeme afa i asiri nu jòre n awura ya saa nu wò. ² Jòre n bo i kaaki wo bere la ka, wò yo daka ka amusuisufò yo i juma ni nahòre su ma i mibiè. ³ Mini yiri, nzen am di m jòre, wara adamande jòredifòm di m jòre, m cècè wo má nu, haari mini mmòò ni m tii di má m ñu jòre. ⁴ M sunsunni ni m ahore su, ma yo má satie be, ama, nyini kere má ka m la má ñgasi be wò lèe, má ka Mibiè ni ñgumi ti bo i di m jòre a. ⁵ Nyini dèe ti, má sònò be di i bengù jòre, dama sanja nya ju má bo Mibiè ni bá. I ba baari, yiri yí deke kere bo i wo awosin nu na i fie n fite fofoe nu a, na i yí deke kere bo i wo adamande ahore su fite fofoe nu. Nyini sanja ni, ye sònò kere nyá i kansi Nyeme dò.

⁶ Tò, m ninbaam, amberè dèe ti ye m kaanri ahin n kere fa kò m ni Apolosi jòre n a, na am niè ya woowa, na am su kabo ba kere i ase ni ñgumi su, adena má am be yo kpirikoro ka mofò be tara i lamòkò nyinga ni. ⁷ Nma ase am ka am tara am bengù a? Nzu deke ye am la i, ye Nyeme afa ace má am a? Deke bo am deerì i ni, ye nzu ti ye am koro kpiri ka Nyeme afa ace má am a?

⁸ Am sunsun ka am anya deke n kere bo am koro i n lèe fan. Am ayo nenjefòm lèe fan. Am akaaki nfemem ayaki ya lèe fan. Nzen má am adi femeya nahòre su, má i yo m fie, adena ya ni amberè kere sanja di femeya ni. ⁹ Mini dò, yere n bo ya ti Kristo jaramasam ni, i ti ka Nyeme ma ya ka sin wò. Ya ti ka minem bo ba di ya jòre abo ya asi ye ya wu a, na ya di nyini nyinse n na sònò kere nyumbaa ñu i, merèkem ni adamandem kere. ¹⁰ Yere ti sinnzinm wò, Kristo dèe ti, ama, amberè ti anyunutekefòm wò, Kristo atin n su. Yere ti daburukafòm wò, ye amberè ti nfanjafòm. Bu bu amberè wò, ama, yere yiri, bu bu má ya. ¹¹ Haari fa ba ju ni kisa, ahòe ni nzuehòe sukun ya a, ya la má sutura wuraawa kpa, bu bita ya bo wò, ya kaaki la má deke bo ya da. ¹² Ya yo ya saa nu juma ni anyumbo wò, ye ya di a. Nzen minem kpìe ya nzukò, ya sere awieeri kpa ma bu wò. Nzen bu kere ya wuwuruwa, ya mindi de i wò. ¹³ Nzen bu saaki ya duma, yere jòjò kpa ma bu wò. Ya ti ka wura tie bo durunya n nufòm fa gò bonfò su n wò, haari ni kisa.

¹⁴ I ti má ka m koro ka m wura am nyinse dèe ti, ye m sukere ahin jòrem ma am a, ama, am ti m nbaa koroowam dèe ti, ye m subòò am a. ¹⁵ Dama nzen haari má am la kerefòm akpii buru mmòò fa kò Kristo dèe atin n su, má am la má sim beberebe, mini ti am si a, Yesu Kristo dèe atin n su, labari kpa n bo m kan kereeri am dèe ti. ¹⁶ Nyini ti, m sere am wò, am sòn m su, na am ma am woowa ti kabo m woowa ti barasu ni. ¹⁷ Nyini dèe ti ye m susunma Timoti am dò n a. Yiri ti m wa koroowa nahòre su a, na i kaaki la dabuñu Mibiè n atin n su. I ténge am su kabo m woowa ti Kristo atin n su, ni kabo m kere minem ka bu wo barasu, deke kere bo m kò ni,

Kristo jamam n kere nu. ¹⁸ Am nbem sunsun ka m ba má am do kun, nyini ti, ba fa kpirikoro. ¹⁹ Ama, nzen Nyeme soro su, i cé má, m bá nie am busu, na m bá si nyini minem bo bu la kpirikoro ni, má ka bu noanie jójóowa ni ngumi, ama, m nie kabo bu yiko ti barasu. ²⁰ Dama kabo Nyeme nie i minem su ni, i ti má noanie jójóowa n wó, ama, i ti yiko wó. ²¹ Ahin jore nnyom nu, am koro bono o? Am koro ka m bá cin am sui, nzen se? Wara am koro ka m bá am do benle, ni koro wó?

5

Dangba sa n bo i wo Kristo jama n nu n jore

¹ Ma ti jore be, ka dangba sa wo am nu, yiri la ka sono be bita i si yi da a. Haari bo bu su má Nyeme ni mmoo yo má nyini dangba sa ni. ² Am ayo nyini sa n ye am toko koro kpiri n a fan? Ye am ahore saaki má n a? Wó yo daka ka am yi nyini sono n fite am nu. ³⁻⁴ Haari ni bo mini wo má am do ni, m awiewie wo am do, na sono bo i yoori nyini sa ni, ma du mo adi i jore ajaraki i ya Mibie Yesu dee duma n nu, kabo má mini ni m tii wo am do na m yo ni. Nzen am ba tieenri am noo, na m awiewie wo am do, na ya Mibie Yesu yiko n wo ya do, ⁵ am fa nyini sono n fa wura Sitana saa nu, na i kere i kekereke fa ko i adamande anuniembaa koroowa n su, adena i awiewie n nya tiide ceen n bo Mibie ni bá di minem jore ni.

⁶ Am yanfoya bo am nati fo i ni, i ti má kpa. Am si má ka ayiri kaan so ma kpono n yasu a, nzen se? ⁷ Am sunsun fa ko Butara ceenkpiri n su, bo bu di kpono na bu go má ayiri nu ni, kana bu ba di ceenkpiri n ni, bu du mo fa ayiri dawa n tu wó. Am yi nyini ayiri dawa n fa tu, na am yo ka kpono fofore bo ba fa má ayiri ago má nu. Deke bo m suse n la ka, nzen satie kaan woori am nu, i saaki am kere wó. Nyini dee ti, am yi satie kere bo i wo am nu ni. Nahore, am ti mine casim wó, am ti ka kpono fofore n wó, dama ba fa Kristo ayo yoowa ama ya. Yiri ti ka ya Butara ceenkpiri bombaa n bo ba kpie i kom n a. ⁸ Nyini ti, am ma ya bita Butara ceenkpiri nyunyumi, na ya yaki satie bo i ti ka ayiri dawa ni, ama, am ma ya di i ka ya ti minem bo ya ti casi na ya la nahore wó, bo i ti ka kpono bo ba go má ayiri nu ni.

⁹ Kadasi n bo m yo du mo kere maari am ni, m seeri am ka, má am ni minem bo bu yo dangba sam sangga wo. ¹⁰ To, m sukan má durunya n nufom ni jore a, bere bo bu nati yo dangba sam ni, ni bo bu nyunu aboro nenge kpini su ni, ni bo bu fin bu bengum ni, ni bo bu su amoem ni. Nzen má i ti so yiri, nka má am fite yaki durunya n wó. ¹¹ To, bo m sukan n la ka, má am sangga ni minem bo bu yo bu nu ka bu ti am lamoko Kristofom na bu yo dangba sam, wara bu nyunu boro nenge kpini su, wara bo bu su amoem ni, wara bo bu nati kan minem jore, wara bo bu nati nu nzan bo ni, wara bo bu nati fin mine ni. Má am se ka am ni nyini sono n be so mmoo sangga di diire. ¹²⁻¹³ Má m juma la ka m di bo bu wo má Kristo jama n nu jore. Nyeme dí bu jore a. Bo bu wo Kristo jama n nu ni, amberé ti bo am di bu jore a. Nyini dee ti, kabo ba kere i Nyeme Jore Kadasi n nu ni, ka, "Am fon yi sono tie n bo i wo am nu ni."

6

Kabo bu fa bu bengu Kristofom ko jore diibiri ni

¹ Nzen am be ni i bengu Kristofom be nyaari jore be, i ti ye ni ka i mi fa jore n ko Nyeme minem n do, má i se ka i fa ko durunya n nu joredifom bo bu si má Nyeme n do fieo. ² Am si má ka Nyeme minem bá di durunya n kere jore a, nzen se? Ye nzen am bá di durunya n kere jore, nzu ti ye am koro yo má am nu nu jore mumukum dongu a? ³ Am si má ka ya bá di haari ni merkem jore? Ye nzu ti ye am koro di má jorem fa ko dekem bo bu wo durunya n nu n su a? ⁴ Amberé, nzen am la nyini jore n be so, ye nzu ti ye am fa ko minem bo Kristo jama n bu má bu n do a? ⁵ Deke

bo m sukan i ni, i ti am nyinse wɔ. Alecirafɔ haari kun n kpein mmɔɔ wo má am nu bo i koro di am ɲɲu nu jɔrem, nzen se? ⁶ Ama, ambere, am fa am bengum kɔ jɔre diibiri wɔ, na am kɔ jina minem bo bu ti má yaradayofɔm nyunu, na bu di am jɔre.

⁷ Nahɔre, am akpaasi, kabo am nati fa am bengum kɔ jɔre diibiri ni. Nzen u niwa doori u ɲgasi be, i ti ye ni ka a mindi de i. Nzen u niwa be sisiiri u, yaki ce i, i ti ye ni bo a fa i kɔ jɔre diibiri. ⁸ Ama, ambere ni am tii wura am bengum ɲgasi nu wɔ, na am susisi am bengum, haari ni am bengum Kristofɔm kere.

⁹ Am si má ka sɔnɔ kere bo i yo satie koro wura má Nyeme femeya n nu, nzen se? Má am dadaka am ɲu, minem bo bu yo dangba sa koro wura má Nyeme femeya n nu, wara bo bu su amɔem, wara bo bu saaki ajaa ciire, wara nbiesom bo bu fa bu ɲu kaaki ka nbaram na bu ni bu bengum nbiesom sanɲa da ka bara ni biesɔ deɛ su ni, ¹⁰ wara awiefɔm, wara bo bu nyunu aboro nenɲe kpini su, wara bo bu nu nzan na bu bo, wara bo bu nati kan minem jɔre, wara bo bu nati fin minem ni, bere be mmɔɔ koro wura má Nyeme femeya n nu. ¹¹ Am nbem yo ti sɔ ɔ. Ama, Nyeme anmisi ayi am satiem ni, na wɔ fa am ayo i deɛ mine casim, na wɔ de am ka am yo sa bo i kɔ atin su i dɔ, ya Mibie Yesu Kristo duma n deɛ ti, ni ya Si Nyeme Awiewie n deɛ ti.

Am fa am ɲuniembaa yo deke bo i ma Nyeme jirima

¹² Am nbem se ka, “M la atin bo m koro yo deke kere bo m koro ka m yo i,” ama, má deke kere la kperɛ a. Mini mmɔɔ koro se ka m la atin bo m koro yo deke kere bo m koro ka m yo i, ama, m yaki má na deke be kunma m. ¹³ Nbem gusu ɲa, “Diire ti akunnu deɛ wɔ, na akunnu gusu ti diire deɛ.” I ti nahɔre wɔ, ama, Nyeme bá ma akunnu n ni diire n kere ka ɲgbeen a. Ama, anuniembaa n yiri, i ti má sakaraya deɛ, ama, i ti Mibie n deɛ wɔ, na Mibie n gusu ti anuniembaa n deɛ. ¹⁴ Nyeme deɛ yiko n nu ye i tengeeri Mibie ni i yiwee nu a. I yiko n nu ye i bá tenge ya gusu a. ¹⁵ Am si má ka am ɲuniembaa n ti Kristo anuniembaa n bue be wɔ, nzen se? Ye m koro fa Kristo anuniembaa n bue be yo sakaraya, nzen se? Ai, atin wo má nu. ¹⁶ Am si má ka sɔnɔ kere bo i faari i ɲu mataari bara sakara na bu sanɲa woori, bere nnyɔ n ayo deke kun wɔ leɛ, nzen se? Dama ba kere i Nyeme Jɔre Kadasi n nu fa kɔ biesɔ ni i yi jɔre su, ka, “Bu mine nnyɔ n ayo deke kun leɛ.” ¹⁷ Sɔnɔ kere bo i faari i ɲu mataari Mibie n na bu sanɲa woori ni, i ni yiri deɛ awiewie n ayo kun leɛ. ¹⁸ Am ɲmati fite sakaraya nu. Má satie kere bo sɔnɔ yo i ye i saaki i ɲuniembaa n a. Ama, bo i yo sakaraya ni, i mi saaki i ɲuniembaa n wɔ. ¹⁹ Am si má ka am ɲuniembaa n ti ka awuru bo Awiewie Casi n wo nu n wɔ, nzen se? Yiri ye Nyeme fa maari am n a, má am deɛ la am ɲu. ²⁰ Nyeme ato am ato kaari wɔ, nyini ti, am fa am ɲuniembaa n fa yo deke bo i ma Nyeme jirima.

7

Kabo i ti ye ni ka biesɔ ni bara wo barasu ni

¹ Tɔ, jɔre n bo am kere maari m ni, am ɲa, “I ti ye ni ka má biesɔ si bara.” ² I ti nahɔre wɔ, ama, mini dɔ, sakaraya deɛ ti, i ti ye ni ka biesɔ kere la i tienɲu yi, na bara kere la i tienɲu hun. ³ I ti má ye ni ka biesɔ kete na má i ni i yi sanɲa, i kaaki ti má ye ni ka bara kete na má i ni i hun sanɲa. ⁴ Má bara n deɛ la i ɲuniembaa ni, i ti i hun n deɛ wɔ, sɔ ye i kaaki ti a, má biesɔ n gusu deɛ la i ɲuniembaa ni, i ti i yi n deɛ wɔ. ⁵ Má am kete am bengum daari, má ka am ayo anɔkɔkun ka am fa nyini sanɲa kaan sere Nyeme, nyini sin, na am kaaki sanɲa bekun, adena má Sitana yo am nie na i nya am, dama am koro tara má am ɲu deɛ ti. ⁶ I ti má ka m suma am nɔɔ ka am yaki i wɔ, ama, m suma am atin ka am koro yo sɔ ɔ. ⁷ Mini dɔ, nzen má sɔnɔ kere wo kabo m wo ni, i yo m fie, ama, sɔnɔ kere ni i aceeri bo Nyeme afa ama i, be deɛ wo i ɲgumi, na be gusu deɛ wo i ɲgumi, i kere ti má kun.

⁸ Kisa m sujɔɔ ambere nbiesom ni nbaram bo am nya ja má ni dɔ a, ni nkunafom, nzen má am wo kabo m wo ni, na am ja má, i ti kpa. ⁹ Ama, nzen am koro tara má am ɲu, am ja. Nzen am yo sɔ, i ti ye ni bo sanɣa kere am la konviki agaya fa kɔ bara ni biesɔ dika, na am koro tara má am ɲu ni.

¹⁰ Ahin ti nbiesom ni nbaram ajaafom dɛɛ jɔɛ ye m sukan i n a, má mini suse a, ama, i ti Nyeme noaniɛ maawa a, ka má bara yaki i hun ajaa. ¹¹ Ama, nzen i kɔ yoori ka be afite i hun dika, má i ja kun, i tana sɔ, wara i kaaki kɔ i hun n dika. Má biesɔ n gusu se ka i yaki i yi ajaa.

¹² Minem bo ba ka ni, m dɛɛ fɔ ye m sufa tu am n a, má Nyeme seeri sɔ a. Nzen Kristofɔ be yi ti má yaradayofɔ, na wɔ soro su ka i tana i hun n ajaa bu, má i yaki i ajaa, i bita i. ¹³ Nzen bara be ti Kristofɔ, na i hun ti má yaradayofɔ, na biesɔ n asoro su ka i ni i yi n sanɣa tana, má bara n yaki i ajaa, i tana. ¹⁴ Dama biesɔ n bo i yo má yarada ni, Nyeme ade i ayo i dɛɛ sɔnɔ, i yi n bo i ti Kristofɔ n dɛɛ ti, na bara n gusu bo i yo má yarada ni, Nyeme ade i ayo i dɛɛ sɔnɔ, i hun n bo i ti Kristofɔ n dɛɛ ti. Nzen má nyini, Nyeme dé má bu nbaam, ama, kabo i ti ni, Nyeme ade bu. ¹⁵ Ama, nzen bo i ti má yaradayofɔ n kete ka i ja má, yaki i na i kɔ, nyini sanɣa, Kristofɔ n la má ɲgasi be. Nyeme afere ya ka ya wo ni tanalaifiɛ wɔ. ¹⁶ Wɔɔɔ bara ni, beni, wɔɔɔ dɛɛ ti, u hun ni nyá tiide, na wɔɔɔ biesɔ n gusu, beni, wɔɔɔ dɛɛ ti, u yi ni nyá tiide.

Kabo ya yo ti na Nyeme fereeri ya ni, ya ti sɔ

¹⁷ Tɔ, am ma sɔnɔ kere wo kabo Mibiɛ n kereeri i sanɣa bo Nyeme fereeri i ni. Deke kere bo m kɔ Kristo jamam n nu, kabo m kere bu ka bu yo lɛɛ. ¹⁸ Nzen be wo bere, na wɔ du mɔ awura kenkenne ka, ye Nyeme ba fereeri i, i ti ye ni ka i mi yaki i kenkenne yoowa n sɔ. Nzen be gusu wo bere, na wɔ wura má kenkenne, ye Nyeme afere i, i ti ye ni ka i mi wo sɔ, má i se ka i wura kenkenne. ¹⁹ Bo wɔ wura kenkenne n ni bo wɔ wura má kenkenne ni, i be mmɔɔ ti má pui, ama, deke bo i ti jɔɛ nahɔɛ su n la ka, sɔnɔ bita Nyeme noaniɛ maawam ni. ²⁰ I ti ye ni ka sɔnɔ kere wo kabo i yo ti barasu na Nyeme nya ba fereeri i ni. ²¹ Nzen a ti akɔɔ, ye Nyeme afere u, má a ma i yo u yaa, ama, nzen a si ka a koro nya atin na a de u tii, a koro yo sɔ. ²² Dama sɔnɔ kere bo i ti akɔɔ na Mibiɛ n afere i, i ti Mibiɛ n dɛɛ sɔnɔ bo wɔ de i tii aji wɔ, sɔnɔ kere gusu bo i ti má akɔɔ na Mibiɛ n afere i, sɔ ye wɔ kaaki Kristo akɔɔ a. ²³ Nyeme ato am ato kaari wɔ, nyini dɛɛ ti, má am yo adamandem akɔɔm. ²⁴ Nyini ti, m ninbaam, kabo sɔnɔ kere ti na Nyeme afere i ni, i ti ye ni ka i mi wo sɔ ni Nyeme.

Nbaram ni nbiesom bo bu ja má n jɔɛ

²⁵ Fa kɔ minem bo ba nya aja má ajaa n dɔ ni, m la má kereewa bo i fite Mibiɛ n dɔ fa kɔ nyini n dika, ama, Mibiɛ n asi m aɲunfɔ na m la dabuɲu n dɛɛ ti, ye m koro ka m se am deke bo i wo m sunsunni nu n a. ²⁶ Miɛ n bo ya wo nu kisa n dɛɛ ti, mini dɔ, nzen má sɔnɔ kere koro wo i wo, má i ti kpa. ²⁷ Nzen a du mɔ aja bara, má a kpini atin na a yaki ajaa ni. Nzen a nya ja má gusu, má a kpini atin na a ja. ²⁸ Nzen a ti biesɔ ye a ja bara, a yo má satie, nzen a ti sunguru gusu ye a ja biesɔ, a yo má satie. Ama, wahara n bo ajaajafom di i durunya n nu n ye m koro má ka am di i be a.

²⁹ M ninbaam, deke bo m suse n la ka, sanɣa n waari má kun. Nyini ti, fa kisa fa kɔ, bo bu la nbaram ni, i ti ye ni ka bu wo ka bu la má be. ³⁰ Na bo bu sun ni, ma bu wo ka bu sun má, na bo bu ahore ajo ni, ma bu wo ka bu ahore ajo má, na bo bu to nenɣem ni, ma bu wo ka má bu dɛɛ la nenɣe ni. ³¹ Na bo bu fa durunya n nu nenɣem fa yo bu jumam ni, ma bu wo ka bu cɛɛ wo má bu nu, dama ahin durunya n ni deke kere bo i wo nu n ti siinwa a.

³² M koro má ka deke be miɛ am, am sunsunni nu. Sɔnɔ bo i la má bara ni, i sunsunni kere wo Mibiɛ n dɛɛ juma ni su a, i dɛɛ la ka, i yo sa bo i sun Nyeme nu wɔ.

³³ Ama, sɔnɔ bo wɔ ja bara, i sunsunni kere wo durunya n nu dɛɛ dekem ni su a, i

dɛɛ la ka, i yo sa bo i sun i yi nu wɔ, ³⁴ nyini ti, i sunsunni ti nnyɔ nnyɔ ɔ lɛɛ. Na bara bo i ja má, wara sunɔguru bo i si má biɛsɔ, i sunsunni kɛrɛ wo Mibiɛ n juma ni su a, adena i wo casi i ɲuniɛmbaa ni i awiɛwiɛ nu. Ama, bara bo i la hun, i sunsunni kɛrɛ wo durunya n nu dɛɛ dekem ni su a, i dɛɛ la ka, i yo sa bo i sun i hun nu wɔ. ³⁵ M koro ka m buka am wɔ, nyini ti ye m se sɔ n a, i ti má ka m koro ka m kanda am atin wɔ. Ama, m koro ka am yo sa kɛrɛ bo i kɔ atin su wɔ, na am fa am ɲu ma Mibiɛ n nahɔrɛ su, na am su i nyunyumi.

³⁶ Ama, nzen sunɔguru be wo bɛrɛ na wɔ nya si má biɛsɔ, na ba ce i, na i ni biɛsɔ n kɛrɛ ayo bu sunsunni nu ka bu ja má, ama, kasin na biɛsɔ n ba ɲu ka i koro tara má i ɲu, na bara n aju ajaa, i koro ja i, i ti má satie. ³⁷ Ama, nzen wɔ jina su kekereke i sunsunni nu, na i ti má deke bo bu miɛ i, na i koro tara i ɲu fa kɔ i kunnu koroowa su, na wɔ yo i sunsunni nu ka i ja má sunɔguru ni, ama, bu wo ka bu ti danfoya a, bo bu si má bu beɲgu ka bara ni biɛsɔ, nyini ti kpa a. ³⁸ Nyini ti, sɔnɔ kɛrɛ bo i jaari i sunɔguru ceewa ni, nyini ti kpa, ama, bo i ja má i fieo ni, i mi yo sakpa tara bo i ja i ni.

³⁹ Nzen bara ni i hun wo bɛrɛ, na biɛsɔ n nya wu má, bara n la má atin bo i fite i ajaa n bu, ama, nzen i hun wuuri, i la atin bo i kɔ ja sɔnɔ kɛrɛ bo i koro, ama, wɔ yo daka ka i mi ti Mibiɛ n dɛɛ sɔnɔ. ⁴⁰ M dɛɛ sunsunni nu, nzen má i wo sɔ na i ja má, má i la terefie agaya tara bo i ja. M nie ka mini mmɔɔ ni m tii la Nyɛmɛ Awiɛwiɛ ni.

8

Amɔɛ diire diiwam n jɔrɛ

¹ Tɔ, fa kɔ dekem bo bu kpɛ bu kɔm yo tie fa ma amɔɛm dɛɛ jɔrɛ, ya si ka ya kɛrɛ la si. Ama, si ka nyini n sɔ ma mine wura bu ɲu kpɛri wɔ, ama, koro yiri, i buka sɔnɔ ɔ, na i woowa ti kpa. ² Sɔnɔ kɛrɛ bo i yo i ɲu ka i si deke be, i mi nya la má si nahɔrɛ su kabo má i sunsun ka i si i ni. ³ Sɔnɔ kɛrɛ bo i koro Nyɛmɛ ni, Nyɛmɛ si yiri wɔ.

⁴ Nyini ti, fa kɔ kabo minem di amɔɛ tie diirem ni, ya si ka amɔɛ ti má pui durunya n nu, na nyɛmɛ be wo má bɛrɛ sin ya Nyɛmɛ ni ɲgumi kpein ɲu. ⁵ Haari nzen dekem bo minem ɲa bu ti amɔɛm wo angoro ni asiɲgu fen, na nzen i ti nahɔrɛ ka amɔɛm ni mibiɛm dɔɲgu wo bɛrɛ mmɔɔ, ⁶ yɛrɛ dɔ, Nyɛmɛ kun n kpein wo bɛrɛ a, yiri la ya Si Nyɛmɛ, yiri yo yiiri deke n kɛrɛ a, ya wo bɛrɛ ma yiri wɔ. Ya kaaki la Mibiɛ kun n kpein wɔ, yiri la Yesu Kristo, Nyɛmɛ ma yiri yiiri deke n kɛrɛ a, i dɛɛ ti ye ya wo bɛrɛ a.

⁷ Ama, má sɔnɔ kɛrɛ la nyini si n a, nbem wo bɛrɛ bo ba su amɔɛm aɛɛ, nyini ti, haari ni kisa nzen bu diiri nyini diire n be, bu sunsun ka bu toko di amɔɛ tie nie wɔ, na bu sunsunni suma bu nnyɔ nnyɔ ɔ, ka bu ti má casi. ⁸ Nyɛmɛ de má ya diire dɛɛ ti, nzen ya diiri i, i buka má ya pui, nzen ya di má i gusu, i kpɛ má ya su. ⁹ Ama, am si am ɲu sa, ambɛrɛ bo am ade am tii ni, na má am yo sa be bo i ma am niwa n bo i jaa kpaasi, yiri n bo i yarada ti má biiwa ni. ¹⁰ Nzen sɔnɔ bo i sunsunni n ti nnyɔ nnyɔ n ɲu ka wɔrɔ bo a la nyini si n sɔ wo amɔɛ awuru n nu sudi amɔɛ diire be, nyini ma i ahoresi ka i di be na i nie a, má sɔ? Ɛɛn, i mi dí ɔ. ¹¹ A yoori sɔ, u si n dɛɛ ti, a suma u niwa n ka ɲgbɛɛn lɛɛ, yiri n bo i yarada ti má biiwa ni. Yiri gusu ti u niwa bo Kristo wuuri i dɛɛ ti wɔ. ¹² Nzen am yo sɔ, am suyo am ninbaam satie wɔ lɛɛ, na am sufɔndɔ bu sunsunni bo i ti nnyɔ nnyɔ n lɛɛ, nyini n sɔ ni, am suyo Kristo gusu satie wɔ lɛɛ. ¹³ Nyini ti, nzen diire bo m di i, na i ma m niwa Kristofɔ bo i jaa kpaasi, m dí má nie bekun fieo, adena má m niwa n bo i jaa kpaasi.

9

Atin bo Kristo jaramasam la i fa kɔ bu juma n su ni

¹ M ti má sɔnɔ bo ma de m tii wɔ, nzen sɛ? M ti má Kristo jaramasa a, nzen sɛ? Ma ŋu má ya Mibiɛ Yesu wɔ, nzen sɛ? Kabo am ayo yarada ni, má ambere ti m juma-yoowa, Mibiɛ n dɛɛ ti a, nzen sɛ? ² Haari nzen nyingam de má m ka m ti jaramasa, ambere si ka m ti i jaramasa a, dama kabo am ni Mibiɛ n ayo kun ni, nyini kere am ka m ti i jaramasa a.

³ Nzen mine se m jɔrɛ, ka m ti má Kristo jaramasa, má m bisa bu ka, ⁴ mini ni Banabasi, ya la má atin ka ya de deke bo ya di i, ni deke bo ya nu i, Kristo jama n dɔ ɔ, nzen sɛ? ⁵ Ya la má atin ka nzen ya sukɔ atin, ya koro fa ya yim bo bu ti yaradayofɔm bita nu, kabo ya beŋgu Kristo jaramasa nbem yo ni, ni kabo ya Mibiɛ niemam, ni Kefasi bo bu kaaki fere i ka Petoro gusu yo ni, nzen sɛ? ⁶ Wara m ni Banabasi ŋgumi ye i ti ye ni ka ya yo ya saa nu juma ka, na ya nya di a? ⁷ Nma wo bere bo i yo soja juma na i tɔ i tii su kaari a? Ai, bu tɔ bu wɔ. Nma wo bere bo i ta bakam, na i di má suuwam be a? Ai, bu di wɔ. Wara nma wo bere bo i sasa nenɔndɔrem na i nu má nɔnɔ a? Ai, bu nu wɔ. ⁸ M sufa má adamande dɛɛ sunsunni nu ye m sufa se sɔ n a, ama, kabo nɔaniɛ kpamaawa n kere lɛɛ. ⁹ Ba kere i Nyeme nɔaniɛ kpamaawa n bo i fa maari Moyisi n nu ka, “Nzen a bita toora subobo ŋgani, má a cici i nɔɔ.” Tɔ, naanim ŋgumi ye Nyeme cɛɛ wo bu nu a, nzen sɛ? Ai, má bere ŋgumi. ¹⁰ Nahɔrɛ, ya ti ka dɔdɔrifɔm wɔ, yere dɛɛ ti ye bu kereeri sɔ a, adena bo i dɔ ŋgani n ni bo i bobo i n kere la tama ka bu nyá be na bu kpáaki nu. ¹¹ Yere kaanri Nyeme nɔaniɛ ni kereeri am a, kabo dɔdɔrifɔ dɔ alembaa ni, na ambere ade i. Ye nzen i ti sɔ, yere la má atin bo ya koro nya deke be am dɔ, nzen sɛ? ¹² Nzen nyingam la atin ka bu de nenɔgem am dɔ, yere la má atin bo ya de tara sɔ, nzen sɛ?

Ama, yere akere má ya yiko ka ya de nyini n be sɔ, dama ya koro má ka ya kanda minem, na má bu de Kristo labari kpa ni. ¹³ Am si má ka, minem bo bu yo juma Nyeme Sereebiri Awuru n nu ni di nyini nu wɔ, nzen sɛ? Na bo bu nati yo juma Mikun yoowa yoobiri n su ma minem gusu di nyini nu wɔ, nzen sɛ? ¹⁴ Sɔ ye Mícɛra n ama nɔɔ a, ka bo bu kan labari kpa n jɔrɛ n nya deke bo bu di i fite labari kpa n kan nu a.

¹⁵ Ama, haari ni bo má m la atin ka m yo sɔ ni, ma yo má nyini n be sɔ, na m sukere má ahin kadasi n ka m de deke be am dɔ ɔ, dama nzen m wuuri, má i ti ye tara bo be se ka m fɔ yanfɔya ŋgbɛɛn ni. ¹⁶ Nzen m kan labari kpa n jɔrɛ kere mine, m la má atin bo m fɔ, dama i ti m juma bo Nyeme ama m ka m yo i wɔ. Nzen m keteeri ka m yo má i, m nyá suicin. ¹⁷ Nyini ti, nzen m kan labari kpa n jɔrɛ m koroyanu, m nya ŋkatɔ, ama, i ti má m koroyanu, dama Nyeme afa nyini juma n ama m ka m yo i a. ¹⁸ M dɛɛ ŋkatɔ la bɔnɔ? Yiri la ka m kan labari kpa n jɔrɛ fa kere minem ŋgbɛɛn, m la atin bo m sere deke be bu dɔ, ama, m yo má i.

¹⁹ Haari ni bo ma de m tii na m ti má be dɛɛ akɔɔ ni, m fa m ŋu yo akɔɔ ma sɔnɔ kere wɔ, adena m koro nya mine dɔŋgu na bu su Kristo su. ²⁰ Nzen m kɔɔri Yudafɔm dɔ, m yo kabo bu yo n wɔ, adena m koro nya bu nbem na bu su Kristo su. Nzen m kɔɔri minem bo Nyeme nɔaniɛ kpamaawa n niɛ bu su n dɔ, haari ni bo nɔaniɛ kpamaawa n niɛ má mini ni m tii su kun ni, m yo kabo bu yo n wɔ, adena m koro nya minem bo nɔaniɛ kpamaawa n niɛ bu su ni nbem na bu su Kristo su. ²¹ Nzen m kaaki kɔɔri minem bo bu la má nɔaniɛ kpamaawa n dɔ, m yo kabo bu yo n wɔ, i ti má ka m su má kabo Nyeme nɔaniɛ kpamaawa n kere n su wɔ, ama, Kristo dɛɛ nɔaniɛ ni niɛ m su a, adena m koro nya minem bo bu la má nɔaniɛ kpamaawa n na bu nbem su Kristo su. ²² Nzen m kɔɔri minem bo bu yarada la má fanɔga n dɔ, m yo m ŋu ka mini mmɔɔ la má fanɔga wɔ, adena m koro nya bu nbem na bu su Kristo su. Deke kere bo m kɔ, m yo m ŋu kabo nyini minem yo barasu n wɔ, adena m koro ma bu nbem nya tiide. ²³ M yo nyini n kere sɔ ɔ, labari kpa n dɛɛ ti, adena m ni nyingam kere sanɔga di i kperɛ.

²⁴ Am si ka nzen minem awura akuruwa ka bu ηmati, na bu nie bo i kunma i bengum, bu kere ηmati wɔ, ama, bu nu sɔnɔ kun bo i kɔ kunmaari bu kere ni, yiri nya aceeri n a. Nyini ti, sɔnɔ kere mie i nyi, na i wo woowa kpa fa kɔ Kristo atin n su, kabo ηmatiirifo n bo i kunma i bengum n ti ni, adena i nya aceeri ni. ²⁵ Minem bo bu ηmati ηmatiiri ni, wara bo bu bo baalo ni, bu kere boro bu nyi wɔ ni anyumboro fa kɔ nyini kɔkɔrɔ n su. Bu yo sɔ sɔ na bu nya aceeri n bo i ce má ni, ama, yere yiri, ya nyá aceeri n bo i wie má na i wo bere sanja kere n wɔ. ²⁶ Nyini dee ti, mini, m ηmati má ηgbɛɛnηgbɛɛn ka sɔnɔ bo i si má bo i wo nu ni. M ti má sɔnɔ bo m bo acɔre na m bo fun. ²⁷ Ama, m kere m ηuniɛ n wahara a, na i yo kabo m koro ni, adena má m yo sɔnɔ bo m kan labari kpa n jɔre kere minem, na mini mmɔɔ fun aceeri ni.

10

Kabo Pɔɔlu bɔbɔri bu ka má bu su amɔem ni

¹ M ninbaam, m koro ka m tenge am su ka sanja bo ya nam yo suuri Moyisi su fiteeri Ijipiti asien n su ni, yinyingum n yo kataari bu kere ηu wɔ, na bu kere ayo awura kunma nzue bambaka n nu na ba kpɛ. ² Kabo i yoori sɔ ni, i yo ti ka ba bie bu Nyeme nzue, afa bu ama Moyisi wɔ lee. ³ Bu kere yo sanja diiri diire n bo i ti má durunya n nu fen dee diire n a, ⁴ na bu kere asanja anu deke nuuwa kun n bo i ti má durunya n nu fen dee ni, dama yabue n bo nzue n songi fiteeri nu na bu nuuri i n na i suuri bu su ni, i fite má durunya n nu fen, nyini yabue n la Kristo Tiidefo ni. ⁵ Ama, haari ni nyini mmɔɔ, bu dɔngum sayoowa asun má Nyeme nu, nyini dee ti na ba wu aka ηgbɛɛn boro kpantain n nu.

⁶ Tɔ, ahin sam kere bo bu yo yoori ni, bu ti deke bo bu sufa kere ya a, ka má ya sufa konviki, na ya su satiem su, kabo bu yo yoori ni. ⁷ Na má am su amɔem kabo bu nbem yo yoori ni. Kabo ba kere i Nyeme Jɔre Kadasi n nu ni, ka, “Minem n yo tanaari wɔ, na ba di, na ba nu, na ba nya ayasu ago agɔre.” ⁸ Má am ma ya yo sakaraya kabo bu nbem yo yoori, na cɛen kun nu na bu minem kɔ akpii aburanyɔ ni akpii nsan wuuri ni. ⁹ Má am ma ya yo Mibie n na ya nie, kabo bu nbem yo yoori i na bu nie, na woom kan kuunri bu ni. ¹⁰ Má am sunɔnti kabo bu nbem yo ηunɔntiiri na mereke saakifo n ba kuunri bu na bu kaari ηgbɛɛn ni.

¹¹ Ahin sam kere bo bu yo yoori ni, bu ti deke bo bu sufa kere ya wɔ, nyini ma bu kerɛeri bu seeri n a, na bu fa bɔbɔ yere n bo ya wo ahin awieeri su sanja n nu ni. ¹² Nyini ti, sɔnɔ kere bo i sunsun ka i jina nyunyumi, i ti ye ni ka i mi si i ηu sa, na má i kpaasi. ¹³ Gberɛgbere be wo má bere bo wɔ tu am, na i be nya tu má adamande. Nyeme la dabunɔ, i yáki má na gberɛgbere bo i kúnma am bá tu am, ama, haari nzen gberɛgbere be bá tuuri am, i kpini atin ma am, na i má am koro mindi de i.

¹⁴ Nyini dee ti, m ninbaa koroowam, am ηmati fite amɔe su nu. ¹⁵ M sujɔɔ am do ka am ti minem bo bu nyunu ateke wɔ, ambere mmɔɔ ni am tii, am si deke n bo m sujɔɔ i n bu. ¹⁶ Nzen ya sudi ya Mibie n diire ni, na ya faari awa n ni nzan n na ya yo kisi go su, na ya kere sanja nuuri i, i ti Kristo mbunja wɔ lee, ye ya nu i n a. Kpɔnɔ n gusu bo ya kpiekpɛ i nu na ya sanja di i ni, i ti Kristo ηuniembaa n wɔ lee, ye ya di i n a. ¹⁷ Kpɔnɔ n bo ya kere sanja di i n ti mɔmɔ kun wɔ, nyini dee ti, yere bo ya ti mine beberebe ni, ya ti anuniembaa kun wɔ lee, dama ya kere sanja di kpɔnɔ kun n wɔ. ¹⁸ Am nie kabo Yisarelifom yoori ni. Minem bo bu di dekem bo bu fa yo yoowa Mikun yoowa yoobiri n su n ni, bu ni Nyeme la wo fie bo i ma bu yo anɔkun, fa kɔ bu nyemesu atin n su. ¹⁹ M suse má ka dekem bo bu yo tie n ma bu n wo má bere wɔ, wara amɔem ni bu tii wo má bere. Ai, má sɔ. ²⁰ Ama, dekem bo amɔesufom yo tie ma bu ni, bu yo ma ajinim wɔ, bu yo ma má Nyeme. M koro má ka am di amɔe tie diirem, na am ni ajinim sanja. ²¹ Nahɔre, m koro ka am si ka am koro nu má ya Mibie ni nzan awa n nu, na am kaaki nu ajinim dee gusu buka su, nyini koro yo má,

na am kaaki koro di má ya Mibiε n diire ni, na am kaaki di ajinim dεε buka su, nyini koro yo má, ²² wara ya koro ka Mibiε n si ya kƆrε na i fa yaa ya ηu wƆ. Ya la fanƆa tara i wƆ, nzen sε? Ai, ya lá má fanƆa.

Ya yo sa bo i sun Nyeme nu

²³ Am nbem se ka, “Ya la atin bo ya koro yo deke kεrε bo ya koro ka ya yo i ni.” I ti nahƆrε wƆ, ama, má deke kεrε la kƆrεrε a. Am ηa, “Ya la atin bo ya koro yo deke kεrε bo ya koro ka ya yo i ni.” I ti nahƆrε wƆ, ama, má deke kεrε buka ya a. ²⁴ Má am niε kabo am yo na ambere ηgumi yo ye, ama, am niε kabo am yo na am bengum gusu yo ye. ²⁵ Niε kεrε bo nanƆosim tƆ i ni, am di i, má am yo sika. ²⁶ Dama ba kεrε i Nyeme JƆrε Kadasi n nu ka, “Durunya n ni deke n kεrε bo i wo nu n ti Micera n dεε wƆ.” ²⁷ Nzen sƆnƆ bo i yo má yarada baandiiri am ka am ba di diire, na am soro su, am di deke kεrε bo bu fa ma am ni, má am kεrε nu, sika dεε ti. ²⁸ Ama, nzen be se am ka, ahin niε n ti tie niε wƆ, nyini yiri, má am di, yiri n bo wƆ se sƆ ni, i sunsunni suma i nnyƆ nnyƆ n dεε ti, má am di. ²⁹ I mi n dεε sunsunni nnyƆ nnyƆ n dεε ti, má a di i, má u dεε ti a. M dεε la m tii, ye nzu ti ye m ma be dεε sunsunni nnyƆ nnyƆ n di m jƆrε, na má m yo kabo m koro a. ³⁰ Nzen m da Nyeme asi gƆ diire n su na m di i, be yo sε koro jaraki m diire n dεε ti a? Dama ma du mƆ ada Nyeme asi ago diire n su.

³¹ Nyini ti, nzen am diiri diire, wara am nuuri deke nuuwa, wara deke kεrε bo am yoori i, am yo i na i wura Nyeme kƆpiri. ³² Má am yo sa bo i ma minem bo bu jaa na bu kƆpaasi, bo bu ti YudafƆm ni, ni bo bu ti má YudafƆm, haari ni Kristo jama ni. ³³ SƆ ye mini mmƆƆ ni m tii boro m nyi a, na m yo sa bo i sun sƆnƆ kεrε nu, m suniε má kabo m yo na mini ηgumi yo ye wƆ, ama, m yo deke bo i buka sƆnƆ kεrε wƆ, adena bu nya tiide.

11

¹ Am sƆn m su, na am ma am woowa ti kabo m woowa ti barasu n na m sƆn Kristo su ni.

Tii kata su jƆrε fa kƆ nyemesere su

² TƆ, m kansu am wƆ, dama sanƆa kεrε am nati tenƆe m su wƆ, na am bita kereewam bo m fa kereeri am n ni nahƆrε su ni. ³ Ama, deke bo m koro ka am si i la ka, biεsƆ kεrε tiifƆ la Kristo wƆ, na bara kεrε tiifƆ la i hun, na Kristo gusu tiifƆ la Nyeme. ⁴ Nyini ti, biεsƆ kεrε bo i susere Nyeme, wara i sukan Nyeme nƆaniε n kere minem, na i kata i tii su, i mi awura i tiifƆ n nyinse wƆ lεε. ⁵ Na bara kεrε bo i susere Nyeme, wara i sukan Nyeme nƆaniε n kere minem, na wƆ kata má i tii su, nyini bara n suwura i tiifƆ nyinse wƆ lεε. I ti ka wƆ yi i tii wƆ lεε. ⁶ Nzen bara kete ka i kata má i tii su, nyini yiri, i ti ye ni ka i kƆiεkƆiε i tii ni, ama, nzen i ti i nyinse ka i kƆiεkƆiε i tii, wara i yi i, nyini yiri, i ti ye ni ka i fa deke kata su. ⁷ Nyini ti, i ti má ye ni ka biεsƆ susere Nyeme na i fa deke be kata i tii su, dama i ferema ni Nyeme wƆ, i de Nyeme jirima woowa a, ama, bara n yiri, i de biεsƆ n jirima woowa a. ⁸ Dama Nyeme afa má bara ye i fa yoori biεsƆ a, ama, i du mƆ yiiri biεsƆ Ɔ ka, na wƆ nya ayi bara afite i ηuniε nu. ⁹ Má bara dεε ti, ye Nyeme yoori biεsƆ a, ama, biεsƆ dεε ti, ye i yoori bara a. ¹⁰ Nyini dεε ti, wƆ yo daka ka bara cin acici, na i kere ka be la i yiko, merεkem dεε ti. ¹¹ Ama, haari ni nyini n kere ni, fa kƆ Mibiε n dεε atin n su, bara wo má i ηgumi, na biεsƆ gusu wo i ηgumi. ¹² Dama kabo Nyeme yo yiiri bara fiteeri biεsƆ ηuniε nu ni, sƆ ye bara gusu wu biεsƆ a, ama, deke n kεrε fite Nyeme dƆ Ɔ. ¹³ Ambere mmƆƆ ni am tii, am sunsun na am niε, i ti kƆa ka bara sere Nyeme na má i cin acici? ¹⁴ Am niε kabo adamande woowa ti a, i kere ka nzen biεsƆ yaki i tiinmiε na i yo tintiin jƆnjƆndi, minem bu má i. ¹⁵ Ama, nzen bara la tiinmiε tintiin ye i la jirima a, dama Nyeme ama i tiinmiε n ka i fa kata i tii su wƆ. ¹⁶ Nzen be wo am nu na i yo i ηu ka i se akuruwa fa kƆ kabo m

suse ni, m koro ka m se am ka, yere, ya su má nyini yoowa n su, haari ni deke kere bo Kristo jamam tien bu nöö ni, be yo má so.

Ya Mibié n diire n jöre

¹⁷ Tö, ahin kereewam bo m koro ka m fa kere am ni, m koro kansi má am, dama sanğa bo am ba tien am nöö, sam bo am yo bu ni, bu buka má am, bu ma am kó am sin wó. ¹⁸ Ciciri su, ma ti ka sanğa bo am ba tien am nöö na am su Nyeme ni, am la kpakpaakinu wó. Ma yo yarada ka, beni, i ti nahore wó. ¹⁹ Nahore, wó yo daka ka am la kpakpaakinu am nu, adena am si bo bu ti yaradayofóm nahore su ni. ²⁰ Am ba tien am nöö ni, má ya Mibié n diire n ye am tien am nöö di i n a. ²¹ Dama sanğa bo am ba sudi ni, sönö kere di i tienngu diire wó, be ñminda má i benggu, na ahoe suti nbem, na nbem nu nzan subo. ²² Am la má am tienngu awurum wó, bo am koro di na am nu wó, nzen se? Wara am bu Kristo jama ni ngbeen wó, haari na am suwura bo bu la má pui nyinse? Am ña m se am se wó? Am ña m kansi am wó, nzen se? Ai, m koro kansi má am ni nyini yiri.

²³ Dama deke n bo mini ni m tii deeri i fiteeri Mibié n dö ni, nyini ye ma fa akere am n a. Kõngue n bo bu tóori ya Mibié Yesu maari i kpófóm ni, na wó fa kpónö, ²⁴ na wó da Nyeme asi, na wó bubu i nu, na wó se bu ka, "Ahin kpónö n ti m ñuniembaa lee ye m sufa ma am n a. Am yo ahin so adena am fa tenge m su." ²⁵ Bu diiri diire n wieeri ni, na wó kaaki afa awa n ni nzan ni, na wó se bu ka, "Ahin nzan n ti sesesu fofore n bo Nyeme sufa m mbunja n sudi i di wó. Sanğa kere bo am ba sunu nyini nzan ni, am tenge m su." ²⁶ Nyini la ka, sanğa kere bo am ba sudi ahin kpónö n na am sunu ahin nzan ni, am subo Mibié n yiwee ni ndoori wó lee, haari fa kó ju sanğa bo i bá kaaki ba bekun ni.

²⁷ Nyini ti, sönö kere bo i diiri ya Mibié n kpónö ni, wara i nuuri i nzan ni, na i bu má i, Nyeme dí i mi jöre jaraki i, dama wó fa má ya Mibié ñunie n ni i mbunja n ayo má juma. ²⁸ Wó yo daka ka sönö kere nie i ahorembaa su ka, na i nya di ahin kpónö ni, na i nya nu nzan ni. ²⁹ Dama sönö kere bo i diiri kpónö n na i nuuri nzan n na wó si má ka ya Mibié ñuniembaa n lee, Nyeme bá di i mi jöre jaraki i. ³⁰ Nyini dee ti ye am nu, mine döngu ayoroki ada tukpaki, haari nbem awu n a. ³¹ Nzen yere ni ya tii du mó fiiti nieeri kabo ya woowa ti, Nyeme di má ya jöre cin má ya sui. ³² Ama, nzen Mibié n fiiti ya na i cin ya sui, i yo so o adena i di má ya jöre na i yo ya ngbeen, ceen n bo i bá di durunya n nufóm jöre ni.

³³ Nyini dee ti, m ninbaam, sanğa kere bo am ba tien am nöö, na am di, am kere ñminda am benggu, na am sanğa di. ³⁴ Nzen ahoe ati be, i ti ye ni ka i mi di diire awuru ka, na i nya ba, adena nzen am ba tien am nöö, na má Nyeme di am jöre cin am sui. Jöre n kere bo wó ka ni, nzen m ba baari, m yó i döngu.

12

Aceerim bo Awiewie Casi n fa ma minem n jöre

¹ Tö, m ninbaam, m koro ka am si sa bo i wo bere fa kó Awiewie Casi n aceerim su. ² Am si ka sanğa bo am yo su má Nyeme ni, bu yo taari am nyi wó, na am susu amóem bo bu koro jójo má ni. ³ Nyini ti, m koro ka am si ka sönö kere bo Awiewie Casi n wo i dö, i mi koro se má ka, "Yesu aka ngbeen," na be gusu koro se má ka "Yesu ti m Mibié," má ka Awiewie Casi n wo i mi dö.

⁴ Aceerim barasu barasu wo bere, ama, Awiewie Casi n ti kun wó. ⁵ Amusuim bo ya yo buka minem wo bere barasu barasu, ama, ya su Mibié kun wó. ⁶ Sönö kere la atin barasu barasu kabo i mi koro fa yo i juma, ama, Nyeme kun ni yo nyini n kere a. ⁷ Nyeme ma sönö kere Awiewie Casi n aceerim n bo i kere ka Awiewie Casi n wo i mi dö a, na i fa buka Kristo jama n kere. ⁸ Awiewie Casi ni ma sönö be jójo alecira jöre a,

nyini Awiewie ni ma be gusu jɔɔ si jɔɔ a. ⁹ Nyini Awiewie ni ma be yarada ye i yo yiko juma n a, nyini Awiewie kun ni ma be yiko ye i mi n koro tuntun tukpakifom na bu nya laifie a. ¹⁰ Nyini Awiewie ni ma be yiko ye i koro yo alekutura sam a, yiri ma be yiko ye i kan Nyeme noanie n kere minem a, yiri ma be yiko ye i koro si jɔɔ n bo i fite Nyeme Awiewie Casi n do a, yiri ma be yiko ye i koro jɔɔ anie barasu barasu a, yiri gusu ma be yiko ye i koro kere anie barasu barasum bu a. ¹¹ Nyini Awiewie kun ni yo nyinim kere a, yiri ce sono kere aceeri barasu barasu n kabo i koro a.

Aɔuniembaa kun n ni i bue barasu n jɔɔ

¹² Aɔuniembaa n la bue barasu barasu beberebe wo, haari ni bo i la bue barasu barasu ni, i ti aɔuniembaa kun wo, Kristo gusu ti so o lee, yere ti i bue barasu barasu n a. ¹³ Awiewie kun n ye ba fa abie ya kere Nyeme nzue a, ye ya kere ayo aɔuniembaa kun, bo bu ti Yudafo, ni bo bu ti ma Yudafo, bo bu ti akoom, ni bo bu ti ma akoom, ya kere ade nyini Awiewie kun ni ya ahore su a.

¹⁴ To, aɔuniembaa n la bue barasu barasu beberebe wo, bu ti ma kun. ¹⁵ Nzen ma ajaari n seeri ka, “M ti ma asaa, nyini ti, m ti ma aɔuniembaa n be fieo,” nyini kere ma ka i ti ma aɔuniembaa n bue be kun wo. ¹⁶ Na nzen ma asui n gusu seeri ka, “M ti ma anyumbaa, nyini ti, m ti ma aɔuniembaa n be fieo,” nyini kere ma ka i ti ma aɔuniembaa n bue be kun wo. ¹⁷ Nzen ma aɔuniembaa n bue n kere tiiri anyumbaa, ma bu yo se koro ti deke nga a? Ye nzen ma bu kere tiiri asui, ma bu yo se koro de nvan a? ¹⁸ Ama, kabo Nyeme koro n ye wo fa ama aɔuniembaa bue barasu n kere a, ye wo yo i aɔuniembaa kun a. ¹⁹ Nzen ma i kere ti bue barasu kun, ma i ti ma aɔuniembaa lee. ²⁰ Kabo i ti ni, aɔuniembaa bue barasu n sunnu, ama, i ti aɔuniembaa kun wo. ²¹ Nyini ti, anyumbaa n koro se ma asaa n ka, “Woro, a kun ma m kperere be, m koro ma u.” Wara atii n koro se ma ajaari n ka, “Woro, a kun ma m kperere be, m koro ma u.” ²² Ama, haari aɔuniembaa bue barasum n bo ya na bu la ma fanga ni mmoo kun kperere wo. ²³ Na aɔuniembaa bue barasu n bo i la ma jirima ni, yiri ye ya nie i dika nyunyumi a. Na aɔuniembaa bue barasu n bo ya nu i ka i la ya nyinse ni, ya yo yiri dongu a, na ma ya di nyinse. ²⁴ Na aɔuniembaa n bue n bo bu wo fofoe nu ni, ya nie ma bu dika nyunyumi. Ama, kabo Nyeme yoori aɔuniembaa n ni, deke n bo yere fa ma i yo ma pui ni, yiri ye wo wura i jirima a, ²⁵ adena ma i la kpakpaakinu, ama, na bue barasu n kere cece wo i benggu nu. ²⁶ Nzen aɔuniembaa bue kun diiri yaari, aɔuniembaa bue n kere sudi yaari n a, ye nzen aɔuniembaa n bue be sunya kansu, aɔuniembaa bue n kere ahore ti jooa wo lee.

²⁷ Ambere kere ti Kristo aɔuniembaa n wo, na am kere kun kun n ti i bue barasu be wo lee. ²⁸ Na Nyeme ayi i mine nbem Kristo jamam n nu, na wo ma bu kere ni bu juma. I du mo yiiri jaramasam wo, nnyo su, bo bu kan Nyeme noanie n kere minem ni, nsan su la kerefom, bo bu buka su la bo bu yo alekutura sam ni, ni bo bu tuntun tukpakifom na bu nya laifie ni, ni bo bu buka minem ni, ni Nyeme mine mofom bo bu kere nyaari ni, ni bo bu joo anie barasu barasu ni. ²⁹ Sono kere ti jaramasa a? Ai. Sono kere kan Nyeme noanie n kan kere minem a? Wara sono kere koro kere a? Ai. Sono kere la yiko koro yo alekutura sam a? Ai, i ti ma so. ³⁰ Sono kere la yiko koro tuntun tukpakifom na bu nya laifie a? Ai. Sono kere koro joo anie barasu barasu a? Ai. Sono kere koro yi anie jooa barasu barasu n bu a? Ai. ³¹ Ama, am kere boro am nyi na am nya aceerim n bo bu la ma anusu ni.

Kisa, m koro ka m kere am atin n bo i ti kpa tara i kere ni.

13

¹ Nzen m jöjɔ adamande anie barasu barasu n kere, na nzen m jöjɔ merékem anie, na m koro má minem, m ti ka adanwore wɔ, wara m ti ka coco bo i bobo i benngu na i yo nanmie ngbeen wɔ. ² Nzen m de Nyeme noanie n Awiewie Casi n do, na m kan kere minem, na m la si kere na m si deke n kere bo bu wo asiri nu ni, na nzen m la yarada haari bo m koro se bukam ka bu yasu bu tanaabiri, ama, na m koro má minem, m ti ngbeen wɔ lee. ³ Na nzen m faari m nengem kere fa kpaaki nu maari yaarifom, na m faari m nuniembaa fa maari, na bu yara m sin, na m koro má minem, nyini n kere bo m yo i n ti ngbeen wɔ lee.

⁴ Sono bo i la koro, i mi la sawore wɔ, na i yo kpa, i mi si má mine kore, i mi fo má yanfoya, i mi koro má kpiri. ⁵ Sono bo i la koro, i mi la má anyumbaa wuruuwa, i mi yo má sa bo yiri ngumi yo ye, i mi fa má yaa ndende, i mi fa má jore se má i kunnu na i tenge su. ⁶ Sono bo i la koro, i mi ahore ti má jowa fa ko satie su, ama, i mi n ahore ti jowa fa ko deke bo i ti nahore su a. ⁷ Sono bo i la koro mindi de deke kere wɔ, na i la yarada fa ko deke kere nu, na i la ahoresi fa ko deke kere nu, na i la mindi sanja kere.

⁸ Koro la má awieeri. Ama, aceerim bo Awiewie Casi n fa ma minem na bu koro kan Nyeme noanie n kere minem ni, i la sanja bo i ba sin wɔ, minem bo bu jöjɔ anie barasu barasum ni, bu bá mo bu noo o, na bo bu la si ni, i la sanja bo i bá sin wɔ. ⁹ Kisa ya si má deke n kere wie má, na Nyeme noanie n bo ya kan kere minem ni, ya si má i kere wie má. ¹⁰ Ama, nzen Kristo ba baari, nyini sanja deke n bo ya si má i kere ni aba i awieeri lee. ¹¹ Sanja bo m yo ti baatuma ni, m yo jöjɔ baatumaya jore wɔ, na m sunsun kabo baatuma sunsun ni, ama, m nyunu ba tiiri ni, na ma yaki baatumaya jorem n kere. ¹² Kisa dekem bo ya nu i ni, i ti ka ya nie nu i nieenu nu wɔ, ama, ya bá nu i fofoe nu, kabo ya nu ya nu n wɔ. Kisa m si má deke n kere, ama, sanja suba bo m bá si deke n kere, kabo Nyeme si m nahore su ni. ¹³ To, kisa ahin deke nsanm ni wo bere a, bere la yarada, ni tama, ni koro, ama, bo i tara bu kere n la koro wɔ.

14

Awiewie Casi n aceerim bo i buka su n dee jore

¹ To, am bita koro atin na am koro am benngu ni anyumboro, na am kpini Awiewie Casi n aceerim busu, maala bo i ma am koro kan Nyeme noanie n kere minem ni. ² Dama bo i jöjɔ anie barasu barasu n jöjɔ má adamandem do, ama, i jöjɔ Nyeme do a. Nahore, be koro ti má kabo i sujöjɔ n bu, dama Awiewie Casi n dee yiko n nu ye i jöjɔ asiri nu jorem a. ³ Ama, sono bo i kan Nyeme noanie n kere minem ni, i jöjɔ ma minem wɔ, na i buka bu na bu nya fanja buka su, na i ma bu ahoresi, na i kaaki ma bu ahoreda. ⁴ Sono bo i jöjɔ anie barasu barasu n buka má be, i buka yiri ni i tii ngumi wɔ. Ama, bo i kan Nyeme noanie n kere minem ni, yiri buka Kristo jama n wɔ, na i nya fanja buka su. ⁵ To, nzen má am kere koro jöjɔ anie barasu barasu, má i yo m fie. Ama, bo i yo m fie ko tara i kere n la ka, am koro kan Nyeme noanie n kere minem. Sono bo i kan Nyeme noanie n kere minem n tara bo i jöjɔ anie barasu barasum ni, má ka be akoro akere nyini anie barasu barasum bu, na i buka Kristo jama n na i nya fanja.

⁶ M ninbaam, nzen kisa na m baari am do, na m jöjɔori anie barasu barasum, nzu kperere ye am nyá i a? Ai, am nyá má kperere be. Má ka ma kan sa bo Nyeme ayi i akere m n ama am, wara m kan si jore be kere am, wara m kan Nyeme noanie n kere am, wara m kan kereewa bo i fite Awiewie Casi n do kere am. ⁷ So ye i ti a, nzen be fitaari tere, wara be bo bieku, na wo to má su, bu yo se koro di jue soro su a? ⁸ Bekun nzen be kaanri lue awie, na wo sun má kabo lue awie sun ni, bu yo se koro cici lue a? ⁹ I ti so o lee, amberere mmoo do, nzen am jöjɔ anie barasu, na i la má bu, mine yo se koro

si kabo am suse n a? I ti ka am sujöjö gö nzue awa sin wö læ. ¹⁰ Daanfie anie barasu barasum sunnu durunya n nu, i gusu be wo má bere bo i la má bu, i kere la bu. ¹¹ Tö, nyini ti, nzen be jöjö anie be na m ti má i, m ti daanfie barasu be wo læ i mi dö, ye i gusu ti daanfie barasu be wo læ m dö. ¹² Kabo am nyunu aboro ka am nyá Awiewie Casi n aceerim ni, am boro am nyi ni aceerim bo bu koro buka Kristo jama n na i nya fanga buka su.

¹³ Nyini ti, söñö kere bo i jöjö anie barasu barasum, i ti ye ni ka i sere Nyeme na i ma i aceeri n bo i koro yi i bu kere minem ni. ¹⁴ Dama sangga kere bo m sere Nyeme na m sere anie barasu barasu be nu, m awiewie susere Nyeme a, ama, m ti má i bu m sunsunni nu. ¹⁵ Nyini ti, deke bo i ti ye ni ka m yo la ka, m sere Nyeme fite m awiewie nu wö, na m kaaki sere i fite m sunsunni nu, na m di jue fite m awiewie nu kansi Nyeme, na m kaaki di jue fite m sunsunni nu kansi Nyeme. ¹⁶ Nzen a sukansi Nyeme na i fite u awiewie nu, na be wo u bi bo i nya si má Nyeme atin ni, i mi yo se koro ti u nyemesere n bu a, na i soro su se ka, “Ami” a? ¹⁷ Haari nzen u nyemesere ti kpa, i buka má yiri n bo i ti má i bu ni. ¹⁸ M da Nyeme asi ka m jöjö anie barasu barasum tara am kere. ¹⁹ Ama, nzen m ni Kristo jama n aba atien ya nöo susu Nyeme, na m jöjörü jöre kaan bo i fite m sunsunni nu, na bu tiiri i bu, i tara bo m jöjö jöre beberebe anie barasu nu ni.

²⁰ M ninbaam, má am sunsun kabo nbaatumam sunsun ni, ama, fa kö satieyo dika, am yo kabo nbaatumam yo ni, na am ma am sunsunni ti kabo anyunutihöm döe ti ni.

²¹ Dama ba kere i Nyeme noanie kpamaawa n nu ka, Micera n nga,

“M fá minem bo bu jöjö daanfie anie barasu barasum
na m má bu jöjö m tienggu minem dö.

Ama, haari ni nyini n kere mmöö,
bu dé má m noanie ni.”

²² Nyini ti, anie barasu barasum jöjöowa n kere minem bo ba nya yo má Kristo yarada ni nyaari a, má bo ba yo yarada ni. Na bo bu kan Nyeme noanie n kere minem ni, bu kere bo ba yo yarada ni nyaari a, má bo bu yo má yarada ni. ²³ Nyini ti, nzen ambere Kristo jama n atien am nöo, na am kere sujöjö anie barasu barasum, na bo bu nya si má Nyeme atin ni, wara bo bu nya yo má yarada wuraari am nu, bu sé ka am nyunu akan am wö, má sö? ²⁴ Ama, nzen am atien am nöo, na am kere sukan Nyeme noanie ni, na bo i nya si má Nyeme atin ni, wara, bo i ti má yaradayofö aba awura am nu, na i ti kabo söñö kere sujöjö ni, i mi n sunsunni nu kere i ka i ti satieyofö ö, na Nyeme noanie n di i jöre jaraki i. ²⁵ Nyini ma i mi n kan asiri jöre kere bo i wo i ahore su n fite fofoe nu a, na i kutu i jaa su, na i kansi Nyeme, na i se ka, “Nyeme wo am dö nahöre su.”

Kabo i ti ye ni ka söñö kere tara i ngu Kristo jama n nu barasu ni

²⁶ Tö, m ninbaam, nzu deke ye i ti ye ni ka am yo i a? Deke bo m koro ka m kan kere am la ka, nzen am ba tien am nöo, na be la jue bo i di, wara be la kereewa be bo i kere, wara be la sayikereewa bo i fite Nyeme dö, wara be la anie barasu be bo i jöjö, wara be yi anie jöjöowa n bu kere am, deke n kere bo am yo i ni, am yo i na i buka Kristo jama ni, na i nya fanga buka su. ²⁷ Nzen nbem ba sujöjö anie barasu barasum, i ni i agaya kere, bu yo mine nnyö, wara mine nsan, má bu tara sö. Bu nga bu jöjö, bu jöjö kun kun, i ti ye ni ka be gusu kaaki yi i bu kere am. ²⁸ Ama, nzen be koro kaaki yi má i bu kere má am, i ti ye ni ka i mi n bo i sujöjö anie barasu barasum n mö i nöo Kristo jamam nu, na i jöjö ma i ngu ni Nyeme. ²⁹ Minem bo bu kan Nyeme noanie n kere minem ni, i ti ye ni ka bu mine nnyö wara bu mine nsan jöjö a, na nyingam bo ba ka n fiiti i nu. ³⁰ Nzen be sujöjö, na Nyeme ayi deke be akere söñö nyinga, i ti ye ni ka söñö n bo i du mö sujöjö n mö i nöo, na yiri n bo Nyeme ayi deke be akere i n jöjö. ³¹ Dama am kere koro kan Nyeme noanie n kun kun kere am benggu wö, adena

am kere sönson deke be nu, na i ma am ahoresi. ³² I ti ye ni ka bo bu kan Nyeme noanie n kere minem n kere la tarabuñu fa kò bu Nyeme noanie n kan su. ³³ Dama Nyeme ti má bo i fa kpakpaakinu ba i minem dò, ama, i ma bu la tanalaifíe wò.

I ti sò ò lée, Kristo jama n kere nu, ³⁴ nzen am ba tiéenri am nòò, i ti ye ni ka nbaram mò bu nòò, bu la má atin ka bu jójó. Ama, wò yo daka ka bu yo bu ñu benlé, na bu su kabo noanie kpamaawa n kere n su. ³⁵ Nzen bu koro ka bu bisa jòrè be, i ti ye ni ka bu bisa bu hunm awuru, dama i ti nyinse wò ka bara jójó Kristo jama n nu. ³⁶ Nyeme noanie n du mò fite amberè dò a, nzen se? Wara amberè ñgumi ade Nyeme noanie n a? ³⁷ Nzen be sunsun ka i ti Nyeme noanie kanfò, wara i sunsun ka i si Awiewie Casi n aceerim jòrè, i ti ye ni ka i mi si tenle su ka ahin noanie n bo m sukere ma am ni, i ti Mibiè n dèe noanie maawa a. ³⁸ Nzen be wo am nu, na i de má ahin jòrè n bo m sukere ma am ni, amberè mmòò bu i mi ñgbèen. ³⁹ Nyini ti, m ninbaam, i ti ye ni ka am boro am nyi na am sukan Nyeme noanie n kere minem, na má am kanda minem ka má bu jójó anie barasu barasum ni. ⁴⁰ Na am yo deke kere nyunyumi na i kò atin su.

15

Yesu Kristo yiwee tenge n jòrè

¹ Tò, m ninbaam, kisa m koro ka m tenge am su fa kò labari kpa n bo m yo kan kereeri am n su. Am yo yoori i yarada a, na am ajina i su kenken. ² Nzen am bitaari labari kpa n bo m kan kereeri am kenken, nyini ma am tiide a, nzen má nyini yiri, am yarada n bo am ayo i n ti ñgbèen wò lée.

³ Dama labari kpa n bo m deeri i na m kan kereeri am ni, i jòrè anyumbaa la ka, Kristo wuuri ya satie ti wò, kabo ba kere i Nyeme Jòrè Kadasi n nu lée, ⁴ ka i wuuri na bu seeri i ni, na Nyeme atenge i yiwee n nu i lesan cèen, kabo Nyeme Jòrè Kadasi n kere lée. ⁵ I tengeeri ni, na wò yi i ñu akere Kefasi bo bu kaaki fere i ka Pétoro ni, na wò ba ayi i ñu akere i susufò buru ni nnyòm ni. ⁶ Nyini sin, na wò yi i ñu akere ya ninbaam nbem, bu tara mine yaa nnu, bu kere sanja wo woobiri kun wò. Bu nu, bu dònjgu toko la ñgòò, nbem gusu awu. ⁷ Na wò yi i ñu akere Yakobo, na wò ba akaaki ayi i ñu akere i jaramasam kere. ⁸ Awieeri su, na wò yi i ñu akere mini, bo m ti ka baa bo ba wu i na i sanja nya ju má ni. ⁹ Dama mini ti jaramasam kere nu kaan, haari má wò ti má ye ni ka bu fere m jaramasa mmòò, dama m yo kereeri Kristo jama n wuwuruwa wò. ¹⁰ Nyeme ahòròma n dèe ti, ye m ti kabo m ti n a. Ahòròma n bo wò fa ama m ni, i ti má ñgbèen, ama, m koro se ka ma yo juma atara nyiñgam kere mmòò. Má mini ni m tii yoori i a, ama, Nyeme dèe ahòròma n bo wò fa ama m ni, nyini ma m koro yoori i a. ¹¹ Nyini ti, mini, wara bere o, labari kpa n ye ya kan i a, labari kpa n gusu dèe ti ye am yoori yarada n a.

Kabo Nyeme minem bá tenge yiwee nu ni

¹² Tò, labari kpa n bo ya kan i ni, ya ña, “Nyeme atenge Kristo i yiwee n nu.” Ye nzu ti ye am nbem ña yiwee tenge wo má bere a? ¹³ Nzen yiwee tenge wo má bere, nyini la ka, Nyeme atenge má Kristo mmòò i yiwee n nu lée. ¹⁴ Nzen Nyeme atenge má Kristo i yiwee n nu, nyini la ka, labari kpa n bo ya kan i ni, i ti ñgbèen wò lée, na yarada n bo am ayo i n gusu ti ñgbèen wò lée. ¹⁵ Má nyini ñgumi, nyini la ka, ya bu kòrè asò Nyeme wò lée, dama ya ña wò tenge Kristo i yiwee n nu, ama, bu ña bo ba wu n tenge má yiwee nu. ¹⁶ Na nzen bo ba wu n tenge má bu yiwee nu, nyini la ka, wò tenge má Kristo mmòò i yiwee n nu lée. ¹⁷ Na nzen wò tenge má Kristo i yiwee n nu, yarada n bo am ayo i n ti ñgbèen wò lée, na am toko wo am satiem nu wò lée, ¹⁸ na bo bu yo yoori Kristo yarada na ba wu n kere aka ñgbèen lée. ¹⁹ Nzen

durunya n nu fen ngumi ye ya la tama n fa kƆ Kristo dƆ, nyini yiri, ya ti minem bo ya la anunfo tara sƆnƆ kere.

²⁰ Ama, nahore su, Nyeme atenge Kristo i yiwee n nu. Minem bo ba wu n kere nu, yiri tiiri bo i du mo tengeeri i yiwee nu a. ²¹ Adamande kun dee ti, ye yiwee kun sƆnƆ kere n a, adamande kun gusu dee ti, ye mine ba tenge bu yiwee n nu a. ²² Na kabo Adam dee ti na adamande kere wu ni, so ye Kristo dee ti ma adamande kere ba tenge bu yiwee nu na bu nya ngoo a. ²³ Ama, sƆnƆ kere ni i sangha bo Nyeme ba tenge i. Bo ba wu n kere nu, Kristo ti bo Nyeme du mo tengeeri i yiwee nu a, na bo bu ti i minem n gusu ba tenge sangha bo i ba kaaki ba ni. ²⁴ Nyini sin na deke n kere ba awieeri, na i nya fa femeya n wura i Si Nyeme saa nu, nyini sangha, wo kunma femeya kere, ni nfangafom kere, ni yikofom kere lee. ²⁵ Dama wo yo daka ka i di femeya ni haari i ba kunma i kpofom, na i nana bu kere nu. ²⁶ I kpofom n bo i ba kunma i awieeri su n la yiwee wo. ²⁷ Dama ba kere i Nyeme Jore Kadasi nu ka, “Wo fa deke n kere awura i saa nu ka i nie bu su.” Bo i na wo fa deke n kere awura i saa nu ka i nie bu su ni, nyini kere ma ka Nyeme bo i faari deke n kere wuraari yiri Kristo saa nu afa i tii awura i saa nu lee. ²⁸ Na sangha bo i ba faari deke n kere wuraari i saa nu ni, na yiri Baa n ni i tii nya fa i nu wura i Si Nyeme saa nu. Nyini sangha Nyeme dee la deke n kere, na deke n kere wo bere yiri ti wo.

²⁹ To, nzen bu na yiwee tenge wo ma bere, ye bo bu de minem bo ba wu n jinaabiri na bu bie bu Nyeme nzue ma bu n di, bu yo se wo? Nzen bo ba wu n tenge ma bu yiwee nu, nzu ti ye bu bie Nyeme nzue ma bu a? ³⁰ Ye nzu ti ye yere to ya ngoo sangha kere n a? ³¹ Ale kere bo i cin, m wo yiwee nu wo, i ti so o lee, m ninbaam, m fa amberere bo m hoe ye m se so n a, ya Mibie Yesu Kristo dee ti. ³² Nzen m ni minem bo bu ti ka boro nengem, kun lue, Efeso mie kpiri n nu, na i ko yo ka adamande woowa dee ti m la tama, nzu kperere ye ma nya i a? Nzen bo ba wu n tenge ma bu yiwee nu, nyini yiri, i ti kabo mine nbem n nati se n wo, bu na,

“Am ma ya di, na ya nu,
dama ahunma ya wu o.”

³³ Ma am ma be dadaka am, kabo minem nati se ni, ka,
“SƆnƆ tie suuri sƆnƆ kpa su,
i saaki i woowa kpa n wo.”

³⁴ Am kaaki sunsun nyunyumi, na ma am yo satie kun, dama am nbem si ma Nyeme. Nyini n bo m se so ni, i ti am nyinse wo lee.

Bo bu ba tenge bu yiwee n nu n dee anuniembaa n jore

³⁵ To, beni, be koro bisa ka, bo ba wu ni, bu tenge bu yiwee nu se wo? Anuniembaa barasu bono ye bu fa ba? ³⁶ Woro sinnzin ni, a si ma ka nzen a do deke mbaa, ma ka i wu wo ka, ye i nya fi a, nzen se? ³⁷ Deke mbaa n bo a do i ni, beni, ngani mbaa wara abuwe ye a do i a, ama, i ba fiiri, i kaaki nyawa a, i ti ma ka mbaa n bo a doori i ni. ³⁸ Nyeme ma i kere anuniembaa n kabo i koro a, deke mbaa barasu n kere, ni i tiengu anuniembaa. ³⁹ Anuniembaa n kere wo i ngumi wo, i ti ma kun, adamande dee wo bere i ngumi, ajaannam dee wo bere bu ngumi, lanjpetefom dee wo bere bu ngumi, na jombaam dee wo bere bu ngumi. ⁴⁰ Dekem bo bu wo angoro n wo bere, na a yaki bo bu wo durunya n nu fen ni. Angoro deem nyumi wo bere bu ngumi, na durunya n nu fen n deem gusu nyumi wo bere bu ngumi. ⁴¹ Wie nyumi wo bere i ngumi, sara nyumi wo bere i ngumi, asarambaam nyumi wo bere bu ngumi, ama, bu nbem yo nyumi tara nbem.

⁴² To, kabo i ti lee fa ko yiwee tenge n su. Anuniembaa n bo bu se i ni, i kpoo o, na bo i tenge, i kpoo ma fieo. ⁴³ Deke n bo bu se i ni, i la ma anyunuyi, ama, i ba tengeeri, i woowa yo nyumi wo. Deke n bo bu se i ni, i la ma fanga, ama, i

bá tengeeri, i la faŋga wɔ. ⁴⁴ Deke n bo bu se i ni, i ti durunya n nu adamande aɲuniɛmbaa a, i bá tengeeri, i ti aɲuniɛmbaa bo Awiewie Casi n ma i ɲɔɔ n wɔ. Kabo durunya n nu adamande aɲuniɛmbaa wo bere ni, sɔ ye aɲuniɛmbaa n bo Awiewie Casi ma i ɲɔɔ n gusu wo bere a. ⁴⁵ I ti kabo ba kere i Nyeme Jɔre Kadasi n nu n wɔ, ka, “Ciciri su deɛ adamande ɲɔɔfo n la Adam wɔ,” na Adam n bo i ka sin n ti awiewie bo i ma ɲɔɔ ni. ⁴⁶ Bo i ti awiewie ni, má yiri du mɔ baari a, ama, bo i ti adamande ɲɔɔfo ni du mɔ baari a, na bo i ti awiewie n anya tɔ su. ⁴⁷ Ciciri su deɛ adamande n fite durunya n nu fen wɔ, Nyeme yo faari natie yoori i a, ama, bo i tɔ su nnyɔ su n fite Nyeme dɔ angoro baari a. ⁴⁸ Minem bo bu ti durunya n nufɔm ni, bu ti kabo sɔnɔ n bo Nyeme faari natie yoori i n ti n wɔ. Na bo bu ti Nyeme minem n gusu ti kabo sɔnɔ n bo i fite Nyeme dɔ angoro n ti ni. ⁴⁹ Kabo ya ferema ni sɔnɔ n bo Nyeme faari natie yoori i ni, sɔ ye ya bá ferema ni sɔnɔ n bo i fite angoro n a.

⁵⁰ M ninbaam, m suse am wɔ lee, ka, ya ɲuniɛmbaa n bo i ti nie ni mbunja ni, i koro wura má Nyeme femɛya n nu, na deke n bo i kpɔrɔ n koro nya má deke n bo i wo bere saɲga kere ni. ⁵¹ Am ti fen, m suse am asiri nu jɔre wɔ lee, ka, má ya kere wú a, ama, ya kere ɲuniɛmbaa ni bá kaaki fɔfɔre wɔ. ⁵² I yó kungerekun wɔ, anyumbaa kata ni i teke, saɲga bo bu bá fitaari awieeri su deɛ awie ni, na bo ba wu n tɛnge bu yiwee nu, bu kpɔrɔ má kun, na yere gusu ɲuniɛmbaa n káaki fɔfɔre. ⁵³ Dama wɔ yo daka ka ahin aɲuniɛmbaa n bo i kpɔrɔ n kaaki aɲuniɛmbaa n bo i kpɔrɔ má ni, na aɲuniɛmbaa n bo i wu n gusu kaaki aɲuniɛmbaa n bo i wu má. ⁵⁴ Saɲga bo aɲuniɛmbaa n bo i kpɔrɔ n bá kpɔrɔ má kun ni, na aɲuniɛmbaa n bo i wu n gusu bá wu má kun ni, nyini saɲga Nyeme nɔanie ni yó yiiwa lee, bo ba kere i ka, “Ba di nasara yiwee ɲu ayo i ɲgbɛɛn ni.”

⁵⁵ “Keto, yiwee, u yiko n bo a fa kan n wo ni?

Keto, u nasara n wo ni?”

⁵⁶ Deke n bo yiwee bita kan n la satie wɔ, ye satie nya i yiko n fite Nyeme nɔanie kpamaawa n nu wɔ. ⁵⁷ Ama, ya da Nyeme asi, dama ya Mibie Yesu Kristo deɛ ti, i ma ya di nasara.

⁵⁸ Nyini deɛ ti, m ninbaa koroowam, am jina kenken na má am fa am ɲu ji, am boro am nyi suyo Mibie n juma n saɲga kere, dama am si ka juma n bo am suyo i ma Mibie n ti má ɲgbɛɛn.

16

Nwaa n bo bu yiyi i na bu fa kɔ ma Nyeme minem ni

¹ Tɔ, fa kɔ ɲwaa n bo am yiyi i na am fa kɔ buka Nyeme minem ni, am yo kabo m kereeri Kristo jamam n bo bu wo Galatiya awɔre n nu n ka bu yo ni. ² Yudafɔm bakue n bumboori, mɔne kere mɔne, am nie kabo Nyeme awura am abaraka fa kɔ dekem bo am la bu n su, na am suyiyi ɲwaa be se, adena nzen m bá baari, am yi má ɲwaa kun. ³ Nyini saɲga na m bá juuri, m kere kadasi ma minem n bo am ayi bu ni, na m fá sunma bu na bu fá am aceerim kɔ Yerusalem mie kpiri n nu. ⁴ Na nzen i ti ye ni ka mini mmɔɔ kɔ, na m ni bere kere kɔ.

Kabo Pɔɔlu koro ka i kɔ nie Kɔrintofɔm busu ni

⁵ M koro ka m fa Makedoniya deɛ awɔre n nu, na m sin ba nie am busu. ⁶ Beni, m yó lennyɔ am dɔ, wara fufuku ni sín ka, ye m nyá ba yasu a, adena am buka m na m kɔ deke kere bo m koro ka m kɔ ni. ⁷ Dama m koro má ka m bá jina angoro nie am busu na m sin, m la tama ka nzen Mibie n soroori su, m yó lennyɔ am dɔ. ⁸ M wɔ Efeso mie kpiri n nu fen haari Butara Cɛenkpiri n saɲga. ⁹ Dama atin bambaka ateke ama m, na m yo juma n nahɔre su, ama, m kpɔfɔm gusu asunnu.

¹⁰ Nzen Timoti bá baari am dɔ, am de i ni am saa nnyɔ, má am ma i ahore saaki, yiri mmɔɔ yo Mibiɛ n juma n kabo m yo i n wɔ. ¹¹ Má be se ka i bu i ɲgbɛɛn, ama, am kaari i ni ahoreda na i ba tu m, dama m suniɛ i ni ya ninbaam n atin nu ka bu bá.

¹² Fa kɔ ya niwa Apolosi yiri, ma sere i ni anyumboro ka i yo anie, na i ni ya ninbaam bá na bu bá niɛ am busu, ama, wɔ soro má su ka i bá kisa, ama, nzen Nyemɛ ba maari i atin, i bá.

Awieeri su jɔrɛ ni anse

¹³ Má am fa am ɲu ji, am jina kenken ni am yarada ni, na am yo nbiesɔm, na am fa ahoresi. ¹⁴ Deke n kɛrɛ bo am yo i ni, am yo i ni koro.

¹⁵ M ninbaam, am si Satefanasi ni i dikafɔm jɔrɛ, berɛ duuri mɔ yoori Kristo yarada Akaya awɔrɛ n kɛrɛ nu a, na ba fa bu ɲu asu Nyemɛ minɛm amusui, nyini ti, m sere am wɔ jande, ¹⁶ ka am bu nyini minɛm bo bu ti sɔ ni, ni minɛm kɛrɛ bo bu buka su, na bu yo bu juma n ni anyumboro ni. ¹⁷ Saɲga bo Satefanasi, ni Fɔtunatusi, ni Akayakusi ba tuuri m ni, na wɔ yo m fie agaya, dama bu deerɛ am dɛɛ jinaabiri wɔ, na ba yo deke n bo má am yo i ma m ni. ¹⁸ Dama kabo bu baari ni, bu ma m ni amberɛ kɛrɛ anya ahoresi, nyini ti, i ti ye ni ka am bu minɛm bo bu ti sɔ ni.

¹⁹ Kristo jamam bo bu wo Esiya awɔrɛ n nu n kɛrɛ bisa am dɔɲgu. Akuyila, ni i yi Pirisila, ni Nyemɛ minɛm bo bu tien bu nɔɔ bu dika n kɛrɛ gusu bisa am dɔɲgu, Mibiɛ n dɛɛ ti. ²⁰ Ya ninbaam kɛrɛ bo bu wo fɛn n bisa am dɔɲgu. Am gusu bisa am bengum dɔɲgu ni koro.

²¹ Mini Pɔɔlu ni m tii sufa m saa sukɛrɛ ahin kɛrɛɛwa n bisa am dɔɲgu a.

²² Sɔnɔ kɛrɛ bo i koro má Mibiɛ ni, Nyemɛ yó i mi ɲgbɛɛn. *Marana ta*, i bu la ka, Ya Mibiɛ, bra.

²³ Ya Mibiɛ Yesu buka am kɛrɛ.

²⁴ M koro am kɛrɛ Yesu Kristo dɛɛ ti. Ami.

Pöolu kadasi nnyo su bo i kere fa maari KÖRINTOFÖM ni

¹ Mini Pöolu bo m ti Yesu Kristo jaramasa Nyeme dee koroyanu ni, m ni ya niwa Timoti sukere ahin kadasi n ma am a. Ya sukere i na ya fa ma ambere Kristo jama n bo am wo Kōrinto mie kpiri n nu ni, ni Nyeme minem kere bo bu wo Akaya dee awore n nu ni. ² Ya Si Nyeme, ni ya Mibie Yesu Kristo buka am, na am nya tanalaifie.

Kabo Pöolu daari Nyeme asi ni

³ Am ma ya kansu Nyeme, yiri bo i ti ya Mibie Yesu Kristo Si ni. Yiri ti ya Si bo i si ya anunfo a. Yiri ti Nyeme bo i dada ya ahore a. ⁴ Yiri dada ya ahore a, ya wahara kere nu, adena yere gusu koro dada minem ahore, bere n bo bu wo wahara n kere nu ni. Kabo Nyeme ama yere mmoo ni ya tii anya ahoreda ni, yere ma bere n gusu nya nyini ahoreda n a. ⁵ Dama kabo ya ni Kristo susanga di i wahara n agaya ni, so ye yiri dee ti, ye ya nya ahoreda agaya n a. ⁶ Sanga kere bo ya nu kekereke, i ma am nya ahoreda ni tiide wo. Na sanga kere bo ya nya ahoreda ni, i ma am ahoreda a, na am yo sawore mindi de nyini wahara n bo ya di i n be. ⁷ Ya la tama fa ko am do, ya yo ma sika. Dama ya si ka kabo am ni yere kere susanga di ya wahara n be ni, so ye ya ni ambere kere susanga nya ya ahoreda n a.

⁸ M ninbaam, ya koro ka am si kabo ya nuuri kekereke Esiya dee awore n nu barasu ni, ya nuuri anyumboro bo i la ma anusu, haari na ya yi tama ka ya wu awie. ⁹ Nahore, ya sunsun ka ya wu wo. Ama, i yo so na ma ya daafi ya nu su, ama, na ya daafi Nyeme nu, dama yiri tenge bo ba wu n a. ¹⁰ Wo yi ya afite nyini yiwee n bo i la ma anusu n nu, na i yi ya fite nu bekun. Ya yo yiri tama ka i toko sūyi ya fite nu bekun a, ¹¹ kabo am buka ya ni am nyemesere ni. Nyini ma mine dongu ba da Nyeme asi, fa ko kabo wo de mine dongu nyemesere n na wo yo sakpam ama ya ni.

Kabo Pöolu kaakiiri i sunsunni ka i kaaki ba ma bu do ni

¹² Deke n bo ya fa fo n la ka, ya sunsunni nu kere ya ka ya bo ma anofie, na ya ahorembaa ti casi wo Nyeme do durunya n nu, maala fa ko am do, ma ka ya su durunya n nu alecira su n dee ti a, ama, Nyeme yo bukaari ya n dee ti a. ¹³ Ya kere ma jore be ma ma am, ma ka jore bo am kan i na am kaaki koro ti i bu ni. M la tama ka am ba si i kere haari ni i awieeri, ¹⁴ dama am adu mo asi ya nus jore kaan, nyini ma am ba koro fa ya fo n a, kabo ya ba fa am fo, ceen n bo ya Mibie Yesu ba kaaki ba n a.

¹⁵ M la ahoresi fa ko nyini n su dee ti, ma sese su ka m du mo ba nie am busu, adena ma am nya buka kpe nnyo. ¹⁶ Deke bo i ti na m se so n la ka, ma sese su ka ma m fa am do na m nie am busu, na m sin ko Makedoniya dee awore n nu, na m ba sufite do ba, na ma m fa am do bekun, adena am buka m na m koro ko ju Yudiya awore n nu. ¹⁷ Nyini n bo m seseeri su so ni, m la ma jinakunsu wo lee, nzen se? Wara m sese su kabo durunya n nufom n yo n wo, na m se ka "Een," na m kaaki se ka "Ai," nzen se? ¹⁸ Nyeme la dabunu ni nahore n dee ti, noaniem bo ya kan kereeri am ni, i ti ma "Een," na i kaaki ti ma "Ai". ¹⁹ Dama Nyeme Wa Yesu Kristo n bo ya kaanri i jore kereeri am ni, mini ni Silivanusi ni Timoti, yiri Yesu dee jore ti ma "Een," na i kaaki ti ma "Ai," ama, i deke kere ti "Een" o. ²⁰ Dama dekem kere bo Nyeme seeri ka i yo bu ni, bu kere ti "Een" o, Yesu dee ti. Nyini ti, i dee ti ye sanga bo ya kansu Nyeme, ya se ka, "Ami" n a. ²¹ To, Nyeme ni i tii ma ya ni ambere kere koro jina kenken a, kabo ya ni Kristo ayo kun ni. Yiri ayi ya ka ya su i n a. ²² Yiri ase ya nyaari ka ya ti

i dɛɛ minɛm a, na wɔ fa i Awiewie Casi n awura ya ahore su na i kere kabo i má ya deke n kɛrɛ bo i seeri ka i fá ma i minɛm ni.

²³ Nyɛmɛ di m daani m ahore su a, ma koro má ka m kan am ndiɛ, nyini dɛɛ ti ye ma kaaki aba má Kɔrinto miɛ kpiri n nu n a. ²⁴ I ti má ka ya sumiɛ am kabo am yo yarada n wɔ, ama, ya ni ambɛrɛ kɛrɛ buka ya bɛngu wɔ, na am nya ahorejɔ, dama yarada n dɛɛ ti ye am jina kenken n a.

2

¹ Nyini ti, na ma yo m sunsunni nu ka m ba niɛ má am busu kun na am ahore saaki. ² Dama nzen m ma am ahore saakiiri, nɛmam ma m ahore da a? Má ambɛrɛ bo ma saaki am ahore ni? ³ Deke bo i ti na m kɛrɛeri sɔ n la ka, ma koro má ka m ba na má am ma m ahore saaki, ambɛrɛ bo má i ti ye ni ka am ma m ahore jɔ ni. M la ahoresi fa kɔ am dɔ, ka deke n bo i ma m ahore jɔ ni, nyini má am gusu kɛrɛ ahore jɔ n a. ⁴ Dama m woori ahoresaaki, ni ahorembaa yaari, ni nyunvuin agaya nu, ye m kɛrɛeri am n a. I ti má ka m koroori ka m saaki am ahore wɔ, ama, m koroori ka am si kabo m koro am agaya barasu n wɔ.

Kabo Pɔɔlu ŋa bu fa ce be bo wɔ do ŋgasi ni

⁵ Kabo be ayo ahoresaaki sa ni, má mini ye wɔ saaki m ahore a, ama, wɔ saaki am kɛrɛ ahore a, nzen má nyini, wɔ saaki am nu be ahore. M gusu koro má ka m jɔjɔ jɔrɛ n na i kɔ sin su agaya. ⁶ Suicin n bo ambɛrɛ mine beberebe n kɛrɛ fa kɛrɛeri i mi ni, wɔ sɛ i su sɔ. ⁷ Ama, kisa, kabo i ti ye ni ka am yo i n la ka, am kaaki de i mi, na am fa i ŋgasi ce i, na am dada i ahore, má sɔ, ahoresaaki agaya ni má i kpaasi wɔ. ⁸ Nyini ti, m sere am wɔ, am kaaki de i na am kere i kabo am la koro fa kɔ i dɔ ni. ⁹ Deke bo i ti na m kɛrɛeri am n la ka, m koro ka m yo am na m niɛ ka am de deke n kɛrɛ bo m se am ka am yo i ni. ¹⁰ Sɔnɔ bo am fa i ŋgasi ce i ni, mini mmɔɔ fa ce i mi. Sa bo i ti na ma fa i ŋgasi ace i ni, nzen i la ŋgasi bo i ti ye ni ka m fa ce i mmɔɔ, ma yo sɔ Kristo nyunu, ambɛrɛ dɛɛ ti wɔ. ¹¹ Ya yo sɔ ɔ, adena má Sitana koro kunma ya. Dama ya si tenle su kabo i la ŋgɔnletie barasu ni.

Kabo i miɛeri Pɔɔlu ka i ti bu jɔrɛ Titosi dɔ ni

¹² Tɔ, m kɔ juuri Tɔrasi miɛ kpiri n nu ka m kan Kristo labari kpa n jɔrɛ kere bu ni, na ma ŋu ka Mibiɛ n adu mɔ ateke atin ama m. ¹³ Haari ni nyini n kɛrɛ mmɔɔ, m ahore ada má, dama ma ŋu má ya niwa Titosi dɔ. Nyini dɛɛ ti, na ma kaari bu, na ma sin akɔ Makedoniya awɔrɛ n nu.

¹⁴ Ama, ya da Nyɛmɛ asi, dama kabo Kristo adi nasara na ya ni yiri ayo kun ni, sanga kɛrɛ, yiri Nyɛmɛ ma ya nati su Kristo su, i nasara natiiri nu a, na deke kɛrɛ bo ya kɔ ni, yiri fa ya bara ye a, na ya ma minɛm si i jɔrɛ, kabo deke nvani bara ye deke kɛrɛ ni. ¹⁵ Dama ya ti ka ayiri kunkuunwa nvanvani bo Kristo fa ma Nyɛmɛ n wɔ, na i nvanvani n bara ye minɛm bo bu sunya tiide ni, ni bo bu suka ŋgbɛɛn n dɔ ɔ. ¹⁶ Bo bu suka ŋgbɛɛn ni, bɛrɛ bu ya ka nvanvani n bo i sufa yiwee ba bu dɔ ɔ, ama, bo bu sunya tiide ni, bɛrɛ bu ya ka nvanvani n bo i suma bu nya ŋgɔɔ Nyɛmɛ dɔ ɔ. Ahin juma n yiri, nma koro fa i tiɛngu fanɔa yo i a? ¹⁷ Ya ti má ka mine dɔngu bo bu bita Nyɛmɛ jɔrɛ n yo wata na bu di i kpɛrɛ ni, ama, yɛrɛ yiri, ya ti nahɔrɛfɔm wɔ, haari na ya ti mine bo wɔ yi ya asunma ya wɔ, na ya jina i nyunu ye ya kan i jɔrɛ a, kabo ya ni Kristo ayo kun n dɛɛ ti.

3

Sɛsɛsu fɔfɔrɛ n bo Yesu adi i di n dɛɛ amusuisufɔm jɔrɛ

¹ Ya sukaaki kan kere am kabo ya ti na am si ya, nzen sɛ? Wɔ yo má daka ka ya yo kabo nbem yo ni, ka ya fa kadasi bo i kere kabo ya ti barasu n bita nu, wara ya

de kadasi am dɔ na i kere mine nyingam kabo ya ti barasu, nzen se? ² Ai, ya kadasi n la ambere ni am tii wɔ, kadasi n bo ba kere i awura ya ahore su ni, na mine kere koro kan i na bu si kabo i ti. ³ Na bu koro ɲu ka ambere ti kadasi n bo Kristo akere awura ya saa nu afa asunma ya n a. Wɔ fa má deke kerewa nzue fa kereri i a. Ama, Nyeme bo i wo bere sangha kere n dee Awiewie n ye i fa kereri i a. Wɔ kere má i ago má yabue peperepe su wɔ, kabo Nyeme yo kereri i noanie kpamaawa n maari Moyisi ni, ama, i kereri i goori adamandem ahore su wɔ.

⁴ Deke bo i ti na ya koro jojo so n la ka, ya la ahoresi Nyeme dɔ, Kristo dee ti. ⁵ Ya la má deke bo i kere ka yere ni ya tii koro yo juma n a. Deke bo i ma ya koro yo i n fite Nyeme dɔ. ⁶ Yiri Nyeme ama ya koro ayo i amusuisufom a, fa kɔ sesesu fofore n bo wɔ di i di n su a. Nyini sesesu n fite má Nyeme noanie kpamaawa n bo wɔ kere i n dɔ, ama, i fite i Awiewie n dɔ. Noanie kpamaawa kerewa n fa yiwee ba, ama, Awiewie n ma ngɔɔ.

⁷ Tɔ, noanie kpamaawa n bo Nyeme yo kereri i goori yabue peperepe n su na i fa maari Moyisi ni, nyini sangha, i yoori so ni, i jirima bambaka n taari wɔ, na Yisarelifom n akoro anie má Moyisi nyunuawa dika, dama i nyunuawa taari wein agaya, haari ni bo i ba saari wɔ. Kabo noanie kpamaawa n bo i fa yiwee ba n ti n na Nyeme boori i juma n bu ni jirima bambaka n so ni, ⁸ i Awiewie ni yó i dee juma n ni jirima bambaka bo i tara nyini ni, má so? ⁹ Kabo noanie kpamaawa n bo i yo diiri minem jore ciinri bu sui n ti n na i juma yo la jirima bambaka so ni, nyini yiri, juma n bo i ma Nyeme de minem ka bu yo sa bo i kɔ atin su i dɔ n dee jirima bambaka tara so. ¹⁰ Nahore, deke n bo i yo la jirima bambaka ni, i la má jirima kun, deke n bo i la jirima bambaka tara so n dee ti. ¹¹ Kabo deke n bo i ti siinwa n ti n na i yo la jirima bambaka so ni, nyini yiri, deke n bo i wo bere sangha kere n dee jirima bambaka n tara so.

¹² Kabo ya la tama ka i ti so n dee ti, ye ya la ahoresi agaya koro jojo so n a. ¹³ Yere ti má ka Moyisi bo i yo faari sanvui kataari na má Yisarelifom ɲu i nyunuawa bo i ta wein na i susaari ni. ¹⁴ Ama, haari ni nyini n kere mmoo ni, bu sui yo tiiri tantanantan a. Haari ni nyuma, sangha kere bo bu ti ka be sukan sesesu dawa n dee kadasim ni, i yoori bu ka nyini sanvui n toko kata bu sunsunni su wɔ, má ka Kristo ngumi koro yi i a. ¹⁵ Haari ni nyuma, sangha kere bo bu kan kadasim n bo Nyeme ma Moyisi kereri bu ni, i yoori bu ka sanvui n toko kata bu sunsunni su wɔ. ¹⁶ Ama, bu koro yi i, kabo ba kere i fa kɔ Moyisi jore n su ni, ka, “Sangha bo i fa i nyunu wɔ Mibie ni, sanvui n kata má i nyunuawa kun.” ¹⁷ Tɔ, deke n bo bu kereri i ka “Mibie n” ni, bu kere niiri i Awiewie n wɔ. Deke bo Mibie n Awiewie n wo ni, dɔ ye mine nya bu tii a. ¹⁸ Yere yiri, ya la má sanvui bo i kata ya nyunu. Kabo ya nie ɲu deke nieenu nu ni, so ye ya nie ɲu Mibie n jirima woowa n a, na i ma ya woowa kaaki kabo i ti ni, na ya sunya i jirima woowa ni, subuka su sangha kere. Ahin n fite Mibie n Awiewie n dɔ.

4

Ajɛke n bo i ti ka i wo dundu nu n jore

¹ Nyini ti, kabo Nyeme asi ya anunfo na wɔ fa ahin juma n ama ya ni, ya ɲunie yoroki má ya. ² Yere, ya kete deke kere bo i ti nyinse sa na bu kata i su asiri nu ni, ya dadaka má be, ya kaaki má Nyeme noanie ni. Ama, ya kan nahore n fofoe nu wɔ, nyini ma ya fa kere sono kere na i si i sunsunni nu kabo ya wo ti Nyeme dɔ a. ³ Na haari nzen deke be akata labari kpa n bo ya kan i n su, bere n bo bu suka ngbeen ni ngumi dɔ, ye deke be akata i su a. ⁴ Dama Sitana bo i ti durunya n nu fen dee nyeme n ata bu nyi bu sunsunni nu na má bu yo yarada, adena má bu ɲu labari kpa n dee wein n fa kɔ Kristo jirima woowa n su, yiri bo i ti kabo Nyeme ti ni. ⁵ Ya kan má yere ni ya tii jore wɔ, ama, ya kan Yesu Kristo jore a, ka yiri ti sono kere Mibie a. Yere, ya

ti am dɛɛ akɔɔm wɔ, yiri Yesu dɛɛ ti. ⁶ Dama Nyɛmɛ bo i yo seeri ka, “Ma wein ta fite awosin nu” ni, yiri ma i wein ata ya ahore su a, na i ma ya si i jirima woowa n bo i ta fite Yesu Kristo nyunuawa dika ni.

⁷ Ahin jɔrɛ n ti ajɛkɛ bo ya la i Nyɛmɛ dɔ ɔ, ama, yɛrɛ yiri, ya ti ka dundu bo ba fa yakati ata ya n ye ya la ahin ajɛkɛ n a. I ti sɔ ɔ, adena minɛ ɲu i na bu si ka nyini yiko n bo i la má aɲusu n ti Nyɛmɛ dɛɛ wɔ, i fite má ya dɔ. ⁸ Bu miɛ ya sɔ ɔ deke kɛrɛ nu, ama, Nyɛmɛ yi ya nu wɔ. Ya tanda sɔ ɔ, ama, ya yi má tama. ⁹ Bu kere ya wuwuruwa sɔ ɔ, ama, Nyɛmɛ yaki má ya. Bu bo ya ji asiɛɲgu sɔ ɔ, ama, ya ka má ɲgbɛɛn. ¹⁰ Saɲga kɛrɛ ya nati ɲu yiwee n bo Yesu wuuri i n be wɔ, adena minɛm koro ɲu ɲgɔɔ n gusu bo Yesu la i n be, ya ɲuniɛ nu. ¹¹ Nahɔrɛ, yɛrɛ bo ya la ɲgɔɔ ni, saɲga kɛrɛ bu fa ya wura yiwee woobiri wɔ, Yesu dɛɛ ti, adena bu koro ɲu ɲgɔɔ n gusu bo Yesu la i n ya ɲuniɛ nu. ¹² Tɔ, yɛrɛ, ya wo yiwee nu wɔ, ama, ambɛrɛ wo ɲgɔɔ nu wɔ, Nyɛmɛ dɔ.

¹³ Ya jɔrɛ n ti kabo ba kɛrɛ i Nyɛmɛ Jɔrɛ Kadasi n nu wɔ, ka, “M yo yoori yarada a, nyini dɛɛ ti ye m jɔjɔri sɔ n a.” Tɔ, yɛrɛ gusu ayo nyini yarada kun n wɔ, nyini dɛɛ ti ye ya jɔjɔ sɔ n a. ¹⁴ Dama ya si tenle su ka Nyɛmɛ bo i tengeeri Yesu i yiwee n nu ni, yiri saɲga tenge ya ni Yesu yiwee n nu a, na i fá ya ni ambɛrɛ kɛrɛ kɔ i nyunu. ¹⁵ Ahin n kɛrɛ ma am nya kpɛrɛ a, adena minɛ dɔɲgu sunya Nyɛmɛ ahɔrɔma ni subuka su, na i la má aɲusu, nyini ma bu suda Nyɛmɛ asi subuka su a, na i wura Nyɛmɛ kpiri.

Ya la yarada n ye ya nati a

¹⁶ Nyini dɛɛ ti, ya ɲuniɛ yɔrɔki má ya. Haari ni bo ya ɲuniɛmbaa sugbaraki ni, ama, ya ahore su, ya sunya faɲga fɔfɔrɛ Nyɛmɛ dɔ ɔ, ale kɛrɛ bo i cin. ¹⁷ Ahin waharam bo ya sudi bu ni, bu ti má pui, na bu cɛ má, nyini ni má ya nya jirima woowa bo i la má aɲusu na i wo bɛrɛ saɲga kɛrɛ n a. ¹⁸ Ya fa má ya nyumbaa kpama má dekem bo ya ɲu bu n su, ama, dekem bo ya ɲu má bu ni, ya fa ya nyumbaa kpama bɛrɛ su a, dama bo ya koro ɲu i ni, i cɛ má, ama, bo ya koro ɲu má i ni, i wo bɛrɛ wɔ, saɲga kɛrɛ.

5

¹ Tɔ, ya si durunya n nu fɛn dɛɛ aɲuniɛmbaa n jɔrɛ, i ti ka nambue wɔ, nzen wɔ saaki, sɔnɔ kɛrɛ la ataari kpa bo Nyɛmɛ ata i afa ase i. Má adamande taari i a, nyini awuru n wo aɲgoro wɔ, i wo bɛrɛ saɲga kɛrɛ wɔ. ² Kabo i ti sɔ na ya toko wo fɛn ni, ya wo waraki su wɔ. Ya ahore su, ya koro ka Nyɛmɛ fa ya wura ya awuru n bo i fite aɲgoro n nu wɔ, na i kata ya ɲu. ³ Ya koro i sɔ ɔ, na ya wura i ka sutura na má ya nati ya bu ɲgbɛɛn. ⁴ Yɛrɛ bo ya toko wo ahin nambue n nu ni, ya waraki wɔ, na ya wo ahore tanda nu sɔ ɔ lɛɛ. I ti má ka ya koro ka ya yi i se wɔ, ama, ya koro ka ya wura aɲgoro dɛɛ n nu wɔ, na i kata ya ɲu, adena Nyɛmɛ bá kaaki ahin aɲuniɛmbaa n bo i wu ni, na i ma ya i dɛɛ ɲgɔɔ ni. ⁵ Nyɛmɛ ni i tii adu mɔ asese nyini deke n su ase ya a. Na wɔ fa i Awiewiɛ n ama ya, na i kere kabo i má ya deke n kɛrɛ bo i seeri ka i fá ma i minɛm ni.

⁶ Tɔ, nyini ma ya la ahoresi saɲga kɛrɛ n a. Ya si tenle su ka kabo ya toko wo ahin aɲuniɛmbaa n nu ni, ya nya wo má Mibiɛ n dika n nu lɛɛ. ⁷ Kisa ya la yarada ye ya nati a, má ka ya nyumbaa ye ya fa ɲu asi nati a. ⁸ Yɛrɛ, ya la ahoresi n dɛɛ ti, ye ya ɲa ya yaki ahin aɲuniɛmbaa n a, na ya kɔ awuru Mibiɛ n dɔ. ⁹ Nyini ti, yɛrɛ yiri, nzen ya wo ya awuru n nu, wara ya wo má nu, ya boro ya nyi ka ya yo sa bo i sun Mibiɛ n nu wɔ. ¹⁰ Dama wɔ yo daka ka sɔnɔ kɛrɛ bá jina Kristo nyunu, i jɔrɛ diibiri ni, adena i mi nya i ɲkatɔ fa kɔ dekem bo i yoori bu i ɲgɔɔ n su ni, bo i ti kpa, ni bo i ti má kpa ni.

Kabo Yesu Kristo dɛɛ ti na ya ni Nyɛmɛ afiɛn ayo dɔɲgu ni

¹¹ Ya si kabo i ti na ya soro Mibiε n ni, nyini dεε ti, ye ya boro ya nyi na ya ma minem kaaki bu sunsunni fa kō i jōrε n su a. Nyemε si kabo ya woowa kere ti barasu. Na m la tama ka am sunsunni nu, amberε mmōō si ya woowa. ¹² Ya sukaaki kan kere má am bekun kabo ya ti wō, ama, ya sukere am deke bo i ti na am koro fa ya fō n wō, adena nzen minem bá koro ka bu fō deke bo bu koro ŋu i n su, na i fite má ahorembaa su, dama bu koro ka bu bu am ŋgbεen n dεε ti, tō, am koro bō bu nu ni jōrε kpa. ¹³ Nzen bu ŋa ya bo fiε wō, Nyemε dεε ti ye ya bo fiε a, ye nzen ya nyunu ti koroowa gusu a, amberε dεε ti ye ya nyunu ti koroowa a. ¹⁴ Koro n bo Kristo fa koro ya ni, yiri niε ya su a, dama ya yo ya sunsunni ka sōnō kun n bo i wu maari sōnō kere n dεε ti ni, nyini la ka, sōnō kere awu wō lεε. ¹⁵ I wu maari sōnō kere wō, adena bo bu wo ni ŋgōō n bita bu ŋgōō n ka i ti má bu dεε, ama, i ti i dεε wō, yiri n bo i wu maari bu na wō kaaki atεnge i yiwee n nu bekun ni.

¹⁶ Nyini dεε ti, fa i kisa fa kō, kabo durunya n nufōm n bu sōnō ni, yere, ya bu má be sō kun, haari ni bo ya yo buuri Kristo mmōō sō ni, kisa ya bu má i sō kun. ¹⁷ Nyini yiri, nzen be ni Kristo ayo kun, i mi n ayo deke fōfōrε wō lεε, i woowa dawa n asin, na i deke n kere akaaki fōfōrε wō lεε. ¹⁸ Nyini n kere fite Nyemε dō ō. Yiri ama Kristo ayo ya ni yiri ni i tii afien dōŋgu a, ye wō ma ya juma n bo i yo i ni minem afien dōŋgu. ¹⁹ Nyini la ka, Nyemε ma Kristo yo i ni durunya n nufōm afien dōŋgu a, na i tεnge má bu satie jōrε su, haari kaan sō, ye wō fa nyini afien dōŋguyo n jōrε n awura ya saa nu, ka ya kan i. ²⁰ Nyini dεε ti, ya ti sunmafōm bo ya jina Kristo jaa nu wō. I ti ka Nyemε ni i tii sufa ya susere am jande a. Ya jina Kristo dεε jaa nu susere am wō, ka, am ma yiri yo am ni Nyemε afien dōŋgu. ²¹ Yiri Kristo n bo i la má satie be ni, yiri ye Nyemε ma wō de satieyofōm n jinaabiri a, yere dεε ti, adena ya kaaki minem bo Nyemε de bu ka bu yo sa bo i kō atin su i dō.

6

¹ Yere bo ya ni Nyemε sanġa yo juma ni, ya sere am wō, ahōrōma n bo am ade i ni, má am ma i ka ŋgbεen. ² Dama Nyemε ŋa, “Sanġa kpa n ba juuri ni, ye m deeri am sere a, na tiide cεen n ye m bukaari am a.”

Am ti fen, kisa ti sanġa kpa n a. Am ti fen, kisa ti tiide cεen n a.

³ Ya sukanda má be atin wō, adena má be jaraki ya fa kō ya juma n bo ya yo i n su. ⁴ Ama, deke n kere nu, ya kere ka ya ti Nyemε amusuisufōm wō. Dama haari nzen ya wo wahara nu, ni kekereke nu, ni anyumboro nu, ya mindi de i wō. ⁵ Haari na ba bo ya, na ba nyi ya dansaraka, na ba di aluwa ya busu, na ya yo juma kekereke, na ya kpiε daafiri, na ya da ahōε, ⁶ nyini n kere ni, na ya kere ka ya woowa ti casi wō, na ya la si Nyemε dō, na ya mindi, na ya yo kpa, na ya wo ni Awiewie Casi ni, na ya la koro nahōrε su. ⁷ Ya kan nahōrε jōrε wō, na ya yo juma n ni Nyemε dεε yiko n nu. Ya bita biesōya nεnge bo i ti sa bo i kō atin su Nyemε dō ō, i wo ya saa fōmbōrō, ni ya saa bie nu wō. ⁸ Bu wura ya kpiri wō, na bu kaaki yo ya kaan. Bu kansu ya a, na bu kaaki jaraki ya. Bu ŋa ya dadaka minem wō, ama, bu kaaki ŋa ya kan nahōrε wō. ⁹ Ya ti ka minem bo be si má ya wō, ama, deke kere minem si ya sō ō lεε. Ya ti ka ya wu wō, ama, ya la ŋgōō sō ō lεε. Bu bo ya ni anyumboro sō ō, ama, ya wu má. ¹⁰ Ya wo ahoresaaki nu sō ō lεε, ama, sanġa kere ya la ahorejō ō. Ya wo ka ya ti jaarifōm wō, ama, ya fa ajεke ma minem dōŋgu wō. Ya ti ka ya la má pui wō, ama, deke n kere ti ya dεε wō.

¹¹ Tō, amberε ya danfo Kōrintofōm, ya fa má deke be afie má am su, ya teke ya ahorembaa ama am. ¹² Yere, ya kpiε má am ya koro, amberε yiri, am akpiε ya am koro. ¹³ Am ti ka m nbaam dεε ti ye m suse am sō n a, ka am gusu teke am ahorembaa ma ya, kabo ya teke ya dεε ama am ni.

Má am fa am ɲu bo minem bo bu yo má Kristo yarada n su

¹⁴ Má am fa am ɲu bo minem bo bu yo má Kristo yarada n su, dama bo i yo sa bo i kɔ atin su Nyeme do n ni ketemafɔ ni, i yo se ye bu koro sanɔa wo a? Wara wein ni awosin yo se koro sanɔa wo a? Ai, i koro yo má. ¹⁵ Nzu anɔɔse wo Kristo ni Sitana afien a? Wara nzu tana wo sɔnɔ bo wo yo Kristo yarada n ni bo wo yo má i yarada n afien a? Ai, bu la má tana. ¹⁶ Nzu anɔɔse wo Nyeme Sereebiri Awuru n ni amɔem afien a? Ai, bu la má anɔɔse be. Yere ti ka Nyeme Sereebiri Awuru n a, ye yiri Nyeme bo i wo bere sanɔa kere n wo nu n a. Kabo Nyeme ni i tii ase ni, ka,

“M wó bu do,
na m ni bere sanɔa nati,
na m yó bu Nyeme,
na bu yó m minem.”

¹⁷ Nyini ti, Nyeme akaaki ase ka,

“Am fite yaki bu,
na am kpaaki yaki bu,

Micera ni seeri so a.

Na má am fa am ɲu mata deke bo i ti má casi,

na m dé am.

¹⁸ Na m yó am Si,

na amberɛ gusu yó m dɛɛ nbaam.

Kabo Micera Kpiri n ase lɛɛ.”

7

¹ M ninbaa koroowam, ahin deke n kere bo Nyeme ase ka i yó ma ya n dɛɛ ti, am ma ya kpakpara ya ɲu fite deke kere bo i ma ya ɲuniɛmbaa n ni ya awiewie n yo fin ni, na am ma ya soro Nyeme na ya woowa kere ti kabo Nyeme koro ka i ti ni.

Kabo bu sayoowa ma Pɔɔlu ahore jɔɔri ni

² Am teke am ahorembaa na am de ya. Ya do má am be ɲgasi, ya saaki má am be, ya sisi má am be. ³ Deke bo i ti na m se ahin so ni, i ti má ka m sujaraki am wo, dama ma du mo ase am ka am jore wo ya ahore su, ya ni amberɛ ti kun wo, haari yiwee nu wara ɲɔɔ nu. ⁴ M la ahoresi agaya fa kɔ am do, na m fa am fo agaya, na m la ahoreda agaya amberɛ dɛɛ ti, haari ni wahara n bo ya di i n kere ni, m la ahorejo bo i la má anusu.

⁵ Dama sanɔa bo ya ba juuri Makedoniya awore n nu ni, ya nya má ɲumiya haari kaan so mmɔɔ, ama, ya ɲuuri kekereke wo deke kere nu. Minem fa aluwa kpura ya so ɔ, na sere suti ya, ya ahore su. ⁶ Ama, Nyeme yiri, yiri dada minem bo bu ahore asaaki n ahore a, yiri adada ya ahore a, Titosi baawa n dɛɛ ti. ⁷ Má ka i baawa ni ɲgumi dɛɛ ti a, ama, ahoreda n bo am ni yiri kere nyaari i n dɛɛ ti a. Wo se ya kabo am wara ado m na am koro ka am ɲu m barasu ni, ni kabo am ahore asaaki fa kɔ jore n su ni, ni kabo am ahore abi m busu barasu ni, nyini ma m ahore ajo ako asin su n a.

⁸ Haari nzen kadasi n bo m yo kere maari am n asaaki am ahore, ma yo má m si i n so, fa kɔ nyini n dika. Nzen má m ɲuuri kabo nyini kadasi n ama am ahore asaaki, haari ni bo wo ce má ni, má m yoori m si i n so. ⁹ Kisa m ahore ajo, má ka am ahore asaaki n dɛɛ ti a, ama, am ahoresaaki ni, wo ma am akaaki am wo n dɛɛ ti a. Nyini ahoresaaki ni, yiri ama am akaaki kabo Nyeme koro n a, adena má am kpaasi fieo, yere dɛɛ ti. ¹⁰ Dama ahoresaaki bo i ti kabo Nyeme koro ni, yiri ma ya kaaki ya wo ye ya nya tiide a, na ya yo má m si i n so a. Ama, durunya n nu dɛɛ ahoresaaki n fa yiwee ba. ¹¹ Am nie sa bo Nyeme ma am ayo i a, nyini ahoresaaki n dɛɛ ti, kabo am nyunu aboro ka am yo jore n donɔgu na má be jaraki am ni, ni kabo yaa ti am fa kɔ

yiri n bo wɔ do ŋgasi n su ni, ni kabo jɔrɛ n ama sɛrɛ ati am ni, ni kabo am wara ado m na am koro ka am ŋu m ni, ni kabo am ahore abi m busu ni, ni kabo am nyunu aboro ka am fa nahɔrɛ cin i sui ni. Deke n kɛrɛ nu, am akere ka am la má ŋgasi be lɛɛ, fa kɔ nyini jɔrɛ n su. ¹² Deke bo i ti na m yo kɛrɛeri kadasi n maari am ni, má yiri n bo i doori ŋgasi n dɛɛ ti a, wara sɔnɔ n bo wɔ do i ŋgasi n dɛɛ ti a, ama, deke n bo i ti na m yo kɛrɛeri i sɔ n la ka, adena Nyɛmɛ ma am si kabo am cɛcɛ wo ya nu ni anyumboro su barasu ni. ¹³ Nyini n kɛrɛ adada ya ahore a.

Má nyini ahoreda n ŋgumi ye ya la i a, ama, deke bo i ma ya ahore ajo agaya n la kabo Titosi ahore ajo ni, dama ambɛrɛ kɛrɛ adada i ahore a. ¹⁴ Nyini ma ya ahore ajo sɔ a, dama ma du mɔ afa am afɔ kabo am ti barasu n akere yiri Titosi, na am ama ma di má nyinsɛ. Kabo jɔrɛ n kɛrɛ bo ya kan kereeri am n ti nahɔrɛ ni, sɔ ye minɛm koro ŋu kabo ya fɔɔri am ŋusu jɔrɛ n kereeri Titosi n gusu n ti nahɔrɛ a. ¹⁵ Deke bo i ma yiri Titosi koro am agaya ni, maala bo i tenge su kabo am kɛrɛ deerɛ i nɔaniɛ n ni, ni kabo am deerɛ i ni am saa nnyɔ n na sɛrɛ ti am agaya na am ŋuniɛ subobo am ni. ¹⁶ M ahore ti jɔɔwa, dama deke n kɛrɛ nu, m la ahoresi fa kɔ am dɔ.

8

Aceeri n bo bu de kɔ maari Yerusalem dɛɛ Kristo jama n jɔrɛ

¹ Tɔ, m ninbaam, ya koro ka am si kabo Nyɛmɛ ama Kristo jamam bo bu wo Makɛdoniya dɛɛ awɔrɛ n nu n adi i ahɔrɔma barasu ni. ² Saŋga bo bu wo wahara ni kekereke nu agaya ni, na ba kere kabo bu ahore ajo akɔ asin su, na ba ce aceerim beberebe ni bu ahorembaa kun, haari ni bo yaari ati bu agaya ni. ³ M koro di daani ka bu maari bu faŋga nyaari wɔ, haari ba ma atara kabo má bu ma ni mmɔɔ. Bu koroyanu, ⁴ na ba sere ya jande ka ya ma berɛ mmɔɔ nya atin na bu saa wo nyini juma n nu, bo ya de aceerim fa ma Nyɛmɛ minɛm ni. ⁵ Haari na ba yo akɔ atara kabo má ya sunsun ka bu yo ni. Bu du mɔ faari bu ŋu maari Mibiɛ n wɔ ka, na ba nya fa bu ŋu ama yɛrɛ gusu, kabo Nyɛmɛ koro ni. ⁶ Tɔ, kabo Titosi ti sɔnɔ bo i boori ahin aceeri juma n bu am nu ni, wɔ yo daka ka ya sere i jande na i suyo i sɔ ma am, haari i kɔ wie. ⁷ Ambɛrɛ, am boro am nyi deke n kɛrɛ nu wɔ, berɛ la yarada n bo am la i ni, ni kabo am koro jɔjɔ ni, ni kabo am la si ni, ni kabo am cɛcɛ wo deke n kɛrɛ nu ni, ni kabo am la koro ma ya ni. Kabo i ti sɔ ni, wɔ yo daka ka am boro am nyi yo ahin aceeri juma n gusu.

⁸ I ti má ka m suma am nɔɔ ka am yo sɔ ɔ, ama, m koro ka m kere am kabo nyingam la koro ni anyumboro na bu buka n wɔ, adena m yo am na m niɛ ka am la koro nahɔrɛ su. ⁹ Am si juma kpa n bo ya Mibiɛ Yesu Kristo yoori i ni, i yo ti ajekɛfɔ Nyɛmɛ dɔ ɔ, ama, ambɛrɛ dɛɛ ti na wɔ kaaki yaarifɔ, adena am kaaki ajekɛfɔm Nyɛmɛ dɔ, kabo wɔ kaaki yaarifɔ n dɛɛ ti. ¹⁰ Ahin jɔrɛ n yiri, afara, ambɛrɛ du mɔ boori nyini juma n bu a, má ka am du mɔ boori i bu ni ŋgumi, ama, ni kabo am koroori ka am yo i n gusu ni, nyini ti, fɔ bo m koro ka m fa tu am n la ka, ¹¹ i ti ye ni ka am yo juma n bo am ŋa am yo i n kɔ wie kisa, adena kabo am yo la anyumboro am sunsunni nu, na am koro ka am yo i ni, sɔ ye am kere anyumboro a, na am fa deke n bo am la i n fa yo i wie. ¹² Nzen be la anyumboro na i koro ka i ce aceeri, Nyɛmɛ de i aceeri n fa kɔ deke bo i koro ce n su wɔ, má deke bo i koro ce má ni. ¹³ I ti má ka ya koro ka ya yi nbem fie nu, na ambɛrɛ fie wɔ. Ai, ama, ya koro ka i sɛ su ma sɔnɔ kɛrɛ wɔ. ¹⁴ Tɔ, kisa am la i, na nbem la má i ni, am buka bu. Na nzen bu gusu bá la i, na am la má i, bu gusu buka am. Sɔ ye i sɛ su ma sɔnɔ kɛrɛ a. ¹⁵ I ti kabo ba kɛrɛ i Nyɛmɛ Jɔrɛ Kadasi n nu wɔ, ka,

“Bo i tambuuri beberebe ni, wɔ sunnu asin má su,
ye bo i tambuuri kaan n gusu, wɔ kpɛ má i su.”

Titosi ni i bukafö m n jö r e

¹⁶ Ya da Nyeme asi, yiri ma Titosi nyunu aboro na i cecce wo am do a, kabo mini mmoo dee ti ni. ¹⁷ Ya sere yiri Titosi ka i ba am do, na wo soro su, ama, yiri ni i tii dee koroyanu ye i na i ko a, dama i cecce du mo wo am do. ¹⁸ Bo i buka i su, ya susunma ya niwa be gusu am do. I ti sono bo i yo labari kpa n juma a, nyini dee ti, Kristo jama n kere kansu i wo. ¹⁹ Ma nyini ngumi, ama, yiri ye Kristo jama n kere ayi i ka i susu ya su buka ya a, na ya nie ahin aceeri ceewa juma n su n a. Ahin juma n wura Nyeme kpiri wo, na i kere kabo ya koro ka ya buka minem ni anyumboro ni. ²⁰ Ya koro ma ka be jaraki ya fa ko kabo ya nie ahin aceeri beberebe n su ni. ²¹ Nyini ti, ya boro ya nyi wo, na ya yo sa bo i ko atin su, ma Nyeme ngumi do, ama, adamande mmoo do.

²² Ya kaaki susunma ya niwa be buka bu su. I ti sono bo ya yo i anie atin barasu nu, anu ka i la anyumboro fa ko deke dongu su. Kisa ya nu ka i la anyumboro tara so, dama i la ahoresi fa ko am do. ²³ Titosi yiri, i ti m matafo bo m ni yiri sangga yo juma ma am wo. Ya ninbaa nnyom bere yiri, bu ti minem bo Kristo jamam n asunma bu wo, na bu kaaki wura Kristo kpiri. ²⁴ Nyini ti, am yi am nu fofoe nu, na am kere Kristo jamam ni kabo am la koro ni, na bu si deke n bo i ti na ya fa am fo ni.

9

Kabo ya buka ya bengu Kristofö m bo ba fun i ni

¹ To, aceerim bo am fa ko buka Nyeme minem ni, mini do, wo ti ma ye ka m kere i jore. ² Dama m si kabo am koro ka am buka barasu ni, haari ma du mo afa am afo Makedoniya awore n nufom do, ka ambere Akaya awore n nufom n adu mo akpa am nu haari afara kere. Kabo am nyunu aboro na am koro ka am ce ni, wo yo bu dongu gusu nunie nyanyaka ye bu koro ka bu ce n a. ³ Nyini ye m susunma ahin ya ninbaam am do n a, adena kabo ya fa am afo akere bu ni, na ma i ka ngbeen, ama, am yo siriyaa, kabo ma du mo ase bu ka am yo siriyaa ni. ⁴ Ma nyini, nzen Makedoniyafom nbem suuri m su baari, na bu ba nu ka am nya yo ma siriyaa, i ti ya nyinse wo, ya kan ma am dee yiri, kabo ya yo am yarada n dee ti. ⁵ Nyini dee ti, ma nu ka wo yo daka ka m sere ya ninbaam ni, na bu du m mo am do, na bu buka am, na am sese am aceeri n bo am yo sereeri ka am yi fa ma n su. Nyini ma i yo koro aceeri a, i ti ma ka bu mie am wo.

⁶ Am tenge su, ka sono bo i do kaan, i ba kpie kaan wo. Na sono bo i do dongu, i ba kpie dongu wo. ⁷ Sono kere ce aceeri n kabo wo du mo asunsun i ahore su ka i ce barasu ni, ma ka bu mie i wo, ama, i mi ma ni ahorejo, dama Nyeme koro bo i ce ni ahorejo o. ⁸ Yiri Nyeme ni, yiri koro ma am nya i aceeri barasu kere a, na am nya deke kere bo am koro sangga kere, na i se am su, na am nya i buka su, adena am koro yo juma kpa kere. ⁹ Kabo ba kere i Nyeme Jore Kadasi n nu ni, ka,
“Wo sandi i aceerim afa ama yaarifom ni,
na i kpayo n wo bere sangga kere.”

¹⁰ Nyeme ti bo i ma dadorifo ni alembaa n a, na i kaaki ma minem diire na bu di a, yiri ma am alembaa n a, na i ma i sunnu buka su, na i kaaki ma am kpayo subuka su sangga kere. ¹¹ Na i ma am sunya beberebe deke n kere nu, adena am koro suyo kpa ma minem sangga kere, nyini ma minem da Nyeme asi, fa ko deke n bo ya yo i n su a. ¹² Ahin aceeri juma n bo am yo i ni, i ti ma ka i subuka Nyeme minem bo ba fun i ni ngumi wo, ama, i kaaki ma minem dongu da Nyeme asi wo. ¹³ Ahin juma n bo am suyo i ko wie ni, nyini kere kabo am woowa ti barasu a. Na minem nu i, na bu kansu Nyeme kabo am ade yiri Nyeme noanie n na am kan kere minem nahore, ka am su Kristo labari kpa n jore n su ni. Bo i buka nyini n su la kabo am yo kpa, na am kpaaki am nengem nu ma bere ni nyingam kere ni. ¹⁴ Kabo Nyeme ama am anya

i ahöröma akö asin su ni, berε, bu koro am ni anyumboro na bu sere Nyeme ma am.
¹⁵ Am ma ya da Nyeme asi fa kö i aceeri n bo wö fa ama ya na i la má anjusu ni.

10

Kabo Pöolu jöjö fa kööri i jumayoowa nyaari n su ni

¹ Mini Pöolu ni m tii, m susere am wö, Kristo sawöre n ni i benle woowa n dεε ti, mini bo nbem ηa nzen m wo am dö, m san nya ni, ama, nzen m wo má am dö yiri, m la ahore wö. ² Deke bo i ti na m susere am n bu la ka, m koro má ka am ma m yo ahore, sanğa bo m ba baari am dö ni, na m yo ahoresi jöjö am, kabo m sunsun ka wö yo daka ka m jöjö bu ni, berε bo bu ηa ya su durunya n nuföm woowa n su ni. ³ Haari ni bo ya wo durunya n nu ni, ya kun má lue n kabo durunya n nuföm kun lue ni. ⁴ Biesöya nenngem bo ya fa kun lue n ti má durunya n nu fen dεε viesöya nenngem. Ama, i fite Nyeme dεε yiko n nu wö, na i kunma na i saaki fanğa woobiri kerε, na i kunma na i saaki sunsunni kerε bo i ti má nahöre, ⁵ na i kunma na i saaki deke kerε bo i wura i ηu kpiri na i kanda minem na má bu si Nyeme ni, na i ma ya kunma sunsunni kerε bo i ti ka ya kpöföm ni, na bu de Kristo nōanie ni. ⁶ Amberε, am deeri i nōanie n wieeri, ye ya bá cin bu kerε sui a, berε bo ba kete ka bu de má i nōanie ni.

⁷ Amberε, deke bo am nyumbaa ηu i ni, nyini ye am sunsunni wo i su a. Nzen be la ahoresi ka i ti Kristo dεε söno, i ti ye ni ka i mi kaaki sunsun ka yerε mmöo ti Kristo minem wö, kabo yiri mmöo ti ni. ⁸ Haari nzen m fö yanföya tara kabo má m fö ni, fa kö yiko n bo Mibiε n afa ama ya n su, i la má m nyinse, nyini yiko n ye Mibiε n maari ya, ka ya fa buka am, na am kö mö ni am nyemesu ni, wö ma má ya ka ya fa saaki am ji wö. ⁹ M koro má ka i yo ka m sukere am kadasim n na m wura am sere wö. ¹⁰ Dama nbem bo bu kan m jöre ni, bu ηa, m kadasim wo nō na bu la fanğa, ama, sanğa bo mini ni m tii ba wo am dö, m ti söno yörökiiwa a, kabo m jöjö ni, be fa yo má pui. ¹¹ I ti ye ni ka nyini minem sö n si ka, kabo sanğa bo ya wo má dö na ya kere kadasim n nu ni, sö ye ya yó a, sanğa bo ya wo am dö ni.

¹² Ahin minem ni, berε ni bu tii kan kere minem kabo bu ti wö, ama, yerε yiri, ya soro sere ni bo ya fa ya ηu bo bu su, wara na ya fa ya ηu bu bu. Ama, kabo bu fa bu ηu bo bu bengum su ni, na bu fa bu ηu bu bu ni, nyini kere ka bu la má ηgönle haari kaan sö læε. ¹³ Yerε yiri, ya wura má ya ηu kpiri, na ya fö tara kabo i ti ye ni ka ya fö ni. Ya yo kö jina ya juma yoobiri nyaari wö, deke bo Nyeme afa ama ya ka ya yo ni, haari ya yo aba aju amberε mmöo dö. ¹⁴ Nzen má ya du má mö aba má am dö, nyini yiri, ya suyo kö sin ya juma yoobiri nyaari wö læε, fa kö ahin jöre n su. Ama, kabo i ti ni, yerε ti minem bo ya duuri mö a, haari bo ya ba juuri am dö, na ya kan Kristo labari kpa n akere am. ¹⁵ Yerε, ya gusu fa má nbem juma fa fö má, na má ya fö tara ya juma yoobiri nyaari. Ama, ya la tama ka kabo am yarada subuka su ni, ya juma ni sandi bara ye am nu, kabo ya juma yoobiri nyaari ti ni. ¹⁶ Adena ya koro kö kan labari kpa n kere minem, bo bu wo asienm bo bu wo am nyunu dö ni. Ya koro má ka ya yo wura nbem dεε juma yoobiri bo ba du mö ayo i n nu, na ya fa fö. ¹⁷ Ama, kabo ba kerε i Nyeme Jöre Kadasim n nu ni, ka, "Söno kerε bo i ηa i fö, i fö Mibiε n dεε ti." ¹⁸ Dama má söno bo yiri ni i tii kan kere kabo i ti ni, ye Mibiε n de i ka i ti söno kpa, ama, bo Mibiε n kere ni, yiri ti söno kpa.

11

Pöolu ni jaramasa köreföm n jöre

¹ Tö, má am soro su, na am yo sawöre ma m, na m jöjö sinnzin jöre kaan sö. Jande, am yo sawöre ma m. ² M si am köre kabo Nyeme si am köre ni, dama am ti m dεε nbaam wö, ka baabara bo i nya si má viesö, ye ma fa am ace viesö kun, yiri la Kristo.

³ Ama, m soro sere wɔ, dama nzen m tengeeri Hawa jɔre n su, yiri la kabo woo n yo faari ngɔnletie dadakaari i na i nyaari i na i kunmaari i ni, nyini ma m soro ka beni, amberɛ mmɔɔ bá mini fa kɔ am sunsunni nu, na am yaki Kristo dɛɛ atin n bo am su i su, na am ahorembaa ti kun, na am woowa ti casi Kristo dɔ ni. ⁴ Dama nzen be ba baari am dɔ na i ba kaanri Yesu be jɔre, na i ti má Yesu n bo ya kan i jɔre kereeri am ni, wara nzen am deeri awiewie be, na i ti má Awiewie n bo am du mɔ deeri i ya dɔ ni, wara labari kpa barasu be bo i ti má bo am deeri i ni, amberɛ koro yo nyini sawɔre na am de nyini n sɔ a. ⁵ Berɛ bo bu yo bu ŋu ka bu ti Kristo jaramasam na bu la má aɲusu ni, mini yiri, m sunsun má ka m ti kaan ni berɛ fieo. ⁶ Haari ni bo m ti má sɔɔ bo i koro jɔɔ kabo bu jɔɔ ni, m la si yiri, ma du mɔ akere am ka i ti sɔ ɔ, deke n kere nu ni saɲga kere.

⁷ Am aɲu má i? Saɲga bo m ba kaanri Nyeme dɛɛ labari kpa n kereeri am ngbeɛn, na ma de má deke be ni, m yoori m ŋu kaan wɔ, na m wura am kpiri, ma do ngasi wɔ lɛɛ, nzen se? ⁸ M koro se ka m yo finri Kristo jamam nbem wɔ lɛɛ, dama m yo deeri buka bu dɔ ɔ, ye m fa ba bukaari am a. ⁹ Saɲga bo m yo wo am dɔ na m la má pui ni, ma fa má m fie afie má be, dama ya ninbaam bo bu fite Makedoniya awɔre n nu yo bukaari m ni deke kere bo wɔ kpie m su ni. Ma koro má ka m fa m fie fie am be deke be nu. M woori sɔ ɔ, na m toko wo sɔ ɔ lɛɛ. ¹⁰ Kristo dɛɛ nahɔre n bo i wo m nu n dɛɛ ti, be wo má berɛ bo i koro kanda m na m fɔ má nyini yanfoya ni, Akaya awɔre n kere nu. ¹¹ Nzu ti a? Ka m koro má am, nzen se? Ai, Nyeme si ka m koro am.

¹² Nyini ti, deke n bo m yo i ni, m kó su yo i sɔ ɔ, adena m tɔ bu atin, berɛ kɔrefɔm ni bo bu koro ka bu nya atin na bu fɔ, na bu se ka ya ni berɛ kere jumayoowa se ni. ¹³ Dama nyini minem sɔ ti jaramasa kɔrefɔm wɔ, bu nati bu kɔre wɔ, fa kɔ bu jumayoowa su, na bu yo bu ŋu ka bu ti Kristo jaramasam wɔ. ¹⁴ Nyini n sɔ n ti má alekutura, dama haari Sitana ni i tii mmɔɔ yo i ŋu ka i ti mereke bo i ta wein n wɔ. ¹⁵ Nyini ti, i ti má alekutura, ka i amusuisufɔm mmɔɔ yo bu ŋu ka bu su nahɔre atin su wɔ. Ama, bu awieeri bá kere kabo bu jumayoowa ti a.

Kabo Pɔɔlu diiri wahara i jumayoowa n dɛɛ ti ni

¹⁶ M koro ka m kaaki se am bekun wɔ, ka má be sunsun ka m ti sinnzin wɔ, ama, nzen am sunsun sɔ yiri, am yo sawɔre na am de m ka m ti sinnzin wɔ, adena mini mmɔɔ koro fɔ kaan sɔ. ¹⁷ Ahin ahoresi n bo m fa fɔ sɔ ni, i fite má Mibie n dɔ, ama, m jɔɔ ka m ti sinnzin wɔ. ¹⁸ Kabo minem dɔŋgu fɔ kabo durunya n nufɔm yo ni, sɔ ye mini gusu fɔ n a. ¹⁹ Am aɲu má i? Amberɛ la alecira a, am mindi de minem bo bu ti sinnzin n wɔ, ni ahoreda a. ²⁰ Nahɔre, haari minem bo bu mie am fa am yo bu akɔm ni, am mindi de bu wɔ, wara nzen be asisi am, am mindi de i wɔ, wara nzen be anya am taraabiri, am mindi de i wɔ, wara nzen be kere i ŋu am dɔ, am mindi de i wɔ, wara nzen be boori am nyɔɔnu, am mindi de i wɔ. ²¹ Yere, ya yo má nyini n be sɔ am nu, i ti m nyinse wɔ, beni, ya yɔrɔki ya ŋu n dɛɛ ti a.

Ama, kabo nyini minem soro má sere na bu fɔ deke kere ti ni, mini mmɔɔ, kisa m gusu soro má sere na m fɔ fa kɔ nyini dekem n su. Beni, am sunsun ka m jɔɔ ka m ti sinnzin wɔ. ²² Bu ŋa bu ti Hiburufɔm wɔ? Tɔ, mini mmɔɔ, m ti sɔ ɔ. Bu ŋa bu dɛɛ la Yisarelifɔ nyemesu atin ni? Tɔ, mini mmɔɔ, m su nyini n su a. Bu ŋa bu ti Abraham anumam wɔ? Tɔ, mini mmɔɔ, m ti sɔ ɔ. ²³ Bu ŋa bu ti Kristo amusuisufɔm wɔ? Tɔ, m tara bu. Am nie, i ti ka m nyunu akan m ye m jɔɔ sɔ n a. Ama, nahɔre, ma yo juma atara bu, ba nyi m dansaraka bo i la má nɔ, bu boori m haari m ngɔɔ ba kaari kaan sɔ ɔ, saɲga dɔŋgu, kaan sɔ, má ma wu. Nyinim kere nu, m tara bu. ²⁴ Kpe nnu lɛɛ bo Yudaɔm n afin m ngbere mbaa kun kun aburana kun kpie su. ²⁵ Kpe nsen lɛɛ bo ba fin m ni bulaari ngbere. Ba tu m yabuɛ kpekun. Kpe nsaɲ lɛɛ bo m wo lee bambakam nu tieku n su na ba sandi nu, haari na ma da tieku n nu kpekun, kɔŋgue ni wiesu.

²⁶ M nati sɔ læe sanɔa kere, m la má tana, ma ɲu anyumboro nzuetinm kpíeɓiri, ma ɲu anyumboro minem bo bu nati fin bu benɔum n saa nu, ma ɲu anyumboro m tienɔu minem saa nu, ma ɲu anyumboro minem bo bu ti má Yudafoɔm saa nu, ma ɲu anyumboro miɛ kpirim su, ma ɲu anyumboro boro kpantainm nu, ma ɲu anyumboro tieku n su, ma ɲu anyumboro ya ninbaa korefoɔm n do, bere bo bu yo bu ɲu ka bu ti Kristo minem ni. ²⁷ Ma yo juma nahore su adi wahara, ma kpíe daafiri sanɔa doɲgu, ma da ahore ni nzuehore, ma fun diire sanɔa doɲgu, na ayere ati m, na ma nati m ɲunie ɲgbɛɛn. ²⁸ Dekem bo ba ka ni, m kán má bu jore, ama, deke bo i kpíe m daafiri ale kere bo i cin ni, yiri la kabo m sunsun Kristo jama n kere jore n wo. ²⁹ Bu nu ɲma agbaraki ye i gbarakiwa n asa má m a? Bu nu ɲma ye bu ma i yo satie ye i yo má m yaa?

³⁰ To, sanɔa bo wo yo daka ka m fo, m fo fa ko dekem bo bu kere ka m la má fanɔa n su wo. ³¹ Nyeme si ka m bu má kore, yiri ti ya Mibie Yesu Si a, yiri ti ye ni ka ya kansa i sanɔa kere a. ³² Sanɔa bo m yo woori Damasiko miɛ kpiri n nu ni, na gomina be wo bere, yiri ye Feme Aretasi yo faari miɛ n yiko wuraari i saa nu, na nyini gomina n ama tintinijinafoɔm n ako anminda miɛ n ka bu tara m. ³³ Ama, na minem n afa m awura kandie bambaka nu, na ba fa m accondi kobe n tukoro nu, ajura asiɲgu, na ma foro gomina n saa nu.

12

Sayikereewa n ni deke n bo Pɔɔlu ɲuuri i ka alele nu n jore

¹ To, wo yo daka ka m fo, haari ni bo i la má kperɛ be ni. M la deke nbem bo m kan buka su, bere la kabo Nyeme yiiri deke nbem kereeri m ka alele nu ni, ni kabo i yiiri sayoowam kereeri m ni. ² M si sɔno be jore, i ti Kristo sɔno o, yiri ye Nyeme yo faari i fun kɔori anɔoro woobiri nsan su ni i do n a, i nyuma afo buru ni nna læe. Nzen i kɔori ni i ɲuniɛmbaa a, wara i awiewie nu, mini, m si má, Nyeme si a. ³⁻⁴ Nahore, m si nyini sɔno n jore, yiri ye Nyeme faari i fun kɔori aleceema nu n a, na wo ti jorem bo bu la má kan, na be gusu la má atin ka i jojo bu, ama, kabo i yoori ni, ma si má, nzen i kɔori ni i ɲuniɛmbaa a, wara i awiewie nu, mini, m si má, Nyeme si a. ⁵ To, nyini sɔno n sɔ, ye m fa fo n a, ama, mini ni m tii, m koro fo má deke be ti, má ka dekem bo bu kere ka m la má fanɔa n ye m fa fo a. ⁶ Haari nzen má m ɲa m fo mmoo, má m ti má sinnzin wo, dama má m kan nahore wo. Ama, m yaki i sɔ o, adena má am be wura m kpiri tara dekem bo i ɲu ka m yo bu, ni dekem bo i ti ka m kan bu ni.

⁷ To, fa ko sayikereewa beberebe n bo Nyeme fa kereeri m su, wo koro má ka nyini deɛ ti na m wura m ɲu kpiri. Nyini ti, i maari Sitana faari tore be wuraari m ɲuniɛmbaa nu, i ti ka buwe ye i wowo m a, na i sukere m wahara, adena má m wura m ɲu kpiri. ⁸ Kpe nsan læe bo ma sere Mibie n fa ko ahin jore n su, ka i ma i fite yaki m. ⁹ Ama, na wo se m ka, “M ahoroɔma n ase u su, dama sanɔa bo a la má fanɔa ni, ye m kere m yiko kabo m koro a.” Kabo i seeri sɔ n deɛ ti, nyini ma m la ahoreda na m fo fa ko kabo m la má fanɔa n a, adena Kristo yiko n wo m do sanɔa kere a. ¹⁰ Nyini ma Kristo deɛ ti ye m ahore ti daawa n a, sanɔa bo m la má fanɔa n a, ni sanɔa bo bu kpíe m nzuko ni, ni sanɔa bo m ɲu kekere ni, ni sanɔa bo bu kere m wuwuruwa ni, ni sanɔa bo m ɲu anyumboro ni. Dama sanɔa bo m la má fanɔa ni, nyini sanɔa n ye m la yiko Nyeme do a.

Kabo Pɔɔlu kereeri ka bu jore kpíe i daafiri ni

¹¹ To, kabo m jojo ni, ma yo ka sinnzin wo læe, amberɛ miɛ m a, ye m yo sɔ n a. Má amberɛ ti minem bo am kan kereeri kabo m ti n a, má i ti ye. Dama bere n bo bu yo bu ɲu ka bu ti Kristo jaramasam na bu la má anusu ni, mini yiri, haari ni bo m ti má pui ni, m ti má kaan ni bere fieo. ¹² Nahore, sam bo bu kere ka m ti jaramasa ni, ye

m yoori bu am dɔ n a, ni mindi kere, ni alekutura sam, ni yiko sam, ni abonɔ sam n a. ¹³ Nzu deke ye m yo maari Kristo jamam bo bu wo mie nyingam su n ye ma yo ama má am a? Má ka bo ma fa má m fie be afie má am ni. Tɔ, ma do ngasi, am fa ce m.

¹⁴ Am ti fɛn, kisa ma sese m ɲu su ka m ba nie am busu kpe nsan su læ, ama, m toko koro má ka m ba fa m fie fie am. M suba má ka m koro am nenje be wɔ, ama, m koro amberɛ wɔ. Dama má nbaam kpini nengem se bu wufɔm a, ama, bu wufɔm ni kpini se bu nbaam n a. ¹⁵ Mini, deke bo m la i ni, m di i ka a, na m fa buka am, na m fa m ɲu kere ma am, nyini ma m ahoreda. Ma si má, m koro am agaya n sɔ n dɛɛ ti, ye amberɛ koro m kaan sɔ n a? Ai, atin wo má nu. ¹⁶ Tɔ, am nbem ɲa ma fa má m fie be afie má am, ama, bu ɲa m fa ngɔnletie wɔ, na ma dadaka am anya am taraabiri. ¹⁷ Ka sɛ? Minɛm bo m yo sunmaari bu am dɔ ni, m ma bu be sisiiri am be maari m, nzen sɛ? Ai, be asisi má am ama má m. ¹⁸ M yo sereeri Titosi wɔ, na wɔ ba am dɔ, na ma ma ya niwa n asunma i. Titosi yo sisiiri am, nzen sɛ? Ai, wɔ sisi má am. Amberɛ mmɔɔ aɲu ka m ni yiri kere sunsunni ti kun wɔ, na ya kere su atin kun su a.

¹⁹ Beni, nyini n kere bo ya jɔjɔ i sɔ ni, am sunsun ka ya sukan de ya tii wɔ, nzen sɛ? Ai, i ti má sɔ. M ninbaa koroowam, kabo ya ni Kristo ayo kun na ya jina Nyeme nyunu n ye ya se sɔ n a. Deke n kere bo ya yo i ni, i buka am na am kɔ mɔ ni am nyemesu n wɔ. ²⁰ M soro sere wɔ, m koro má ka m ba baari am dɔ, na má m ba tu am kabo m koro ka am ti ni, wara na amberɛ gusu ɲu m kabo má am koro ka m ti ni. M soro sere ka, beni, m bá ɲu ka, am suse akuruwa, na am susi kɔre, na am sufa yaa, na am suyo anyii sam, na am sukan am beɲu jɔre susaaki bu, na am sukpara tere, na am suyo kpirikoro, na am la kpakpaakinu. ²¹ M soro sere ka m ba juuri, na má Nyeme ma m yo m ɲu kaan am nyunu, na má m ahore saaki fa ma bu, bere bo ba du mɔ ayo satie, na bu nya kaaki yaki má bu dangba sayoowam, ni sakaraya, ni konvikiya ngbɛɛnɲgbɛɛn ni.

13

Awieeri su dɛɛ bɔbɔɔwa ni anse ni

¹ Tɔ, ahin baawa n bo m súbá ni, yiri yo m kpe nsan su bo m ba nie am busu a. Kabo ba kere i Nyeme Jɔre Kadasi n nu ni, ka, “Jɔre kere bo ba kan i na i ti nahɔre, má ka mine nnyɔ, wara mine nsan adi i daani.” ² Saɲga bo m yo baari am dɔ ba nieeri am kpe nnyɔ su ni, m yo bɔbɔɔri am nbem. Kisa na m wo má am dɔ ni, m koro ka m bɔbɔ bu bekun fa kɔ nyini n su, ka nzen m baari, m yáki má bere n bo bu yo yoori satie ni, ni bo bu buka bu su kisa n kere. ³ Dama am ɲa am koro ka am ɲu deke bo i kere ka Kristo fa m su, ye i jɔjɔ am dɔ sɔ a. Tɔ, am aɲu ka yiri ti má bo i la má faɲga, ama, i la yiko am nu. ⁴ Nahɔre, saɲga bo bu yo kpamaari i baka jaanu n su ni, i yo la má faɲga, ama, haari ni nyini n kere, kisa i la ngɔɔ wo bere, Nyeme dɛɛ yiko n dɛɛ ti. Sɔ ye i ti a, yere bo ya ni yiri kere ayo kun ni, yere mmɔɔ la má faɲga læ, ama, Nyeme yiko n dɛɛ ti, ye ya ni yiri súwo a, na ya yo juma ma am.

⁵ Amberɛ ni am tii, am fiiti am ɲu na am nie ka am woowa kere ka am ayo yarada nahɔre su, wara am ayo má. Am si má ka Yesu Kristo wo am dɔ ɔ, nzen sɛ? I wo am dɔ yiri, ɲka am woowa kere ka am ayo má yarada nahɔre su wɔ. ⁶ M la tama ka am bá si ka, yere, ya ti má bo bu woowa kere ka ba yo má yarada nahɔre su ni. ⁷ Haari ni nyini mmɔɔ, ya sere Nyeme ma am wɔ, ka, má am yo sa be bo i kɔ má atin su, má ka ya koro ka mine ɲu ya woowa na i kere ka ya yo yarada nahɔre su, ama, ya koro ka am yo sa bo i ti kpa a, haari nzen má minɛm ɲu ya woowa na i kere ka ya yo má yarada nahɔre su. ⁸ Yere, ya koro yo má deke bo i jaraki nahɔre ni, ama, ya yo deke bo i su nahɔre ni ngumi su a. ⁹ Ya ahore ti jɔɔwa a, saɲga kere bo ya la má faɲga, na

amberɛ la yiko Nyɛmɛ dɔ. Ahin n ye ya sere Nyɛmɛ ma am a, ka, i ma am woowa yo kabo i koro ni. ¹⁰ Nyini mmɔɔ dɛɛ ti, ye m wo má am dɔ ye m sukere am ahin kadasi n sɔ n a, adena m ba baari am dɔ, na má m fa Mibiɛ n yiko n fa yi am anyumboro, nyini yiko n ye i maari m ka m fa buka am, na am kɔ mɔ ni am nyɛmesu n a, wɔ ma má m ka m fa saaki am ji wɔ.

¹¹ M ninbaam, jɔɛ bo wɔ ka n la ka, am ma am ahore jɔ, am boro am nyi na am wo wo kpa, am ti kabo m sereeri am ni, am la anɔɔsɛ ni am benɔum, am wo ni tanalaifiɛ. Nyɛmɛ ti tanalaifiɛ ni korofɔ a, yiri wó am dɔ a. ¹² Am bisa am benɔu dɔɔgu ni koro. Nyɛmɛ minɛm kɛɛ bo bu wo fɛn n bisa am kɛɛ dɔɔgu.

¹³⁻¹⁴ Ya Mibiɛ Yesu Kristo dɛɛ ahɔrɔma ni, ni Nyɛmɛ dɛɛ koro ni, ni Awiewiɛ Casi n dɛɛ wo fiɛ n wo am kɛɛ dɔ.

Pɔɔlu kadasi bo i kerε fa maari GALATIYAFOM ni

¹⁻² Mini Pɔɔlu bo m ti Yesu Kristo jaramasa n ni ya ninbaam bo bu wo m do fen n kerε, sukere ahin kadasi n ma ambere Kristo jama minem bo am wo Galatiya deε awore n nu n wo. Yesu Kristo ni ya Si Nyeme bo i tengeeri Kristo i yiwee n nu ni, afa m ayo i jaramasa, ma adamande yoori m a, bekun ma minem gusu faari juma n maari m a.

³ Ya Si Nyeme, ni ya Mibie Yesu Kristo buka am, na bu ma am ahoreda. ⁴ Ya Si Nyeme koroyanu n deε ti, na wo ma Yesu ade ya jinaabiri awu ya satie deε ti, adena i de ya fite ahin durunya tie n bo ya wo nu n nu. ⁵ Yiri ti ye ni ka minem kerε kansu i sanja kerε sanja. Ami.

Labari kpa kun n kpein n wo bere a

⁶ Am jore amie m bo m si ma kabo m kan. Kristo deε anunfo si ti, ye Nyeme afere am ka am ba su i, wo nya ce ma, ye am akaaki am sin abo i ndende, susu labari barasu be bo i wo i ngumi ni labari kpa n ni. ⁷ Labari kpa nyinga be wo ma bere, deke bo i ti na m se so n la ka, minem nbem koro ka bu ta am nyi wo, na bu fa kereewa barasu nbem kaaki Kristo labari kpa ni. ⁸ Ama, haari nzen yere be, wara nzen Nyeme merεke be fiteeri angoro ba kaanri labari barasu be, na i ti ma kabo ya du mo kaanri i ni, Nyeme yo i mi ngbeen. ⁹ Kabo ya du mo ase am ni, nyini ye m kaaki suse am bekun n a, ka, nzen be ba kaanri labari barasu be bo i wo i ngumi ni bo am ade i ni, Nyeme yo i mi ngbeen.

¹⁰ Bu na m suyo m juma n ka mine kansu m wo, ama, i ti ma so, m koro ka m yo bo Nyeme kansu m wo, m suyo ma sa bo mine se ka m ti kpa. Nzen ma m na m yo sa bo i sun mine nu, ma m koro yo ma Kristo ako.

Kabo Pɔɔlu ba yoori Kristo jaramasa barasu ni

¹¹ M ninbaam, m koro ka am si ka labari kpa n bo m kaanri i jore kereeri am ni, i ti ma deke bo i fite adamande sunsunni nu wo. ¹² I ti ma ka m deeru i fiteeri adamande do o, ma be gusu kaaki fa kereeri m a. Ama, Yesu Kristo ni i tii yiiri i kereeri m a.

¹³ Am yo tiiri kabo m woowa yo ti barasu, sanja bo m yo suuri Yudafo m deε atin n su ni. M yo kereeri Kristo jama n wuwuruwa agaya, na ma m butu bu. ¹⁴ M yo suuri Yudafo m atin n su nahore su taraari m sara sufom dongu bo bu su nyini atin n su ni. M nyunu yo boroori agaya kabo m yo na m su ya nana sayoowam su. ¹⁵ Nyeme ahorma n deε ti, sanja bo bu nya wu ma m ni, ye i yiiri m ka m yo i juma n a. Sanja n bo i suunri Nyeme nu n ba juuri ni, ¹⁶ na wo yi i Wa n akere m, adena m ko kan i labari kpa n jore kere minem bo bu ti ma Yudafo m ni, ye ma ko ma be do na i ko kere m kabo m yo n a. ¹⁷ Ma kaaki ako ma Yerusalem mie kpuri n nu na m ko nu minem bo bu du mo ti Kristo jaramasam ni. M koori Arabiya asien n su wo, na ma fite do, na ma nya akaaki ako Damasiko mie kpuri n nu. ¹⁸ I deε afo nsan sin, na ma ko Yerusalem ka m ko nie Kefasi busu, yiri bo bu kaaki fere i ka Peto ni, na ma ko awo i do ceen buru ni nnu. ¹⁹ Sanja bo m woori do ni, ma nu ma Kristo jaramasam n be abuka ma su, ma ka Yakobo, ya Mibie niema ni.

²⁰ Noanie n bo m sukere ma am ni, i ti nahore wo, m bu ma kore. Nyeme ti m daanifo a. ²¹ Nyini sin na ma fite Yerusalem, na ma ko Siriya ni Silisiya deε aworem n nu. ²² Nyini sanja Kristo jamam n bo bu wo Yudiya awore n nu n be nya nu ma m na bu ba si m, ²³ se ba ti ka mine na, "Ahin sono n yo kere ya wuwuruwa a, na i

kun mine bo ba de Kristo labari kpa n na i mini bu, kisa i nati kan labari kpa n jore kere mine wo." ²⁴ Deke n bo Nyeme ma m koro yoori i n dee ti, na ba kansii Nyeme.

2

Poolu ni i bengu jaramasa nbem jore

¹ Sanga bo ya fite Yerusalem mie kpiri n nu ni, i afo buru ni nna sin, na m ni Banabasi akaaki ako do bekun, na ya fa Titosi abuka ya nu su. ² Deke n bo i ti na m koori n la ka, Nyeme kereeri m ka m ko a. Na m ni Kristo jama nkpienkpienm n atien ya noo ya ngumi deke be, na ma kan ateke bu nyi, akere bu fa ko labari kpa n jore bo m kan kere minem bo bu ti ma Yudafom ni. Dama ma koro ma ka juma n bo m suyo i n kere ka ngbeen. ³ To, haari ni bo Titosi yo woori m do na i ti ma Yudafom ni, ba mie ma i ka i wura kenkenne. ⁴ Ama, be abisa ma ya i jore be, se mine nbem ba sangaari ya nu, bu yo bu nu ka bu ti Kristo dee minem wo. Bere seeri ka wo yo daka ka i wura kenkenne n a. Bu faari bu nu mataari ya a, adena bu nie kabo Yesu Kristo dee ti na ya nya ya tii ni. Ma bu koro ka ya su noanie kpamaawa n su wo, na ya yo akoom. ⁵ Ama, na ya fa nu, ya ma ma bu anyunu fieo, adena ma be kaaki i sin bo labari kpa n bo i ti nahore, na ya kan kere am su. ⁶ Bere n bo mine bu bu ka bu ti nkpienkpienm ni, m cee awo ma bu nu ka bu ti nkpienm, dama Nyeme tambu ma nu, nyini nkpienkpienm n gusu ala ma kaakiwa bo bu kaaki m fa ko m labari kpa n su. ⁷ Se deke bo bu nuuri i n la ka, Nyeme ye wo yi m ka m kan i labari kpa n jore kere minem bo bu ti ma Yudafom n a, kabo wo yi Petoro ka i kan i labari kpa n jore kere Yudafom ni. ⁸ Dama Nyeme ama m yiko ka m kan i labari kpa n jore kere minem bo bu ti ma Yudafom ni, kabo wo ma Petoro yiko ka i kan i labari kpa n jore kere Yudafom ni. ⁹ Na Yakobo, ni Petoro, ni Yohane bo mine bu bu ka bu ti Kristo jama mafom n anu ka, Nyeme ama m nyini juma n ka m yo i a, nyini dee ti, na ba fa bu saa awura m ni Banabasi saa nu, na ba de ya ni bu saa nnyo. Na ya kere asoro su ka m ni Banabasi ko yo juma ni minem bo bu ti ma Yudafom ni, na bere gusu ko yo juma ni Yudafom ni. ¹⁰ Ama, jore n bo bu seeri ya n la ka, ma ya wara fi yaarifom sa. Nyini ye m yo la anyumboro ka m yo i a.

Kabo Poolu jarakiiri Petoro barasu ni

¹¹ Ama, Petoro ba baari Antiyoki mie kpiri n nu na ma jaraki i, ma fie ma i su, dama sa n bo i yoori i ni, wo ko ma atin su. ¹² Sanga bo i du mo ba tuuri ya ni, i ni ya ninbaa Kristofom bo bu ti ma Yudafom ni sanga di diire a. Na mine nbem afite Yakobo do aba ka bu ba nie ya busu. Bu ba juuri ni, na wo cin i nu afite minem bo bu ti ma Yudafom n nu. I ni bere asanga adi ma diire kun, dama i soro Yudafom n ahore wo. ¹³ I yoori so ni, na Yudafom nyingam bo bu wo Antiyoki n gusu ayo kabo i yoori ni. Bu si kabo ma bu yo, ama, ba yo ma so. Na Banabasi gusu ason bu su. ¹⁴ M nuuri ka bu su ma Yesu labari kpa n bo i ti nahore n su ni, na ma se Petoro jama n kere nyunu ka, "Woro, a ti Yudafom o, ama, u woowa ti ka bo bu ti ma Yudafom wo. Ye nzu ti ye a koro ka a mie minem bo bu ti ma Yudafom na bu wo kabo Yudafom wo barasu n a?"

Yarada dee ti ye sono kere nya tiide a

¹⁵ Nahore, ya fiteebiri, yere ti Yudafom wo, ya ti ma minem bo bu su ma Nyeme na ya fere bu ka satieyofom ni. ¹⁶ Ya si ka na nzen sono yo Yesu Kristo yarada, ye Nyeme de i mi ka i yo sa bo i ko atin su i do a, ama, i ti ma ka i mi su Nyeme noanie kpamaawa n su, ye Nyeme de i ka i yo sa bo i ko atin su i do a. To, ye yere gusu ayo Yesu Kristo yarada, adena Nyeme de ya ka ya yo sa bo i ko atin su i do, i ti ma ka ya su noanie kpamaawa n su n dee ti a. Dama be wo ma bere bo i su noanie kpamaawa n su na Nyeme de i ka wo yo sa bo i ko atin su i do. ¹⁷ Kabo ya boro ya nyi na ya

su Kristo su na Nyeme de ya ka ya yo sa bo i ko atin su i do ni, nyini kere ka yere Yudafoṃ gusu ti satieyofom ka minem bo bu ti ma Yudafoṃ ti n wo. Ama, nyini n sukere ma ka Kristo subuka minem na bu yo satie wo lee. Ai, i ti ma so. ¹⁸ M yo su noanie kpamaawa n su wo, ama, ma yaki i, nzen kisa na m na m kaaki bo i bu su i su bekun, nyini sangha, ma fa m nu ayo satieyofo lee nahore su.

¹⁹ Mini do, fa ko nyini noanie kpamaawa n su, i yo m ka ma wu wo, m su ma i su kun, adena m nya ngoo Nyeme do. I ti ka m ni Yesu Kristo asanga awu baka jaanu n su a. ²⁰ Ahin ngoo n bo m la i ni, durunya n nu fen ni, yiri Nyeme Wa n koro m dee ti, na wo wu ama m, na ma yo i yarada, nyini dee ti ye m la ngoo n a. ²¹ Ma kete ma kabo Nyeme ayo ya sakpa akere i koro barasu ni. Ama, deke bo m suse n la ka, nzen sono na i su noanie kpamaawa n su, na nyini kere ka wo yo sa bo i ko atin su Nyeme do, nyini la ka, yiwee n bo Kristo wuuri i n ti ngbeen wo lee.

3

Nɔanie kpamaawa n ni yarada jɔre

¹ Ambere Galatiyafom, am la ma ngonle wo. Nma adadaka am a? M yo seeri am, kabo Yesu Kristo wuuri baka jaanu n su barasu ni, ma fie ma am su. ² Am ma m bisa am ahin bisaawa ni, am suuri noanie kpamaawa n su n dee ti, ye am deeri Nyeme Awiewie Casi n a? Wara nzen bo am tiiri Yesu labari kpa n jore na am yoori yarada n dee ti, ye am deeri i a? ³ Nzu ti ye am la ma ngonle so a? Am boori i bu ni Awiewie Casi n wo, ye i baari se ye am koro ka am fa am fanga wiewie i a? ⁴ Deke n kere bo Nyeme ayo i na am anu i n ti ngbeen wo lee, nzen se? Mini do, i ti ma ngbeen. ⁵ Bo am ati labari kpa n na am ayo yarada n dee ti, ye Nyeme afa i Awiewie n ama am, ye Nyeme yoori alekutura sam am nu a, nzen bo am su noanie kpamaawa n su n a?

⁶ Nyini ye ba kere i Nyeme Jore Kadasi n nu ka, "Abraham yoori Nyeme yarada n dee ti, ye Nyeme ade i ka i yo sa bo i ko atin su i do n a." ⁷ Nyini kere ya ka, bo ba yo Nyeme yarada ni, bere ti Abraham busu nufom nahore su a. ⁸ Nyeme Jore Kadasi n kere ka, minem bo bu ti ma Yudafoṃ ba yo Nyeme yarada, na i de bu ka ba yo sa bo i ko atin su i do. Nyeme du mo kaanri labari kpa n jore kereeri Abraham wo, na wo se i ka, "Woro dee ti, ye m yo adamande kere kisi a." ⁹ Nyini ti, sono kere bo i yo yarada, Nyeme yo i kisi, kabo Abraham yoori yarada, na Nyeme yoori i kisi barasu ni.

¹⁰ Sono kere bo i su noanie kpamaawa n su na i sunsun ka Nyeme de i ka wo yo sa bo i ko atin su, Nyeme noo di i mi. Dama ba kere i Nyeme Jore Kadasi n nu ka, "Nyeme noo di sono kere bo i na i su noanie kpamaawa n su, na i su ma i kere kpakpati su ko wie ma." ¹¹ Ya si ka, ma ka sono su noanie kpamaawa n su ye Nyeme de i mi ka i yo sa bo i ko atin su i do a. Dama ba kere i Nyeme Jore Kadasi n nu ka, Nyeme na, "Sono bo i yo sa bo i ko atin su m do, i nya ngoo, i yarada n dee ti." ¹² Noanie kpamaawa n wo bere i ngumi, na yarada n bo ya yo Nyeme n gusu wo bere i ngumi. Ba kere i Nyeme Jore Kadasi n nu ka, "Sono kere bo i su noanie kpamaawa n kere su, i mi nya ngoo." ¹³ Ama, sono kere bo i su noanie kpamaawa n su, Nyeme noo di i mi, nyini dee ti ye Kristo kaari ngbeen wuuri baka jaanu n su deeri ya tii jiiri n a. Dama ba kere i Nyeme Jore Kadasi n nu ka, "Nyeme yo sono kere bo ba sense i baka n su ngbeen." ¹⁴ Deke n bo i ti na Yesu Kristo wuuri nyini yiwee n la ka, noanie n bo Nyeme diiri i di ni Abraham ka i yo minem bo bu ti ma Yudafoṃ kisi ni, nyini dee ti, nzen ya yo Kristo yarada, Nyeme na i ma ya Awiewie Casi n bo wo di i di ka i fa ma ya ni.

Sesesu n bo Nyeme diiri i di ni Abraham n jore

¹⁵ M ninbaam, m koro ka m fa adamande woowa na m fa kere kabo Nyeme woowa ti barasu. Nzen mine nnyo afa sesesu adi i di ka bu yo deke be, sono wo ma bere

bo i koro kete i, wara i kaaki i. ¹⁶ Nyini ti, Nyeme diiri nyini di n ni Abraham ni i busu nufom n wo, wo se ma ka i busu nufom kere, ama, i na i busu nufom kun, yiri la Kristo. ¹⁷ Deke bo m suse n la ka, Nyeme yo faari sesesu wo, na wo di i di ni Abraham ka i yo i. Na i dee afo yaa nna ni afo aburasan sin, na wo fa i noanie kpamaawa n ama Moyisi, ama, sesesu n bo wo du mo adi i di ni, i koro saaki ma i. ¹⁸ Sesesu n bo Nyeme diiri i di n dee ti, ye Nyeme ceeri Abraham aceeri n a. Ma ka bo i su noanie kpamaawa n su dee ti ye i ce i aceeri n a.

¹⁹ Nzen i ti so, nzu ti ye Nyeme ma Moyisi yo faari i noanie kpamaawa n maari minem a? Nyeme koro ka mine si kabo satie n ti wo, ye i faari i noanie kpamaawa n maari a, fa ko ju sangha bo Abraham busu nufom ni ba ba. Yiri ye Nyeme diiri i di ni Abraham n a. Nyeme yo faari i noanie kpamaawa n maari i merkem wo, na ba kan akere Moyisi bo i wo Nyeme ni i minem afien, na i gusu anya akan akere minem ni. ²⁰ Nyeme yo faari i noanie kpamaawa n maari merkem, ni Moyisi wo, ye bu kan kereeri minem a, ama, sesesu n bo Nyeme yo diiri i di ni Abraham ni, be wo ma bu afien, se Nyeme ngumi.

Deke n bo i ti na Nyeme faari i noanie kpamaawa n maari i ni

²¹ Noanie kpamaawa n kete dekem bo Nyeme seeri ka i yo i ni, nzen se? Ai, i kete ma. Nzen ma noanie kpamaawa n be wo bere bo i koro ma ngoo, nyini la ka, nzen sono suuri noanie kpamaawa n su, ye Nyeme de i ka i yo sa bo i ko atin su i do a. ²² Ama, ba kere i Nyeme Jore Kadasa n nu ka, sono kere ti satieyofom, adena minem bo bu yoori Yesu yarada ni, bere nya deke n bo Nyeme seeri ka i fa ma yaradayofom n a. ²³ Sangha bo Yesu nya ba ma na ya yo i yarada ni, ya yo su noanie kpamaawa n su a, nyini noanie kpamaawa ni, i kere ya kabo ya yo, ye i nie ya su a, haari ba fa juuri sangha n bo Yesu baari na ya yo i yarada ni. ²⁴ Nyini ti, kana Yesu ba ba ni, noanie kpamaawa n ti ka sono bo i bita ya a, haari na Yesu aba aba, adena Nyeme de ya ka ya yo sa bo i ko atin su i do, ya yarada n dee ti. ²⁵ Ama, ahin sangha n bo ya yo Yesu yarada ni, noanie kpamaawa n bita ma ya kun. ²⁶ Ambere kere bo am ayo Yesu Kristo yarada ni, nyini dee ti ye am ayo Nyeme nbaam a. ²⁷ Ambere kere bo bu bieeri am Nyeme nzue ni, am ni Kristo ayo kun lee, nyini kere ka am ade i dee woowa n wo lee. ²⁸ Nyini ti, kabo am ni Kristo ayo kun ni, am kere ti deke kun wo lee. Bo bu ti Yudafom ni bo bu ti ma Yudafom, bo bu ti akoonbaam ni bo bu ti ma akoonbaam, nbiesom ni nbaram kere akaaki deke kun wo lee. ²⁹ Kisa am ti Kristo dee minem wo, nyini la ka, am ti Abraham busu nufom wo, bo am nya deke n bo Nyeme seeri ka i fa ma i minem ni.

4

¹ Deke n bo m suse am la ka, awurubaa bo i ba di i si nenge n kere aja, na i nyunu nya ti ma ni, i ni akoojaa ti kun wo, haari bo i si aja n kere ti i dee ni. ² Sangha bo i toko ti kaan ni, i wo i minem saa nu wo, ye bu nie i su a, haari fa ko ju sangha bo i si seeri ka i di aja ni. ³ Ya gusu yo ti so o lee, dama sangha bo ya yo si ma Yesu jore ni, ya yo ti akoom wo, fa ko durunya n nu satie yoowam su. ⁴ Ama, sangha n ba juuri ni, na Nyeme asunma i Wa, na ba wu i kabo bu wu adamande ni, noanie kpamaawa ni bita i a, ⁵ adena i koro de minem bo noanie kpamaawa n bita bu n tii ji, na bu yo Nyeme nbaam nahore su.

⁶ Ya ti Nyeme nbaam dee ti ye i sunmaari i Wa n dee Awiewie n ka i ba wura ya ahorembaa su. Nyini ti, ye ya koro bo fere Nyeme ka, "Abba," i bu la ka, "M Si." ⁷ Nyini ti, a ti ma akoo kun, a ti Nyeme wa a. Nzen a nya ti Nyeme wa, nyini la ka, i ma u deke n kere bo i fa ma i nbaam ni.

Kabo Poolu cee woori Galatiyafom nu ni

⁸ Saɗga bo am nya si má Nyeme ni, am yo suuri dekem bo bu ti má Nyeme n wɔ, ye am ayo bu akɔɔm a. ⁹ Ama, kisa, am asi Nyeme, wara yiri Nyeme asi am. Nzu ti ye am koro ka am kaaki am sin bo Nyeme a, na am su durunya n nu satie yoowam, bo bu la má faɗga n su a? Nzu ti ye am koro ka am yo bu akɔɔm na am kaaki su bu bekun a? ¹⁰ Am nyunu aboro cɛnkpirim ni yoowam n su a, bere la yoowa n bo am bu lemɔcɛ kere ni, ni bo am yo i sara kere ni, ni bo afo ba ye na am yo bu ni. ¹¹ M koro má ka juma n kere bo ma yo i ama am n ka ngbeen, nyini ti ye am sayoowa kpie m daafiri cɛn kere n a.

¹² M ninbaam, m susere am wɔ, am ma am woowa ti kabo m woowa ti barasu ni, dama m woowa ti kabo am woowa ti n wɔ. Am ado má mini ngasi be. ¹³ Am si ka saɗga bo m du mɔ ba kaanri labari kpa n jɔre kereeri am ni, m yo la má laifie n dɛe ti, ye m koro nyaari atin a. ¹⁴ Haari ni bo m yo la má laifie n kere ni, na i yoori kekereke ma am ni, am akete má m, abu má m ngbeen, ama, am deeru m ni am saa nnyɔ ɔ, kabo má am de Nyeme merɛke wara Yesu Kristo barasu n wɔ. ¹⁵ Nzu ti ye kisa am ahore ti má jɔwa kabo i yo ti dawa n a? Nyini saɗga ni, mini mmɔɔ ni m tii si ka, nzen má m yo seeri ka am lokoti yi am nyumbaa fa ma m, na má am koro yo i, má am yó i wɔ. ¹⁶ Bo m tu am fo seeri am nahore n dɛe ti, ye kisa ma kaaki am kpɔfo a? ¹⁷ Nyini minem bo bu boro bu nyi na bu cɛce wo am nu ni, bu sunsunni ti má kpa. Bu koro ka am kaaki yaki Kristo atin n wɔ, na am boro am nyi su bu dɛe atin n su. ¹⁸ Nzen má am nyunu aboro nahore su ka am yo sakpa saɗga kere, má i ti kpa, nzen haari m wo má am do mmɔɔ. ¹⁹ M nbaam, am jɔre yo m yaa, kabo bara ba suwu baa na i yo i yaa barasu n wɔ, i suyo m yaa so ɔ, má ka Kristo aba awo am nu, na am woowa ti kabo Kristo woowa ti barasu ni. ²⁰ M ahore su, má m koro ka m wo am do kisa, na m da m bɛe na ya bo anzama, dama ma tanda fa ko am do.

Saara ni Haga woowa n dɛe jɔre

²¹ Ambere bo am koro ka am su Nyeme noanie kpamaawa n su ni, am si má kabo i noanie kpamaawa n kere n wɔ, nzen se? ²² Ba kere i Nyeme Jɔre Kadasi n nu ka, Abraham yo la nbaa nbiesom nnyɔ ɔ, baa n bo afani n wuuri i ni, ni baa n bo awurubara wuuri i ni. ²³ Baa n bo afani n wuuri i ni, kabo bara kere nyinse, na bu wu baa ni, i nyinse wuuri i so ɔ. Ama, awurubara n dɛe wa n bo i wuuri i ni, kabo Nyeme yo seeri Abraham n ye i wuuri i a. ²⁴ Kabo nbara nnyom woowa n ti má kun na bu woowa wo i ngumi ni, i la bu wɔ. Bu ti ka sesesu nnyom bo Nyeme diiri i di n wɔ. Kun la Haga, afani n bo i dɛe busu nufom ti akɔɔm ni. I kere kabo Nyeme noanie kpamaawa n bo i yo fa maari Moyisi Sinayi Buka n su n maari minem yoori akɔɔm barasu n wɔ. ²⁵ Haga ade Sinayi Buka n bo i wo Arabiya asien n dɛe jinaabiri wɔ, i ti ka Yerusalem mie kpiri n bo i wo durunya n nu fen kisa n wɔ, i ni i busu nufom kere ti akɔɔm wɔ. ²⁶ Ama, Yerusalem n bo i wo angoro n dɛe minem anya bu tii, bere ti awurubara Saara dɛe nbaam a, yiri ti ya ni a. ²⁷ Dama ba kere i Nyeme Jɔre Kadasi n nu ka,

“Woro bara nɔrɔka ni, bo a wu má baa ni,
ma u ahore jo ko sin su.

Tien, na a siri ni ahorejo,

woro bara n bo a si má baawu yaari ni,
dama bara n bo i hun akete i n la nbaam
tara bara n bo i la hun ni.”

²⁸ M ninbaam, kisa ambere ti ka Izaki bo i ti awurubaa n a, dama yiri ye Nyeme seeri Abraham ka bu wu i n a, ye ambere gusu ti Nyeme nbaam n a. ²⁹ Kabo nyini saɗga na afani n wa n yo kereeri awurubara n wa Izaki n wahara ni, yiri ye bu wuuri i ni Awiewie Casi n dɛe yiko nu a. Minem bo bu su Moyisi noanie kpamaawa n su ni, sumie yere n bo Nyeme Awiewie n yiko nu na ya kaaki Nyeme nbaam n so lee.

³⁰ Nyeme Jore Kadasi n se se wo? I na, “Fon yi ahin afani n ni i wa n fite fen. Wo ti ma ye ni ka ahin bara n wa n nya aja nenje n be. Ama, i ti ye ni ka awurubara n wa ni fa i kere a.” ³¹ Nyini ti, m ninbaam, ya ti ma afani n dee nbaam, ama, ya ti awurubara n dee nbaam wo.

5

Kabo ya bita ya tiide n bo ya nya i n kenken

¹ Kristo ade ya tii aji, nyini ti, am wo ni nyini tiide n bo am anya i n nu, am bita i kenken na ma am wo ka am ti akoom kun.

² Am ti kabo mini Poolu suse am ni. Nzen am soro su na be wuraari am kenkenne, nyini la ka, deke n bo Kristo ayo ama am n ti ngbeen wo lee. ³ M koro ka m bobo am wo lee bekun, ka sono kere bo i soro su na bu wuraari i kenkenne, wo yo daka ka i mi su noanie kpamaawa n kere su, ma i yaki kun n kpein mmoo. ⁴ Ambere bo am sunsun ka am su noanie kpamaawa n su, na am na nyini ma Nyeme de am ka am yo sa bo i ko atin su i do ni, am ni Kristo akpaaki lee, am di ma Nyeme ahorama n kun. ⁵ Ama, yere yiri, Awiewie Casi n ama ya yo yarada, ye ya la ahoresi nminda ka Nyeme ba de ya ka ya yo sa bo i ko atin su i do. ⁶ Nzen ya ni Kristo ayo kun, na ya wura kenkenne, i ti ma kui, nzen ya wura ma kenkenne gusu, i ti ma kui. Ama, nzen ya yo Yesu Kristo yarada, na ya koro ya bengum na ya yo sakpa, nyini ti jore n a. ⁷ Kabo am yo su Kristo atin n su ni, am yo boro am nyi wo nahore su. Kisa nma adaka am ye am akaaki am sunsunni ka ma am de nahore n a? ⁸ Nyini noanie n bo ba fa akaaki am sunsunni n fite ma Nyeme bo wo fere am ka am ba su i n do. ⁹ Bu na, ayiri n bo bu fa go kpono nu n ti kaan so o, ama, yiri ma i yasu yo dongu a. ¹⁰ Ama, m la ahoresi fa ko am do, kabo ya ni ya Mibie Yesu Kristo ayo kun ni, ka, am kaaki ma am sunsunni na am yaki atin n bo ya bita i ni. Sono kere bo i koro ka am kaaki am sunsunni ni, Nyeme cin i mi sui.

¹¹ M ninbaam, nbem na m toko nati kan i ka i ti ye ni ka Kristo minem kere wura kenkenne. Nzen ma i ti nahore ka m kan i so o, ye nzu ti ye Yudafo m kere m wuwuruwa n a? Nzen ma m kan i so, ye haari nzen m kan fa ko yiwee n bo Yesu wuuri i baka jaanu n su ni, ma i ti ma jore. ¹² Minem bo bu mie am ka am wura kenkenne ni, ma i yo m fie ka bu sa bu nu na ma bu bieso dika yo juma.

¹³ M ninbaam, Nyeme afere am ka i de am tii ji wo. Ama, ma am nie ka am anya am tii n dee ti, na am yo am kunnu koroowa, ama, am koro am bengum nahore su, na am buka am bengum. ¹⁴ Dama Nyeme noanie kpamaawa n kere jina noanie maawa kun su a, yiri la ka, “Koro u bengum kabo a koro u nu ni.” ¹⁵ Ama, nzen sanja kere na am sudi aluwa na am nuni sukpi am bengum nu, na am asi ma am nu sa, am saaki am nunu nu wo lee.

Nyeme Awiewie n ni adamande woowa

¹⁶ M suse am wo, am wo kabo Awiewie Casi n kere am ka am wo ni, adena ma am yo am kunnu koroowa kabo dawa na am yo yoori barasu ni. ¹⁷ Dama deke bo yere adamande kunnu koro i ni, Awiewie Casi n koro ma i, ye deke bo Awiewie Casi n koro i ni, yere adamande dee woowa n koro ma i. Nyini ti, sanja kere yere adamande dee woowa n ni Awiewie Casi n se akuruwa ni i bengum wo. Nyini ye ya koro yo ma kabo ya koro ka ya yo n a. ¹⁸ Nzen am yo kabo Awiewie Casi n koro ka am yo ni, noanie kpamaawa n nie ma am su kun.

¹⁹ Sono kere si kabo minem bo bu su adamande woowa su n ti barasu. Yiri la sakaraya, ni dangba sayoowam, ni konvikiya ngbeenngbeenm. ²⁰ Na bu su amoe, ni ayiri di ngbeenngbeen, na bu sukpo mine, na bu sukpi ni jore, na bu susi kore, na bu sufa yaa, na bu suyo anyii sam, na bu suse akuruwa kpakpaaki bu nunu nu, ²¹ na bu susi bu bengum kore, [na bu sukun mine,] na bu sunu nzan bo, na bu suyo

ngbɛɛnngbɛɛn kabo nzan nufom yo barasu ni, na bu suyo sa barasu nbem. Kabo ma du mo ase am ni, m toko bobo am wo lɛɛ, ka, sonɔ kere bo bu yo nyini sam ni koro wura má Nyeme femɛya n nu.

²² Ama, deke bo Awiewie Casi n ma mine yo i la ka, bu koro bu bengɔ, na bu la ahorejo, na bu ahorembaa ti daawa, na bu la mindi, na bu buka mine, na bu yo sakpa, na bu la dabuɔ, ²³ na bu yo bu ɔu tarakam, na bu la tarabuɔ. Nɔanie kpamaawa be wo má bere bo i jaraki minem bo bu bita nyini woowa atin ni. ²⁴ Minem bo bu ti Yesu Kristo dɛɛm ni, ba yaki bu dawa dɛɛ koroowa ni i sayoowam n kere, bu ti ka ba kpama bu baka jaanu n su ye ba wu a. ²⁵ Awiewie Casi n ama ya ngoo. Nyini ti, am ma ya wo kabo i kere ya ka ya wo ni. ²⁶ Má am ma ya wura ya ɔu kpiri, na má am ma ya yo sa bo i ye mine ahore su, na má ya si kore.

6

Kabo ya buka ya lamoko Kristofom barasu ni

¹ M ninbaam, nzen am ɔu ka am nu be suyo satie, amberɛ bo am wo kabo Awiewie Casi n kere ka am wo barasu ni, am tara am ɔu benle, na am buka i mi na i yo sa bo i ti kpa. Na am si am ɔu sa, na má am gusu yo satie be. ² Nzen am ɔu ka am bengɔ wo kekereke nu, am buka i. Nzen am yo so, nyini kere ka am ade Kristo kereewam n bo wo fa ama ya n nahore su lɛɛ. ³ Woro kere bo a ti má pui, na a sunsun ka a ti be ni, a dadaka u ɔu wo lɛɛ. ⁴ Sonɔ kere nie i sayoowa, nzen i mi ɔu ka i sayoowa ti kpa, nyini sangga, i mi koro kansi i ɔu. Ama, má i nie ka i sayoowa tara i bengum dɛɛ ti, na i fa fo. ⁵ Dama sonɔ kere la i tiengu sayoowa. ⁶ Amberɛ bo bu sukere am Nyeme nɔanie n ni, am buka bere n bo bu kere am ni, ni deke kere bo am la i.

⁷ Má am dadaka am ɔu, na am sunsun ka be koro dadaka Nyeme, dama deke kere bo sonɔ yoori, Nyeme fá nyini to i mi kaari a. ⁸ Nzen sonɔ yo kabo adamande woowa koro barasu ni, nyini má i mi wu a na i ka ngbɛɛn. Nzen i yo kabo Awiewie Casi n koro ka i yo ni, nyini má i mi bá nya ngoo bo i la má awieeri a. ⁹ Nyini ti, má am ma ya fie ni sakpayo, dama nzen ya fie má, na sangga n ba juuri, Nyeme to ya ɔkato. ¹⁰ Nyini ti, nzen ya la deke ya saa nu bo ya fa yo sakpa, ya yo buka sonɔ kere, maala ya lamoko Kristofom ni, bere yiri, i ti ye ni ka ya buka bu sangga kere.

Awieeri su dɛɛ nɔanie bo Pɔlu fa kaari bu ni

¹¹ Am nie, mini ni m tii sufa m saa sukere ahin kerɛɛwa n ngbingbiri n kere ma am a. ¹² Minem bo bu mie am ka am wura kenkenne ni, bu koro ka mine kansi bu wo. Deke n bo i ti na bu yo so n la ka, bu koro má ka mine kere bu wuwuruwa fa ko yiwee n bo Kristo wuuri i baka jaanu n su ni. ¹³ Bere bo ba wura kenkenne ni, bere mmoo ni bu tii su má Nyeme nɔanie kpamaawa n su. Ama, deke bo i ti na bu koro ka am wura kenkenne n la ka, bu koro ka bu fa fo o, ka, ba ma am asu bu dɛɛ yoowa n su. ¹⁴ Ama, mini yiri, m fo má yanfoya fa ko deke be su, má ka fa ko yiwee n bo ya Mibie Yesu Kristo wuuri baka jaanu n su ni. Nyini yiwee n bo i wuuri i n dɛɛ ti, mini do, m bu durunya n ka i ti ngbɛɛn wo, na durunya n gusu bu m ka m ti ngbɛɛn wo. ¹⁵ Dama nzen sonɔ su Kristo atin n su na wo wura kenkenne, i ti má pui, wo kaaki awura má kenkenne gusu, i ti má pui. Deke bo i ti jore nahore su n la ka, i ti ye ni ka mine nya wo fofore bo i fite Nyeme do ni. ¹⁶ Nyeme ma sonɔ kere bo i su ahin atin n bo m kere n su ahoreda, na i si bu anunfo, dama bere ti Nyeme minem bo bu ti Yisarelifom nahore su a.

¹⁷ Kisa m koro má ka be kpini jore be ma m kun, dama m la deke bo i wo m njunie su sukere ka m ti Yesu dɛɛ wo.

¹⁸ M ninbaam, ya Mibie Yesu Kristo buka am kere. Ami.

Pɔɔlu kadasi bo i kerɛ fa maari EFESOFOM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, sukɛɛ ahin kadasi n ma ambɛɛ Nyemɛ minɛm bo am wo Efeso miɛ kpiri n nu, na am bita Yesu Kristo atin n nahɔɛ su, na am ni yiri ayo kun ni. ² Ya si Nyemɛ, ni ya Mibiɛ Yesu Kristo buka am na bu ma am ahoreda.

Kabo Nyemɛ ayo ya kisi ni

³ I ti ye ni ka minɛm kerɛ kansɛ Nyemɛ, yiri bo i ti ya Mibiɛ Yesu Kristo Si, kabo i ma ya ni Kristo ayo kun ni, nyini dɛɛ ti, wɔ fa deke kpa kerɛ bo i wo angoro na i fite i Awiewiɛ n dɔ ni ayo ya kisi. ⁴ Dama sanɔa bo Nyemɛ nya yi mǎ durunya ni, ye i yiiri ya ka ya yo i minɛm a, na ya ni Kristo yo kun, adena ya yo casi, na mǎ be koro jaraki ya Nyemɛ dɔ. Koro n bo i koro ya n dɛɛ ti, ⁵ wɔ du mɔ acici ka i fǎ ya yo i kunnu nbaam Yesu Kristo dɛɛ ti. Deke bo i koro ka i yo i ni, i koroowa lɛɛ. ⁶ I Wa koroowa n dɛɛ ti wɔ ma ya ahɔɔma ace ya nyini aceeri n bo i la mǎ anusu n a. Nyini dɛɛ ti, i ti ye ni ka minɛm kerɛ kansɛ i fa kɔ sakpa n bo wɔ yo i ama ya n su. ⁷⁻⁸ Kabo ya ni Yesu Kristo ayo kun ni, i mbunja n bo i fiteeri i nuniɛ nu sanɔa bo i wuuri n dɛɛ ti, ye Nyemɛ ade ya tii aji, afa ya satie kerɛ ace ya. Wɔ buka ya agaya, ama ya ahɔɔma bo i la mǎ anusu, wɔ ma ya alecira ni si barasu kerɛ. ⁹ Nyemɛ ayi deke bo i du mɔ koroori ka i yo i, na i wo i ahorembaa su na be si mǎ i n akere ya, Yesu Kristo ama wɔ yo yiiwa. I koroowa lɛɛ. ¹⁰ Nyini deke n bo Nyemɛ koroori ka i yo i n la ka, nzen sanɔa n ba juuri, i bɔ deke kerɛ kun, bo bu wo angoro, ni bo bu wo asienɔu n kerɛ, na i mǎ Yesu Kristo yo i kerɛ tii. ¹¹ Deke n kerɛ bo Nyemɛ adu mɔ acici ka i yo i ni, kabo yiri Nyemɛ koro n lɛɛ ye wɔ yo i n a. Ye wɔ yi ya ka ya yo i dɛɛ minɛm, na ya ni Kristo yo kun. ¹² Adena minɛm nju ya woowa, yɛɛ bo ya du mɔ afa ahoresi ni Kristo ni, na bu kansɛ Nyemɛ na bu wura i kpiri.

¹³ I ti sɔ ɔ lɛɛ am gusu dɔ. Am tiiri labari kpa n bo i ti nahɔɛ na i ma am nya tiide n jɔɛ ni, ye am yoori Kristo yarada a, ye Nyemɛ afa i Awiewiɛ Casi n ase am nyaari, kabo i yo seeri ni, yiri kere ka am ti i dɛɛ minɛm a. ¹⁴ Kabo wɔ du mɔ ama ya Awiewiɛ Casi ni, nyini kere ka Nyemɛ mǎ ya deke n kerɛ bo i seeri ka i fǎ ma i minɛm n a. Yiri ma ya yo yarada, na ya la ahoresi haari fa kɔ ju cɛɛn n bo ya nyǎ tiide nahɔɛ su a. Nyini dɛɛ ti, minɛm nju kabo ya ti barasu na bu kansɛ Nyemɛ jirima woowa n bo i la mǎ anusu ni, na bu wura i kpiri.

Kabo Pɔɔlu sereeri Nyemɛ maari Efesofom ni

¹⁵ Nyini dɛɛ ti, fite sanɔa bo m tiiri ka am ayo Kristo yarada ni, ni kabo am koro Nyemɛ minɛm kerɛ barasu ni, ¹⁶ am woowa dɛɛ ti, sanɔa kerɛ m da Nyemɛ asi, na m susere i ma am. ¹⁷ M sere ya Si Nyemɛ, i jirima woowa la mǎ anusu. Yiri ti ya Mibiɛ Yesu Kristo Nyemɛ a. M sereeri i ka i ma i Awiewiɛ Casi n buka am, na am nya alecira, na i teke am nyi, bo am si Nyemɛ nahɔɛ su. ¹⁸ M kaaki sere i ka i teke am nyi na am nju i wein ni, adena am si deke n bo i ti na wɔ fere am n na am la ahoresi fa kɔ i busu ni, na am kaaki si deke n bo i ti kpa na i la jirima agaya, bo wɔ se ka i fǎ ma i minɛm ni. ¹⁹ Na am si kabo i yiko n la mǎ anusu barasu ni, na i koro yo juma ma yɛɛ n bo ya yo i yarada ni. Nyini yiko ni ti bambaka la fanɔa a, ²⁰ yiri ye Nyemɛ fa tengeeri Kristo i yiwee n nu, afa i atana angoro i saa fɔmbɔɔ su n a. ²¹ Deke bo i wo lɛɛ, i la yiko tara yikofom kerɛ, amɔɛ o, ayiri o, biefoya o, mɛɛke o, jina o, nɔumi o, ni ajini o, na i duma n tara duma kerɛ bo i wo ahin durunya n bo ya wo nu ni, ni

durunya n bo i suba ni. ²² Nyeme afa deke n kere awura Kristo saa nu ka i nie bu su, na wo ma yiri Kristo bo i nie deke n kere su n ayo Kristo jama n kere tii a. ²³ Kristo jama n kere ti i njunie n a, ye i wo bu nu, ye i woowa ade deke n kere a.

2

Kabo ya fite yiwee nu na ya nya ngoo fofore barasu ni

¹ Sangha bo am yo keteeri Nyeme noanie na am yo satie ni, am ti ka am awu wo. ² Nyini sangha ni, am yo satie kabo kisa durunya n nufom yo n wo. Na am sude Sitana bo i bita asien ni angoro afien n yiko na am de i noanie. Yiri bita minem kere bo ba kete Nyeme noanie n a. ³ Nahore, yere mmoo yo ti so o lee, na ya suyo dekem bo ya konviki wo bu nu, na ya suyo deke kere bo i ti ma kpa na ya nu i, na ya koro i ya sunsunni nu ni. Ma ya kere gusu di nyini wahara n bo Nyeme afa yaa ka i fa cin minem sui, bere bo ba kete i noanie n wo.

⁴ Ama, Nyeme si anunfo agaya, na i kaaki koro ya agaya, ⁵ ya yo ti ka ya wuuri wo, fa ko i noanie n bo ya keteeri n su ni, haari ni nyini mmoo, i koro n dee ti, wo sangha ama ya ni Kristo ngoo. I dee ahoroma ni ma am nyaari tiide a. ⁶ Ya ni Yesu Kristo ayo kun n dee ti, Nyeme atenge ya yiwee nu kabo i tengeeri Kristo i yiwee n nu ni, na ya ni yiri kere sangha tana Nyeme femeya n nu. ⁷ Deke bo i ti na Nyeme yoori so n la ka, fa i kisa fa ko, i kere i ahoroma n bo i la ma anusu ni, yiri la kabo i ma Yesu Kristo ayo sakpa abuka ya barasu ni. ⁸⁻⁹ Am yarada n bo am ayo i n dee ti, Nyeme ahoroma ni ma am nyaari tiide a, ma am sakpa dee ti a, ama, Nyeme aceeri a. Nyini ti, ma be se ka i fa fo. ¹⁰ Kabo ya ti kisa ni, Nyeme yiiri ya so a. Ya ni Kristo ayo kun n dee ti, ye wo ma ya ngoo fofore a, ka ya fa yo sakpa n bo Nyeme yo fa seeri ya ka ya yo i n a.

Kristo ni i minem kere ayo kun

¹¹ Nyini ti, ambere bo am ti ma Yudafom ni, am tenge su kabo am woowa yo ti barasu ni. Yudafom fere am ka tokurukum wo, na bu fere bu nu ka minem n bo ba wura kenkenne, nyini n so ti adamande anuniembaa su yoowa a. ¹² Am tenge su ka sangha bo am yo si ma Kristo ni, am wo dede ni yiri wo, na am ti ma mine n bo Nyeme ayi bu n be. Sese su n bo Nyeme yo diiri i di seeri ka i buka i minem ni, am wo ma nu. Am yo wo durunya n nu wo, ama, am yo la ma ahoresi be, na am kaaki si ma Nyeme. ¹³ Ama, kisa, na am ni Yesu Kristo ayo kun ni, ambere bo ma am yo wo dede ni Nyeme ni, Kristo mbunja n bo i fiteeri i njunie n nu, sangha bo i wuuri ni, acin am adodo Nyeme a. ¹⁴ Dama Kristo ti sono bo wo ma ya sese su ni tanalaifie a. Yiri yo faari i nu yoori yoowa yiiri kpo bo i ti ka kobe na i wo Yudafom, ni bo bu ti ma Yudafom n afien a, na wo yo bu kun. ¹⁵ I yiwee n bo i wuuri i n dee ti, wo ma Nyeme noanie kpamaawa n yo ma juma kun, i ni i noanie maawam, ni i atinm kere. I yoori so o, adena i fa yere Yudafom, ni bo bu ti ma Yudafom n yo ya daanfie kun. Ya ni yiri ayo kun n dee ti, ye wo sese ya su ama ya tanalaifie n a. ¹⁶ I yiwee n bo i wuuri baka jaanu n su n dee ti, wo yi kpo bo ma i wo ya afien ni, ayo ya mine kunm akaaki ya aba Nyeme do. ¹⁷ Kristo ba kaanri labari kpa n bo i yo minem afien dongu n maari ambere bo am ti ma Yudafom, na am wo dede ni Nyeme n wo, ni Yudafom bo bu dodo i ni. ¹⁸ Kristo dee ti, ye Awiewie Casi n ama ya ni bere kere atin ka ya koro ba ya Si Nyeme do a.

¹⁹ Nyini ti, ambere bo am ti ma Yudafom ni, kisa am ti ma wofom kun Nyeme minem do, ama, am anya atin abo Nyeme dee minem su, ye am ayo i dikafom. ²⁰ Am kaaki ti ka soo n bo Nyeme suta i n wo, wo ta am ataka ataari fa bumboori seewa n su, yiri la bo Kristo jaramasam, ni Nyeme noanie kanfom du mo fa seeri soo n bu ni. Nyini fa seewa n la Nyeme noanie n bo bu yo kaanri i n wo. Ye Yesu Kristo ti ka

sɔɔ n jantarakana n a. ²¹ Sɔɔ n deke n kere wo yiri su a, ye i maari i yo woobiri casi ma Nyeme a. ²² Am ni yiri kere ayo kun n deɛ ti, ambere mmɔɔ ti Nyeme Sereebiri Awuru n wo lɛɛ, bo i Awiewie Casi n wo nu ni.

3

Deke bo i yo wo fiɛwa n nu na Nyeme yi kereeri Pɔɔlu ni

¹ Mini Pɔɔlu, m woori dansaraka nu, Yesu Kristo ni ambere bo am ti má Yudafom n deɛ ti wo. ² Nahɔre, m nie ka am ati kabo Nyeme asi m aɲunfo ka m yo ahin juma n ma am ni. ³ Nyeme yo yiiri deke bo i wo i ahorembaa su n akere m, bo i koro ka i yo i na be si má i ni. Ma du mɔ akere i jɔre kaan akere am. ⁴ Nzen am kaanri kadasi n bo ma kere i ni, am ɲu kabo m koro siiri Kristo ɲusu jɔre kere bo i wo asiri nu ni. ⁵ Dawa saɲga ni, Nyeme ayo ayi má nyini asiri nu jɔre n akere má adamande be. Ama, kisa, Nyeme ma i Awiewie Casi n ayi i akere minem bo wo yi bu ka bu yo i jamasam, ni i nɔanie kanfom n a. ⁶ Asiri bo i wo bere n la ka, ya de labari kpa n na ya ni Yesu Kristo ayo kun n deɛ ti, bo bu ti Yudafom, ni bo ti má Yudafom, ya kere saɲga nya deke n bo Nyeme fá ma i minem, na ya saɲga yo i minem, na ya saɲga nya deke n bo Nyeme seeri ka i fá ma i minem ni.

⁷ Nyeme ahɔroma n deɛ ti, wo ce m aceeri ayi m ka m yo i labari kpa n amusuisufo, ye wo ma m yiko ka m fa yo i juma ni. ⁸ Nyeme minem n nu, mini ti bu kere kaan, ama, haari ni nyini n kere ni, Nyeme ayi m ama m ahin atin n ka m kɔ kan i labari kpa n jɔre kere minem bo bu ti má Yudafom ni, na bu si sakpa bo Kristo ayo i, na be koro si má i kere bu ni. ⁹ Na wo kaaki ama m atin ka m ma sɔɔ kere ɲu sa bo minem si má i, na Nyeme koro ka i yo i na i yo yiiwa. Nyeme yiiri deke n kere a, na wo bita nyini asiri nu sam n bo i koro ka i yo i, i ahore su dawa ni. ¹⁰ Deke n bo i ti na i yoori sɔ n la ka, nzen nfangafom ni yikofom bo bu wo aɲgoro n ɲu ka minem bo bu ti Yudafom, ni bo bu ti má Yudafom n abo kun ayo Kristo jama ni, ka kisa bu sí alecira barasu barasu bo Nyeme la i na i la má aɲusu ni.

¹¹ Nyeme yoori nyini kere, kabo dawa na i sunsun ka i yo i ni, ya Mibie Yesu Kristo deɛ ti, ye i ma i kere yoori yiiwa a. ¹² Kabo ya yo Kristo yarada na ya ni yiri ayo kun ni, nyini ma ya la ahoresi koro ba Nyeme nyunu na ya soro má sere n a. ¹³ Nyini ti, m sere am wo, má am ma am ɲunie yɔrɔki am, fa kɔ wahara n bo m sudi i ambere deɛ ti ni, i ti deke bo i wura am kpiri wo.

Koro bo Kristo fa koro i minem barasu ni

¹⁴ Nyini kere deɛ ti ye mini Pɔɔlu kutu sere ya Si Nyeme ma am n a. ¹⁵ Yiri ti lamɔsi kere bo i wo aɲgoro ni asiɲgu n kere Si a. ¹⁶ M nyemesere la ka, i la jirima woowa bo i la má aɲusu n deɛ ti, i Awiewie Casi n ma am nya yiko bambaka am ahore su, ¹⁷ na kabo am yo Kristo yarada ni, i wo am ahore su, na m kaaki sere i ka am la koro nahɔre su, na am jina kenken, fa kɔ koro n bo am la i n su. ¹⁸ Adena am ni Nyeme minem kere saɲga fiiti ni anyumboro, na am si kabo Kristo koro am agaya, ni kabo i koro la má aɲusu ni. ¹⁹ M nyemesere bekun la ka, i ma am kaaki si kabo Kristo koro am ni, haari ni bo adamande koro si má nyini koro n bo i la má aɲusu ni, na m sere i ka i ma am woowa kere ti kabo yiri Nyeme woowa ti barasu ni.

²⁰ Nyeme yiko n bo i wo ya ahore su suyo juma n deɛ ti, i koro yo deke n kere ma ya tara kabo má ya sunsun ka ya sere i barasu ni. ²¹ Nyeme ti ye ni ka ya kansu i saɲga kere saɲga, yere kere bo ya ti Kristo jama n na ya ni Kristo ayo deke kun ni. Ami.

4

Kristo jama n kere ti deke kun wo

¹ Nyini ti, mini Pɔɔlu bo m su Mibiɛ n dɛɛ ti na m wo dansaraka nu ni, m susere am jande ka, am wo wo bo i kɔ atin su, kabo Nyɛmɛ fereeri am na i kereeri am ka am wo barasu ni. ² Am yo am ɲu kaan na am yo benlɛ, na am yo sawɔrɛ, na am la mindi de am benggu ni koro, saɲga kɛrɛ. ³ Anɔɔsɛ n bo Awiewiɛ Casi n afa ama am na am ayo kun n dɛɛ ti, am boro am nyi na am tana laifiɛ na am bita nyini anɔɔsɛ n ni am benggu. ⁴ Yerɛ kɛrɛ bo ya ti Kristo minɛm ni ayo ka anjuniembaa kun wɔ. Na Awiewiɛ Casi kun ni wo ya kɛrɛ dɔ a, na ya kɛrɛ kaaki la ahoresi fa kɔ deke kun n bo i ti na wɔ fere ya ni. ⁵ Ya la Mibiɛ kun wɔ, deke kun ye ya yo i yarada. Mibiɛ kun n duma nu ye bu fa biɛ ya kɛrɛ Nyɛmɛ nzue a. ⁶ Nyɛmɛ kun wo bɛrɛ a, yiri ti ya kɛrɛ Si a, yiri kaaki ti ya kɛrɛ Mibiɛ a, i ma ya kɛrɛ yo i juma a, na i wo ya kɛrɛ dɔ.

⁷ Ama, Kristo akpaaki i aceeri n ama ya kun kun n kɛrɛ kabo i koro ni. ⁸ Nyini ti, ye ba kɛrɛ i Nyɛmɛ Jɔrɛ Kadasi n nu ka, “Saɲga bo i fun kɔɔri angoro ni, na wɔ fa domuɛm akɔ, na wɔ ce minɛ aceerim.” ⁹ Bo ba kɛrɛ i ka wɔ fun akɔ angoro n la ka, i du mɔ wo angoro dɔ ye i jura baari asiɛngu fɛn a, ye wɔ kaaki akɔ angoro dɔ bekun a. ¹⁰ Yiri n bo i jura baari asiɛngu n la bo wɔ fun akɔ angoro dede n wɔ, ye i woowa ade deke n kɛrɛ a. ¹¹ Yiri faari i aceerim ceeri i minɛm n a, yiri la bo wɔ yi nbem ka bu yo i jaramasam, na wɔ yi nbem ka bu yo Nyɛmɛ nɔaniɛ kanfɔm, ye wɔ yi nbem ka bu kan Nyɛmɛ labari kpa n jɔrɛ kere minɛm, ye wɔ yi nbem ka bu yo sasafɔm, ni kerefɔm. ¹² Kristo faari nyini aceeri maari a, na bu sɛsɛ Nyɛmɛ minɛm su, adena bu buka bu bengum na bu yo i juma ni, na Kristo jama n nya fanɲa buka su. ¹³ Na ya kɛrɛ fa anɔɔsɛ fa kɔ kabo ya yo Nyɛmɛ Wa n yarada ni, na ya si i nahɔrɛ su subuka su, na ya yarada yo biiwa, na ya kɔ ya nyunu buka su, na ya woowa kɛrɛ ti kabo Kristo wo ti barasu ni. ¹⁴ Na má ya yo ka nbaatumam, adena má kɔrɛfɔm ba fa bu ɲɔnletie kere ya na bu dadaka ya, na ya mini.

¹⁵ Ama, am ma ya koro ya benggu, na ya sujɔɔ nahɔrɛ, na ya kɔ ya nyunu buka su, na ya woowa kɛrɛ ti kabo Kristo woowa ti barasu ni, dama yiri ti ya tii a. ¹⁶ Na yerɛ bo ya ti i minɛm ni ti ka i ɲuniembaa a. Kristo ti bo i bita anjuniembaa bue barasu n kɛrɛ a, na ya kɛrɛ bo kun, na ya kɛrɛ suyo juma n bo wɔ fa ama ya ni, subuka ya benggu, na ya koro ya benggu, na anjuniembaa n kɛrɛ nya fanɲa buka su.

Kabo ya kaaki wo fɔfɔrɛ barasu ni

¹⁷ Nyini ti, m koro ka m fa yiko n bo Mibiɛ n afa ama m ni, na m bɔbɔ am, ka, má am ma am woowa ti kabo minɛm bo bu su má Nyɛmɛ woowa n ti barasu ni, dama bu sunsunni kɛrɛ ti ɲgbɛɛn wɔ. ¹⁸ Bu wo awosin nu n dɛɛ ti, bu la má ɲɔɔ n bo Nyɛmɛ ma i minɛm ni, dama bu si má be, na bu ahorembaa kaaki ti kekereke n dɛɛ ti. ¹⁹ Nyinɛ ti má bu fa kɔ deke be su kun, saɲga kɛrɛ bu dɛɛ la ka, bu suyo sa ɲgbɛɛnɲgbɛɛnm wɔ, na bu suyo dangba sam, bu tara má bu ɲu, na bu suyo anyii sam barasu kɛrɛ.

²⁰ Ama, amberɛ yiri, saɲga bo bu kereeri am fa kɔ Kristo ɲusu jɔrɛ ni, má kabo bu kereeri am lɛɛ. ²¹ M niɛ ka am adu mɔ asonson i ɲusu jɔrɛ kɛrɛ, am nya ti i susufɔm ni, ba kere am ka Yesu ti bo i la nahɔrɛ n a. ²² Nyini dɛɛ ti, am yaki am woowa dawa n bo i ti má kpa n ji. Am woowa dawa n koro ka i daka am na i saaki am a, dama i ma am yo dekem bo bu ti má kpa a, na bu mini am. ²³ Am ma Nyɛmɛ kaaki am sunsunni ni am ahorembaa fɔfɔrɛ. ²⁴ Na am fa wo fɔfɔrɛ n bo Nyɛmɛ afa ama am na i ferema ni yiri Nyɛmɛ dɛɛ woowa ni. Nyini woowa ni kɔ atin su a, na i kaaki ti casi nahɔrɛ su a.

²⁵ Nyini ti, má am bu kɔrɛ, am kan nahɔrɛ ma am benggu, dama ya kɛrɛ ti anjuniembaa kun n bue barasu be wɔ. ²⁶ Nzen am be fa yaa, má i yo satie, má i fa yaa haari wie kɔ tɔ. ²⁷ Má am ma Sitana atin haari kaan sɔ, na i ma am yo satie. ²⁸ Sɔnɔ kɛrɛ bo i yo wɔ, i ti ye ni ka i mi yaki awie, na i yo i tienɲu juma ni anyumbo su, na i nya i koroowa, adena i koro buka yaarifɔm. ²⁹ Má am ma jɔrɛ tie fite am nɔɔ nu, ama, am

ma am nɔɔ fite kpa, na i buka minem, na bu kɔ bu nyunu buka su, na sɔnɔ kere bo i tiiri i, i mi koro su Nyeme atin n su nyunyumi. ³⁰ Má am saaki Nyeme Awiewie Casi n ahore, dama yiri ye Nyeme afa i ase am nyaari a, ka i bá de am tii ji cɛen be a. ³¹ Má am ma am kunnu yo wiwi, má am ma yaa ti am, má am kan am beɲgu ndie, má am se akuruwa, má am kpie am beɲgu nzuko, má am kpo am beɲgu deke be ti. ³² Ama, am yo am beɲgu kpa, na am si am beɲgu aɲunfo, na am fa am beɲgum ɲgasi ce bu kabo Nyeme afa ace am Kristo deɛ ti ni.

5

Nyeme minem woowa a

¹ Nyini ti, kabo am nya ti Nyeme nbaa koroowam ni, am boro am nyi, na am ma am woowa ti kabo i woowa ti barasu ni. ² I ti ye ni ka am ma koro wo am do, kabo Kristo koro ya barasu na i faari i ɲu yoori yoowa maari ya na i suunri Nyeme nu ni.

³ Kabo am ti Nyeme minem ni, má am yo sakaraya, má am yo dangba sam, má am se ka am nyunu boro nenɲe kpini su, má am bo nyini sereyam n be mmɔɔ anzama am nu. ⁴ Na má am ma jɔre ɲgbɛɛnɲgbɛɛn fite am nɔɔ nu, má am jɔɔ jɔre bo ɲɔnle wo má nu, má am yo kɔkɔre tie. Ama, i ti ye ni ka am da Nyeme asi sanɲa kere. ⁵ Am si tenle su ka sɔnɔ kere bo i yo sakaraya, ni dangba sam, ni bo i nyunu boro nenɲe kpini su, sɔnɔ kere bo i yo so, i mi su má Nyeme, i su nenɲem wo. Kristo ni Nyeme bá nie má i su, na i nya má deke n bo Nyeme ase ka i fá ma i minem ni.

⁶ Má am ma be fa i jɔre ɲgbɛɛn be dadaka am, dama nyinim so deɛ ti, ye Nyeme fá yaa cin minem bo ba kete ka bu de má i nɔaniɛ n sui n a. ⁷ Nyini ti, má am ni nyini minem so sanɲa wo. ⁸ Sanɲa be, amɛere mmɔɔ ni am tii yo woori awosin nu yo satie wo, ama, kisa, na am akaaki ya Mibie Yesu minem ni, am ti wein nufom wo leɛ. Nyini ti, am ma am woowa kere ka am ti wein nufom wo. ⁹ Má pui ti ye m se so a, dama minem bo bu wo wein nu ni, bere la wo kpa a, ye bu yo sa bo i ti kpa kere a, na bu yo sa bo i kɔ atin su Nyeme do, na bu bita nahore. ¹⁰ Nyini ti, am boro am nyi, na am si deke bo i sun Nyeme nu. ¹¹ Má am fa am ɲu bo minem bo bu wo awosin nu n su, na am yo sa ɲgbɛɛnɲgbɛɛn n bo bu yo i ni, ama, am yi bu nyini sayoowam fite fofoe nu. ¹² I ti nyinse wo mmɔɔ, ka ya bo su fa kɔ bu nyini sam bo bu yo bu asiri nu ni. ¹³ Ama, deke kere bo i wo fieɛwa nu, na i nya fiteeri fofoe nu, nyini sanɲa, kabo i ti kere, i nyunu da casi wo leɛ, dama i wo wein nu wo. ¹⁴ Dama deke kere bo i nya fiteeri fofoe nu ti wein wo. Nyini ti ye ba se ka,

“Woro daafirifo ni, yasu

na a tenɲe u yiwee nu,
na Kristo deɛ wein n ta go u ɲu.”

¹⁵ Nyini ti, am si am ɲu sa na am si wo, má am wo kabo bo bu si má be n wo barasu ni, ama, am wo kabo minem bo bu la ɲɔnle n wo barasu ni. ¹⁶ Sanɲa kere am boro am nyi na am suyo Nyeme juma, na má am tana ɲgbɛɛn, dama ahin sanɲa n bo ya wo nu ni, satieyo asunnu agaya. ¹⁷ Nyini ti, má am yo ka sinnzinm, ama, am boro am nyi, na am si deke bo Mibie n koro ka am yo i. ¹⁸ Má am nu nzan bo, dama nzan saaki sɔnɔ tii wo, ama, am ma Awiewie Casi n wo am do sanɲa kere. ¹⁹ Am fa Nyeme nɔaniɛm bo bu wo kansu jue kerɛɛwam n nu n fa di jue ma am beɲgu, na am di jue n bo Awiewie Casi n kere am, na am di jue kansu Nyeme am ahore su. ²⁰ Am da ya Si Nyeme asi sanɲa kere, fa kɔ deke kere su, ya Mibie Yesu Kristo deɛ ti.

Nbaram ni bu hunm jɔre

²¹ Am soro Kristo n deɛ ti, am de am beɲgu nɔaniɛ. ²² Nbaram, am de am hunm nɔaniɛ kabo am de Mibie n nɔaniɛ barasu ni. ²³ Dama bieso la yiko nie i yi su, kabo Kristo la yiko nie i jama n su barasu ni. Kristo jama n ti i ɲuniembaa a, yiri ni i tii, ti

bu Tiidefo a. ²⁴ Kabo Kristo jama de i noanie barasu ni, so ye i ti ye ni ka nbaram de bu hunm noanie deke kere nu n a.

²⁵ Nbiesom, am koro am yim kabo Kristo koro i jama n na i toori i ngoo wu maari bu barasu ni, ²⁶ adena i yo bu casi wo. Nyeme noanie n bo bu tiiri i ni, ye bu bieeri bu Nyeme nzue yiiri satie kere bo i wo bu ahore su a, ²⁷ adena i fa bu bo i nu su na bu wo i do, na bu yo nyumi agaya, na bu yo casi na bu la ma fin be wara bu la ma ngasi be, na be koro jara ki ma bu. ²⁸ So ye i ti ye ni ka nbiesom koro bu yim kabo bu koro bu nu barasu n a. Dama bieso kere bo i koro i yi koro i nu wo lee. ²⁹ Sono be wo ma bere bo i koro ma i nu, ama, sono kere nie i nu su wo nyunyumi, kabo Kristo nie i jama su barasu ni, ³⁰ dama ya kere ti Kristo huniembaa n wo lee. ³¹ Ba kere i Nyeme Jore Kadasi n nu ka, "Nyini dee ti, bieso yaki i si, ni i ni, na i fa i nu mata i yi, nyini sangha bu mine nnyo n ayo deke kun lee."

³² Asiri nu jore bambaka be wo ahin noanie n nu, na ma nu i la ka, i sukan fa ko Kristo ni i jama n jore wo. ³³ Ama, jore n bo m koro ka m se am n la ka, i ti ye ni ka bieso kere koro i yi, kabo i koro i nu ni, na bara kere bu i hun.

6

Nbaatumam ni bu wufom jore

¹ Nbaatumam, am de am wufom noanie, Mibie n dee ti, dama nyini ti kpa a. ² Ka, "Bu u si ni u ni." Ahin n ti Nyeme noanie maawa ciciri su bo Nyeme bukaari su seeri ka nzen a yoori so, i ma u deke kpa, ³ ka, "Nyini ma a nu u nu fie a, na u ngoo ko tintiin durunya n nu fen a."

⁴ Nbaasim, ma am yo sa bo i ye am nbaam yaa su. Ama, am ta bu ataari bo i ti kpa, na am tu bu fo fa ko Mibie n dee atin n su.

Akoom ni bu mibiem jore

⁵ Ambere bo am ti akoom ni, am de am mibiem bo bu wo durunya n nu fen n noanie, na am soro bu ahore, na am yo deke kere bo bu na am yo i ni am ahorembaa kun, kabo am yo ma Kristo barasu ni. ⁶ Ma am yo ka bu nie am dee ti, na am koro ka am yo na bu kunnu jo am nu, ama, am yo bo i sun Nyeme nu, ni am ahorembaa kun, ka am ti Kristo dee akoom ti. ⁷ Am yo am juma kere ma am mibiem ni ahorejo, ka am suyo ma ya Mibie Yesu wo, ama, ma ka am suyo ma adamande wo. ⁸ Nahore, ye m na am si ka, sono kere bo i yoori i juma nahore su, Mibie ni to i mi nkatoo, nzen i ti akoo o, wara i ti ma akoo o.

⁹ Ambere gusu bo am ti bu mibiem ni, am bita bu nyunyumi, ma am suwura bu sere. Ma am ma am wara fi ka am ni bere kere Mibie n bo i wo angoro n ti kun wo. I tambu ma nu.

Biesoya nenje bo Nyeme afa ama ya n jore

¹⁰ Jore n bo wo ka n la ka, am ma Mibie n ma am fanga fa ko i yiko bambaka n bo i la i n su. ¹¹ Am fa biesoya nenje n kere bo Nyeme afa ama am n sana, adena am ba koro jina kenken na am kunma Sitana ngonletie kere bo i fa dadaka am ni. ¹² Dama ma ya ni adamande kun lue n a, ama, ya kun lue n ni Sitana ni yikofom barasu barasum kere bo bu wo angoro ni, ni bo bu la yiko bita minem bo bu wo awosin nu durunya n nu fen n wo. ¹³ Nyini ti, am fa biesoya nengem bo Nyeme afa ama am sana, adena sangha kere bo Sitana ba kun am lue, am koro kete i na am kunma i nahore su, na am jina kenken. ¹⁴ Nyini ti, am kpa am nu, na am jina kenken, na am fa nahore fa yo ka dambara bo am wii nu, na am yo sa bo i ko atin su sangha kere, nyini kanda am a, ka bulaari peperepe bo am fa kanda am hoe su. ¹⁵ Na am ma labari kpa n bo i ma ahoreda n yo ka gbagbaa bo am koro fa wura jina kenken. ¹⁶ Am yoori nyini wieeri na am nya fa yarada yo deke bo am fa kanda de Sitana awiem kere bo i tu bu

na bu je ka sin ni. ¹⁷ Am fa tiide n bo Nyeme afa ama am n yo ka bulaari kere bo am fa butu kanda am tii, na am fa Nyeme noanie n yo ka takobe bo Awiewie Casi n afa ama am. ¹⁸ Am yoori nyinim kere ni, am sere Nyeme ka i jina am sin buka am, na am susere i sanja kere, kabo Awiewie Casi n kere am ka am sere i barasu ni. Nyini dee ti, sanja kere am sere i so, ma am daafi, na ma am fa am nu ji, na am susere Nyeme ma i minem kere. ¹⁹ Am sere Nyeme ma m, na sanja kere bo m na m jojo, na Nyeme ma m noanie bo m jojo, adena m koro jojo ni ahoresi, na m koro teke m noo kan labari kpa n bo minem si ma i n jore n kere minem. ²⁰ Dama Yesu Kristo ayi m ka m yo i jaramasa na m kan nyini labari kpa n jore dee ti, ye m wo dansaraka nu n a. Nyini ti, am sere Nyeme na i ma m ahoresi, na m kan labari kpa n jore kere minem, kabo ma i ti ye ni ka m kan kere bu ni.

Awieeri su dee anse yoowa ni

²¹ Ya niwa Tikikusi bo ya koro i agaya na i la dabunu na i yo Mibie n juma n ni, yiri ba kan m nusu jore kere kere am, na am si kabo m woowa ti barasu. ²² Nyini dee ti, ye m susunma i am do a, adena am si kabo ya kere woowa ti barasu, na i ma am ahoresi. ²³ M sere ya Si Nyeme ni ya Mibie Yesu Kristo ka bu ma ya ninbaam kere ahoreda, ni koro, ni yarada. ²⁴ Nyeme buka ambere kere bo am koro ya Mibie Yesu Kristo n ni koro bo i la ma awieeri ni.

Pɔɔlu kadasi bo i kerɛ fa maari FILIPIIYAFOM ni

¹ Mini Pɔɔlu ni Timoti bo ya ti Yesu Kristo akɔɔm ni, yere sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mafom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Pɔɔlu sereeri Nyeme maari Filipiyafom ni

³ Sanja kere bo m ba tenge am jore su, m da Nyeme asi ma am wo. ⁴ Na sanja kere gusu bo m sere Nyeme ma am, m sere i ni ahorejo o, ⁵ dama fite cɛen n bo am deeru Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju cɛen n bo Yesu Kristo ba kaaki ba ni.

⁷ Sanja kere am jore wo m ahore su wo, nyini ti, kabo m sunsun fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara sanja bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su sanja kere a, ka m koro am ni koro bo Yesu Kristo fa koro ya ni. ⁹ M nyemesere la ka, am sukoro am bengi buka su sanja kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko cɛen bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa sanja kere, na mine nu i na bu kansi Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinijinafom ni minem kere bo bu wo fen n asi ka, m ti Kristo dee amuisufo dee ti ye m wo dansaraka nu a. ¹⁴ M dansaraka n nu woowa n awura ya ninbaam dongu kperɛ kekereke Mibie n dee ti, wo ma ba nya ahoresi abuka su bo bu koro sukan labari kpa n jore sanja kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsunni kpa, ama bu bita anyii sunsunni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fie n la ka, bu ma Kristo labari kpa ni susandi bara ye buka su wo. Nzen bu kan ma i ni bu sunsunni kpa, wara bu kan i ni bu akunnu fofoe, m dee la ka, sanja kere m ahore ti jooa. ¹⁹ Dama m si ka nyemesere bo am sere Nyeme ma m sanja kere n ni buka bo m nya i fite Yesu Kristo Awiewie Casi n do ni, nyini ma m nya m tii a. ²⁰ M fa ahoresi ni tama yo m juma ni anyumboro sanja kere, na ma nyinse ti m, adena nzen m wuuri, ni bo ma wu ma kere, m woowa koro ma mine kansi Kristo dee duma. ²¹ Mini do, nzen m la ngoo, Kristo dee ti a, nzen ma wu, i ti m kperɛ wo. ²² Ama, nzen m toko la ngoo ahin durunya n nu fen na m koro yo sa bo i kun kperɛ Nyeme do,

nyini yiri, m si má bo m yi ahin deke nnyom nu. ²³ Ma ka afien ni afien wɔ, dama m koro ka má m wu wɔ na m kɔ wo Kristo dɔ, m ɲu ka nyini n ti ye tara durunya n nu fen bo m wo ni. ²⁴ Ama, nzen m kaaki niɛ bekun a, ambere dɛɛ ti, i ti ye ni ka má m wu, ama, m wo ni m ɲɔɔ durunya n nu fen. ²⁵ Tɔ. Nyini dɛɛ ti, m si tenle su ka m wú má kisa, m wó bere wɔ, na m búka am na am koro yo Kristo yarada ni nahɔre, na am ahore jɔ. ²⁶ Adena nzen m ba kaaki ba niɛri am busu bekun, nyini sanɔa, am lá deke bo am koro fa kansu Yesu Kristo, fa kɔ sa n bo wɔ yo ama m ni.

²⁷ Tɔ, kisa, jɔre kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba niɛri am busu, wara ma koro aba má n kere, na m ti am jɔre ka Awiewie Casi n ma am la jinakunsu, na am la sunsunni kun ni anɔɔse, suboro am nyi sutu ɲgoni kan Kristo labari kpa n jɔre kere minem na bu yo yarada. ²⁸ Na má am soro sere fa kɔ am kpofom dɔ, am ma am ahore ti siiwa sanɔa kere, nyini má bu ɲu nu na bu sí ka bu ká ɲgbɛɛn a, ama, ambere yiri, am nyá tiide, dama Nyeme má am nyá tiide a. ²⁹ Dama Nyeme ace am aceeri Kristo dɛɛ ti, ka am yo Kristo yarada, má nyini ɲgumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo ɲuuri ka m tu i ɲgoni n a, ye kisa am ti ka m toko tu i ɲgoni n a.

2

Kabo Yesu Kristo yikofɔ n yoori i ɲu kaan barasu ni

¹ Kristo wo am nu n dɛɛ ti, yiri ma am ahore si a, na i dɛɛ koro bo i fa koro am ni, da am ahore. Am ni Awiewie Casi n la wo fie, am yo sakpa na am si am bengum aɲunfo. ² Nyini dɛɛ ti, m sere am wɔ, jande, am kere fa sunsunni kun, na am koro am beɲgu, na am fa anɔɔse, na m ahorejɔ kó sin su. ³ Má am sunsun kabo am yo na ambere ɲgumi nya i, má am wura am ɲu kpiri, ama, am yo am ɲu kaan, am bu am beɲgu ka bu tara am. ⁴ Má am niɛ kabo am yo na ambere ɲgumi yo ye, ama, am niɛ kabo am yo na am bengum gusu yo ye. ⁵ Am ma am sunsunni ti kabo Yesu Kristo dɛɛ ti barasu ni. ⁶ I woowa ti kabo Nyeme woowa ti n wɔ sanɔa kere, ama, wɔ se má cɛɛn be ka i tú ɲgoni wura i ɲu kpiri na i ni Nyeme se, ⁷ ama, i keteeri nyini n kere bo má i ti i dɛɛ n wɔ, na wɔ fa i ɲu ayo akɔɔ, na wɔ kaaki adamande. I woowa ti kabo adamande woowa ti barasu n wɔ, ⁸ i yoori i ɲu kaan wɔ, na wɔ de Nyeme nɔanie ni, haari na wɔ wu yiwee tie, yiri la bo bu kpamaari i baka jaanu n su ni. ⁹ Nyini dɛɛ ti, ye Nyeme awura i kpiri agaya aye i su aɲgoro ama i duma bo i tara duma kere n a, ¹⁰ adena mine ni deke kere bo bu wo aɲgoro, ni bo bu wo durunya n nu fen, ni bo bu wo asien bu n tiiri Yesu duma ni, bu kútu i na bu sú i. ¹¹ Na sonɔ kere teke i nɔɔ kan ka Yesu Kristo ti deke n kere Mibiɛ a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini dɛɛ ti, m ninbaa koroowam, am yo deeru m nɔanie n wɔ sanɔa kere, kisa bo m wo má am dɔ ni, nyini ti ye ni ka am de m nɔanie n tara kabo m yo wo am dɔ n a. Tiide n bo am anya i n dɛɛ ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i nɔanie ni, na am yo i koroowa. ¹⁴ Deke kere bo am yo i ni, má am ɲuɲuti na am se akuruwa, ¹⁵ adena am yo mine casim bo be koro jaraki má am, na am yo Nyeme nbaam bo am la má ɲgasi be na am ma am woowa ti wein, na am wo nyumafɔ satieyofɔ ɲgbɛɛnm n nu, na am ta ka asarambaam. ¹⁶ Na am bita Nyeme nɔanie ni, yiri ma minem ɲɔɔ a. Nzen am yo sɔ, nyini ma m koro bo m hoe fa kɔ am woowa n su a, cɛɛn n bo Kristo bá kaaki ba ni, na m si ka juma n bo m yiiri anyumboro yoori am nu ni, aka má ɲgbɛɛn. ¹⁷ Kabo am ayo Kristo yarada, na am sukun am ɲu yo i juma n ni nahɔre su ni, na haari nzen m wuuri mmɔɔ na am yarada

buka su, m ahore ti jɔɔwa, na i yo m ni ambere kere fie, ¹⁸ am gusu ma am ahore jo kabo m ahore ti jɔɔwa barasu ni.

Timoti ni Ipaforoditosi jɔɔɛ

¹⁹ Nzen ya Mibie Yesu soro su, m la ahoresi ka i ce má, m súnma Timoti am do na i ba nie am busu, na i ba kaaki baari, na m gusu tí kabo am wo ti na m ahore da. ²⁰ Deke bo i ti na m sunma i am do n la ka, be cece wo má am nu, yiri ngumi ti bo i buka m su bo i cece wo am nu a. ²¹ Bo ba ka n kere, bu cece wo má Kristo juma n nu, se bu cece wo bu sa koroowam nu a. ²² Ambere mmɔɔ ni am tii si ka Timoti woowa kere kabo i su Nyeme atin n su ni nahore su, na am si ka m ni yiri sangga yo juma kabo baa ni i si bo su yo juma n wɔ, adena mine dongu de labari kpa ni na bu yo yarada. ²³ Nyini ti, nzen m nyuri m jɔɔɛ n kere nyaari, m súnma i kisa bere na i ba nie am busu. ²⁴ Nzen Mibie n soro su, m la ahoresi ka i ce má, mini mmɔɔ ni m tii bá nie am busu.

²⁵ Ma nyu ka, i ti ye ni ka m súnma ya niwa Ipaforoditosi am do. M ni yiri sangga yo juma na ya ti ka sojam bo bu buka bu benggu lue n nu wɔ, ya Mibie Yesu dee atin su. Na ambere ni am tii sunmaari i m do, na wɔ ba abuka m ni deke kere bo m koro ni. ²⁶ I wara ado am, ka i ba nie am busu, i ahore akaaki asaaki, dama am yo tiiri ka wɔ da tukpaki. ²⁷ Nahore, i tukpaki n wurari i, kaan so, má wɔ wu. Ama, na Nyeme asi i anunfo, má yiri ngumi, m ni yiri kere, adena má m ahore saaki buka su. ²⁸ Nyini dee ti, ye m koro ka i ba am do ndende, na am nyu i na am ahore kaaki jo bekun, na má m ahore saaki kun. ²⁹ Am de i ni am saa nnyo ni ahorejo, Mibie n dee ti. Na am bu minem kere bo bu woowa ti kabo i woowa ti barasu ni. ³⁰ Dama Yesu Kristo dee juma n dee ti, i yo toori i ngɔɔ o, má wɔ ka kaan so na i wu. I yoori so ni, adena i buka m na i yo deke n bo am akoro ayo má i ni.

3

Sɔɔɔ bo i yo sa bo i ko atin su Nyeme do nahore su

¹ M ninbaam, jɔɔɛ bo i wo bere la ka, am ma am ahore jo kabo am ni Mibie n ayo kun ni. I ti ye ni ka m kaaki kere na m tenge am su fa ko kabo m yo kere seeri am ni, dama i ti deke bo i buka am wɔ, na má am wura kekereke nu. ² Am si am nyu sa, ni minem bo bu ti satiyofom na bu ti ka caam ni, na bu nyu nzen sɔɔɔ awura má kenkenne, i nya má tiide ni. ³ Yere ti Nyeme minem bo ba wura kenkenne nahore su a, má bere, dama Nyeme Awiewie Casi ni buka ya ye ya koro su Nyeme na ya la ahorejo a, fa ko kabo ya ni Yesu Kristo ayo kun ni. Nyini ti, ya daafi má sayoowa be nyu fa ko anuniembaa su.

⁴ Mini ni m tii, má m la atin bo m koro se ka m daafi m nyu fa ko sayoowam su. Nzen be nyu i la atin, na i daafi i nyu fa ko nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemocue ceen bu wurari m kenkenne wɔ. M ti Yisarelifo baa a, na m fite Benjamin dee lee ano n nu wɔ, na m ti Hiburufom anuma a nahore su. M yo ti Farasifom kun wɔ, na m su Nyeme noanie kpamaawa n su kabo i ti ye ni ka bu su i su barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa ko kabo sɔɔɔ de Nyeme noanie kpamaawa n na i su i su nahore su, mini la má ngasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo dee ti, ma nyu ka bu kere ti ngbeen wɔ kisa. ⁸ I ti nahore wɔ ka, ma nyu ka deke n kere ti ngbeen wɔ, adena m koro si m Mibie Yesu Kristo, yiri tara deke n kere a. Yiri dee ti, ma yaki deke n kere bo m yo yoori bu n ka bu ti ngbeen wɔ. M nie bu kere ka wura a, adena m koro de Kristo ni m saa nnyo, ⁹ na m ni yiri yo deke kun nahore su. Kisa m koro se má ka m yo sa bo i ko atin su Nyeme do, kabo Nyeme noanie kpamaawa n kere ni, ama, kisa, kabo ma yo Kristo yarada n dee ti, ye Nyeme de m ka m yo sa bo i ko atin su i do a. Deke n bo i ma i de

m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kɛrɛ la ka, m sɪ Kristo, na m nyá i yiko n bo i koro tengeeri i yiwee n nu ni, na m dí i dɛɛ wahara n bo i diiri n be, na m wú i dɛɛ yiwee n be. ¹¹ Nyini ma m la tama ka mini gusu tɛnge m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyemɛ koro ka m ti ni, wara ma du mɔ ayo casi wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i dɛɛ sɔnɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kɛrɛ bo m yo yoori bu n sa, ama, m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m miɛ m nyi wɔ na m kɔ m nyunu, adena m kɔ ŋu i awieeri, na m nya aceeri n bo Nyemɛ afere m ama m ŋɔɔ i dɔ ni, Yesu Kristo dɛɛ ti. ¹⁵ I ti ye ni ka yɛrɛ kɛrɛ bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ŋgunɔgumi, fa kɔ i nɔaniɛ n su, Nyemɛ yí i nyi kere am, na am tí i bu. ¹⁶ Ama, bo i wo bɛrɛ la ka, kabo ya bita Nyemɛ atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m dɛɛ n ti barasu ni. Woowa kpa n bo ya du mɔ afa akere am ni, am niɛ minem bo bu bita nyini woowa kpa n ni, na am sɔn bu su. ¹⁸ Dama saɔga kɛrɛ m nati se am ka, nbem woowa kere ka bu ti Kristo kpɔfɔm wɔ, fa kɔ i yiwee n bo i wuuri i baka jaanu n su ni. Ye kisa m kaaki suse am bekun ni nyunvui n a. ¹⁹ Nyini minem sɔ, bu nyemɛ la bu kunnu wɔ, na deke bo má i ti bu nyinse ni, bu fa nyini fa yo yanfɔya. Bu sunsunni kɛrɛ wo durunya n nu fɛn nengem ŋgumi sɔ a, nyini ti, bu awieeri, bu ká ŋgbɛɛn wɔ. ²⁰ Ama, yɛrɛ yiri, ya ti Nyemɛ dika n bo i wo aɔgoro n nu nbaam wɔ, ye ya sunminda ya Mibiɛ Yesu Kristo, ya Tiidefɔ ni, ni anyumboro, ka i fíte Nyemɛ dika n bo i wo aɔgoro n nu ba. ²¹ Na i bá kaaki ya ahin aɔunɛ n bo i wú ni, na i má i yo aɔunɛ fɔfɔrɛ barasu be bo i ti kabo i dɛɛ aɔunɛ woowa n bo i la jirima n ti barasu ni. I fá i yiko n bo i fa niɛ deke n kɛrɛ su ni fá yo nyini kɛrɛ a.

4

Kabo Pɔɔlu tuuri bu fɔ ni

¹ M ninbaam, m koro am agaya, na m ahore abi ka m ŋu am ni, amberɛ ti, ye m ahore ti jɔɔwa saɔga kɛrɛ a, amberɛ ti m kpɛrɛ bo ma dí i m jumayoowa n nu a. Nyini ti, am bita Mibiɛ n dɛɛ atin n ni nahɔrɛ su. ² Yuwodiya, ni Sintiki, m sere am wɔ jande, ka, am fa aɔɔsɛ, dama am ti nibaam wɔ, Mibiɛ n dɛɛ ti. ³ Tɔ, wɔrɔ gusu bo a ti m matafɔ nahɔrɛ su ni, m sere u wɔ, ka, a buka nyini nbara nnyɔm ni, dama bɛrɛ yiiri anyumboro bukaari m, ye ya kaanri labari kpa n jɔrɛ n a, fa saɔga ni Kerementi, ni nyingam bo m ni bɛrɛ saɔga yo juma ni. Nyemɛ akɛrɛ bu kɛrɛ duma awura ŋɔɔ kadasi n nu. ⁴ Ya Mibiɛ n dɛɛ ti, am ma am ahore jɔ saɔga kɛrɛ, m kaaki suse am bekun wɔ ka, am ma am ahore jɔ. ⁵ Am ma sɔnɔ kɛrɛ ŋu ka am ti benlɛ, dama Mibiɛ ni káaki ba kisa. ⁶ Má am koko fa kɔ deke be su, ama, am kan am sa bo i ti am miɛwa kɛrɛ fa kɛrɛ Nyemɛ saɔga kɛrɛ, na am sere i, na am da i asi am ahore su. ⁷ Am yoori sɔ, Nyemɛ má am ahoreda bo i la má aɔusu, na i súnɛ am dika fa kɔ am ahore su ni am sunsunni nu, dama am ni Yesu Kristo ayo kun n dɛɛ ti.

⁸ M ninbaam, jɔrɛ n bo wɔ ka n la ka, am ma am sunsunni kɛrɛ wo dekem bo bu ti kpa, na bu la kansɪ n su. Bɛrɛ la deke bo i ti nahɔrɛ, ni bo i la anyunuyi, ni sa bo i kɔ atin su, ni bo i ti casi, ni bo i ti koro sa, ni bo i la jirima. ⁹ Dekem bo am sɔnsɔn bu fiteeri m dɔ ni, ni bo am deerɪ m dɔ ni, bɛrɛ la m nɔaniɛ ni, ni m sayoowa ni, am su bu su na am fa yo juma. Nyemɛ la ahoreda, yiri wó am dɔ a.

Kabo Pɔɔlu yoori bu anse fa kɔ bu buka n su ni

¹⁰ Ya Mibiɛ n dɛɛ ti, m ahore ajo ako asin su, dama wɔ cɛ bo m ti má am ŋga, ama, kisa am akaaki akere ka am cɛcɛ wo m nu. M si ka sanɔa kere am cɛcɛ wo m do, se kabo am yo na am buka m n ye am anya má atin a. ¹¹ Bo m suse so ni, i ti má ka deke be mie m wɔ ye m sukan so n a, dama nzen m la i, ni bo m la má i kere, m si kabo m tara m ŋu na m wo barasu. ¹² M si kabo yaari ti soɔ na i ti barasu, na m kaaki si kabo soɔ nya i agaya na i ti barasu. Deke kere bo m wo, na sa be atu m, nzen m di na m kunnu yi o, wara nzen m da ahɔe o, nzen m la nenɔge beberebe o, wara i ti kaan o, m si kabo m tara m ŋu barasu na m nyunu yi i. ¹³ Yesu Kristo maari m fanga n dɛɛ ti ye m koro yo deke n kere a.

¹⁴ Ama, am ayo sakpa, kabo mie tuuri m na m ni ambere kere sanɔa di wahara ni. ¹⁵ Ambere Filipiyafom si ka fite sanɔa bo m boori i bu ba kaanri labari kpa n jore kereeri am ni, nyini sin, na m ba fiteeri Makedoniya awore n nu ni, Kristo jama kun n kpein be mmɔo ace má m aceeri be, má ka ambere ŋgumi ceeri m aceeri a. ¹⁶ Sanɔa bo m toko wo Tesalonika mie kpiri n nu ni, na mie tuuri m ni, am yo sunmaari m do ni aceeri kpe nnyo. ¹⁷ I ti má ka m koro ka sanɔa kere m sude aceeri fite am do o, ama, m koro ka am yo so, na Nyeme yo am kisi. ¹⁸ Deke n kere bo am fa sunmaari m do ni, m saa akan i, am ace m atara kabo má m koro ni mmɔo. Kisa m koro má pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wɔ sun i nu ade i ni akunnujo wɔ. ¹⁹ M Nyeme Feme ni, yiri la nenɔge ni ajekere kere a, i kere wo Yesu Kristo dɛɛ jirima nu wɔ, i má am deke kere bo am fun i. ²⁰ Ya Si Nyeme ni, yiri ti ye ni ka ya kansa i sanɔa kere sanɔa. Ami.

Kabo Pɔɔlu yoori bu anse awieeri su ni

²¹ Am bisa Nyeme minem kere donɔgu ma m. Bere ti Yesu Kristo dɛɛm a. Ya ninbaam bo bu wo m do fen n bisa am kere donɔgu. ²² Nyeme minem kere bisa am donɔgu, maala bo bu yo juma Romafom Feme Kpiri Siza dika ni. ²³ Ya Mibiɛ Yesu Kristo buka am kere.

Pɔɔlu kadasi bo i kerɛ fa maari KOLOSIYAFOM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, m ni ya niwa Timoti ² sukere ahin kadasi n ma Nyemɛ minɛm bo wɔ yi bu Kolosiya miɛ kpiri n nu n a, na bu ti ya ninbaam bo bu su Kristo su nahɔrɛ su ni. Ya Si Nyemɛ buka am na i ma am ahoreda.

Kabo Pɔɔlu sereeri Nyemɛ na i daari i asi ni

³ Saŋga kerɛ ya sere Nyemɛ ma am wɔ, yiri ti ya Mibiɛ Yesu Kristo Si a, na ya da i asi fa kɔ kabo am woowa ti barasu n wɔ, ⁴ dama ya ti kabo am ayo Yesu Kristo yarada, ni kabo am koro Nyemɛ minɛm kerɛ barasu ni. ⁵⁻⁶ Deke n bo i ti na am yoori sɔ n la ka, am la ahoresi ka am nyá deke n bo Nyemɛ afa ase aŋgoro ka i fá ma am ni. Am du mɔ tiiri nyini ahoresi n jɔrɛ saŋga bo minɛm ba kaanri labari kpa n bo i ti nahɔrɛ n jɔrɛ kereeri am n wɔ. Labari kpa n bo am deerɛ i ni, wɔ tɛrɛki abara aye durunya n kerɛ, minɛ ade i, bu suyo sakpa durunya n kerɛ nu. Fite saŋga bo am tiiri i ni, am deerɛ i ye am siiri sakpa n bo Nyemɛ ayo ama am ni nahɔrɛ su n a. ⁷ Ya lamɔkɔ akɔɔ Ipafarasi bo ya koro i ni, yiri du mɔ kereeri am ahin labari kpa n a. Yiri ti Kristo amususufɔ bo i la dabuŋu na i yo i juma buka am a, ⁸ yiri seeri ya kabo Nyemɛ Awiewiɛ Casi n abuka am na am koro minɛm barasu n a.

⁹ Nyini ti, fite cɛɛn bo ya tiiri kabo Nyemɛ ayo sakpa n ama am ni, saŋga kerɛ ya sere Nyemɛ ma am wɔ, ka i ma am si nahɔrɛ su kabo i koro ka am yo barasu ni, na i kaaki ma Awiewiɛ Casi ma am nya si ni alecira barasu kerɛ. ¹⁰ Nyini ma am koro wo kabo i ti ye ni ka Ya Mibiɛ minɛm wo barasu n a, na am yo kabo i koro n kerɛ, na am yo sakpa barasu barasu kerɛ, na am si Nyemɛ nahɔrɛ su buka su. ¹¹ Ya kaaki sere Nyemɛ ka i ma i jirima ni i yiko n bo i la má aŋusu n ma am faŋga barasu kerɛ, na am koro mindi, na am la sawɔrɛ fa kɔ kekereke kerɛ bo i tu am, ni ahorejo. ¹² Na am da ya Si Nyemɛ asi, dama yiri ama am ayo minɛm bo am aju su ka am saŋga nya deke n bo i fá ma i minɛm bo bu wo wein n nu ni. ¹³ Yiri ye wɔ yi ya afite awosin dɛɛ femɛya yiko n kerɛ nu, ye wɔ fa ya awura i Wa koroowa n dɛɛ femɛya n nu a. ¹⁴ Yiri Kristo dɛɛ ti, ya nya tiide, ye wɔ fa ya satie ace ya.

Kabo Kristo woowa ni i juma ti barasu ni

¹⁵ Kabo Nyemɛ bo ya ŋu má i n woowa ti ni, yiri Kristo woowa ti sɔ ɔ, yiri ti Nyemɛ Wa kpiɛn n bo i ti deke kerɛ bo Nyemɛ ayi bu n tii a. ¹⁶ Yiri ye Nyemɛ maari i yiiri deke kerɛ bo i wo aŋgoro ni asiɛŋgu n a, ni dekem bo ya ŋu bu, ni bo ya ŋu má bu ni, ni yikofɔm kerɛ, ni nfaŋgafɔm, ni nfemɛm kerɛ. Nyemɛ maari yiri yiiri deke n kerɛ a, adena deke n kerɛ wura i kpiri. ¹⁷ Yiri du mɔ woori berɛ wɔ ka, ye Nyemɛ nya ba yiiri deke n kerɛ a. Yiri ma deke n kerɛ toko wo berɛ a. ¹⁸ Yiri ti i jama n kerɛ tii a, ye i jama n ti i ŋuniɛmbaa ni, yiri ti i jama n bumboori a, yiri ye Nyemɛ adu mɔ atɛŋge i yiwee nu a, adena i yo deke n kerɛ bo Nyemɛ ayi bu n mɔfɔ. ¹⁹ Dama wɔ sun Nyemɛ nu ka, i dɛɛ woowa kerɛ wo i Wa n nu. ²⁰ Na Baa n dɛɛ ti ma Nyemɛ akoro akaaki deke n kerɛ bo bu wo aŋgoro ni asiɛŋgu ama bu ni Nyemɛ ayo kun, i mbunja n bo i fiteeri i ŋuniɛ nu baka jaanu n su ni, ayo bu ni Nyemɛ afien donɔgu a.

²¹ Ambere, saŋga be, am yo woori dede ni Nyemɛ wɔ, am yo ti i kpɔfɔm wɔ, dama am yo yo satiem wɔ, na am sunsunni ti má kpa, ²² ama, kisa i Wa n woori ka adamande wɔ, na i wuuri baka jaanu n su ni, nyini ma am ni yiri ayo kun a, adena i yó am casi, na má be koro jaraaki am, na am lá má ŋgasi be Nyemɛ dɔ. ²³ Ama, i ti ye

ni ka am subita yarada n bo am la i kenken sanja kere, na má am yaki i, má am ma deke be kanda am fa kɔ kabo am tiiri labari kpa n bo i maari am yoori i tama n jɔre ni. Nyini labari n ye bu kaanri i jɔre durunya n kere nu n a, ye mini Pɔɔlu mmɔɔ ti i amusuisufo, ye m kan i jɔre n a.

Kabo Pɔɔlu yo juma ma Kristo jama n barasu ni

²⁴ Ama, kisa wɔ yo m fie kabo m sudi wahara ambere dɛe ti ni, na wahara n bo m di i m nuniɛ n nu ni, m sudi i sɔ haari m kɔ wie i, kabo Kristo gusu diiri wahara ni, m dí i ma i jamam bo bu ti i nuniɛmbaa n wɔ. ²⁵ Nyeme ayi m ka m yo Kristo jama n amusuisufo a, ye wɔ ma m ahin juma n ka m yo buka am a. Nyini la bo i nja m kan i nɔaniɛ n kere pepere kere am ni. ²⁶ I ti jɔre bo Nyeme yo fa fiɛri dawafom kere su wɔ, ama, kisa wɔ fa i akere i minem bo wɔ yi bu ni. ²⁷ Bere ye Nyeme koro ka i kere bu jɔre bo i wo fiɛwa nu n a, yiri la alekutura sa bo i la má anjusu na i koro ka i yo ma ambere bo am ti má Yudafo m ni. Yiri la ka, Kristo wo am nu, na am la ahoresi ka am nyá i dɛe jirima woowa n be. ²⁸ Ya kan Kristo jɔre kere sɔnɔ kere wɔ, na ya kere bu na ya bɔbɔ bu, ni alecira bo wɔ fa ama ya ni, na bu ba i dɔ ba su i ka minem bo bu nyunu ati Kristo dɛe atin su. ²⁹ Nyini dɛe ti, ye m yo ahin juma n ni anyumboro n a. I dɛe yiko n bo i la má anjusu ni ma m fanja ye m koro yo juma n a.

2

¹ M koro ka am si kabo m tu ngonni yo juma n ni anyumboro ma ambere, ni Lawodikayafom, ni minem bo bu nya si má m ni. ² M koro ka m yo sɔ na i wura am kperɛ kekereke, na am la anɔɔsɛ, na am koro am benju ni nahɔre su, na am si Nyeme nahɔre su, na am de i nɔaniɛ ni, na i ma am ahorejo, na am si jɔre n bo Nyeme yo fa fiɛri ni. Yiri la Yesu Kristo. ³ Yiri ngumi ti bo i koro ma ya alecira ni si kere fa kɔ Nyeme jɔre n bo i wo fiɛwa nu wo i dɔ ni.

⁴ M koro má ka be fa anɔɔfiɛfiɛ daka am, nyini dɛe ti, ye m se am sɔ n a. ⁵ Haari ni bo m wo má am dɔ ni, m sunsunni yiri wo am dɔ, kabo am ayo Kristo yarada nahɔre su na am la anɔɔsɛ bita i atin kenken ni, nyini ayo m fiɛfiɛ agaya.

Am ma am woowa ti kabo Kristo dɛe ti ni

⁶ Kabo am asoro su ade Yesu Kristo ka am Mibiɛ ni, am ma am woowa ti ka minem bo bu ni yiri ayo kun ni. ⁷ Am bita i kekereke, na am subuka su fa kɔ Nyeme atin su, na am ma am yarada yo biiwa nahɔre su kabo ba kere am ni. Na am suda i asi agaya.

⁸ Am si am nju sa, na má be fa adamande ngɔnle, ni sa ngbɛen be dadaka am na am su bu su. Bere la adamande kereewam, ni durunya n nu satie yoowam bo bu fa kere minem na i ti má Kristo dɛe kereewa ni. ⁹ Dama Nyeme dɛe woowa kere wo Kristo dɛe nuniɛ n nu wɔ. ¹⁰ Kabo am ni yiri ayo kun ni, nyini ma am anya deke kere pepere a. Yiri ti yikofom, ni nfanjafom kere tii a.

¹¹ Kabo am ni Kristo ayo kun ni, nyini kere ka am awura kenkenne nahɔre su a, má anuniɛmbaa su yoowa bo adamande yo i ni, ama, yiri la bo Kristo ayi am satie n kere ni. ¹² Sanja bo bu biɛri am Nyeme nzue ni, i kere ka ba sanja ase am ni Kristo wo lee, na am ni yiri asanja atenge i yiwee n nu lee, dama am la yarada ka Nyeme dɛe yiko n nu ye wɔ tenge Kristo i yiwee n nu a. ¹³ Sanja be, am yo ti fuinm wɔ, dama am ti satieyofom wɔ, na am ayo awura má kenkenne na am su má Nyeme. Ama, kisa Nyeme ama am ni Kristo asanja anya ngɔɔ fɔfɔre. Wɔ fa ya satie kere ace ya. ¹⁴ Satie kere bo ya yo yoori na ba kere i ka i ti ngasi jɔre ni, Yesu yiwee n bo i wuuri baka jaanu n su n dɛe ti, wɔ nmisi ayi nyini ngasi sa n kere, ¹⁵ na wɔ kunma yikofom ni nfanjafom kere, awura bu nyinse fofoe nu.

¹⁶ Nyini ti, má am ma be jaraki am fa kɔ sayoowa be su, kabo am yo fa kɔ diire diiwam ni bu ciirem, wara deke nuuwam ni bu ciirem, wara cɛenkpiri ciirem, wara sara fɔfɔre ciire yoowam, wara Njumiya cɛen n ciirem. ¹⁷ Nyini yoowam kere ferema ni deke n bo i suba n wɔ, yiri la Kristo. ¹⁸ Am si am ŋu sa ni minem bo bu ŋa ba ŋu deke yikereewa nbem, na bu yo bu ŋu ka bu ti tarakam, na bu su merkem ni. Adamande dɛɛ sunsunni nu kpirikoro la nyini n kere bo bu yo sɔ ni. Má am ma bu ŋu am ŋgasi be. ¹⁹ Nyini minem sɔ da má Kristo bo i ti i jama n tii n ŋu. I jama n ti i ŋuniembaa a. Yiri nie i ŋuniembaa barasu barasu n kere suyo i kun a, na i ma i wura i beŋgu nu, na i sasa suyo faŋga, na i buka nyemesu atin su, kabo Nyeme koro ni.

²⁰ Kabo am ni Kristo asaŋga awu ni, am anya am tii afite durunya n nu satie yoo-wam kere nu. Nzu ti ye am su bu nyini ciirem su a? ²¹ Bo bu ŋa, má am tara ahin, má am di ahin, ni bo bu ŋa má am fa am saa kan ahin dekem ni. ²² Nyini ciirem kere ti adamande dɛɛ kereewam wɔ, nzen sɔnɔ suuri bu su, bu kere kaari ŋgbɛɛn wɔ. ²³ Nyini ciirem ni, mine sunsun ka bere n bo bu su nyini n kere su n ti alecirafom wɔ, ama, bu ti má alecirafom, bu su dekem bo bu ahorembaa koro ni su a, na bu yo bu ŋu taraka, na bu sukere bu ŋu wahara, ama, nyini n kere bo bu yo i ni, bu koro tara má bu ŋu fa kɔ adamande konviki dika.

3

Woowa dawa n ni woowa fɔfɔre n jɔre

¹ Nyini ti, kabo am ni Kristo asaŋga atenge i yiwee n nu ni, am ma am ahorembaa kere wo dekem bo bu wo angoro n su, dika n bo Kristo tana Nyeme saa fombɔɔ su ni. ² Am ma am sunsunni kere wo dekem bo bu wo angoro n su, ama, má dekem bo bu wo durunya n nu fen ni. ³ Dama am ni Kristo asaŋga awu wɔ, ye am ni yiri ayo kun a, ye Nyeme afa am ni yiri ŋɔɔ afie yiri ni i tii dɔ a. ⁴ Kristo ti am ŋɔɔ nahɔre su a, i ba baari, am ni yiri kere sanga fite a, na am nya i jirima woowa ni.

⁵ Nyini dɛɛ ti, am yaki am ŋuniembaa sa koroowa kere, má am yo sakaraya, am yaki dangba sayoowam, am yaki konviki ŋgbɛɛnŋgbɛɛn, má am ma am nyunu boro satieyo su. Má am ma am nyunu boro nenge kpini su, sɔnɔ kere bo i yo sɔ, i mi su má Nyeme, i su nengem wɔ. ⁶ Nyini dɛɛ ti, ye Nyeme fá yaa cin minem sui a, bere bo ba kete ka bu de má i nɔanie na bu yo nyini sam ni. ⁷ Sanga be, amberɛ mmɔɔ ni am tii yo yo nyini sam wɔ, dama kabo am woowa yo ti lee. ⁸ Ama, kisa, am yaki nyini kere fieo, yaafa ni anunkpini, na má am ma nzuko kpie ni jɔre ŋgbɛɛnŋgbɛɛn fite am nɔɔ nu, ⁹ má am bu kɔre sɔ am beŋgu, dama am ayaki am dawa dɛɛ yoowa n kere fieo fieo, ¹⁰ am afa wo fɔfɔre. Nyeme suma am nyini woowa fɔfɔre n a, adena i má am woowa ti kabo i dɛɛ woowa ti barasu ni, na am koro si i nahɔre su. ¹¹ Nyini woowa fɔfɔre n bo Nyeme ayo i n dɛɛ ti, Yudafom ni minem bo bu ti má Yudafom ti kun wɔ, minem bo ba wura kenkenne o, ni bo ba wura má kere ti kun wɔ, ni minem bo bu jɔɔ anie barasu nbem, ni minem bo bu nyunu nya teke má, ni akɔɔm ni awurunbaam, bu kere ti kun wɔ. Ama, bo i kɔ tara bu kere n la Kristo, yiri wo bu kere ahore su a.

¹² Am ti minem bo Nyeme koro am, na wɔ yi am afa ayo i dɛɛm wɔ. Nyini ti, i ti ye ni ka am si anunfo na am buka minem, na am yo am ŋu kaan, na am yo benle, na am la mindi, ¹³ na am yo sawɔre de am beŋgum. Nzen be ni i beŋgu anya jɔre, am fa ce am beŋgu. Kabo Kristo afa am ŋgasi ace am ni, amberɛ gusu fa am beŋgum ŋgasi ce bu. ¹⁴ Bo i tara i kere n la ka, am koro am beŋgu, dama koro ma am yo kun a, na am yo anɔɔse nahɔre su. ¹⁵ Kristo afere am ayo am deke kun ama am ahoreda, nyini dɛɛ ti, am ma nyini ahoreda n wo am dɔ sanga kere, na am suda Nyeme asi. ¹⁶ Am ma Kristo jɔre n wo am ahore su ni nahɔre su. Am fa Nyeme nɔanie na am fa kere am beŋgu, ni alecira kere bo am la i ni, na am fa tu am beŋgu fo. Am fa Nyeme

nɔaniɛm bo bu wo kansi jue kerɛɛwam n nu n fa di jue kansi Nyɛmɛ, na am di jue n bo Awiewie Casi n kere am, na am di jue da Nyɛmɛ asi am ahore su. ¹⁷ Am sayoowa, ni am jɔjɔwa kere nu, am yo i ya Mibiɛ Yesu dɛɛ duma n nu, na am da ya Si Nyɛmɛ asi Kristo dɛɛ ti.

Kabo i ti ye ni ka Kristo susufom bita bu awuru barasu ni

¹⁸ Nbaram, am de am hunm nɔaniɛ kabo i ti ye ni ka Mibiɛ n susufom yo ni. ¹⁹ Nbiesom, am koro am yim, má am bita bu ni joko tie. ²⁰ Nbaatumam, am de am sim ni am nim nɔaniɛ fa kɔ deke kere su. Nzen am yo sɔ, nyini yo Mibiɛ n fie a. ²¹ Nbaasim, má am yo sa bo i ye am nbaam yaa su, na bu ahore saaki. ²² Ambere bo am ti akɔom ni, am de am mibiɛm bo bu wo durunya n nu fen n nɔaniɛ deke kere nu, má am yo ka bu nie am dɛɛ ti, na am koro ka am yo na bu ahore jɔ am ŋu, ama, am yo deke kere bo bu ŋa am yo i n ni am ahorembaa kun, ka am su Mibiɛ n dɛɛ ti. ²³ Am yo am juma kere ni am ahorembaa kun, ka am suyo ma Mibiɛ n wɔ, ama, má ka am suyo ma adamande wɔ. ²⁴ Am si ka am nyá ŋkatɔ bo Nyɛmɛ ase ka i fá ma i minɛm ni. Dama am Mibiɛ n bo am su i ni, yiri la Kristo wɔ. ²⁵ Sɔnɔ kere bo i yoori sa bo i ti má kpa, Nyɛmɛ tó i mi kaari, dama Nyɛmɛ tantambu má nu.

4

¹ Ambere gusu bo am ti mibiɛm ni, am yo am akɔom kpa, na am yo deke bo i ti ye ni ka am yo ma bu ni, dama am si ka am gusu la am Mibiɛ n bo i wo angoro.

Nyemesere ni fɔtu jɔre

² Am susere Nyɛmɛ sanɔa kere ni anyumboro, má am fa am ŋu ji, am suda i asi. ³ Nzen am sere Nyɛmɛ, am sere ma ya gusu, na Nyɛmɛ teke atin ma ya na ya kan labari kpa n fa kɔ Kristo jɔre n bo i yo wo fieɛwa nu n kere minɛm. Dama labari kpa n dɛɛ jɔre ti, ye m wo dansaraka nu n a. ⁴ Am sere Nyɛmɛ ma m, na i jina m sin na m koro kan labari kpa n kabo i ti ye ni ka m yi i bu nyunyumi kere minɛm na bu ti i bu. ⁵ Am fa ŋɔnɛ na am si kabo am wo fa kɔ minɛm bo bu ti má Kristofom dɔ. Sanɔa kere bo am nya atin, am fa yo sakpa, kabo i ti ye ni ka am yo ni. Má am saaki am sanɔa n bo am la i ni. ⁶ Sanɔa kere bo am ŋa am jɔjɔ minɛm dɔ, am ma am nɔaniɛ fite kpa na i yo bu fiefie, na am si kabo am bo sɔnɔ kere nu barasu.

Kabo Pɔɔlu yoori bu anse awieeri su ni

⁷ Ya niwa Tikikusi bá kan m ŋusu jɔre kere kere am. Yiri ye ya koro i agaya, i bita nahore fa kɔ i juma su, i ti ya lamɔkɔ akɔɔ ɔ, fa kɔ Mibiɛ n juma n su. ⁸ Nyini ti, ye m susunma i am dɔ n a, ka i ba kan kere am kabo ya kere ti barasu, na am ahore si.

⁹ I ni Onisimɔ suba a. Yiri mmɔɔ ti ya niwa bo ya koro i wɔ, i bita nahore fa kɔ i juma su, i ti am be wɔ. Bu bá kan deke kere bo i suyo fen kere am.

¹⁰ Arisitakusi bo m ni yiri kere wo dansaraka nu fen ni, bisa am kere dɔŋgu. Banabasi niema Marako gusu bisa am kere dɔŋgu. Ma du mɔ ase am kabo am yo barasu, ka i baari, am de i ni am saa nnyɔ. ¹¹ Yesu n bo bu kaaki fere i ka Jusitosi n gusu bisa am kere dɔŋgu. Bere mine nsan n ŋgumi ti m lamɔkɔ Yudafom bo ba yo yarada, na m ni bere sanɔa yo Nyɛmɛ femeya n nu juma n a. Bu ti minɛm bo bu ma m ahoresi. ¹² Ipafarasi gusu bo i ti am be na i ti Kristo akɔɔ n bisa am dɔŋgu. Sanɔa kere i sere Nyɛmɛ ni anyumboro ma am wɔ, adena am la jinakunsu na am su Nyɛmɛ ni nahore, na am yarada yo biiwa, na am de i nɔaniɛ ni kabo Nyɛmɛ koro n kere. ¹³ Mini mmɔɔ ni m tii koro di i daani, kabo i yi anyumboro yo juma ma ambere, ni Lawodikayafom, ni Herapolisifom barasu. ¹⁴ Luka bo ya koro i na i ti dɔkotie ni, i ni Demasi kere bisa am dɔŋgu.

¹⁵ Am bisa ya ninbaam kere bo bu wo Lawodikaya ni, ni Nimfa, ni Kristo jama n kere bo bu nati tien bu nɔɔ i dika n dɔŋgu. ¹⁶ Nzen am kaanri ahin kadasi n wieeri,

am yo anie na am fa ma Lawodikayafom na bu gusu kan i. Na am boro am nyi na am gusu kan m kadasi n bo bere Lawodikayafom fa ma am ni. ¹⁷ Am se Akipusi ka i boro i nyi, na i yo juma n bo Mibie n fa maari i ni, na i wie i.

¹⁸ Mini Pɔɔlu ni m tii sufa m saa sukere ahin kereewa n bisa am dongu a. Má am ma am wara fi ka m wo dansaraka nu wɔ. Nyeme buka am kere.

Pɔɔlu kadasi ciciri su bo i kerɛ fa maari TESALONIKAFOM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme ni ya Mibie Yesu Kristo deɛ minem ni. Nyeme buka am, na i ma am ahoreda.

Kabo Tesalonikafom woowa ni bu yarada tiiri barasu ni

² Saŋga kere ya da Nyeme asi ambere kere deɛ ti wo, na ya susere Nyeme ma am, ³ na ya sutenge am su ya Si Nyeme do, kabo am fa am yarada fa yo juma barasu ni, ni kabo am la koro, na am fa yo juma barasu ni, ni kabo am bita am tama n kenken fa ko ya Mibie Yesu Kristo do ni. ⁴ Ya ninbaam, Nyeme koro am, na ya si ka wo yi am ka am yo i tienngu deɛ minem, ya si ka i ti so o, ⁵ dama saŋga bo ya kaanri labari kpa n kereeri am ni, wo ti ma noanie jooowa ngumi wo, ama, i fite Awiewie Casi n deɛ yiko n nu wo, ye am siiri tenle su ka i ti nahore a. Saŋga bo ya woori am do ni, am nuuri kabo ya wo tiiri barasu, i fiteeri ka ambere deɛ ti ye ya woori so a, adena i buka am. ⁶ Na am ason ya ni Mibie n deɛ wo n su, haari ni bo am diiri wahara agaya n kere ni, am deeri labari kpa n wo, ni ahorejo n bo i fite Awiewie Casi n do ni. ⁷ Am nyini wo n ti, yaradayofom kere bo bu wo Makedoniya ni Akaya aworem n nu anu ka i ti ye ni ka bu son am su. ⁸ Ma ka Makedoniya ni Akayafom tiiri Mibie n labari n fiteeri am do n ngumi, ama, yarada n bo am yoori Nyeme ni, i jore abara aye deke kere. Nyini ti, ya la ma jore be bo ya kan kun. ⁹ Nyini minem n kere kan kabo am deeri ya barasu, saŋga bo ya baari am do ni, ni kabo am kaakiiri am sin boori amom na am su Nyeme bo i ti nahorefɔ na i wo bere saŋga kere ni, ¹⁰ na am nminda i Wa Yesu, yiri fite Nyeme do angoro ba a, yiri ye Nyeme atenge i yiwee n nu n a, yiri yi ya fite jina cen deɛ kekereke n nu a.

2

Kabo Pɔɔlu yoori i juma Tesalonika mie kpiri n nu barasu ni

¹ Ya ninbaam, ambere mmoo ni am tii si ka, ba n bo ya baari am do ni, wo ka ma ngbeen. ² Am si kabo bu boori ya, na bu wuraari ya nyinse Filipiya mie kpiri n nu ka, ye ya nya baari am do Tesalonika a. Ama, na Nyeme ama ya ahoresi na ya koro akan i labari kpa n akere am, haari ni bo mine dongu asoro ma ya su mmoo ni. ³ Noanie n bo ya kan kereeri am ni, i ti ma ka ya mini atin wo, wara i ti ma ka ya la sunsunni tie be wo, i sa su ti ma ka ya koro ka ya dadaka be wo. ⁴ Ama, saŋga kere ya jooori kabo Nyeme koro n wo, dama yiri jina ya sin a, ye wo fa labari kpa n ama ya ka ya kan i. Ya yo ma ka i sun adamande nu wo, ya yo ka i sun Nyeme nu a, dama yiri fiiti si deke bo i wo ya ahore su a. ⁵ Am si tenle su ka ya ba abo ma am anofie wo, na ya ba akan ma labari kpa n ka ya nyunu aboro nenge kpini su wo. Nyeme wo ya daani, ⁶ ya yo akoro ma kansu am do, wara be do. ⁷ Ma kabo ya ti Kristo jaramasam ni, ma ya koro se am ka am yo deke kere ma ya. Ama, saŋga bo ya woori am do ni, ya woori benle wo, kabo bara baawufɔ nie i nbaam dika n wo. ⁸ Koro bo ya fa koro am n deɛ ti, ye ya kaanri Nyeme labari kpa n maari am a, na ya gusu akun ya nu ama am, dama ya koori am agaya n deɛ ti. ⁹ Nahore, ya ninbaam, am tenge su kabo ya booori ya nyi yoori juma nahore su, ya yoori juma wiesu, ni kongue, adena ma ya fa ya fie fie be, saŋga bo ya kaanri Nyeme labari kpa n maari am ni.

¹⁰ Ambere yaradayofom ni, am ni Nyeme mmoo kere wo ya daani, kabo ya wo tiiri, sanja bo ya woori am do ni. Ya woori am do ni akunnu fofoe wo, na ya sa kere ako atin n su, ya yo ma sa be bo i fa jaraki ba. ¹¹ Am si ka sanja bo ya woori ni ambere ni, ya bitaari am kabo sono bita i nbaam n wo. ¹² Ya maari am ahoresi, na ya dada am ahore, na ya ye am nyi ka am wo kabo i ti ye ni ka Nyeme minem wo barasu n a. Yiri fereeri am a, ka, am ba yo i dee minem bo i nie am dika, na am ba nya i dee jirima ni.

¹³ Na ya gusu da Nyeme asi sanja kere, dama sanja bo am deeri Nyeme noanie n bo ya kan kereeri am ni, am ade ma i ka i fite adamande do o, ama, am ade i ka i ti Nyeme noanie wo, na i ti so o nahore su, ye i wo ambere yaradayofom ahore su yo juma a. ¹⁴ Ya ninbaam, sam bo bu yo tuuri Kristo jamam bo bu wo Yudiya asien n su ni, nyini sam ye ba tu ambere gusu n a. Kabo am tiengu minem akere am wahara barasu ni, so ye Yudafom yo fa kereeri Kristo jamam n a. ¹⁵ Bere kuunri Nyeme noanie kanfom ye bu kaaki kuunri ya Mibie Yesu, na ba kere ya wuwuruwa, na ba yo sa bo i sun ma Nyeme nu, na ba yo adamande kere kpofom. ¹⁶ Na ba koro ka bu kanda ya ka ma ya kan Nyeme noanie n kere minem bo bu ti ma Yudafom ni, adena ma bu nya tiide. Na nyini satie n aba abuka bu satie n kere su ako asin su. Ama, kisa, Nyeme afa yaa bu nu, i sudi bu jore.

Kabo ma Paulu koroori ka i ko nie Tesalonikafom busu ni

¹⁷ Ya ninbaam, sanja bo ya kpaaki yakiiri am kaan so ni, ya sunsunni yiri woori am do o, na ya wara ado am agaya, na ya boro ya nyi ka ya ba nie am busu. ¹⁸ Ma ya koroori ka ya kpie ya nyi ba am do. Haari na mini Paulu ni m tii akoro ka m kpie m nyi ba am do, kpe nyenye kere, ama, Sitana akanda ya. ¹⁹ Ya koro ka ya kpie ya nyi ba am do, dama sanja bo ya Mibie Yesu ba kpie i nyi ba ni, ya la ahoresi ambere dee ti, na ya la ahorejo, na ya kaaki koro fo ka ya nya teremasu i do. ²⁰ Nahore, ambere ti, ye ya la ahorejo koro bo ya hoe n a.

3

¹ Kabo ya ni ambere akpaaki ace n dee ti, ya wara ado am agaya, nyini ti, ya na yere ka Atensi mie kpiri n nu. ² Na ya sunma ya niwa Timoti ka i ba nie am busu. Ya ni yiri sanja yo juma fa ko Kristo labari kpa n kan su, ye ya sunmaari i ka i ma am nya ahoresi, na i ma am jina kenken fa ko am yarada n su. ³ Adena ma am be nunie yoroki i fa ko ahin wuwuruwam bo bu sukere am n ti. Ambere mmoo ni am tii si ka, nyini sam bo bu tu yere yaradayofom ni, Nyeme koroowa lee. ⁴ Dama sanja bo ya toko wo am do ni, ya yo seeri am ka bu ba kere ya wuwuruwa. Kabo am si ni, nyini lee ye wo tu ya n a. ⁵ Nyini ti, ma koro amindi ma, ye m sunmaari Timoti na i ba nie ka am toko bita am yarada n kenken n a. Beni, kisa Sitana akoro anya atin adadaka am, wo ma ya juma n bo ya yo i am do n kere aka ngbeen.

⁶ Ye kisa, Timoti akpie i nyi afa labari aba ama ya fa ko kabo am yarada, ni am koro n ti barasu. Wo se ya ka am la sunsunni kpa fa ma ya sanja kere, na am koro ka am nu ya kabo ya gusu koro ka ya nu am ni. ⁷ Nyini ti, ya ninbaam, haari ni bo ya wo kekereke nu na ya sudi wahara n kere ni, am yarada n ama ya ahoresi. ⁸ Na nzen am jinaari kun su, fa ko Mibie n dee atin n su, ya koro da na ya daafi. ⁹ Kisa ya si ma kabo ya da Nyeme asi fa ma am mmoo, fa ko ahorejo bambaka n bo wo fa ama ya, am dee ti. ¹⁰ Kongue ni wiesu kere ya sereeri Nyeme nahore su wo, ka, i ma ya ba nu ya nu, na ya kere am dekem bo i kpie am su fa ko am yarada n su.

¹¹ Ya sere ya Si Nyeme, ni ya Mibie Yesu ka bu teke atin ma ya, na ya koro ba am do. ¹² Na ya sere Mibie ni, ka, i ma am la koro buka su, na am fa koro am bengu ni minem kere ko sin su, kabo ya gusu koro am ni. ¹³ Na i ma am nya ahoresi, na

am jina kenken, na am ba yo mine casim bo be koro jaraki má am, ya Si Nyeme do, sanja bo ya Mibie Yesu bá baari ni i tienju minem kere ni.

4

Kabo ya wo wo bo i sun Nyeme nu barasu ni

¹ Ya ninbaam, ya yo kereeri am kabo i ti ye ni ka am wo barasu na i yo Nyeme fie. Ya si ka am wo nyini wo n wo nahore su. Ama, ya sere am jande wo, ya Mibie Yesu duma n nu, ka, am wo wo bo i ko tara so. ² Dama am si noanie n bo ya Mibie Yesu fa maari ya na ya gusu fa maari am ni. ³ Nyeme koro ka am wo wo casi wo, na má be yo sakaraya. ⁴ I ti ye ni ka bieso kere ni i yi tara bu nu, na bu wo wo bo i ti casi na i la kansu. ⁵ Má am ma am konviki wo sakaraya sereya nu kabo minem bo bu su má Nyeme n yo ni. ⁶ Kabo i nya ti so ni, má Kristo susufo be se ka i bu i niwa Kristo susufo ngbeen fa ko nyini sam su. Ya yo seeri am wo ni nahore kekereke, ka, sono kere bo i yoori so, Mibie ni cin i mi sui. ⁷ Nyeme fereeri ya ka ya wo wo bo i ti casi wo, i koro má ka ya fa ya nu wura sakaraya sereya n nu. ⁸ Nyini ti, sono kere bo i keteeri ahin kereewa ni, i ti má ka i sukete adamande wo, ama, i sukete Nyeme wo, yiri ma am i Awiewie Casi n a.

⁹ To, fa ko kabo am koro am ninbaam ni, ya la má jore be bo i ti ye ni ka ya kere ma am, dama Nyeme akere amberere ni am tii kabo am koro am bengum barasu. ¹⁰ I ti nahore wo, ka, am koro ya ninbaam kere bo bu wo Makedoniya awore n nu ni. Haari ni nyini mmoo, ya susere am wo, am koro bu koro bo i ko tara so. ¹¹ Am yo anie na am wo benle, na am nie am tienju juma bo am yo i, na am fien anjuye na am di, kabo ya du mo seeri am ni. ¹² Nzen am yoori so, nyini má minem bo bu nya yo má Yesu yarada n bu am a, na am nie má be anyumbaa fa ko am sa koroowa su.

Kabo Mibie ni bá kpie i nyi ba n jore

¹³ To, ya ninbaam, ya koro ka am si deke bo i ti nahore fa ko minem bo ba wu n do, adena má am ahore saaki ka minem bo bu la má tama be ni. ¹⁴ Ya yo yarada ka Yesu wuuri wo na wo tenge bekun, nyini ti, ya kaaki la yarada ka Nyeme tenge minem bo bu yoori Yesu yarada na ba wu ni, na i má bu su Yesu su ba. ¹⁵ Kereewa bo ya sufa kere am kisa n fite Mibie n do o, ka, yere bo ya toko la ngoo ni, ceen n bo Mibie n ba baari ni, yere, ya dú má bere n bo ba wu n mo. ¹⁶ Dama Mibie n ni i tii bá fite angoro n nu jura na i má noo, na Nyeme mereke kpien n tien, na bu kan Nyeme awie ni. Na minem bo bu yoori Yesu yarada na ba wu n dú mo tenge bu yiwee n nu. ¹⁷ Nyini sanja, na Nyeme fá bere, ni yere bo ya toko la ngoo ni, na ya kpá Mibie n atin angoro yinyingu n nu. Na ya ko wo Mibie n do sanja kere. ¹⁸ Nyini ti, am fa ahin noaniem fa si am bengum ahore.

5

¹ Ya ninbaam, fa ko sanja n bo Mibie ni bá ba ni, ya la má jore be bo i ti ye ni ka ya kere ma am fa ko nyini sanja n su kun. ² Dama amberere mmoo ni am tii si tenle su ka ceen n bo Mibie ni bá kaaki ba ni, i yó kabo awiefó ba kongue ba wo n wo. ³ Sanja bo minem ba suse ka tanalaifie ni ahoreda wo bere ni, nyini sanja n nu ye kekereke kaba ba tu bu a, kabo bara ba kutu ka i wu baa na i ti barasu ni. Nyini kekereke ni, sono be koro fite má nu. ⁴ Ama, amberere, ya ninbaam ni, am wo má awosin nu bo Mibie n ba ceen ni bá fura am nu, kabo awiefó ba fura sono nu na i wo n wo. ⁵ Amberere kere ti minem bo am wo wein n nu wo, kabo wiesu ti ni. Ya wo má kongue nu, wara awosin nu. ⁶ Nyini ti, má am ma ya daafi kabo nyingam daafi ni, am ma ya nyunu wo su na ya tara ya nu. ⁷ Kongue ye minem daafi a, kongue gusu ye minem nu nzan bo a. ⁸ Ama, yere wo wein nu wo, nyini ti, am ma ya tara ya nu, na ya fa

yarada ni koro fa kanda ya ŋu ka bulaari pɛpɛrɛpɛ bo ya fa kanda ya hoe su, na ya fa ahoresi ka ya nya tiide yo ka bulaari kere bo ya fa butu kanda ya tii. ⁹ Dama Nyɛmɛ ayi má ya ka i fá yaa na i cin ya sui wɔ, ama, i yiiri ya ka ya nyá tiide, ya Mibiɛ Yesu Kristo dɛɛ ti wɔ. ¹⁰ I wuuri yɛrɛ dɛɛ ti wɔ, na saŋga bo i bá ba ni, nzen ya la ŋɔɔ o, wara nzen ya wu wɔ o, ya ni yiri saŋga wo a. ¹¹ Nyini ti, am ma am beŋgu ahoresi, na am buka am beŋgu na am kɔ mɔ ni am nyɛmɛsu ni, kabo kisa na am suyo ni.

Fɔtu jɔrɛ

¹² Ya ninbaam, ya sere am wɔ, ka, am bu mɔfɔm ni, bɛrɛ bo bu yo Nyɛmɛ juma ni anyumbo ma am ni, na bu niɛ am su, na bu kere am Nyɛmɛ atin ni. ¹³ Am ma bu jirima nahɔrɛ su, ni koro, fa kɔ bu juma n bo bu yo i n dɛɛ ti. Am ma tanalaifiɛ wo am ni am beŋgum dɔ.

¹⁴ Ya ninbaam, ya kaaki sere am wɔ, ka, am bɔbɔ nviɛyafɔm ni, na am ma sɛrɛfɔm n ahoresi, na am buka daburukafɔm ni, na am fa sawɔrɛ ni sɔnɔ kɛrɛ. ¹⁵ Má be se ka i fa i beŋgu satie bo i yo i fa tɔ i mi kaari, ama, saŋga kɛrɛ am ma am sunsunni la ka, am yo sakpa ma am beŋgum ni sɔnɔ kɛrɛ.

¹⁶ Am ma am ahore jɔ, saŋga kɛrɛ, ¹⁷ na má am se ka am yaki am nyɛmɛsere, ¹⁸ na am da Nyɛmɛ asi, haari fa kɔ sa kɛrɛ bo i tu am. Kabo Nyɛmɛ koro ka am yo lɛɛ, dama am ni Yesu Kristo ayo kun n ti. ¹⁹ Má am kanda Awiewiɛ Casi ni, am ma i yo i juma. ²⁰ Nɔaniɛ bo minɛm deerɛ i Awiewiɛ Casi n dɔ kan kereeri am ni, má am bu i ŋgbɛɛn, ²¹ ama, am fiiti i kɛrɛ nu na am niɛ, na am de bo i ti kpa ni, na am su i su, ²² na am kete sa ŋgbɛɛnŋgbɛɛn kɛrɛ pepere.

Awieeri su dɛɛ anɛ yoowa

²³ Ya sere Nyɛmɛ, yiri n bo i ma ahoreda n ka, i ŋmisi am ahorembaa, ni am ŋuniɛ, ni am sunsunni kɛrɛ casi, adena am wo wo bo fin be mata má am, haari fa kɔ ju saŋga bo ya Mibiɛ Yesu Kristo bá kpie i nyi ba ni. ²⁴ Yiri bo wɔ fere am ni, yiri la dabuŋu, i yó nyini sam n kɛrɛ.

²⁵ Ya ninbaam, am sere Nyɛmɛ ma ya gusu, ²⁶ na am bisa ya ninbaam kɛrɛ dɔŋgu ni koro. ²⁷ M susere am wɔ, am niɛ Mibiɛ n ti, na am kan ahin kadasi n kere ya ninbaa yaradayofɔm n kɛrɛ na bu ti.

²⁸ Ya Mibiɛ Yesu Kristo buka am.

Pɔɔlu kadasi nnyɔ su bo i kerɛ fa maari TESALONIKAFOM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme, ni ya Mibie Yesu Kristo dɛɛ minem n a.

² Ya Si Nyeme ni ya Mibie Yesu Kristo buka am, na bu ma am ahoreda.

Kabo Yesu bá di minem jɔɛ barasu ni

³ Ya ninbaam, wo yo daka ka ya da Nyeme asi, ambere ti, sanja kere. Atin wo nu ka ya yo so, dama am yarada n buka su wo nahore su, na koro bo am koro am benju n gusu subuka su so o. ⁴ Nyini dɛɛ ti, ya fa am fo so o, deke bo Kristo jamam wo kere. Ya fo fa ko kabo am ayo yarada na am la mindi fa ko wuwuruwa n kere bo minem sukere am, ni wahara n kere bo am wo i nu ni. ⁵ Nyini kere ka Nyeme di minem jɔɛ ni i nahore atin su a, na i se ka ambere ti ye ni ka am wura i femeya n nu a, wahara n bo am adi i n dɛɛ ti. ⁶ Nahore, Nyeme yo sa bo i ko atin su wo, i má minem bo bu sukere am wahara n gusu di wahara, ⁷ na i má ambere bo am sudi wahara n ni yere kere nya ya nu. Nyini sam kere bá yo so sanja bo ya Mibie Yesu bá fite angoro ba ni i merékem, ni bu yiko bambaka ni, ⁸ ni sin, na i bá cin minem bo ba kete Nyeme n sui, ni bo ba de má ya Mibie Yesu labari kpa ni. ⁹ Nyeme cin bu sui haari bu duma bá bo má, na bu nu má Mibie ni, ni i yiko bambaka ni. ¹⁰ Nyini cɛɛn n bo i ba baari n ye i minem kere wura i kpiri a, na nyini minem kere bo bu yo i yarada n má i jirima. Ambere mmoo wo nyini minem n nu, dama am ayo labari n bo ya fa maari am n yarada.

¹¹ Nyini dɛɛ ti, ye ya sere Nyeme ma am sanja kere n a. Ya sere i ka i ma am wo wo bo i ti ye ni ka i dɛɛ minem bo wo fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kere bo i ti kpa ko wie. ¹² Nzen am nya yoori so, nyini má minem ma ya Mibie Yesu duma n jirima a, am dɛɛ ti, na i gusu má am nya jirima. Nyeme ni ya Mibie Yesu Kristo dɛɛ ahorma n má i yo so a.

2

Sonotie n jɔɛ

¹ To, ya ninbaam, m sujoo am do fa ko ya Mibie Yesu Kristo ba n su wo, ni kabo ya tien ya noo na ya ni yiri ko ye n wo. Ya sere am wo, ² ka, má am kaaki am sunsunni wara am birisi, dama nbem na Mibie n adu mo aba asin n dɛɛ ti. Haari nzen be na wo de noanie Nyeme Awiewie Casi n do, wara nzen be jooori nyini jɔɛ n so, wara nzen be seeri ka yere akere i kadasi n nu ase so a, má am de i. ³ Má am ma be dadaka am fa ko deke be su fieo, dama nyini cɛɛn ni bá má, má ka sanja n bo minem dongu bá kete ka bu su má Nyeme ni, na sonotie n bo i bu má ka pui wo bere n nya yi i nu fite fofoe nu, yiri n bo Nyeme fá i ji cɛɛma sin n nu ni. ⁴ I kete deke kere bo bu fere i ka Nyeme, ni deke kere bo adamande kutu su i, na i kere i nu ka i tara bere kere pepere. Haari na i ko wura tana Nyeme Sereebiri Awuru n nu, na i se ka yiri ti Nyeme a. ⁵ Am tenge má su ka sanja bo m woori am do ni, m yo seeri am ahin jorem kere, nzen se? ⁶ Kisa, am si deke bo i kanda i na wo nya ba má ni, má ka sanja n aju bo i yi i nu fite fofoe nu. ⁷ Ama, sonotie n bo i bu má ka pui wo bere ni, yiri suyo i asiri nu juma wo kisa, má ka yiri n bo i kanda i ni, aba acin ayaki atin ni. ⁸ Do na sonotie n nya yi i nu fite fofoe nu, ama, sanja n bo ya Mibie Yesu bá ni, na i fita

kun i, na i baawa n dɛɛ wein n gusu yó i ngbɛɛn. ⁹ Tɔ, kabo sɔnɔtɛ ni bá ba n yaa. I bá ni Sitana dɛɛ yiko n na i bá yo alekutura sam beberebe fa dadaka minɛm ka nyini sam fite Nyɛmɛ dɔɔ, ¹⁰ na i bá bu kɔrɛ ngbɛɛnngbɛɛn barasu barasu dadaka minɛm bo bu ngɔɔ ka ngbɛɛn ni. Bu ngɔɔ ka ngbɛɛn, dama ba koro má ka bu su atin n bo i ti nahɔrɛ n su na bu nya tiide. ¹¹ Nyini ti, na Nyɛmɛ tá bu nyi, adena bu yó deke kerɛ bo i ti kɔrɛ n yarada. ¹² Nyini minɛm sɔ, bo ba yo má nahɔrɛ n yarada ni, ama, na ba fa satieyo acici bu tii ni, Nyɛmɛ dí bu jɔrɛ na i cín bu sui.

Kabo Nyɛmɛ ayi am ka am nya tiide ni

¹³ Ya ninbaam, ambɛrɛ bo Mibiɛ n koro am ni, wɔ yo daka ka ya da Nyɛmɛ asi ambɛrɛ dɛɛ ti sanɓa kerɛ, dama fite bumboori n ye Nyɛmɛ yiiri am ka am nya tiide a. Deke bo i ma am nya tiide n la ka, Awiewie Casi ni ma am yo Nyɛmɛ minɛ casim a, na am bita nahɔrɛ atin, na am yo yarada. ¹⁴ Labari kpa n bo ya kan kereeri am na am deerɛ n dɛɛ ti, ye Nyɛmɛ fereeri am ka am nya tiide a, na am nyá ya Mibiɛ Yesu Kristo dɛɛ jirima woowa n be. ¹⁵ Nyini ti, ya ninbaam, am bita nahɔrɛ atin n kenken, bo ya kaanri i na ya kereeri i maari am ni, má am kaaki am sin bo i. ¹⁶ Ya sere ya Mibiɛ Yesu Kristo ni i tii, ni ya Si Nyɛmɛ, yiri bo i koro ya, na i dɛɛ ahɔrɔma n nu, na wɔ ma ya ahoresi sanɓa kerɛ, ni tama kpiri ni, ¹⁷ ya sere bu ka bu ma am ahoresi buka su, na bu ma am fanɓa, na am yo sakpa, na am jɔjɔ jɔrɛ bo i kɔ atin su sanɓa kerɛ.

3

Am sere Nyɛmɛ ma ya

¹ Ya ninbaam, jɔrɛ bo wɔ ka n la ka, am sere Nyɛmɛ ma ya, na Mibiɛ n labari kpa n sandi bara ye ndende na bu de i ni jirima, kabo am deerɛ i ni. ² Am kaaki sere Nyɛmɛ, na i yí ya fite minɛ tiɛm saa nu, dama má sɔnɔ kerɛ yo labari kpa n yarada a. ³ Ama, Mibiɛ n la dabuɗu, yiri má am fanɓa, na i yó am kanda bo Sitana koro yo má am pui. ⁴ Ya Mibiɛ n ama ya ahoresi ka am suyo deke n kerɛ bo ya ma am nɔɔ ka am yo i ni, am kɔ su suyo i sanɓa kerɛ. ⁵ Ya sere Mibiɛ n ka i ma am si kabo Nyɛmɛ koro am barasu, ni kabo Kristo mindiiri barasu ni.

Wɔ yo daka ka sɔnɔ kerɛ yo juma

⁶ Ya ninbaam, ya maari am nɔɔ ya Mibiɛ Yesu Kristo dɛɛ duma n nu ka, má am fa am ɗu gɔ ya ninbaam bo bu koro má ka bu yo juma, na bu ti nviɛyafɔm n ɗu, ba kete ka bu su má nɔaniɛ n bo ya fa maari am n su lɛɛ. ⁷ Ambɛrɛ ni am tii si tenle su ka, i ti ye ni ka am yo kabo ya yo ni. Am si ka sanɓa bo ya woori am dɔ ni, ya yo ti má nviɛyafɔm. ⁸ Ya di má sɔnɔ be diire ngbɛɛn. Ama, ya yoori juma wɔ nahɔrɛ su, wiesu ni kɔngue, adena má ya bo be kaari. ⁹ Ya yoori sɔ ni, i ti má ka ya la má atin bo ya se ka am buka ya a, ama, ya yoori sɔ, adena am ɗu i na am gusu sɔn ya su wɔ. ¹⁰ Sanɓa bo ya woori am dɔ ni, ya maari am ahin nɔɔ ni, ka, sɔnɔ kerɛ bo i kete ka i yo má juma, má am ma i na i di. ¹¹ Má pui ti ye ya se sɔ a, dama ya ti labari ka am nbem wo bere bo bu ti nviɛyafɔm wɔ, bu yo má juma be, se bu nati ngbɛɛnngbɛɛn wɔ, na bu sufa bu nɔɔ bo minɛm jɔrɛ nu. ¹² Nyini ti, ye ya sutu bu fɔ ni anyumboro su ya Mibiɛ Yesu Kristo dɛɛ duma n nu n a, ka, bu yo anie tara bu ɗu, na bu yo juma na bu koro bita bu ɗu. ¹³ Ama, ya ninbaam, ambɛrɛ yiri, má am ma am ɗuniɛ yɔrɔki am ni sakpayo. ¹⁴ Sɔnɔ kerɛ bo i keteeri nɔaniɛ n bo ya kerɛ i ahin kadasi n nu afa ama am ni, am yi kɔresi na am si i mi. Má am dodo i mi, adena nyinse ti i. ¹⁵ Ama, má am fa i mi yo am kpɔfɔ, am tu i fɔ ka am niwa a.

Awieeri su dɛɛ anse yoowa

¹⁶ Ya sere Mibiε n ni i tii, yiri bo i ma ahoreda ni, ka, i ma am ahoreda sanƙa kere fa ko deke kere nu, na i wo am kere do.

¹⁷ Mini Pɔɔlu ni m tii sufa m saa sukere ahin kereεwa n bisa am donƙu a. Kabo sanƙa kere na m kere lεε. ¹⁸ Ya Mibiε Yesu Kristo buka am kere.

Pɔɔlu kadasi ciciri su bo i kerε fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jaramasa a, Nyeme bo i ti ya Tiidefo ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukere ahin kadasi n ma wɔɔ Timoti wɔ, a ti ka m wa a nahore su, dama mini ni wɔɔ yo yarada kun wɔ. Ya Si Nyeme, ni ya Mibiε Yesu Kristo buka u, na bu si u aɲunfo, na bu ma u ahoreda.

Am si am ɲu sa ni minem bo bu kereewa kɔ má atin su ni

³ M koro ka a wo Efeso mie kpiri n nu, kabo sangga bo m sukɔ Makedoniya dεε awɔre n nu na m seeri u ni. Mine nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki kɔre jɔrem, ni nana dumam beberebe ni. Nyini jɔrem fa akuruwa ba a. Bu koro buka má sɔnɔ na i yo deke n bo Nyeme koroori ka i yo i. Be koro yo má kabo Nyeme koro, má ka i mi ayo i yarada. ⁵ Deke n bo i ti na m maari u ahin nɔaniε n la ka, i fa koro ba a, nyini koro n fite ahorembaa fofoe wɔ, ni sunsunni kpa, ni yarada nahore su. ⁶ Nyini mine n nbem amini ahin kereewam ni, na bu subo anzama ɲgbεenɲgbεen. ⁷ Bu koro ka bu yo Nyeme nɔaniε kerefɔm, bu kan i ni ahoresi wɔ, ama, bere ni bu tii si má bu tienɲu nɔaniε jɔjɔwa n bu.

⁸ Ya si ka Nyeme nɔaniε kpamaawa ni ti kpa a, nzen ya bitaari i kabo i ti ye ni ka ya bita i ni. ⁹ Ya kaaki si nu ka, ba fa má nɔaniε kpamaawa n ase má sakpayofɔm n ti wɔ, ama, ba fa ase ama minem bo bu ma má Nyeme nɔaniε kpamaawa n jirima n wɔ, ni bo bu kete i ni, ni bo bu soro má Nyeme ni, ni bo bu nati yo satie ni, ni bo bu woowa ti má casi ni, ni bo bu bu Nyeme ɲgbεen ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ɲu kaaki ka nbaram na bu ni bu beɲu nbiesɔm sangga da ka bara ni biesɔ dεε su ni, ni bo bu tara minem faɲga tɔ bu ni, ni bo bu bu kɔre ni, ni bo bu di kɔre daani ni, ni sa kerε bo i kɔ má kereewa kpa atin su ni, bere kerε dεε ti, ye ba fa nɔaniε kpamaawa n ase n a. ¹¹ Nyini kereewa n fite Nyeme labari kpa n nu wɔ, bo Nyeme afa ama m ka m kan kere minem ni. Labari kpa n ti Nyeme kpiri n dεε wɔ, yiri ti ye ni ka minem kansi i a.

Pɔɔlu daari Nyeme asi fa kɔ kabo Nyeme siiri i aɲunfo ni

¹² M da ya Mibiε Yesu Kristo asi ka, yiri ye wɔ ma m faɲga, na m koro yo m juma n a. M da i asi ni kabo wɔ bu m ka m la dabuɲu, na wɔ yi m ka m su i ni, ¹³ haari ni bo m yo jɔjɔ wuraari i ɲgasi nu, na m kpieri i nzukɔ, na m kereeri i wuwuruwa ni, ama, nyini n kerε ni, Nyeme siiri m aɲunfo ɔ, dama m yo nya yo má i yarada, nyini ti, m yo si má sa bo m yo i ni. ¹⁴ Na yiri Mibiε n ama ma di i ahɔrɔma akɔ asin su, na wɔ ma ma yo i yarada na m koro minem, kabo ya ni Yesu Kristo ayo kun n dεε ti. ¹⁵ Ahin nɔaniε n ti nahore wɔ, i ti ye ni ka sɔnɔ kerε de i ni bu saa nnyɔ, yiri la ka, Yesu Kristo baari durunya n nu ka i ba de satieyofɔm tii ji wɔ. Mini ti sɔnɔ bo m satie taraari sɔnɔ kerε dεε a. ¹⁶ Ama, Nyeme siiri m aɲunfo. I yoori sɔ ɔ, adena Yesu Kristo koro kere kabo i la sawɔre beberebe ni mini bo m satie sunnu taraari sɔnɔ kerε dεε ni. I yoori nyini sɔ ɔ, adena i fa m fa kere minem bo bu ba ka sin ni, na bu yo i yarada nya ɲɔɔ bo i la má awieeri ni. ¹⁷ Yiri ti Feme Kpiri a, na i femeya n la má awieeri, i wo bere wɔ sangga kerε, na be gusu koro ɲu má i, yiri ɲgumi kpein ti Nyeme a, i ti ye ni ka minem kere kansi i na bu ma i jirima. Ami.

¹⁸ M wa Timoti, m sufa ahin nɔaniɛ n fa wura u saa n nu wɔ lɛɛ, i su kabo Nyemɛ nɔaniɛ kanfɔm du mɔ jɔjɔori i fa kɔ u dɔ n su wɔ. Fa nyini nɔaniɛm ni yo ka u biɛsɔya nengem na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa má sunsunni kpa na bu yo sa bo i kɔ atin su, nyini ti, bu yarada bo bu yo yoori i ni aka ngbɛɛn. ²⁰ Bɛrɛ nbem la Himenasi ni Alekizanda, bɛrɛ ye ma fa bu awura Sitana saa nu ka i kere bu ngɔnlɛ, adena bu sɔnsɔn kabo má bu wura Nyemɛ ngasi nu kun.

2

Kabo i ti ye ni ka ya su Nyemɛ barasu ni

¹ Deke bo i du mɔ la ka, m susere am ni anyumboro wɔ, ka, am sere Nyemɛ ma minɛm kɛrɛ, fa kɔ deke bo i ti bu miɛɛwa su, na am da i asi fa ma sɔnɔ kɛrɛ. ² Sere Nyemɛ ma nfɛmɛm, ni bo bu wo yiko woobiri n kɛrɛ, na ya koro wo ni tanalaifiɛ, na ya woowa kere ka ya su Nyemɛ atin n su ni nahɔrɛ, na ya wo jirima wo ni ya benggu. ³ Nyini nyemesere n ti kpa a, na i sun Nyemɛ nu, yiri ti ya Tiidefɔ a. ⁴ Yiri koro ka sɔnɔ kɛrɛ nya tiide a, na bu si nahɔrɛ atin ni. ⁵ Dama ya kɛrɛ si ka Nyemɛ kun n kpein wo bɛrɛ a,
na sɔnɔ kun be gusu wo bɛrɛ
bo i yo adamande ni Nyemɛ afiɛn dɔnggu a,
yiri la Yesu Kristo,

⁶ i wu maari adamande na i de bu kɛrɛ tii ji.

Kabo i yoori sɔ n kere ka, sanɔa bo Nyemɛ koro ka i de adamande kɛrɛ tii ji lɛɛ. ⁷ Nyini ti ye Nyemɛ yiiri m ka m ba yo Yesu jaramasa, na m kan i labari kpa n kere minɛm bo bu ti má Yudafɔm ni, na m kere bu kereewam bo bu ti nahɔrɛ ni. M sukan nahɔrɛ wɔ, m bu má kɔrɛ.

⁸ Deke kɛrɛ bo Kristo jamam tien bu nɔɔ, m koro ka nbiesɔm ye bu saa su sere Nyemɛ. Nyini nbiesɔm ni, i ti ye ni ka bu nyemesu kɔ atin n su, na má yaafa wara akuruwa be wo bu ahore su. ⁹ M koro ka nbaram gusu di sunɔguruya nyunyumi, bo i se su. I ti má ye ni ka bu di bu tiinmie sunɔguruya kɔ sin su, na má bu wura sika, wara aferem bo bu la gɔ agaya, wara suturam bo bu la gɔ agaya. ¹⁰ Ama, bu nyumi kɛrɛ fite bu sakpa yoowa a, kabo i ti ye ni ka nbaram bo bu se ka bu su Nyemɛ atin n su n yo ni. ¹¹ I ti ye ni ka nbaram mɔ bu nɔɔ na bu yo bu ɔu benlɛ, na bu so bu sui ti kereewam bo i ti ye ni ka bu sɔnsɔn i ni. ¹² M soro má su na bu kere nbiesɔm kereewam, wara bu la yiko niɛ nbiesɔm su. Bu dɛɛ la ka, bu mɔ bu nɔɔ. ¹³ Dama Nyemɛ du mɔ yiiri Adam wɔ ka, ye i nya ba yiiri Awa. ¹⁴ Má Adam ye woo dadakaari i a, ama, i dakaari Awa wɔ, na wɔ kete Nyemɛ nɔaniɛ ni. ¹⁵ Ama, nzen nbaram laari yarada, ni koro, ni wo casi, na bu bita bu ɔu nyunyumi sanɔa kɛrɛ, bu nyá bu tiide fite bu baawu nu.

3

Kristo jama n mɔfɔm ni bukafɔm jɔrɛ

¹ Ahin nɔaniɛ jɔjɔowa n ti nahɔrɛ wɔ, ka, sɔnɔ kɛrɛ bo i boro i nyi na i yo Kristo jama n mɔfɔ, i mi koro juma kpa lɛɛ. ² Kristo jama n mɔfɔ ni, wɔ yo daka ka má i la ngasi be, na i ja bara kun n kpein, na i bita i ɔu, na i la tarabuɔu, na i yo sa bo i la anyunuyi. I ti ye ni ka i de wɔfɔm, na i koro kere minɛm Nyemɛ nɔaniɛ nyunyumi. ³ I ti má ye ni ka i nu nzan agaya, wara i ti aluwa korofɔ, ama, i yo i ɔu benlɛ, na i koro tanalaifiɛ. I kaaki ti má ye ni ka i koro ɔwaa agaya. ⁴ Wɔ yo daka ka i koro bita i awurufɔm nyunyumi, na i ma i nbaam de i nɔaniɛ na bu ma i jirima deke kɛrɛ nu. ⁵ Dama nzen sɔnɔ koro bita má i awurufɔm, i mi yo se koro bita Kristo jama n a? ⁶ I

ti má ye ni ka i mi ti Yesu susufo fofore, adena má i wura i nu kpiri na Nyeme di jore yo i ngbeen kabo i yoori Sitana ni. ⁷ Wo kaaki ayo daka ka i mi ti sono bo minem bo bu ti má Kristo jama n nufom ma i jirima, adena, má Sitana nya i taraabiri na i yo sa be bo i di nyinse.

⁸ I ti so o fa ko Kristo jama n bukafom gusu do. Wo yo daka ka bu ti minem bo bu la anyunuyi, na má bu yo anoo nnyo nnyofom, na má bu nu nzan agaya, na má bu nyunu boro nwaa kpini su. ⁹ Wo yo daka ka bu subita Kristo jama n kereewa n bo Nyeme ayi akere n kenken, na bu la má ngasi be bu sunsunni nu. ¹⁰ I ti ye ni ka bu du mo fiiti bere Kristo jama n bukafom ni na bu nie. Na nzen bu la má ngasi be, am ma bu yo bukafom n juma ni. ¹¹ I ti so o nbaram gusu do. Wo yo daka ka bu ti minem bo bu la anyunuyi, na má bu susaaki mine duma. Wo yo daka ka bu bita bu nu, na bu la dabunu deke n kere nu. ¹² Kristo jama n bukafom, i ti ye ni ka i ja bara kun n kpein, na i koro bita i nbaam, ni i dikafom nyunyumi. ¹³ Nyini bukafom bo bu yo bu juma na i ko atin su ni, bu kpini duma kpa ma bu nu wo, na bu kaaki koro jojo ni ahoresi kabo bu yo Yesu Kristo yarada ni.

Kereewa n bo Nyeme ayi akere Kristo jamam ni

¹⁴ Kabo m sukere ahin kadasi n ma u ni, m la tama ka m ba u do kisa. ¹⁵ Ama, nzen haari ma ba aba má nde, ahin kadasi ni má a si kabo wo yo daka ka Nyeme minem wo ti barasu a. Bere ti Kristo jama n a, yiri n bo i wo bere sangha kere n deem a, bere bita i kereewa n bo i ti nahore n kenken a, kabo so o fa seewa n ni i jantarakana bita i kenken ni. ¹⁶ Be koro kete má ka ya nyemesu atin n bo i wo asiri nu la má anusu, ka o,

“Na wo kaaki adamande ayi i nu fofoe nu.

Na Nyeme Awiewie Casi n akere ka wo yo sa bo i sun Nyeme nu.

Na Nyeme merkem anu i.

Na i susufom n ako ajojo i jore durunya n kere nu.

Na durunya n nufom dongu ayo i yarada.

Na Nyeme afa i ako awo i bi angoro, jirima kere woobiri ni.”

4

Nɔanie barasu barasu bo Pɔɔlu fa maari Timoti ni

¹ Awiewie Casi n ajojo wein ka, ahin awieeri su sangha n bo ya wo nu ni, mine nbem yaki bu yarada atin ni, na bu su ajinim bo bu dadaka minem su, ni bu kereewam ni.

² Nyini kereewam so fite minem bo bu ti dadakafom na bu nati bu kore n do o, bo bu sunsunni akaaki haari na bu yo satie mmoo, na bu sunsunni ma má bu ka ba yo satie. ³ Nyini minem so kere minem wo, ka, má bu ja ajaa, na má bu kaaki di diire barasu nbem. Ama, Nyeme ayi nyini diirem n ka ya di bu wo, nyini ti, yere bo ya yo i yarada na ya si kabo nahore atin n ti barasu ni, i ti ye ni ka ya sere Nyeme, na ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme nɔanie n ni nyemesere ma nyini diire n yo casi wo Nyeme do.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amusuisufo kpa. Nyini kereewam bo a du mo ade bu ni, na a yo bu yarada, na a si ka bu ti nahore, na a su bu su ni, bu ti ka diire bo i ma u fanga n wo. ⁷ Ama, kete jore ngbeenngbeen bo bu ko má Nyeme atin su ni, na a boro u nyi na a sonsɔn sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanga n la kperere kaan, ama, nzen a boro u nyi yo Nyeme dee atin n su sa, i la kperere beberebe, nyini ma a si ka a nya deke kpa kisa, na a kaaki nya deke kpa buka su fa ko fa ba. ⁹ Nyini nɔanie n ti nahore wo, bo i ti ye ni ka ya de i na ya yo i yarada.

¹⁰ Nyini dɛɛ ti, ye ya boro ya nyi, na ya yo juma ni nahɔrɛ su, dama ya daafi Nyemɛ ɲu, yiri wo bɛrɛ saɲga kɛrɛ a, yiri ti minɛ kɛrɛ Tiidefɔ a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ɲgbɛɛn ka a ti gbɛfɛnɛ n dɛɛ ti, ama, ma yaradayofɔm ni ɲu u sayoowam na bu sɔn u su. Bɛrɛ la u nɔaniɛ jɔjɔwa, ni deke bo a yo i, ni kabo a koro minɛm ni, ni u yarada n bo a la i ni, ni u woowa casi ni. ¹³ Yo anɛ na a sukan Nyemɛ Jɔrɛ Kadasi n na Kristo jama n ti, na a sukan Nyemɛ jɔrɛ, na a sukere minɛm Nyemɛ atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, saɲga bo i nɔaniɛ kanfɔm jɔjɔri na Kristo jama nkpienkpienm faari bu saa nanaari u ɲu sereeri Nyemɛ maari u ni, ma u cɛɛ wo i nu, na a fa i yo juma. ¹⁵ Yo ahin juma ni anyumbo na a fa u ɲu ma nyinim kɛrɛ, adena minɛm kɛrɛ ɲu kabo u nyemesu n kɔ atin su barasu. ¹⁶ Si u ɲu sa ni u kereewam ni. Kɔ su suyo ahin sam ni, dama nzen a nya yoori sɔ, wɔrɔ ni minɛm kɛrɛ bo bu ti u nɔaniɛ ni nyá tiide.

5

Kabo i ti ye ni ka Kristo jama n mɔfɔ n bita i jama n barasu ni

¹ Má a tiɛn kpiɛn ɲu, ama, jɔjɔ i dɔ kabo a jɔjɔ u si dɔ ni, na a tu ɲgbɛfɛnɛm fɔ ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bɛrɛ wɔ ni ahorembaa casi.

³ Bita nkunafɔm bo bu la má bukafo be n ni jirima. ⁴ Ama, nzen kunafɔ la nbaam, wara anumam, i ti ye ni ka bu suniɛ i dika kabo Nyemɛ koro ni. Nyini kere ka, bu sufa bu wufɔm ɲkatɔ tɔ bu kaari wɔ lɛɛ. Dama nyini n sɔ yo Nyemɛ fie a. ⁵ Nzen kunafɔ wo i ɲgumi na i la má bukafo be, wɔ fa i tama kɛrɛ awura Nyemɛ saa nu lɛɛ. Na i susere Nyemɛ jande wiesu ni kɔɲgue ka i buka i. ⁶ Ama, kunafɔ kɛrɛ bo i nati yo i kunnu koroowa, haari ni bo i la ɲgɔɔ mmɔɔ ni, i ti ka wɔ wu wɔ lɛɛ. ⁷ Fa ahin kereewam kɛrɛ kere nkunafɔm, ni bu dikafɔm, adena má be ɲu bu ɲgasi. ⁸ Ama, nzen be cɛɛ wo má nu ka i niɛ i lamɔsim dika, maala i dikafɔm, i ti ka i mi akete Kristo atin n lɛɛ. Nyini saɲga ni, sɔnɔ bo wɔ yo má yarada tara i mi co lɛɛ.

⁹ Kunafɔ kɛrɛ bo wɔ nya ju má afo aburasɛn, má a kɛrɛ i duma buka Kristo jama nkunafɔm su. Bekun, na i ti bo wɔ du mɔ aja biɛsɔ kun wɔ, ¹⁰ na minɛm di i daani ka i yo sakpa a, má pui ti, i ti bo wɔ ta nbaam ataari kpa, na wɔ de wɔfɔm i dika, na wɔ yo i ɲu kaan ka i su Nyemɛ minɛm, na wɔ buka minɛm bo bu woori kekereke nu, na wɔ su amusui kpa.

¹¹⁻¹² Ama, nkunafɔm bo bu nyunu nya ti má ni, má a kɛrɛ bu duma buka nkunafɔm n su, dama nzen ajaa konvi ba wuraari bu na bu koro ka bu kaaki ja ajaa, nyini saɲga, sɛsɛsu bo bu faari i na bu diiri i di ni Kristo ni, bu koro su má i su ni nahɔrɛ su lɛɛ, bu yaki i wɔ, na bu kaaki bu sin bo Kristo lɛɛ. Nyini ti ye Nyemɛ dí bu jɔrɛ cin bu sui a. ¹³ Bekun, nyini ma bu koro ba yo nviɛyafɔm na bu ba sunati awuru awurum nu, i ti má ka bu yo nviɛyafɔm ɲgumi wɔ, ama, na bu sukpara tere, na bu sufa bu nɔɔ suwura minɛm jɔrɛ nu, na bu sujɔjɔ jɔrɛm bo wɔ ti má ye ni ka bu jɔjɔ bu. ¹⁴ Nyini ti, mini dɔ, nzen nkunafɔm toko ti tarawam, i ti ye ni ka bu ja na bu wu nbaam, na bu bita bu awurum, na má ya kpɔfɔm koro ɲu ɲgasi be bo bu koro nya atin jɔjɔ ya ɲgbɛɛnɲgbɛɛn kabo bu koro. ¹⁵ Dama nkunafɔm nbem adu mɔ akete Kristo atin n asu Sitana su. ¹⁶ Ama, Kristo susufɔ bara kɛrɛ bo nkunafɔm wo i dika, i ti ye ni ka yiri ni i tii niɛ bu dika, na má bu fa bu fie fie Kristo jama n ni, adena Kristo jama n koro niɛ nkunafɔm bo bu la má bukafo be fieo n su.

¹⁷ Kristo jama ni nkpienkpienm bo bu yo mɔfɔ juma nyunyumi ni, i ti ye ni ka bu nya bu ɲkatɔ busu nnyɔ, maala bɛrɛ bo bu yo bu juma ni anyumbo ka bu kan Nyemɛ jɔrɛ na bu kaaki kere minɛm Nyemɛ atin n ni. ¹⁸ Dama ba kɛrɛ i Nyemɛ Jɔrɛ Kadasi n nu ka, “Nzen a bita toora subobo ɲgani, má a cici i nɔɔ.” Na ba kaaki akɛrɛ

ka, “I ti ye ni ka jumayofɔ nya i ŋkato.” ¹⁹ Má a se ka a de jɔrɛ be bo ba kpɛ aso Kristo jama n bukafɔ n kpɛn be, má ka minɛ nnyɔ, wara nsan adi jɔrɛ n daani ka i ti nahɔrɛ. ²⁰ Ama, bo bu yo satɛ ni, se bu nahɔrɛ jama n kɛrɛ nyunu, adena nyingam kɛrɛ soro sɛrɛ. ²¹ M suma u nɔaniɛ lɛɛ, Nyɛmɛ ni Yesu Kristo ni mɛrɛkɛm kɛrɛ nyunu, ka, a de ahin kereewam ni, na má a fa tantambunu, wara má a koro be tara be fa kɔ deke kɛrɛ bo a yo i n su. ²² Má a koro nde na a fa u saa nana sɔnɔ be ŋu, na a sere Nyɛmɛ ma i mi ka i yo Nyɛmɛ juma, má a ma u saa n wo be dɛɛ satɛ yoowa n nu. Ma u woowa yo casi.

²³ A la má laifɛ sanga sanga n dɛɛ ti, má a nu nzue ŋgumi, ama, nu nzan mmɔɔ kaan, na i buka u fa kɔ akunnuyaari n bo i yaki má u ni.

²⁴ Minɛ nbem satɛ yoowa kɛrɛ kaba da fofoe nu wɔ, na sɔnɔ kɛrɛ ŋu i, nyini satɛm ye Nyɛmɛ fá di bu jɔrɛ a, ama, na nbem gusu dɛɛ satɛ bo bu yo i bá fite fofoe nu kasin. ²⁵ I ti sɔ ɔ lɛɛ bekun, sakpa ti deke bo sɔnɔ kɛrɛ ŋu i fofoe nu wɔ, na nzen haari sakpa bo i wo má fofoe nu ni mmɔɔ, i ti deke bo bu koro fiɛ má i.

6

¹ Kristo jama nbaam bo bu ti akɔɔm ni, i ti ye ni ka bu ma bu mibiɛm jirima nyunyumi, adena be koro saaki má Nyɛmɛ duma, wara ya kereewam ni. ² Akɔɔm bo bu mibiɛm gusu ti yaradayofɔm ni, i ti má ye ni ka bu bu mibiɛm ŋgbɛɛn ka bu kɛrɛ ti yaradayofɔm n ti, ama, i ti ye ni ka bu su bu tara mibiɛm bo bu ti má yaradayofɔm ni, dama bɛrɛ n bo bu sudi bu amusui n kpɛrɛ n ti bu ninbaam bo bu koro bu wɔ.

Kereewa bo i kɔ má atin su ni ŋwaa koro awaraye jɔrɛ

Fa ahin kereewam n kan kere u jama n na a se ka bu yo bu. ³ Minɛ nbem wo bɛrɛ bo bu kere kereewa nbem bo bu ni ya dɛɛ n ti má kun, na bu sunsun ka ya Mibiɛ Yesu Kristo dɛɛ nɔaniɛ kereewam n ti kɔrɛ wɔ, na bu kereewam kaaki su má Kristo dɛɛ atin n su. ⁴ Nyini minɛm n ti kpirikorofɔm wɔ, na bu kaaki si má pui. Na bu la sunsunni tiɛ, na bu se akuruwa ni minɛm fa kɔ nɔaniɛ kereewam bu. Nyini ma bu si kɔrɛ a, na bu di aluwa, na bu kpɛ bu beŋgu nzukɔ, na bu la sunsunmase fa kɔ bu beŋgu dɔ, ⁵ na bu nati suse akuruwa. Bu la má sunsunni kpa, na nahɔrɛ wo má bu dɔ. Na bu sunsun ka nzen sɔnɔ su Nyɛmɛ atin su, i nyá kpɛrɛ wɔ. ⁶ I ti nahɔrɛ wɔ, sɔnɔ kɛrɛ bo i nyunu yi deke bo i la i, na i su Nyɛmɛ atin su, i mi nyá kpɛrɛ Nyɛmɛ dɔ. ⁷ Dama ya fa má pui aba má durunya n nu fɛn. Ya kaaki koro fa má pui fite má fɛn. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minɛm bo bu nyunu aboro nɛŋge kpini su agaya, na bu koro ka bu nya ajɛkɛ beberebe ni, bu nyini nɛŋge koro n sɔ bu ŋgɛɛ wɔ, na i nya bu taraabiri fa kɔ bu konvikiya sunsunni ŋgbɛɛnŋgbɛɛn n su. Nyini ma bu kpaasi a, na bu ka ŋgbɛɛn. ¹⁰ Dama ŋwaa koro awaraye ti satɛ kɛrɛ bunlui a. Nbem wo bɛrɛ bo bu koro ŋwaa agaya, nyini sɔ ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔrɔ Timoti, a ti Nyɛmɛ sɔnɔ ɔ, nyini ti, i ti ye ni ka má a dodo nyini sam kɛrɛ be. Boro u nyi na a yo sa bo i kɔ atin su, na a su nyɛmesu atin n su, na a yo i yarada, na a koro minɛm, na a la mindi, na a wo benlɛ. ¹² Boro u nyi na a tu ŋgoni kpa bita u yarada n kenken. Nyini má a di nasara, na a nyá ŋgɔɔ n bo i la má awieeri ni, ahin ŋgɔɔ n ye Nyɛmɛ fereeri u ka i fá ma u a, na wɔrɔ ni u tii diiri i daani minɛ beberebe nyunu ni. ¹³ Nyɛmɛ ma deke n kɛrɛ ŋgɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini dɛɛ ti ye m suma u nɔɔ Nyɛmɛ ni Yesu Kristo nyunu n a, ¹⁴ ka, a yo u juma n bo Nyɛmɛ afa ama u n ni nahɔrɛ su, na u woowa ti casi na má be koro ŋu u ŋgasi be, haari fa kɔ ju cɛɛn n bo ya Mibiɛ

Yesu Kristo bá kpie i nyi ba ni. ¹⁵ Nyeme afa nyini san̄ga n bo i koro ka Yesu ba n afa ase, nyini san̄ga n juuri, ye Nyeme má i ba a. Yiri ngumi nie deke n kere su ye kansi wo i do a. Yiri ti nfeme ngbingbirim kere Feme a, na i ti mibiem kere Mibiē. ¹⁶ Yiri ngumi kpein wo bere san̄ga kere a, na i woobiri n bo i wo n ti wein wo, na be koro dodo má nyini wein ni. Be nya nu má i ceen be da, be gusu koro nu má i wo mmoo ceen be ceen be. I dee la jirima ni fan̄ga, san̄ga kere. Ami.

¹⁷ Se bo bu la ajekē durunya n nu fen n ka má bu fo, na má bu fa bu tama go nyini ajekem bo bu ce má n nu, ama, bu fa go Nyeme nu, yiri bo i ce ya deke n kere ko sin su n na ya fa yo ya koroowa ni. ¹⁸ Se bu ka bu yo sakpa don̄gu, na bu ce aceerim, na deke kere bo bu la i, na bu sukpaaki nu ma nyingam. ¹⁹ Nzen bu nya yoori so, i ti ka ba tien ajekē noo abo i bu afa ase fa ko fa ba lee, adena bu nya ngoo n bo i ti ngoo nahore su ni.

²⁰ Timoti, nie deke bo Nyeme afa ama u ka a nie i dika n su nyunyumi. Cin u nu yaki minem bo bu joo jooowa ngbeenngbeen na bu bu má Nyeme, na bu sunsun ka bu si wo, ama, bu si má pui. ²¹ Dama nbem afun ajina su ka bu la si, nyini dee ti, ba mini Kristo atin ni.

Nyeme buka am kere.

Ɖɔɔlu kadasi nnyɔ su bo i kɛrɛ fa maari TIMOTI ni

¹ Mini Ɖɔɔlu sukɛrɛ ahin kadasi n a. M ti Yesu Kristo jamarasa a, Nyɛmɛ dɛɛ koroyanu, yiri Nyɛmɛ asunma m ka m kɔ kan kere minɛm kabo i yo seeri ka minɛm bo bu ni Yesu Kristo yo kun ni, bu nyá ngɔɔ.

² M sukɛrɛ ahin kadasi n ma wɔrɔ Timoti bo a ti ka m wa koroowa n wɔ.

Ya Si Nyɛmɛ, ni ya Mibiɛ Yesu Kristo buka u, na bu si u anɔnfɔ, na bu ma u ahoreda.

Kabo Ɖɔɔlu maari Timoti ahoresi ka i yo juma barasu ni

³ M da Nyɛmɛ asi, yiri ye m su i ni sunsunni kpa, kabo m nam yo suuri i ni. M sere Nyɛmɛ sɔ ɔ, kɔngue ni wiesu, na m nati suda i asi ma u. ⁴ M tenge su kabo a yo suunri ni nyunvuin ni, m wara ado u, m koro ka m ɔu u, adena m ahore jɔ. ⁵ M wara fi má u yarada n bo a yo i nahɔrɛ su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka wɔrɔ mmɔɔ la i sɔ ɔ. ⁶ Nyini dɛɛ ti, aceeri n bo Nyɛmɛ Awiewie Casi n fa ceeri u ni, sanɔa bo m faari m saa nanaari u ɔu, na m sereeri Nyɛmɛ maari u ni, m koro ka m tenge u su ka a kaaki ye i su fa yo juma.

⁷ Dama Awiewie Casi n bo i fa maari ya ni, wɔ fa ama má ya ka ya yo sɛrɛfɔm wɔ, ama, i fa maari ya ka i buka ya fanɔa na ya koro minɛm na ya la tarabuɔu wɔ.

⁸ Nyini ti, má a ma nyinse ti u ka a kan Mibiɛ n jɔrɛ n kere minɛm, wara má a ma nyinse ti u ka m wo dansaraka nu, Kristo dɛɛ ti. Ama, wɔrɔ mmɔɔ di wahara fa kɔ labari kpa n kan su, kabo m diiri i ni, na Nyɛmɛ ma u fanɔa na a koro mindi de i. ⁹ I deeri ya tii ji wɔ, na wɔ fere ya ka ya yo i dɛɛ tienɔgu minɛm, má ka ya sakpa bo ya yo i n dɛɛ ti, ama, i dɛɛ kunnu koroowa ni i ahɔrɔma n dɛɛ ti a. Sanɔa bo i nya yi má durunya ni, ye i yoori ya nyini sakpa n a, Yesu Kristo dɛɛ ti. ¹⁰ Ama, kisa na Yesu Kristo, yiri bo i ti ya Tiidefɔ n aba durunya n nu ni, ya ɔu Nyɛmɛ koro ni. Labari kpa n dɛɛ ti, ya si ka Kristo akunma yiwee fanɔa, na ya koro nya ngɔɔ n bo i la má awieeri ni.

¹¹ Nyɛmɛ ayi m ka m yo Yesu jaramasa na m kan Nyɛmɛ labari kpa n kere minɛm, ¹² nyini dɛɛ ti ye m di ahin waharam n kɛrɛ n a. Ama, nyinse ti má m, dama m si sɔnɔ bo ma daafi i ɔu ni, na labari kpa n bo wɔ fa ama m ni, m si tenle su ka i koro nie i su fa kɔ ju haari jina cɛɛn. ¹³ Bita nɔaniɛ n kɛrɛ bo ma kan akere u na i ti nahɔrɛ n kenken, na a yo yarada na a koro minɛm, kabo ya ni Yesu Kristo ayo kun n dɛɛ ti. ¹⁴ Bita labari kpa n nyunyumi. I ti aceeri kpiri wɔ, ye Nyɛmɛ afa awura u saa nu a. Awiewie Casi n bo i wo ya dɔ n buka u, na a bita i nyunyumi.

¹⁵ A si ka yaradayofɔm kɛrɛ bo bu wo Esiya dɛɛ awɔrɛ n nu ni, fa sanɔa ni Figelosi ni Hemogenesi n kɛrɛ, anmati ayaki m. ¹⁶ M sere Nyɛmɛ ka i si Onesifɔrɔsi dikafɔm kɛrɛ anɔnfɔ, dama sanɔa kɛrɛ yiri titi m nyunu a. Nyinse ati má i ka m wo dansaraka nu, ¹⁷ ama, i ba juuri Roma mie kpiri n nu fɛn ni, i nienieeri m busu wɔ ni anyumbo, haari na wɔ ba anu m. ¹⁸ M sere Nyɛmɛ ka i si Onesifɔrɔsi anɔnfɔ, jina cɛɛn. Wɔrɔ ni u tii kaaki si buka bo i fa bukaari m barasu, sanɔa bo m wo Efeso mie kpiri n nu ni.

2

¹ Nyini dɛɛ ti, wɔrɔ m wa, ahɔrɔma n bo Yesu Kristo ma a diiri i n dɛɛ ti, má a yɔrɔki u ɔu, yo u ɔu kenken. ² Jɔrɛ n bo a tiiri i m dɔ, na mine beberebe woori dɔ tiiri i ni, fa wura minɛm bo bu la dabuɔu n saa nu, na bere gusu koro fa kere nyingam.

³ Kabo a ti Yesu Kristo dɛɛ soja kpa ni, yo siriya na wɔrɔ mmɔɔ di wahara n kabo

nyingam di i barasu ni. ⁴ Sɔnɔ bo i yo soja juma, i cɛɛ wo má juma bo i ti má soja juma nu, se i dɛɛ la ka i yo i soja juma a, na i yo i kpɛn fiɛ. ⁵ Bekun, sɔnɔ bo i nmati nmatiiri ka i nya teremasu na i nya aceeri, má ka i mi asu atin bo bu fa kere nyini dɛɛ nmatiirifɔm n su, i koro nya má aceeri ni. ⁶ Dɔdɔɔrifɔ bo i yo juma nahɔɔɛ su ni, wɔ yo daka ka yiri du mɔ nya diire fɔfɔɔɛ n be di a. ⁷ Sunsun fa kɔ deke bo m suse u n su, na Mibiɛ n buka u na a ti i kere bu.

⁸ Tenje su fa kɔ Yesu Kristo jɔɔɛ n su, ka i fiteeri Fɛmɛ Davidi dɛɛ busu n nu wɔ, ye i wuuri a, na wɔ tenje i yiwee n nu, m labari kpa n lɛɛ, sɔ ye m kan i a. ⁹ Labari kpa n dɛɛ ti, ye m di wahara n a, haari ba wura m jɔɔɔkɔ ase ka m ti satieyofɔ ɔ, ama, Nyemɛ dɛɛ nɔaniɛ n yiri, i wo má jɔɔɔkɔ nu. ¹⁰ Nyini ti, minem bo Nyemɛ ayi bu ka bu ti i dɛɛ minem n dɛɛ ti, ma mindi ade deke n kɛɛ, adena bɛɛ mmɔɔ nyá tiide n bo i fite Yesu Kristo dɔ ni, na i má bu jirima n bo i la má awieeri Nyemɛ dɔ ni. ¹¹ Ahin jɔjɔɔwa n ti nahɔɔɛ wɔ, bo i nja,

“Nzen ya ni yiri sanja wuuri,
ya ni yiri bá sanja nya ngɔɔ.

¹² Nzen ya mindi suuri i,
ya ni yiri bá sanja di i fɛmɛya n a.

Nzen ya keteeri i,
yiri gusu bá kete ya.

¹³ Nzen yɛɛ la má dabuɔ,
yiri la dabuɔ wɔ sanja kɛɛ,
dama i koro kete má i nju.”

Kristo jama n mɔfɔ bo Nyemɛ da i nju ni

¹⁴ Tenje u minem su fa kɔ nyini jɔɔɛm n su, na a se bu ka Nyemɛ wo u daani, ka má bu se akuruwa fa kɔ nɔaniɛ kereewam bo i la má kpɛɛɛ, i saaki minem bo bu so bu sui ti nyini nɔaniɛ n wɔ. ¹⁵ Boro u nyi na a fa u nju ma Nyemɛ juma na i sun i nu. Na a yo u juma nyunyumi na má nyinɛ ti u, na a kere kereewa bo i ti nahɔɔɛ na i kɔ atin su nyunyumi. ¹⁶ Má a so u sui ti jɔɔɛ ngbɛɛnngbɛɛnm bo bu kɔ má nyemɛsu atin su ni, dama i ma minem wo dede ni Nyemɛ wɔ, na bu yo satie kɔ sin su. ¹⁷ Nyini kereewam sɔ ti ka kambue bo i wie má na i tɛɛki sanja kɛɛ wɔ. Mine nnyɔm bo bu kere nyini kereewam n la Himɛnasi, ni Filetos, ¹⁸ bɛɛ kere ka sanja bo minem wu na bu tenje bu yiwee nu asin n a. Ahin kereewam n ti kɔɔɛ wɔ, nyini kereewa n sɔ ma mine nbem nuniɛ ayɔɔɔki bu fa kɔ bu yarada bo bu la i n su wɔ. ¹⁹ Ama, deke bo Nyemɛ ayi akere i jama ni, i ti ka fa bumboori seewa a, pui koro kankan má i. Nyini fa bumboori seewa ni, ye ba kɛɛ ahin nɔaniɛm n agɔ su n a, ka, “Micɛra n si minem bo bu ti i dɛɛ minem ni,” na “Bo bu nja bu ti Micɛra n dɛɛ n kɛɛ, i ti ye ni ka bu yaki satieyo.”

²⁰ Ya si ka awuru kpiri nu la taale ni ayaba barasu barasu kɛɛ, bu faari jɛɛ ni sika yoori nbem a, na nbem gusu ti baka ni yakati dɛɛ. Bu fa nbem fa yo juma cɛɛnkpiri cɛɛn, na bu fa nbem gusu yo juma cɛɛn n kɛɛ cɛɛn. ²¹ Nzen sɔnɔ kɛɛ bo i yi i nju fiteeri nyini kɔɔɛ kereewam n nu, Nyemɛ fá i mi yo ka cɛɛnkpiri ayaba a, dama wɔ fa i nju ama Mibiɛ ni, na i yo juma kpa bo i kun kpɛɛɛ ma i, má pui ti, wɔ sɛɛɛ i nju su ka i yo juma kpa ma i Mibiɛ ni.

²² Tara u nju fa kɔ ngbɛɛfɛnɛm konviki tie sam su. Boro u nyi, na a yo sa bo i kɔ atin su, na a yo Nyemɛ yarada, na a koro minem, na a la tanalaifiɛ, nyini má a buka minem bo bu su Nyemɛ ni ahore casi n su a. ²³ Ama, má a fa u nɔɔ bo sinnzinya jɔɔɛm n nu, ni bisaawa ngbɛɛnngbɛɛnm. A si ka nyini n sɔ kpura mine tii wɔ. ²⁴ Wɔ yo daka ka má Mibiɛ n akɔɔ n suse akuruwa. I ti ye ni ka i yo aye ma sɔnɔ kɛɛ, na i koro fa sawɔɔɛ kere minem Nyemɛ jɔɔɛ n nyunyumi. ²⁵ Haari minem bo bu se i

akuruwa ni mmɔɔ, i ti ye ni ka i fa sawɔre ni bere, na i kere bu atin bo bu fa i, beni, a ɲu ka Nyeme má bu kaaki bu wo na bu si nahore atin ni. ²⁶ Nyini ma bu kaaki fa sunsunni kpa na bu ɲmati fite toroku n nu a, bo Sitana n aso atara bu na i ma bu yo i koroowa ni.

3

Fa kɔ durunya n awieeri su dɛɛ jɔre

¹ M koro ka a si ka, fa kɔ durunya n awieeri, i yó kekereke. ² Mine yó anyii sam, na bu kóro ɲwaa agaya, na bu fɔ́, na bu súnsun ka bere ɲgumi wo bere a, na bu kpíe mine nzuko, na bu dé má bu wufɔm nɔanie, na bu sí má aye, na bu kéte Nyeme woowa casi n jɔre, ³ na bu kóro má minem, na bu sí má aɲunfo, na bu sáaki minem duma, na bu lá má tarabuɲu, na bu yó wi, na bu kpó deke kere bo i ti kpa. ⁴ Na bu lá má dabuɲu, na bu yó sa bo bu sunsun má bu, na bu lá karambani agaya, na bu kóro bu tii di tara nyemesu, ⁵ na bu yó bu ɲu ka bu su Nyeme atin n su wo, ama, na bu kéte Nyeme yiko ni. Má a dodo nyini minem so. ⁶ Bu nbem nati wura awuru awurum nu wo, na bu bo nbaram bo bu la má tarabuɲu n anɔɔfie na bu su bu su. Nyini nbaram so satieyo akunma bu, na bu yo bu kunnu koroowam. ⁷ Sangá kere bu ti kereewam wo, ama, bu koro si má nahore atin n fieo. ⁸ Kabo Janesi ni Jambaresi yo keteeri jɔre kere bo Moyisi yo jɔjɔri ni, so ye ahin kore kerefom n gusu akete Nyeme nɔanie n a. Bu sunsunni yo má juma, na ba kete yarada atin n su su ni. ⁹ Ama, bu juma koro kɔ má i nyunu, dama sonɔ kere bá si ka bu ti sinnzinm wo, bu si má pui. Kabo mine yo siiri ka Janesi, ni Jambaresi yo ti sinnzinm ni.

Pɔɔlu awieeri su dɛɛ nɔanie bo i fa maari Timoti ni

¹⁰ Ama, wɔɔ yiri, a ɲu m kereewa, ni m woowa, ni m sunsunni bo m taraari i ni, ni m yarada ni, ni m sawore ni, ni m koro, ni m mindi ni, ¹¹ ni m wuwuruwa bo bu kereeri m ni, ni wahara bo m diiri i n su. A si sam bo bu tuuri m, mie kpirim n bo bu fere bu ka Antiyoki, ni Ikoniom, ni Lisitira ni, má wuwuruwa lee ye minem kereeri m a. Ama, na Mibiɛ n ayi m afite nyinim kere nu. ¹² Sonɔ kere bo i koro ka i su Nyeme atin su na i ni Yesu Kristo yo kun, i mi ɲú wuwuruwa, ¹³ na mine tiem ni kerefɔ korefom yo satie kɔ sin su, bu dadaka mine, na mine dadaka bere gusu. ¹⁴ Ama, wɔɔ yiri, nahore atin n bo bu fa kereeri u, na a yoori i yarada nahore su ni, su i su so, dama a si minem bo bu kereeri u nyini atin ni. ¹⁵ A si ka fite u kaan nu kere, ye a sonsoɔnri Nyeme Jore Kadasi n kere n ye a siiri i a. Nyini koro ma u alecira a, na a yo Yesu Kristo yarada na a nya tiide. ¹⁶ Nyeme Jore Kadasi n bo ba kere i n kere fite yiri do a, na i la kperɛ bo a koro fa kere minem nahore atin ni, na a fa kan sonɔ bo i yo satie ndie, na a fa kere sonɔ atin fa kɔ deke bo i kɔ má atin su, na a fa kere sonɔ na i yo sa bo i ti kpa. ¹⁷ Nyini n kere koro ma sonɔ kere bo i su Nyeme kpama bi a, na i koro yo juma kpa barasu kere.

4

¹ M suma u nɔanie lee, Nyeme ni Yesu Kristo n nyunu, yiri bá di ɲɔɔfom ni yiweefom n jore a, na i bá di femɛ na i nie i minem su. ² Boro u nyi kan Nyeme nɔanie ni, sukan i sangá kere. Tenge yaradayofom su fa kɔ kereewa bo i kɔ atin su. Jaraki bu na bu yaki satieyo. Jɔjɔ bu do na bu yo sakpa buka su. Na a yo sawore ni nyini n kere na a kere bu nyunyumi. ³ Dama fa kɔ fa ba, minem kóro má ka bu so bu sui, na bu ti Kristo kereewa n bo i kɔ atin su ni. Ama, bu sú bu dɛɛ koroowam su wo, na bu tɛn kerefom dongu nɔɔ bo bu kere bu dekem bo bu koro ka bu ti i ni. ⁴ Bu káaki bu sin bo nahore atin ni, na bu só bu sui ti kore jorem. ⁵ Ama, wɔɔ yiri, tara u ɲu

san̄ga kere, na a mindi ni wahara di, na a boro u nyi kan Yesu labari kpa n jore, na a yo u juma n kere kabo Nyeme koro ka a yo i ni.

⁶ Mini yiri, san̄ga n aju bo bu yi m ngoo ni, Yesu Kristo dee ti, san̄ga n aju bo m fite durunya n nu fen. ⁷ Ma boro m nyi atu ngoni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri nminda m, dama wo de m ka m yo sa bo i ko atin su i do o. Ya Mibie Yesu Kristo, yiri di minem jore ye i ko atin su a, yiri fa nyini teremasu aceeri n ce m jina ceen a, ma mini ngumi, ama, sono kere bo i koro Yesu na i tana nminda ka i ba n a.

Poolu ni i tii jore lee

⁹ Yo anie na a bra m do kisa kisa. ¹⁰ Dama Keresensi ako Galatiya awore n nu, ye Titosi ako Dalamatiya awore n nu. Demasi anmati ayaki m, wo ko Tesalonika mie kpiri n nu, kisa i koro ka i wo kabo durunya n nufom wo n wo. ¹¹ Luka ngumi wo m do a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso mie kpiri n nu. ¹³ A na a ba, bita m ayere tanlee n ba ma m, bo m yakiiri i Torasi mie kpiri n nu, Kapusi dika ni. Fa m kadasim n gusu bita m nu, maala bo ba fa nengendore numa ayo bu ni.

¹⁴ Alekizanda bo i ti tunmi n ayo m satie agaya, Mibie ni to i kaari fa ko sa bo wo yo i n su a. ¹⁵ Si u nu sa ni yiri, dama wo jina su kekereke akete ncanie n bo ya kan i ni. ¹⁶ Ciciri su bo m sukan na m de m tii jore diibiri ni, be ajina ma m sin, bu kere nmati yakiiri m wo. M sere Nyeme ka i fa bu ngasi ce bu. ¹⁷ Ama, na Mibie n ajina m sin a, na wo ma m fan̄ga, na ma koro akan labari kpa n akere minem, na bo bu ti ma Yudafom n kere akoro ati. Na wo de m afite minem bo bu koro ka bu kun m n saa nu. ¹⁸ Yiri Mibie ni yi m fite jore tie kere nu a, na i fa m ko wura i femeya n nu angoro ni laifie a. Jirima bambaka ti i dee san̄ga kere. Ami.

Awieeri su dee anse yoowa ni

¹⁹ Bisa Pirisila ni i hun Akuyila fa tu Onesiforosi dikafom kere dongu ma m. ²⁰ Irasitusi kaari Korinto mie kpiri n nu wo, na ma yaki Torofimosi gusu Miletosi mie kpiri n nu, dama wo la ma i nu. ²¹ Yo anie na a bra ka, na fufuku nya ju. Ya ninbaam bisa u dongu, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibie n wo ni woro. Nyeme buka am kere.

Pɔɔlu kadasi bo i kɛrɛ fa maari TITOSI ni

¹ Mini Pɔɔlu sukere ahin kadasi n a. M ti Nyeme akoo o, na m kaaki ti Yesu Kristo jaramasa. Nyeme ayi m na wo sunma m ka m ko buka minem bo wo yi bu n na bu yarada yo biiwa, na bu si nahore fa ko Nyeme atin n su. ² Kana Nyeme ba yiiri durunya n ni, i yo seeri ka i ma ya ngoo n bo i la ma awieeri ni. Nyeme bu ma kore. Nyini ngoo n tama dee ti, ye ya la yarada ni si jina kun su n a. ³ Na sangha n ba juuri ni, na wo yi i noanie n afite fofoe nu, na wo fa ama m ka m ko kan i kere minem. Nyeme ni i tii, yiri bo i ti ya Tiidefo ni, maari m noo ka m ko kan i noanie n a.

⁴ Mini Pɔɔlu sukere ahin kadasi n ma woro Titosi a. A ti m wa a, nahore su, dama m ni woro kere asanga ayo Yesu Kristo yarada. Ya Si Nyeme ni ya Tiidefo Yesu Kristo buka u, na bu ma u ahoreda.

Juma bo Pɔɔlu na Titosi yo i Kereti asien n su ni

⁵ Deke bo i ti na m yakiiri u Kereti asien n su n la ka, m koro ka a yo juma n bo wo wie ma n wie, na a sese i su, na a yi Kristo jama nkpienkpienm se miem kere su, kabo m seeri u ni. ⁶ Nyini nkpienkpienm n kere bo a yi bu ni, i ti ye ni ka bu be la ma ngasi be. I ti ye ni ka bu ja bara kun n kpein. I ti ye ni ka bu nbaam yo Kristo yarada, na be koro jaraki ma nbaam ka bu nati yo sa ngbeenngbeen na bu de ma bu wufom noanie. ⁷ Nyeme afa i juma n awura nkpienkpienm saa nu n dee ti, wo yo daka ka, ma bu la ngasi be. I ti ma ye ni ka bu ti anukerefom, wara bu fa yaa ndende, wara bu nu nzan agaya, wara bu ti aluwa korofom, wara bu koro njwaa agaya. ⁸ Ama, i ti ye ni ka nkpienkpienm kere ti minem bo bu de wofom, na bu ti minem bo bu koro sakpayo, na bu la tarabuɔ, na bu yo sa bo i ko atin n su, na bu ti casi, na bu bita bu nu. ⁹ I kaaki ti ye ni ka bu ti minem bo bu bita Nyeme noanie n bo i la dabuɔ n kenken, kabo ya kereeri bu ni, adena bu koro fa kereewa n bo i ti nahore n fa kere minem na bu nya ahoresi, na bu kaaki koro kan kere minem bo ba kete nyini kereewa n kabo ba mini barasu ni.

¹⁰ Dama minem dongu wo bere bo ba kete kereewa bo i ti kpa ni, na bu sujoo jore ngbeenngbeen na bu sudadaka minem, maala yaradayofom bo bu toko bita Yudafom sayoowa ni. ¹¹ Ma bu mo bu noo, dama bu sufa nyini kereewa n bo i ti ma ye ni ka bu fa kere ni, sufa saaki awurukpa lee. Nwaa dee ti ye bu yo so a. ¹² Haari bere Keretifom mmoo dee tiengu sifo be yo seeri ka, "Bere Keretifom ti korofom wo dada kere, na bu ti ka boro nenje tiem, na bu ti nviyafom, ni ayaa kpirifom wo." ¹³ Kabo i yo seeri n ti nahore wo. Nyini dee ti, jaraki bu, na bu yarada yo fanga, ¹⁴ na ma bu su Yudafom nana jorem su, na ma bu su deke bo minem bo ba kete nahore n akpama i n su. ¹⁵ Minem bo bu woowa ti casi ni, deke kere ti casi wo bu do, ama, minem bo bu woowa ti ma casi na bu yo ma Yesu Kristo yarada ni, deke be mmoo ti ma casi bu do. Bu sunsuni, ni bu ahore kere ti fin wo, na nzen haari bu yo satie mmoo, bu si ma ka i ti satie. ¹⁶ Bu na bu si Nyeme, ama, bu sayoowa kere ka bu si ma i, dama bu sayoowa kere ti ciire wo Nyeme do, na bu de ma Nyeme noanie ni, na bu koro yo ma sakpa be.

2

Kereewa n bo i ti kpa n dee jore

¹ Ama, woro yiri, i ti ye ni ka a fa kereewa bo i ti nahore na i ko atin su, na a sufa kere yaradayofom ni. ² Se nbieso anyunutfom ka, bu bita bu nu, na bu yo sa bo i la

anyunuyi, na bu la tarabuṅu. Kaaki se bu ka, bu ma bu yarada yo fanḡa, na bu koro minem nahɔre su, na bu la mindi nahɔre su. ³ Se nbara anyunutihom gusu ka, bu ma bu woowa kere ka bu soro Nyeme. Nyini la ka, má bu susaaki mine duma, na má bu ma nzan ja bu. Kaaki se bu ka, bu kere kereewa kpa, ⁴ na bu tu tarawam fo ka, bu koro bu hunm ni bu nbaam, ⁵ na bu la tarabuṅu, na bu ma bu woowa ti casi, na bu bita bu awurum nyunyumi, na bu yo sakpa, na bu de bu hunm noanie, adena má be koro bu Nyeme noanie ni ngbeen. ⁶ Tu ngbefenem gusu fo ka, bu tara bu ḡu, ⁷ ni deke kere. Woro mmoo ni u tii, ma u sayoowa kere ko atin su, na minem ḡu i, na bu son u su. Fa sunsunni kpa ni atin bo i la jirima fa kere minem ⁸ kereewa kpa, na be koro kan má jore be. Kere bu so, adena minem bo bu kete ya kereewa n di nyinse, dama bu ḡu má ḡgasi be bo bu fa saaki ya. ⁹ Se akoom gusu ka, bu de bu mibiem noanie, na bu yo sa kere bo bu mibiem koro, na má bu se jore be. ¹⁰ Kaaki se bu ka, má bu wo awie mumuku, ama, bu kere ka bu la dabuṅu deke kere nu. Nzen bu yoori so, bu woowa kpa ni kere minem ka, Nyeme, yiri bo i ti ya Tiidefo ni, i dee kereewa n ti nahore wo.

¹¹ Dama Nyeme ayi i ahoroma afite fofoe nu, na sono kere nya tiide. ¹² I ahoroma ni kere ya ka ya yaki sam bo bu ko má nyemesu atin n su a, ni dekem bo bu wura ya konvi durunya n nu ni, na ya tara ya ḡu, na ya yo sa bo i ko atin su, na ya bita nyemesu atin, ahin durunya n bo ya wo nu ni. ¹³ Ya yo ahin na ya ḡminda deke n bo ya la i tama bambaka ka i fite fofoe nu, yiri la ya Mibie Yesu Kristo, kabo i fite fofoe nu ni i jirima woowa ni. Yiri ti ya Nyeme kpiri, ni ya Tiidefo a. ¹⁴ Yiri wu maari ya, adena i ma ya nya ya tii, na i yi ya fite ya satie nu, na i kpakpara yi ya fin kere, na i yo ya casi, na ya yo i dee minem bo bu nyunu aboro sakpayo su.

¹⁵ Ahin kereewam kere, fa kere yaradayofom, na a ma bu ahoresi, na a kan bu ndie. Fa yiko n bo Nyeme afa ama u n yo so, na má a ma be bu u ngbeen.

3

Kabo yaradayofom wo ti barasu ni

¹ Tenḡe yaradayofom su ka, bu yo bu ḡu benle ma nfemem ni gomina nkpien-kpienm, na bu de bu noanie, na bu kpa bu ḡu na bu yo sa kere bo i ti kpa, ² na má bu saaki minem duma, na má bu se akuruwa ni minem, ama, bu yo bu ḡu kaan, na bu yo bu ḡu benle ma sono kere.

³ Má pui ti, yere mmoo ni ya tii yo ti sinnzinm wo, ya si má Nyeme jore, na ya kaaki de má i noanie, na ya mini i atin ni, ya yo ti minem bo ya yo deke kere bo i wura ya konvi wo, na ya suyo ya sa koroowa, na ya la anjunkturini, na ya si kore, na ya yo ti minem bo minem kpo ya a, na ya gusu kpo ya benḡu. ⁴ Ama, haari ni nyini mmoo, Nyeme bo i ti ya Tiidefo ni, yo faari i sakpa, ni i koro kereeri ya, ⁵ na wo nya ade ya tii aji. Má ka ya sakpa yoowa dee ti, ye i deeri ya tii jiiri a, ama, i anjurfu si dee ti. Kabo i deeri ya tii n la ka, i Awiewie Casi ni ḡmisiiri ya a, na wo ma ya wo fofore, ni ḡgoo fofore. ⁶ Na Nyeme ama ya Tiidefo Yesu Kristo afa Awiewie Casi n ama ya ako asin su. ⁷ Nyeme yoori so ni, adena ya yo i nbaam, na ya yo tama ka ya nya ḡgoo n bo i la má awieeri. Nyeme ahoroma n dee ti, wo de ya ka ya la má ḡgasi be i do, nyini ti ye wo fa ya ayo i nbaam n a. ⁸ Ahin jore n ti nahore wo.

M koro ka a kere ahin dekem ni anyumboro, adena bo bu yo Nyeme yarada ni, bu fa bu sunsunni kere yo sa bo i ti kpa. Ahin kereewam n la kperere, na bu kaaki ti kpa ma sono kere. ⁹ Ama, má a fa u ḡu wura akuruwa ngbeenngbeen barasu kere nu, ni ya nana Yudafoḡ dumam, ni aluwa ngbeenngbeenm fa ko Nyeme noanie kpamaawa n su. Ahinm kere ti ngbeen wo, bu kunma kperere be. ¹⁰ Sono kere bo i fa kpakpaakinu ba, i ti ye ni ka a tu i mi fo kpe nnyo o, na nzen wo nya de má i, má a bu i wura am

nu. ¹¹ Si ka nyini sɔnɔ n sɔ akete kereewa kpa n lɛɛ, na i yo satie bo yiri mmɔɔ ni i tii si ka i ti satie wɔ.

Pɔɔlu dɛɛ awieeri su nɔɔnie bo i fa maari Titosi ni

¹² M súnma Aratema, wara Tikikusi u dɔ, nzen bu be baari, boro u nyi na m ni wɔrɔ sa nu Nikopoli mie kpiri n nu. M koro ka m wo dɔ fufuku sanga a. ¹³ Zena bo i ti jɔredifo ni, i ni Apolosi, bu ba ɲa bu yasu, boro u nyi na a buka bu, na má deke be kpie bu su. ¹⁴ I ti ye ni ka a ma ya minem gusu sɔnsɔn kabo bu boro bu nyi suyo sa bo i ti kpa, na bu buka minem ni deke bo i ti bu miɛɛwam ni, adena má ya minem ni wo wo ɲgbɛɛn.

¹⁵ M labari n kɛɛ lɛɛ. Minem bo bu wo m dɔ n kɛɛ bisa u. Bisa ya danfom kɛɛ bo bu yo Yesu yarada ni. Nyeme buka am kɛɛ.

Pɔɔlu kadasi bo i kere fa maari FILEMON ni

¹ Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukere ahin kadasi n a. Wɔrɔ Filemon bo ya koro u na ya ni wɔrɔ sanɔa yo juma ni, ya bisa u dɔŋgu. ² Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kere ti ka soja ni, Yesu dɛɛ atin n su ni. ³ Ya Si Nyeme ni ya Mibiɛ Yesu Kristo buka am, na bu ma am ahoreda.

Filemon koro ni i yarada n jɔre

⁴ M niwa Filemon, sanɔa kere bo m sere Nyeme, m wara fi má u sa, m da i asi ma u wɔ. ⁵ Dama ma ti kabo a yo ya Mibiɛ Yesu yarada ni, ni kabo a koro Nyeme minem kere ni. ⁶ M kaaki sere Nyeme ka i ma wɔrɔ ni bo ba yo yarada na am sanɔa su Nyeme ni la wo fie, nyini ma a si nahɔre su kabo Nyeme afa deke kpa ama ya, Kristo dɛɛ ti. ⁷ M niwa, koro n bo a bita i ni, wɔ ma m ahore ajo agaya, na wɔ kaaki ama m ahoresi, dama wɔrɔ dɛɛ ti, Nyeme minem anya ahoresi.

Kabo Pɔɔlu taraari Filemon jaa maari Onisimɔ barasu ni

⁸ Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. ⁹ Ama, m koro u n dɛɛ ti, ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. ¹⁰ Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. ¹¹ Sanɔa be, i yo kun má kperɛ be ma má u, ama, kisa, i kun kperɛ ma wɔrɔ ni mini kere wɔ.

¹² Yiri bo m koro i ni m ahorembaa kun ni, ye m suma i ba u dɔ n a. ¹³ Kabo Nyeme jɔre kaanwa n dɛɛ ti na m wo dansaraka n nu ni, má m koro ka i wo m dɔ fen na i buka m, kabo má wɔrɔ wo fen na a buka m ni. ¹⁴ Ama, m koro má ka m yo deke be bo a soro má su, ama, m koro ka wɔrɔ mmɔɔ ni u tii buka m u koroyanu, má ka i yo ka m mie u wɔ. ¹⁵ Beni, Onisimɔ fiteeri u saa nu ni, wɔ ce kaan, adena i ba kaaki ba wo u dɔ sanɔa kere. ¹⁶ Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔrɔ koro i tara ɔ. I ti u akɔɔ ɔ, ama, Mibiɛ n dɛɛ ti, i kaaki ti u niwa a.

¹⁷ Nyini ti, nzen a fa i ka m ti u matafo, de i kabo má a de m ni. ¹⁸ Nzen wɔ do u ŋgasi be, wara i bita u kaari, ma nyini kaari n yo m dɛɛ kaari. ¹⁹ Mini Pɔɔlu ni m tii sufa m saa sukere ahin jɔre n a, ka m tɔ kaari n kere bo i bita i n ma u. M kaaki koro se u ka, m kaari su u su, fa kɔ u ŋgɔɔ bo a nyaari i Yesu dɔ ni. ²⁰ Nyini ti, m niwa, m koro ka a yo ahin sakpa n ma m, Mibiɛ n dɛɛ ti. Kabo ya kere ti nibaa Kristo dɛɛ ti ni, da m ahore.

²¹ M la ahoresi ka a dé m nɔanie ni, nyini ti ye m sukere ahin kadasi n a. Na kabo ma se ni, m si ka a yó i kɔ tara ɔ. ²² Bo i buka su la ka, m koro ka a yo ɔɔ dɔŋgu se m, dama m la tama ka Nyeme bá de am sere, na i má m kaaki ba am dɔ.

Pɔɔlu awieeri su dɛɛ anse yoowa ni

²³ M lamɔko Ipafarasi bo m ni yiri wo dansaraka nu, Yesu Kristo dɛɛ ti ni, i ŋa m bisa u dɔŋgu. ²⁴ Marako, ni Arisitakusi, ni Demasi, ni Luka kere gusu ŋa m bisa u dɔŋgu, m ni bere sanɔa yo juma. ²⁵ Ya Mibiɛ Yesu Kristo buka am kere.

Kadasi n bo bu kere fa maari HIBURUFOM ni

Nyeme noanie n bo i jɔɔ fiteeri i Wa n do ni

¹ Dawa sangɔ Nyeme yo faari i noanie maari i noanie kanfom wɔ, sangɔ barasu ni atin barasu barasum, na bu sukan i kere ya nam. ² Ama, ahin awieeri su sangɔ n bo ya wo nu ni, Nyeme afa i Wa n su ye i fa i noanie n jɔɔ ya so a. Nyeme maari yiri yiiri durunya n a. Na wɔ se ka, awieeri su, deke n kere ba yo i dee wɔ.

³ I jirima woowa wein ni kere kabo Nyeme ti a. Kabo Nyeme ti ni, i woowa ti so o. I noanie n bo i la yiko ni, i fa nyini bita durunya n kere a. I faari i nu fa yoori yoowa, adena Nyeme fa adamande satie ce i. Nyini dee sin, na wɔ nya ako atana angoro, Micera Kpiri n saa fomboro su. ⁴ Nyeme maari i jinaabiri bambaka bo i tara i merékem dee, na wɔ kaaki ama i duma bo i tara bu dee ni.

Kabo Nyeme Wa n tara i merékem barasu ni

⁵ Dama kabo Nyeme seeri i Wa n ni, ka,
“Woro ti m Wa a,
nyuma, m kaaki u Si,”

wɔ se ma i meréke n be so. Bekun, i na

“M yó u Si,
na u gusu yó m Wa.”

⁶ Sasu bekun, sangɔ bo Nyeme yo na i sunma i Wa kun n kpein n durunya n nu ni, na wɔ se ka,

“Ma Nyeme merékem kere su i.”

⁷ Fa ko kabo Nyeme jɔɔori i merékem jore ni, i na,

“Mini, m ma m merékem yo bu juma
kabo anuma, ni sin yo bu juma barasu n wɔ.”

⁸ Ama, kabo Nyeme jɔɔori i Wa n do ni, i na,

“Woro ti Nyeme a, u femeya bie n la ma awieeri.
A bita u femeya n ni nahore atin su wɔ.

⁹ A koro sa bo i ko atin su wɔ,
na a koro ma sa bo i ko ma atin su a.

Nyini dee ti ye Nyeme ayi u a,
ye wɔ ma u ahoreda bo i tara u bengum kere n a.”

¹⁰ Na Nyeme akaaki ase i Wa n ka,

“Ya Mibie, bumboori ni, woro yiiri asienngu a.
U sa bo a yoori i dee ti, ye angoro wo bere a.

¹¹ I kere ba ka ngbeen wɔ,
ama, woro wo bere wɔ sangɔ kere.

Angoro n ni asienngu kere yo dawa
kabo sutura yo dawa barasu n wɔ.

¹² A pɔondi bu ka sanvuin bo wɔ do wɔ,
na a ba kaaki i fofore.

Ama, woro kaaki ma fieo,
na u afo la ma awieeri.”

¹³ Na Nyeme akaaki ase i Wa n ka,

“Ba tana m saa fomboro su fen,
haari m ba ma a kunma u kpofom na a nana bu kere nu.”

Kabo i seeri so ni, wo nya ase ma i merেকে n be so.

¹⁴ Ye i merেকেm ti nzum wo? Bu ti awiewiem bo bu su Nyeme wo, na i sunma bu na bu ko buka minem bo bu ba nya tiide ni.

2

Tiide bambaka n jore

¹ Nyini dee ti, wo yo daka ka ya bita Nyeme noanie n bo ya du mo ati i nyunyumi, adena ma ya mini. ² Ya si ka noanie n bo Nyeme yo fa maari i merেকেm, na bu kan kereeri ya nam ni, i ti nahore wo, na minem bo bu tiiri i na bu keteeri, na ba de ma i ni, bere nyaari suicin n a. ³ Nzen yere gusu keteeri nyini noanie kpiri n bo i kere kabo Nyeme de ya tii ji ni, ya yo se koro fite nu na ya nya ma suicin a? Ahin tiide n bo ya kan i jore ni, Mibie n ni i tii du mo kan kereeri minem a, na bo bu tiiri i n adi i daani, ase ya ka i ti nahore wo. ⁴ Nyini sangha n na Nyeme mmoo adi i daani abuka su, yiri la bo i yoori alekutura sa barasu barasum kereeri i yiko, na i maari minem nyaari i Awiewie Casi n aceerim kabo i koro barasu ni.

Yesu ti adamandem goroo

⁵ Nahore, Nyeme afa ma durunya fofore n bo ya kan i jore, na i suba ni, awura ma i merেকেm saa nu. ⁶ Ama, be akere i Nyeme Jore Kadasi n awore be nu, ka, "Ya Micera Nyeme, adamande gusu ti nzu wo,

ye u cee wo i nu a?

Adamande wa ti nzu wo,

ye a nie i dika?

⁷ Kabo a yoori i ni, a ma i jinaabiri kpiere su sangha kaan afien ni u merেকেm dee, na a nya awura i kpiri na a ma i jirima bambaka,

⁸ na a fa deke kere awura i saa nu."

Ba kere i Nyeme Jore Kadasi n nu kabo Nyeme afa deke n kere awura adamande saa nu ka i nie i dika ni, nyini kere ka deke be wo ma bere bo i ti ma i dee. Ama, kisa, kabo i ti ni, ya nya nu ma i so. ⁹ Ama, ya nu Yesu kabo Nyeme yoori i ni, i ma i jinaabiri kpiere su sangha kaan afien ni i merেকেm dee wo. Na i dee ahoroma n nu na wo wu sono kere dee ti. Kisa, wahara n bo i diiri i na i wu n dee ti, Nyeme awura i kpiri, na wo ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dee ti, ye i ma Yesu ba diiri wahara n a, adena i yo minem mofa bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wo yo bu casi n sangha Si wo. Nyini dee ti, i la ma i nyinse na i fere bu ka i ninbaam n a. ¹² Na wo se Nyeme ka,

"M bo u дума kere m ninbaam.

Na sangha kere bo bu tieenri bu noo,

m di jue kansi u дума."

¹³ Na wo kaaki ase ka,

"Mini, m daafi Nyeme nu,"

Na wo kaaki ase bekun ka,

"Mini ni nbaam bo Nyeme afa ama m ni, yere yaa."

¹⁴ Kabo nbaam n ti adamande ni, nyini dee ti ye yiri mmoo kaakiiri adamande a, adena i wu na i yo sono bo i la yiwee yiko ni ngbeen, yiri la Sitana a, ¹⁵ na i de minem tii ji, bere kere bo bu ngoo su na bu soro yiwee n dee ti, na ba kaaki akoom ni. ¹⁶ I ti nahore wo ka, ma merেকেm ye i buka deeru bu tii a, ama, Abraham busu nufom ye i buka deeru bu tii a. ¹⁷ Nyini kere ka, wo yo daka ka i woowa ti ka i ninbaam i deke n kere nu wo, adena i yo Nyeme sayoowa donguyofom kprien bo i la dabunu na i si

aɗunfo fa ko i nyemesu n nu, na i fa i ɗu yo yoowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba so i ɗgeɛ na bu nie ni. Nyini deɛ ti, ye i koro buka minem bo bu so bu ɗgeɛ na bu nie n a.

3

Kabo Yesu tara Moyisi barasu ni

¹ M ninbaam, ambere bo Nyeme ayi am ni yere ka matafo casim ni, am fa am sunsunni se Yesu ɗu, yiri bo Nyeme asunma i na i ti ya sayoowa dɔnguyofom kpien n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahore su wo, kabo Moyisi mmoo yo yoori i juma kere Nyeme awuru n nu, bukaari Nyeme minem ni nahore su n wo. ³ Kabo sono bo i ta awuru n la jirima tara awuru n ni i tii ni, so ye Yesu la jirima tara Moyisi a. ⁴ Awuru kere la i tafe, ama, Nyeme ti deke n kere tii a. ⁵ Moyisi yo laari dabuɗu yoori i juma kere Nyeme awuru n nu, bukaari Nyeme minem n ka amusuisufo o, na wo kere bu deke bo Nyeme koroori ka i ba se bu ni. ⁶ Ama, Kristo yiri ti Nyeme Wa a, yiri la dabuɗu Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufom a.

Nyeme minem ɗumiya n deɛ jore

⁷ Nyini deɛ ti, kabo Awiewie Casi n se ni,

“Nyuma, nzen am tiiri kabo Nyeme suse,

⁸ ma am ma am sui yo tantanantan,

kabo am nam yo yoori bu sui tantanantan na bu yoori Nyeme na bu nie ni,
sanga bo bu wo boro kpantain n nu na bu keteeri i noanie ni.

⁹ Na Nyeme ase ka,

‘Do ye am nam yo yoori m na bu nie a,
haari ni bo bu ɗuuri sam bo m yoori bu,
nyini afo aburana n kere nu ni,
bu yoori m wo na ba nie.

¹⁰ Nyini deɛ ti ye m faari yaa bu ɗu a,
ye m seeri ka, ba mini atin n a,
dama ba yo ma m sa koroowam ni.

¹¹ Na yaa ati m, na ma tan ndie ka,

bu ny ma atin wura ma asien n bo ma m ma bu nya ɗumiya n nu ni.’ ”

¹² M ninbaam, am si am ɗu sa na ma am be ahorembaa yo kekereke, na i kaaki i sin bo Nyeme, yiri bo i wo bere sanga kere n deɛ atin ni. ¹³ Ceen kere bo ale acin na bu fere i ka, “Nyuma,” am sutu am bengu fo, na ma am ma be dadaka am na am yo satie na am sui yo tantanantan. ¹⁴ Nzen ya koro bitaari bumboori su noanie n kenken haari ko juuri i awieeri, nyini n kere ka ya ni Kristo sanga yo juma kun wo lee. ¹⁵ Kabo ba kere i Nyeme Jore Kadasi n nu ni, ka,

“Nyuma, nzen am tiiri kabo Nyeme suse,

ma am yo am sui tantanantan,

kabo am nam yo yoori bu sui tantanantan.”

¹⁶ Nmam yo tiiri Nyeme noanie n ye bu yoori bu sui tantanantan n a? Ma minem kere bo Moyisi yo yiiri bu fiteeri Ijipiti asien n su ni, nzen se? ¹⁷ Ye nmam ye Nyeme yo faari yaa bu ɗu afo aburana n a? Ma bo bu yo yoori satie na bu wuuri boro kpantain n nu ni? ¹⁸ Nmam ye Nyeme yo taanri ndie ka, “Bu nya ma atin wura ma asien n bo ma m ma bu nya ɗumiya n nu n a?” Ma bere n bo bu yo keteeri i noanie ni, nzen se? ¹⁹ Deke bo i ti na ya ɗu ka ba wura ma asien n su na bu nya ɗumiya n la ka, ba yo ma i yarada.

4

¹ Nyini ti, am ma ya si ya ŋu sa, na má be fun nyini ŋumiya n bo Nyeme ase ka i fá ma ya na atin toko wo bere ka ya nya i ni. ² Dama yere mmoo ati labari kpa n kabo bere mmoo yo tiiri i ni, ama, bere ayo má i yarada, nyini dee ti, ye wo kun má kperε ama má bu n a.

³ Ama, yere bo ya yo Yesu yarada ni, ya nya nyini ŋumiya n bo Nyeme seeri ka i fá ma i minem ni. I ti kabo Nyeme seeri n wo, i ŋa,

“Na yaa ati m, na ma tan ndie ka,

bu nyá má atin wura má asien n bo má m ma bu nya ŋumiya n nu ni.”

Fite sangá bo Nyeme yiiri durunya n kere wieeri ni, i juma awieeri lee. ⁴ Dama ba kere leso ceen n jore, Nyeme Jore Kadasi n awore be nu, ka, “Nyeme yo yiiri i ŋumi, i jumayoowa kere nu wo leso ceen ni.” ⁵ Ya kaaki anu ka wo joo nyini jore n so ka, bu nya má atin wura má asien n bo m ma bu nya ŋumiya n nu. ⁶ Bo bu du mo tiiri labari kpa n ni, ba wura má nyini ŋumiya n nu, dama ba yo má Nyeme yarada. Ama, atin toko wo bere bo nbem nya nyini ŋumiya ni. ⁷ Nyini dee ti, na Nyeme ma wo ce ka, na wo kpama ceen fofore be, na wo fere i ka nyuma, na wo ma Feme Davidi ajoo nyini ceen n jore, kabo ba kere i Nyeme Jore Kadasi n nu ka,

“Nyuma, nzen am tiiri kabo Nyeme suse, má am ma am sui yo tantanantan.”

⁸ Nzen má Yosua koro maari Yisarelifom nyaari atin wuraari asien n bo Nyeme ma bu nya ŋumiya n nu, má Nyeme ayo akaaki ase má ka ceen n be wo bere bo i ma i minem nya ŋumiya kun. ⁹ Ama, kabo i ti ni, ŋumiya ceen wo bere bo Nyeme bá fa ma i minem. ¹⁰ Dama sono kere bo i nya ŋumiya Nyeme do, i mi yi i ŋumi fa ko i juma su, kabo Nyeme yo yoori i juma wieeri na i yiiri i ŋumi n wo. ¹¹ Nyini dee ti, am ma ya boro ya nyi, na ya nya ŋumiya n bo Nyeme bá fa ma ya ni. Ama, má am ma ya be kete Nyeme noanie ni, adena má ya fun ŋumiya ni, kabo Yisarelifom nbem yo keteeri na bu fuunri i ni.

¹² Nyeme noanie n la ngoo na i la fanga. I kaaki wo na tara takobe, i kpie wura sono ahorembaa su wo, ni i ŋumi, ni i awiewie nu, na i kpie kpaaki buwe sasuubiri, na i ko kpura boroko nu, na i fiiti sono sunsunni nu, na i si deke bo i ahorembaa koro, deke bo i ti kpa, ni bo i ti má kpa. ¹³ Deke be wo má bere bo i koro fie Nyeme, dama deke be wo má bere bo Nyeme ayi i na i nyumbaa ŋu má i. Yiri ye ya kere bá kan ya sayoowa kere i a.

Yesu ti Nyeme sayoowa donguyofom kere kpien n a

¹⁴ Kisa, na ya la Nyeme sayoowa donguyofom kpien bo i la má anusu, na wo ko angoro, na wo wura Nyeme dika n nu ni, yiri la Nyeme Wa Yesu, nyini dee ti, ye am ma ya bita i dee atin n bo ya ŋa ya yo i yarada n kenken. ¹⁵ Ya dee Nyeme sayoowa donguyofom kpien n ti má be bo i koro si má ya anunfo o. I koro si ya anunfo fa ko sangá bo ya fanga akpie su, ni i dee atin su, dama ngeε barasu barasu kere bo bu fa so ya ni, bu yo fa soori yiri mmoo so o, ama, haari ni nyini n kere ni, wo yo má satie be. ¹⁶ Nyini dee ti, am ma ya fa ahoresi, na ya cin dodo Nyeme femeya tanaabiri ni, yiri ti ahoromafom a, adena i si ya anunfo, na sangá kere bo ya ba koro buka, na i buka ya.

5

¹ Nyeme sayoowa donguyofom kpien kere, bo Nyeme yo yiiri i minem n nu ka i yo juma ni, i dee la ka, i jina minem dee jinaabiri Nyeme do, na i de bu aceerim ni yoowam na i fa ma Nyeme fa ko minem satie bo ba yo i n dee ti. ² Yiri mmoo ni i tii koro si minem anunfo bo ba si má na ba mini atin ayo satie ni, dama yiri mmoo fanga akpie su Nyeme do. ³ Nyini dee ti, wo yo daka ka i du mo yo yoowa ma i ŋu fa

kɔ i ɲgasi bo wɔ do i ka, ye i nya koro yo yoowa ma minem kere ɲgasi n a. ⁴ Be koro wura má i ɲu kpiri na i se ka i ti Nyeme sayoowa dɔɲguyofom kprien, má ka Nyeme ni i tii ayi i mi, kabo i yo yiiri Aaron ni.

⁵ Nyini dɛɛ ti, Kristo gusu awura má i ɲu kpiri ayo má i ɲu Nyeme sayoowa dɔɲguyofom kprien, se Nyeme yiiri i a, na wɔ se i ka,

“Wɔrɔ ti m Wa a,
nyuma, m káaki u Si.”

⁶ Ba kaaki akere i Nyeme Jɔre Kadasi n awɔre be nu ka, Nyeme ɲa,

“Wɔrɔ ti Nyeme sayoowa dɔɲguyofom,
kabo Melekisideki busu nu ti n a,
a wo bere sɔ ɔ sanɲa kere, be de má u.”

⁷ Sanɲa bo Yesu wo durunya n nu fen ni, i yo sereeri Nyeme ni anyumboro su, na wɔ bo afere Nyeme na wɔ sun, ka, i de i fite yiwee n nu. I yo yoori i ɲu kaan, na i soro Nyeme n dɛɛ ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deeri Nyeme nɔaniɛ ni. ⁹ Sanɲa bo Nyeme ma i tiiri kabo i koro ka i ti ni, ye wɔ ma sɔnɔ kere bo i deeri i nɔaniɛ n nya tiide bo i la má awieeri n a. ¹⁰ Dama Nyeme yiiri i ka i yo Nyeme sayoowa dɔɲguyofom kprien, kabo Melekisideki yo ti barasu n a.

Fɔtu fa kɔ kabo má ya fa ya yarada n ji ni

¹¹ Má ya la deke dɔɲgu bo ya kan kere am fa kɔ jɔre bo ya jɔjɔ i n su, ama, i ti kekereke kabo ya kan teke am nyi, dama am koro ti má i bu ndende. ¹² Sanɲa bo am boori i bu ka am su Nyeme ni, am ace nu, má am aju bo am sukere minem Nyeme nɔaniɛ ni, ama, am toko tana koro ka bu kere am dekem bo ba du mɔ afa akere am, fa kɔ Nyeme nɔaniɛ n su. Am toko nu nyufini wɔ, am nya koro di má diire nɔnɔori.

¹³ Dama sɔnɔ kere bo i nu nyufini toko ti baakan wɔ lɛɛ, i nya koro si má deke bo i kɔ atin su Nyeme dɔ. ¹⁴ Minem bo bu nyunu ati Nyeme dɛɛ atin n su, bere di diire nɔnɔori a. Ba sɔnsɔn Nyeme nɔaniɛ ni, na bu su i su kabo i kere ni. Nyini ti ye bu la alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su nɔaniɛ kereewam ɲgumi su, ama, am ma ya boro ya nyi na ya kɔ mɔ. I ti má ye ni ka ya sukan nyini jɔrem ni sanɲa kere. Nyini jɔrem ni la kaaki bu wo, fa kɔ bu satie su na bu yo Nyeme yarada ni, ² ni kabo bu bie bu Nyeme nzue barasu, na bu fa bu sa nana yaradayofom ɲu ka Nyeme yo bu kisi, ni kabo mine ba wu na bu tenge bu yiwee nu ni, ni kabo Nyeme ba di mine jɔre na be koro kaaki má i kun ni. ³ Nzen Nyeme soroori su, ya koro kɔ mɔ bo i tara sɔ. ⁴ Minem bo ba yo asi ka Nyeme atin n ti wein, na ba kaaki bu sin abo i ni, bu yo se koro kaaki ba Nyeme dɔ bekun a? Dama bu yo nyaari Nyeme aceerim wɔ, na ba de Awiewie Casi ni. ⁵ Ba yo asi kabo Nyeme nɔaniɛ n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minem ɲusu koro kaaki ba i dɔ bekun, dama bu sayoowa kere ka bu sukaaki kpama Nyeme Wa n baka jaanu n su bekun wɔ lɛɛ, na bu suwura i nyinse minem nyunu. ⁷ Asien kere bo nzue tɔ sanɲa kere na mine dɔ su, na i yo diire nyunyumi, Nyeme wura nyini asien n abaraka beberebe. ⁸ Ama, asien bo buwe ni wura ɲgbɛɛnɲgbɛɛnm fi su na i kunma kperɛ, i ce má, Nyeme yó i ɲgbɛɛn, na i awieeri su, sin bá yara i kere.

⁹ Ama, m ninbaam, haari ni bo ya kan sɔ n kere ni, ya la ahoresi fa kɔ ambere dɔ, dama am bita atin kpa n wɔ, yiri la tiide n bo am anya i ni. ¹⁰ Nyeme ti kpa, i wara fi má sakpa n bo am yo i ni, kabo am abuka i minem, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari kɔ ju awieeri, adena deke n bo am la i tama n yo yiiwa. ¹² Má am ma nviɛya ti am, ama, minem bo bu yo

yarada na bu la sawɔɛ, na bu nya deke n bo Nyeme seeri ka i fá ma bu ni, am su bu dɛɛ sayoowam su.

Deke bo Nyeme seeri ka i yó i ni, i kaaki má

¹³ Saɗga bo Nyeme seeri Abraham ka i bá yo i kisi ni, be wo má bere bo i tara yiri Nyeme. Nyini dɛɛ ti, ye i faari i duma taanri ndie maari i a. ¹⁴ Na wo se i ka, “M yó u kisi, na u busu nufom bá sunnu beberebe.” ¹⁵ Na Abraham amindi haari na wo ba anya deke n bo Nyeme seeri ka i má i ni. ¹⁶ Nzen sɔnɔ ɲa i tan ndie, i tan deke bo i tara i mi n wo. Deke bo akuruwa nya yoori na bu taanri ndie, wo kun akuruwa n kere nɔɔ lɛɛ. ¹⁷ Nyeme yo koroori ka i kere i minem ka deke bo i bá ma bu ni, i woɔ má i nɔɔ i busu, nyini ti ye i kaaki taanri ndie n a. ¹⁸ Deke bo i seeri ka i yó i ni, ni i ndie taanwa n ti deke nnyo lɛɛ, bo bu kaaki má. Nyini kere ka Nyeme koro bu má kɔɛ a. Nyini ti ye yere bo ya ba i dɔ ka ya nya tiide n la ahoresi bita ya tama n bo ya la i ni anyumboro n a. ¹⁹ Tama n bo ya la i ni, i ti kabo ba kpama lee barasu n wo. Nyini ma ya ahorembaa abi kekereke, ye ya kaaki yaki má atin n bo ya bita i n a. Nyini tama n ti bo wo sin tani bambaka n bo i kanda n ɲu awura Sɔɔ Casi n nu a. Yiri bita ya a. ²⁰ Dɔ ye Yesu adu ya mɔ awura, ade ya dɛɛ jinaabiri a. Yiri ti ya Nyeme sayoowa dɔɲguyofɔ kpɛn n bo i la má defɔ fieo, kabo Melekisideki busu nu n ti n a.

7

Nyeme sayoowa dɔɲguyofɔ Melekisideki n jɔɛ

¹ Melekisideki ni, yiri yo ti mie n bo bu fere i ka Salem dɛɛ femɛ a, na i kaaki ti Micɛra Kpiri sayoowa dɔɲguyofɔ. Saɗga bo Abraham kɔ kuunri lue ni nfeme nna nbem na i kunmaari bu na i sukaaki kɔ awuru ni, yiri Melekisideki ni kpaari Abraham atin ye i yoori kisi gɔɔri i ɲu n a. ² Na Abraham ayi dekem kere bo i kun lue n na i deer i ni, deke buru kere nu, na wo yi i kun kun ama Melekisideki. I duma Melekisideki n bu la ka, femɛ bo i sayoowa kɔ atin su. I kaaki ti Salem femɛ wo, i bu la ka, femɛ bo i fa tanalaifie ba. ³ Melekisideki ni, be si má i si, wara i ni, wara i busu nufom, wara kabo bu wuuri i, wara kabo i wuuri. I yo ti Nyeme sayoowa dɔɲguyofɔ bo wo la má defɔ, kabo Nyeme Wa n ti n wo.

⁴ Am nie kabo i yo ti sɔnɔ bambaka barasu a. Dama ya kere na Abraham yo yiiri deke n kere bo i kɔ kuunri lue n na i deer i ni, deke buru kere nu, i yiiri kun kun maari yiri Melekisideki n wo. ⁵ Nyeme nɔanie maawa n kun bo i wo i nɔanie kpamaawa n nu n kere ka, deke buru kere nu, bu yi kun kun fa ma Levifom, bu ti Nyeme sayoowa dɔɲguyofom n dɛɛ ti, haari ni bo bu kere ti mine kunm na bu ti Abraham busu nufom ni. ⁶ Melekisideki yo fite má Levifom dɛɛ busu n nu, ama, Abraham yo yiiri deke n kere buru nu kun kun maari i wo, na wo yo kisi agɔ Abraham ɲu, yiri Abraham ye Nyeme yo seeri ka i bá yo i kisi n a. ⁷ Sɔnɔ kere si ka, sɔnɔ bo i yo kisi gɔ minem ɲu n tara bo bu de kisi ni. ⁸ Levifom bo bu ti Nyeme sayoowa dɔɲguyofom na minem yo yiiri bu deke kere buru nu kun kun maari bu ni, bu ti yiweefom wo. Ama, Melekisideki bo Abraham yiiri i deke kere buru nu kun kun maari i ni, Nyeme Jɔɛ Kadasi n kere ka i toko wo bere wo lɛɛ. ⁹ Nyini ti, saɗga bo Abraham yiiri deke n kere nu buru kun kun maari Melekisideki ni, ya koro se ka i wa Levi bo i ni i busu nufɔ yo deer i nyini n sɔ ni, bu minem gusu mmɔɔ atɔ lɛɛ. ¹⁰ Dama saɗga bo Melekisideki ni Abraham yeeri ni, na Abraham nya wu má Levi bo i fite i busu nu ni, nyini ti, ya koro se ka Abraham deer i wa Levi dɛɛ jinaabiri, ye i yi maari Melekisideki n a.

Nyeme sayoowa dɔɲguyofɔ be bo i ti ka Melekisideki ni

¹¹ Nyeme nɔanie kpamaawa ni, i yo wo Levifom bo bu ti i sayoowa dɔɲguyofom n saa nu a. Ama, nzen má Levi busu nufom dɛɛ sayoowa dɔɲguyofom dɛɛ juma n

koro yoori deke n kere bo ma i ti ye ni ka bu yo i ni, ma Nyeme ayi ma i sayoowa dɔnguyofɔ bo i ti ka Melekisideki. Ma i kaaki yi i sayoowa dɔnguyofɔ bo i fite Aaron de Levifom busu n nu ba. ¹² I ti nahore wo ka, nzen Nyeme akaaki anɔ fofore fa ko i sayoowa dɔnguyofom de atin n su, wo yo daka ka i kaaki i nɔanie kpamaawa n gusu. ¹³ Kobo bu kereri Mibie n nusu jore ni, i fite anɔ barasu be nu a, nyini anɔ n nufɔ be ayo ma Nyeme sayoowa dɔnguyofɔ juma be fieo. ¹⁴ Sono kere si ka i fite Yuda de anɔ n nu wo, ama, fa ko Yuda de anɔ n nu, ya ti ma ka Moyisi kereri ka bu be ba yo Nyeme sayoowa dɔnguyofɔ.

¹⁵ Deke bo i ma ya ti jore n bu nyunyumi n tara nyini su n la ka, Nyeme ayi i sayoowa dɔnguyofɔ bo i ti ka Melekisideki ama ya. ¹⁶ Ma i nam busu de ti ye i la atin ka i yo Nyeme sayoowa dɔnguyofɔ a, se i la ngɔ bo i la ma awieeri n de ti, ye i la atin a. ¹⁷ Dama ba kere i Nyeme Jore Kadasi n nu ka, "Woro ti Nyeme sayoowa dɔnguyofɔ bo a la ma defo fieo,

kabo Melekisideki busu n nu ti n a."

¹⁸⁻¹⁹ Nyeme nɔanie maawa dawa n la ma kperere ni fanga, dama wo ma ma deke n ati ma kobo ma Nyeme koro ka i ti n a. Nyini de ti, ye Nyeme ace i ase, ye wo ma ya tama n bo i tara nyini n a. Nyini tama n de ti, ye ya koro cin dodo Nyeme n a.

²⁰ Nyini sin, na Nyeme atan ndie. Ama, sanga bo Nyeme yo yiiri Levifom n ka bu yo i sayoowa dɔnguyofom ni, wo yo atan ma ndie. ²¹ Sanga bo Nyeme yiiri Yesu ka i yo Nyeme sayoowa dɔnguyofɔ ni, i taanri ndie wo, ka, "Mini Micera Nyeme n atan ndie,

m woro ma m nɔ,

woro ti Nyeme sayoowa dɔnguyofɔ bo a la ma defo fieo a."

²² Nyeme taanri nyini ndie n de ti, nyini ma ya si ka Yesu jina sesesu fofore n sin ka i ti kpa tara dawa n a.

²³ Deke bo i ma i kaaki wo i ngumi n la ka, Levifom de Nyeme sayoowa dɔnguyofom yo wu wo, na bu nbem de bu jinaabiri, nyini de ti ye bu yo sunnu n a. ²⁴ Ama, Yesu yiri, i ti Nyeme sayoowa dɔnguyofɔ bo i wo bere sanga kere n de ti, be wo ma bere bo i koro de i jinaabiri na i yo yoowa. ²⁵ Nyini de ti ye i koro de minem tii ji fieo n a, bere bo i ma bu cin dodo Nyeme ni, dama yiri wo bere sanga kere de bu nyemesere, fa ko Nyeme do a.

²⁶ Nyini ti, Yesu ti Nyeme sayoowa dɔnguyofɔ kpian bo i koro yo deke n kere bo wo yo daka ka i yo ma ya nahore su a, yiri ti bo i ti casi na i la ma ngasi be a, i la ma satie be, i woowa wo bere i ngumi ni satieyofom, ye Nyeme awura i kpiri atara sono kere bo i wo angoro n a. ²⁷ Kobo Nyeme sayoowa dɔnguyofɔ nkpien nyingam yo ti ni, yiri ti ma so. Bere do, ale kere bo i cin, bu du mo yo yoowa ma bu nu fa ko satie bo ba yo i wo ka, na bu nya ba yo ma minem satie bo ba yo i. Ama, yiri yiri, yoowa kpekun n kpein ye i yoori i a, yiri la bo i faari i nu yoori i ni. ²⁸ Kobo Nyeme nɔanie kpamaawa n kere ni, haari ni bo minem bo bu yiiri bu ka bu yo Nyeme sayoowa dɔnguyofɔ nkpienm n akoro ayo ma deke n kere bo ma wo yo daka ka bu yo i ni, bu yiiri bu wo. Ama, nyini nɔanie kpamaawa n de sin, na Nyeme afa i tienngu дума atan ndie, na wo yi i Wa n ka i yo i sayoowa dɔnguyofɔ kpian. Yiri ti bo Nyeme ma i tiiri kobo i koro ka i ti sanga kere n a.

8

Yesu ti ya Nyeme sayoowa dɔnguyofɔ kpian n a

¹ Deke n bo m koro ka m se n kere la ka, ya la ahin Nyeme sayoowa dɔnguyofɔ kpian n bo i tana angoro, Micera Kpiri n saa fomboro su. ² I yo i Nyeme sayoowa dɔnguyofɔ kpian juma n dika n nu wo, bo i ti Nyeme sereebiri nahore su, Nyeme ni i tii taari nyini dika n a, ma adamande taari i a. ³ Nyeme sayoowa dɔnguyofɔ kpian

kere bo Nyeme yo yiiri i, i dee la ka, i de minem aceerim, ni bu yoowam na i fa ma Nyeme. Nyini dee ti ye wo yo daka ka ahin Nyeme sayoowa donguyofo kpien n gusu la yoowa be bo i yo ma Nyeme n a. ⁴ Nzen ma Yesu wo durunya n nu, ma i yo ma Nyeme sayoowa donguyofo fieo, dama minem bo Nyeme adu mo ayi bu ka bu yo sayoowa n wo bere wo, kabo Nyeme noanie kpamaawa n kere lee. ⁵ Juma n bo Nyeme sayoowa donguyofom yo i ni, i ti kabo i wo angoro n wo, ama, i ti ma kun. Moyisi dee n gusu yo ti so o, nyini ti ye sangha bo i na i bo Nyeme Sereebiri Nambue n ye Nyeme seeri i ka, "Si nu, na a yo deke n kere kabo m kereeri u buka n su ka a yo i ni." ⁶ Ama, kisa, Yesu dee Nyeme sayoowa donguyofo juma n tara nyingam dee ni. So ye sesesu fofore n bo Yesu afa aba na i yo Nyeme ni minem afien dongu n tara dawa dee n a. Dama sesesu fofore n dee ti, ye Nyeme na i fa deke n bo i ti kpa na i la ma anusu n fa ma ya n a.

⁷ Nzen ma sesesu n bo Nyeme du mo diiri i di n koro yoori deke n kere bo wo yo daka ka i yo ni, ma i kaaki fa ma sesesu fofore na i di i di kun. ⁸ Ama, na Nyeme anu i minem ni ngasi, na wo se bu ka,

"Micera n na o,
sangha suba bo m fa sesesu fofore
na m di i di ni Yisarelifom ni Yudafom.

⁹ I ti ma ka dawa dee sesesu ni,
bo m yo faari i na m diiri i di ni am nam ni,
sangha bo m yiiri bu fiteeri Ijipiti asien n su ni.

Ba yo abita ma i kabo m yo seeri bu ni,
nyini dee ti, ye m cee awo ma bu nu n a.

Kabo Micera n seeri lee.

¹⁰ Sesesu n bo m ba di i di ni Yisarelifom la ka,
fa ko fa ba,

m fa m noanie n wura bu sunsunni nu,
na bu bita i bu ahore su,

mini yo bu Nyeme a,
na bu yo m minem.

Kabo Nyeme seeri lee.

¹¹ Be wo ma bere bo i ba kere i lamoko
ka i si Micera ni.

Dama sono kere ba si m,
fa i tarakam ko tu i nfangafom kere.

¹² M si bu anunfo, na m fa bu satie bo ba yo i n fa ce bu,
na m tenge ma i su fieo."

¹³ Deke bo i ti na Nyeme yo kaanri sesesu fofore be jore ni, i bu la ka, ciciri su dee n ayo dawa. Deke kere bo i nya yoori dawa wieeri, i ce ma, i busu mini wo.

9

Ciciri su sesesu n ni sesesu fofore n dee nyemesu jore

¹ Kabo i ti n la ka, ciciri su dee sesesu n bo Nyeme diiri i di ni, yo la atin kereewa kereewam bo bu fa su Nyeme, na i kaaki la dika bo ba ta i ase durunya n nu fen na bu wo nu su Nyeme. ² Bu yo boori nambue be wo, na ba fa sanvuin ati i nu nnyo. Anu nu dee so ni, fitana takaabiri, ni teebiri, ni kpoko bo bu fa ma Nyeme n wo do, bu fere bere n ka So Casi. ³ Mo dee so ni, bu fere i ka Casi Kere Casi So. ⁴ Mikun yoowa yoobiri n bo ba mata i sika n wo do, nyini yoobiri n su ye bu kunkun tulaalee nvanvani fa ma Nyeme a. Alaka n bo ba mata i sika n gusu wo do, nyini alaka n kere kabo Nyeme faari sesesu diiri i di n a. Deke bo bu wo alaka n nu n la sika torose n bo ba fa diire n bo bu fere i ka *mana* n awura nu ni, ni Aaron kpama n bo i fiefieeri

nyawa ni, ni yabue pɛpɛrɛpɛ nnyɔm bo Nyemɛ akere i noanie maawa burum n ago su ni. ⁵ Na ba yo deke nnyɔ nbem bo bu la lan̄kpetɛ ase alaka n tii su, nyini dekem ni kere kabo Nyemɛ wo i minem dɔ barasu a, bu fere bu ka *Cerubim*, ba fa bu lan̄kpetɛm akata dika n bo Nyemɛ si i minem an̄unfɔ n su. Kisa, ya koro kere má deke n kere kun kun kabo bu ti barasu.

⁶ Kabo i ti ni, bu nya sɛsɛ nyini nɛngem kere su wieeri, nyini san̄ga, Nyemɛ sayoowa dɔnguyofɔm suwura sɔɔ n bo i wo anɔ nu n wɔ, na bu suyo bu Nyemɛ juma san̄ga kere. ⁷ Ama, Nyemɛ sayoowa dɔnguyofɔ kpien ni ngumi koro wura sɔɔ n bo i wo mɔ n nu a. Afɔ kere afɔ, i wura dɔ kpekun wɔ, nzen i ɲa i wura dɔ gusu, i bita nɛngendɔrem mbunja a, na i du mɔ yo yoowa ma i ɲu ka, na i nya yo ma minem dɛɛ satie bo ba yo i na bu si má ni. ⁸ Deke bo i ti na Awiewie Casi n fa nyini atin n sɔ ni, na i kere ya ka, san̄ga bo bu yo boori nyini nambue na bu sɛsɛ deke n kere su ni, Nyemɛ nya teke má atin na minem kere koro wura Casi Kere Casi Sɔɔ n nu. ⁹ Nyini n kere bo bu yo yoori i ni, i la bu ma ya kisa. I bu la ka, aceerim ni nɛngem kere bo bu yo fa yoori yoowa suuri Nyemɛ ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu ɲmisi bu ɲu na bu yo bu ɲu casi ngumi wɔ. Nyini n kere la i san̄ga nyaari wɔ, yiri la bo bu suyo i sɔ ɔ, haari kɔ ju san̄ga bo Nyemɛ bá yo deke n kere dɔngu.

¹¹ Ama, kisa, Kristo aba, yiri ti Nyemɛ sayoowa dɔnguyofɔ kpien n a, yiri bita atin kpa n bo bu yo seeri ka i fa ba n a. Nyemɛ Sereebiri Nambue n bo wɔ wura nu, na i suyo i Nyemɛ sayoowa dɔnguyofɔ kpien juma ni, nyini nambue n la má an̄usu durunya n nu fɛn, i ti kabo Nyemɛ koro ka i ti n wɔ, dama i ti má deke bo adamande taari i ni bu saa a, wara dekem bo Nyemɛ yiiri bu durunya n nu fɛn n be wɔ. ¹² Má naanim ni sirim dɛɛ mbunja ye i fa wuraari nambue n nu a, ama, i faari i tien̄gu mbunja a, na wɔ fa awura Casi Kere Casi Sɔɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minem bo fin yo wo bu ɲu, na bu koro cin dodo má Nyemɛ ni, bu fa sirim ni tooram mbunja ye bu fa yɔyɔkɔti gɔ bu ɲu a, na bu yara nambaa, na bu fa nzuin n gɔ bu ɲu. Nyini san̄ga, ba kpakpara bu fin ayo bu casi lɛɛ. ¹⁴ Nzen nyini yoowam bo bu yo bu n ma mine yo casi, nyini yiri, Kristo dɛɛ mbunja ni koro yo bo i tara sɔ ɔ. Awiewie Casi ni, yiri bo i wo bere san̄ga kere n dɛɛ yiko n nu ma Kristo koro faari i ɲu yoori yoowa bo i la má gela be maari Nyemɛ n a. I dɛɛ mbunja ni koro kpakpara yi satiem bo bu ma ya ka ɲgbɛɛn ya ahore su, ni ya sunsunni nu n a, nyini ma ya koro su Nyemɛ bo i wo bere san̄ga kere n a.

¹⁵ Kristo yoori sɔ n dɛɛ ti, yiri ti afien dɔnguyofɔ n bo wɔ fa sɛsɛsu fɔfɔre n aba, adena minem kere bo Nyemɛ afere bu n nya deke n bo i diiri i di ka i ma bu ni. Nyini deke n la aja n bo bu di i na i la má awieeri ni. Yiwee n bo Kristo wuuri ni, nyini de minem tii ji fa kɔ bu satie ti, na ba do Nyemɛ ngasi, ni ciciri su sɛsɛsu dɛɛ atin n su. ¹⁶ Sɛsɛsu fɔfɔre n bo Nyemɛ diiri i di ni, i ti kabo sɔnɔ toko la ngɔɔ na i kere kabo bu ba kpaaki i aja nu barasu n wɔ, má ka wɔ wu ka, ye bu koro di i aja n a. ¹⁷ San̄ga bo i toko la ngɔɔ ni, be koro di má i aja ni, má ka wɔ wu ka. ¹⁸ Nyini dɛɛ ti, ye haari kana ciciri su sɛsɛsu n bo Nyemɛ diiri i di n bá yo juma, má ka ba yi nɛngendɔrem mbunja. ¹⁹ Nyini san̄ga, Moyisi du mɔ kaanri Nyemɛ noanie maawam n kere kereeri minem n wɔ, kabo bu wo Nyemɛ noanie kpamaawa n nu n ka, na i nya fa tooram ni sirim mbunja na i san̄ga nzue nu, na i fa nyawa ni bɔɛ ndɔre kɔkɔre bo ba wu i tani, na i fa bo nu, na i fa yɔkɔti gɔ Nyemɛ noanie kpamaawa kadasi n su ka, na i nya yɔkɔti gɔ minem kere ɲu, ²⁰ na i nya se bu ka, “Ahin mbunja ni ti deke bo i kere sɛsɛsu n bo Nyemɛ adi i di ase am ka am bita i noanie n a.” ²¹ Sɔ ye Moyisi yo fa mbunja n yɔkɔti gɔ nambue n su a, ni nɛnje n kere bo bu bita yo juma ma Nyemɛ n gusu. ²² Nahɔre,

kabo Nyeme nɔaniɛ kpamaawa n kere ni, i ti ka deke kere bo bu ŋa bu yo i casi, má ka ba fa mbunja ayokoti su ka. Nyeme fa má bu ŋgasi ce má bu, má ka ba yi deke mbunja.

Kabo Yesu faari i ŋu yoori yoowa na i deeri mine dɔŋgu fiteeri bu satie nu ni

²³ Nyini dɛɛ ti, Nyeme Sereebiri Nambue ni, ni dekem n kere bo bu wo nu ni na bu ferema ni angoro dɛɛm ni, wɔ yo daka ka bu fa nenɔndɔre mbunja yo bu casi. Ama, nenɔngem n bo bu wo angoro n yiri, wɔ yo daka ka bu fa deke bo i mbunja tara nenɔngendɔrem dɛɛ fa yo bu casi a. ²⁴ Kristo awura má dika casi n bo i ferema ni angoro dɛɛ n nu a, bo minem taari i ni, ama, i wuraari angoro dɛɛ n ni i tii nu a, ye kisa, wɔ de ya jinaabiri Nyeme dɔ. ²⁵ Afɔ kere afɔ Nyeme sayoowa dɔŋguyofom kpien ni yo wura Casi Kere Casi Sɔɔ n nu wɔ, na i fa nenɔndɔre mbunja n yo yoowa. Ama, Kristo yiri awura má angoro dɛɛ dika n nu ka i sufa i ŋu yo yoowa sanɔa kere sanɔa. ²⁶ Nzen má i ŋa i sufa i ŋu yo yoowa sanɔa kere sanɔa, má i sudi wahara a sanɔa kere, fite kabo Nyeme yiiri durunya n ba ju ni nyuma. Ama, kabo i ti n la ka, ahin sanɔa n bo deke n kere aba awieeri su ni, na wɔ ba kpekun n kpein, afa i ŋu ayo yoowa, adena Nyeme fa adamande satie ce i. ²⁷ Nyeme akpama i ka adamande kere wu kpekun wɔ, nyini sin, na Nyeme dí i jɔre. ²⁸ Kabo Kristo gusu yoori lɛɛ. Kpekun n kpein ye i faari i ŋu yoori yoowa, adena i de mine dɔŋgu satie bo ba yo i ni. Nyini sin, i káaki ba bekun. Má mine satie bo ba yo i n dɛɛ ti ye i bá, ama, i bá de minem bo bu nie i atin nu n tii ji wɔ.

10

Kabo Yesu yoori yoowa kpekun n kpein ni

¹ Nyeme nɔaniɛ kpamaawa ni, i ferema ni deke kpa n bo Nyeme ŋa i fá ba n wɔ, ama, má yiri lɛɛ. Nyini ti, yoowa n bo bu yo bu sanɔa kere akoro ama má bere bo bu cin dodo Nyeme ni, ati má kabo má i koro ka bu ti ni. ² Nzen má nyini yoowam n kere koro yiiri minem n bo bu su Nyeme n fiteeri bu satiem nu, má bu sunsunni ma má bu cɛɛn be ka ba yo satie, má bu yaki nyini yoowam wɔ. ³ Ama, kabo i ti n la ka, nyini yoowa n bo bu yo i afɔ kere afɔ n tenɔge bu su fa kɔ bu satiem bo ba yo bu n su wɔ. ⁴ Dama tooram ni sirim mbunja koro yi má satie bo i wo adamande ahore su ni, cɛɛn be.

⁵ Nyini dɛɛ ti, sanɔa bo Yesu koro ka i ba durunya n nu fen ni, na wɔ se Nyeme ka, “A koro má ka mine fa aceerim
ni nenɔndɔrem n yo yoowa ma u,
ama, adamande ŋuniɛmbaa ye a fa ama m
ka m fa yo yoowa n a.

⁶ U nyunu ayi má yoowam
bo bu yo bu na bu kpie nenɔndɔrem kɔm,
na bu yara bu sayoowa yoobiri n su ni,
ni yoowam n bo bu yo satie na bu yo bu ni.”

⁷ Na wɔ kaaki ase Nyeme ka,
“Mini yaa, ma ba ka m ba yo u koroowa n wɔ,
kabo ba kere m ŋusu jɔre u nɔaniɛ kpamaawa n dɛɛ kadasi n nu ni.”

⁸ I du mɔ seeri Nyeme ka, “A koro má ka mine fa aceerim ni nenɔndɔrem n fa yo yoowa ma u, u nyunu ayi má yoowam bo bu yo na bu kpie nenɔndɔrem kɔm, na bu yara bu sayoowa yoobiri n su ni, ni yoowam n bo bu yo satie na bu yo bu ni.” I seeri sɔɔ, haari ni bo Nyeme nɔaniɛ kpamaawa n kere sɔɔ ni. ⁹ Na wɔ se Nyeme ka, “Mini yaa, ma ba ka m ba yo u koroowa n wɔ.” Nyini la ka, Nyeme akun ciciri su dɛɛ yoowam kere nɔɔ lɛɛ, ye wɔ fa fɔfɔre aba. ¹⁰ Nyeme koroowa n lɛɛ ye i yoori n a.

Kpekun n kpein ye i faari i nju yoori yoowa. Nyini ti ye wɔ kpakpara ya kere fin ayo ya casi n a.

¹¹ Yudafoɔm Nyeme sayoowa donɔguyofɔ kere yo i Nyeme juma ceen n kere wɔ, na i suyo nyini yoowa kun n sanɔa kere. Haari ni nyini yoowam n kere, bu be koro yi ma minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wɔ, bo i yo juma sanɔa kere, fa ko mine satie bo bu yo i su. Na wɔ nya ako atana angoro Nyeme saa fomboro su. ¹³ Fite nyini sanɔa ni, i nminda kabo Nyeme ba ma i kunma i kporɔfoɔm na i nana bu kere nju. ¹⁴ Nyini yoowa kun n dee ti, wɔ kpakpara minem fin kere na wɔ ma ba ti kabo Nyeme koro ka bu ti ni, sanɔa kere.

¹⁵ Awiewie Casi n gusu kaanri i so kereeri ya. Wɔ du mo ase ka,

¹⁶ “Micera na, sesesu n bo m ni bere adi i di

fa ko sanɔa bo i suba n la ka,

m fa m noanie kpamaawa n wura bu sunsunni nu,

na m kere i go bu ahore su.”

¹⁷ Na wɔ kaaki ase ka,

“M tenge ma bu satiem bo ba yo bu n su,

kabo bu keteeri na ba su ma m noanie kpamaawa n su kun.”

¹⁸ To, Nyeme afa satie bo minem ayo i ace bu, nyini la ka, yoowa be wo ma bere bo be yo i fa ko satie su kun.

Am ma ya cin dodo Nyeme

¹⁹ M ninbaam, Yesu dee mbunja n ti ye ya la ahoresi kere ka ya koro cin dodo Nyeme a, na ya koro wura Casi Kere Casi Soɔ n nu a. ²⁰ Yesu ateke atin fofore bo i ma ngoo nahore su ama ya. Kabo i faari i nju yoori yoowa ni, i ti ka wɔ teke atin ama ya na ya koro sin tani bambaka n bo bu fa kanda n nju, na ya wura Casi Kere Casi Soɔ n nu. ²¹ To, kisa na ya la Nyeme sayoowa donɔguyofɔ bambaka bo i nie yere n bo ya ti Nyeme minem n su ni. ²² Nyini dee ti, am ma ya cin dodo Nyeme ni ya ahorembaa kun, na ma ya yo sika be. Yesu mbunja n akpakpara ayi satie kere bo i wo ya ahore su a, na ma ya sunsunni nu suma ya sanɔa kere ka ya yo satie. Nyeme nzue n gusu bo ba fa abie ya ni ama ya nunie ayo casi a. ²³ Tama n bo ya na ya la i ni, am ma ya bita i ni ya saa nnyo, ma am ma ya fa sika wura nu, dama ya si ka Nyeme yo deke n bo wɔ fa sesesu adi i di ka i yo i ni. ²⁴ Am ma ya sutu ya bengum fo, na ya buka ya bengum, na koro wo ya afien na ya yo sakpa. ²⁵ Kabo i ti ye ni ka ya sutien ya noo na ya su Nyeme sanɔa kere ni, ma am ma ya yaki i kabo nbem suyo barasu ni, ama, am ma ya sutu ya bengum fo na bu nya ahoresi buka su, dama ya kere nju ka Micera n dee ceen n adodo lee.

²⁶ To, kisa na ya si kereewa n bo i ti nahore ni, na nzen ya toko kete i yo satie ni, yoowa be wo ma bere bo ya yo i na Nyeme fa ya satie ce ya kun, ²⁷ ma ka ya nminda ni sere fa ko ceen n bo i suba na Nyeme ba di minem jore, na i fa bo ba kete i noanie n wura sin n bo i ti kekere agaya n nu, na bu ka ngbeen ni. ²⁸ Nyeme noanie kpamaawa n bo i yo fa maari Moyisi ni, nzen sono be keteeri na i yoori satie, na mine nnyo wara nsan diiri daani ka i ti so, nkpienkpienm si ma i mi anunfo, bu kun i wo. ²⁹ Ye nzen i nya ti so, sono kere bo i buuri Nyeme Wa ni ngbeen na i sunsun ka Yesu mbunja n bo i yo ya casi n ti ngbeen, na i joo wura Awiewie Casi n bo i si ya anunfo ni ngasi nu, suicin barasu bono ye am sunsun ka Nyeme fa cin i a? ³⁰ Dama ya si ka Micera n ase ka, “Mini cin bu sui a. Mini to bu kaari a,” na wɔ kaaki ase ka, “Mini di m minem jore a.” ³¹ Woro kere bo a to Nyeme saa nu, yiri bo i wo bere sanɔa kere ni, i la sere agaya.

³² Am tenge su, na am nie sanɔa bo am du mo nyaari anyunuteke fa ko labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. ³³ Sanɔa be bu yo kpie am nzuko, na bu kere am wuwuruwa jama nu. Na

san̄ga be gusu na am asan̄ga adi wahara ni am bengum bo bu kere bu wuwuruwa ni. ³⁴ I ti nahore wo ka, am asi dansarakam an̄unfo. Bekun, haari nzen mine finri am nengem kere bo am la i ni, am ahore ti joōwa a, dama am si ka am la deke bo i tara nyinim bo ba de am do ni, nyini deke n yiri wo bere wo san̄ga kere. ³⁵ Nyini dee ti, ma am ma am n̄un̄ie yorōki am, dama ahoresi n bo am la i ni, nyini ma am nya aceeri bambaka Nyeme do a. ³⁶ Kisa, wo yo daka ka am la mindi, adena am yo Nyeme koroowa, na am nya deke n bo Nyeme afa sesesu adi i di ka i ma am ni. ³⁷ Dama ba kere i Nyeme Jore Kadasi n nu ka,

“Wo ka kaan, i ce ma,
yiri n bo i suba ni, i ba.

³⁸ M sono bo i yo sa bo i ko atin su m do,
i nya ngoo, i yarada n dee ti,
ama, sono kere bo i kaakiiri i sin boori m,
m ahore jo ma i mi nu.”

³⁹ Yere yiri, ya ti ma minem bo bu kaaki bu sin, na bu ka ngbeen ni, ama, ya ti minem bo ya yo Nyeme yarada na ya nya tiide wo.

11

Yaradayo jore

¹ Nzen ya yo Nyeme yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa nu ma i n wo bere nahore su. ² Dawafom yoori Nyeme yarada n dee ti, ye i se ka i nyunu ayi bu sayoowa n a.

³ Ya yo Nyeme yarada n dee ti, ye ya koro fa si ka Nyeme yo joōori nōanie wo, ye i fa yiiri durunya n a. Nyini ma ya si ka, dekem bo ya nyumbaa koro nu bu ni, Nyeme afa deke bo ya koro nu ma i ayi bu n a.

⁴ Abeli yo yoori Nyeme yarada n dee ti, ye i koro yoori yoowa bo i ti kpa tara i goro Keen dee n bo i yo maari Nyeme n a. I yarada n dee ti, ye Nyeme nyunu yiiri i aceeri n ye i seeri ka i ti sono bo i yo sa bo i ko atin su i do n a. Abeli ti sono bo wo wu wo, ama, haari ni kisa, i yarada sayoowa toko yo juma ya do.

⁵ Henoki yo yoori Nyeme yarada n dee ti, wo wu ma, na Nyeme afa i ako i bi angoro, nyini ti ye be anu ma i n a, dama Nyeme afa i ako i bi. Ba kere i Nyeme Jore Kadasi n nu ka, san̄ga bo Nyeme nya fa ma i ko ma i bi angoro ni, Nyeme nyunu yiiri i sayoowa a. ⁶ Nzen sono ayo ma Nyeme yarada, i mi koro yo ma sa bo i yi Nyeme nyi, dama sono kere bo i ba Nyeme do, wo yo daka ka i mi yo yarada ka Nyeme wo bere, na i to mine n bo bu nienie i busu ni nkatoo nahore su.

⁷ Nowa yo yoori Nyeme yarada n dee ti, ye i yo deeri kabo Nyeme boboori i fa ko sam bo bu ba yo n su n a. I deeri Nyeme nōanie n kpaari lee bambaka n ye i ni i dikafom wuraari nu ye ba wu ma n a. I yoori so n dee ti, nyini kere ka minem bo bu kaari durunya n nu n ti satieyofom a, ama, Nowa yiri, i yarada n dee ti, Nyeme ade i ka i yo sa bo i ko atin su i do o.

⁸ Abraham yo yoori Nyeme yarada n dee ti, san̄ga bo Nyeme fereeri i, na i seeri i ka i ko asien be bo i seeri ka i fa ma i n su ni, haari ni bo i si ma deke bo i sukoo ni, yarada n dee ti, ye i yo deeri Nyeme nōanie n ye i fiteeri i nam asien su koori nyini asien n su a. ⁹ Yarada n dee ti, ye i ko juuri asien n bo Nyeme ase ka i fa ma i n su n a, do ye i tanaari ka i ti wofoo n a. I ni i wa Izaki, ni i anuma Jakobu yo boori nambue woori do san̄ga be su wo. Haari ni bo bere yo ti minem bo bu nyaari deke n bo Nyeme ase ka i fa ma bu n a. ¹⁰ Abraham boroori i nyi nienieeri mie kpiri n bo Nyeme ni i tii ata i na i la ma awieeri n a.

¹¹ Abraham yi Saara mmoo yo yoori Nyeme yarada n dee ti, haari ni bo wo yo buke na i ti noroka ni, yarada n dee ti, ye i koro wuuri baa n a. I yo yarada ka Nyeme yo

deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufɔm asunnu ka asarambaam bo bu wo aɗgoro n a, ni kabo kunma ŋmie sunnu na i la má nɔ n a.

¹³ Nyini minem kere yoori Nyeme yarada a, haari bu ba wuuri. Ba nya má deke n bo Nyeme seeri ka i yó ma bu, bu ŋɔɔ su ni. Ama, yarada dɛɛ n ti, bu ŋuuri deke n ka i wo dede wɔ, na ba de i ni ahorejɔ, na ba soro su ase ka bu ti wɔfɔm wɔ, wara nanatiirifɔm wɔ, durunya n nu fen. ¹⁴ Nyini minem kere bo bu seeri sɔ ni, i kere ka, bu boro bu nyi nienie bu tienɗu asien busu wɔ. ¹⁵ Nzen má bu faari bu ahorembaa seeri asien n bo ba yo ayaki i n su ni anyumboro, má bu koro nya atin bo bu kaaki kɔ nyini asien n su bekun. ¹⁶ Ama, bu yo koori asien be bo i tara bo bu yo yakiiri i n wɔ, yiri la Nyeme dɛɛ woobiri n bo i wo aɗgoro ni, nyini dɛɛ ti, ye i ti má nyinse Nyeme dɔ ka bu fereeri i ka bu Nyeme n a, dama yiri ye wɔ sɛsɛ mie kpiri be su ase bu a.

¹⁷ Abraham yo yoori Nyeme yarada n dɛɛ ti, ye i yo faari i wa Izaki ka i fa yo yoowa, saɗga bo Nyeme yo koori ka i yo i na i nie n a. Yiri bo Nyeme yo seeri i ka i yó sakpa ma i ni, i soroori su wɔ, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, “Izaki dɛɛ ti, ye a nyá busu nufɔm a.” ¹⁹ Abraham siiri ka Nyeme koro tenge Izaki fite yiwee nu. Nahɔre, i yarada n dɛɛ ti, na Nyeme atenge Izaki yiwee nu, dama Abraham dɔ, Izaki ti ka sɔnɔ bo wɔ wu ye wɔ tenge a.

²⁰ Izaki yoori Nyeme yarada n dɛɛ ti, ye i yo seeri i nbaa nnyɔm ni Jakɔbu ni Esawu ka, fa kɔ fa ba, Nyeme yo bu kisi n a. ²¹ Jakɔbu yoori Nyeme yarada n dɛɛ ti, saɗga bo i ba sudodo ka i wu ni, na wɔ sere Nyeme ayo Yosefu nbaam nnyɔ ni kisi, na wɔ mie i kpama su ayasu asu Nyeme.

²² Yosefu yoori Nyeme yarada n dɛɛ ti, saɗga bo i ba suwu ni, ye i jɔjɔori ka, Yisarelifɔm bá fite Ijipiti asien n su n a, na wɔ kere kabo bu yo i fuin n barasu.

²³ Moyisi si, ni i ni yo yoori Nyeme yarada n dɛɛ ti, bu wuuri i ni, ba soro má nɔanie n bo Ijipitifɔm fɛme n fa maari ni, na ba fa i afie sara nsan, dama bu ŋuuri ka i yo nyumi agaya. ²⁴ Moyisi yo yoori Nyeme yarada n dɛɛ ti, ye saɗga bo i ba biiri biesɔ, i keteeri ka má bu fere i ka fɛme wa baabara n dɛɛ wa n a. ²⁵ I koori kabo i ni Nyeme minem saɗga di wahara n tara bo i di fiefie n bo i ce má na i do Nyeme ŋgasi ni. ²⁶ Yiri dɔ, nzen bu kpieeri i nzuko kabo bu kpie Kristo Tiidefo n ni, nyini la kperɛ tara deke kere bo má i nya i Ijipiti asien n su ni, dama i nyunu yo boroori aceeri n bo i bá nya i Nyeme dɔ ni su a. ²⁷ I yoori Nyeme yarada n dɛɛ ti, ye i fiteeri Ijipiti asien n su n a, haari ni bo fɛme n faari yaa i ŋu ni, wɔ soro má sere. I ti ka i nie ŋuuri Nyeme wɔ, yiri bo be koro ŋu má i ni, nyini dɛɛ ti ye i koro mindi jinaari ni nahɔre su n a. ²⁸ I yoori Nyeme yarada n dɛɛ ti, ye i yo kpamaari Butara cɛenkpiri n a, na wɔ kaaki ase Yisarelifɔm ka, bu kun nbɔmbaam, na bu fa mbunja bɔrɔki bu sɔɔ anɔm su, adena Nyeme mereke n bo i kun n ba baari, na má i kun Yisarelifɔm nbaabiesɔ nkpienm n a.

²⁹ Yisarelifɔm yo yoori Nyeme yarada n dɛɛ ti, ye saɗga bo bu ŋa bu kpie kunma kpiri n bo bu fere i ka Kunma Kɔkɔre ni, ye i tiiri nu nnyɔ na atin ada afien, na ba nati asien wuruuwa su asin n a. Ama, saɗga bo Ijipitifɔm koori ka bu kpie ni, nzue n diiri bu kere wɔ.

³⁰ Yisarelifɔm yo yoori Nyeme yarada n dɛɛ ti, saɗga bo bu bara yeeri Yeriko mie kpiri n leso ni, na kobe n bo ba ta abara aye mie n kere atɔ. ³¹ Bara sakara n bo bu fere i ka Rahabu yo yoori Nyeme yarada n dɛɛ ti, saɗga bo Yisarelifɔm kuunri i minem bo bu keteeri na ba de má Nyeme nɔanie n ni, ba kun má i, dama yiri yo deerri Yisarelifɔm kɔresiyifɔm wɔfo faari bu fieeri a.

³² Tɔ kisa, m si má kabo m se kun, m la má saɗga bo m kan fa kɔ Gedeyɔn, ni Balaki, ni Samson, ni Yefeta, ni Fɛme Davidi, ni Samuweli, ni Nyeme nɔanie kanfɔm n jɔre

n su. ³³ Bu yoori Nyeme yarada n deɛ ti, bu nbem kunmaari bu kpɔfo nfanɔafom lue nu wo, na nbem ayo sa bo bu ko atin su, na nbem anya deke n bo Nyeme seeri ka i yo ma bu ni, na nbem gusu akata jaram noo bo ba koro ayo ma pui. ³⁴ Na ba fa nbem awura sin bambaka nu ka bu yara bu, ama, na sin n ano, wo koro ayo ma bu pui. Na ba koro ka bu kpie nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fanɔga a, na ba tu lue ni asien nbem su sojam, na ba kunma bu. ³⁵ Nbara nbem yo yoori Nyeme yarada n deɛ ti, na Nyeme atenge bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki ma bu noo na bu yaki bu nu ji, dama bu si ka bu ba tenge bu yiwee nu, na bu nya ngoo bo i la ma anusu. ³⁶ Na ba yo bu nbem anzasi afin bu ngbere, na ba cici bu nbem joroko, na ba fa bu awura dansaraka nu. ³⁷ Na ba tu nbem yabue abo akun bu, na ba kpie ati nbem nu nnyo, na ba fa takobe akun bu, na yaari ati nbem na bu sufa nbem ni sirim numa sufa yo bu suturam kata bu nu, na minem akere bu wahara ayo bu ngbennngbeen kere. ³⁸ Bu ti mine kpam bo bu woowa tara durunya n nufom woowa, bu wo ma woobiri kun, bu nati yerengi boro kpantain n nu wo, ni bukam su, na bu suwura yabue buem, ni asienku kunma n nu suda.

³⁹ Nyeme nyunu yo yiiri nyini minem kere sayoowa, bu yarada n deɛ ti, ama, ba nya ma deke n bo Nyeme seeri ka i yo ma bu ni. ⁴⁰ Dama Nyeme koro ka i ma yere deke kpa nahore su, kana deke n bo i koro ka i yo n yo yiiwa, ma ka ya ni bere abo kun na i ma ya kere ti kabo i koro ka ya ti ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su ma Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya mofa a, na i ma ya yo Nyeme yarada kabo wo yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cee awo ma nu, dama i nie nuuri fiefie n bo i ba di i ni, nyini ti, ye kisa, i tana Nyeme saa fomboro su i femeya n nu n a.

³ Am nie kabo i yo diiri wahara satieyofom saa nu, na ba koro ma i jore, na i laari mindi barasu a. Am su i su, adena ma am nunie yoroki am. ⁴ Kabo satieyofom kere am wuwuruwa na am mindi ni, am nya mindi ju ma juubiri bo bu yi am ngoo. ⁵ Kabo am ti Nyeme nbaam na wo tu am fo asi am ahore ni, ma am ma am wara afi nyini ni, bo i na,

“M wa, nzen Nyeme tu u fo, ma a kete,

nzen i cin u sui gusu a, ma a ma u nunie yoroki u.

⁶ Dama minem bo i koro bu n ye i tu bu fo a,

na minem kere bo wo fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wo lee, dama baa be wo ma bere bo i si cin ma i sui. ⁸ Nzen Nyeme acin ma am sui kabo i cin bo bu ti i nbaam kere sui ni, nyini la ka, am ti ma i nbaam nahore su, am ti ka soma nbaam wo lee. ⁹ Ya sim bo bu wuuri ya ni, bu ba yo, bu cin ya sui wo, na ya ma bu jirima. Nzen i nya ti so yiri, wo yo daka ya de ya Si Nyeme noanie tara bu deɛ, adena ya nya ngoo. ¹⁰ Sangga bo ya yo ti nbaatumam ni, ya sim yo cin ya sui sangga kaan wo, kabo i ti ye ni ka bu yo ni, ama, Nyeme yiri cin ya sui, i yo i ni kpa deɛ ti wo, i koro ka ya nya i deɛ woowa n be wo. ¹¹ Sangga kere bo bu cin ya sui ni, i ti ka ya ahore ti saakiiwa a, i yo ma ya fie, ama, nyini n kere

sin, minem kere bo Nyeme cin bu sui na bu si ka ba yo sa bo i ko ma atin su, bu nya ahoreda na bu wo wo kpa.

¹² Nyini ti, ma am ma am njunie yoroki am, ama, am ma am kpekpeye yo kenken.

¹³ Am susu Nyeme atin n su, na am nya fanga, adena ma am gbaraki buka su.

Fotu kabo wo yo daka ka ma ya kete Nyeme noanie n ni

¹⁴ Am kere boro am nyi na am tana laifie ni sono kere, na am wo wo bo i ti casi, dama woro kere bo a ti ma casi, a nu ma Nyeme. ¹⁵ Am si am nu sa, na ma be fun Nyeme ahroma ni. Am kaaki si am nu sa, na ma be fa sunsunni tie be ba saaki mine dogu na bu kaaki bu sin bo Nyeme. ¹⁶ Am si am nu sa, na ma be sukpini nbaram, na ma be gusu yo i nu ngbeen na i cee wo ma Nyeme su nu, ka Esawu, bo diire dee ti na i tiori i tiengu baawu kpian jinaabiri maari i niema ni. ¹⁷ I tiori i baawu kpian jinaabiri n dee sin, sangha bo i seeri i si ka, i yo nyini kisi go i nu ni, na i si akete, haari ni bo i sun ni nyunvun ni, wo koro akaaki ma deke n bo wo yo i n kun.

¹⁸ Juubiri n bo am aba aju ni, i ti ma deke bo am koro nu i, i ti ma ka buka n bo Yisarelifom yo ko juuri su na bu fere i ka Sinayi ni. Bu ko juuri su ni, na ba nu ka i suje sin fofoe, na awosin awura dika n nu, na wo kata liim, na anuma akpisi dika ni. ¹⁹ Na ba ti awie nga ka i fita ni fanga su, na ba ti akonvi nga ka i sujoko fanga su. Bu tiiri akonvi ni nga so ni, na bu seeri ni anyumboro ka bu koro ma ka bu ti nyini jokowa n kun. ²⁰ Dama ba koro ade ma noanie n bo Nyeme fa maari bu ni, i na, haari nzen nengendore be faari i nu kaanri buka ni, bu tu i yabue bo kun i. ²¹ Dekem bo bu nuuri bu buka n su n laari sere agaya n dee ti, na Moyisi mmoo ase ka, "Sere ati m agaya, na m njunie subobo m."

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere sangha kere n dee mie kpiri ni, yiri la mie kpiri n bo bu fere i ka Yerusalem na i wo angoro ni, do ye Nyeme mereke akpiim atien bu noo ni ahorejo n a. ²³ Am aba jama n bo bu ti ka Nyeme nbaakpienm, na ba kere bu duma Nyeme dika n nu ni do a. Am aba Nyeme do, yiri bo i di sono kere jore ni. Am aba dawafom woobiri ni, bere bo bu yoori sa bo i ko atin su Nyeme do na wo ma ba ti kabo i koro ka bu ti n wo. ²⁴ Am aba Yesu do o, yiri ti afien doguyofa a, yiri ye wo fa sesesu fofore n aba. I mbunja n bo wo fite ago ni, ayo ya casi a, i la kperere tara Abeli dee.

²⁵ Am si am nu sa, Nyeme sujoko am do, ma am kete i, dama sangha bo i yo jokori Yisarelifom do durunya n nu fen na bu keteeri ni, wo yaki ma bu. Nyini ti, nzen i wo angoro sujoko ya do, na ya keteeri, ya yo se koro fite nu a? ²⁶ Nyini sangha, i konvi ngumi mmoo ma asien kpisi wo. Ama, kisa, wo se ka, "M kpisi asien n ni angoro n kere kpekun buka su." ²⁷ Kabo i seeri ka i kpisi i kpekun buka su n kere ka, deke n kere bo wo yi bu ni, i ba kpisi yi bu, adena dekem bo be koro kpisi ma bu n ba ka. ²⁸ Nyini ti, kabo Nyeme ama ya atin ka ya ni yiri sangha di i femeya n bo be koro kpisi ma i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wo yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti ma kpa n wo.

13

Kabo ya yo na i sun Nyeme nu ni

¹ To, kabo Kristo dee ti na am ayo ka nibaa kun ni, am sukoro am benggu. ² Am tenge su na am sude wofom. Nbem yo yoori so o haari na ba de merkem wofa, ama, ba si ma ka bu ti merkem. ³ Ma am ma am wara fi minem bo bu wo dansaraka nu n sa, am fa i ka am ni bere ye ba sangha anyi am a. Na ma am ma am wara fi minem bo bu sudi wahara n gusu sa, am fa i ka amberere sudi wahara n a.

⁴ Am ma jirima wo am ajaam nu, na bieso n ni bara n kere bita bu nu, na ma be yo ngbeenngbeen, dama Nyeme ba di minem kere jore bo bu kpini nbaram, ni bo bu ko somaya ngbeenngbeen n kere. ⁵ Ma am ma am nyunu boro nwaa koro su agaya, ama, am ma am nyunu yi deke n bo am la i ni, dama Nyeme ase ka, “M yaki ma am ngbeen, m kaaki fa ma am ji ma.” ⁶ Nyini ti, am ma ya fa ahoresi, na ya se ka, “Miera ni ti m bukafo,
m soro ma sere.

Adamande koro yo m nzu wo?”

⁷ Am nie am mofom bo bu kan Nyeme jore n kereeri am ni. Am nie kabo bu woori wo kpa barasu, na am son bu yarada bo bu yoori i n su. ⁸ Yesu Kristo kaaki ma, kabo i yo ti ni, i toko ti so o, na i ti so o sangha kere. ⁹ Ma am su kereewa fofore barasu nbem su, na bu ma am mini atin kpa ni. I ti ye ni ka ya de Nyeme dee ahorma n bo i ma ya ahoresi ni, na ma ya de atin bo bu ciirem kere fa ko diire diiwam su, bo bu su nyini ciirem su ni, i buka ma bu. ¹⁰ Sa bo Yesu ayo ama ya n dee ti, ya fa i ka ya la Nyeme sayoowa yoobiri n dee diire bo Yudafo Nyeme sayoowa donguyofom bo bu yo juma Nyeme Sereebiri Nambue n nu n la ma atin na bu di be. ¹¹ Afo kere afo, Nyeme sayoowa donguyofom kpien n fa nengendorem mbunja a, na i fa wura Casi Kere Casi So n nu. Na i fa yo yoowa ma Nyeme, fa ko minem satie bo ba yo i n su, na i ma bu nya fa nie n kere fite mie n aheme, na bu yara i sin. ¹² Nyini dee ti, ye Yesu gusu wuuri mie n aheme n a, adena i koro fa i mbunja n yo minem casi. ¹³ Sa n bo wo yo ama ya n dee ti, am ma ya ko i do mie n aheme, na ya su i atin su, na ya ni yiri kere sangha di nyinse n bo i diiri n be. ¹⁴ Dama durunya n nu fen, ya la ma mie be bo ya suwo nu sangha kere, ama, ya boro ya nyi sunienie mie kpiri n bo i ba n wo. ¹⁵ Nyini ti, buka n bo Yesu ayo ama ya n dee ti, am ma ya fa kansi fa ma Nyeme sangha kere. Ya saraka yoowa n bo ya fa ma Nyeme n la ka, ya teke ya noo, na ya kan kere minem ka Yesu ti Mibie n a. ¹⁶ Ma am yaki kpayo, am buka am bengum sangha kere, dama nyini saraka yoowam so, ye Nyeme koro a.

¹⁷ Am de am mofom noanie, na am su atin n bo bu fa kere am su, dama bere sukpie daafiri am busu n dee ti, ye Nyeme ba bisa bu kabo bu yoori bu juma n barasu n a. Nzen am deeru bu noanie, bu yo bu juma ni ahoreda a, ama, nzen am ade ma bu noanie, nyini ma bu yo bu juma ni ahoresaaki a, na nyini so gusu buka ma am.

¹⁸ Am susere Nyeme ma ya sangha kere. Yere do, i ti nahore wo ka ya yo sa bo i ko atin su wo, na ya sunsunni nu ma ya ka ya yo sa bo i ko atin su wo sangha kere. ¹⁹ M sere am wo, am boro am nyi sere Nyeme ma m, na i buka m, adena i ce ma, na m kaaki ba am do bekun.

Awieeri su dee nyemesere ni

²⁰ Nyeme ahoredafo n atenge ya Mibie Yesu Kristo i yiwee n nu. Nyeme faari Yesu mbunja n faari sesesu diiri i di n ti ye Yesu yoori ya sasafom kpiri n a. Nyini sesesu n la ma awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jo ya nu. Yesu Kristo dee ti, ye i yo nyini n kere a. Yiri ti ye ni ka ya kansi i sangha kere sangha. Ami.

²² M ninbaam, m sere am wo, am yo sawore, na am so am sui, na am de ahin jore n bo i wo ahin kadasi n nu, na m sufa tu am fo ni. Dama jore n bo m sukere ma am n sunnu ma. ²³ M koro ka am si ka, ya niwa Timoti wo ma dansaraka nu kun, ba ya i, nzen i ba tuuri m nde, na m ba suba, m ni yiri kere ba nie am busu.

²⁴ Am bisa am mofom kere ni Nyeme minem kere dongu ma ya. Ya ninbaa yarada-yofom bo bu wo Itali asien n su n kere bisa am dongu.

²⁵ Nyeme buka am kere.

Kadasi n bo YAKOBO akere i ni

¹ Mini Yakobo bo m ti Nyeme ni ya Mibie Yesu Kristo dee akoo ni, m bisa Kristo jamam n kere danggu, bere bo ba sandi abara aye durunya n kere nu ni.

Yaradayo ni alecira jore

² M ninbaam, nzen gberegbere be tu am, am ma am ahore jo. ³ Dama am si ka am yarada bo am ayo Nyeme n dee ti, ye nyini gberegbere n tu am a, na am mindi nuuri i awieeri, am koro mindi nu gberegberem bo bu tara nyini n mmoo awieeri. ⁴ Am ma am mindi n sun am nu, adena am woowa kere ti kabo Nyeme koro ka i ti ni na ma pui kpie am su.

⁵ Ama, nzen alecira akpie am nu be su, i ti ye ni ka i mi sere i Nyeme do, yiri bo i ce sono kere aceeri ni i kunnu kun ni, na i wura ma be nyinse ka i mi asere i n dee ti. Nyini ti, nzen be sere Nyeme, yiri ma i mi alecira n a. ⁶ Ama, nzen be sere Nyeme, i ti ye ni ka i mi yo yarada ka deke bo i sere i ni, Nyeme ma i wo, na ma i mi yo sika, dama sono kere bo i yo sika, i ti ka nzue bo anuma bo i ko i sin ba i nyunu wo. ⁷⁻⁸ Nyini sono n bo i yo sika so ni, i sunsunni ti nnyo nnyo o, fa ko Nyeme do, i si ma i jinaabiri. Ma i mi n sunsun ka i nya pui fite Mibie n do.

Fotu fa ko Kristo jama n yaarifom ni nengefom do

⁹ To, ya niwa bo i ti yaarifom, na Nyeme awura i kpiri, i ti ye ni ka i mi ma i ahore da. ¹⁰ Na ya niwa bo i ti nengefom gusu, na Nyeme ayo i kaan, i ti ye ni ka i mi ma i ahore da. Dama i ce ma na i ni i nenge n kere ba wo ma bere, kabo wura pum ce ma, na i ni i nyumi n kere kponkpon barasu ni. ¹¹ I ti so o, kabo wie ba bi, na i kekere n bo kponkpon wura pum na i wu, na i nyumi wie ni. Kabo nengefom n gusu ni i nenge n ti lee. Sanga bo i nyunu aba aboro i juma su ni, i ni i nenge n kere ba wo ma bere kun.

Fotu fa ko sanga bo am wo gberegbere nu ni

¹² Terefie wo sono kere bo gberegbere tu i, na i mi saaki ma i noo n do. Nyini sono n koro mindi nuuri nyini gberegbere n awieeri, i nya ngoo Nyeme do, nyini la aceeri n bo i yo seeri ka i fa ma bere bo bu koro i ni. ¹³ Nzen gberegbere n so n atu be na i ma i wura satie nu, ma i mi se ka, "Nyeme ayo m ye m wura satie nu a." Dama pui koro yo ma Nyeme na i wura satie nu, na i gusu yo ma be na i mi wura satie nu. ¹⁴ Ama, deke bo i ma sono wura satie nu n la i mi ni i tii dee konvikiya a, nyini ma i cin dodo satieyo a, ¹⁵ na nyini konvikiya n nya cin i wura satie nu na i mi yo satie be, na nyini satieyo n nya ba bi wieeri, i fa yiwee ba a.

¹⁶ M ninbaa koroowam, ma am daka am nu. ¹⁷ Aceeri kere bo i ti kpa na i ti kabo Nyeme koro ka i ti ni, i kere fite angoro ya Si Nyeme do o, yiri yiiri deke n kere bo i ta angoro n a. I wo ti i wo wo, na i ma ma awosin yo ma na i kaaki deke be. ¹⁸ I dee koroyanu, na wo fa i nkanie n bo i ti nahore n ama ya, ye ya yo i nbaam. I yoori so o, adena ya yo deke n kere bo wo yi bu n tii.

Am de Nyeme nkanie n na am yo kabo i kere ni

¹⁹ M ninbaa koroowam, i ti ye ni ka am ti ahin sereya n bu, ka, sono kere so i sui ndende na i ti, ma i mi koro nde joo, ma i kaaki fa yaa ndende. ²⁰ Dama yaa kere ma sono na i yo sa bo i ko atin su Nyeme do. ²¹ Nyini ti, am yaki sa ngbeenngbeen, ni

satie kere yo. Am yo am ŋu kaan fa ma Nyeme, na am de i noanie n bo wo fa awura am ahorembaa su ni. Dama nyini noanie ni koro de am tii ji a.

²² Am yo kabo Nyeme noanie n kere ni. Má am dadaka am ŋu ka am ati i na am yo má kabo i kere ni. ²³ Dama nzen be tiiri noanie n na i yo má kabo i kere ni, i mi ti ka sono bo i fa nienu nie, na i ŋu i ŋu wo, ²⁴ ama, na i nya faari nienu n seeri, na i ko wieeri, a ŋu ka i wara afi kabo i nyunuawa ti barasu. ²⁵ Ama, sono kere gusu bo i fiitiiri Nyeme noanie kpamaawa n nu, noanie kpamaawa n bo i ti kabo Nyeme koro ka i ti n na i ma minem nyaari bu tii ni, na nzen i mi boro i nyi su noanie n su, na i mi ti má sono bo i ti noanie n na i wara afi i, ama, na i ti sono bo i yo kabo noanie n kere ka i yo ni, i mi yiri, Nyeme yo i kisi fa ko i sayoowa kere nu.

²⁶ Sasu bekun, sono kere bo i ŋa i su Nyeme atin su, na i koro tara má i noo, i mi daka i ŋu wo lee, na i nyemesu atin n ti ngbeen wo. ²⁷ Nyemesu atin bo be su i su n na i la má gela be ya Si Nyeme do n la ahin, ka, i mi nie ayikam ni nkunafom su, bere bo bu di yaari ni, na i mi kaaki tara i ŋu na má durunya n nufom ma i yo fin be Nyeme do o.

2

Fotu fa ko tantambunu

¹ M ninbaam, kabo am yo Yesu Kristo yarada ni, yiri bo i ti ya Mibie Jirimafon ni, má am fa tantambunu ni am benggu. ² Ma m fa i ka, nzen mine nnyo nbem ba wuraari am tientienbunoo soo n nu, na kun wura sutura kpakpa ni sika ngaa, na nyinga n ti yaarifon na i wura sutura titiwa, ³ na nzen am nu kun se bo i wura sutura kpakpa n ka, “Jande, ba tana ahin tanaabiri nyunyumi n su,” na i nya se yaarifon n ka, “Woro, ka jina do, nzen má nyini, ba tana m jaa bu fen,” ⁴ nyini kere ka am sufa tantambunu atin lee, na am sunsunni tie ma am sufa kpakpaakinu ba lee, má so?

⁵ M ninbaa koroowam, am ti fen. Má Nyeme yiiri yaarifom bo bu wo durunya n nu n ka bu ti ajekefon i do, bu yarada n dee ti a, na bu nya femeya n bo wo se ka i fa ma minem bo bu koro i n a, nzen se? ⁶ Ama, amere bu yaarifom ngbeen wo. Nmam kere am wahara n a? Nmam kaaki cin am ko jore diibirim n a? Má nengefon n a? ⁷ Má bere joo wura duma n bo i la anyunuyi ni ngasi nu n a? Yiri ye Nyeme afa ama am na i kere ka am ti i deem ni.

⁸ Ba kere i Nyeme Jore Kadasi n nu ka, “Koro u benggu kabo a koro u ŋu ni.” Nyeme femeya n nu noanie kpamaawa bambaka n lee. Nzen am yo so, nyini ti kpa a. ⁹ Ama, nzen am laari tantambunu, am ayo satie, na Nyeme noanie kpamaawa n kere ka am ti ketemafom wo lee. ¹⁰ Woro kere bo a suuri Nyeme noanie kpamaawa n kere su, ama, na a saakiiri i kun n kpein mmoo, a saaki noanie kpamaawa n kere lee. ¹¹ Nyeme bo wo se ka, “Má a kpini u benggu yi” ni, yiri akaaki ase ka, “Má a kun sono” n a. Ama, nzen haari a kpini má u benggu yi, ye a kuunri sono, a yo ketemafon fa ko noanie kpamaawa n su lee. ¹² Am ma am jooowa ni am sayoowa kere ka am ti minem bo Nyeme ba fa i noanie kpamaawa ni fa di am jore a, nyini noanie kpamaawa n bo i ma minem nya bu tii ni. ¹³ Dama joredi ceen, minem bo bu si má bu bengum anunfon ni, Nyeme si má bere mmoo anunfon. Ama, anunfon sifom ni, bere di nasara, joredi ceen ni.

Fotu fa ko yarada ni i sayoowa

¹⁴ M ninbaam, nzen sono ŋa i yo Nyeme yarada, na i sayoowa kere má ka i la yarada, nyini yarada ni koro de i tii ji, nzen se? Ai, nyini ti ngbeen wo lee. ¹⁵ Ma m fa i ka, nzen am ninbaa Kristo jama nbem wo bere bo bu la má diire, na bu la má sutura, ¹⁶ na nzen am nu kun seeri i ka, “Ko ni ahoreda. Nyeme ma u na a di, na i ma a nya sutura.” Nzen a seeri so, na a ma má i mi koroowa ni, i kpa la bono? ¹⁷ Nyini ti,

nzen a la yarada n ngumi, na u sayoowa kere má ka a la yarada, i ti yarada ngbɛɛn wɔ lɛɛ.

¹⁸ Be koro se ka, “Ahin sɔnɔ n yiri yo Nyɛmɛ yarada wɔ, ama, ahin n yiri yo sakpa a.” Tɔ, ye sɔnɔ yo sɛ kere ka i yo Nyɛmɛ yarada, bo i yo má sakpa a? Mini yo sakpa a, nyini kere ka m yo Nyɛmɛ yarada. ¹⁹ A ɲa a yo yarada ka Nyɛmɛ ngumi wo bere a. Nfan. Haari ajinim mmɔɔ si i sɔ ɔ, na bu ɲuniɛ subobo bu ni sɛɛ. ²⁰ Wɔrɔ sinnzin ngbɛɛn ni, a koro ka m kere u ka yarada yoowa bo i kere má sakpa n ti yarada ngbɛɛn wɔ, nzen sɛ? ²¹ I yo sɛ ye Nyɛmɛ deerɪ ya na Abraham ka i yo sa bo i kɔ atin su i dɔ a? Abraham sayoowa n dɛɛ ti ye Nyɛmɛ deerɪ i sɔ a, dama Abraham yo faari i wa Izaki fa seeri Mikun n yoowa yoobiri n ka i fa i yo yoowa ma Nyɛmɛ ni. ²² A ɲu má i? I yarada yoowa fa sanɲa ni i sakpa yoowa kere yoori kun wɔ. Na i sayoowa n akere ka i yarada n ti kabo Nyɛmɛ koro ka i ti n wɔ. ²³ Sɔ ye deke n bo bu kerɛɛri i Nyɛmɛ Jɔrɛ Kadasi n nu n ayo yiiwa a, ka, “Abraham yoori Nyɛmɛ yarada n dɛɛ ti, na Nyɛmɛ ade i ka i yo sa bo i kɔ atin su i dɔ.” Nyini ti, ye bu fereeri i ka Nyɛmɛ danfo n a. ²⁴ Tɔ, m ɲa am aɲu i e, ka sɔnɔ sayoowa ma Nyɛmɛ de i ka i yo sa bo i kɔ atin su i dɔ a, má ka i mi yarada ngumi ti. ²⁵ I ti sɔ ɔ lɛɛ, fa kɔ bara sakara be bo bu fere i ka Rahabu n dɔ. Dama dawa sanɲa, yiri yo bukaari Yisarelifɔm dɛɛ kɔresiyifɔm n a, na wɔ kere bu atin na ba foro bu kpɔfɔm saa nu. Nyini sayoowa n dɛɛ ti, na Nyɛmɛ ade i ka i yo sa bo i kɔ atin su i dɔ ɔ. ²⁶ Tɔ, kabo ɲumi awo má aɲuniembaa n nu na i ti fuin ni, sɔ ye i ti a, nzen a la yarada na u sayoowa kere má ka a la yarada, yarada ngbɛɛn lɛɛ.

3

Fɔtu fa kɔ kabo ya bita ya taferema

¹ M ninbaam, má am dɔɲgu yo am ɲu kerefɔm. Dama am si ka yɛɛ bo ya ti kerefɔm ni, ya jɔrɛ diiwa bá yo kekereke agaya a. ² Ya kerɛ ba yo, ya yo sam bo bu kɔ má atin su wɔ. Ama, nzen sɔnɔ kerɛ bo i jɔjɔowa kerɛ kɔ atin su, i mi woowa n ayo kabo Nyɛmɛ koro ka i yo n wɔ lɛɛ. I kere ka i mi n la tarabuɲu sa kerɛ nu lɛɛ. ³ Am ma ya niɛ kpɔɲɔ. Ya fa karafi wura kpɔɲɔm nɔɔ ɔ, na ya kunma bu fanɲa na bu yo deke kerɛ bo ya koro ka bu yo i ni. ⁴ Am ma ya niɛ lee bambaka gusu, i ni i bambaka n kerɛ ni, haari nzen aɲuma bambaka subo i kɔ deke be, lee kanfɔ n koro fa napɔku baka n bo i ti kaan ni lee ni, na i kan i kɔ deke kerɛ bo i koro. ⁵ I ti sɔ lɛɛ ni taferema n gusu, i ni bo i ti kaan aɲuniembaa n nu n kerɛ ni, i koro saaki deke dɔɲgu.

Niɛ kabo sin ti barasu a, haari i ti kaan sɛ, i koro je boo bambaka. ⁶ Taferema n ti ka sin wɔ lɛɛ. Bekun, ya ɲuniembaa n nu, i kaaki ti ka satiem bo ba yi durunya n nu n wɔ, i satie n sa aɲuniembaa n kerɛ wɔ. I yo juma ka sin wɔ, na i saaki sɔnɔ ɲuniembaa n fite cɛɛn n bo bu wuuri i n fa kɔ ju haari i yiwee cɛɛn. Yiko bo taferema n la i na i yo sɔ n fite cɛɛma sin n nu wɔ. ⁷ Adamande kunma deke n kerɛ fanɲa, i ajaannam o, i lanɲkɛɛfɔm o, i cinbukunnusufɔm o, ni jombaam o. Na wɔ koro ata bu kerɛ. ⁸ Ama, taferema yiri, sɔnɔ be nya koro kunma má i fanɲa. I ti deke tie wɔ, bo be koro tara má i. I ti ka wɔ yi ni bɔrɛ bo i kun wɔ. ⁹ Ya fa yiri fa kansɪ Micera n bo i ti ya Si n a. Na ya kaaki fa yiri saaki minɛm bo Nyɛmɛ ayi bu ka bu ferema ni yiri n a. ¹⁰ Nyini anɔɔ kun n ye kansɪ ni saaki fite nu a. M ninbaam, wɔ yo má daka ka i ti sɔ. ¹¹ Bura kun koro tie nzue kpa, ni nzue tie, nzen sɛ? Ai, i koro yo má. ¹² M ninbaam, am si ka damba baka koro su má ɲguinmbaa. Cumi baka gusu koro su má damba. I ti sɔ ɔ lɛɛ, bura bo i nzue ti lalaraki, i koro tie má nzue bo i yo fie.

Fɔtu fa kɔ alecira bo i fite Nyɛmɛ dɔ ni

¹³ ɲma wo am nu bo i la alecira ni si a? I ti ye ni ka i mi kere ka i ti sɔ ɔ, fa kɔ i woowa kpa su, na i yo sakpa, na i wo benle, nyini kere ka i la alecira. ¹⁴ Ama, nzen

am susi kɔrɛ ahorembaa su, na am suyo wi, na am bita anyii sunsunni, má am bita fɔ ka am la alecira, na má am bu kɔrɛ jaraki nahɔrɛ n sɔ. ¹⁵ Nyini alecira n sɔ fite má Nyemɛ dɔ, ama, i fite durunya n nu fɛn wɔ, i nati má Nyemɛ atin su, i ti Sitana dɛɛ wɔ. ¹⁶ Deke bo kɔrɛsi, ni anyii wo, kpakpaakinu ni satie yoowa barasu kerɛ wo dɔ. ¹⁷ Ama, sɔnɔ bo i la alecira n bo i fite Nyemɛ dɔ n la ka, i woowa ti casi. Bo i tɔ su n la ka, i koro tanalaifɛ, na i la wo bɛnlɛ, na i de fɔtu, na i si aɲunfɔ agaya, na i yo sakpa beberebe, na i la má tantambunu, na i kaaki la má burukɔɔnu. ¹⁸ Tanalaifɛfɔm bo bu yo tanalaifɛ juma ni, bu ɲkatɔ n la sam bo bu kɔ atin su Nyemɛ dɔ n wɔ.

4

Fɔtu fa kɔ kabo ya da ya ɲu asiɛɲgu fa ma Nyemɛ ni

¹ Nzu ti ma am di aluwa, na am suse akuruwa am ɲuɲu nu a? I fite ka am sunsunni ti tie, fa kɔ am ahorembaa koroowa beberebe n bo i wo am ɲuniɛmbaa nu, na i kpɛ am daafiri n dɛɛ ti a, má sɔ? ² Am koro deke nbem, na am nya má bu n ti, ye am koro ka am kun am bɛɲgum n a. Am konviki wura minɛm nɛɲge nu, na am nya má i n ti, ye am se akuruwam, na am di aluwa n a. Am sere má Nyemɛ n dɛɛ ti, ye am nya má am koroowa n a. ³ Deke bo i ti na am sere Nyemɛ na am nya má i n la ka, am sere ni sunsunni tie wɔ. Am sere dekem ka am fa yo am kunnu koroowa a. ⁴ Ambɛrɛ bo am su má Nyemɛ ni, am si má ka sɔnɔ kerɛ bo i koro durunya n nu nɛɲgem agaya, ti Nyemɛ kpɔfɔ ɔ, nzen sɛ? Nyini ti, sɔnɔ bo i fa i ahorembaa se durunya n nu nɛɲgem su, i mi ti Nyemɛ kpɔfɔ ɔ lɛɛ. ⁵ Má am sunsun ka deke bo ba kerɛ i Nyemɛ Jɔrɛ Kadasi n nu n ti ɲgbɛɛn wɔ, ka, “Sɔnɔ kerɛ bo i fa i awiɛwiɛ n bo Nyemɛ afa ama i n suuri deke be sin Nyemɛ ɲu, Nyemɛ si i kɔrɛ agaya.” ⁶ Ama, ahɔrɔma n bo Nyemɛ afa ama ya n sunnu. Nyini ti, ye ba kerɛ i Nyemɛ Jɔrɛ Kadasi n nu ka, “Nyemɛ kete kpirikorofɔm wɔ,

ama, na i fa i ahɔrɔma n ma tarakam.”

⁷ Nyini ti, am fa am ɲu ma Nyemɛ. Am kete Sitana, na i ɲmáti yaki am. ⁸ Am cin dodo Nyemɛ, na i gusu cín dodo am. Ambɛrɛ satieyofɔm, am yi am saa fite satie nu. Ambɛrɛ anɔɔ nnyɔ nnyɔfɔm, am yo am ahorembaa casi. ⁹ Am satie dɛɛ ti, am ma am ahore saaki, na am sun. Am fa am siri fa kaaki sun, na am fa am ahorejɔ fa kaaki ahoresaaki. ¹⁰ Am da am ɲu asiɛɲgu ma Nyemɛ, na yiri bá wura am kpiri.

Fɔtu fa kɔ kabo má ya jaraki ya bɛɲgum ni

¹¹ M ninbaam, má am jɔjɔ tie ma am bɛɲgu. Wɔrɔ bo a jɔjɔ tie ma u lamokɔ, wara a jaraki i, a jɔjɔ tie afa akɔ Nyemɛ nɔaniɛ kpamaawa n su ajaraki i lɛɛ. Nzen a nya yoori sɔ, a nya ti má sɔnɔ bo i de Nyemɛ nɔaniɛ kpamaawa n lɛɛ, ama, a yo u ɲu ka jɔrɛdifo lɛɛ. ¹² Nyemɛ ɲgumi ti i nɔaniɛ n kpamafo a, na yiri ɲgumi kaaki ti i jɔrɛdifo a, yiri bo i koro de minɛm tii ji na i kaaki koro ma bu ka ɲgbɛɛn ni. Wɔrɔ la ɲma na a jaraki u bɛɲgu a?

Fɔtu fa kɔ yanfɔya atin su

¹³ Am ti fɛn, ambɛrɛ bo am se ka, “Nyuma, wara ahunma, ya kó ahin miɛ n su, na ya kó yo afo kun dɔ, na ya yó juma, na ya nyá ɲwaa beberebe ni.” ¹⁴ Ambɛrɛ, haari am si má sa bo i bá yo am ahunma mmɔɔ. Am ni am ɲgɔɔ ti ka sɛ? Am ti ka bɔrɛ wɔ, bo i tɔ na i cɛ má, na wiɛ ba tie, a ɲu ka wɔ kpɔnkpɔn ni. ¹⁵ Deke bo i ti ye ni ka am se n la ka, “Nzen Nyemɛ diiri su, ya wó berɛ, na ya yó ahin ni ahin.” ¹⁶ Ama, kabo i ti ni, ambɛrɛ koro kpiri wɔ, na am sufɔ. Nyini yanfɔya sɔ n kerɛ ti má kpa. ¹⁷ Tɔ, nyini ti, sɔnɔ kerɛ bo i si sakpa bo i yo i, na i yo má i, i mi yo satie wɔ lɛɛ.

5

Fotu fa ko nengefom do

¹ Ambere nengefom, am ti fen. Sa ngbɛɛnngbɛɛnm bo bu bá tu am n dɛɛ ti, am sun na am subo awie. ² Am ajɛkɛ n kɛrɛ susaaki, na nvɔrɛm sumuka am suturam n kɛrɛ. ³ Am sika ni am jɛtɛ kɛrɛ suwura ngambulaari, na bu ngambulaari wurawa ni bá ma Nyɛmɛ jaraki am, na i káaki ba yara am ka sin, am ηuniɛmbaa nu. Am atien ajɛkɛ nɔɔ afa ase fa ko durunya n awieeri wɔ lɛɛ. ⁴ Sasu bekun, am akete ka am tɔ má jumayofom ηkatɔ, bɛrɛ bo bu tambu am fiesu nenge mbaa ni. Am ti kabo bu kan am ndiɛ a, bu awie bo n kɛrɛ ato Micera Yikofɔ n sui nu. ⁵ Kabo am wo durunya n nu fen ni, am adi fiɛ, na am ayo am kunnu koroowa. Am adi ayo ngbingbiri ka toora dɔdɔɔrifom bo bu sukɔ ka bu kpɛ bu kɔm ni. ⁶ Minɛm bo bu la má ηgasi be ni, bɛrɛ n ye am ama ba di bu jɔrɛ acin bu sui akun bu a. Bu kete má am wɔ.

Awieeri su dɛɛ fotu jɔrɛm ni

⁷ Nyini ti, m ninbaam, am yo sawɔrɛ ηminda fa ko cɛɛn n bo Mibiɛ ni bá ni. Am niɛ kabo dɔdɔɔrifɔ yo sawɔrɛ ηminda, haari kabo bu fiesu diire bá yo kpakpa barasu. I yo sawɔrɛ ηminda kpnyini nzue kɔ tu takoku wɔ. ⁸ Am gusu yo sawɔrɛ. Am ma am ahore si, dama Mibiɛ n ba sanɔga n adodo. ⁹ M ninbaam, má am wo waraki su, sukan am beɔgu ndiɛ, adena má Nyɛmɛ bá di am jɔrɛ. Am ti fen, yiri Jɔrɛdifo n lɛɛ, yiri jina anɔ n nu n a. ¹⁰ M ninbaam, am ma ya tenɔge su, fa ko Nyɛmɛ nɔaniɛ kanfom n bo bu yo jɔjɔri Micera n дума n nu ni. Am su bu jaa yiiwa su, kabo bu yo yoori sawɔrɛ mindi diiri wahara ni. ¹¹ Nahɔrɛ, minɛm bo sa tu bu, na bu la mindi kɔ ηu i awieeri ni, bɛrɛ ye ya fere bu ka terefiɛfom a. Am tiiri kabo sɔnɔ be bo bu fere i ka Yobo n yo laari mindi barasu, fa ko ni wahara n kɛrɛ bo i yo diiri i ni. Am si kabo kasin na Micera n abuka i ni. Dama Micera n si anunfo na i la koro agaya.

¹² M ninbaam, jɔrɛ bo i buka i kɛrɛ su n la ka, má am tan deke be ndiɛ fieo. Má am se ka am tan asiɛngu, wara am tan angoro. Nzen u jɔjɔowa n bu la ka ɛɛn, am se ka, “ɛɛn.” Na nzen u jɔjɔowa n bu la ka ai, am se ka, “Ai.” Adena, má Nyɛmɛ di am jɔrɛ na i yo am ηgbɛɛn.

¹³ Nzen be wo am nu bo sa be atu i, i ti ye ni ka i mi sere Nyɛmɛ. Na nzen be wo am nu bo i ahore ajɔ, i ti ye ni ka i mi di jue kansi Nyɛmɛ. ¹⁴ Nzen be wo am nu bo i la má laifiɛ, i ti ye ni ka i mi fere Kristo jama nkpienkpienm na bu ba sere Nyɛmɛ ma i, na bu nunuka i ηguin, Mibiɛ n дума n nu. ¹⁵ Nyini nyɛmɛsere n bo bu sere i ni yarada ni, i má tukpakifo n nya laifiɛ, na Mibiɛ ni má i yasu. Na nzen haari wɔ yo satie mmɔɔ, Nyɛmɛ fá i satie n ce. ¹⁶ Nyini dɛɛ ti, am kan am satie bo am ayo i kere am beɔgu, na am sere Nyɛmɛ ma am beɔgu, adena am nya laifiɛ. Sɔnɔ bo i yo sa bo i kɔ atin su Nyɛmɛ dɔ ni, i nyɛmɛsere la fanɔga, na i yo juma nahɔrɛ su. ¹⁷ Nyɛmɛ nɔaniɛ kanfo n bo bu fere i ka Eliya ni, i yo tiiri adamande ka yɛrɛ wɔ, na wɔ sere Nyɛmɛ ni anyumboro su, ka, má nzue tɔ, na nzue n ato má asiɛn n su afɔ nsan ni sara nsɛn. ¹⁸ Na wɔ kaaki asere Nyɛmɛ, ka, i ma nzue n tɔ, na wɔ tɔ, na asiɛn n diire mbaa kɛrɛ akaaki ayo.

¹⁹ M ninbaam, nzen am nu kun miniiri nahɔrɛ atin ni, na am nu kun be faari i kpieeri i nyi baari atin n su, ²⁰ i ti ye ni ka i mi n si nu ka, sɔnɔ kɛrɛ bo i yiiri satieyofɔ fiteeri i satie atin n su, i mi de nyini sɔnɔ n tii fite yiwee nu, na i ma Nyɛmɛ fa i mi satie beberebe n fa ce i.

Kadasi ciciri su bo PETORO akere i ni

¹ Mini Petoro bo m ti Yesu Kristo jaramasa ni, sukere ahin kadasi n na m fa ma ambere Nyeme minem bo wo yi am na am ti wofom na am asandi abara aye, na am wo Pontusi, ni Galatiya, ni Kapadosiya, ni Esiya, ni Bitiniya aworem n nu ni. ² Nyeme koroyanu dee ti, ye wo du mo ayi am ye i Awiewie Casi n ama am ayo i dee minem a, adena am de Yesu Kristo noanie ni, na i mbunja n nmisi am na i yo am casi. Nyeme buka am na i ma am ahoreda ko sin su.

Deke bo ya la i tama ni

³ Am ma ya kansi Nyeme, yiri bo i ti ya Mibie Yesu Kristo Si. Wo si ya anunfo agaya n dee ti, ye wo ma ya yo mine fofore, ye ya la tama wo ni ngoo a, dama i tengeeri Yesu Kristo i yiwee n nu wo. ⁴ Na am nya acerim bo Nyeme afa ase angoro anminda ka i fa ma am ni. I ti aceeri bo i saaki ma, i yo ma fin, na i kaaki wie ma. ⁵ Am ayo Kristo yarada n dee ti, Nyeme la yiko bo i sasa am haari ni bo am ba nya tiide n bo wo sese i su ka am ba nya i awieeri su sanja ni.

⁶ Nyini kere dee ti, ye am la ahorejo n a, haari nzen wo yo daka ka am ahore saaki kaan fa ko kekereke barasu barasu n bo kisa am sunu i ni. ⁷ Nzen am koro mindi deeru nyini kekereke barasu n kere, nyini kere ka am ayo Kristo yarada nahore su a. Kabo am ayo Kristo yarada ni, i la anyunuyi tara sika bo i ka ngbeen ni. Sika yiri, bu fa i wura sin nu wo, na bu nie kabo i ti barasu, so ye Nyeme ma am di nyini waharam n a, na i nie kabo am ayo Kristo yarada n barasu ni. Nzen am ayo i yarada ni nahore su, ceen n bo Yesu Kristo ba yi i nu fite fofoe nu ni, am nya kansi, na bu wura am kpiri, na bu ma am jirima. ⁸ Am nyumbaa nya nu ma yiri Yesu ni, ama, am koro i, haari ni bo am nyumbaa koro nu ma i kisa ni, am yo i yarada a, na am ahore ajo ako asin su, na am si ma kabo am se barasu, ⁹ dama am anya am yarada n kperere, yiri la tiide n bo am anya i ni.

¹⁰ Nyini tiide n jore ye dawa dee Nyeme noanie kanfom fiitiri i nu na bu si i n a, ye bu kan kereeri minem fa ko sakpa n bo Nyeme ba yo ma am n su n a. ¹¹ Na Kristo Awiewie n bo i wo bu do n adu mo akere bu kabo Kristo, Tiidefo n bo Nyeme ase ka i sunma i n ba diiri wahara ni, ni kabo i woowa ti kpiri barasu ni, i wahara di n sin. Na ba boro bu nyi na bu si kabo yiri Kristo Tiidefo n ti barasu, ni sanja n bo nyini sam ni ba yo ni. ¹² Na Nyeme ama bu asi nu ka jore n bo ba kan i ni, i ti ma ka i buka bere ni bu tii wo, ama, i ti deke bo i buka ambere wo. Yiri ye kisa am ati i afite minem bo bu kan labari kpa n kereeri am do n a. Nyeme maari i Awiewie Casi n fiteeri angoro ba maari bu yiko ye bu kaanri i jore n kereeri mine a. Nyini jorem ye Nyeme merkem mmoo koro ka bu nie nu na bu si i bu n a.

Kabo i ti ye ni ka ya woowa ti casi barasu ni

¹³ Nyini dee ti, am sese am sunsunni su, na am tara am nu, na am fa am tama kere wura sakpa n bo Nyeme ba yo ma am n nu, sanja bo Yesu Kristo ba yi i nu fite fofoe nu ni. ¹⁴ Am de Nyeme noanie n ka nbaatumam bo bu de bu si noanie ni, ma am yo am kunnu koroowa, na am suyo satiem n bo am yo bu sanja bo am yo si ma Nyeme atin ni. ¹⁵ Ama, am ma am woowa kere ti casi, kabo yiri Nyeme woowa ti casi ni, yiri bo wo yi am ka i deem ni, ¹⁶ dama ba kere i Nyeme jore Kadasi n nu ka, "Mini, m ti casi wo, nyini ti, wo yo daka ka ambere gusu ti casi."

¹⁷ Kabo am sere Nyeme, na am fere i ka am Si ni, am tara am nu na am bu i fa ko deke kere bo am yo i am ngoo su ni, ahin durunya n bo i ti ma am woobiri n nu ni, dama kabo i di minem jore fa ko bu kere sayoowa su ni, i tambu ma nu. ¹⁸ Am si kabo Nyeme ade am tii aji afite am sayoowa ngbeenngbeenm n bo am nam yo fa maari am n nu ni. Deke n bo wo fa ade am tii aji n ti ma ka sika wara jete bo bu koro ka ngbeen ni, ¹⁹ ama, wo fa Yesu Kristo dee mbunja n bo i la ma anusu na i ti ka bombaa bo i la laifie na i la ma fin be n dee n wo. ²⁰ Nyeme du mo yiiri i ka i ba yo so ka, ye i nya ba yiiri durunya n a. Ama, ahin awieeri su sangha n bo ya wo nu n ye Nyeme ma wo fite fofoe nu, amberede dee ti a. ²¹ Yiri dee ti ye am ayo Nyeme yarada n a. Nyeme tengeeri i yiwee n nu, na wo wura i kpiri, nyini dee ti ye am yo yarada na am la tama fa ko Nyeme do n a.

²² Kabo am ade Nyeme noanie n bo i ti nahore, na wo yo am casi ni, nyini ma am koro am bengu bo dadaka wo ma nu a. Nyini ti, am sukoro am bengu ni am ahorembaa fofoe ni nahore su. ²³ Am akaaki mine foforem, i ti ma kabo adamande wu baa na i wu ni, ama, bo i wuuri am ni, i wu ma. Nyeme faari i noanie n bo i la ngoo na i la ma awieeri n ye i ma am akaaki mine foforem n a. ²⁴ Dama ba kere i Nyeme Jore Kadasi n nu ka,

“Adamande kere ti ka wura a,
i ce ma na i wu.

Na bu nyumi kere ti kabo wura pum yo nyumi barasu n wo,
i ce ma na i yoroki na i kponkpon.

²⁵ Ama, Micera n dee noanie n wo bere wo sangha kere.”
Nyini noanie n ti labari kpa n bo ba kan akere am n a.

2

Nyeme mine n bo wo yi bu n jore

¹ Nyini dee ti, am yaki sa kere bo i ti ma kpa, ma am kpo am bengum, ma am sisi am bengum, ma am yo am bengum burukoonu sa, ma am si am bengum kore, ma am kan am bengum jore saaki bu. ² Kabo baakan koro nyufini ni, am gusu, am koro Nyeme noanie n bo i ti ka nono casi ni, nyini buka am ye am koro nyi na am nya tiide a, ³ dama amberede ni am tii si kabo Micera n ti kpa barasu. ⁴ Am bra Kristo do, yiri ti ka yabue n bo i la ngoo n a. Yiri ye fatafom ayi i atu n a. Ama, Nyeme ayi i ka i la anyunuyi. ⁵ Amberede gusu, am ti ka yabuem n bo bu la ngoo n wo, na Nyeme sufa am ta awuru n bo i Awiewie Casi n wo nu, na am yo i sayoowa donguyofo casim, na Awiewie Casi buka am na am yo yoowa bo i sun Nyeme nu, Yesu Kristo dee ti. ⁶ Dama ba kere i Nyeme Jore Kadasi n nu ka, Nyeme na,

“Am ti fen, m sufa yabue bo i la anyunuyi
sufa bo Siyon mie kpiri n bu,
sono kere bo i yoori i yarada,
i mi di ma nyinse.”

⁷ To, amberede bo am ayo i yarada ni, am anya deke bo i la anyunuyi ni, ama, minem bo bu yo ma i yarada ni, ba kere i Nyeme Jore Kadasi n nu ka,

“Yabue n bo bondo tafom n faari i tuuri ni,
yiri ye wo kaaki bondo n jaa yabuem n kere tii a.”

⁸ Na ba kaaki akere i Nyeme Jore Kadasi n nu ka,

“Nyini yabue ni, minem bo bu jaa su,
na bu kpaasi.”

Deke n bo i ti na bu kpaasi n la ka, ba de ma Nyeme noanie ni, kabo wo yo daka ka i yo lee.

⁹ Ama, amberɛ, am ti daanfɛ n bo Nyɛmɛ ayi am wɔ, am ti sayoowa dɔŋguyofɔm bo am su Nyɛmɛ bo i ti am fɛmɛ n wɔ, am ti Nyɛmɛ dɛɛ minɛ casim wɔ, am ti Nyɛmɛ dɛɛ awurunbaam wɔ. Yiri ye wɔ yi am ka am kan i sakpam kere minɛm a, dama wɔ yi am afite awosin nu, afa am awura i dɛɛ wein n bo i la má aɲusu n nu. ¹⁰ Ba kɛrɛ i Nyɛmɛ Jɔrɛ Kadasi n nu ka,

“Sanɲa be, am yo ti má i dɛɛ minɛm,
ama, kisa, am ti Nyɛmɛ dɛɛm wɔ.
Nyini sanɲa, Nyɛmɛ yo si má am aɲunfɔ,
ama, kisa, wɔ si am aɲunfɔ.”

Kabo Nyɛmɛ akɔɔm woowa ti barasu ni

¹¹ M danfo kpam, am ti wɔfɔm wɔ, ni minɛm bo bu la má woobiri durunya n nu fɛn, nyini dɛɛ ti, m sere am ni anyumboro wɔ, má am ma am nyunu boro am aɲuniembraa koroowa su, dama am aɲuniembraa koroowam sukoro ka bu kunma am wɔ. ¹² Am ma am woowa ti kpa, na nzen minɛm bo bu su má Nyɛmɛ n jaraki am fa kɔ satie be su, bu ba ɲu am sakpa n bo am yo i ni, na bu kánsi Nyɛmɛ, cɛɛn n bo i bá nie i minɛm su ni.

¹³ Ya Mibiɛ n dɛɛ ti, am de nfaɲɲafɔm kɛrɛ nɔaniɛ, fɛmɛ bo i nie adamande kɛrɛ su ni, ¹⁴ ni nkpiɛnkpiɛnm bo wɔ yi bu ka bu sunie am su ni, am de bu nɔaniɛ, dama ba fa bu ase ka bu cin minɛm bo bu yo satie n sui wɔ, na bu kansɛ minɛm bo bu yo sakpa ni. ¹⁵ Nyɛmɛ koro ka am yo sakpa a, na minɛm bo bu ti sinnzinm na bu si má be ni, na bu si má kabo bu kan. ¹⁶ Am ti minɛm bo am ade am tii wɔ, má am nie ka am anya am tii n dɛɛ ti, na am sufie yo satie. Ama, am ma am woowa ti kabo Nyɛmɛ akɔɔm woowa ti barasu ni. ¹⁷ Am bu sɔnɔ kɛrɛ sɔnɔ, am koro am ninbaam kɛrɛ, am soro Nyɛmɛ, na am bu Romafɔm fɛmɛ kpɛri ni.

Kabo ya sɔn Kristo wahara diiwa n su ni

¹⁸ Amberɛ bo am ti akɔɔm ni, am de am mibiɛm nɔaniɛ, na am bu bu nahɔrɛ su, má ka bo bu ti benle na bu yo am sakpa ni ɲgumi, ama, haari bo bu ti tie ni mmɔɔ, am bu bu. ¹⁹ Nzen am ayo má satie be, na bu kere am wahara na am mindi deerɛ i, ka am soro Nyɛmɛ n dɛɛ ti, nyini ti kpa a. ²⁰ Nzu kpɛrɛ ye am nyá i a, nzen am yoori satie na bu boori am na am mindi deerɛ i? Ama, nzen am yoori sakpa, na bu kere am wahara, na am mindi deerɛ i, nyini ti kpa Nyɛmɛ dɔ a. ²¹ Nyini dɛɛ ti, ye Nyɛmɛ afere am a, dama Kristo ni i tii adi wahara ama am, nyini kere am ka i ti ye ni ka am sɔn i su di i wahara n be. ²² Bu ɲa, yiri,

“Wɔ yo má satie be,
wɔ kaaki abu má kɔrɛ be.”

²³ Bu kpiɛrɛ i nzukɔ ni, wɔ wɔrɔ má nzukɔ ama má bu. Bu kereeri i wahara ni, wɔ se má bu ka bu ɲú i. Ama, yiri faari i deke kere maari Nyɛmɛ wɔ, yiri bo i di jɔrɛ bo i kɔ atin su ni. ²⁴ Ya satie dɛɛ ti, ye Kristo deerɛ ya jinaabiri diiri wahara wuuri baka jaanu n su a. I yoori sɔ, adena i kere ka ya wu wɔ, fa kɔ ya satie su, na ya la ɲɔɔ bo ya koro yo sakpa. Wahara n bo Kristo diiri i ɲunie nu n dɛɛ ti, ye am anya laifɛ a. ²⁵ Am yo ti ka nbɔɛm bo ba mini wɔ, ama, kisa, am akaaki aba yiri bo i ti am sasafɔ na i nie am dika n dɔ.

3

Kabo i ti ye ni ka nbaram ni bu hunm wo barasu ni

¹ Tɔ, amberɛ nbaram gusu, am de am hunm nɔaniɛ. Na nzen bu nbem nya yo má Nyɛmɛ nɔaniɛ n yarada, na am woowa ti kpa, nyini ma bu yo yarada, má ka am nɔaniɛ jɔjɔwa n dɛɛ ti, ² ama, nzen bu ɲuuri ka am woowa ti casi, na am ma bu jirima, nyini ma bu kaaki bu wo na bu su Nyɛmɛ a. ³ Deke bo i kere ka am yo nyumi

ni, i ti má kabo am yo am ɲu di am tiɲmɛ sunɟuruya ni, ni kabo am wura sikam, ni kabo am kara sutura kpakpam n barasu ni, ⁴ ama, deke bo i kere ka am yo nyumi n la wo kpa bo i fite am ahorembaa su, na i saari má ni. I ti ye ni ka am yo am ɲu kaan, na am wo benle, nyini ti deke bo i la anyunuyi nahore su Nyeme do a. ⁵ Dama kabo dawa sanɟa, nbaram nbem bo bu ti casi na bu la tama ni Nyeme n yo yoori bu ɲu nyumi lee, bu deeru bu hunm noanie wo, ⁶ kabo Saara gusu yo yoori lee, i deeru i hun Abraham noanie wo, na wo fere i ka “M awurufobie.” Nzen am yoori sa bo i ti kpa na am soro má sere, am akaaki Saara nbaam wo lee.

⁷ Amberɛ nbiesom, i ti ye ni ka am gusu yo so. Am si kabo am fa ɲonle bita am yim barasu. Am si ka nbaram fanɟa ni am dee se má, nyini ti, am bu am yim. Dama am ni bere kere sanɟa nya Nyeme aceeri n a, yiri la ɲoo bo i la má awieeri ni. Am bita bu nyunyumi, adena má deke be kanda am nyemesere.

Kabo yaradayofom diiri wahara fa ko sakpa dee ti

⁸ To, deke bo m koro ka m fa kun jore n kere noo n la ka, am kere fa anoose, na am cece wo am beɲu nu, na am koro am beɲu ka am ti nibaam wo, na am si am beɲu anunfo, na am yo am ɲu kaan ma am beɲu.

⁹ Nzen be yo am satie, má am yo tie to i kaari, na nzen be kpiɛeri am nzuko, má am woro nzuko ma i, ama, kabo am yo la ka, am yo bu kisi, dama deke n bo i ti na Nyeme afere am la ka, i yo am kisi wo. ¹⁰ Dama ba kere i Nyeme Jore Kadasi n nu ka, “Sono kere bo i koro ka i ɲu i ɲu fie,

na i wo wo bo i yo fie,

i mi tara i taferema na má i sujɔɔ jore tie,

na má i sudadaka minem.

¹¹ I mi yaki satieyo,

na i yo sa bo i ti kpa,

i mi boro i nyi

na i sukpini tanalaife busu.

¹² Dama Nyeme nyumbaa ta minem bo bu yo sa bo i ko atin su ni,

na i so i sui ti bu nyemesere,

ama, i koro má ka i nyumbaa ɲu bo bu yo satie ni.”

¹³ Nzen am nyunu aboro ka am yo sa bo i ti kpa, ɲma koro yo am pui a? ¹⁴ Ama, nzen am yo sa bo i ko atin su n dee ti, ye am sudi wahara, am terefie lee, má am soro bu, má am ma am ahore saaki. ¹⁵ Ama, am ma Kristo yo am Mibie n na am bu i am ahore su. Na am kpa am ɲu ɲminda sanɟa kere, na nzen be ba bisa am fa ko deke n bo i ti na am la tama ni, na am si kabo am bo i nu barasu, ¹⁶ ama, am jojo benle, na am bu i mi, na am si am sunsunni nu ka am ayo sakpa, adena nzen minem jojori am ɲgbeɲɲgbeɲ fa ko am wo kpa n su ka am su Kristo dee ti, na bu dí nyinse. ¹⁷ Dama nzen am yo sakpa na am di wahara na i ti Nyeme koroyanu, i ti ye ni bo am yo satie na bu kere am wahara.

¹⁸ Ya satie dee ti ye Kristo gusu diiri wahara kpekun n kpein a, na yiri bo i yo sa bo i ko atin su n awu, yere bo ya ti satieyofom dee ti, na i yo ya ni Nyeme afien donɟu. Bu kuunri i ni, na Nyeme ama i ɲoo awiewie n nu, ¹⁹ na wo nya ako akan jore akere awiewiem bo bu wo dansaraka n nu ni. ²⁰ Dawa sanɟa, bere yo keteeri Nyeme noanie n a, na Nyeme ayo sawore anminda, sanɟa bo Nowa sukpa lee bambaka n ni. Nyini lee ni, mine kaan so wuraari nu n a, bu mocue nyaari tiide, ye nzue n adi má bu a.

²¹ Nyini nzue n ti deke bo i kere fa ko Nyeme nzue bieɛwa bo i ma am anya tiide nyuma n wo. Nyeme nzue bie ti má deke bo i yi am ɲunie su fin, ama, i kere ka am si am sunsunni nu ka, am la má ɲgasi be Nyeme do, dama Yesu Kristo tengeeri i yiwee n nu n dee ti. ²² Yiri ye wo ko angoro ako atana Nyeme saa fomboro su n a, ye i la yiko nie merékem kere su a, ni yikofom, ni nfanɟafom barasu kere.

4

Kabo i ti ye ni ka yaradayofom wo ni

¹ Tɔ, kabo Kristo diiri wahara i ηunie n nu ni, i ti ye ni ka am gusu kpa am ηu bita nyini sunsunni ni, dama sɔnɔ kere bo i diiri wahara i ηuniɛmbaa nu yo má satie kun. ² Nyini dɛɛ ti, má am yo am kunnu koroowa, ama, am yo kabo Nyeme koro ni, haari am ηgɔɔ awieeri. ³ Saŋga be am yo yoori am kunnu koroowa, deke bo minem bo bu si má Nyeme n yo i ni, wɔ se su sɔ. Am yo tara má am ηu, na am yo su konvikiya ηgbɛɛnηgbɛɛnm, na am nu nzan bo, na am nu nzan yo sa ηgbɛɛnηgbɛɛn kabo nzan nufom yo ni, na am susu amɔɛm, deke bo Nyeme koro má i ni. ⁴ Kisa na am ni bere saŋga wo má nyini wo ηgbɛɛn ni, jɔre n amie bu wɔ, nyini dɛɛ ti ye bu kpie am nzuko n a. ⁵ Ama, bere ni bu tii, bu bá jina Nyeme nyunu, na bu kán deke kere bo ba yo i. Yiri ye wɔ yo siriya ka i dí minem bo bu la ηgɔɔ ni bo ba wu n jɔre a. ⁶ Nyini dɛɛ ti, ye bo ba wu n gusu tiiri labari kpa n jɔre kaanwa n a, adena haari ni bo bu wuuri kabo adamande kere wu ni, bu nyá ηgɔɔ awiewie n nu kabo Nyeme la ηgɔɔ ni.

Nyeme amusuisufom kpam jɔre

⁷ Deke n kere suko awieeri lee. Nyini dɛɛ ti, má am fa am ηu ji, am tara am ηu na am koro sere Nyeme. ⁸ Sa n bo i tara deke n kere n la ka, am koro am beŋgu ni nahore su, dama koro kata satie dɔŋgu su wɔ. ⁹ Nzen am beŋgum aseke am wɔfo, am de bu, má am ηuŋuti. ¹⁰ Nyeme ama am kere aceeri barasu barasu, nyini ti, i ti ye ni ka am fa nyini aceerim buka am beŋgu. Sɔnɔ kere suyo i juma nyunyumi kabo Nyeme afa ama am ni. ¹¹ Wɔrɔ kere bo Nyeme ama u aceeri ka a kan i jɔre, si ka Nyeme jɔre ye a sukan i a, wɔrɔ kere bo Nyeme ama u aceeri ka a fa buka minem, buka bu ni faŋga n bo Nyeme afa ama u ni, adena am sayoowa kere nu na Nyeme nya kansi, Yesu Kristo dɛɛ ti. Yiri la yiko ni jirima saŋga kere saŋga. Ami.

Kabo i ti ye ni ka Kristo susufom di wahara barasu ni

¹² M danfo kpam, má am ma wahara kekereke n bo am sudi i n yo am fura nu, dama Nyeme suyo am na i nie a. Má am sunsun ka i ti sa bo wɔ nya tu má be wɔ. ¹³ Ama, kabo am sudi Kristo dɛɛ wahara n bo i diiri i n be ni, am ma am ahore jɔ, adena cɛɛn n bo Kristo jirima woowa bo i la má aŋusu n bá fite fofoe nu, am ahore jó na i yó am fie. ¹⁴ Nzen bu kpieeri am nzuko, ka am ti Kristo dɛɛm ti, nyini la ka am terefie lee, dama Nyeme Awiewie Casi n wo am dɔ lee, yiri bo i la jirima woowa n na i la má aŋusu ni. ¹⁵ Ama, nzen am be diiri wahara, má i yo ka i mi akun sɔnɔ, wara wɔ wɔ, wara wɔ yo sa ηgbɛɛnηgbɛɛn be, wara wɔ wura minem jɔre nu, nyini n sɔ ti má kpa. ¹⁶ Ama, nzen sɔnɔ sudi wahara ka i ti Kristo susufom n dɛɛ ti, má i mi ma nyinse ti i, ama, i mi kansi Nyeme, ka i ti Kristo dɛɛ ti.

¹⁷ Dama saŋga n aju bo Nyeme dí minem jɔre. I dú mɔ bo i bu di i tiɛŋgu minem jɔre wɔ ka. Ye nzen i nya du mɔ diiri yere jɔre, minem n bo ba ka na ba de má i labari kpa ni, bu wíe se wɔ lee? ¹⁸ Dama ba kere i Nyeme Jɔre Kadasi n nu ka, “Nzen i ti kekere ka minem bo bu ti kpam nya tiide,
ye satieyofom, ni bo bu bu má Nyeme ni,
i yó bu se wɔ?”

¹⁹ Nyini ti, minem bo bu sudi wahara Nyeme koroyanu n dɛɛ ti ni, i ti ye ni ka bu boro bu nyi na bu suyo sakpa, na bu fa bu ηu wura Nyeme saa nu, dama yiri bo wɔ yi bu ni, i yáki má bu cɛɛn n be da.

5

Kristo jama n woowa jɔre

¹ Ambere bo am wo Kristo jama n nu, na am ti nkpienm ni, mini mmoo ti Kristo jama n kpien kun wo, ma nu kabo Kristo diiri wahara barasu ni, na m ba nya i dee jirima woowa n be, sanja bo i ba fite fofoe nu. Nyini ti, m susere am jande wo, ² am nie Nyeme minem bo bu wo am do n su, kabo boesasafɔ nie i nboem su barasu ni. Am nie bu dika nyunyumi, ma ka bu mie am wo, ama, am koroyanu, dama Nyeme koro ka am yo i a, ma am yo i ka nwaa kpini dee ti, ama, am yo i ka am nyunu aboro ka am yo i wo. ³ Bere n bo Nyeme afa bu ama am ka am nie bu su ni, ma am mie bu ka am ti bu mibiem wo. Ama, am ma am sayoowa ko atin su, na bu nu i na bu son am su. ⁴ Nzen am yoori so, ceen bo boesasafɔ kpien n ba fiteeri fofoe nu, am nya aceeri bo i la ma anusu na i wie ma fieo ni.

⁵ Ambere gusu bo am nyunu nya ti ma ni, am bu nkpienm ni, na am de bu noanie. Am kere yo am nu kaan na am buka am benju, dama ba kere i Nyeme Jore Kadasi n nu ka,

“Nyeme kete kpirikorofom wo,

ama, na i fa i ahorma n ma tarakam.”

⁶ Nyini ti, am da am nu asienju fa ma Nyeme yikofɔ ni, na sanja n ba juuri, yiri wura am kpiri a. ⁷ Deke kere bo i mie am, am fa tu Nyeme nyunu, dama yiri cee wo am nu a.

⁸ Am tara am nu sanja kere, ma am fa am nu ji. Dama am kpɔfo Sitana ni, i sansan am kabo jara sansan nuundi koro sonɔ na i kpeɛe i n wo. ⁹ Am yo Nyeme yarada jina kenken na am kete Sitana, dama am si ka am ninbaam bo bu wo durunya n kere nu n gusu sudi wahara n bo am sudi i n be n wo. ¹⁰ Nzen am diiri wahara sanja kaan su, Nyeme sese am su yo am dongu a, yiri ma am jina kun su a, na i wura am fanja, na i kpama am. Buka kere fite yiri Nyeme do a, Kristo dee ti ye wo fere am ka am ba nya i dee jirima woowa n bo i la ma awieeri n be a. ¹¹ Yiri la yiko sanja kere a. Ami.

Awieeri su dee noanie ni

¹² Ya niwa Silivanusi, m si i ka i la dabuju am do, yiri bukaari m ye ma kere ahin kadasi kaan n sufa ma am n a, na am ahore si, na m ma am si ka jore n bo ma kere ama am ti Nyeme aceeri wo nahore su, na am jina kenken. ¹³ Kristo jamam bo Nyeme asanja ayi am ni bere kere, na bu wo Babilon mie kpiri n nu ni, ni m wa Marako kere bisa am dongu. ¹⁴ Am bisa am benju dongu ni koro. Nyeme ma ambere kere bo am ti Kristo deem ni ahoreda.

Kadasi nnyo su bo PETORO akerε i ni

¹ Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma ambere bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada. ² Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

Minem bo Nyeme afere bu, na wo yi bu n jore

³ Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a. ⁴ Nyini n dee ti, wo se ka i ce ya aceerim bambaka bo bu la ma anusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

⁵ Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si. ⁶ Ma am kpini si ngumi, ama, am la tarabuju. Ma am la tarabuju ngumi, ama, am la mindi. Ma am la mindi ngumi, ama, am ma am woowa ko Nyeme atin su. ⁷ Ma am ma am woowa ko Nyeme atin su ngumi, ama, am yo am benju kpa. Ma am yo am benju kpa ngumi, ama, am koro minem kere. ⁸ Nzen am la nyini woowam ni, na am woowa ti so nahore su sanja kere, nyini kere ka, kabo am asi ya Mibie Yesu Kristo ni, am woowa la kperε, i ti ma ngbeen. ⁹ Ama, sono kere bo i la ma nyini woowam ni, i mi ti ka sono bo i koro nu ma nyunyumi, wara i ti ka anyinsin wo, na i kaaki ti ka sono bo i wara afi ka Nyeme akpakpara ayi i afite i satie dawam nu ayo i casi. ¹⁰ Nyini dee ti, m ninbaam, kabo Nyeme afere am na wo yi am ni, am boro am nyi, adena am woowa kere ka am ti i dee minem. Nzen am yoori nyinim so, am kpaasi ma fieo. ¹¹ Nyini ma am nya aceeri bambaka bo am la atin, na am wura Yesu Kristo dee femeya woobiri n nu a, yiri bo i ti ya Mibie ni ya Tiidefo na i femeya n wo bere sanja kere ni.

¹² Nyini dee ti, ye i wo m ahore su ka m sutenje am ahin jorem su sanja kere n a, haari ni bo am si bu na am ade kereewam bo bu ti nahore n na am bita bu kenken n ni. ¹³ Mini do, wo yo daka ka m sutenje am su so, sanja bo m toko la ngoo ni. ¹⁴ Dama m si ka i ce ma, m ba wo ma bere, kabo ya Mibie Yesu Kristo yi kereeri m ni. ¹⁵ Nyini ma m boro m nyi yo deke kere bo m koro yo i n a, adena sanja bo m ba wo ma bere, na am koro tenje nyini jorem su sanja kere.

¹⁶ Ya yo kan kereeri am ka, kabo ya Mibie Yesu Kristo la yiko na i kaaki ba barasu ni, bo ya kan so ni, i ti ma ka ya faari ngonle boori ya tienu kaanri i a, ama, yere mmoo ni ya tii nyumbaa juuri kabo i la yiko bambaka barasu ni. ¹⁷ Sanja bo ya Si Nyeme yo wuraari i kpiri na i maari i woowa taari wein ni, Nyeme konvi yo fiteeri angoro dika n nu na i jooori i do ni, na yiri bo i woowa la ma anusu n ase ka, "M dee Wa bo m koro i n lee, m ahore ajo i nu." ¹⁸ Yere ni ya tii tiiri kabo akonvi n fite angoro ni, sanja bo ya woori i do, Nyeme buka n su ni.

¹⁹ Nyini n kere ma ya la ahoresi buka su, ka jorem bo Nyeme noanie kanfom yo kaanri bu n ti nahore wo. Nyini ti, am boro am nyi na am de kabo bu yo seeri ni, na am su i su. Noanie n bo bu jooori i n ti ka fitana bo i taari awosin nu n ti n wo, i teke am nyi ko ju ceen bo Kristo kaaki ba ni, na i fa wein n ba teke am nyi nahore su,

kabo alecin na asaakojo tie fa wein ba ni. ²⁰ Jɔre bo i tara bu kere na am si i n la ka, noanie n kere bo Nyeme fa maari i noanie kanfom na bu kereeri i Nyeme Jore Kadasi n nu ni, be wo má bere bo i koro fa adamande si ngumi na i fa kere nyini noanie n bu. ²¹ Dama má adamande koroyanu ye bu kaanri Nyeme noanie n a, ama, Nyeme Awiewie Casi ni maari bu noo ye bu kaanri noanie n bo Nyeme koro ka bu kan i n a.

2

Korefom bo bu yo bu nu ka bu kere Nyeme noanie n jore

¹ Kabo mine korefom woori Nyeme minem nu dawa sang'a ni, bere bo bu yo bu nu ka bu ti Nyeme noanie kanfom ni, so ye kerefɔ korefom bá wo am gusu nu a. Bu fie wɔ, na bu fá bu de kereewam kere am, kereewa bo bu ma am mini Nyeme atin ni, haari na bu káaki bu sin bo Mibie ni, yiri bo wɔ to bu tii su nkato ni. Nyini ti, bu sayoowam má Nyeme yo bu ngbeen anyumbaa kata ni i teke. ² Na mine dongu sɔn bu sayoowa ngbeenngbeenm su. Bere de ti, mine bá bu atin n bo i ti nahore ni ngbeen. ³ Nyini kerefɔ korefom ni, bu nyunu aboro nenje su de ti, bu bó bu tieenu jore kan ma am a, na bu fá am kpini. Ama, Nyeme daafi má, wɔ du mo adi bu jore, i bá yo bu ngbeen wɔ.

⁴ Ya si ka Nyeme merékem bo bu yo yoori satie ni, Nyeme ayaki má bu. I faari bu tuuri cema sin n nu wɔ, na wɔ bo bu tobari ase awosin n nu, ka bu suwo do haari jina ceen n bo i bá cin bu sui ni. ⁵ Ya si ka, dawa sang'a, minem bo bu soro má Nyeme ni, wɔ yaki má bu, i cin bu sui wɔ, na wɔ ma wombu bambaka adi bu kere, ama, na wɔ de Nowa tii aji, i ni mine nso nbem, yiri kan kereeri minem deke bo i ti sakpa na i ko atin su n a. ⁶ Ya si ka Nyeme yo saakiiri Sodom ni Gomora miem ni, i faari sin jiiri su yaraari bu wɔ, na i kere aje ato nzuin. I yoori so ni, i kere kabo i bá yo minem n bo bu soro má Nyeme n wɔ lee. ⁷ Ya si kabo i yo deeri Loti tii jiiri ni, i yo ti sɔno bo i yo sa bo i ko atin su Nyeme do o, na i ahore yo ti saakiwa fa ko minem bo bu bu má deke be na bu nati yo sa ngbeenngbeenm ni. ⁸ Nyini sɔno n bo i yo sa bo i ko atin su ni, yiri ni nyini minem ni yo sang'a wo a, ceen kere ceen, na i suju sa ngbeenngbeenm bo bu yo bu ni, na i sui suti jore ngbeenngbeen bo bu jojo bu ni, nyini de ti, na wɔ di wahara ahoresaaki nu, yiri bo i ahore ti fofoe ni. ⁹ To, nyini n kere kere ka Nyeme si kabo i yo na i de minem bo bu su i atin su n fite kekereke nu a. Na i si kabo i sucin minem bo bu su má i atin su n sui, ko ju sang'a bo i bá di bu jore ni. ¹⁰ Bere n bo i cin bu sui tara minem kere n la bo bu su anuniembaa koroowa ni dangba sam su, na bu kete ka má Nyeme nie bu su ni.

Nyini minem ni, bu tii ti kekereke, bu soro má be. Haari ngɔfom bo bu wo angoro na bu la jirima woowa ni, bu kpie bu nzuko o, bu soro má sere. ¹¹ Haari Nyeme merékem bo bu la yiko ni fanga tara nyini minem ni, bu kpie má nyini ngɔfom ni nzuko na bu jarki má bu kere má Mikun ni. ¹² Nyini minem so, kabo bu koro, ye bu yo a, bu ti ka boro nenje tiem bo mine tara bu na bu kpie bu kom n wɔ. Bu kpie nzuko fa ko dekem n bo bu si má bu n su wɔ. Kabo mine ma boro nenje tiem ka ngbeen ni, so ye Nyeme má bu gusu bá ka ngbeen a. ¹³ Kabo bu ma minem di wahara ni, bere gusu bá di wahara so o. Bu konvikiya sam bo bu yo bu ni, i yo bu fie wɔ, bu yo bu wiesu wɔ, bu fie má su. Bu ti dangbafom wɔ, na bu wura am nyinse sang'a bo am ni bere tien am noo sudi diire ni, bu sunsunni kere la ka bu daka am. ¹⁴ Bu nyunu boro mine yim kpini su wɔ, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wɔ, na bu yaki i, adena bu su bu de kereewam n su. Bu ahorembaa abi nenje kpini su wɔ. Nyeme ayo bu ngbeen awie lee. ¹⁵ Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba sɔn i su lee. I yo koroori nwaa bo minem ma i n wɔ, na i yo satie. ¹⁶ Ama, na Nyeme akan i ndie, i satie yoowa n de ti. Ya si ka kaako koro jojo má, ama, Nyeme

ama kaako ajojo Baalam do, kabo adamande jajo ni. Na Baalam bo i ti Nyeme noanie kanfo ni, na wo yaki sa n bo ma i suyo i na i ti ka i nyunu ti ma koroowa ni.

¹⁷ Nyini minem ti ka bura bo i tie ma nzue wo, na bu kaaki ti ka nzue munaawa bo anuma fa i sin n wo. Bere ye Nyeme asese awosin n bo i la ma anusu ase bu n a.

¹⁸ Bu fo yanfoya a, na bu sujajo ngbengen, na bu fa anunie koroowa na bu fa dadaka minem bo ba kaba afite kore jorem nu na ba nya ace ma ni.

¹⁹ Bu se minem ka bu ma bu nya bu tii wo. Ama, bere ni bu tii bo bu kan so ni, bu ti ka akom wo, satie bo i ma bu ka ngbeen ni aja bu, dama deke bo wo kunma sona ni, i mi n ti nyini deke n akwa le.

²⁰ Minem bo bu si Yesu Kristo ni, yiri bo i ti ya Mibie ni ya Tiidefo ni, na i ma ba yaki durunya n nu de da n gba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tie tara bumboori ni.

²¹ Nzen ma ba si ma woowa bo i ko atin su ni, ma i ti ye tara bo ba kaaki bu sin abo Nyeme noanie maawa n bo ba du mo ade i ni.

²² Kabo bu yoori so ni, nyini kere ka ahin anyunderem ni ti nahore wo, bo bu na,

“Caa kaaki fa deke n bo wo fi i n di bekun wo,”
na bekun,

“Nzen a taraari afa biere i nzue,
i kaaki ko wura natie nu wo bekun.”

3

Ya Mibie n ba n jore

¹ M danfo kpm, ahin kadasi ni ti kadasi nnyo su bo m sukere ma am a. Ahin kadasi nnyo n kere, m koro ka m tenge am su na am bita sunsunni kpa. ² M koro ka am tenge su fa ko noaniam bo Nyeme noanie kanfom yo seeri bu dawa sanja ni, na am kaaki tenge su fa ko noanie maawa n bo Mibie n bo i ti ya Tiidefo n kaanri i, na i jaramasam seeri am ni.

³ Jore bo i tara bu kere na am si i n la ka, fa ko durunya n awieeri su, mine nbem ba ba, na bu susu anuniembaa koroowa su, na bu yo am anzasi fa ko am yarada n su, ⁴ na bu se ka, “I seeri ka i kaaki ba bekun, ye i wo ni? Ya nam wo ma bere kun, ama, deke n kere toko ti i tii wo, kabo Nyeme yiiri durunya n ba ju ni nyuma.”

⁵ Bu si tenle su, ama, ba kete ka bu tenge ma su ka, dada sanja, Nyeme yo faari i no joro ye angoro wo bere a, na wo jajo na wo kpaaki nzue n ni asien n nu, na asien n afite nzue n nu.

⁶ Nyini nzue n ye i fa saakiiri durunya n a dawa sanja, sanja bo wambu nzue n diiri deke n kere ni.

⁷ Ama, angoro ni asien n bo i wo bere ni, Nyeme yo joro i noanie bekun wo, ka, i bita bu wo, na bu wo bere haari sanja bo i ba fa sin saaki i kere. I ma i kere wo bere wo, ko ju sanja bo i ba di minem jore, bere bo bu soro ma i ni, na bu ka ngbeen.

⁸ M danfo kpm, am si tenle na ma am wara fi ahin jore kun ni, yiri la ka, cen kun ti ka afi akpii wo Nyeme do, na afi akpii gusu ti ka cen kun wo i do.

⁹ Kabo Micera n seeri ka i yo ni, mine nbem bita kan ka i ti niniki. I ti ma ka i ti niniki wo, ama, i la mindi ni amere wo, i koro ma ka be ka ngbeen, ama, i koro ka sona kere kaaki i wo wo.

¹⁰ Ama, Micera n cen ni, i ba kabo awiefo ba fura nu na i wo n wo. Nyini cen ni, angoro ni yo nanmie fanga su, na i busu mini, na sin yara deke kere bo i wo angoro ni, na i ka ngbeen. Na asien n ni deke kere bo i wo asien n su n ba wo ma bere.

¹¹ Kabo nyini deke n kere ba ka ngbeen so ni, wo yo daka ka am ti nzu mine barasum wo? Wo yo daka ka am woowa ti casi, na am fa am nu ma Nyeme ngumi,

¹² na am nminda fa ko Nyeme cen ni, na am boro am nyi yo sa bo i ma i ba ndende. Nyini cen n ye sin yara angoro n kere na i ka ngbeen n a, na i kere ma deke n

kerε bo i wo angoro n koro. ¹³ Ama, ya nminda sa bo Nyeme yo seeri ka i bá yo ni, ka, i yí angoro ni asien fofore, do ye bu nati yo sa bo i ko atin su ngumi a.

¹⁴ To, m danfo kpam, kabo am nminda fa ko nyini ceen n ni, am boro am nyi, adena Nyeme bá nu ka am ni yiri noo ayo kun, na am woowa ti casi na am la má ngasi be i do. ¹⁵ Am tenge su ka ya Mibie mindi n deε ti, ye mine nyá tiide a. So ye ya niwa koroowa Poolu yo kerε maari am a, Nyeme ceeri i alecira n a. ¹⁶ Wo kerε ahin n be so i kadasi n kerε n nu, ama, jore nbem wo nu, bo i ti kekereke na sono ti i bu. Nyini ye minem bo bu si má be na bu nya bi má Nyeme su atin su ni, nbem fa bu deε ngonle kaaki i, ye i ko má atin su n a, kabo bu kaaki kerεewa nyingam bo bu wo Nyeme Jore Kadasi n nu n lee. Kabo bu yo so ni, nyini ma bu ka ngbeen a.

¹⁷ M danfo kpam, amberε, am du mo si nyini ni. Nyini ti, am si am nu sa, adena má am son minem bo bu bu má be n su, na am mini atin n bo am su i su ni. ¹⁸ Ama, am ko su, na am subita Yesu Kristo deε atin ni, yiri bo i ti ya Mibie ni ya Tiidefo ni, adena am koro di i ahoroma, na am si i buka su. Yiri Yesu Kristo ni, i ti ye ni ka minem kerε wura i kpiri, kisa ni sanja kerε. Ami.

Kadasi ciciri su bo YOHANE akerε i ni

Nɔ́anie n bo i ma ηgɔɔ n dεε jɔrε

¹ Ya sukere ma am fa kɔ nɔ́anie n bo i ma ηgɔɔ n su wɔ. Kana Nyeme ba yi durunya n ni, nyini nɔ́anie n bo i ma ηgɔɔ n woori bere wɔ. Deke bo ya ti i, na ya nyumbaa aɲu i, na ya nie aɲu i kabo i ti barasu, na ya fa ya saa akan i, ye ya sukere fa ma am n a. ² Nyini nɔ́anie n la Yesu bo i ma ηgɔɔ ni, i yo fiteeri fofoe nu wɔ, na ya nyumbaa aɲu i, nyini ti ye ya di ηgɔɔ n bo i la má awieeri n daani kan i kere am n a. Yiri bo i ma ηgɔɔ n bo i la má awieeri n yo woori i Si Nyeme dɔ ɔ, ye wɔ yi i ηu akere ya a. ³ Deke n bo ya ηu i, na ya ti i ni, ye ya sukan i kere am n a, adena ya ni ambere la wo fie ni ya beɲgu, na ya kere la wo fie ni ya Si Nyeme ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyeme Wa n dɔ n lεε, ye ya sukan kere am n a, ka Nyeme ti wein wɔ, na awosin haari kaan sɔ wo má i dɔ. ⁶ Nzen ya ηa ya ni yiri la wo fie ni ya beɲgu, ama, na ya toko wo awosin nu yo satie, ya ti kɔrefɔm wɔ lεε, ya bita má nahore. ⁷ Ama, nzen ya bita wein atin kabo yiri Nyeme atin n ti wein ni, ya ni yiri la wo fie ni ya beɲgu lεε, na i Wa Yesu mbunja ni kpakpara yi ya satie kere bo i wo ya ηu ni. Nyini ti, am ma ya bita wein n atin ni.

⁸ Nzen ya ηa ya ti má satieyofɔm, ya dadaka ya ηu wɔ lεε, na nahore wo má ya ahore su. ⁹ Ama, nzen ya kan ya satie kereeri Nyeme, i fá ya satie n ce ya a, na i kpakpara yi ya fite ya sa kere bo i kɔ má atin su nu, dama i la dabuɲu, na i yo sa bo i kɔ atin n su. Nyini ti, am ma ya kan ya satie kere kere Nyeme. ¹⁰ Nzen ya ηa ya yo má satie, ya yi Nyeme kɔrefɔ lεε, na i nɔ́anie n wo má ya ahore su lεε.

2

Yesu Kristo ti ya bukafɔ a

¹ M nbaam, m koro má ka am yo satie, nyini dεε ti ye m sukere ahin jɔrε n ma am n a, ama, nzen am be yoori satie, ya la sɔnɔ be bo i yo ya ni ya Si Nyeme afien dɔɲgu, yiri la Yesu Kristo bo i yo sa bo i kɔ atin su sanɲa kere ni. ² Ya satie ti, na yiri Yesu ade ya jinaabiri, na wɔ fa i ηu ayo tie afa ama Nyeme, adena Nyeme fá ya satie ce ya, má yere ηgumi dεε satie, ama, durunya n nufɔm kere dεε satie.

³ Am ma ya de Nyeme nɔ́anie maawam ni, nyini kere ka ya si yiri Nyeme lεε. ⁴ Sɔnɔ kere bo i ηa, i si Nyeme, na i de má i nɔ́anie maawam ni, i mi ti kɔrefɔ ɔ, na nahore wo má i ahore su. ⁵⁻⁶ Ama, sɔnɔ kere bo i deerɔ Nyeme nɔ́anie ni, i mi ti sɔnɔ bo i koro Nyeme nahore su a. Na sɔnɔ kere bo i ηa i wo ni Nyeme, wɔ yo daka ka i mi wo kabo Yesu wo ti ni. Nyini ye ya fa si ka ya wo ni Nyeme a.

⁷ M ninbaa koroowam, má nɔ́anie maawa fɔfɔre ye m sukere ma am n a, ama, nɔ́anie maawa dawa n bo am du mɔ tiiri i n a. Nyini nɔ́anie maawa dawa n la jɔrε n bo am yo tiiri i sanɲa bo am boori i bu suuri Yesu su ni. ⁸ Tɔ, ama, nɔ́anie maawa n bo m sukere ma am ni, i kaaki ti nɔ́anie maawa fɔfɔre wɔ bekun, na ya ηu ka i ti nahore wɔ, fite kabo Yesu Kristo wo ti ni, ni kabo am wo ti ni, dama awosin n susin, ye wein nahore su wo ta su.

⁹ Sɔnɔ kere bo i ηa i wo wein n nu, na i kpɔ i niwa, i mi toko wo awosin nu wɔ lεε. ¹⁰ Sɔnɔ kere bo i koro i niwa wo wein n nu wɔ, i yo má sa be bo i ma i niwa bo i jaa

kpaasi. ¹¹ Sɔnɔ kɛrɛ bo i kpɔ i niwa, i mi wo awosin nu wɔ, na i suyo satiem, dama awosin n ata i nyi, nyini ti, ye i si má dekem bo i yo bu n a.

Sɔnɔ bo i ɲa i si Nyemɛ, i ti má ye ni ka i koro durunya ni

¹² M nbaam, deke bo i ti na m sukere ahin kadasi n ma am n la ka, Nyemɛ afa am satie ace am, Yesu Kristo dɛɛ ti.

¹³ Sim, deke bo i ti na m sukere ma ambere n la ka, am si Yesu, yiri bo i wo bere kana Nyemɛ ba yiiri durunya n kere ni.

Ngbefenem, deke bo i ti na m sukere ma ambere n la ka, am akunma Sitana n dɛɛ ti.

¹⁴ M nbaam, deke bo i ti na m toko kere ma am n la ka, am si ya Si Nyemɛ n dɛɛ ti.

Sim, deke bo i ti na m toko kere ma am n la ka, am si Yesu bo i wo bere durunya n bumboori n kere ti.

Ngbefenem, deke bo i ti na m toko kere ma am n la ka, am yarada n ti fanɲa, na Nyemɛ nɔanie n wo am ahore su, na am akunma Sitana n dɛɛ ti.

¹⁵ Tɔ, má am koro durunya n ni, ni deke n kere bo bu wo nu ni. Sɔnɔ kɛrɛ bo i koro durunya ni, i mi koro má ya Si Nyemɛ lɛɛ. ¹⁶ Dama deke n kere bo i wo durunya n nu fen na i wura sɔnɔ konvi, ni deke bo sɔnɔ nyumbaa ɲu i na i koro i, ni deke bo sɔnɔ nya i na i fa fɔ, i fite má ya Si Nyemɛ dɔ, ama, i kere fite durunya n nu fen wɔ. ¹⁷ Durunya n ni deke kere bo i wura mine konvi kere la awieeri, ama, sɔnɔ kere bo i yo Nyemɛ sa koroowa, i nyá ɲɔɔ bo i la má awieeri.

Kabo ya si ya ɲu sa ni Kristo kpɔfɔ n ni

¹⁸ M nbaam, durunya ni sukɔ awieeri lɛɛ. Am yo tiiri ka nzen durunya n ba sukɔ awieeri, Kristo kpɔfɔ ni bá, ama, kisa Kristo kpɔfɔm dɔɲɲu ayi bu ɲu fofoe nu. Nyini ti, ya si ka durunya ni sukɔ awieeri lɛɛ. ¹⁹ Nyini minem n bo bu ti Kristo kpɔfɔm na ba fite ya nu ni, nahore su, bu ti má ya minem. Nzen má bu ti ya minem, má bu ka ya dɔ ɔ. Ama, ba fite ya nu, nyini ye ya si ka, bu be mmɔɔ ti má ya minem a.

²⁰ Ama, ambere yiri, Kristo n afa i Awiewie Casi n awura am ahore su, na am si deke bo i ti nahore ni. ²¹ Má ka am si má nahore n dɛɛ ti, ye m sukere ma am n a, ama, am si i, na am si ka kɔre koro yo má nahore. ²² Nma ti kɔrefɔm kere tii n a? Kɔrefɔ n la sɔnɔ kere bo i ɲa Yesu ti má Kristo Tiidefɔ n bo Nyemɛ sunmaari i ni, yiri n bo i yo sɔ n akete ya Si Nyemɛ, ni i Wa n lɛɛ, i mi ni ti Kristo kpɔfɔ n a. ²³ Dama sɔnɔ kere bo i keteeri Nyemɛ Wa ni, akete i Si Nyemɛ mmɔɔ lɛɛ. Ama, sɔnɔ kere bo i ɲa Kristo ti Nyemɛ Wa ni, i mi n ade i Si Nyemɛ mmɔɔ lɛɛ. ²⁴ Nyini ti, nɔanie n bo am tiiri i sanɲa bo am boori i bu suuri Kristo su ni, am ma i wo am ahore su. Nzen am bita nyini nɔanie ni am ahore su, nyini ma am ni Nyemɛ Wa ni, ni i Si n yo deke kun a. ²⁵ Deke bo Kristo seeri ka i fá ma ya n la ɲɔɔ bo i la má awieeri ni.

²⁶ M sukere ahin nɔanie n ma am, na am si am ɲu sa fa kɔ minem bo bu koro ka bu dadaka am ni. ²⁷ Ama, ambere yiri, Awiewie Casi n bo Kristo afa ama am wo am dɔ. Nyini ti, i ti má ye ni ka be fa kereewa be kere am kun, dama Awiewie Casi ni kere am deke kere a, na deke kere bo i kere am ti nahore wɔ, kɔre wo má nu. Nyini dɛɛ ti, am wo ni Kristo kabo Awiewie Casi n akere am ni.

²⁸ M nbaam, kisa am wo ni Kristo, na cɛɛn n bo i ba yiiri i ɲu fiteeri fofoe nu n na ya la ahoresi, na má nyinse ti ya. ²⁹ Am si ka Yesu yo sa bo i kɔ atin n su, nyini ti, am si ka sɔnɔ kere bo i yo sa bo i kɔ atin n su, i ti Nyemɛ wa a.

3

Bo bu ti Nyeme nbaam ni

¹ Am nie koro bo ya Si Nyeme fa koro ya barasu a. Nyini dee ti, ye i fere ya ka i nbaam n a, i ti nahore ka ya ti i nbaam wo. Durunya n nufom si ma ya Si Nyeme, nyini dee ti, ye bu si ma ka ya ti i nbaam n a. ² M ninbaa koroowam, kisa ya ti Nyeme nbaam wo, na Nyeme nya yi kere ma ya kabo ya ba ti barasu, ama, ya si ka Yesu ba baari, ya ti kabo i ti n wo, dama ya nu i kabo i ti barasu. ³ Nyini ti, sono kere bo i la tama ka i ba yo kabo Yesu ti ni, i bita i nu casi, kabo Yesu ti casi ni.

⁴ Sono kere bo i yo satie, i mi ti Nyeme nonie kpamaawa n ketefo o, dama satieyo ti Nyeme nonie kpamaawa n kete wo. ⁵ Am si ka Yesu baari durunya n nu, ka i ba yi satie bo i wo ya nu n wo, ama, yiri ni i tii la ma satie be. ⁶ Nyini ti, sono kere bo i wo ni Yesu, koro suyo ma satie, ama, sono kere bo i toko yo satie, nyini kere ka, wo nya nu ma i lee, na i mi kaaki si ma i.

⁷ M nbaam, ma am ma be dadaka am. Sono kere bo i yo sakpa, Nyeme de i ka i mi yo sa bo i ko atin su i do, kabo Yesu ti ni. ⁸ Sono kere bo i yo satie, i mi ti Sitana dee sono o, dama fite durunya n bumboori n kere ye Sitana n yoori satie a. Deke bo i ti na Nyeme Wa n baari durunya n nu la ka, i ba yo Sitana n juma ngbeen wo. ⁹ Sono kere bo i ti Nyeme wa koro suyo ma satie, dama Nyeme woowa n wo i mi do, na Nyeme ti i Si n dee ti, i koro suyo ma satie. ¹⁰ Deke bo ya fa si minem bo bu ti Nyeme nbaam, ni bo bu ti Sitana n nbaam n la ka, sono kere bo i yo ma sakpa, wara sono kere bo i koro ma i niwa, i mi ti ma Nyeme wa.

Kabo ya koro ya benggu barasu ni

¹¹ Jore n bo am tiiri i sangha bo am boori i bu suuri Yesu su n la ka, am ma ya koro ya bengum. ¹² Ma am ma ya yo ka Keen, bo i yo ti Sitana dee wa ni, na i kuunri i niema ni. Nzu ti ye i kuunri i niema n a? I sayoowa ti ma kpa n dee ti, na i niema n dee n ti kpa n ti. ¹³ Nyini ti, m ninbaam, nzen durunya n nufom kpo am ka am yo sakpa n dee ti, ma am ma i yo am alekutura. ¹⁴ Kabo yere koro ya ninbaam n ti, nyini ma ya si ka ya fite yiwee n nu anya ngoo nahore su a. Sono kere bo i koro ma i niwa toko wo yiwee nu wo lee. ¹⁵ Sono kere bo i kpo i niwa ti sono kunfo o Nyeme do. Am si ka sono kere bo i kun sono la ma ngoo bo i la ma awieeri ni. ¹⁶ Yesu deeru ya dee jinaabiri wo, na wo to i ngoo awu ama ya, nyini ma ya fa si kabo koro ti barasu a. Nyini ti, wo yo daka ka ya gusu to ya ngoo ma ya ninbaam, haari nzen i yo yiwee mmoo. ¹⁷ Sono kere bo i la nenge, na i nu ka i niwa wo yaari nu, na i si ma i anunfo ka i buka i, Nyeme koro wo ma i mi n ahore su lee. ¹⁸ M nbaam, ma am ma ya jooowa n ngumi kere ka ya la koro, ama, am ma ya sayoowa kere ka ya koro ya ninbaam nahore su. ¹⁹ Nyini ma ya fa si ka ya su nahore n su a, na i ma ya la ahoresi Nyeme do a, ²⁰ na nzen ya sunsunni maari ya ka ya yo satie, ya si ka Nyeme tara ya sunsunni ni, na i kaaki si deke n kere. ²¹ Nyini ti, m ninbaa koroowam, nzen ya sunsunni ase ma ya ka ya yo satie, ya la ahoresi Nyeme do lee. ²² Na deke kere bo ya sereeri i, ya nya i wo, dama ya de nonie maawa n bo Nyeme fa maari ya ni, na ya yo sa bo i sun i nu. ²³ Nonie maawa n bo Nyeme fa maari ya n la ka, ya yo i Wa Yesu Kristo yarada, na ya koro ya ninbaam ni, kabo wo se ya ni. ²⁴ Sono kere bo i deeru Nyeme nonie maawam n wo ni Nyeme, na Nyeme mmoo wo ni i mi ni. Awiewie Casi n bo wo fa ama ya ni, ma ya si ka Nyeme wo ni yere a.

4

Awiewie n bo i ti nahore ni bo i ti kore n jore

¹ M ninbaa koroowam, ma am yo minem kere bo bu na Nyeme Awiewie n wo bu do n yarada, ama, am yo bu na am nie ka bu kereewa n fite Awiewie Casi n do, nzen

i fite má. Dama kɔ́rɛfɔm dɔ́ngu bo bu yo bu ɲu ka bu ti Nyɛmɛ nɔ́aniɛ kanfɔm n asandi abara aye durunya n nu. ² Nyɛmɛ nɔ́aniɛ kanfɔ kɛrɛ bo i se ka Yesu Kristo kaakiiri adamande baari durunya n nu fɛn, yiri ye Nyɛmɛ Awiewiɛ n wo i dɔ́ a. Nyini ye am fa si bo Awiewiɛ Casi n wo bu dɔ́, ni bo i wo má bu dɔ́ a. ³ Ama, sɔ́nɔ́ kɛrɛ bo i keteeri ka, Yesu akaaki má adamande ni, Nyɛmɛ Awiewiɛ n wo má i mi dɔ́, ama, i dɛɛ kereewa n fite Kristo kpɔ́fɔ n dɔ́ ɔ́. Yiri ye am yo tiiri ka i bá durunya n nu, ye kisa wɔ́ ba n a.

⁴ M nbaam, am ti Nyɛmɛ dɛɛ minɛm wɔ́, ye am akunma nyini kɔ́rɛfɔm bo bu yo bu ɲu ka bu ti Nyɛmɛ nɔ́aniɛ n kanfɔm ni, dama Awiewiɛ Casi n bo i wo am nu n la yiko tara Sitana n bo i wo durunya n nufɔm nu ni. ⁵ Nyini kɔ́rɛfɔm bo bu yo bu ɲu ka bu ti Nyɛmɛ nɔ́aniɛ kanfɔm ni, bu kan durunya n nu jɔ́rɛ kere minɛm a, na durunya n nufɔm de kabo bu kere ni, dama bu ti durunya n nufɔm wɔ́. ⁶ Ama, yɛrɛ yiri, ya ti Nyɛmɛ dɛɛ minɛm wɔ́, sɔ́nɔ́ kɛrɛ bo i si Nyɛmɛ de kabo ya kere n wɔ́, ama, sɔ́nɔ́ kɛrɛ bo i ti má Nyɛmɛ dɛɛ de má kabo ya kere ni. Nyini ye ya fa si minɛm bo bu la Nyɛmɛ Awiewiɛ n bo i kere nahɔ́rɛ n a, ni bo bu bu kɔ́rɛ n fite Sitana dɔ́ n a.

Ya koro ya beɲgu kabo Nyɛmɛ koro ya ni

⁷ M ninbaa koroowam, am ma ya koro ya niwa, dama koro fite Nyɛmɛ dɔ́ ɔ́, na sɔ́nɔ́ kɛrɛ bo i koro i beɲgu ti Nyɛmɛ wa a, na i mi si Nyɛmɛ a. ⁸ Nyɛmɛ ti koro wɔ́, nyini ti, sɔ́nɔ́ kɛrɛ bo i koro má i beɲgu si má Nyɛmɛ. ⁹ Kabo Nyɛmɛ kereeri i koro fa kɔ́ ya dɔ́ n la ka ɔ́, wɔ́ sunma i kunnu Wa kun n kpein durunya n nu, adena yiri dɛɛ ti na ya nya ɲgɔ́. ¹⁰ Kabo koro ti lɛɛ, má ka yɛrɛ koroori Nyɛmɛ a, ama, yiri koroori ya a, na wɔ́ sunma i Wa, na wɔ́ de ya jinaabiri na wɔ́ fa i ɲu ayo tie afa ama Nyɛmɛ, adena Nyɛmɛ fa ya satie ce ya. ¹¹ M ninbaa koroowam, kabo Nyɛmɛ koro ya sɔ́ ni, wɔ́ yo daka ka ya gusu koro ya beɲgu. ¹² Be nya ɲu má Nyɛmɛ, ama, nzen ya koroori ya beɲgu, Nyɛmɛ wo ya dɔ́ lɛɛ, na nyini ma i dɛɛ koro n wo ya dɔ́ na i ti kabo i koro ka i ti n a.

¹³ Awiewiɛ Casi n bo Nyɛmɛ afa ama ya ni, nyini ma ya si ka ya wo ni yiri a, na i gusu wo ni yɛrɛ a. ¹⁴ Na yɛrɛ aɲu kabo ya Si Nyɛmɛ n asunma i Wa n ka i ba yo durunya n nufɔm Tiidefɔ́, ye ya di i daani a. ¹⁵ Sɔ́nɔ́ kɛrɛ bo i tekeeri i nɔ́ɔ́ seeri ka Yesu ti Nyɛmɛ Wa, Nyɛmɛ wo i mi n dɔ́, na i mi n gusu wo ni Nyɛmɛ lɛɛ. ¹⁶ Yɛrɛ mmɔ́ ni ya tii si kabo Nyɛmɛ koro ya barasu, ye ya yo yarada ka i koro ya.

Nyɛmɛ ti koro wɔ́, nyini dɛɛ ti, sɔ́nɔ́ kɛrɛ bo i koro i beɲgu ni, i mi wo ni Nyɛmɛ, na Nyɛmɛ wo ni yiri. ¹⁷ Nyɛmɛ koro wo ya dɔ́, i ti kabo i koro ka i ti n wɔ́, nyini ti ye ya bá koro jina i nyunu ni ahoresi, cɛɛn n bo Nyɛmɛ bá di durunya n nufɔm kɛrɛ jɔ́rɛ ni, má pui ti, kabo Kristo ti ni, ya gusu wo ti sɔ́ ɔ́, durunya n nu. ¹⁸ Sɔ́nɔ́ kɛrɛ bo Nyɛmɛ koro wo i dɔ́ soro má sɛrɛ, dama koro bo i ti kabo Nyɛmɛ koro ka i ti ni, i fɔ́n yi sɛrɛ wɔ́, nyini ti, sɔ́nɔ́ kɛrɛ bo i soro sɛrɛ, Nyɛmɛ koro wo má i dɔ́ kabo má Nyɛmɛ koro ka i ti ni, dama sɛrɛ ni suicin nati a. ¹⁹ Nyɛmɛ du mɔ́ koroori ya, nyini dɛɛ ti ye ya gusu la koro n a. ²⁰ Sɔ́nɔ́ kɛrɛ bo i ɲa i koro Nyɛmɛ, na i koro má i ninbaam ni, i mi ti kɔ́rɛfɔ ɔ́. Nzen i koro má i niwa bo i nyumbaa ɲu i ni, i yó sɛ koro Nyɛmɛ bo i nyumbaa ɲu má i n a? ²¹ Nɔ́aniɛ maawa n bo Yesu afa ama ya n la ka, sɔ́nɔ́ kɛrɛ bo i koro Nyɛmɛ, wɔ́ yo daka ka i mi koro i ninbaam gusu.

5

Kabo ya kunma durunya n ni

¹ Sɔ́nɔ́ kɛrɛ bo i yo yarada ka Yesu ti Kristo Tiidefɔ́ n bo Nyɛmɛ asunma i ni, i mi ti Nyɛmɛ wa a, na sɔ́nɔ́ kɛrɛ bo i koroori baa n wufɔ́ ni, i koro baa n gusu. ² Deke bo ya fa si ka ya koro minɛm bo bu ti Nyɛmɛ nbaam n la ka, ya koro Nyɛmɛ, na ya de nɔ́aniɛ maawam n bo wɔ́ fa ama ya ni. ³ Nzen ya deerɛ Nyɛmɛ nɔ́aniɛ maawam ni,

nyini kere ka ya koro i a. I nɔaniɛ maawam n gusu ti má kekereke, ⁴ dama sɔnɔ kere bo i ti Nyemɛ wa kunma durunya n wɔ. Deke bo ya fa kunma durunya n la kabo ya yo Yesu yarada n wɔ. ⁵ Nɔma koro kunma durunya n a? Bo i koro kunma durunya n la sɔnɔ bo wɔ yo yarada ka Yesu ti Nyemɛ Wa ni.

Daani diiwa fa kɔ kabo Yesu Kristo ti Nyemɛ Wa ni

⁶ Yiri Yesu Kristo yo baari durunya n nu n a, na ba biɛ i Nyemɛ nzue, nyini sin, na wɔ ba awu, na i mbunja afite agɔ. I baari ni, má ka bu biɛeri i Nyemɛ nzue n ɲgumi wɔ, ama, i wuuri wɔ, na i mbunja afite agɔ. Awiewie Casi ni di i daani a, dama Awiewie Casi n ti nahɔrefɔ ɔ. ⁷ Deke nsan di i daani a. ⁸ Bu daani diiwa n ti kun wɔ. Bere la Awiewie Casi ni, ni kabo bu biɛeri i Nyemɛ nzue ni, ni kabo i wuuri na i mbunja fite gɔɔri ni. ⁹ Sɔ ye Nyemɛ ni i tii adi i tiɲgu Wa n daani a. Ya de minem daani diiwa, nyini ti, i ti ye ni ka ya de Nyemɛ daani diiwa, dama i daani diiwa n la fanja tara minem dɛɛ. ¹⁰ Nyini ti, sɔnɔ kere bo i yoori Nyemɛ Wa n yarada, i mi la daani difɔ, yiri la Awiewie Casi n bo i wo i ahore su ni, na sɔnɔ kere bo wɔ yo má i yarada ayi Nyemɛ kɔrefɔ lɛɛ, dama wɔ yo má daani n bo Nyemɛ adi i fa kɔ i Wa n su yarada. ¹¹ Nyemɛ daani diiwa n la ka o, wɔ ma ya ɲgɔɔ n bo i la má awieeri ni, nyini ɲgɔɔ n wo i Wa n dɔ ɔ. ¹² Sɔnɔ kere bo i ni Nyemɛ Wa n ayo kun, i mi la nyini ɲgɔɔ ni, na sɔnɔ kere bo i de má Nyemɛ Wa ni, i la má ɲgɔɔ.

ɲgɔɔ bo i la má awieeri n jɔɛ

¹³ M koro ka ambere bo am ayo Nyemɛ Wa n yarada n si ka am la ɲgɔɔ bo i la má awieeri ni, nyini dɛɛ ti ye ma kere ahin kadasi n ama am n a. ¹⁴ Ya la ahoresi ni Nyemɛ, ka, deke kere bo ya sereeri i, na i ti i dɛɛ koroowa, i de ya sere wɔ. ¹⁵ Ya si ka deke kere bo ya sereeri i, na i de ya sere, ya si ka wɔ yo i ama ya lɛɛ.

¹⁶ Nyini ti, nzen sɔnɔ ɲu ka i niwa be ayo satie be bo i kpaaki má i ni Nyemɛ afien fieo, i mi sére Nyemɛ ma yiri n bo wɔ yo satie ni, na Nyemɛ má i ɲgɔɔ. Ama, satie be wo bere bo i kpaaki sɔnɔ ni Nyemɛ afien fieo, m suse má ka am sere Nyemɛ ma minem bo bu yo nyini satie n wɔ. ¹⁷ Sa kere bo minem yo i na i ti má kpa ti satie wo Nyemɛ dɔ, ama, satieyo nbem wo bere bo i kpaaki má sɔnɔ ni Nyemɛ afien fieo.

¹⁸ Ya si ka minem kere bo bu ti Nyemɛ nbaam koro suyo má satie, dama Nyemɛ Wa ni ɲminda i a, na Sitana koro yo má i mi pui. ¹⁹ Ya si ka durunya n nufɔm kere wo Sitana n saa nu wɔ, ama, yere ti Nyemɛ dɛɛm wɔ. ²⁰ Ye ya kaaki si ka Nyemɛ Wa n aba na wɔ ba ateke ya nyi wɔ, adena ya si yiri n bo i ti Nyemɛ nahɔɛ su ni. Ye ya wo ni Nyemɛ n bo i ti nahɔɛ n ni i wa Yesu Kristo ni. Yiri ti Nyemɛ nahɔɛ su n a, na i ma ɲgɔɔ bo i la má awieeri n a.

²¹ Tɔ, m nbaam, am tara am ɲu, na má am su amɔɛm.

Kadasi nnyo su bo YOHANE akerε i ni

¹ Mini bo m ti am kpien ni, sukere ahin jore n fa ma woro bara bo Nyeme ayi u, ni u nbaam n a. M koro am nahore su, ma mini ngumi koro am a, ama, bo bu si nahore atin n kere koro am wo, ² dama nahore n wo ya do o, na i ba wo ya do o, sangga kere bo i la ma awieeri.

³ Ya Si Nyeme, ni i Wa Yesu Kristo buka ya, na bu si ya anunfo, na bu ma ya ahoreda, na ya su nahore atin su ni koro.

Am koro am bengu na am si am nu sa ni dadakafom ni

⁴ Ma nu ka am nbaam nbem bita nahore n kabo ya Si Nyeme afa i noanie n ama ya ni, nyini dee ti, wo yo m fie agaya. ⁵ Kisa, bara, m susere am wo, ka am ma ya koro ya bengu. Ahin ti ma noanie maawa fofore ye m sukere ma am n a, ama, i ti noanie maawa kun n bo ya tiiri i sangga bo ya boori i bu suuri Yesu su n wo. ⁶ Koro n bo m sujjo i jore n la ka, ya wo kabo Nyeme noanie maawa n kere ni. Noanie maawa n bo am du mo tiiri i n la ka, am koro am bengu.

⁷ Dadakafom beberebe asandi abara aye durunya n nu, bu na Yesu Kristo akaaki ma adamande aba ma durunya n nu. Bere ti dadakafom wo, na bu ti Kristo kpofom. ⁸ Nyini ti, am si am nu sa, na ma deke n bo ya yi anyumboro afa akere am n ka ngbeen, ama, na am ba nya i kere nkato. ⁹ Sono kere bo i su ma Kristo dee kereewa n su, na i kere i dee kereewa ko sin nyini nu, Nyeme wo ma i mi do, ama, sono kere bo i su Kristo dee kereewa n su, ya Si Nyeme, ni i Wa n wo i mi n do lee. ¹⁰ Nyini ti, sono kere bo i baari am do, na i bita ma Kristo dee kereewa ni, ma am ma i mi wura am dika, ma am yo i anse ni ba mmoo. ¹¹ Dama woro kere bo a yoori nyinim be so anse, a jina i mi sin fa ko i satiem n bo i yo bu n su wo lee.

Awieeri su dee jore ni

¹² Ma m la jore beberebe bo ma m se am, ama, m koro ma ka m kere i kere wura ahin kadasi n nu, ama, m la tama ka m ba nie am busu, na ya nu ya nu, na ya bo anzama, bo ya ahore jo ni nahore su.

¹³ U niemabara n bo Nyeme ayi i ni i nbaam kere bo bu wo fen n bisa am kere dongu.

Kadasi nsan su bo YOHANE akere i ni

¹ Mini bo m ti u kpien ni, sukere ahin jore n fa ma woro m don Gayosi bo m koro u nahore su n a.

² M don koroowa, m nyemesere la ka, Nyeme ma u anuniembaa nu laifie, na u deke kere ko atin su nyunyumi, kabo u nyemesu ni sukoko atin su ni. ³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo. ⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wofa

⁵ M don koroowa, a bita nahore kabo a nati yo sakpa ma u ninbaam bo bu ba u do wofa ni, haari ni bo a si ma bu ni mmoo. ⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu sukoko ni. ⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do. ⁸ Nyini ti, yere bo ya ti Kristo susufom ni, wo yo daka ka ya buka bu ni jama n bo bu yo i ni. Nzen ya bukaari bu, nyini la ka, ya ni bere abo kun sukan Kristo noanie n bo i ti nahore n kere minem wo lee.

⁹ M yo kereri jore be maari Kristo jama ni, ama, Diyoterefesi bo i koro ka i kere ka yiri ti mofa n atana su, wo bo ma jore be nu. ¹⁰ Nyini ti, nzen m baari, m yi i sayoowa fite fofoe nu, dama wo joro jore ngbeenngbeen abu kore aso ya, ma nyini ngumi, wo kete ka i de ma Kristo minem wofa, na nzen nbem koro ka bu de minem wofa mmoo, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sono kere bo i yo sakpa ti Nyeme dee wo, ama, sono kere bo i yo satie si ma Nyeme. ¹² Sono kere di daani kpa fa ko kabo Demetiroosi bita nahore n wo, na i woowa gusu kere ka i bita nahore wo. Yere mmoo di i daani wo, ye a si ka kabo ya se n ti nahore wo.

Kasin dee anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu. ¹⁴ M la tama ka m ba nie u busu kisa, na ya nu ya nu, na ya bo anzama. ¹⁵ Nyeme ma u ahoreda. U danfom kere bo bu wo fen bisa u dongu. Woro gusu bisa ya danfom kere dongu ma ya.

Kadasi n bo JUDA akerε i ni

¹ Mini Juda bo m ti Yakobo niema na m ti Yesu Kristo akoo ni, sukere ahin kadasi n ma ambere kere bo ya Si Nyeme koro am na wo fere am, na Yesu Kristo bita am ni. ² Nyeme si am anunfo agaya, na i ma am ahoreda buka su, na i koro am ko sin su.

Korefom bo bu yo bu nu ka bu kere Nyeme noanie n dee jore

³ M ninbaa koroowam, ma m suboro m nyi wo, na m kere kadasi ma am fa ko tiide n bo m ni ambere kere anya i n su ni. Ama, wo yo daka ka m du mo kere am, na m sere am jande ka am boro am nyi tu ngoni bita am yarada n kenken, nyini yarada ni, yiri ye Nyeme afa ama i minem kpekun n kpein n a. ⁴ Dama minem nbem awo awura am nu benle, nyini minem ni, bu soro ma Nyeme, bu kaaki Nyeme ahoroma n bo wo fa ama ya n wo, na bu su bu dee konviki koroowa atin n su, na bu kete Kristo. Yiri ngumi ti ya Tiidefo ni ya Mibie a. Dawa dee Nyeme noanie kanfom kereeri bu jore, ka, Nyeme di bu jore na i yo bu ngbeen.

⁵ Haari ni bo am adu mo asi ahin jore n kere ni, m koro ka m tenge am su wo, fa ko kabo Micera n yo yiiri Yisarelifom fiteeri Ijipiti asien su ni, ama, kasin na wo ma bo ba yo ma i yarada n kere aka ngbeen. ⁶ Na Nyeme merkem nbem bo bu keteeri ka bu wo ma bu yiko woobiri ni, na bu yakiiri bu jinaabiri ni, bere ye Nyeme awura bu joroko bo bu fite ma nu kun, afa bu ase awosin liim nu n a, ka bu wo do, haari fa ko ju joredi bambaka n ceen. ⁷ So ye Sodom ni Gomorafom, ni miem bo bu bara ye bu n mmoo yoori a, bu faari bu nu wuraari sakaraya sereyam nu wo, na bu suyo konviki sam bo bu ko ma atin su. Nyini dee ti, na Nyeme acin bu sui, afa bu awura sin n bo i je sanja kere n nu. Nyeme yoori so o, na mine nu i, na bu fa tu bu nu fo.

⁸ So ye nyini minem nati cin alele ngbeenngbeen a, na bu suyo dangba sam, na bu kete Nyeme yiko ni, na bu kpie ngwofom nzuko, bere bo bu wo angoro na bu woowa la jirima ni. ⁹ Haari Mikali bo i ti Nyeme merkem n kere tii ni mmoo, wo yo abo ma su ka i jaraki Sitana kpie i nzuko, sanja bo Moyisi wuuri na bu seeri akuruwa fa ko i nuniembaa n busu ni. Ama, kabo i seeri i n la ka, "Nyeme bisa u." ¹⁰ Ama, ahin minem ni, bere yiri, deke bo bu si ma i ni, nyini ye bu kpie i nzuko a. Haari nzen bu na ba ti deke bu, bu sunsunni ti ka nengendorem dee wo. Bu nyini sunsunni n bo bu bita i na i ti ma kpa ni, nyini ma bu ka ngbeen a. ¹¹ Keto, keto, bu nu kekereke. Dama ba fa satie atin n bo Keen faari i ni, na nwaa dee ti, bu su Baalam dee dadaka atin n su wo, na ba kete nahore atin kabo Kora yo keteeri ni. Nyini ti, kabo i kaari ngbeen ni, bere gusu ka ngbeen so o. ¹² Nzen am ba tien am noo sudi anoose diire, bu sata am afien kabo fin ta sutura n wo, dama bu ni ambere sanja di a, na bu san ma nya, bu koro ka bere ngumi kunnu yi a, bu la ma kpere be. Bu ti ka nzue bo i muna na anuma fa i sin n wo. Na bu kaaki ti ka baka bo i su ma suuwa bakam su sanja, na i wu kpoko na i bu to n wo. ¹³ Bu nyinse sam bo bu yo bu ni, bu ti kabo tieku nzue bo na i yasu fufuku n wo. Bu kaaki ti ka asarambaa bo bu jengbe bara ye n wo. Nyeme asese awosin liim su anminda bu ka bu ko wo do sanja kere.

¹⁴ Sono be bo bu fere i ka Henoki, na i to ya na Adama su nso su ni, Nyeme yo faari i noanie n maari i wo, na wo yo ajojo nyini jore n ka, "Am ti fen, Micera ni suba ni i merkem akpii akpii buru, ¹⁵ na i ba di sono kere jore, na i cin bu sui fa ko bu satiem bo ba yo bu n su, ni kabo bu jooori ngbeenngbeen na bu keteeri Nyeme ni. Bu ti satiefom wo, nyini ti, ye bu keteeri Nyeme noanie n a." ¹⁶ Nyini minem ni

sɔ, bu ɲunuti wɔ saŋga kere, na bu sujaraki bu benggu, na bu susu bu konvikiya sa ɲgbɛɛnɲgbɛɛn bo bu bita i n su, na bu sufɔ yanfɔya, na bu subo minem anɔɔfie, adena bu nya bu dɛɛ sa koroowam.

Jɔre bɔbɔɔwam ni atin kereewam ni

¹⁷ Ama, amberɛ, m danfo kpam, wɔ yo daka ka am tenge su fa kɔ jɔre n bo ya Mibiɛ Yesu Kristo jaramasam yo seeri am ni. ¹⁸ Bu seeri am ka, “Saŋga bo durunya n ba sukɔ awieeri su ni, mine nbem bá ba, na bu yó am anzasi, fa kɔ am yarada n su, na bu sú bu dɛɛ tienɲu aɲuniɛmbaa sa koroowam n su bo bu kɔ má Nyemɛ atin su ni.” ¹⁹ Ahin minem sɔ, bu sutiti am nu wɔ lɛɛ, bu su adamande dɛɛ ɲɔnle su a, Nyemɛ Awiewiɛ Casi n wo má bu dɔ. ²⁰ Ama, amberɛ, m danfo kpam, am boro am nyi na am ma am yarada casi n buka su, na am sere Nyemɛ, Awiewiɛ Casi n dɛɛ yiko nu, ²¹ na am ma Nyemɛ dɛɛ koro n wo am dɔ. Na am ɲmindá fa kɔ saŋga bo ya Mibiɛ Yesu Kristo bá si am aɲunfɔ, na am nya ɲɔɔ bo i la má awieeri ni. ²² Nbem wo am nu bo bu la sika bu sunsunni nu, am si bu aɲunfɔ, ²³ nbem gusu, am cin yi bu fite sin nu, na am de bu tii ji, na nyingam gusu, am si bu aɲunfɔ, ama, am si am ɲu sa haari na má am ma bu sutura fin mmɔɔ ta am.

Awieeri su dɛɛ nyemɛsere

²⁴⁻²⁵ Nyemɛ ɲgumi ti ya Tiidefɔ a, ya Mibiɛ Yesu Kristo dɛɛ ti. Yiri koro bita am na am kpaasi má a, yiri koro fa am ba jina i jirima bie n nyunu a, na am la má ɲgasi be na i ma am ahorejɔ a. Yiri ye i ti ye ni ka ya kansɩ i na ya wura i kpɩri a, yiri ti yikofɔ a, yiri ti fanɲafɔ a, yiri yo woori bere a, yiri toko wo bere kisa ni saŋga kere a. Ami.

SAYIKEREWA bo Yesu yi kereeri YOHANE ni

¹ Ahin jɔrɛ n ye Nyemɛ seeri Yesu Kristo ka i yi kere i akɔɔm fa kɔ sam bo i cɛ má na bu bá yo n a. Na Yesu asunma i mɛrɛkɛ i akɔɔ Yohane dɔ, na i kɔ se i jɔrɛ ni. ² Jɔrɛ n bo Nyemɛ ni Yesu Kristo yi kereeri Yohane na i ɲuuri i ni, nyini ye wɔ di i daani akere i n a.

³ Sɔnɔ kere bo i kaanri ahin kadasi ni, terefie wo i dɔ. Na minem kere bo bu tiiri i jɔrɛ na bu deeri i, terefie wo bu dɔ, dama sanja n adodo bo nyini sam kere bá yo.

Kabo Yohane kereeri kadasi yoori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama asese nso n bo bu wo Esiya awɔrɛ n nu n a. Nyemɛ bo i wo bere, na i yo woori bere, na i bá wo bere sanja kere ni, ni i awiewie busu nsom n bo bu wo yiri Nyemɛ kpiri n nyunu ni ma am ahoreda, na am di bu ahɔroma. Bekun, Yesu Kristo, yiri bo i di i daani na i la dabuɲu ni, na yiri ti bo i du mɔ tengeeri yiwee nu ni, na i kaaki ti durunya n nu nfemem kere tii ni, ma am ahoreda, na am di i ahɔroma. Yiri koro ya, na wɔ fa i mbunja ade ya afite ya satie kere nu, ⁶ na wɔ yo ya i femeya n nu minem na ya yo i sayoowa dɔɲguyofɔm, na ya su i Si Nyemɛ. Yiri Yesu Kristo ni, yiri ti ye ni ka ya wura i kpiri a, i dɛe la yiko sanja kere. Ami.

⁷ Am nie, i fite angoro yinyingɔ n nu ba,
na sɔnɔ kere nyumbaa bá ɲu i,
fa sanja ni minem bo bu woori i kpie n kere.
Yiri ti, durunya n nufɔm kere sún.

I ti sɔ ɔ. Ami.

⁸ Ya Mi Nyemɛ Feme Kpiri bo i wo bere ni, na i yo woori bere, na i bá wo bere sanja kere n ase ka, “Mini ti mɔfɔ a, na m kaaki ti kasinfɔ.”

Kabo Yohane ɲuuri Kristo ka alele nu ni

⁹ Mini Yohane ti am niwa bo m ni amberɛ kere sanja di wahara ni mindi Yesu dɛe ti, na ya ti i femeya n nu minem ni. Nyemɛ nɔanie n bo ma kan i ni, ni Yesu daani n bo ma di i n dɛe ti, na ba fa m akɔ aji mie be bo i wo lui bambaka n bo i wo tieku n nu na bu fere i ka Patamosi n su. ¹⁰ Ya Mibie n dɛe cɛen ni, na Nyemɛ Awiewie Casi n awura m ɲu, na ma ti akonvi bambaka be ɲga m sin, ka awie dɛe su. ¹¹ Na wɔ se m ka, “Kere deke n kere bo a ɲú i n wura kadasi n nu, na a fa ma Kristo jama asese nsom bo bu wo ahin mie kpirim n su ni, bere la Efeso, ni Samirina, ni Peregamon, ni Tiyatira, ni Saradisa, ni Filadɛlefiya, ni Lawodikaya.”

¹² Na ma cɛ anie m sin ka m ɲu sɔnɔ n bo i jɔjɔ m dɔ ni, m cɛ nieeri ni, na ma ɲu fitana takaabiri nsom bo bu ti sika ni. ¹³ Na ma ɲu be ka adamande wa ni, i wo bu afien, i wura tanlee tintiin yorom, na wɔ fa sika dambara abo i hoe su. ¹⁴ I tiinjmie kere ti fofoe papasi ka gise wɔ, na i nyumbaa kere je ka sin fofoe. ¹⁵ Na i jaa gbagbaa kere boro ka jawii bo ba fa awura sin nu na wɔ boro sonsoen, na i konvi bo awie kabo nzue beberebe songi na i bo awie barasu ni. ¹⁶ I bita asarambaam nso i saa fombɔrɔ nu, na takobe nana afite i nɔɔ nu. I nyunu je kabo wie ba bi na i je n wɔ.

¹⁷ M ɲuuri i sɔ ni, na ma kaba ada i jaa bu asiengɔ ka ma wu dɛe su wɔ, na wɔ fa i saa fombɔrɔ anana m ɲu, na wɔ se m ka, “Má a soro sere. Mini ti deke kere bumboori ni i awieeri a. ¹⁸ Mini ti bo i wo bere sanja kere n a. Nie fen. M yo wuuri wɔ, ama, kisa, ma tenge yiwee nu. M la ɲgɔɔ bo i la má awieeri. Mini bita yiwee ni Yiweefɔm Woobiri kadombaa a. ¹⁹ Nyini ti, kere sam bo a ɲu bu ni, ni bo bu suyo kisa ni, ni bo

bu bá yo ahin dɛɛ sin ni. ²⁰ Asarambaa nsom bo a ɲu bu m saa fɔmbɔɔ n bu la ka, Kristo jama asese nsom n merɛkem. Na fitana takaabiri nsom bo bu ti sika ni gusu bu la ka, Kristo jama asese nsom ni.”

2

Nɔaniɛ n bo bu fa maari Kristo jama n bo i wo Efeso ni

¹ Na wɔ se m ka, “Kɛɛ kadasi fa ma merɛke n bo i niɛ Kristo jama n bo i wo Efeso miɛ kpiri n nu ni, na a se bu ka, ‘Ahin nɔaniɛ n fite mini bo m bita asarambaa nsom m saa fɔmbɔɔ nu ni, na m kaaki nati fitana takaabiri nsom bo bu ti sika n afiɛn n dɔ ɔ. ² M si am sayoowam, m si kabo am ayo am juma ni anyumboro barasu, ni kabo am la mindi barasu ni, na m si kabo am de má satieyofɔm ni. Na m kaaki si kabo am ayi kɔresi aɲu minem bo bu ɲa bu ti m jaramasam, ama, bu woowa kere ka bu ti má sɔ, na am aɲu ka bu ti kɔrefɔm ni. ³ Mini dɛɛ ti, am ayo sawɔɛ amindi am wahara nu, am nya fie má, am toko su m su.

⁴ Ama, jɔɛ kun bo m fa jaraki am la ka, kisa am koro má m kabo am yo koro m ni. ⁵ Nyini ti, am bu am tii nu fɔ na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni. ⁶ Ama, am sa kun bo i yo m fie n la kabo am koro má Nikolaitafɔm sayoowam ni, mini mmɔɔ koro má bu sayoowam ni.’

⁷ Sɔnɔ kɛɛ bo i koro ka i ti ahin jɔɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛɛ bo i di nasara, m má i atin na i di baka n bo i ma ɲɔɔ n dɛɛ suuwa na i wo Nyeme dika n nu ni.”

Nɔaniɛ n bo bu fa maari Kristo jama n bo i wo Samirina ni

⁸ Na wɔ se m ka, “Kɛɛ kadasi fa ma merɛke n bo i niɛ Kristo jama n bo i wo Samirina miɛ kpiri n nu ni, na a se bu ka, ‘Ahin nɔaniɛ n fite mini bo m ti deke kɛɛ bumboori ni i awieeri ni, na m yo wuuri na ma tenge yiwee nu ni dɔ ɔ. ⁹ M si kabo am adi wahara agaya barasu, ni kabo am ti jaarifɔm ni, ama, am ti nengefɔm wɔ Nyeme dɔ. Na m si kabo minem kpie am nzuko ni, bo bu yo bu ɲu ka bu ti Yudafɔm, ama, bu ti má Yudafɔm ɲgba, bu ti Sitana dɛɛ jama n wɔ. ¹⁰ Am dí wahara kisa, ama, má am soro sɛɛ. Am ti fɛn, Sitana wúra am nbem saraka na i yó am na i niɛ na am ɲú kekereke leburu. Ama, am su m ni nahɔɛ haari am bá wu, na m tó am ɲkatɔ, yiri la ɲɔɔ bo i la má awieeri n a.’

¹¹ Sɔnɔ kɛɛ bo i koro ka i ti ahin jɔɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛɛ bo i di nasara ɲú má yiwee kpe nnyɔ su n kun.”

Nɔaniɛ n bo bu fa maari Kristo jama n bo i wo Peregamon ni

¹² Na wɔ se m ka, “Kɛɛ kadasi fa ma merɛke n bo i niɛ Kristo jama n bo i wo Peregamon miɛ kpiri n nu ni, na a se bu ka, ‘Ahin nɔaniɛ n fite mini bo m la takobe nana n dɔ ɔ. ¹³ M si deke bo am woori ni, am woobiri n ti Sitana femeya tanaabiri wɔ, ama, am toko su m ni nahɔɛ wɔ, am ayaki má m yaradayo, haari ni sangba bo bu kuunri Antipasi bo i diiri m daani nahɔɛ su am miɛ n nu, deke bo Sitana wo ni. ¹⁴ Ama, m la jɔɛ nbem bo m fa jaraki am, am nbem bita Baalam kereewa atin n wɔ. Yiri yo kereeri Feme Balaki, ye i maari Yisarelifɔm yoori satie diiri tie niɛ, na ba yo sakaraya. ¹⁵ Am nbem gusu ti sɔ ɔ, bu su Nikolaitafɔm dɛɛ atin kereewa n su wɔ. ¹⁶ Nyini ti, am kaaki am wo, má nyini, m bá am dɔ kisa, na m fá takobe n bo i wo m nɔɔ nu kun lue ni minem bo bu yo sɔ ni.’

¹⁷ Sɔnɔ kɛɛ bo i koro ka i ti ahin jɔɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛɛ bo i di nasara, m má i mi diire n bo bu fere i ka *mana* * ni, na i wo fieewa nu ni. Na m káaki ma i mi yabue

fofoe be, ba kere duma fofore su, be koro si má duma n bo i wo su ni, má ka yiri n bo i de i ni si i a.”

Nɔ́anié n bo bu fa maari Kristo jama n bo i wo Tiyatira ni

¹⁸ Na wɔ se m ka, “Kere kadasi fa ma merere n bo i nie Kristo jama n bo i wo Tiyatira mie kpiri n nu ni, na a se bu ka, ‘Ahin nɔ́anié n fite mini Nyeme Wa n dɔ ɔ, mini bo m nyumbaa je ka sin fofoe, na m jaa gbagbaa kere boro ka jawii de su ni. ¹⁹ M si am sayoowam, m si kabo am la koro barasu, ni kabo am su m ni nahore su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jore bo m fa jaraki am la ka, am amɔ am nɔɔ ye am nie Yezebeli, bara n bo i yo i ɲu ka i ti Nyeme nɔ́anié kanfo ni. I kere m akoom wɔ na i daka bu, na bu suyo sakaraya, na i ma m minem di tie nie. ²¹ Ma se i ka i kaaki i wo na i yaki somaya ko ni, wɔ kete ka i kaaki má. ²² Nyini ti, m má i da tukpaki kekereke, na i ni minem bo bu yo sakaraya n dí wahara agaya, nzen ba kaaki má bu wo ayaki má sam bo bu ni yiri yo bu ni. ²³ Na m kún i nbaam, na Kristo jama asese n kere sí ka, mini fiiti si deke bo i wo sɔnɔ kere ahore su, ni i sunsunni nu. Na m fá sɔnɔ kere sayoowa to i kaari.

²⁴ Ama, amberé Tiyatirafom nbem bo am aka, na am su má i kereewa atin n su ni, amberé asɔnsɔn má deke bo nbem fere i ka Sitana asiri nu sa bambaka ni. M suse am wɔ lee, m só má am soori nɔnɔri buka má su. ²⁵ Ama, atin bo am bita i ni, am bita i kenken haari sangá bo m bá kaaki ba.

²⁶⁻²⁸ Sɔnɔ kere bo i di nasara na i yo m sa koroowa ko juuri awieeri, m má i yiko kabo m Si ama m yiko ni, na i nie daanfie daanfie kere su. Na i bita bu kekereke kabo nanƙasi fa bulaari koroma tu bo i naanim barasu ni, na i fufu bu kabo bu fufu yakatise barasu ni. Na m má i asaakojo.’ ²⁹ Sɔnɔ kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

3

Nɔ́anié n bo bu fa maari Kristo jama n bo i wo Saradisa ni

¹ Na wɔ se m ka, “Kere kadasi fa ma merere n bo i nie Kristo jama n bo i wo Saradisa mie kpiri n nu ni, na a se bu ka, ‘Ahin nɔ́anié n fite mini bo m la Nyeme awiewie busu nso n na m bita asarambaam nso m saa nu dɔ ɔ. M si am sayoowam, am wo ka am la ɲɔɔ, ama, am ti fuinm wɔ. ² Nyini ti, am yasu na am bita deke n bo am toko la i n kenken, má nyini, i wú wɔ. Dama ma ɲu ka am sayoowam n akpie su Nyeme dɔ. ³ Am tenge su, kabo am yo tiiri Nyeme nɔ́anié n na am deeri i ni, am kaaki am wo na am bita i, nzen am ayasu má, am si má sangá bo m bá ni, dama m bá fura am nu ka awiefɔ de su wɔ.

⁴ Ama, m la mine nbem bo bu wo Saradisa Kristo jama n nu, bo ba saaki má bu sutura ayo má bu fin, bu sayoowam nu. Bere bá wura tanlee fofoe na m ni bere sangá nati a, dama bu ti ye ni sɔ ɔ. ⁵ Sɔnɔ kere bo i di nasara, i wúra nyini tanlee fofoe n be sɔ ɔ. Na m yí má i mi duma fite má ɲɔɔ kadasi n nu, ama, m bá jina m Si ni i merékem nyunu, na m sé bu ka i ti m de sɔnɔ ɔ.’ ⁶ Sɔnɔ kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔ́anié n bo bu fa maari Kristo jama n bo i wo Filadelfiya ni

⁷ Na wɔ se m ka, “Kere kadasi fa ma merere n bo i nie Kristo jama n bo i wo Filadelfiya mie kpiri n nu ni, na a se bu ka, ‘Ahin nɔ́anié n fite mini bo m ti casi na m ti nahorefo, na m bita Feme Davidi kadombaa n bo i kere ka m la i de yiko n be wɔ, na nzen m tekeeri anɔ, be koro tu má i, na nzen m tuuri i gusu, be koro teke má i. ⁸ M si am sayoowam, am nie, ma teke anɔ ama am bo be wo má bere bo i koro

tu i. M si ka am la má fanḡa agaya, ama, haari ni nyini mmɔɔ, am fite má m sin, am toko bita m nɔaniɛ n ni nahɔrɛ wɔ. ⁹ Am yaki bo bu su Sitana n na bu yo bu ɲu ka bu ti Yudafoḡm ni, bu ti kɔrɛfoḡm wɔ, bu ti má Yudafoḡm ɲgba. M má bu ba kutu am nyunu na bu si ka m koro am. ¹⁰ Am ade m nɔaniɛ ni, na am amindi n dɛɛ ti, m yí am fite kekereke n bo Nyeme bá fa yo durunya n nufɔm kere na i niɛ ni.

¹¹ M cé má, m káaki ba kisa. Atin n bo am bita i ni, am bita i kenken na má be fin am ɲkatɔ ni. ¹² Sɔnɔ kere bo i di nasara, m fá i yo jantaraká Nyeme Sereebiri Awuru n nu na i wó nu dɔ sanḡa kere. Na m kéré Nyeme duma mata i, na m kéré Nyeme miɛ n duma, miɛ n bo i fite aḡgoro Nyeme dɔ na bu fere i ka Yerusalem fɔfɔrɛ, na m káaki kere m duma fɔfɔrɛ n gusu mata i mi ɲu.’ ¹³ Sɔnɔ kere bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni.”

Nɔaniɛ n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kere kadasi fa ma mɛrɛke n bo i niɛ Kristo jama n bo i wo Lawodikaya miɛ kpiri n nu ni, na a se bu ka, ‘Ahin nɔaniɛ n fite mini bo m ti Ami na m la dabuɲu, na m di daani ni nahɔrɛ su n dɔ ɔ. Mini ni Nyeme du mɔ yo woori bere a, ye ya yiiri deke n kere a. ¹⁵ M si am sayoowam, am ti má niniki, am kaaki ti má kekere, nzen má am ti niniki wara kekere, má m koro. ¹⁶ Ama, am ti bɔbɔrɔki n dɛɛ ti, m púuti am m nɔɔ nu butu. ¹⁷ Am ɲa am ti neḡgefɔm wɔ, deke be kpiɛ má am su, ama, am si má ka am la aḡunfɔ, na am si má ka am ti yaarifɔm, na am kaaki si má ka am ti anyinsinm, na am kaaki si má ka am nati am ɲuniɛ ɲgbɛɛn wɔ. ¹⁸ Nyini ti, m koro ka m tu am fɔ, na am bra m dɔ ba to sika kpa bo ba fa awura sin nu na wɔ fite casi ni, adena am yo neḡgefɔm nahɔrɛ su, na am ba to sutura fofoe m dɔ, na am fa kata am ɲu, na má mine ɲu ka am nati am ɲuniɛ ɲgbɛɛn na i la nyinɛ. Na am ba to anyumbaa ayiri m dɔ, na am fa wura am nyumbaa nu na am koro ɲu asi nyunyumi. ¹⁹ Bo m koro bu ni, bere ye m jaraki bu na m cin bu sui a, nyini ti, am boro am nyi na am kaaki am wo. ²⁰ Am ti fɛn, m jina sɔɔ aḡ n sin subobo, sɔnɔ kere bo i ti m konvi ɲga na i tekeeri aḡ ni, m bá wura i mi dɔ, na m ni yiri sánḡa di diire.

²¹ Sɔnɔ kere bo i di nasara, m má i atin na i bá tana m bi m femeya biɛ n su, kabo ma di nasara na m ni m Si sanḡa tana i femeya biɛ n su ni.’ ²² Sɔnɔ kere bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni.”

4

Kabo bu su Nyeme i femeya n nu barasu ni

¹ Nyini sin, na wɔ yo m ka alele dɛɛ su, na ma ɲu ka aḡ be ateke aḡgoro. Na ma ti akonvi ɲga ka awiɛ dɛɛ su sujɔɔ m dɔ, i ti akonvi n bo i du mɔ jɔjɔri m dɔ n wɔ. I ɲa, “Fun bra aḡgoro fɛn, na m kéré u sam bo bu bá yo ahin sin.”

² Jina nu n bere na Awiewiɛ Casi n aba awura m ɲu na ma ɲu ka femeya biɛ wo aḡgoro, be tana su. ³ Bo i tana femeya biɛ n su je piɛpiɛu kabo cɛncɛeri nbem je barasu wɔ, nbem je fofoe na nbem je kɔkɔrɛ, na i femeya biɛ ni, deke be je piɛpiɛu aḡgoro kabo nzue ba muna na ayi kpiɛ nu ni. ⁴ Femeya biɛ aburanyɔ ni nna nbem taka bara ye i femeya biɛ ni, na nkpienkpienm aburanyɔ ni nna tana biɛm su, bu wura tanlɛɛ fofoe na bu butu sika kere. ⁵ Na femeya biɛ ni sukɛɛ ka nzue dɛɛ su, na i sutiɛntiɛn, na i suyo naɲmiɛ. Fitana nso taka femeya biɛ n nyunu wo je su, bere la Nyeme awiewiɛ busu nsom ni. ⁶ Deke be gusu da femeya biɛ n nyunu ka nzue bambaka dɛɛ su, i nyunu da cain ka niɛnu wɔ.

Deke ɲgɔɔfɔ nna nbem gusu abara aye femeya biɛ ni, bu la anyumbaa beberebe, bu nyunu ni bu sin n kere. ⁷ Ciciri su dɛɛ n ti ka jara a, nnyɔ su n ti ka toora, nsan

su n nyunuawa ti ka adamande wɔ, na nna su n ti ka kajiri bo i sutu landi. ⁸ Bu kun kun kere la lan̄kpɛtɛ nsen nsen wɔ, bu la anyumbaam bu ɲuniembaa nu, ni bu ɲunie kere su. Na bu sudi jue kɔŋgɛ ni wiesu kere, ka,

“Casi, casi, casi la ya Mi Nyeme Feme Kpiri,
i yo woori bere, na i toko wo bere, na i bá wo bere san̄ga kere ni.”

⁹ Nzen bu nya sudi jue na bu fa kansu, ni jirima, ni anse ma yiri n bo i tana femeya bie n su ni, na i wo bere san̄ga bo i la má awieeri ni, ¹⁰ nyini san̄ga, a ɲu ka nkpien-kpienm aburanyɔ ni nna n sukutu i nyunu, na bu su i, yiri bo i wo bere na i la má awieeri na i tana femeya bie n su ni. Na bu yi bu kere, sufa se femeya bie n nyunu, na bu sudi jue, ka,

¹¹ “Ya Micera ni ya Nyeme, wɔɔ ti ye ni ka
a de kansu a, ni jirima, ni yiko.

Dama wɔɔ yiiri deke n kere a,
u koroyanu ye a maari deke n kere la ɲɔɔ a.”

5

Kadasi n ni Bombaa n jɔɔ

¹ Na ma ɲu ka kadasi nyanyaawa be wo yiri n bo i tana femeya bie n su n saa fombɔɔ n nu, kereewa wo i kunnu ni i sin kere su, ba fa wie mene amie amata i busu nso. ² Na ma ɲu Nyeme mereke fangafɔ be ka i subo ndoori fanga su ka, “Nma ti ye ni bo i koro cin ɲman̄gi wie mene n na i teke kadasi n a?”

³ Ama, angoro, ni asien̄gu, ni bo bu wo asien bu, be awo má bere bo i koro teke kadasi ni, na a ba kan ka i koro nie nu. ⁴ Be awo má bere bo i ti ye ni bo i koro teke kadasi ni, na a ba kan ka i koro nie nu n deɛ ti, na ma sun ni nyunvuin ɲgba. ⁵ Na nkpienkpienm n nu kun, ase m ka, “Má a sun. Nie fen, Feme Davidi anuma kpiri ni, bo bu fere i ka Yudafoɔm busu nu jara n adi nasara, i koro cin ɲman̄gi wie mene nso n na i teke kadasi ni.”

⁶ Na ma ɲu bombaa be, i ti ka ba kpie i kɔm wɔ, i jina femeya bie n afien. Deke ɲɔɔfɔ nnam, ni nkpienkpienm n abara aye i. I la mbie nso wɔ, i nyumbaa gusu ti nso wɔ. Bere la Nyeme awiewie busu nsom bo wɔ sunma bu durunya n kere nu ni.

⁷ Na wɔ kɔ yiri n bo i tana femeya bie n su n dɔ, na wɔ de kadasi n afite i saa fombɔɔ nu. ⁸ I kɔ deeru kadasi n ni, na deke ɲɔɔfɔ nnam, ni nkpienkpienm aburanyɔ ni nnam n akutu i nyunu. Bu kere la bieku, na bu kere bita sika ayaba bo wɔ yi ni ayiri kunkuunwa nvanvani ɲgumi wɔ. Ayiri kunkuunwa nvanvani n ti nyemesere bo Nyeme deɛ mine sere i wɔ. ⁹ Na ba di jue fɔfɔre ama yiri Bombaa n ka,

“Wɔɔ ti ye ni ka a de kadasi ni,
na a ɲman̄gi wie mene n a,

dama wɔɔ ye bu kpieeri u kɔm, ye a fa u mbunja ade minem tii aji a.

Adamande kere, ni daanfie kere, ni aniem kere,
ni asien barasu barasu kere bo bu wo durunya n nu ni,
bu nbem ayo Nyeme deɛ minem.

¹⁰ A fa bu ayo u femeya n nu minem,
na bu yo u sayoowa dɔŋguyofɔm,
na bu nie durunya n kere su.”

¹¹ Na ma nie an̄u Nyeme merekem beberebe, akpii akpii buru nɔ, ka, ba bara aye femeya bie ni, ni deke ɲɔɔfɔ nnam, ni nkpienkpienm ni. Na ma ti ka ¹² ba ye bu konvi su sudi jue, ka,

“Bombaa n bo bu yo kpieeri i kɔm ni,
yiri ti ye ni ka i de yiko a, ni neɲge, ni alecira, ni fanga,
ni jirima, ni kpiri, ni kansu a.”

¹³ Na ma ti ka deke kere bo bu wo angoro, ni asien gu, ni bo bu wo asien bu, ni bo bu wo nzue nu, ni deke kere bo Nyeme ayi bu, ka bu sudi jue, ka, “Yiri n bo i tana femeya bie n su n ni Bombaa ni, bere ti ye ni ka bu de kansa a, ni jirima, ni kpiri, ni yiko, sanga kere sanga.”

¹⁴ Na deke ngwofon nnam n ase ka, “Ami.”
Na nkpienkpienm n akutu asu Nyeme ni Bombaa ni.

6

Wie mene bo bu fa mata kadasi n jore

¹ Na ma nu ka Bombaa n aba acin anmanji wie mene nso n bo bu fa mataari kadasi n nu kun. Na ma ti deke ngwofon nnam n nu kun konvi nga, kabo nzue tientien barasu ni, ka, “Fite.”

² M nieeri na ma nu ka, kpongfo fofoe lee. Bo i fun i n bita taa ni awie, na ba butu i femeya kere, na wo ko ka luekunfo na i di nasara.

³ Na Bombaa n acin anmanji wie mene nnyo su ni, na ma ti ka deke ngwofon nnyo su ni suse ka, “Fite.”

⁴ Na kpongfo kokore afite, na ba ma i funfo n takobe tintiin, na ba ma i yiko ka i yi tanalaifie fite durunya n nu, na minem kun bu bengum.

⁵ Na Bombaa n acin anmanji wie mene nsan su ni, na ma ti ka deke ngwofon nsan su n suse ka, “Fite.”

M nieeri na ma nu ka, kpongfo biri lee. I funfo n bita deke bo bu bita sunsun diire ni i saa nu. ⁶ Na ma ti akonvi be nga deke ngwofon nnam n nu, i na, “Ngani ayaba ngboroko kun ti jumayofon lekun nkato o. Na abuwe ayaba ngboroko nsan ti jumayofon lekun nkato. Ama, ma am saaki nguin ni nzan ni.”

⁷ Na Bombaa n acin anmanji wie mene nna su ni, na ma ti ka deke ngwofon nna su n suse ka, “Fite.”

⁸ M nieeri na ma nu kpongfo nzuin faa, i funfo n duma la Yiwee, na bo bu fere i ka Yiweefon Woobiri n gusu su i su. Na Nyeme ama bu durunya kpaaki nu nna buekun yiko ka bu fa lue, ni aho, ni tukpaki, ni boro nengendore tiem, na bu kun bu.

⁹ Na Bombaa n acin anmanji wie mene nnu su ni, na ma nu minem awiewie Mikun yoowa yoobiri n bu, bere la minem bo bu yo kuunri bu fa ko bu Nyeme jore kaanwa, ni bu daani diiwa n dee ti. ¹⁰ Na bu sutien fanga su ka, “Ya Mi Nyeme Feme casi, nahorefon, een nzu ye a di minem bo bu yo kuunri ya n jore na a cin bu sui ma ya?”

¹¹ Na Nyeme awura bu kun kun kere sutura fofoe, na wo se bu ka, “Am yi am numi kaan ka, na bu ba kun am benggu akoom, ni am benggu Kristofon kere ko wie ka, kabo bu yo kuunri am barasu ni, na m di bu jore.”

¹² Na ma nu ka Bombaa n acin anmanji wie mene nsen su ni, na asien akpisi fanga su, na wie akaaki biri didiki ka nambiri numa, na sara n akaaki kokore ka mbunja dee su. ¹³ Na asarambaam afite angoro ati atoto kabo anuma ba kpisi damba baka na i poorim titi toto barasu ni. ¹⁴ Na angoro n kere anyanya kabo bu nyanya bie ni, na wo mini, na bukam, ni nzue nu lui bambakam kere ayasu bu tanaabiri. ¹⁵ Na durunya n nu nfemem, ni tereterefon, ni soja nkpienkpienm, ni nengefon, ni nfangafon, ni akoom, ni sono kere ako afie yabue ngbingbirim buem nu, ni yabue bambakam bu, bukam su. ¹⁶ Na ba se ka, “Ma bukam bereki go ya nu, na ma yabue ngbingbirim kata ya nu, ma i ti ye, adena ma sono n bo i tana femeya bie n su n nu ya, na ma Bombaa n gusu cin ya sui. ¹⁷ Dama een bo Nyeme ni Bombaa ni cin sono kere sui n aju, ye nma koro jina bu nyunu a?”

7

Yisarelifom mine akpii yaa ni akpii aburana ni nna n jɔre

¹ Nyini sin na ma ɲu merékem nna, ka bu jina durunya n awɔre nna n kere nu na bu kanda aɲuma, na má i kpie asien n su, ni tieku nu, wara i kpie gɔ baka su. ² Na ma ɲu meréke be ka i fite wiɛ afiri, i bita deke be bo Nyeme bo i wo bere sanɔa kere n fa se i minem nyaari. Na wo tien fanɔa su aɔɔɔ meréke nnam bo Nyeme ama bu yiko ka bu saaki asien n ni tieku n do, ³ na wo se bu ka, “Má am se ka am saaki asien n ni tieku n ni bakam ni, má ka ya ba ase Nyeme minem kere ɲuma su nyaari awie ka.”

⁴ Na wo kan minem bo ba se bu nyaari bu ɲuma su ni, na wo kere m bu no, bu kere ko yasuuɔ mine akpii yaa ni akpii aburana ni nna a, bu fite Yisarelifom dee busu n kere nu wo.

⁵ Yuda dee busu nufom ti mine akpii buru ni akpii nnyo bo ba se bu nyaari, na Ruben dee busu nufom ti mine akpii buru ni akpii nnyo, na Gadi dee busu nufom ti mine akpii buru ni akpii nnyo. ⁶ Na Aseri dee busu nufom ti mine akpii buru ni akpii nnyo, na Nafatali dee busu nufom ti mine akpii buru ni akpii nnyo, na Manase dee busu nufom ti mine akpii buru ni akpii nnyo. ⁷ Na Simeyon dee busu nufom ti mine akpii buru ni akpii nnyo, na Levi dee busu nufom ti mine akpii buru ni akpii nnyo. Na Izaki dee busu nufom ti akpii buru ni akpii nnyo. ⁸ Na Zabulon dee busu nufom ti mine akpii buru ni akpii nnyo, na Yosefu dee busu nufom ti mine akpii buru ni akpii nnyo, na Benjamin dee busu nufom ti mine akpii buru ni akpii nnyo.

Jama beberebe bo ba nya tiide n jɔre

⁹ Nyini sin na ma ɲu jama beberebe, bu la má no, bu fite durunya asien n kere su, ni adamande kere nu, ni durunya daanfie n kere nu, ni durunya aniem kere nu, ka, bu jina yiri n bo i tana femeya bie n su n ni Bombaa n nyunu. Bu wura tanlee fofoe yorom, bu bita kpakpa nyawam bu saa nu. ¹⁰ Na ba bo afere fanɔa su ase ka, “Nyeme bo i tana femeya bie n su n ni Bombaa n ama ya nya ya tii a.”

¹¹ Na merékem n kere ajina abara aye femeya bie, ni nkpienkpienm, ni deke ɲɔɔfo nnam ni, na ba dada bu nyunu su asiɛnɔ Nyeme bo i tana femeya bie n su n nyunu, na ba su i. ¹² Na bu suse ka, “Ami. Kansi, ni kpiri, ni alecira, ni anse, ni jirima, ni yiko, ni fanɔa ti ya Nyeme dee wo sanɔa kere sanɔa. Ami.”

¹³ Na nkpienkpienm n nu kun abisa m ka, “Nmam ye a ɲu ka bu wura tanlee fofoe yorom n a, ye bu fite ni wo?”

¹⁴ Na ma se i ka, “M mibiɛ, wɔɔ si a, mini si má.” Na wo se m ka, “Bere ti minem bo ba fite anyumboro kekereke nu n a, bere ye ba ɲmisi bu sutura Bombaa ni mbunja n nu ayo bu fofoe n a.

¹⁵ Nyini dee ti, ye bu jina Nyeme Sereebiri Awuru n nu, i femeya bie n nyunu ye bu su i kɔngue ni wiesu n a, na Nyeme bo i tana i femeya bie n su n wo bu do na i yo bu kanda.

¹⁶ Ahɔe ni nzuehɔe tí má bu kun ceen be, wiɛ bó má bu, na i kekere gusu wúra má bu.

¹⁷ Dama Bombaa n bo i wo femeya bie n afien ni yo bu sasafɔ a, na yiri fá bu ko bura nzue bo i tie na i ma ɲɔɔ bo i la má awieeri n a.

Na Nyeme núnuka bu nyunvuin kere bu nyunu.”

8

Wie mēne nso su n jore

¹ Saŋga bo Bōmbaa n cin ŋmaŋgiiri wie mēne nso su n ni, na deke kere ato amuna aŋgoro n nu, haari miti aburasan.

² Na ma ŋu mereke nsom bo bu jina Nyeme nyunu ni, na ba fa awie fitaawa nso ama bu.

³ Na ma ŋu mereke nyiŋga ka i bita sika ayaba, bo bu fa ayiri kunkuunwa nvanvani go nu na bu kunkun i ni, na wo ko ajina Mikun n yoowa yoobiri n bi. Na ba ma i ayiri kunkuunwa nvanvani beberebe ka i fa buka Nyeme minem nyemesere su, na i fa kunkun Mikun yoowa yoobiri n bo bu fa sika mata su, na i wo femeya bie n nyunu ni. ⁴ Na ayiri kunkuunwa nvanvani n ŋmisini n ni Nyeme minem nyemesere n ayasu mereke n saa nu afun ako Nyeme nyunu. ⁵ Na mereke n ayi sin Mikun n yoowa yoobiri n su, na wo fa awura ayaba n nu, na wo yi, na wo fa atu asandi durunya n nu. Na nzue sukpara sutientien, na i sujeje, na i sukpekpese, na asien n akpisi.

Awie nso n bo bu kan i n jore

⁶ Na mereke nsom n bo bu bita awie fitaawam n asese bu ŋu su ka bu kan awiem ni.

⁷ Na mereke n bo i du mo n akan i dee awie ni. Na nzue yabue, ni sin, saŋga ni mbunja ato durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mone kere.

⁸ Na mereke n bo i to su nnyo su n akan i awie ni, na deke be, i ti ka buka bambaka wo, ye wo so sin su a, na ba fa i atu tieku n nu, na tieku n kpaaki nu nsan buekun akaaki mbunja. ⁹ Na deke ngoofo m kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

¹⁰ Na mereke n bo i to su nsan su n akan i awie ni, na asarambaa bambaka bo i je sin ka wura sin afite aŋgoro aba ato kunmam ni nzuetim bo bu wo durunya n nu kpaaki nu nsan buekun nu. ¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dee ti, na minem dongu bo bu nuuri nyini nzue n awu.

¹² Na mereke n bo i to su nna su n akan i awie ni, na deke be aba ato wie, ni sara, ni asarambaam kere kpaaki nu nsan buekun su asaaki bu, na ba kaaki biri tum. Wiesu ni kongue n kpaaki nu nsan buekun, ayo ma wein.

¹³ Na ma nie, na ma ŋu ka kajiri be sulaandi tu aŋgoro, na ma ti kabo i tien barasu ni, i ŋa, "Oi, keto, keto, keto wo sono kere bo i wo durunya n nu n ŋu, kabo mereke nsanm bo ba ka n koro ka bu kan bu awiem ni, na bu tiiri."

9

¹ Na mereke nnu su n akan i awie ni, na ma ŋu ka asarambaa be afite aŋgoro n aba ato asienŋu. Na ba ma i kadombaa ka i teke kunma n bo i ko ngongo na i la ma awieeri ni. ² Na wo teke nyini kunma n ni. I tekeeri i ni, na ŋmisini afite kunma n nu, i ti ka sin bambaka torowa ŋmisini wo. Na ŋmisini n bo i fite kunma n nu n ama wie ni aŋgoro n kere asi biri didiki. ³ Na lalom afite ŋmisini n nu asandi ade asien n su, na Nyeme ama bu yiko, ka bundaanim dee su. ⁴ Na wo se bu ka ma bu di wura ni diire mbaa wara bakam, ama, bu kan minem n bo bu la ma Nyeme anyari seewa bu ŋuma su ni. ⁵ Wo ma ma bu yiko ka bu kun minem wo, ama, bu kere bu wahara sara nnu. Wahara ni ti kabo bundaani kan sono na i yo ya n wo. ⁶ Nyini saŋga ni, adamande sun kpini yiwee busu na bu wu, ama, bu ya ma i.

⁷ Lalom n ti ka kongom bo ba cici bu ka bu ko lue dee su wo, deke be wo bu tii su, ka sika kere dee su, na bu nyunuawa ti ka adamande dee su. ⁸ Bu ndore ti tintiin

kabo bara bo i la tiinmie tintiin ti n wɔ, na bu jee ti ka jara dɛɛ. ⁹ Deke be kata bu hoe su pɛpɛrɛpɛ ka bulaari dɛɛ su, na bu lan̄kpetem suyo nan̄mie kabo kpɔŋgɔm ni bu torokum n beberebe sun̄mati kɔ lue na bu yo nan̄mie n wɔ. ¹⁰ Bu lɔ, bo bu fa kan n ti ka bundaani dɛɛ su wɔ. Bu la yiko bu lɔ n nu, bo bu fa kere mine wahara sara nnu. ¹¹ Bu fɛmɛ n la mɛrɛkɛ n bo i niɛ kunma ŋgɔŋgo n bo i la má awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² Tɔ. Ciciri su dɛɛ ahoresaaki n asin, nnyɔ wo sin suba.

¹³ Na mɛrɛkɛ nsen su n akan i awie n na ma ti akonvi be ŋga ka i fite Mikun yoowa yoobiri n bue nna n kɛrɛ, ba fa sika amata su na i wo Nyɛmɛ nyunu ni. ¹⁴ Na akonvi n ajojo mɛrɛkɛ nsen su n bo i bita awie n dɔ, i ŋa, “Kɔ mɛrɛkɛ nnam bo bu wo kunma kpiri n bo bu fere i ka, Yufarati n dɔ, na a nyan̄gi bu ji.”

¹⁵ Na wɔ nyan̄gi mɛrɛkɛ nnam bo ba du mɔ akpa bu ŋu an̄minda nyini cɛɛn n gbingbin na bu kun mine bo bu wo durunya n nu kpaaki nu nsan buekun ni. ¹⁶ Na ma ti kabo bu sojam bo bu fun kpɔŋgɔ nɔ ti, bu nɔ kɔ yasuuri akpii akpii busu yaa nnyɔ ɔ.

¹⁷ Deke n bo i yo m ka alele ni, m ŋuuri kpɔŋgɔm, ni bo bu fun bu ni, ka bulaari pɛpɛrɛpɛ be kata bu hoe su, nbem boro kɔkɔrɛ ka sin wɔ, na nbem ti biri ka bura nzue, na nbem ti ka ndɛrɛ nzue, kpɔŋgɔm tii dika ti ka jara tii wɔ. Na sin, ni ŋmisini, ni ferewita sufite bu nɔɔ nu. ¹⁸ Ahin deke kekereke nsanm ni kuunri mine n bo bu wo durunya n nu kpaaki nu nsan buekun n a, bɛrɛ la sin, ni ŋmisini, ni ferewita n bo i fite bu nɔɔ nu ni. ¹⁹ Dama kpɔŋgɔm n yiko kɛrɛ wo bu nɔɔ, ni bu lom nu wɔ. Bu lom ti ka woom wɔ, bu la atiim, ye bu fa kere mine wahara a.

²⁰ Minem bo ahin wahara n akun má bu na bu kaari ni, ba kaaki má bu wo, ba yaki má amɔɛm su, ni dekem bo ba fa sikam, ni jetem, ni jawiim, ni yabuɛm, ni bakam ayo bu ka bu amɔɛm, nyini dekem koro ŋu má asi, na bu koro ti má asui, na bu koro nati má ni, ba yaki má bu su. ²¹ Ba kaaki má bu wo fa kɔ kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu wɔ awie ni.

10

Mɛrɛkɛ ni kadasi kaan n jɔrɛ

¹ Na ma ŋu mɛrɛkɛ fangafɔ be bekun ka i fite an̄goro sujura ba. Na yinyingu akata i ŋu ka tani dɛɛ su. Na ayi bo i kpie an̄goro n abara aye i tii, i nyunu ti ka wie wɔ, na i jaam ti ka sin taferema. ² I bita kadasi kaan be i saa nu, i ti tekeewa a. Na wɔ fa i jaa fɔmbɔrɔ atien tieku n su, na wɔ fa i jaa bie atien asien n su. ³ Na wɔ tien fanga su kabo jara ŋuundi ni, na nzue tiɛɛnwa nso n abɔ i nu. ⁴ Nzue n tiɛɛnri kpe nso ni, má m ŋa m kɛrɛ wɔ, na ma ti akonvi be ŋga an̄goro. I ŋa, “Má a kɛrɛ jɔjɔwa n bo nzue tiɛɛnwa nso n ase ni. Má a kan kere be.”

⁵ Na mɛrɛkɛ n bo m ŋuuri i ka i jina tieku n ni asien n su, n aye i saa fɔmbɔrɔ su akere an̄goro, ⁶ na wɔ tan Nyɛmɛ bo i la ŋgɔɔ na i wo bɛrɛ san̄ga kɛrɛ ni, yiri bo i yiiri an̄goro, ni asien, ni tieku, ni deke kɛrɛ bo bu wo nu ni, na wɔ se ka, “Nyɛmɛ ŋminda má kun. ⁷ Ama, san̄ga n bo mɛrɛkɛ nso su n ba sukan i awie n ye Nyɛmɛ asiri nu jɔrɛ ni yó yiiwa, kabo i yo seeri i akɔɔm bo bu ti i nɔɔnie kanfɔm ni.”

⁸ Na akonvi n bo i jɔjɔri m dɔ an̄goro n nu n ajojo m dɔ bekun, i ŋa, “Kɔ de kadasi kaan n bo wɔ teke na i wo mɛrɛkɛ n bo i jina tieku n ni asien n su n saa nu.”

⁹ Na ma kɔ mɛrɛkɛ n dɔ, na ma se i ka, “Fa kadasi kaan n ma m.” Na wɔ se m ka, “De na a kpɛsɛ i, i yó u nɔɔ nu mamari ka wie wɔ, ama, i to u kunnu, i yó wiwi wɔ.”

¹⁰ Na ma de kadasi kaan n mɛrɛkɛ n dɔ, na ma kpɛsɛ i. I ti mamari m nɔɔ nu ka wie wɔ, m miiri na wɔ yo wiwi m kunnu. ¹¹ Na wɔ se m ka, “Kaaki jɔjɔ sam bo Nyɛmɛ ase ka bu bá tu mine barasu dɔŋgu, ni daanfɛ barasu dɔŋgu, ni nfɛmɛm dɔŋgu.”

11

Daanidifo nnyom jɔre

¹ Na ba fa deke be bo bu bita sunsun ama m, i ti ka kpama a, na ba se m ka, “Kɔ sunsun Nyeme Sereebiri Awuru n ni Mikun n yoowa yoobiri ni, na a kan minem bo bu wo nu dɔ su Nyeme ni. ² Ama, má a sunsun awɔre n bo i bara yeeri Nyeme Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su má Nyeme ni, na bu náti saaki Nyeme mie casi ni, sara aburana ni nnyɔ afien. ³ M súnma m daanidifo nnyom ni, na bu fá bɔtɔ kara ka tani dɛɛ su, bo i kere ka bu wo ahoresaaki nu, na bu kán m nɔanie n kere minem, nyini cɛɛn akpii kun ni yaa nnyɔ ni aburasen n nu.”

⁴ Daanidifo nnyom ni, bere la nɔguimbaa baka nnyom, ni fitana takaabiri nnyom bo bu jina Nyeme bo i dɛɛ la asien nyunu ni. ⁵ Sɔnɔ kere bo i koro ka i yo bu sa be, sin fite bu nɔɔ nu ba yara bu kpɔfɔm. Nyini ti, nzen be ɲa i yo bu sa be, kabo i ti ye ni ka i wu lɛɛ. ⁶ Bu la yiko bo bu koro kanda nzue aɲgoro na má nzue tɔ, saɲga bo bu wo Nyeme nɔanie n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alɔɔba tɔ durunya n nu, saɲga kere bo bu koro.

⁷ Nzen bu ba diiri bu daani kaanri Nyeme jɔre n wieeri, na boro nenɲendɔre n bo i fite kunma n bo i kɔ nɲonɲo na i la má awieeri ni kún lue ni bere, na i kúnma bu, na i kún bu. ⁸ Na bu fuin ká da mie bambaka n atin afien. Nyini mie n nufɔm sayoowa ti tie wɔ, nyini ti ye bu fa bu sunsun Sodomfɔm wara Ijipitifɔm n a. Nyini mie n nu ye minem kpamaari bu Mibie baka jaanu n su n a. ⁹ Bu fuin ni ká da bere lesan ni wie sin, na minem, ni daanfiem, ni aniem, ni asienm kere bo bu wo durunya n nu, bu nu nbem sín na bu nie bu, na bu dú má su na be se bu. ¹⁰ Bu yiwee n dɛɛ ti, durunya n nufɔm síri taari, na bu gó agɔre, na bu cé bu benɲum aceerim, dama nyini Nyeme nɔanie kanfɔ nnyom bo ba wu n akere bu kere wuwuruwa.

¹¹ Lesan ni wie sin n dɛɛ sin, na Nyeme ayi i ɲumi bo i ma nɲɔɔ n agɔ bu ɲu, na ba yasus ajina, na sere ati sɔnɔ kere bo bu ɲuuri bu ni. ¹² Na bere Nyeme nɔanie kanfɔ nnyom n ati akonvi bambaka be ka i jɔjɔ aɲgoro nu, i ɲa, “Am fun bra aɲgoro fen.” Na ba wura yinyingɲu n nu akɔ aɲgoro, bu kpɔfɔm jina sunie bu. ¹³ Jina n nu bere na asien akpisi faɲga su, na mie bambaka n kpaaki nu buru buekun afufu, na wɔ kun mine akpii nso, na sere ati minem bo bu kaari ni, na bu sukansi Nyeme bo i wo aɲgoro ni.

¹⁴ Tɔ. Na nnyɔ su dɛɛ ahoresaaki n gusu asin, bo i tɔ su nsan su ni suba kisa.

Awie nso su n jɔre

¹⁵ Na mereke nso su n akan i awie ni, na akonvim atien faɲga su aɲgoro n nu, bu ɲa,

“Durunya n nu femeya kere faɲga ti ya Micera
ni Kristo Tiidefɔ n dɛɛ wɔ.
I dɛɛ femeya ni wó bere saɲga kere a.”

¹⁶ Na nkpienkpien aburanyɔ ni nnam n bo bu tana bu femeya biem su Nyeme nyunu n ada bu nyunu su asienɲu na bu subo tuntun Nyeme. ¹⁷ Bu ɲa,
“Ya Mi Nyeme Kpiri bo a la má aɲusu ni,
wɔrɔ bo a wo bere na a yo woori bere ni,
ya da u asi, dama a de u yiko bambaka n
ye a sunie durunya n kere su a.

¹⁸ Durunya n nufɔm kere afa yaa,
ye saɲga aju bo u gusu ahore ayasu,
na a dí minem bo ba wu n jɔre.

Na saɲga n akaaki aju bo a tó u akɔɔm ɲkato,

berε bo bu ti Nyemε nɔanie kanfɔm ni,
ni u minem kerε bo bu su u ni,
nfanɔafɔm ni tarakam kerε.

Ye sanɔa n akaaki aju bo a sáaki berε n bo bu saaki durunya ni.”

¹⁹ Na Nyemε Sereebiri Awuru n bo i wo anɔoro n ateke, na ma ŋu Nyemε alaka n bo i kereeri ka wɔ fa sεsε su adi i di n ka i wo dɔ, na nzue sukpsεε na i sutientien, na i suyo nanmiε, na asien sukpisi, na nzue yabue ŋbɔngbiri sutɔtɔ.

12

Bara ni Sitana n dεε jɔrε

¹ Na alekutura sa be ayo anɔoro dɔ. Bara be awo dɔ, wɔ fa wiε akara ka tani dεε su, na sara gusu awo i jaa bu, asarambaa buru ni nnyɔ butu i tii ka femεya kere dεε su. ² I bita akunnu, na baawu yaari afa i na i subo awie.

³ Na alekutura sa be gusu ayo anɔoro dɔ, m ŋuuri woo tie kɔkɔrε bambaka be, i tii ti nso wɔ, na i la mbiε buru, femεya kere nso butu atii nso kun kun n kerε su.

⁴ Na wɔ fa i lɔ abaandi asarambaam kpaaki nu nsan buekun aji asiεngu. Na wɔ ba ajina bara n nyunu, adena i wuuri baa n na i kaba fa baa n mi. ⁵ Na bara n awu baabiesɔ, bo i bá niε daanfie daanfem kerε su, na i bita bu kekereke kabo nanɔkasi fa bulaari kɔrɔma tu bo i naanim barasu ni. Na ba fa baa n akɔ yiri Nyemε ni, i femεya tanaabiri n dɔ. ⁶ Na bara n anmati akɔ boro kpantain awɔrε be nu, bo Nyemε asεsε i su ama i na bu suniε i dika haari kɔ ju cεen akpii kun ni yaa nnyɔ ni aburasen.

⁷ Tɔ, na Nyemε merεke Mikali ni i jamam, ni woo tie ni i dεε jamam sukun lue ni bu benɔu anɔoro. ⁸⁻⁹ Ama, na Mikali ni i dεε jamam n akunma woo tie n ni i dεε jamam ni, na ba fɔn bu afite anɔoro, ba nya má woobiri dɔ kun. Na ba fa woo tie bambaka n ni i dεε jamam n kerε aji asiεngu. Yiri ti dada dεε woo tie n a, yiri la Sitana, bu kaaki fere i ka Dadakafo, yiri dadaka durunya n nufɔm kerε n a.

¹⁰ Na ma ti akonvi bambaka be ŋga ka i sutien fanɔa su anɔoro. I ŋa,
“Kisa, ya ŋu kabo ya Nyemε n la fanɔa na i de i minem tii ji,
na i di i femεya ni.

Kisa, ye Kristo Tiidefo n akere i yiko a,
dama ba fɔn ayi Sitana anɔoro aji durunya n nu fen,
yiri bo i ti saakifo na i jina Nyemε nyunu
na i jaraki ya ninbaam kɔngue ni wiesu ni.

¹¹ Bombaa n dεε mbunja, ni bu daani diiwa
ye bu fa kunmaari i a,

ba soro má bu yiwee,
bu soroori su wɔ, ka bu wu.

¹² Nyini ti, anɔoro ni amberε kerε
bo am wo anɔoro ni,

am ma am ahore jɔ,
dama Sitana la má am fanɔa kun.

Ama, ahoresaaki bá tɔ asien n ni tieku n su,
dama Sitana ajura am dɔ.

Yaa ti i agaya,
dama i si ka i sanɔa sunnu má kun.”

¹³ Sanɔa bo woo tie n ŋu ka ba yi i anɔoro aji asiεngu ni, na wɔ nya ŋmati afɔn bara n bo i wuuri baabiesɔ n ka i tara i. ¹⁴ Ama, na Nyemε ama bara n kajiri bambaka lanɔkpete nnyɔ, adena i tu kɔ boro kpantain n awɔrε n bo wɔ sεsε su ama i ni, na i niε i dika afɔ nsan ni kpaaki nu, na má woo tie n tu i. ¹⁵ Na woo tie n apuuti nzue afite i nɔɔ nu ka wɔmbu nzue dεε su, na má i sɔ bara n kɔ. ¹⁶ Ama, na asien n ade

bara n aji, i kpaaki nu nnyo o, na nzue n bo i songi fiteeri woo tie n noo nu n awura asien bu, nyini ti, nzue n atu má bara ni. ¹⁷ Woo tie n atu má bara n dee ti, na yaa ati i agaya, na wo kaaki ka i ko kun lue ni bara n busu nufom, bo ba de Nyeme noanie maawam n na bu di daani ni Yesu labari kpa n ni. ¹⁸ Na woo tie n ako ajina tieku n noo su.

13

Boro nengendore nnyom jore

¹ Na ma nu boro nengendore be ka i sufite tieku n nu, i la atii nso wo, na i mbie ti buru, mbie n kere butu femeya kere, ye duma kerewa be bo i kpie Nyeme nzuko n wo atii kun kun n kere su. ² Boro nengendore n bo m nuuri i n ti ka awoba a, ama, i jaa ti bambaka, na i la fanga, na i noo ti ka jara dee. Woo tie n afa i dee yiko, ni i femeya, ni i fanga afa ama i. ³ Na ma nu ka ba kpie boro nengendore n kun tii, i ti ka ba kpie i kom wo, ama, kani n awie, na wo yo durunya n nufom kere alekutura na bu susu i su. ⁴ Na bu kere sukutu na bu su woo tie ni, dama wo fa i yiko ama boro nengendore ni, na bu sukutu na bu su boro nengendore n gusu, na bu suse ka, “Nma ti ka boro nengendore n a? Nma ni yiri koro kun lue na i kunma i a?”

⁵ Na ba ma boro nengendore n atin ka i jajo kpiri koroya jajori, na i jajo wura Nyeme ngasi nu, na ba ma i atin ka i la yiko haari sara aburana ni nnyo. ⁶ Na i jajo sukpie Nyeme nzuko, na i susaaki i duma ni i dika ni, ni bo bu wo Nyeme dika n nu angoro n kere. ⁷ Na wo nya yiko ka i kun lue ni Nyeme minem na i kunma bu, na wo kaaki anya yiko na i nie adamande kere, ni daanfie kere, ni aniem kere, ni asien barasu kere bo bu wo durunya n nu. ⁸ Minem kere bo bu wo durunya n nu ni su i wo, ma ka minem n bo ba du mo akere bu duma ago ngoo kadasi n nu, na durunya n boori i bu ni. Kadasi n ti Bombaa n bo ba kpie i kom n dee wo.

⁹ Sono kere bo i koro ka i ti ahin jore n bu, i ti ye ni ka i mi so i sui na i ti.

¹⁰ “Sono kere bo Nyeme ase ka bu wura i dansaraka,

bu wura i wo,

na sono kere bo Nyeme ase ka bu kun i ni takobe,

bu kun i wo.”

Nyini dee ti, i ti ye ni ka Nyeme minem fa sawore ni mindi ni yarada na bu fa su Nyeme.

¹¹ Na ma nu boro nengendore n be bekun ka i fite asien n nu, i la mbiem nnyo, bu ti kabo Bombaa dee ti n wo, ama, i jajo kabo woo tie n jajo n wo. ¹² I jina bumboori dee boro nengendore n jinaabiri wo, na i la i yiko n kere, na i sumie durunya n nufom kere ka bu su bumboori dee boro nengendore bo ba kpie i tii ni, i ti ka ba kpie i kom wo, ama, kani n awie. ¹³ Na boro nengendore nnyo su n ayo alekutura sam beberebe, na i ma sin fiteeri angoro ba toori asienngu wo, na minem anu i. ¹⁴ Alekutura sam n bo i nya yiko yoori bu bumboori dee boro nengendore n nyunu n dee ti, na wo dadaka durunya n nufom. Na wo se bu ka bu ta amoe na i ferema ni boro nengendore n bo bu faari takobe fondoori i ni, ama, i toko la ngoo. ¹⁵ Na boro nengendore nnyo su n anya atin, na wo ma amoe numi, na wo nya ngoo na i koro jajo na i koro kun minem kere bo ba kete ka bu su ma i ni. ¹⁶ Na i sumie mine barasu kere, nfangafom ni tarakam, nengefom ni jaarifom, minem bo ba de bu tii, ni akoom, na wo ma ba se bu nyaari bu saa fomboro wara bu numa su. ¹⁷ Sono kere bo i la ma nyini nyaari seewa n be, koro to ma deke be na i kaaki koro to ma deke be gusu, dama nyini nyaari seewa n ti boro nengendore n duma, wara i duma lamba.

¹⁸ Sono koro si ma boro nengendore lamba n bu, ma ka i mi la alecira, i ti adamande duma a. I lamba n ti yaa nsen ni aburasen ni nsen wo.

14

Bombaa n ni minem bo wɔ de bu tii aji n jɔre

¹ Na ma niɛ aɲu Bombaa n ka i jina Siyon Buka n su. Mine akpii yaa ni akpii aburana ni nnam wo i dɔ. Bɛrɛ ye ba kɛrɛ Bombaa n ni i Si Nyɛmɛ duma ago bu ɲuma su n a. ² Na ma ti ka mine nbem sudi jue aɲgoro, i yo naɲmie kabo nzue songi na i yo naɲmie n wɔ, na i yo kabo nzue tientien na i yo naɲmie ni, na i sun kabo bu bo biɛku na i sun barasu ni. ³ Na mine akpii yaa ni akpii aburana ni nnam n jina femɛya biɛ n nyunu, ni nenɛge ɲɔɔfo nnam ni, ni nkpienkpienm n nyunu, na bu sudi jue fɔfɔrɛ. Be wo má bɛrɛ bo i koro sɔnsɔn i, má ka bɛrɛ ɲgumi bo Nyɛmɛ ade bu afite durunya n nufɔm n nu ni. ⁴ Bɛrɛ la minem n bo bu ni bara be ada má, na bu ti casi ni. Bɛrɛ la bo deke kɛrɛ bo Bombaa n kɔ na bu su i su ni. Bɛrɛ ye Nyɛmɛ ade bu tii aji afite durunya n nufɔm nu n a, na ba yo i ni Bombaa n dɛɛ ciciri su minem. ⁵ Kɔrɛ be mmɔɔ wo má bu nɔɔ nu. Na bu kaaki la má ɲgasi be.

Mɛrɛkɛ nsanm jɔrɛ

⁶ Na ma ɲu mɛrɛkɛ be bekun ka i wo tu su aɲgoro, na i sukan labari kpa n bo i la má awieeri n jɔrɛ kɛrɛ adamande kɛrɛ, ni daanfɛ kɛrɛ, ni aniem kɛrɛ, ni asien barasu kɛrɛ bo bu wo durunya n nu ni. ⁷ Na mɛrɛkɛ n aye i konvi su atien faɲga su agaya ase ka, “Am soro Nyɛmɛ na am wura i kpiri, dama saɲga n aju bo i dí minem jɔrɛ. Am su Nyɛmɛ bo i yiiri aɲgoro ni asien, ni tieku ni nzue ni.”

⁸ Na mɛrɛkɛ nnyɔ su n afite asu ciciri dɛɛ n su, na i suse ka, “Wɔ kpaasi, Babilɔn mie kpiri n akpaasi, yiri bo i maari durunya n nufɔm kɛrɛ nuuri i nzan n na bu yoori sa ɲgbɛɛnɲgbɛɛn ni.”

⁹ Na mɛrɛkɛ nsan su n afite ago ciciri dɛɛm su. Na i sujɔɔ faɲga su suse ka, “Sɔnɔ kɛrɛ bo i suuri boro nenɛgendɔrɛ n ni i amɔɛ ni, na wɔ se bu ɲuma su wara bu saa fɔmbɔrɔ su n nyaari, ¹⁰ Nyɛmɛ fá yaa bu ɲu, na i cín bu sui agaya, na i má sin ni ferewita tɔ bu ɲu na bu dí wahara agaya, i mɛrɛkɛ casim n ni Bombaa n nyunu. ¹¹ Na ɲmisini sufite nyini sin n bo i kɛrɛ bu wahara n nu kɔ aɲgoro saɲga kɛrɛ, i la má awieeri. Minem kɛrɛ bo bu suuri boro nenɛgendɔrɛ n ni i amɔɛ n na wɔ se bu nyaari ni, bu nya má ɲumiyi, kɔɲɲue ni wiesu kɛrɛ.”

¹² Nyini ti, i ti ye ni ka Nyɛmɛ minem la mindi, bɛrɛ bo bu de i nɔanie maawam ni, na bu bita bu yarada n kenken fa kɔ Yesu dɔ ni.

¹³ Na ma ti ka akonvi be sujɔɔ aɲgoro suse m ka m kɛrɛ ka, “Terefɛ wo minem n bo bu suuri Mibiɛ n na bu wuuri n dɔ fite kisa fa kɔ.”

Na Nyɛmɛ Awiewie Casi n asoro su ka, “I ti nahɔrɛ wɔ, bo ba wu ni, bu yí bu ɲumi, bu ɲkato ye bu sudi i n a, dama bu sakpayo su bu su a.”

Kabo Nyɛmɛ dí durunya n nufɔm kɛrɛ jɔrɛ ni

¹⁴ Na ma niɛ aɲu yinyiɲgu fɔfoe be aɲgoro n su, be tana su, i ferema ni adamande wɔ, i butu sika femɛya kɛrɛ, i bita gɔrɔku nana i saa nu. ¹⁵ Na Nyɛmɛ mɛrɛkɛ n be bekun afite Nyɛmɛ Sereebiri Awuru bo i wo aɲgoro n nu, na i sutien faɲga su suse yiri n bo i tana yinyiɲgu n su ka, “Durunya n nu alembaa n abi, fa u gɔrɔku n fa wura nu na a kpiɛ i, dama saɲga n a ju.” ¹⁶ Na yiri n bo i tana yinyiɲgu n su n afa i gɔrɔku n ada awura durunya n nu na wɔ kpiɛ alembaa ni.

¹⁷ Na mɛrɛkɛ n be bekun afite Nyɛmɛ Sereebiri Awuru bo i wo aɲgoro n nu, i gusu bita gɔrɔku nana be.

¹⁸ Na mɛrɛkɛ n be bekun bo i niɛ sin su afite Mikun yoowa yoobiri n dika, na wɔ tien faɲga su ase nyini mɛrɛkɛ n bo i bita gɔrɔku n ka, “Fa u gɔrɔku n fa kpiɛ durunya n nu baka suuwam gɔ, dama baka suuwa n aboro.”

¹⁹ Na mɛrɛkɛ n afa i gɔrɔku n ada awura durunya n nu akpiɛ baka suuwam n kɛrɛ atien bu nɔɔ ago kunma bambaka n bo bu miɛmiɛ yiiri baka suuwa nzue n nu ni.

Nyini kere kabo Nyeme ahorembaa ayasu na i cin minem sui. ²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asonggi afite kunma n nu. Nzen kpoggo wura nu, na i ko se ka wo dodo ngonggo dika, i tii nyaari ngumi ko ka. I tintiin gusu waari agaya.

15

Merékem bo bu bita awieeri su kekereke ayaba nsom jore

¹ Na ma nu alekutura sa bambaka be angoro, ka Nyeme meréke nso nbem bita kekereke barasu nso n bo bu ti awieeri su dee ni. Nyini kekereke n dee sin, Nyeme fá má yaa kun.

² Na ma nu deke be, i ti ka nzue bambaka a, i je ka nieenu wo, wo sangga ni sin. Na ma nu minem bo ba kunma boro nengendore n ni, ba ko ayaki i ni i amoe n ni i duma lamba. Bu jina tieku n bo i je ka nieenu n su, bu bita biékum n bo Nyeme afa ama bu ni. ³ Na ba di Nyeme akoo Moyisi ni Bombaa n dee jue, ka,
“Ya Mi Nyeme Feme Kpiri,

woro ti adamande kere feme durunya n nu a.

U sayoowa ti bambaka na i ti alekutura.

U sayoowa kere ko atin su wo, na i ti nahore.

⁴ Micera, nma wo bere bo i soro má u a,
na i wura má u kpiri a?

Dama woro ngumi ti casi a.

Adamande kere bo bu wo durunya n nu,

bu ba kutu u na bu kansu u,

dama u nahore sam n afite fofoe nu.”

⁵ Nyini sin, na ma nu Casi Kere Casi Soo n bo i wo Nyeme Sereebiri Nambue n nu, na i wo angoro n ka bu suteke i. ⁶ Na meréke nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su. ⁷ Na deke ngoofo nnam nu kun, afa sika ayabam n nso afa ama Nyeme meréke nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ngoo na i la má awieeri n afa yaa agaya. ⁸ Na Nyeme yiko ni i jirima woowa n ama Nyeme Sereebiri Awuru n ayi ni nmisini, bo be akoro awura má awuru n nu, fa ko ju sangga bo meréke nsom fa kekereke nsom n fa jiiri durunya n nu n ko wieeri.

16

Ayabam bo bu kere ka Nyeme afa yaa n jore

¹ Na ma ti akonvi bambaka be nga Nyeme Sereebiri Awuru n nu, i sujogo meréke nsom do, i na, “Am ko na am ko kaaki Nyeme ahore yasu ayaba nsom n go durunya n nu.”

² Na meréke ciciri su n ako akaaki i ayaba n ago durunya n nu, na kani tiem, bo bu yo ya agaya, akpie minem bo bu la boro nengendore n nyaari seewa n na bu su i amoe n ni.

³ Na meréke nnyo su n akaaki i ayaba n ago tieku nzue n nu, na tieku nzue n akaaki ka sono bo wo wu mbunja. Na deke ngoofo kere bo bu wo tieku n nu awu.

⁴ Na meréke nsan su n akaaki i ayaba n ago kunmam nzue ni buram nzue nu, na i kere akaaki mbunja. ⁵ Na ma ti ka meréke n bo i nie nzue n su n ase ka,

“Nyeme, woro ti casi a,

woro bo a wo bere na a yo woori bere ni,

kabo a cin minem sui so ni,

u sayoowa ako atin su.

⁶ Dama ba kun u dee minem, ni u noanie kanfom

na bu mbunja afite,
ye u gusu ama bu nzuem n akaaki mbunja na bu nu.
I ti ye ni ka a yo bu so o.”

⁷ Na ma ti akonvi be nga ka i fite Mikun yoowa yoobiri n bi, i na,
“Ya Mi Nyeme Feme Kpiri,

kabo a di bu jore ni, i ti nahore wo, na i ko atin su.”

⁸ Na merere nna su n akaaki i ayaba, n ago wie n nu, na Nyeme ama i kekere agaya suyara minem ka sin dee su. ⁹ Na sin n kekere ayara minem, na ba kpie Nyeme nzuko, yiri bo i la yiko na i ma bu di nyini wahara ni, na ba kete ka bu kaaki ma bu wo na bu ma i jirima.

¹⁰ Na merere nnu su n akaaki i ayaba n ago boro nengendore n femeya bie n su, na i femeya asien n kere asi biri didiki. Na minem sukan bu saa, yaari n ti. ¹¹ Kambue n ni yaari n bo i wo bu nu n dee ti, ye bu sukpie Nyeme bo i wo angoro ni nzuko a, haari ni nyini mmoo, ba kaaki ma bu wo na bu yaki bu satie ni.

¹² Na merere nsen su n akaaki i ayaba n ago kunma kpiri n bo bu fere i ka Yufarati n su, na nzue n kere anu, na wo kpie atin ama nfemem bo bu fite wie afiri ni. ¹³ Na ma nu awiewie tie nsan nbem, bu ti ka pontirim wo, kun sufite woo tie n noo nu, kun sufite boro nengendore n noo nu, na kun gusu sufite sono bo wo yi i nu ka i ti Nyeme noanie kanfo n noo nu. ¹⁴ Bu ti Sitana dee awiewie barasu nbem wo, na bu suyo alekutura sam, na bu ko durunya n nu nfemem kere do ko tien bu noo, na bu cici lue nminda ya Mi Nyeme Feme Kpiri n jina ceen.

¹⁵ Ya Mi Nyeme na o, “Am ti fen, m ba ni yo am fura nu ka awiefo dee su wo, terefie wo sono kere bo i nminda fa ko m ba n dee su, i fa ma i nu ti ma, na i wura i sutura, adena ma i nati i bu ngbeen, na ma mine nu i, na nyinse ti i.”

¹⁶ Na Sitana awiewiem n atien nfemem noo dika n bo bu fere i Hiburu anie nu ka, *Amagedon* n ni.

¹⁷ Na merere nso su n akaaki i ayaba n ago anuma n nu. Na akonvi bambaka be ajojo afite femeya bie n nu, Nyeme Sereebiri Awuru n nu, i na, “Wo yo awie.”

¹⁸ Na nzue sukpekpese, na i sutientien, na i suyo nanmie, na asien sukpisi fanga su. Kabo Nyeme yiiri adamande ni, be nya nu ma nyini asien kpisiwa n nusu so. ¹⁹ Na mie kpiri n ati nu nsan, na miem kere bo bu wo durunya n nu n atoto, dama Nyeme atenge Babilon mie kpiri n jore su, nyini ti ye wo fa yaa i nu, sucin i sui n a. ²⁰ Na lui bambakam kere bo bu da nzue afien, ni bukam kere amini. ²¹ Na nzue yabuem sutoto minem nu, i kun kun nonoori la nma. Na minem sukpie Nyeme nzuko, dama nzue yabue n bo i toto ni sukere bu wahara agaya.

17

Bara sakara n jore

¹ Na Nyeme merere nsom n nu kun, bo i bita ayaba nsom n nu kun, aba m do, aba ase m ka, “Bra fen, na m kere u kabo Nyeme cin bara sakara tie n sui ni, yiri bo i tana kunma nzue beberebem n su ni. ² Yiri ye durunya n nu nfemem akpini i afa ayo bu soma, na wo fa i sakaraya asa durunya n nufom kere, na bu gusu akpini i afa ayo bu soma.”

³ Na Awiewie Casi n dee yiko nu, na merere n afa m ako boro kpantain nu. Na ma nu bara be ka i tana boro nengendore kokore be su, dama kerewa nbem bo bu kpie Nyeme nzuko n wo boro nengendore n nunie kere su. I la atii nso, na i mbie ti buru. ⁴ Bara n adi sunguruya anyonyondi i nu, i wura sutura kokore nyunyumi, na wo wura i kom, ni i saam, ni i suim jorokom, ni lalankundim, ni afere nyunyumim, ni sikam, ni afere fofiem bo bu la go agaya. I bita sika kopu i saa nu, wo yi ni dangba ni i sayoowa ngbeenngbeen n wo. ⁵ Ba kere i asiri nu duma i numa su, nyini duma

n bu la ka, Babilon miɛ kpiri, bo i ti sakaram kere ni, na i kaaki ti saa ngbɛɛnngbɛɛn yofɔm kere bo bu wo durunya n nu n ni. ⁶ Na ma ɲu ka bara n anu Nyeme minem mbunja abo, ni minem bo bu di Yesu daani n dɛɛ ti na ba kun bu ni gusu mbunja abo.

M ɲuuri i sɔ ni, na wɔ yo m alekutura. ⁷ Na mɛrɛkɛ n abisa m ka, “Nzu ti ye a ma wɔ yo u alekutura? M kɛrɛ u asiri nu jɔrɛ bo i wo bɛrɛ fa kɔ bara n ni boro nɛngɛndɔrɛ n bo bara n tana su, na i la atii nso ni mbiɛm buru ni. ⁸ Boro nɛngɛndɔrɛ n bo a ɲuuri i ni, ti deke bo i yo woori bɛrɛ wɔ, ama, kisa i wo mǎ bɛrɛ kun. Wɔ ka kaan na i fite kunma ngoŋgo n bo i la mǎ awieeri n nu, na i kɔ di wahara na i kǎ ngbɛɛn. Na durunya n nufɔm bo bu dama wo mǎ ngɔɔ kadasi n nu, fite sanɲa bo Nyeme nya yi mǎ durunya ni, bu ba ɲuuri i, i yɔ bu alekutura, dama i yo woori bɛrɛ, ye kisa, i wo mǎ bɛrɛ kun, na i bǎ kaaki ba cɛɛn be.

⁹ Nyini dɛɛ ti, sɔnɔ kere fa i alecira ni sunsunni na i ti ahin jɔrɛ n bu. Boro nɛngɛndɔrɛ n tii nso n ti buka nso bo bara n afun atana su wɔ. Bu gusu kaaki ti nfɛmɛm nso wɔ. ¹⁰ Bu nu nnu akpaasi, nsen su n toko wo bɛrɛ, nso su n nya ba mǎ, ama, i ba baari, i cɛ mǎ, i fɛmɛya ni kpǎasi wɔ. ¹¹ Boro nɛngɛndɔrɛ n bo i yo woori bɛrɛ, ama, kisa i wo mǎ bɛrɛ kun ni, yiri ti fɛmɛ n bo i buka su mɔcɛ su n a, ama, i ti nfɛmɛ nsom nu kun wɔ, na i kɔ di wahara na i kǎ ngbɛɛn.

¹² Mbiɛ burum bo a ɲuuri bu n ti nfɛmɛ burum bo bu nya di mǎ fɛmɛya, ama, bu nyǎ yiko na bu dí fɛmɛ buka boro nɛngɛndɔrɛ n su sanɲa kaan sɔ. ¹³ Nyini nfɛmɛ burum n yɔ bu nɔɔkun, na bu fá bu fanɲa ni bu yiko kere na bu fá ma boro nɛngɛndɔrɛ ni. ¹⁴ Bu kún lue ni Nyeme Bɔmbaa ni, ama, i ni i minem ni kúnma bu, dama yiri ti mibiɛm kere Mibiɛ, na i ti nfɛmɛm kere Fɛmɛ. I minem bo bu wo i dɔ n la bo wɔ fere bu ni, ni bo wɔ yi bu na bu jina i sin nahɔrɛ su ni.”

¹⁵ Na mɛrɛkɛ n ase m ka, “Kunmam nzue n bo a ɲuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni daanfɛ kere wɔ lɛɛ. ¹⁶ Mbiɛ burum bo a ɲuuri bu ni, ni boro nɛngɛndɔrɛ ni, bu bǎ kpɔ bara sakara ni, bu dé i nɛngɛ kere na i kǎ i bu ngbɛɛn, na bu dí i ɲuniɛmbaa kere, na bu yǎra bo wɔ ka n sin. ¹⁷ Dama Nyeme maari bu yoori kabo i koro a. I maari bu yoori bu nɔɔkun na bu fa bu fɛmɛya n kere buka boro nɛngɛndɔrɛ, na i dí fɛmɛya n kɔ ju sanɲa bo Nyeme nɔaniɛ ni bǎ yo yiiwa ni.

¹⁸ Bara n bo a ɲuuri i n la miɛ kpiri n bo i ti durunya n nu nfɛmɛm kere tii n a.”

18

Kabo Babilon miɛ kpiri n kpaasi barasu ni

¹ Nyini sin, na ma kaaki aɲu mɛrɛkɛ be ka i fite aɲgoro sujura, i la yiko agaya, na i woowa n ata wein abara aye durunya n kere. ² Na wɔ ye i konvi su atien fanɲa su ka,

“Wɔ kpaasi. Babilon miɛ kpiri n akpaasi.

Wɔ kaaki awiewie tiɛm, ni ajinim,

ni deke ngbɛɛnngbɛɛnm,

ni anuma tiɛm woobiri wɔ.

³ Dama durunya n nufɔm kere nuuri i nzan ye bu kɔori somaya yiri dɔ a.

Na durunya n nu nfɛmɛm kere kɔ kpiniiri yiri yoori bu soma.

Na kabo i la ajɛkɛ na i koro tara mǎ i ɲu ni,

durunya n nu watafɔm gusu nya bu ajɛkɛ fite i dɔ ɔ.”

⁴ Na ma kaaki ati akonvi be ɲga bekun, ka i sujɔɲo aɲgoro n nu, i ɲa,

“M minem, am fite miɛ n nu,

na mǎ am yo bu satie yoowa n be,

na má wahara n bo i suba bu dɔ n tu am.

⁵ Dama miɛ n nufɔm satie yoowa n aju Nyeme dɔ angoro,
na i wara koro fi má bu satie yoowa n sa.

⁶ Sam bo bara n yoori bu ni, yo i gusu sɔ,
tɔ i kaari i ηusu nnyɔ.

Ma i ηu kekereke tara kabo i yo ma minem ηuuri kekereke ni.

⁷ Kabo i yo wuraari i ηu kpiri na i diiri i tii barasu ni,
kere i kekereke na i ahore gusu saaki sɔ.

Dama i ηa, ‘Ma di femɛ, m ti má kunafɔ,
m ahore sáaki má cɛɛn be.’

⁸ Nyini dɛɛ ti, lekun ye kekereke bá tɔ i ηu a.
Yiri la tukpaki, ni ahoresaaki, ni ahɔɛ.

Na sin yára i,

dama Micera Nyeme n bo i cin i sui n la yiko agaya.”

⁹ Na durunya n nu nfemem bo bu kɔ kpiniiri i na bu ni yiri diiri bu tii ni, bu ηu kabo sin je i, na bu ηu kabo ηmisini yasu kɔ angoro barasu, na bu sún, na bu bó awie. ¹⁰ Kekereke n bo wɔ tu i n dɛɛ ti, i ma bu sere wɔ, na bu jina dede, na bu nya suse ka,

“Keto, keto, am niɛ ahin miɛ bambaka ni.

Babilɔn bo i ti miɛ kpiri n lɛɛ

ye ba kaba acin i sui, ye i kere aka ηgbɛɛn,

anyumbaa kata ni i teke n nu bere n a.”

¹¹ Na watafɔm bo bu wo durunya n nu ni susun, na bu sukoko miɛ ni, dama be to má bu gɔori n kun. ¹² Be to má bu sika, ni jete, ni afere barasu nbem bo bu yo nyumi na bu la gɔ ni. Be to má bu suturam barasu barasu bo bu yo nyumi na bu la gɔ ni. Be to má bu bakam bo bu fa yo bie kpakpam ni, ni bu ayaba barasu kere bo bu fa sui jee yo bu ni, ni deke kere bo bu fa baka fa sense bu, ni deke kere bo bu fa jawii bulaari, ni yabue fa yo bu na bu la gɔ agaya. ¹³ Be kaaki to má bu toro nenge barasum bo bu la nvanvani, ni ayiri kunkuunwa nvanvani, ni baka nyunvuin nvanvanifo, ni nzan, ni ηguin, ni kpɔnɔ samene, ni diire, ni naanim, ni nbɔem, ni kpɔηgɔm, ni kpɔηgɔ torokum, ni akɔɔm, ni domuɛm. ¹⁴ Na watafɔm n ase i ka,

“Dekem bo a yo koro bu agaya n kere

anmati ayaki u,

u ajekem, ni u nenge kpakpam kere bo a la bu

akɔ ayaki u,

a nyá má i be kun.”

¹⁵ Watafɔm bo bu yoori nengefɔm nyini miɛ n dɛɛ ti ni, bu kó jina dede wɔ, dama sere ti bu fa kɔ kekereke n bo wɔ tɔ miɛ n nu ni, na bu ahore saaki agaya na bu sun.

¹⁶ Na bu se ka,

“Keto, keto, am niɛ ahin miɛ bambaka ni.

I yo kara sutura barasu barasu nyunyumi,

na i la sika jɔrɔkɔm,

ni aferem barasu barasu

bo bu yo nyumi na bu la gɔ agaya ni.

¹⁷ Nyini nenge n kere akaba aka ηgbɛɛn,

anyumbaa kata ni i teke n nu bere n a.”

Na lee bambaka kanfɔm, ni leefɔm, ni lee wurafɔm, ni bo bu juma nati tieku nzue n su n kere akɔ ajina dede. ¹⁸ Na bu jina niɛ kabo miɛ ni suje sin barasu na ηmisini yasu kɔ angoro ni, na bu bo awie se ka, “Miɛ bɔnɔ wo bere bo i ju ahin miɛ bambaka n a?”

19 Na bu susasa tuturi gɔ bu tii su na bu kere ka bu ahore asaaki agaya, na bu susun, na bu suse ka,

“Keto, keto, am niε ahin miε bambaka n ni.

Dama minem kere bo bu la lee bambakam na bu juma nati tieku nzue n su n nya bu nenjem fite nyini miε n dεε ajεke n nu wɔ.

Ye wɔ kaba aka ηgbεen,

anyumbaa kata ni i teke n nu bere n a.

20 Ambere bo am wo angoro nu,

ni Nyeme minem, ni Yesu jaramasam, ni Nyeme noanie kanfom,

am ma am ahore jo

fa ko kabo miε kpiri n aka ηgbεen barasu bere ni,

dama Nyeme subisa i noo nu ma am a.”

21 Na Nyeme mereke fanfafɔ be n afa yabue bambaka, na wɔ fa atu aji tieku nzue n nu, na wɔ se ka,

“So ye Nyeme fa Babilon miε kpiri n

fa ji wuum a,

na i busu be ba ηu ma.

22 Be ti ma deke be nga miε n nu kun,

i biεku kanfo o, i jue difo o, i tere kanfo o, ni awie kanfom.

Na jumayofɔ barasu be mmoo gusu wo ma miε n nu kun,

be ti ma ngani san yabue be nga miε n nu kun.

23 Na fitana haari kun n kpein

je ma miε n nu cεen be na be ηu i.

Be ti ma konya ni konyafan kuyigindi nga miε n nu kun,

dama watafom bo bu yo wo nyini miε n nu

yo ti nfanfafom wɔ durunya n kere nu,

na miε nufom yo boboyaya sam dadaka durunya n nufom kere.

24 Nyeme acin miε n nufom sui a,

dama bere yo kuunri Nyeme minem, ni i noanie kanfom n a,

ni minem kere bo ba kun bu durunya n nu ni, bere yiiri bu mbunja.”

19

1 Nyini sin, na ma ti akonvi be nga angoro, ka jama beberebe akonvi, bu ηa,

“Haleluya, ya kansi Nyeme,

ya Mi Nyeme n ama ya nya tiide a,

yiri ti kpiri ni yikofɔ a.

2 I di jore ni i atin su, ni nahore wɔ.

Wɔ di bara sakara n jore,

yiri bo i maari durunya n nufom kere kpini nbaram

na bu ko somaya

na bu yo sa ηgbεenηgbεenm kere,

na wɔ cin i sui, dama yiri yo kuunri Nyeme akoom n a.”

3 Na jama n bo bu wo angoro n akaaki aye bu konvi su atien ase ka,

“Haleluya.

Sin n bo i sudi miε ni ηmisini n suyasu sukɔ angoro

haari ni sanɔa bo i la ma awieeri.”

4 Na nkpienkpien aburanyɔ ni nnam, ni deke ηgoofɔ nnam sukutu sukansi Nyeme bo i tana femeya bie n su ni, na bu se ka,

“Ami. Haleluya.”

Nyeme Bombaa n konyaya jore ni

⁵ Na akonvi be afite femeya biε n nu, i ηa,
 “Ambere Nyeme akoom kere,
 tarakam ni nfangafom,
 bo am soro Nyeme ni,
 am kere kansi i duma.”

⁶ Na ma ti akonvi be nanmie ηga, i ti ka jama beberebe suyo nanmie wo, na i yo nanmie, kabo nzue songi na i yo nanmie ni, na i kaaki ti kabo nzue tientien na i yo nanmie ni, i ηa,
 “Haleluya,
 Ya Mi Nyeme Feme Kpiri n
 adi i femeya n kisa.

⁷ Am ma ya ahore jo na ya yo ya kunnu koroowa,
 na ya wura i kpiri,
 dama sanja n aju bo Bombaa ni ja i konya ni,
 konya n gusu asese i ηu su anminda i.

⁸ Nyeme ama i sutura casi fofoe papasi ka i fa kara.”
 Sutura fofoe papasi n la Nyeme minem sakpa yoowam ni.

⁹ Na mereke n ase m ka m kere ka, “Terefie wo minem bo Bombaa n abaandi bu ka bu ba di konyaya diire n be i do.”

Na wo kaaki ase ka, “Ahin noanie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka ma m yo so, ama, m kansi Nyeme ηgumi. Na wo kaaki ase m ka, “M ti u benggu akoo, ni u ninbaam bo bu di Yesu daani kere mine n be wo.” Jore n kere bo Nyeme noanie kanfom kaanri i ni, bu diiri ahin Yesu n daani wo.

Sono n bo i fun kpoggo fofoe n jore

¹¹ Na ma ηu ka angoro ateke, kpennga na ma ηu kpoggo fofoe be, bu fere bo i tana su n duma ka, Bo i la Dabunu ni Nahorefo, i di minem jore kabo i ti ye ni ka i di bu nahore su wo, na i kun i lue ni nahore su. ¹² I nyumbaa kere je ka sin fofoe, na i butu femeya kere beberebe i tii su. Duma kerewa be mata i, be si ma nyini duma ni, ma ka yiri ηgumi si a. ¹³ I wura sutura yorom barasu be bo ba fa i awura mbunja nu, na bu fere sono n duma ka Nyeme Noanie. ¹⁴ Na Nyeme sojam bo bu wo angoro n fun kpoggo fofoe su i su, bu wura sutura casi fofoe papasi. ¹⁵ Takobe nana bo i fa kunma durunya n nufom wo i noo nu, na i bita bu kekereke kabo nanjasi fa bulaari koroma tu bo i naanim barasu ni, na i tientien bu su kabo bu fa baka suuwa go kunma nu na bu miemie yi i nzue ni, dama Micera Nyeme Kpiri n afa yaa agaya. ¹⁶ Ba kere i duma i sutura n su, ni i jaa soowa su ka, “Nfemem kere Feme ni miemie kere Mibie.”

¹⁷ Na ma ηu mereke be ka i jina wie n su, na wo ye i konvi su atien fanga su ase anumam kere bo bu tu angoro na bu di nie n ka, “Am bra na am ba tien am noo na am di ahin diire beberebe n bo Nyeme sufa ma am ni, ¹⁸ am ba di nfemem ηuniembaa, ni sojam nkpiem ηuniembaa, ni nfangafom ηuniembaa, ni kpoggo nie, ni minem bo bu fun kpoggom n ηuniembaa, ni adamande barasu kere ηuniembaa, bo bu ti akoom ni bo ba de bu tii, ni bo bu ti mine ngbingbirim, ni bo bu ti mine kan kanm ni.”

¹⁹ Na ma ηu boro nengendore n ni durunya n nu nfemem, ni bu sojam, ka, ba tien bu noo acici na bu kun lue ni yiri n bo i tana kpoggo fofoe n su ni, ni i jama nbaam.

²⁰ Na ba tara boro nengendore n ni korefo n bo i yo i ηu ka i kan Nyeme noanie ni. Yiri yo yoori alekutura sam boro nengendore n nyunu, na wo dadaka minem bo bu deeru boro nengendore n anyaari seewa na ba su i amoe ni. Na ba fa boro nengendore n ni korefo n ni bu ηgoo aji sin n nu, bo i je ka ferewita na i da ka tieku ni. ²¹ Minem bo bu kaari ni, na yiri n bo i tana kpoggo n su n afa takobe n bo i wo i noo nu n akun bu kere. Na anumam kere adi nie na bu kunnu ayi.

20

Kabo bu nyi Sitana afo akpii kun n jore

¹ Na ma nu merere be ka i fite angoro suba, i bita deke nbem i saa nu, kun la kadombaa bo i tu kunma ngonngo bo i la ma awieeri ni, na kun gusu la joroko bambaka fangafobe. ²⁻³ Na wo tara woo tie ni, dada dee woo tie n bo i ti Sitana ni, na bu kaaki fere i ka Dadakafobe ni, na wo fa joroko n acici i, na wo fa i atu kunma ngonngo n bo i la ma awieeri n nu, ka i wo do haari afo akpii, na wo tu kunma n ano ni, na wo ta akata su, na ma i koro fite na i dadaka durunya n nufom bekun, ama, i wo do haari afo akpii n ba ju. Nyini sin, na bu nyangi i ji kaan.

⁴ Na ma nu femeya biem, Nyeme ama bo bu tana sum n atin ka bu di minem jore. Na ma kaaki anu bere bo bu yo wuuri Yesu ti ni. Mine yo kpieri bu tii a, dama bu yo kaanri Nyeme jore na ba di Yesu daani n dee ti. Bere keteeri ka bu su ma boro nengendore n ni i amoe n a, bere la bo bu kaaki keteeri ka bu de ma i nyaari seewa bu numa wara bu saa su n a, ye ba tenge bu yiwee n nu anya ngoo, na bu ni Kristo Tiidefo n sangha di femeya afo akpii. ⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge ma haari ko ju afo akpii n awieeri. ⁶ Bere n bo bu du mo tengeeri bu yiwee nu ni, na bu ti mine casim n ni, terefie wo bu do, bere nu ma yiwee nnyo su n kun, bere yo Nyeme ni Kristo Tiidefo sayoowa danguyofom a. Na bu ni yiri sangha di femeya n afo akpii.

Kabo Nyeme kunmaari Sitana ni

⁷ Afo akpii n nyaari ko juuri, na Nyeme ma bu yi Sitana n dansaraka soo n nu ji. ⁸ Na i ko dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere noo na bu ko kun lue. Bu sunnu beberebe ka kunma emie wo. ⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i minem wo ni, ama, na sin afite angoro aba ayara bu. ¹⁰ Na ba fa Sitana n bo i dadaka bu n aji cema sin n nu, bo i je ka ferewita na i da ka tieku ni, deke bo bu faari boro nengendore n ni korefo n bo i yo i nu ka i kan Nyeme noanie n jiiri nu ni. Do na bu di wahara, kongue ni wiesu sangha kere.

Kabo Nyeme di minem jore awieeri su ni

¹¹ Na ma nu femeya bie bambaka fofoe be, ni bo i tana su ni. Na angoro ni asienngu kere amini i nyunu, bu wo ma bere kun. ¹² Na ma nu minem bo ba wu ni, nfangafom ni tarakam kere, ka bu jina femeya bie n nyunu. Na ma kaaki anu ka be suteke kadasim, na be gusu suteke kadasim bo i ti ngoo dee ni. Nyini kadasim ye bu fa diiri minem bo bu wuuri n jore a, bu sayoowa kere bo bu yo yoori wo nyini kadasim n nu. ¹³ Na tieku n aworo minem bo ba wu n ama, na Yiwee, ni Yiweefom Woobiri n aworo minem bo ba wu n ama, na Nyeme afa bu sayoowa bo bu yo yoori adi bu jore. ¹⁴ Na wo fa Yiwee, ni Yiweefom Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyo su n a. ¹⁵ Na ba fa sono kere bo i duma awo ma ngoo kadasim n nu aji sin ni.

21

Angoro ni asien fofore n jore

¹ Na ma nu angoro fofore ni asien fofore, dama angoro dawa n ni asien dawa n kere wo ma bere kun, na ma nu ka tieku nzue n gusu wo ma bere kun. ² Na ma nu mie casi ni, Yerusalem fofore n ka i fite Nyeme do angoro sujura ba asienngu, wo sese i nu su ka konya bo i sukoo ajaa. ³ Na ma ti akonvi bambaka be nga femeya bie n nu, i na,
 "Am nie fen, Nyeme woobiri wo adamandem do,

na i wó bu dɔ.
 Na i fá bu yo i minem.
 Yiri ni i tii wó bu dɔ na i yó bu Nyeme a.

⁴ Yiri núnuka bu nyunvuin kere bu nyumbaa nu a,
 yiwee wo má bere kun, ahoresaaki wó má bere kun,
 minem sún má kun, na minem dí má yaari kun,
 dama deke dawam kere asin.”

⁵ Na bo i tana femeya bie n su n ase ka, “Nie fen, m suyo deke kere fofore.” Na wo kaaki ase m ka, “Kere ahin noanie ni, dama i ti nahore wo, na i la dabuɔ.” ⁶ Na wo se m ka, “Wo yo awie, mini ti mofa a, na m kaaki ti kasinfo, mini ti deke kere bumboori ni i awieeri a. Sɔno kere bo nzuehoe tiiri i, m má i nu nzue n bo i ma ngoo ni, na i mi tó má kaari. ⁷ Sɔno kere bo i diiri nasara, m má i ahin aceerim ni, na m yó i Nyeme, na m fá i yo m wa. ⁸ Ama, serefom, ni minem bo ba yo má m yarada, ni dangba yofom, ni mine kunfom, ni nbara kpinifom, ni somaya kofom, ni bo bu di ayiri ngbeenngbeen, ni munzueyifom, ni amoe sufom, ni korefom kere, bu woobiri la cema sin n bo i je ka ferewita na i da ka tieku ni. Nyini yiwee ni ti yiwee nnyo su n a.”

Yerusalem fofore n jore

⁹ Na merere kun aba m dɔ, i ti merere nsom bo bu bita awieeri su dee kekereke ayaba nsom nu kun wo, na wo ba ase m ka, “Bra, na m kere u Bombaa n konya ni.”

¹⁰ Na Awiewie Casi n dee yiko nu, na merere n afa m ako buka bambaka n bo i ti lenlenge n tii su, na wo kere m Yerusalem mie kpiri n bo i ti casi ni, i fite Nyeme do angoro sujura ba. ¹¹ Na i je na i ta wein kabo Nyeme jirima woowa n ti ni, na i sujeje kokore ni sosofura nzue ka afere nyunyumi barasu be bo i da cain ka nieenu. ¹² Ba ta kobe bambaka bo i wo angoro abara aye mie ni, na i la anɔ buru ni nnyo, anɔm kere su la merere kun kun bo bu jina nminda. Ba kere Yisareli anɔ barasu buru ni nnyo n дума ago anɔ n kun kun kere su. ¹³ Kobe n bue nna n kere la anɔ nsan nsan, nsan wo wie afiiri, na nsan wo wie atoori, na nsan nsan wo gbeenngbeen bue nnyo n kere. ¹⁴ Mie n kobe n ajaari seewa yabue n ti buru ni nnyo ɔ, ye bu nya taari kobe n taka su. Ba kere Bombaa n jaramasa buru ni nnyom дума ago yabue n kun kun kere su.

¹⁵ Na merere n bo i jooori m dɔ n bita sika kara i saa nu, bo i fa sunsun nie kabo mie n ti bambaka barasu, ni kabo kobem n anɔm ti teterere barasu, na i kaaki sunsun nie kobe n angoro ti barasu. ¹⁶ Mie n ataari n ti ka soo langba dee su wo, i tintiin, ni i teterere kere se wo. Na merere n afa i sika kara sunsuunwa n asunsun mie ni, i tintiin su ti kilo akpii nnyo ni yaa nna wo, nyini ti, i tintiin, ni i teterere, ni i angoro kere se wo. ¹⁷ Na merere n asunsun kobe n gusu, kabo adamande bo ajaari ni, na i angoro ako ayasu ka ajaari boowa kun kun ko ju yaa ni aburana ni nna. ¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka nieenu, ata mie n ni i tii. ¹⁹ Yabue n bo bu fa seeri mie n kobe n ajaari n ti yabue barasu nyunyumi, na i kere busu wo i ngumi ngumi. I ti kabo Nyeme sayoowa donguyofa kpien n sana i tanlee su na i wo i hoe su ni. Bu fere bu ka jasapa, ni safiri, ni agata, ni emeradi, ²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti. ²¹ Bu faari afere fofoe nyunyumi barasu be fa yoori anɔ buru ni nnyom n a. Bu faari sika fa yoori mie n atin natiiwa kere a, na i da cain ka nieenu.

²² Ma nu má Nyeme Sereebiri Awuru be mie n nu, dama ya Mi Nyeme Feme Kpiri n ni Bombaa n ade Nyeme Sereebiri Awuru n jinaabiri a. ²³ Mie n koro má wie ni sara na bu ta wein ma i, dama Nyeme jirima woowa ni ti i wein a, na Bombaa n ti i fitana. ²⁴ Na durunya n nu adamande barasu kere sunati i wein nu wo, na durunya n nu nfemem fa bu ajeke kere ba wura nu. ²⁵ Mie n anɔ ni teke wo sanja kere, dama

ka kɔŋgue wo má dɔ. ²⁶ Na adamande barasu kere bo bu wo durunya n nu ni fá bu nenje kpakpam ni bu jirima na bu fá wura nu. ²⁷ Ama, deke kere bo i ti má casi wúra má mié n nu, ni minem bo bu su amɔem, ni minem bo bu bu kɔrem ni. Má ka minem bo bu duma wo Bɔmbaa ni ŋɔɔ kadasi n nu ni ŋgumi wúra nu a.

22

¹ Na mɛreke n akaaki akere m kunma nzue bo i ma ŋɔɔ, i da cain kabo niɛnu ti n wɔ, i songi fite Nyeme ni Bɔmbaa n femeya bie n nu wɔ, ² na i susongi mié n atin n afien ni. Kunma n bue nnyɔ n kere, baka n bo i ma ŋɔɔ n jinjina aheme. Na i susu suuwa barasu buru ni nnyɔ afɔ kere, sara kere ni i suuwa. Na bu sufa i nyawa n tuntun durunya n nu adamande kere tɔrem. ³ Deke bo Nyeme ayo i nɔɔ ŋgbɛɛn wó má mié n nu. Ama, Nyeme ni Bɔmbaa n femeya bie ni wó dɔ, na i akɔɔm n súsu i. ⁴ Bu ŋú i nyunuawa dika kabo i ti barasu, na i kére i duma gɔ bu ŋuma su. ⁵ Awosin wó má dɔ, be koro má fitana dɔ, na bu kaaki koro má wie dɔ, dama ya Mi Nyeme Feme ni i tii yó bu wein a. Na bu dí femeya bo i la má awieeri.

Kabo Yesu seeri ka i cé má, i káaki ba ni

⁶ Na mɛreke n akaaki ase m ka, “Ahin nɔaniem n ti nahɔre wɔ, na i ti deke bo sɔnɔ yo i yarada. Ya Mi Nyeme Feme bo i faari i Awiewie Casi n wuraari i nɔanié kanfɔm nu ni, yiri asunma i mɛreke n ka i ba se i akɔɔm fa kɔ sa bo i yó kisa bere n a.”

⁷ Ya Mibie Yesu ŋa, “Am so am sui. I cé má, m bá kisa. Terefie wo sɔnɔ kere bo i deeri nɔanié n bo i wo ahin kadasi n nu na i jɔjɔ fa kɔ sa bo i bá yo n ŋu.”

⁸ Mini Yohane tiiri, ye m ŋuuri ahin deke n kere, m tiiri na m ŋuuri i sɔ ni, na ma kutu mɛreke n bo i kereeri nyini dekem n jaa bu ka m su i. ⁹ Na wɔ se m ka, má m yo sɔ, ama, m kansi Nyeme ŋgumi. Na wɔ kaaki ase m ka, “M ti u beŋgu akɔɔ, ni u ninbaam bo bu ti Nyeme nɔanié kanfɔm, ni bo bu de nɔanié n bo i wo ahin kadasi n nu n be wɔ.” ¹⁰ Na wɔ kaaki ase m ka, má m se ka m fie nɔanié n bo i wo ahin kadasi n nu na i jɔjɔ fa kɔ sa bo i bá yo n su, dama i cé má, i kere yó kisa. ¹¹ I ŋa sɔnɔ kere bo i yo satie, ma i kɔ su yo i satie, sɔnɔ kere gusu bo i yo i dangba sa ni, ma i kɔ su yo i dangba sa ni, na sɔnɔ kere gusu bo i yo sakpa, ma i kɔ su yo i sakpa ni, na sɔnɔ kere gusu bo i ti casi, ma i kɔ su wo i casi wo.

¹² Ya Mibie Yesu ŋa, “Am so am sui. I cé má, m bá kisa, na m bá tɔ sɔnɔ kere kaari kabo i jumayoowa ti barasu. ¹³ Mini ti mɔfɔ a, na m kaaki ti kasinfo, mini ti deke kere bumboori ni i awieeri n a.”

¹⁴ Terefie wo minem bo ba ŋmisi bu suturam ayo casi n dɔ, adena bu koro nya atin di baka n bo i ma ŋɔɔ n deɛ suuwa ni, na bu fa mié n anɔ n wura mié n nu. ¹⁵ Ama, dangba yofɔm, ni bo bu di ayiri ŋgbɛɛnŋgbɛɛn, ni bara kpiniɔm, ni somaya kɔfɔm, ni mine kunfɔm, ni amɔe sufɔm, ni bo bu bu kɔre bu nɔanié jɔjɔɔwa ni bu sa yoori nu n kere koro wura má mié n nu.

¹⁶ “Mini Yesu asunma m mɛreke n ka i ba se am ahin jɔre n a, amɛre bo am wo Kristo jamam n nu ni. Mini ti Feme Davidi anuma a, na m ti asaakojo bo i ta ni.”

¹⁷ Awiewie Casi n ni konya n ŋa, “Bra.”

Sɔnɔ kere bo i ti ahin, ma i mi gusu se ka, “Bra.”

Na sɔnɔ kere bo nzuehɔe ati i,

na i koro ŋɔɔ nzue ni,

i bra na i ba de nu ŋgbɛɛn.

Awieeri su n jɔre

¹⁸ Mini Yohane subɔbɔ sɔnɔ kere bo i ti ahin kadasi n nu jɔre fa kɔ sa n bo i bá yo n lee, ka sɔnɔ kere bo i faari nɔanié be bukaari su, Nyeme fá kekereke n kere bo i wo ahin kadasi n nu n buka i mi su. ¹⁹ Na sɔnɔ kere gusu bo i yiiri nɔanié n bo i wo

ahin kadasi n nu n be, Nyeme yí i mi n aceeri na i nya má baka n bo i ma ngoo n dee suuwa n be, na i má i wura má mie casi n nu, kabo ba kere bu jore ahin kadasi n nu.

²⁰ Yiri n bo i di ahin jorem kere daani n ase ka, "Nahore. I cé má, m bá kisa."

Ma i yo so. Ya Mibie Yesu, bra. Ami.

²¹ Ma ya Mibie Yesu buka Nyeme minem kere. Ami.